







海王邨古籍丛刊

元人十種詩



元好问等著

中国书店

据涵芬楼本影印



元好问等著

•
中国书店出版

新华书店首都发行所发行 北京通县大中印刷厂印刷

•
850×1168 1/32 印张：29

1990年7月第1版 1990年7月第1次印刷

印数：0001 - 1100

ISBN 7-80568-113-9/I·27

定价：23.00元

《海王邨古籍叢刊》出版說明

中國古代的典籍文獻，是中華民族智慧的結晶、歷史的升華，充分表現了我國傳統文化的豐富內涵，可謂「汗牛充棟，浩如煙海」。近些年來，隨着古籍出版事業的繁榮發展，一些大型古籍叢書如「四庫全書」、「四部備要」、「四部叢刊」等陸續出版，為繼承和保護祖國傳統歷史文化起到了積極的作用。然而，僅僅幾部大型叢書，只能反映中國古籍的鳳羽麟角，並不能滿足對中國傳統文化研究和發展的需要。因此，為再現中國傳統文化的風采，提供更為豐富的歷史資料，滿足學術研究的需求，中國書店精選部分學術水平較高、版本流傳稀少、實用性較強的古籍圖書匯輯成《海王邨古籍叢刊》，影印出版。

《海王邨古籍叢刊》所遴選匯輯的古籍包括歷史典籍、考古論著、文學專集、法律匯典等各個方面圖書，範圍廣而博，內容鮮而優。其中少量古籍雖已收入其它叢書，但版本、校勘各異，並為廣大學者所急需，故仍匯輯在本叢刊之中。

本叢刊之所以稱為《海王邨古籍叢刊》源於北京琉璃廠文化街的歷史地名。

琉璃廠在遼代時是南京城（今北京）東門外郊垌的小村落，稱為「海王邨」。曾一度因修建起遼金時巨刹延壽寺而成爲繁榮之所。元代，這裏開始建立琉璃窯廠，「琉璃廠」便由

此得名，而「海王邨」漸漸被人們所遺忘；清康熙年以後，琉璃廠逐漸繁華，到乾隆年間發展成爲「九市精華萃一衢」的文化街。在長約兩里的街道上，集中了近百家經營古舊書刊、文房四寶、碑帖字書、金石篆刻、古玩珠寶、手工藝品等店鋪，鱗次櫛比，是中國傳統文化的縮影和櫥窗，被譽爲「中國博物館街」。

中國書店座落在琉璃廠文化街上，它在幾十年的歷程中收集保存了數以萬計的古舊書刊，其中有許多稀世罕見的善本古籍。我們出版的這部古籍叢刊，絕大部分是從中國書店收存的善本古籍中精選匯輯而成。爲恢復和發揚我國古舊書店的傳統經營風格，保持和突出北京琉璃廠的文化特色，乃將這部叢書定名爲「海王邨古籍叢刊」。

《海王邨古籍叢刊》是中國書店匯輯出版的第三部古籍叢書，它的出版將爲文化學術研究提供豐富的古籍資料，參考價值高，卷帙浩繁。我們將在諸方面的支持幫助下，努力尋求最佳版本，向廣大讀者奉獻出一部內容豐富、版本稀少、裝幀出色、宜於普及的古籍叢書，希望得到學術界、文化界的批評指正，爲繁榮文化學術事業做點微薄的貢獻。

中國書店

一九九〇年二月

元人十種詩序

夫詩以唐爲宗自宋蘇黃諸公一變
唐調別出格律南轅以後競趨道學
恒以義理入四聲本風人之旨遠矣
迨夫勝國之世雖以腥羶而主中華

元集

徐序一

其間修詞之士蜂起盡洗陳腐習氣
冲恬者師右丞襄陽濃麗者擬義山
用晦奇峭者邁長吉飛卿人操寸管
各成一家不失唐人矩矱後之評者
謂元詩直接唐響真千古不易之論



也然八九十年中善鳴者無慮數百

家其姓名則見於元音皇元風雅元
詩體要諸篇若求其全集奚啻龜鬚
兔角焉海虞友人毛君子晉博雅鏡
古凡人間所未見之書殫精摭索雲

元集

徐序二

間睂道人擬之縋海鑿山以求寶藏
誠然哉向於宋人詞調及金人選詩
咸付殺青近又取元人十種手自讐
訂布諸宇內如雲林子虛仲瑛伯雨
虛中南邨輩皆吳浙英靈抽毫掞藻

譬之雕陵蘊玉合浦孕珠其所產者
裕烏足稱奇至於天錫易之崛起窮
髮不毛之域乃能變侏僂之音流商
刻羽含英咀華駸駸闢作者之室豈
非奇渥溫氏帝天下而風會極一時

元集

徐序三

之盛歟然夷考其生平獨遺山一人
與雁門葛邏祿析擔圭爵而江南六
君子咸抗箕穎之節白衣黃冠弗爲
胡塵之所浣汚又不獨以詞華擅美
者矣子晉家富宛委之藏所收當不

止此此十種乃先行之予性癖耽書
亦喜蒐先代遺稿尚有元集五十餘
家不敢自祕帳中期與子晉公之同
好是則予之志也夫

崇禎戊寅長至閩郡徐煥書于吳門

元集

徐序四

之蓮華菴

遺山先生詩集目錄

卷第一

五言古詩

箕山

緱山置酒

同希顏再登箕山

光武臺

潁亭雨別

潁亭

遺山詩集

目錄

出京

元魯縣琴臺

潁水

雜著五首

古意二首

潁谷封人廟

贈答劉御史雲卿四首

送欽叔內翰并寄劉達卿郎中白文舉編

修五首

飲酒五首

後飲酒五首

德禪師清涼草堂

少林

劉曲龍潭

麥歎

北邙

龍門雜詩二首

豐山懷古

遺山詩集

目錄

乙酉六月十一日雨

示姪孫伯安

種松

虞鄉麻長官成趣園二首

雜詩四首

采杞

宿菊潭

觀浙江漲

卷第二

汲古閣

五言古詩

鶴雀崖北龍潭

五松平

阻雨張王簿草堂

贈答楊煥然

送詩人李正甫

萬化如大路

曉發石門渡湍水道中

放言

遺山詩集

目錄

李道人崧陽歸隱園

黃公廟

學東坡移居八首

歷下亭懷古分韻得南字

舜泉效達祖道州府君體

與張仲傑郎中論文

濟南廟中古僧同叔能賦

銅鞮大村道中

蕭齋并引

汲古閣

別李周卿三首

訓韓德華送歸之作

戊戌十月山陽雨夜二首

看山

九日讀書山用陶詩露寒暄風息氣清天

曠明爲韻賦十詩

留月軒

梨花海棠二首

卷第三

遺山詩集

目錄

五言古詩

趙古甫西園

臨汾李氏任運堂二首并序

題張左丞家范寬秋山橫幅

宿張靖田家

曲阜紀行十首

寶巖紀行

雁門道中書所見

岳祠齋宮夜宿

汲古閣

示程孫四首

九月初霖雨中感寒痺作

同白兄賦餅中玉簪

野史亭雨夜感興

哭延孫

贈舅

讀書山月夕二首

繼愚軒和党承旨雪詩四首

寄英禪師時任龍門寶應寺

遺山詩集

目錄

汲古閣

夢歸

郎文炳心遠齋二首

蕭寺僧歸橫軸

祁陽劉器之以墨竹得名今年春薄游鹿

泉因爲予寫真重以小景見餉凡以求

子詩而已賦二十韻答之

答王輔之

寄題沁州韓君錫耕讀軒

卷第四

七言古詩

虞坂行

畫馬爲邢將軍賦

秋獵

南溪

送郝講師任崇福宮

范寬秦川圖

赤壁圖

寄答溪南詩老辛愿敬之

遺山詩集

目錄

汲古閣

西園

愚軒爲趙宜之賦

雙峰競秀圖爲參政楊侍郎賦

西廡

二月十五日鶴

聞欽叔在華下

閭商卿還山中

女几山避兵送李長源歸關中

雪後招隣舍王贊子襄飲

半山亭招仲梁飲

鄧州城樓

宛丘歎

游黃華山

巨然松吟萬壑圖

密公寶章小集

荊棘中杏花

太白獨酌圖

松上幽人圖

遺山詩集

目錄

汲古閣

送張君美往南中

戲題新居二十韻

贈蕭鍊師公弼

送弋唐佐董彥寬南歸

蕭仲植長史齋

送宋省參并寄潞府諸人

覓神霄道士古銅爵

賦澤人郭唐臣所藏山谷洮石研

贈休糧張鍊師

天井關

讀書山雪中

題商孟卿家明皇合曲圖

過晉陽故城書事

卷第五

七言古詩

蟾池

贈答張教授仲文

高門關

遺山詩集

目錄

汲古閣

甲辰秋洛陽得黃葵子種之南菴明年夏

六月作花佛經所謂閻浮檀金明淨柔

軟令人愛樂者此花可以當之因爲賦

長韻子方以病止酒故卒章及之

馬嶺

雲峽

并序

雲巖

并序

劉遵筆

贈周良老

鴻溝全欽叔賦

雪中自洛陽還嵩山

祖唐臣愚菴

過井陘

北嶽

天涯山

智仲可月下彈琴圖

常山妹生四十月能搦管作字筆意開廓

有成人之量喜爲賦詩使洛誦之

遺山詩集

目錄

汲古閣

贈利州侯神童

奚官牧馬圖息軒畫

紫微劉丈山水爲濟川賦

王右丞雪霽捕魚圖

跋酒門限邵和卿醉歸圖

題張彥寶陵川西溪圖

汝州倅韓君德華其十二世祖相選封魯

公故名其伯男子曰魯王父命氏古蓋

有之子過其家命魯出拜謂王言魯名

矣而未有字敢以爲請予字之世公德

華曰願終教之乃申之以辭

壬子冬至新軒張兄聖與求爲兒子阿平

制名予名之曰琥以仲耽字之小字明

復有善禱之義焉詩不工當令阿耽灑

落誦之

世宗御書田不伐望月婆羅門引先得楚

字韻

送崔夢臣北上

并序

遺山詩集

目錄

汲古閣

送王彥華

李成之王彥華趙孝先以提學命見餉佳

酒且求制名取以詩記之

劉時舉節制雲南

贈張潤之

許道寧寒溪古木圖

送張書記子益從嚴相北上

并序

贈別孫德謙

汾亭古意圖

太原贈張彥遠

換得雲臺帖喜而賦詩

鹿泉新居二十四韻

過劉子中新居

東湖次及之韻

贈郝萬戶

王學士熊岳圖

贈史子桓尋親之行

卷第六

遺山詩集

目錄

汲古閣

雜言

去歲君遠遊送仲梁出山

此日不足惜

送希顏赴召西臺兼簡李汾長源

嵩山玉鏡

虎害

飲酒

送高信卿

寄趙宜之

段志堅畫龍爲劉鄧州賦

送詩人秦簡夫歸蘇墳別業

紀子正杏園燕集

李參軍北上

王黃華墨竹

泛舟大明湖

九月七日夢中作詩續以末後二句

賦邢州鵲山

送王亞夫舉家歸許昌

遺山詩集

目錄

汲古閣

湧金亭示同遊諸君

南冠行

醉後走筆

南湖先生雪景乘驪圖并序

卷第七

雜言

癸卯歲杏花

題劉紫微堯民野醉圖

贈各趙仁甫

下黃榆嶺

駢豬行

嘯臺感遇

水簾記興

拱谷聖燈

食榆莢

李谿園亭有雨

游龍山

醉中送陳季淵

遺山詩集

目錄
十三

送弋唐佐還平陽

游泰山

付阿耽誦

游承天鎮懸泉

爲程孫中卿作

壽張復從道

卷第八

樂府

天門引

蛟龍引

湘夫人詠

湘中詠

孤劒詠

渚蓮怨

芳華怨

後芳華怨

結楊柳怨

秋風怨

遺山詩集

目錄
十四

歸舟怨

征人怨

塞上曲

西樓曲

後平湖曲

洧川行

長安少年行

黃金行

隋故宮行

汲古閣

解劍行

征西壯士謠

望雲謠

望歸吟

梁園春五首

採花詞五首

獵城南

春風來

幽蘭

遺山詩集

目錄
十五

汲古閣

并州少年行

怒虎行

梅華

寶鏡

續小娘歌十首

卷第九

五言律詩

懷益之兄

汴禪師自斷普照石爲研以詩見餉爲和

二首

惡雨

癸巳除夜

病中

碁威卿毅挽辭

贈祖唐臣

老樹

陽翟道中

月觀追和鄧州相公席上韻

遺山詩集

目錄
十六

汲古閣

太室同希顏賦

送登封張令西上

方城道中懷山中幽居

孟州夾漈飲承之御史家

送曹吉甫兼及通甫

勝槩

少室南原

寄贈龐漢茂弘

洛陽古城曠陽門早出

聞希顏得英府記室

落魄

得姪傳信二首

阿千始生

長壽新居三首

少林雨中

十二月六日二首

得一飛姪安信

短日

遺山詩集

目錄
十七

送毋受益自潞府歸崧山

汲古閣

寄程孫鐵安

贈汴禪師

乙亥元日

送楊次公兼簡秦彥容李天成

發濟源

倪庄中秋

答潞人李唐佐贈詩

陽興砦

懷粹中

同周師夢卿崔振之遊七岩

送崔振之迎家汴梁

聚仙臺夜飲

續陽平十愛

送田益之從周帥西上二首

九月晦日王村道中

十月四日往關南二首

寄王文德新二首

遺山詩集

目錄
十八

舊園

汲古閣

和仲梁

甲辰夏五月積雨十餘日不止遣悶二首

陽泉樓雲道院

劉子中夢菴

丙午九日詠菊二首

感事

酬中條李隱君邦彥

送邦彥北行

同冀文明秀山行

同姚公茂徐溝道中聯句

壬子月夕

庚子三月十日作

七月十六日送馮楊善提領關中三教

京兆漕司官居三首

甲寅正月二十三日故關道中三首

送閻子實焦和之北上

庫城

遺山詩集

目錄
十九

汲古閣

斐生北上

遣興

八月并州鴈

示白誠甫

甲寅十二月四日出鎮陽寄李魯伯

送文生西行

乙卯十一月往鎮州

挽趙參謀二首

嗣侯大總管哀挽二首

答弋唐佐

不寐

送楊叔能東之相下

卷第十

七言律詩

秋懷

帝城二首

僕射陂醉歸卽事

春日

遺山詩集

目錄
二十

汲古閣

橫波亭

野菊座主閒閒公命作

度太白嶺往昆陽

寄希顏二首

懷益之兄

昆陽二首

寄西溪相禪師

葉縣雨中

寄答趙宜之兼簡溪南詩老

頤亭

山中寒食

楚漢戰處

懷叔能

留別仲澤

鄭州上致政賈右丞相公

寄答景玄兄

寄辛老子

後灣別業

遺山詩集

目錄
二十一

劉丈仲通哀挽

汲古閣

會善寺

寄欽用

楊之美尚書挽章

李屏山挽章二首

內鄉縣齋書事

自菊潭丹水還寄松前故人

被檄夜赴鄧州幕府

馬鄧驛中大雨

除夜

鄧州相公命賦喜雨

劉光甫內鄉新居

西齋夜宴

十月

送吳子英之官東橋且爲解嘲

張王簿草堂賦大雨

丹霞下院同仲澤鼎玉賦

春日牛山亭游眺

遺山詩集

目錄
二十二

別程女

出山

謝鄧州帥免從事之辟

新野先王廟

石門

獨峰楊氏幽居

渡湍水

十日登豐山

岐陽三首

汲古閣

園城病中文舉相過

讀靖康僉言

雨後丹鳳門登眺

京居辛卯八月六日作

浩然師出園城賦鶴詩爲送

追用座主閒閒公韻上致政馮內翰二首

懷秋林別業

壬辰十二月車駕東狩後卽事五首

永寧南原秋望

遺山詩集

目錄
二十三

汲古閣

中秋雨夕

癸巳四月二十九日出京

喜李彥深過聊城

與張杜飲

卷第十一

七言律詩

秋夕

夢歸

白屋

淮右

徐威卿相過畱二十許日將往高唐同李

輔之贈別二首

卽事

望王李歸程

秋夜

甲午除夜

乙未正月九日立春

杏花落後分韻得歸字

遺山詩集

目錄
二十四

汲古閣

三僊祠

送輔之仲庸還大梁

繡江泥舟有懷李郭兩公

送杜子

眼中

送杜招撫歸西山

寄欽止李兄

有寄

鎮州與文舉百一飲

別王使君丈從之

寄汴禪師

衛州感事二首

望蘇門

望崧少二首

懷州子城晚望少室

別韋懷幕府諸君二首

羊腸坂

高平道中望陵川二首

遺山詩集

目錄
二十五

汲古閣

野谷道中懷昭禪師

太原

外家南寺

追賦定襄周帥夢卿家秋日牡丹

桐川與仁卿飲

過瀾鹿城與趙尚賓談山陽舊事

官園探梅同康顯之賦

十二月十六日還冠氏十八日夜雪

別康顯之

寄楊飛卿

雨夜

東平送張聖與北行

別張御史

出東平

再到新衛

別冠氏諸人

入濟源寓舍

鎮平縣齋感懷

遺山詩集

目錄
二十六

汲古閣

野菊再奉座主閒閒公命作

五月十二日座主閒閒公諱日作

四哀詩

李欽叔

冀京父

李長源

王仲澤

過詩人李長源故居

已亥十一月十三日雪晴夜半讀書山東

龔看月

明日作

杏花二首

醉後

卷第十二

七言律詩

賦南中楊生玉泉墨

贈張文舉御史

寄答飛卿

遺山詩集

目錄
二十七

雷別龍興汴禪師普照鑑禪師

赤谷口

贈楊君美之子新甫

憑亭同麻知幾賦

答公茂

過應州

應州寶宮寺大殿

懷安道中寄懷曹徵君子玉

五月十一日樗軒老忌辰追懷

感事

玉溪

華不注山

岳解元生日

感興

晨起

送周帥夢卿之關中二首

感事

十二月二十日雪中過石嶺關

遺山詩集

目錄
二十八

將上書羊國幕府感懷呈賈明府

春寒

卽事

示懷祖

示崔雷詩社諸人

弘州贈曹丈子玉

和仁卿演太白詩二首

燕府白兔

梁都運亂後得故家所藏無量遊藏詩卷見

汲古閣

約題詩同諸公賦

出都二首

癸卯望宿中霍道院

甲辰三月旦日以後雜詩三首

紫牡丹三首

與同年敬鼎臣宿順天天寧僧舍

贈客樂丈舜咨

都運李丈哀挽

贈客郝經伯常伯常之大父子少日從之

遺山詩集

目錄二十九

汲古閣

學科舉

呂國材家醉飲

洛陽

過三鄉望女几邨追懷溪南詩老辛敬之

二首

爲鄧人作詩

贈張王簿偉

望盧氏西南熊耳嶺

寄劉繼先

寄楊弟正卿

爲鮮于彥魯賦十月菊

贈客同季敬鼎臣

寄英上人

寄客仰山謙長老

九日登平定湧雲樓故基樓卽開闢公所

建

平定鵲山神應王廟

寄客商孟卿

遺山詩集

目錄三十

汲古閣

答石子章因送其行

畱別仲經

別州卿弟

寄叔能兄

賀威卿徐弟得雄

卷第十三

七言律詩

追錄洛中舊作

東園晚眺

十一月五日覽往西張

石嶺關書所見

陲羅峰二首

追懷曹徵君

春日書懷呈劉濟川

晉溪

弔岳家千里駒

七月十二日行狼牙嶺

十三日度岳嶺

遺山詩集

目錄
三十一

汲古閣

玉泉二首

玄都觀桃花

贈張致遠

夜宿秋香亭有懷木菴英上人

汴梁除夜

與馮呂飲秋香亭

哀武子告

贈李春卿

甲辰秋畱別丹陽

龍興寺閣

別緯文兄

寧操端南北上

答定齋李兄

空山何巨川虛白菴二首

聽姨女喬夫人鼓風入松

哭樊師

寒食

送樊順之

遺山詩集

目錄
三十二

汲古閣

蜀昭烈廟

宿翠屏口

王敦夫祥止菴

過寂通菴別陳丈

梁移忠詩卷

喬千戶挽詩

贈王仙翁道成

常仲明敎授挽辭

追錄舊詩二首

丁未寒食歸自三泉

卽事呈邢瑞

和白樞判李定齋有詩寄白以因風何惜

數行書爲落句白酬答云欲搜春草池

塘句藥裏關心夢不成余平解之

慶高評士八十之壽

超然王翁哀挽

大明贈答張簡之

燕都送馬郎中北上

遺山詩集

目錄

三十三

汲古閣

馬雲漢方鏡背有飛魚

贈答鴈門劉仲修

并序

餘慶堂

寄答劉生

別董德卿

送端甫西行

讀李狀元朝宗禪林記李守濟州城破不

屈節死贈鄉郡刺史

同嚴公子大用東園賞梅

中庸先生垂示先大夫教子詩及裴內翰

擇之所述家傳愛仰不足情見乎辭

賀中庸老再被恩綸

趙汲古南園

柳亭雨夕與高御史夜話

玉峰魏丈哀挽

清明日改葬阿辛

寄謝常君卿

送武誠之往漢陵

遺山詩集

目錄

三十四

汲古閣

送劉子東遊

卷第十四

七言律詩

甲寅九日同臨漳提領王明之鹿泉令張

奉先賈千戶令春李進之冀衡甫遊龍

泉寺僧顯求詩二首

十日作

贈答普安師

孝純宛丘遷奉

曹壽之平水之行

追懷趙介叔

追懷友生石裕卿

挽鴈門劉克明

贈答平陽仇舜臣

賈曹東城中隱堂

約嚴辰泛舟

贈李同年德之歸洛西二首

贈蕭漢傑

并序

遺山詩集

目錄
三十五

送曹幹臣

國醫王澤民詩卷

祖唐臣母挽章

感寓

存歿

人日有懷愚齋張兄緯文

趙元德御史兄七帙之壽

張村杏花

送仲希兼簡大方

送郭大方

送李輔之官青州

答晁公憲世契二首

寄史德秀兼呈濟上諸交游

答吳天益

答郭仲通二首

蘭仲文郎中見過

送奉先從軍

壽趙益之

遺山詩集

目錄
三十六

與宗秀才

贈馮內翰二首

并序

九日午後入府知曹子凶問夜爲不能寐

爲作詩二首

益父曹弟見過挽留三數日大慰積年傾

系之懷其行也設爲長句以贈弟近詩

超詣殆欲度驪驕前故就其所可至者

而勉之

贈李文伯

贈玉峰魏文邦彥

贈答趙仁甫

同德秀求田燕川分得同字

德秀家兒子

贈任丈耀卿

賀德卿王太醫生子

贈麻信之

射虎

茗飲

遺山詩集

目錄
三十七

汲古閣

鬱鬱

秋日載酒光武廟

寄劉光甫

過單州寄葦戾

丙辰九月二十六日挈家游龍泉

病中感寓贈徐威卿兼簡曹益甫高聖舉

卷第十五

五言絕句

洛陽高少府瀝陽後卷五首

內鄉雜詩

薛明府去息口號七首

山居雜詩六首

梁父吟扇頭

南樓月夕望鳳山有懷武鍊師子和

辛亥寒食

山中晚春

得緯文兄書

乙巳九月二十八日作

遺山詩集

目錄
三十八

汲古閣

六言絕句

定齋兄寫真

巨然秋山爲鄧州相公賦

德和墨竹扇頭

曹得一扇頭

唐子達扇頭

七言絕句

論詩三十首

文湖州草蟲爲劉使君賦

京都元夕

西園

藍采和像

鴛鴦扇頭

杏花雜詩十三首

出京

惠崇蘆鴈三首

早起

書生

遺山詩集

目錄
三十九

銅雀臺瓦硯

步虛詞三首

拙菴爲溫雨賦

風雨停舟圖

納涼張氏庄二首

送窮

楊柳

梁縣道中

自題寫真二首

再題

吳子英家畫照圖二首

劉鄧州家聚鴨圖

戊子正月晦日內鄉西城遊眺

長壽山居元夕

聞仲澤丁內艱

贈眼醫武濟川

賦粹中師竹拂子

題伊陽楊氏戲虎圖

遺山詩集

目錄
四十

玉子端內翰山水同屏山賦二詩

右司正之家渭川千畝圖二首

同希顏欽叔玉華谷分韻得軍華二字二

首

同希顏欽叔玉華谷還會善寺卽事二首

從鄧州相公覓酒時在鎮平

鎮平寄姪孫伯安筆

黃筌龜藏六圖爲張左丞賦

鎮平書事

汲古閣

自鎮平暫往秋林道中寄家

超化

卷第十六

七言絕句

山居二首

寄女嚴三首

自鄧州幕府暫歸秋涼

無題二首

題省掾劉德潤家驂鸞圖并爲同舍郎劉

遺山詩集

目錄
四十一

汲古閣

長卿記異劉在方城先有碧蕭之遇如

芙蓉城事云

希顏挽詩五首

出鄧州

過希顏故居四首

雜著九首

戚夫人

題山谷小豔詩

家山歸夢圖三首

四皓圖

雜著

俳體雪香亭雜詠一十五首

春夕

梅花

溪上

息軒楊祕監雪行圖

楊煥然生子四首

記夢

遺山詩集

目錄
四十二

汲古閣

敬母石

雜著四首

內鄉雜詩

肩二首

送窮

三鄉時作

出都

癸巳五月三日北渡三首

登珂山寺三首

夢中作

奉酬子京禪師見贈之什二首

杏花

聊城寒食

姨母隴西君諱日作三首

宿神霄北菴夢中作

夜雪

冠氏趙庄賦杏花四首

自趙庄歸冠氏二首

遺山詩集

目錄
四十三

戲贈白髮二首

戲題醉仙人圖

卷第十七

七言絕句

濟南雜詩十首

題解飛卿山水卷

趙士表山林草雪圖爲高良卿賦二首

倫鎮道中見槐花

題劉才卿湖石扇頭

聞歌懷京師舊遊

鄭先覺幽禽照水扇頭

龍泉寺四首

李進之迂軒二首

出鎮州

過邯鄲四絕

楊祕監馬圖

竹溪夢遊圖

藥正卿餉酒

遺山詩集

目錄
四十四

王都尉山水

贈絕藝杜生

趙大年秋溪戲鴨二首

自題二首

北歸經朝歌感寓三首

內黃道中楚王廟荆公有誰合軍中稱亞

父却須推讓內黃兒之句因爲范增解

嘲

題蘇氏寶章

劉氏明達卷三首

題李庭訓所藏雅集圖二首

南關二首

馬坊冷大師清真道院三首

惠崇獐猿圖

寄史同年二首

宋周臣生子三首

乞酒示皇甫李貞

李白騎驢圖

遺山詩集

目錄
四十五

許由擲瓢圖

九月晦日

雜著

送窮

卽事

侯相公所藏雲溪圖曾命賦詩三首但記

其一云祖道東門未有涯田君方駕入

宮車抵應千古狼溪路人說山中宰相

家相公以體重不任步趨詔許駕小車

汲古閣

至朝殿外門故予詩及之北渡後往東

平路經雲溪因爲之賦

陳德元竹石二首

同漕司諸人賦紅梨花二首

吳子賢樗菴二首

太乙蓮舟圖三首爲濟源奉先老師賦

遊天壇雜詩十三首

初發潞州

雜詩六首道中作

遺山詩集

目錄
四十六

卷第十八

七言絕句

初罕家還讀書山雜詩四首

賦瓶中雜花七首

贈羅友卿三首

又解嘲二首

爲衍聖孔公題張公佐湘江春早圖二首

張自書云淦水張公佐畫時年八十一

先大夫嘗題公佐畫有雲靜洞庭秋寺

汲古閣

月雨昏湘浦夜船燈之句因及之

潭源望湖川見百葉杏花二首

代州門外南樓二首

杜生絕藝

以玉連環爲呂仲賢壽

德華小女五歲能誦予詩數首以此詩爲

贈

劉壽之買南中山水畫障上有朱文公元

晦淳熙甲辰中春所題五言得於太原

遺山詩集

目錄
四十七

汲古閣

酒家

溪橋獨步二首

江亭會飲

秋江待渡

東山四首

曉起

追錄乙未八月十七日莘縣夢中所得

春歸

感興四首

從孫顯卿覓平定小山

發南樓度鴈門關二首

墨竹扇頭

王希古乞言

龍門公墨竹風煙夕翠二首

從希顏覓駕耨香二首

戲贈柳花

喬夫人墨竹二首

醉貓圖二首何尊師畫宣和內府物

遺山詩集

目錄
四十八

汲古閣

自題中州集後五首

講武城

藥山道中二首

善應寺五首

摘瓜圖二首樗軒家物

黃華峪十絕句

七賢堂

峽口食鰯魚有感

大簡之画松風圖爲脩端卿賦二首

秋江待渡橫披

贈答要襄叔二首

贈脩端卿張去華韓君傑三人六首

秋江曉發圖

題山亭會飲圖二首

洛陽衛良臣以星圖見貺漫賦三詩爲謝

題鴛鴦敗荷扇頭

西山樓爲王仲理賦二詩

樂天不能忘情圖二首

遺山詩集

目錄
四十九

汲古閣

燕省掾屬張彥通舉釋菜之廢仁卿以詩

美之亦賦二詩

采菊圖二首

無塵亭二首

卷第十九

七言絕句

李廣道寫真二首

錢過庭煙溪獨釣圖二首

蒼崖遠渚圖二首

三士醉樂圖

鄉郡雜詩五首

宗人明道老師澹軒二首

題商夢卿家晦道堂圖二首

商正叔隴山行役圖二首

息軒秋江捕魚圖三首

東平李漢卿草蟲卷二首

郭熙溪山秋晚二首

七賢寒林圖

遺山詩集

目錄
五十

汲古閣

右丞文獻公善色鹿圖

李仲華湍流高樹圖二首

益都宣撫田侯器之燕子圖詩傳本已亥

秋七月予得於馮翊宋文通家會侯之

子仲新自燕中來隨以歸之仲新謂予

言兵間故物一失無所復望乃今從吾

子得之煥若神明頓還舊觀似非偶然

者方謁時賢以嗣前作幸吾子發其端

因賦三詩

前高山雜詩七首

楚山清曉圖

題石裕卿郎中所居四詠

寓樂堂

德恒齋

雪巖

聲齋

贈李子範家兒子

跋文獻公張果老圖

遺山詩集

目錄
五十一

汲古閣

三鄉雜詩三首

釣州道中

榆社硤口村早發

十月二十日雪

同兒輩賦未開海棠二首

哭曹徵君子玉二首

二十六日早發安生道中雨木冰

書貽第三女珍

隱秀君山水爲范庭玉賦

送子微二首

楊祕監馬圖

岳山道中

雪行圖

寄杜莘老三首

己酉四月十七日度石嶺

劉君用可菴二首

耀卿西山歸隱三首

雪岸鳴鶴

遺山詩集

目錄
五十二

汲古閣

東丹騎射

虛名

投書圖二首

題劉威卿小字難素冊後二首

麗都運山水

歸義僧山水卷

武善夫桃溪圖二章

巢雲曙雪圖武元直筆明昌名士題詠

書扇贈李湛然

普照范鍊師寫真三首

祖唐臣所藏懔軒四冊二首

客意

走筆題十老會請疏

七夕

避兵陽曲北山之羊谷題石龕

壬子寒食

馬雲卿画紙衣道者像

過威鄉錦厲王故居

遺山詩集

目錄
五十三

汲古閣

真味齋

歸義興侍者溪山蕭寺橫軸

喬夫人彩繡仙人圖

出山像

胡壽之待月軒三首

卷第二十

七言絕句

論詩三首

超禪師晦寂菴

自題寫真

贈寫真田生三章

贈高君用

周才卿拙菴

郭大方自適軒

風柳鳴蟬

晴景園

僧寺阻雨

金山

遺山詩集

目錄
五十四

汲古閣

王子文琴齋

覃彥清飛雨亭橫披

讀漢書

內相楊文獻公哀挽三章效白少傅體

石勒問道圖

花光梅

舊與趙景溫

夏山風雨

春雲淡冶

雪谷早行圖二首

胡笳楚山清曉

辛亥九月末見菊花

答俊書記學詩

夜宿山中

臺山雜詠十六首

跨牛圖

贈湛澄之四章

乙卯二月二十一日歸自汴梁二十五日

遺山詩集

目錄
五十五

汲古閣

夜久旱而雨偶記內鄉一詩追錄於此

今三十年矣

三門集津圖

乙卯端四日感懷

山村風雨扇頭

跋蕭帥鸞鷟敗荷扇頭

袁顯之扇頭

贈司天王子正二首

工部趙侍郎下世日作

跋耶律浩然山水卷

貞燕二首

楊祕監雪谷早行圖

杜莘老夏日汾亭橫軸

武元直秋江罷釣

張彥遠江行八詠圖

題馮漕緩之碩人在澗橫軸

題邢公達寒梅東雀圖

秀隱君山水

遺山詩集

目錄
五十六

汲古閣

同梅溪賦秋日海棠二章

梁氏先人手書

薊北杜國寶以真定教官李進之所譏大

父中憲公及其先人帥府從事行狀見

示用題三絕其後

贈普子野高士三章

戲相師

留贈丹陽王鍊師三章

元夕

餘韻

爲檄子醢金二首

李子範生子

柏鄉光武廟

和德新丈

春日寓興

滄浪圖

倦繡圖

雪谷晚行圖

遺山詩集

目錄
五十七

浩然雪行圖

岳邦獻詩

風柳歸牛圖

子和麋鹿圖

賈氏怡齋二首

與西僧倫伯達二首

遺山先生詩集目錄

遺山先生詩集卷第一

五言古詩

箕山

幽林轉陰崖鳥道人迹絕許君棲隱地唯有太古
雪人間黃屋貴物外祇自潔尚厭一瓢宣重負寧
所屑降衷均義粟汨利忘智決得隴又望蜀有齊
安用薛干戈幾蟹觸宇宙日流血魯連蹈東海夷
叔采薇蕨至今陽城山衛華兩丘垤古人不可作
百念肝肺熱浩歌北風前悠悠送孤月

遺山詩集

卷之一

汲古閣

緩山置酒

同內翰西文叔獻雷范
希顏賦詩分韻得賓字

靈宮肅清曉細栢含古春人言王子喬鶴馭此上
賓白雲山蒼蒼平田木欣欣登高覽元化浩蕩融
心神西望洛陽城大路通平津行人細如蟻擾擾
爭紅塵蓬萊風濤深鬢毛日夜新殷勤一杯酒魂
爾雲間人

同希顏再登箕山

千年箕山祠蘿徑深以悄桂樹不復見禿蘖餘秋
篠盤盤盡絕頂石冢平木杪長風萬里來筋骸覺

輕矯側身望岩竇解衣憩林表是時夏交野色
亂青縹川光乍明滅地脈互縈繞岡巒蟻垤出井
邑蜂衙擾紅塵洛陽昏白雲太行曉玄功信冥漠
一覽疑可了悟彼東山人胸中魯宜小

光武臺

東南地上游荆楚兵四衝游子十月來登高送長
鴻當年赤帝孫提劍起蕭達一顧渙水斷再顧新
都空雷霆萬萬古青天看飛龍巍然此遺臺落日
荒煙重誰見經綸初指麾走群雄白水日夜東石
遺山詩集 卷之一 汲古閣

麟幾秋風空餘廣武歎無復雲臺功

頤亭畱別

同李冶仁卿張爾子敬王
元亮子正分韻得蕭字

故人重分攜臨流駐歸駕乾坤展清眺萬景若相
借北風三日雪太素秉元化九山巒嵒嶮了不受
陵跨寒波澹澹起白鳥悠悠下懷歸人自急物態
本閒暇壺觴負吟嘯塵土足悲咤迴首亭中人平
林淡如畫

隱亭

春物已清美客懷自幽獨危亭一裴回儵然若新

沐宿雲澹川野元氣浮草木微茫盡楚尾平遠疑
杜曲生平遠游賦吟諷心自足竭來著世網抑抑
就邊幅人生要適情無榮復何辱乾坤入望眼容
我謝羈束一笑白鷗前春波動新綠

出京

史院得告歸
嵩山侍下

從宦非所堪長告欣得請驅馬出國門白日觸隆
景半生無根著飄轉如斷梗一昨隨牒來六月阻
歸省城居苦湫隘群動日蛙黷懸巍山中人團茅
遂幽屏塵泥久相浣夢寐見清顏矯首孤飛雲西
遺山詩集 卷之一 汲古閣

南路何承

元魯縣琴臺

荒城草木合破屋風雨侵千年一琴臺瞻焉涕盈
襟遺愛食縣社公寧不堪任此臺即甘棠忍使無
餘陰旁舍高以華大豪日捐金蒼雲玄武暮鬼物
憑陰岑尚德抑玄虛墜典誰當尋我興薦寒泉百
拜公來臨公來不能知落日下飢禽懷哉空山裏
鶴飛猿與吟當年于焉歌補袞一何深承平示得
意獨能正哇淫君相此一時又復倍良箴諫臣坐

廢黜合亦起幽沉蒲輪竟顏轂香草空深林寂寞
援書空孤甥舉遺余生平諒已然薄俗矧來今千
山爲公臺萬籟爲公琴變曠不並世月露爲知音
人間蹄涔耳已矣非公心

元道州文編以元魯山爲元魯縣又臺今爲玄

武祠故及之

穩水 聞鄧城張伯玉詩音作

穩水復穩水東望鴈行沒殷勤一杯酒遙酌穩亭
月永懷紫髯郎冠佩見突兀岩石青峙巒巒松
秀發裴回功名會脫落豪俠窟中州有士論指與

遺山詩集

卷之一

汲古閣

雷李屈挂弓須扶桑洗劍必溟渤皇天靳美器一
世惜英物神交付溟漠生氣凜毛髮古來天下馬
萬里入超忽良樂不並世燕市空駿骨狂歌叫秋
雲北風撼林樾

雜著五首

稟氣寡所諧衣食固無端所業在農桑甘以辭華
軒田家豈不苦歲功聊可觀帶月荷鋤歸裴回丘
壠間曖曖遠人村紛紛飛鳥還養真衡茅下庶無
異患千遙謝荷蓀翁躬耕非所嘆

守拙歸田園淹留白無成長吟掩柴門遂與塵事
真素月出東嶺夜景湛虛明揮杯勸孤影杯盡壺
自傾遙遙望白雲千載有深情
榮叟老帶索原生快納履邈哉此前脩久而道彌
著人生少至百每每多憂慮量力守故轍餘榮何
足顧棲遲固多娛幾人得其趣
桃李羅堂前霜露榮悴之咄咄俗中惡人道每如
茲冬嶺秀孤松卓然見高枝提壺拊寒柯懷此貞
秀姿願留就君住終身與世辭

遺山詩集

卷之一

汲古閣

世短意恒多時駛不可追感彼柏下人法然沾我
衣運生會歸盡彼此更共之理也可奈何一觴聊
可揮酒中有深味情隨萬化遺西南望崑崙靈人
侍丹池我無騰化術帝鄉不可期且極今朝樂千
載非所知

古意二首

七歲入小學十五學時文二十學業成隨計入咸
秦秦中多貴游幾與書生親年年抱關吏空笑西
來頻在咎學語初父兄已卜鄰跛躄不量力強欲

綠青雲四十有牧豕五十有負薪寂寥抱玉獻賤
薄倡優陳青山亦區區何時畫麒麟遇合僅一二
寒飢幾何人誰謂章甫冠萬古徒悲辛

桃李弄嬌燒梨花澹半容盈盈兩無語賊賊爭春
風春風何許來草木誰青紅天公亦老矣何意夸
兒童昨朝花正開今朝花已空川流不肯駐併與
繁華東梗楠千歲姿骭體空谷中陽和不擇地亦
復難爲功本無兒女心安用尤天公

頽谷封人廟

遺山詩集

卷之一

汲古閣

洩洩頽谷雲濺濺頽川水封君去我久水雲自清
美人言君善諫微意得鄭子特於悔悟時一語發
天理夫孝動天地土苴及頑鄙反身而未誠善諫
且敗矣如何千歲下乃與茅焦比我行頽川道永
念負甘旨願作頽尾魴因之日千里

贈答劉御史雲卿四首

舊聞劉君公學經發源深驂驕萬里氣聖途已駸
駸大梁語三日副我夙所欽濂溪無北流此道日
西沉百年牛山水不復秀穹林南風雖寥寥聞絃

猶賞音獨憐李毗子一我無古今共學君所食適
道我豈任相酬無別物徒有好賢心

阿京君所畏早生號能文初無王家癖聲光自流
聞此行不虛來得接大小君信知珠玉淵足當羔
鴈群君家有箕裘聖學待冊數但使本根在枝葉
復何云殷勤五色筆未用摧千軍

學道有通蔽今人乃其尤溫柔與敦厚婦滅不復
雷高蹇當父師排擊劇寇讐真是未可必自私有
足羞古人相異同寧復操戈矛春風入萬物枯枿

遺山詩集

卷之一

汲古閣

將和柔克已未有加婦仁亦何繇先儒骨已腐百
罵不汝酬胡爲文字間刮垢搜癢疣吾道非申韓
哀哉涉其流大儒不知道此論信以不我觀唐以
還斯文有伊周開雲揭日月不獨程張儔聖途同
一歸論功果誰優戶牖徒自關膠漆本易投九原
如可作吾欲起韓歐

老鶴何許來澹與孤雲同相值太虛室悠然復西
東聖學要深談別君惜匆匆何時沂水上同詠舞
雩風

送欽叔內翰并寄劉達卿郎中白文舉編修

五首

忽忽歲云暮烈烈風霜威舉頭望長安游子從此
歸我有平生懷愛君如連枝半年姜肱被所樂良
不貴尚恨人事異離合無定時送君酒一杯侑以
彈鋏辭上言行路難下言長相思

六月渡盟津十月行汜水風濤脫沉舟冰雪危墮
指孝子在中野永念負甘旨家貧親已老形瘠心
欲死古稱李路孝負米曾百里顧作鯉與魴寧當
遺山詩集 卷之一 汲古閣

八

汲古閣

怨賴尾君婦不可緩獻壽迫歲始遙知慈母心已
爲烏鵲喜

一年不製衣春服犯霜風一日僅兩食腸胃不得
克生平萬里氣頓入低回中田夫怒撲臂縮首甘
盲聾老兵賜顏色歡喜無所容求索厭朋友勞苦
慚僕僮無聊復無聊又復招災凶我有一樽酒澆
君魂磊胸君年始三十白髮成一翁顧以寸心微
受此百慮攻君窮復何辭不見閑閣公文章二百
年不抹四壁空

君性我所諳我心君所知凡我之所短君亦時左
之謀事恨太銳臨斷恨太遲持論恨太高徇俗恨
太卑人道自近始貧富理不齊君自不得飽欲療
何人飢乞醯乞諸鄰聖哲有明譏被髮抹鄰人智
者所不爲且如與人交交有非所宜白黑不復擇
豁豁傾心脾汎愛豈不可復悔終自貽又如與人
言寧復無失辭刺口論成敗白眼談詩世故發
簣間能不發其機聞君作損齋似覺豪華非懲忿
與室慙百年有良規與子各努力歲晚以爲期

遺山詩集

卷之一

汲古閣

古人遙相望每恨不同時同時得古人歡樂良在
茲君婦豈不佳交游滿京師門前車馬來笑言慰
所思細話洛陽事高詠嵩山詩宮壺發新筍宮梅
耿幽姿故應劉與白亦復念微之

飲酒五首

黃城

西郊一畝宅閉門秋草深床頭有新釀意慙成孤
斟舉杯謝明月蓬車肯相臨願將萬古色照我萬
古心

去古日已遠百爲無一真獨餘醉鄉地中有義皇

淳聖教難爲功乃見酒力神誰能釀滄海盡醉區中民

利端始萌芽忽復成禍根名虛實禍將相安足論驅驢上邯鄲逐兔出東門離官寸寸樂里社有拙言

離官寸寸樂音律諺云然

萬事有定分聖智不能移而於定分中亦有不測機人生桐葉露見日忽已晡唯當飲美酒儻來非所期

此飲又復醉此醉更耐適裏回雲間月相對澹以

遺山詩集

卷之一

汲古閣

點三更風露下巾袖警微溼浩歌天壤間今夕知

何夕

後飲酒五首

勝作

少日不能觴少許便有餘比得酒中趣日與杯杓俱一日不自澆肝肺如欲枯當其得意時萬物寄一壺作病知奈何妾婦良區區但媿生理廢飢寒到妻孥吾貧益有命此酒不可無

金丹換凡骨誕幻若無實如何杯杓間乃有此樂國天生至神物與世作耐適豈曰無妙理湜湜莫

容詰康衢吾自樂何者爲帝力大笑白與劉區區頌功德

客從崧少來貽我招隱詩爲言學仙好人間竟何爲一笑顧客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此語誰所云吾友田紫芝紫芝雖吾友痛飲真吾師一飲三百杯談笑成歌詩九原不可作想見當年時

遺山詩集

卷之一

汲古閣

飲人不飲酒正自可飲泉飲酒不飲人屠沽從擊鮮酒如以人廢美祿何負焉我愛靖節翁於酒得其天龐通何物人亦復爲陶然兼忘物與我更覺此翁賢

德禪師清涼草堂

舊隱伊陸巷把茅入宴息新居蘭若峰老屋補漏圻鍾魚有勝氣餅錫無滯迹迴頭仙人隊談笑初未隔結草幾成壞逆旅誰主客道人那計許一笑山月白多生負詩債秋物苦催索遙知得新句崧

少爲動色

上人舊隱伊陽伊陽有伊嵒
卷仙人隱者女几山諸峯名

少林

雲林入清深禪房坐蕭爽澄泉潔餘習高鳥喚長
往我無玄豹姿漫有紫霞想迴首山中雲靈芝日
應長

劉曲龍潭

層氷積浩蕩陵谷低吞吐窈窕轉幽經突兀開淨
宇迴頭山水縣亦復咆塵土孤雲鐵梁北宇宙一
仰俯風景初不殊川塗忽脩阻寒潭海眼淨點黑
遺山詩集

卷之一
十二

汲古閣

自太古蟄龍何年臥萬國待霖雨誰能裂蒼崖雷

山中人歲早則轉大石人
潭以蛰龍斷息致雨故云

麥歎

借地乞麥種微倖今年秋乞種尚云可無丁復無
牛田主好事人百色副所求盼盼三百斛寬我飢
寒憂我夢漆南川平雲綠油油起來望河漢旱火
連東州四月草不青吾種良謾投田間一太息此
歲何時周向見田父言此田本良疇三歲廢不治
平種則富倍收如何落吾手羊年變鷄猴身自是

早母咄咄將誰尤人滿天地間天豈獨我讐正以
賦分薄所向因拙謀不稼且不穡取禾亦何繇辦
作高敬通惡雨將漂流吾貧有溢觴賢達未始羞
單衣適至許一劍又蒯緱焉知寄食餓不取丞相
侯作詩以自廣時用商聲謳

北邙

驅馬北邙原踟躕重踟躕千年富貴人零落此山
隅萬冢不復識榛莽餘龜趺賢愚同一盡感極增
悲歎粵人惟物靈生也與道俱一爲物所眩遂爾
遺山詩集

卷之一
十三

汲古閣

不有當年吾

龍門雜詩二首

石樓繞清伊塵土天所限人言無僧久草滿不復
刻灘聲激悲壯山意出高寒當年香山老挂冠遂
忘近高情畱詩軸清話入禪版誰言海山去蕭散
仍在眼溪寒不可涉倚杖西林晚
不見木庵師胸中滿泥塵西應一握手大笑頂冠

巾青山有佳招一游負因循老筇動高興萬景森
前陳乾元先有期清伊亦知津細看潛溪樹高臥
香山雲學詩二十年鈍筆死不神乞靈白少傳佳
句儼能新遙遙洛陽城梅花千樹春山中有忙事
寄謝城中人

豐山懷古

豐山一何高古屋蒼煙重開門望吳楚易去天無
窮連山橫巨麓白水亘長虹川原鬱佳氣自古南
都雄炎精昔季興臥龍起隆中落落出奇策言言
遺山詩集

卷之十四

汲古閣

揭孤忠時事有可論生晚恨不逢漢賊不兩立大
義皎日同吳人操等耳忍與分河潼奪操而與權
何以示至公一民漢遺黎尺地漢故封守民及守
上天地與相終不能禦寇警顧以寇自功既異洪
溝初又非列國從一券捐半產二祖寧汝容端本
一已失孤唱誰當從至今有遺恨廟柏號陰風舊
聞清冷湖天賴如撞鐘山徑野人語誕幻欺孩童
開元有亂階鹿飲溫泉宮黃猿何爲者乃爾能嘯
兒乾坤之大音久鬱理當通清霜且夕落佇爾驚

群孽孔明自謂漢室季興清今周
黃猿出見廟碑述開元事

乙酉六月十一日雨

一早近兩月河洛東連淮驕陽佐大火南風捲黃
埃草樹青欲乾四望令人哀時時怪事發雨雹如
李梅我夢天河翻崩騰走雲雷今日復何日駛雨
東南來元氣淋漓中焦卷意已迥良苗與新穎鬱
鬱無邊涯音崖書生如老農苦樂與之偕聞聞吉
語一笑心顏開酉年酒如漿乾溢安能裁唯當作
高廩多具樽與鬯家人笑問我君田安在哉與快

遺山詩集

卷之一十五

汲古閣

同音見

示姪孫伯安

伯安入小學穎悟非凡兒屬句有夙性說字驚老
師見汝挾書歸憶我青衿時青衿昨日耳齒髮忽
如茲讀書快人多闕疎亦天資元無倚天劍可斷
扶桑枝倚梯望青冥愚者知笑之壯事已無取老
謀欲何施幸此掌中孫未染如素絲就令好紙筆
門戶誰當支我有商餘田汝壯可耘耔便當學種
樹未用城南詩伯安方讀韓集
符讀書城南

種松

百錢買松羔植之我東牆汲井澆塵土植籬護牛羊
一日三摩挲愛比添丁郎昨宵入我夢忽然變
昂藏昂藏上雲霄慘澹含風霜起來月中看細嵐
攢針芒惘然一太息何年起明堂鄰叟向我言種
木本易長不見河畔柳顛盼百尺強君自作遠計
今者何所望

虞鄉麻長官成趣園二首

鑿池水交流築屋山四繞衡門在人境三逕深以
遺山詩集

卷之一
十六

汲古閣

悄中庭八九樹晨坐聽百鳥人生信多慮長寂容
未了虛舟有天游我定物自擾豈不與世竝自是
萬物表達觀無不可言外常意曉

蹉跎匡山游爛熳彭澤酒慨然千載上懷我平生
友夫君負奇節劍氣鬱星斗爲吏非所堪徑去如
避走王官唐以還寂寞益已久柴車君來隱清風
動林藪至今溪上詩往往在人口淵明不可作此
士寧復有

雜詩四首

相士如相馬滅沒深天機區區劍馬法徒議牝與
驪人言當塗公惡人知其微如何許勸語受之不
復疑知人固不易人亦未易知姪妍在水鏡鉛粉
徒自欺孰爲仁義人未假已不歸伯樂不可作思
與曹瞞期

世事如大琴人若材官然乘勢易發機非時勞控
弦又如大水中置彼萬斛船雖有帆與檣亦須風
動天不見周公瑾弱齡已飛翥不見師尚父鷹揚
在華顛彼非生而材此豈晚乃賢鑑基喻智慧要

遺山詩集

卷之一
十七

汲古閣

必有待焉嘆息狂馳子嘗爲愚者憐
崑山有璞玉外質而內美唯其不自銜故與頑石
齒和也速於售再獻甘減趾在玉庸何傷惜君兩
足耳

堂堂明堂柱根節幾歲寒使與蒲柳同扶厦良亦
難我衣敝緼袍我飢首霜盤天公方試我劍鍊勿
妄彈

采杞

仙苗不擇地榛莽散秋實微霜綠木墮濃露紅欲

滴方書尚服餌僮僕課米拾花葉久已驛功實從此得苦荼薦奇味凡醞化靈液人傳東坡事世驗西河術誑口亦自佳輕骨况可必雜物多似是致用相萬一向非觀玉篇誰爲分杞棘

宿菊潭

田父立馬前來赴長官期父老且勿往問汝我所疑民事古所難今才又非宜到官已三月惠利無毫釐汝鄉之單貧寧爲豪右欺聚訟幾何人健鬪復是誰官人一耳目百里安能知東州長官清白遺山詩集

卷之一

汲古閣

觀浙江漲

一早千里赤一雨垣屋敗浙故以江名暴與衆齏會初驚沙石捲稍覺川谷隘雷風入兆驅大塊供一噫千帆鼓前浪萬馬接後派崩崖不暇顧拔木無留得憑陵如藉勢洞狀各有態平分乍舒徐怒觸忽碎壞雲蒸楚樹杪雪映商嶺背髣髴千丈潮

况與海門對欽飛關蛟鱷然犀出鱗介陽侯富陰族萬百露光怪翠獎潛偃蹇鉅鼓亂砲礮永懷疏鑿力重歎神禹大乾坤海爲怪未礙變橫潰納汗非無處流惡聊自快投詩與龍盟縣蕩煩一再拜時

大赦五日矣

遺山詩集

卷之一

汲古閣

遺山先生詩集卷第一 終

遺山先生詩集卷第二

五言古詩

鶴雀崖北龍潭

層崖閼頑陰水木深以阻端聲半空落洶洶如怒
虎風生木葉脫魄動不敢語何年渾沌竅靈物此
棲處初從一綫溜開鑿到神禹雲雷鼓飛浪噴薄
齊萬弩藏珠驪龍頷百斛快一吐油油入無底細
散不濡縷歸藏海有穴汎溢愁下土南峰天一柱
萬古鎮幽府江山有奇探落景迫行旅多懸茹芝
遺山詩集 卷之二 汲古閣

人終年看飛雨

五松平

竹港晨露白石門秋氣寒湍流濯澗輕細路深荪
菅江平白石出竟日沿清灣四顧不見人山曷時
間闕蒼崖入地底煙靄青漫漫力盡不能過却坐
空長嘆青天白雲閒可望不可攀虛名竟何得行
路乃爾難

阻雨張主簿草堂

溼暑雲氣鬱浸淫去成積雨南風竊陰機萬賴困

掀舉飛濤限江岸懸流迫茅宇塊坐百慮滋崢嶸
生鳥羽兒童十日約竹馬候門庶曾是百里城川
塗忽遐阻少游去我久念子平生語款段劣可乘
贏餘果何取河汾敝廬在坐滯西南楚世事不可
期客心徒自苦

贈荅楊煥然

詩亡又已久雅道不復陳人人握和璧燕石誰當
分關中楊夫子高誼世所聞十年玄尚白藜藿甘
長貧有來河水篇四海付斯文斯文有定在桓生
遺山詩集 卷之二 汲古閣

知子雲古來知已難萬里猶比鄰千人國中和要
非心所親東楚西南秦望君勞我神相逢不得語
別去徒殷勤白雲不可贈相思秋復春

送詩人李正甫

陽和入枯株靄靄含芳津山頭太古石不與萬物
春朝從木客游暮將山鬼隣紫芝僅盈剝幽蘭不
克紉青雲入長吁肝膽空輪困我嘗讀君詩天趣
觸眼新泰游得豪宕晉產餘真淳怒虎不受唾駭
鹿未易馴安坐誰不如半生走遶遶蒼蒼不可問

藐藐誰當親青山碾爲塵白日無間人空歌東野
曲不採西州貧

萬化如大路

萬化如大路物我適相遭往來限隣屋夢寐阻同
袍斷金幾何人年運劇銷膏相歡顧不足爾戈寒
暇操古來太山名達觀等秋毫鬢觸徒能國蝶麻
竟誰豪曠蕩覽八紘美惡自爲曹造物無巧擇大
塊有并包暴公今在亡碑燐起蓬蒿孤心旣悄悄
衆口益嗷嗷同塵寧當悔枉已乃爲勞鹿門有高
遠山詩集 卷之一 汲古閣

獨世網能逃

曉發石門渡瀟水道中

水經

疎星澹秋明陰霞絢朝映積雨成坐愁晨光動幽
興石門歸馭引端浦漁舫竝曠蕩萬景新嵒藏四
山靜平湖風漪綠遠岸秋沙淨洋洋遊魚逝汎汎
輕鷗泳隱顯乖夙心感寓見眞性倦游徒自悼達
已時安竟憂端從中來茫茫發孤詠

放言

韓非死孤憤虞卿著窮愁長沙一湘纍郊島兩詩

因人生定能幾肝膽日相磨并蛙奚足論禪風良
足羞正有一朝樂不償百年憂古來帝王師或從
赤松游大笑人間世起滅眞浮漚曾是萬戶封不
博一掉頭有來且當避未至吾何求悠悠復悠悠
大川日東流紅顏不暇惜素髮忽已稠我欲升嵩
高揮杯勸浮丘因之兩黃鵠浩蕩觀齊州

李道人崧陽歸隱圖

北山范寬筆老硬無妍安南山小平遠澹若韋郎
詩崧陽古饒村佳處我所知長林連玉華納路入
遺山詩集 卷之一 汲古閣

遺山詩集

卷之一

汲古閣

清微連延百餘家柴門水之涓桑麻蔽朝日鷄犬
通垣籬窺我出山來京塵滿山衣春風四十日夢
與孤雲飛可笑李山人嗜好世所稀逢人覓詩句
不恤怒與譏道人本無事何苦塵中爲京師不易
居我癡君更癡山中酒應熟幾日是歸期

黃公廟

羈客無恒居六月走長路清風黃公祠地占欣所
遇劍飛素靈哭龍躍雲雨赴堂堂文成君談笑取
帝傳功名要有命陰相果何預誰謂圯上人異事

驚竹素河清不可俟筋力疲世故袖間一編書塵埃嘆遲暮

學東坡移居八首

廢地三畝餘十年長蒿萊瓦礫雜糞壤白骨深蒼苔孤客無所投卽此營茅簷墾斷豈不苦寢處亦可懷辱身賤者事寧當惜筋骸伐木荒林中運甕古城隈辛勤八十日吾事乃得諧買宅必萬錢一錢不天來今晨見此屋一笑心顏開

誰謂我屋寬寢處無復餘誰謂我屋小十口得安遺山詩集

卷之一

汲古閣

居南采坐諸郎課誦所依於西除著僮僕休沐得自如老我於其間兀兀窮朝晡起立足欠伸輒臥可展舒聰明火焙煖似欲忘囚拘屋前有隙地客舍不可無花欄及菜圃次第當耘鉏東野載家具家具少於車我貧不全貧尚有百本書

故書堆滿床故物貯滿箱渾渾商賈高壘鼎漢銅章杜飾昭敬恭嚴卯詞痺剛雷文繞杖節獸面出佩璜私印刻王尊玉斗蛟龍翔逸少留半紙魚網非硬黃亦有雲首帖不辨作鴈行雪景摩思物宜

政舊所藏晉公古漁父浩歌濯滄浪因觀宮騎圖臥馳議提囊絳石舍餘潤奚墨凝幽香南榮挂風響雲甯佩鐙鐙鏡背先春書八字環中央讀之二嘆息此日何時光

壬辰困重園金粟論升勺明年出青城瞑目就東縛毫篇脫鬼手攘臂畱空橐聊城十里外狼狽何所託諸公頗相念餘粒分鳬鶴得損不相償抔土填巨壑一冬不製衣綰續如紙薄一日僅兩食強半雜藜藿不羞蓬累行粗識瓢飲樂敵貧如敵寇遺山詩集

卷之二

汲古閣

自信頗亦慙兒啼飯籬空堅陣馬屢却滄溟浮一葉渺不見止泊五窮果何神爲戲乃爾虐舊隱嵩山陽箕蕨豐饒餽新齋浙江曲山水窮放浪乾坤兩茅舍氣壓華屋上一從陵谷變啼顚無復望焦漁憶往還風土夢閒曠況如悟前身姓改心不忘去年住佛屋盡室寄尋丈今年僦民居臥榻槩盆盎靜言尋禍本正坐一出妄青山不能隱俛首入羈鞅輒傾卯隨覆身在顏亦強空悲龍髯絕永負魚腹葬置錐良有餘終身志悲愴

國史經表亂天幸有所歸但恨後十年時事無人知廢興屬之天事豈盡乖違傳聞入讎敵祇以興罵譏老臣與存亡高賢死兵飢身死名亦滅義士爲傷悲哀淮西城萬夫甘伏尸田橫巨擘耳猶爲談者資我作南冠錄一語不敢私裨官雜家流國風騷婦詩成書有作者起本良在茲朝我何所營算我何所思胸中有茹噎欲得快吐之溼薪煙滿眼破硯水生髭造物謂此筆吾貧復何辭

東坡謫黃州符樂行江湖荒田拾瓦礫賤役分僮

遺山詩集

卷之二

汲古閣

奴我讀移居篇感極爲悲歎九原如可作從公把犁鉏我貧公亦貧賦分無賢愚論人雖其媿詩亦豈不如

此州多寓士論年悉肩隨風波同一舟奚必骨肉爲倪家蓮花白每釀必見貽李昌妙琴事足以相娛嬉郭侯家多書篇帙得徧窺趙子篤於學間以問所疑王生舊鄰舍窮達心不移千里訪存歿十口分寒飢獨有仲通雨天馬不可羈直以論詩文稍稍窺藩籬永懷王與李朔漠行當歸書來聞吉

語報我脫繁維慚非一狐腋不直五穀皮我作野史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二三南山壓城頭十里奎與函洑流出地底城隅滿泓潭金絲弄晴光玉玦響空嵌清連通函觚秀木深雲翕華峰水中央鬱鬱堆煙嵐嵐荷華望不極綠浮粉紅酣毒熱非山陽卑溼無江南承平十萬戶他州隔仙凡劫火土一丘樹老草不芟巧盡露天遺山詩集

卷之二

汲古閣

辭泉效遠祖道州府君體

重華初側陋嘗耕歷山田至今歷下城有此東北泉喪亂二十載祠宇爲灰燼兩泉廢不治漸著瓦礫填蛙跳聚浮沫羊飲甕餘遺我行歷荒基涕下何漣漣舜不一井庇下者何有焉帝功福萬世帝澤潤八埏要與天地並寧待一水傳甘棠思召伯自是古所然我欲操春鐻浚水及其源再令

泥濁地一變清冷湖青石疊四圍千祀守且堅石
渠漱清湍日聽薰風絃便爲泉上夏杯飲終幾年
與張仲傑郎中論文

文章出苦心誰以苦心爲正有苦心人舉世幾人
知工文與工詩大似國手基國手雖漫應一著存
一機不從着着看千何異管中窺文須字字作亦
要字字讀咀嚼有餘味百過良未足功夫到方圓
言語通春屬只許曠與夔聞絃知雅曲今人誦文
字十行誇一日關頭失香奩晉視紛紅綠毫釐不
遺山詩集

卷之九

汲古閣

相照觀面楚與蜀莫訝荆山前時聞荆人哭

濟南廟中古檜同叔能賦

亭亭祠宮檜鬱鬱上雲雨扶持幾年來年造物心獨
苦青餘玉川潤根入鐵岸古雖合棟梁委斤斧安
得取沈沈地中久駭浪思一鼓天柱屹不移水國
奠平土乾坤此神物甲乙存世譜瀨鄉留耳孫關
里傳鼻祖秦松徒自汙蜀相聊共數會待十抱成
茲焉重摩拊

銅鞮次村道中

山徑一何惡一澗復一嶺昂頭一握天放脚百丈
井武鄉有便道故遠銅鞮境涉險良獨難又復觸
隆景羸蹇蹄已穴怨僕氣將瘵與世恒背馳用力
何自省河汾紹絕業疑信紛莫整銘石出壙中昧
者宜少警少時曾一讀過眼不再省南北二十年
夢寐猶耿耿喻如萬里別燈火得對影行役豈不
勞聊當忍俄頃

蕭齋并引

故民部長陵蕭公恭和大安之間名德雅
遺山詩集

卷之十

汲古閣

望朝臣無出其右其爲太原道漕使時不
肖方廩諸生間顧嘗一望眉宇以爲甚幸
然亦以齒少且賤不得與橫經之末而爲
恨也北渡後居陽平見關中人邢公達談
公平生往往色揚而神躍問之知其爲公
夫人之猶子也蓋公達之先人於公恩義
良厚而公所以報之者爲甚力公達初仕
部掾年甫三十遂爲州上佐出入臺閣者
二十年雖其材致然亦藉公爲之司命耳

子雅知公達之敬公也凡欲聞公之故則就訪之公達所居之屋乞名於子因以蕭齋目之且爲之說云士之生世有一鄉之士有天下之士有一人之所私慕有天下之所共稱分限所在不能以強人而人亦不得而強之也惟公承王公餘烈奕葉台鼎世譜完具與當陽杜氏相上下故言氏族者推其貴出入經史優柔厭飫發越秘奧不減前輩蔡無可故言討論者服其博

遺山詩集

卷之二
十一

汲古閣

秦嶽凝獄致力忠愛一言之仁利及永久故言斷獄者歸其平彊禦不奪其標公相不易其介幅巾鄉社坐鎮頽俗故言進退者推其高蓋天下所共稱非一人之私慕高山仰止其誰曰不然古人有愛蕭子雲筆札者得蕭之一字遂以名所居況於其所天乎因爲詩以貽公達有好賢如緇衣者請爲同賦焉

十年金門客一日蓬蒿人煙煤兩像屋因公名字

新筓公無恙時四海望經綸敦龐一古儒風采自名臣仁亡典刑在百世留清塵師尊世共然況子風所親愛公人夢想遙遙見垂紳教兒多讀書公言諒諄諄他時門戶改亦惟公所姻我嘗望公顏道左避朱輪至今誦其詩喜色爲津津埽秦如未老會買東家隣

別李周卿二首

行路濕於棘單車望千山歌君歸雲曲清涕留餘
替六年河朔州動輒得謗訕唯君篤高義日來款

遺山詩集

卷之二
十二

汲古閣

柴關古交松柏心今交桃李顏古人去不返古道挽不還相思一樽酒幽恨寄山間風雅久不作日覺元氣死詩中柱天手功自斷
始古詩十九首建安六七子中間陶與謝下逮韋柳止詩人玉爲骨往往墮塵滓衣冠語俳優正可作婢使望君清廟瑟一洗筆笛耳城居日蛙龜局促復局促去作山中客放浪誰檢東溪光淡於水山骨淨如玉懷我同心人團茅住深竹垂綸鮮可食種秫酒亦足石壇二萬丈醉眼

天一粟安得萬里風相從雨燕龍同卿學有自見其比度下約西游如詩中所說

謝韓德華送端之作

良朋滿東州歲月見忠悃韓侯晚相值意氣尤懇
懇我嘗相斯人趣向識端本立節柏有心樹德蘭
在晚官榮晚不顧寄興浮雲歎今世走名場旌旆
幾仆偃賤子本無取玉趾渠往返昨聞遂歸巷見
謂竹林阮暑涂三百里追送不憚遠觀君木訥姿
百念爲日損頗方慙衣綯又被以華袞桑榆倘可
遺山詩集 卷之二 汲古閣

戊戌十月山陽雨夜二首

朔吹乍還止雲意鬱以周十月雷收聲陽和自油
油此雨非舊雨春旱歷夏秋道路土三尺今朝見
浮漚三城信樂土凶年未消憂一蝗食禾盡半菽
不易求流民四方來斷港魚蝦稠忍死待一麥秋
種且未投乾溢誰所司穹壤徧九州醉飽到狐鬼
巫覡自懷產帝命湖江湖野語良悠悠龍公爲汝

賀李倫定可收

霏霏散浮煙霽靄集微分出門望白塔但覺襟袖
潤繁聲忽赴節細點復成陣久渴疑未厭平已作
牽小新山陽冬候緩麥脚易滋分去土膏入滲漉
破粒客可趁此邦信可樂風土同一音單車我東
來塵土滿婦發衰樵失先具閉權因餘吝今朝人
事改一雨開百順僧煙晚色淨喜極夢爲盡枕上
一詩成燈花落紅燼

看山

遺山詩集

卷之二 十四

汲古閣

慘慘悲去國鬱鬱賦卜居不采西山薇卽當莽江
魚今日忽有得蕩如脫囚拘青山坐終日忘讀案
上書卑褻與山林使我欣然歟我身天地間託宿
真蘆蘆無窮閱有限萬期亦須臾坎止及流行何
計疾與徐百年險與夷又似萬里途良駭馳康莊
九折亦摧車必惟易之就遇險當何如化化復生
生體異理不殊驚非俗而白鳥豈黔而烏誰續長
脛鶴誰裁短足亮孔墨不暖席盜陌華堂居公車
因方朔太倉飽侏儒杜子露雙肘朝參出無驢軟

裘與快馬照耀與臺軀天隨隱笠澤把菊供盤盂
擊鮮日爲具大嚼皆屠沽乖逢自乖逢賦分無賢
愚作計窮一我造物良區區嚮也憂不足乃今樂
有餘

九日讀書山別陶詩露淒暄風息氣清天曠
明爲韻賦十詩

行帳適南下居人踟庭戶城中望青山一水不易
渡今朝川涂靜偶得展喪步蕩如脫囚拘廣莫開
四顧半生無根著筋力疲世故大似丁令威端來
遺山詩集

卷之二
十五

汲古閣

歎墟墓鄉閭喪亂久觸目異平素粉榆雖尚存歲
晏多霜露

今日復何日霜氣倏已淒登高有佳招山中古招
提翩翩劉公子王田重相携乾坤動詩興澗壑忘
攀躋霍侯家甚貧劣有酒與鷄城居厭聒鼓移家
此幽棲世網不易逃所向皆塵泥何以濯我纓林
間有清溪

山腰抱佛剎十里望家園亦有野人居層崖映柴
門管我東巖君曾此避塵喧林泉畱杖屨歲月歸

琴樽翁今爲飛仙過眼幾寒暄蒼蒼池上柳青衫
見諸孫疎燈照茅屋新月入顏垣二句先人詩依依覽
陳迹側愴不能言

霜氣一匣薄杳杳秋山空臨高望烟樹黃落雜清
紅造物故豪縱窮秋變春容錦障三百里不盡臺
山東燦燦黃金華羅生蒿艾叢野人不知貴幽香
散秋風秋物自橫陳顚揖苦不供誰能搖醉筆吐
句凌清雄

宇宙有此山閱世過易疾何人不此遊名姓寧復

遺山詩集

卷之二
十六

汲古閣

識茲辰世所重前代多盛集柴桑有故事二謝畱
俊筆併數孟與桓此外誰記憶人生百年內踏地
皆種迹獨惟我輩人興懷念今咎山林與臯壤自
古長太息

賞心古難并暮景日易費故人成此游尊酒重相
慰新詩互酬唱清談見滋味鱸鮓方偃蹇龜龜共
騰沸懸險劇褒斜清渾雜涇渭爭教十圍腹滿貯
憂與畏情親到真率寧復轉喉諱鄭重伯雅生藉
汝聊吐氣

往年在南都閒開主文衡九日登吹臺起隨盡各卿酒酣公賦詩揮酒筆不停蛟龍起庭戶破壁春雷轟堂堂髯御史痛飲益精明亦有李與王玉樹含秋清我時最後來四座頗爲傾今朝念存歿壯心徒自驚

我在正大初作吏浙江邊山城官事少日放浙江船菊潭秋華滿紫稻釀寒泉甘腴人小苦幽光出清妍歸路踏明月醉袖風翩翩父老遮我畱謂老欲登仙一別半山亭回頭餘十年江山不可越目遺山詩集

斷西南天

吾山一何高清涼屹相望龍頭出白塔佛屋壓青嶂雲光見秋半旭日發豪相義義寶樓閣金界儼龍象鄉曲二十年香火關瞻向金花香綿草夢想雲雨上福田行欲近重爲詩酒障終當階層巔放眼天字瞻

紫微老仙伯少日見承平甲子五百餘雙瞳益清明披莊不盈尺翛然潛無營庭柯挂秋蔬老樹風冷冷我有年德尊公深鄉曲情思得菊潭酒爲公

制顏齡作詩語同游明年復尋盟看公九節杖翩翩上崢嶸

畱月軒

丈室何所有琴一書數冊花竹結四隣繁陰散芳澤閒門無車馬明月卽佳客三人成邂逅又復得驪伯驪伯屬我歌嶠兔爲動色商聲隱金石桂樹風索索乾坤月與我共滅卽生魄元精貫當中寧有天壤隔卯君尚奚待言論累數百多談令人厭坐睡驚墮幘一笑鷄未鳴虛牕自生白

遺山詩集

梨花海棠二首

汲古閣

梨花如靜女寂寞出春暮春工惜天眞玉頰洗風露素月澹相映蕭然見風度恨無塵外人爲續雪香句孤芳忌太潔莫遺凡卉妒

妍花紅粉妝意態工媚嫵窈窕春風前霞衣欲輕舉金盤渺華屋國艷徒自許依依如有意脈脈不得語詩人太冷落愁絕殘春雨

遺山先生詩集卷第二

遺山先生詩集卷第三

五言古詩

趙吉甫西園

國名
種德

王城比民居近市無閒田開田八九畝乃在城西
偏久矣瓦礫場莽爲狐兔阡高人一畱顧老木生
雲煙集屋臨清流開窗見西山入境偶相值遂無
城市宜趙侯嗜讀書兀坐守遺編性情入吟咏古
澹無妖妍酸鹹與世殊至味久乃全我作別墅詩
請爲子孫傳耕私有定業歡豐屬之天寧作幽莽
遺山詩集
卷之三
一
汲古閣
兒袖手待逢年汲古先有齋種德今有園期君在
晚歲無庸計日前

臨汾李氏任運堂二首

并序

彥仁從軍久厭於事物之累念欲脫去之
而不可得也故嘗鬱鬱不白野求予發策
之子名其居曰任運堂且爲賦詩
官職有何好礫礫蹈危機車塵及馬足捧手仍佞
肩棄去何足追無從脫繫維不如聽其然歲晚倘
可期此心未馴初養虎時飽飢一爲金石止坐聞

萬物馳汨泥揚其波哺精歎其醢漁父我所學靈
均竟奚爲上堂壽慈親兄弟如墳麓救水足致樂
况有甘與肥人生天地間長路有險夷遇險卽欲
避安得皆通達君家北山翁百世雷清規樂天而
知命行矣君何疑

北山翁
高道提點
天長
齊羊公贈詩有

百世清規之
潘放及之

履危恨無機避禍欣有策後處徒自密前路寧汝
測七戰歿牖下坐談得刺客周身容孔智伐樹不
宋厄九折怯乘險瘴海悲遠謫就令家長安獨不
遺山詩集
卷之三
二
汲古閣

死林簣人生多憂長年壽幾至白惱惱首尾間天
宇坐成窄重泉青雲梯平地黃土陌乖逢有定在
拙計徒巧擇行樂當及時莫待頭雪白

黃土間見
初學記叙

題張左丞家范寬秋山橫幅

層崖闢長陰細逕緣絕巘梯雲欄千峻廓廓清眺
展斜陽半天赤飛鳥大江遠清霜張秋氣草樹生
意剪風雪斫堅敵旗旆紛仆偃崢嶸峰巒出莽蒼
林薄晚盤盤范家筆老懷寄高臺經營入慘澹得

處乃蕭散蒿丘動崢與穴心青在眼何時臥雲身
團茅蓬疎懶

宿張靖田家

地屬
壽陽

川涂盡坡陀嶺路入荒梗微茫望煙火向背得廬
井殘民安朴陋倦客喜幽屏兒童聞叩扉租吏有
餘警兩岸紛藁薄砂石立頭墮湍流落空嵌百折
不容騁山深饒風露夜氣淒以耿園花淡相望邊
月空照影深居苦不早素髮忽垂領誰謂林野人
茲焉惜清景

遺山詩集

卷之三

汲古閣

曲阜紀行十首

荒城臥魯甸寒日濟平蕪千年素王宮突兀此城
隅我昔入小學首讀仲尼居百讀百不曉但有唾
成珠少長授魯論稍與義理俱攝齊念升堂壞壁
想藏書翩翩七十子佩服見舒徐慨然望闕里日
思膏吾車五原東北晉因循迫桑榆今日復何日
南冠預庭趨隱隱金石聲悅如夢清都偉哉神明
觀欣幸當何如

殷屋劫火餘瓦礫埋荒基入門拜壇下儼然想光

儀億富講授初佩服何遽迤登降幾何人鸞鳳相
追隨千年仰階級大險不可躋文杏誰此栽世世
傳清規植根得所託在木將何如

堂堂魯三楹塔植出天巧規摹欲十抱奇秀供百
繞誰言甲戌亂煨燼入炎燎青煙干雲上群鶴空
自矯哀哀嶧陽人腸肺痛如攪魯郊木何限名取
唯一少神明信扶持厄運豈易曉零臺滿荒榛遠
宮餘曲沼紛紛闌成壞何異晏與早道存有汗隆
物齊無壽夭霜皮眼中見鬱鬱白塵表君看太山
遺山詩集

卷之三

汲古閣

石萬古青未了

陋巷陋復陋老屋在人境門前軒蓋多閉戶自幽
屏近郊無百畝負郭纔半頃醴粥聊自供取足唯
一井此井閱千歲清節傳并賴尚想瓢飲初至味
久益承德鄰與周旋聖域容造請貧中有此樂日
暮獨何炳泓然窺古堦一勺試甘冷上池果能神
轉盼得深省塵埃竟何有素髮忽垂領共學誰我
容從之抱脩篲

泮宮何所有舞雩但荒臺泮水潤已久北風捲黃

埃顧瞻魯公宮感極令人哀獻賦亦盛事規摹到
平淮作計萬萬古而今安在哉獨愛鼓瑟翁不與
三千偕宗周方訖錄聖師猶卷懷但欲春服成風
乎詠歸來我亦淡蕩人涉世寡所諧洛沂行有日
一笑心顏開

大姦何所如狹偷雄且猛雖然再耳伏擇肉會一
驍卯也不敗露名與聖師並天刑竟莫逃不待七
日頃曹瞞盜漢壘僅得係要領與狎均小人脫網
乃差幸小偷學不至適足污渠鼎不從市朝肆必
遺山詩集

卷之三

汲古閣

就遠方屏兩觀餘坡陁萬世不頑嶺神兵凜可怖
過者宜少傲

不見講堂處指以存世譜遺基洙泗間荒惡餘十
畝聖師旣已老白衛端在魯正樂修六經卒業此
其所當時季路室完整逮建武太僕忠且壯持用
方禦侮如何唐盛日一廢不重舉中和天地位寧
復俟庭廡所嗟世道衰師授日莽園空餘千歲井
點黑眼終古

白塔表佛屋萬瓦青鄰鄰何年勝果寺西與姬公

鄰塔廟恣汝爲豈合魯城閭魯人惑異教吾道宜
湮淪許行學神農耒耜手自親當時子孟子直以
爲生民况彼桑門家養壤待其身一朝斷生化萬
國隨荆榛孟氏非所期安得楊與荀丹青贊神化
舊染爲一新空令鍾魚地再睹籩豆陳吾謀未及
用勿謂泰無人

天地有至文六籍畱聖護聖師極善誘小智祇自
愚文章何物技不直咳唾餘操戈競虛名望塵拜
高車所得不毫髮咎責滿八區公論懸日星豈直

遺山詩集

卷之三

汲古閣

小人儒喻彼失相者假不知所指南一授嚮聖
門有修途陽光照薄暮尚堪補東隅悠哉發深省
酒埽令其初

林墓連魯城方廣十里間林間百草具棘荆死不
蕃惜規作橫理青青閱千年懷人成一概何止召
公賢傳陵石翁媼名字無畱鑄兩獸墓前物歲久
乃訛傳昨我游魯門規作孔林篇聖人與天大聖
道難爲言所見不一記來者何述焉詩成私自媿
小子良斐然

寶嚴紀行

陰崖轉清深秋老木堅瘦城居望已遠步覺脫氛
垢寶嚴夙所愛丈室方再叩曠黑纔入門徑就石
泉漱遙遙金門寺寶焰出岩實我豈無盡公昔見
今乃又同來二三子寢飯故相就況有杜紫微琴
筑終雅奏曠曠上初日深樾烟穿漏透迤陟西巘
萬景若迎候絕避三面開仰看勞引照兩山老突
兀屹立柱圓覆諸峰出頭角隨起隨偃仆不可無
煙霞朝暮爲先後橫亘連巨鼇飛墮集靈驚九華
遺山詩集

卷之三

汲古閣

鴈門道中書所見

金城畱旬浹兀兀醉歌舞出門覽民風慘慘愁肺
臍去年夏秋旱七月黍穗吐一昔營幕來天明但
平土調度急星火通負迫搖楚網羅方高懸樂國
果何所食未有百膳擇肉非一虎呼天天不聞感
諷復何補單衣者誰子販糴就南府傾身營一飽
豈樂遠服賈盤盤鴈門道雲濶深以阻半嶺逢驅
車入牛一何苦

岳祠齋宮夜宿

煌煌德寧宮望秩年祀永唐來幾焚蕩規制仍峻
遺山詩集

卷之三

汲古閣

整龍旂嚴廟座金闕散光燭狀拜行且周偉觀竊
欣幸青紅畱壞壁兵衛自馳騁木杪見龜趺雄筆
跌鍾鼎中和昔喪亂已溺寧再拯有來鴈門公赤
手探虎鯁經營入慘淡洒落出鋒穎凶豎竟自摧
神鑒益彪炳青山間人代今古一炊頃摩挲盤根
槐甲子誰記省場來石門道煙岫接雲嶺霄漢瞻
上階濃碧挿秋影青林雨聲集懸瀑激奔猛森然
心颯動冰雪淒以耿飄飄想仙袂飛下玉蓮井昨
夢知是非復此造真境妙香淨餘習灑氣發新警

鶴書來何遲素髮迫垂頰玄壇展衰步似欲逐幽
屏高柯月紛紛裴回惜清景

示程孫四首

井州望南宮東南千里餘六年念兒女驚鬱心不
舒程孫問安否一月兩寄書老我倦出門況是涉
畏途鞍馬二十日面色爲焦枯白兄應見笑此行
亦區區

吾女在吾家先已安卑弱雖然適貴門一味甘儉
薄財廉出仁讓語省見端慈婦道化一州母女皆

遣山詩集

卷之三

汲古閣

願學州人聞我至相與喜且愕請我六十翁齒髮
未衰落擊鮮日爲具和氣動城郭爲說婿女賢宅
相知有託乃公私有賀一月醉杯杓生女四十年
今有爲父樂

直孫年志學玉立無纖瑕簡孫甫勝衣芳蘭出其
芽燦燦彩翠翔鴛雛映朝霞諸孫獻壽喜極復
長嗟吾母河南君閨門靜無譁殷勤教女孫乃今
成汝家老我何足道外舍儘得誇
會聚樂不貲言別悽以惻風雲動老懷車馬見行

色明年吾六十家事斷關白唯當近酒醪亦復拋
書冊提携兩童子款段或下澤玉雪念吾孫未覺
千里隔乘輿徑一來髯髯當速客

九月初霖雨中感寒痺作

甯飲工作祟臂股半風淫風淫喜陽景旬浹坐秋
霖兒寒益跳梁衰暮苦難任病枕怯遙夜破窗風
露深兩年魏大名十門簪霜碁客行足緒續家居
但疎食絢絲不易得候蟲徒自吟無衣思南州傷
哉非獨今

遣山詩集

卷之三

汲古閣

同白兄賦餅中玉簪

畏景衆芳歇仙葩此夷猶冰姿出新沐娟娟倚清
秋昨夢今見之風裏玉搔頭誰言閨房秀高情渺
林丘碧筵古銅壺一室香四周懷人成獨詠遺思
徒悠悠

野史亭雨夜感興

私錄關赴告求野或有取秋兔一寸毫盡力不易
舉衰遲私自惜憂畏當誰語展轉天未明幽聰響
疎雨

哭延孫

兒生去年冬閨里日相慶今年迫周時疹痘俱已
竟爛斑綴錦衫未與玉雪稱宅相望此孫惜愛均
氣命一宵誰奪去遠有亡事橫情鍾果難忘力挽
將安勝憶昔點妝初季女抱降鏡灼灼芙蓉花澹
與清波映霜風入芳渚瘦綠餘荷柄嬌紅耿在眼
百喚不一應寂寞空鏡前老眼淚如迸

贈罵

鄰牆擁高樹深樾蔭衡宇山禽千百種晨夕所棲

遺山詩集

卷之三

汲古閣

處獨愛黃栗留煙姹如稚女笑啼啼又笑宛轉工
媚嫵佞窺疑欲下轉盼忽驚舉花暗柳陰陰尚記
兒時語詩家此尤物名字喧樂府天真異綠竹容
服仍楚楚宮額畫眉闊黛黑抹金纔恨不掌上看
毛羽得細數山城無與樂好鳥亦求侶時時貫珠
來有唱當和汝

讀書山月夕二首

層崖多古木細路深莓苔柴門開曉日雲際青山
來靜中有真趣孤賞何悠哉

久旱雨亦好既雨晴亦佳胡床對明月樹影合清
華牆東有沔池欹枕聽鳴蛙

繼愚軒和党承旨雪詩四首

南來何所如孤根轉風蓬以彼萬里途寄此一畝
官明窗一繩床稍覺粉華空唯餘作詩癖尚與當
年同人言詩窟人無詩吾自窮此世等夢耳誰窺
復誰通茹噎當快吐聊此寬吾胸

今古幾詩人擾擾劇毛粟吾愛陶與韋冷然扣水
玉大雅久不作聞韶信忘肉求音扣寂寞一嘆動

遺山詩集

卷之三

汲古閣

隣屋水風清鶴夢月露洗蟬腹白頭兩遺編吟唱
心自足誰爲起九原寒泉薦芳菊
老麻臥雲鬆澗松上崢嶸斯文要棟梁頽圯可力
撐匠石殊未來破屋燈青焚乾坤有二鳥一息當
一鳴區區用舍間而亦隨重輕百挽迹莫前一怒
怨已盈臨風三太息此意何時平

愚軒具詩眼論文貴天然頗怪今時人雕鐫寢歲
年君看陶集中飲酒與歸田此翁豈作詩真寫曾
中天天然對雕飾眞屬殊相懸乃知時世妝粉綠

徒爭憐枯淡足自樂勿爲虛名牽

寄英禪師時住龍門寶應寺

我本寶應僧一念墮儒冠多生經行地樹老井未

胥一窺縛兩脚寸步百里難空餘中夜夢浩蕩青

林端故人今何如念子獨輕安孤雲望不及冥鴻

杳難攀前時得君詩失喜忘朝煖想君亦念我登

樓望青山山中多詩人杖屨時往還但苦詩作祟

况味同酸寒清涼詩最圓相和尚性往似方千半

年臥床席瘡我亦頑本草松枝條松脂濟甫詩

遺山詩集

卷之三

汲古閣

最苦僧源字清寸晷不識閒傾身營一飽船上八

節難安行詩最工隱客安山六馬鳴和鸞鸞鸞

飢寒憂慘慘日在顏老秦詩最和秦畧字簡平易

出深艱脫身豺虎藂白髮僇俾鯨張侯詩最豪前

封今張敬字驚風卷狂瀾窳繁天和洩外腹中已

乾城中崔夫子崔遵字懷老筆盤盤盤家無僭石

儲氣壓風驪壇我詩有凡骨欲換無金丹呻吟二

十年似欲見一斑大笑掬掬生已復不相寬愛君

梅花篇入手如彈丸愛君山堂句深靜如幽蘭詩

僧第一代無媿百年閒思君復思君恨不生羽翰
何時溪上石清坐兩蒲團

夢歸

虛庭霜夜寒落葉風自掃恍如南窗月坐失西山
道長安佳麗地游子自枯槁人生家居樂學稼苦
不早衡門眼中見歸意滿秋草夜長夢已盡愁絕
令人老

郎文炳心遠齋二首

茅齋迫官居塵土日蓬勃道人掩關坐挂眼無外

遺山詩集

卷之三

汲古閣

物明窗一蒲團濯足晨理髮一片萬古心清潭兩

明月

止性如止水惜身如惜玉婦姑得相安久矣脫羈

束兒童挾書至燈花催夜讀自是周太常生平耐

幽獨

蕭寺僧歸橫軸

山空秋草寒露暗光已夕悠悠松門月靜照禪客
入遙知夜堂深疎鐘動幽寂

祁陽劉器之以墨竹得名今年春薄游鹿泉

因爲予寫真重以小景見餉凡以求子詩而已賦二十韻答之

去國二十年跬步卽異境中間歷齊晉陸下如壘并轍涸困波神祠廢臥土梗坐翅附危柯飢腹得画餅早樞竝牛驥泥淖閨蛙黽紛紛疲應接碌碌陪造請尚賴麴生賢真味畱雋永蹉跎鐘鼎意盡付銅尾乘劉生工寫照游戲出俄頃高懸大圓鏡寓我形神影青衿昨日爾素髮忽垂領詩餘飯山瘦智縮武庫瘦霄漢邈南宮寂寂魂鄧耿包虎錦遺山詩集

卷之三
十五

汲古閣

荅王輔之

我宅西山隅君居頰之濱昨朝與君語或作晤憶我山中春君家縣豪傑交結通周秦四海盧御史肯來作師賓風流被諸郎文質猶彬彬乃知父兄意潤屋亦潤身長亂幾何時孤身走踈踈貂裘風霜

老獨有佳句新被褐懷珠玉知君未全貧我詩初不工研磨出艱辛雖欲尸祝之芻狗難重陳顧方媿盈川况敢同照隣汾流清復清堪君濯纓塵居人與行客早晚期相親

寄題沁州韓君錫耕讀軒

東帶見督郵甘以辭華軒嘯傲南窗下且樂我所然斜川今在亡問津有遺編行尋柴桑里遂得桃花源桃源無漢魏况復義熙前讀書與躬耕兀兀送殘年淵明不可作尚友乃爲賢田家豈不苦歲功聊可觀讀書有何味有味不得言遙知一尊酒琴在已亡絃

遺山詩集

卷之三
十六

汲古閣

遺山先生詩集卷第三 終

趙山先生詩集卷第四

七言古詩

虞坂行

丙子夏五月將南渡河
道出虞坂有感而作

虞坂盤盤上青石石上車蹤深一尺當時騏驥知
奈何千古英雄淚橫臆龍蟠於泥易所嘆騰非其
時聖爲泣玄龜竟墮余且網老鳳常饑竹芝實天
生神物似有意驗以乖逢知未必若論美好是不
祥正使不逢何足惜孫陽騏驥不並世百萬億中
時有一乃知此物非不逢轅下一鳴人已識我行

過山詩集

卷之四

汲古閣

坂路多周馬敢謂群空如冀北孫陽已矣誰汝知
努力鹽車莫稱屈

畫馬爲邢將軍賦

大宛城下戰骨滿驚駘入漢龍種藏將軍此紙何
處得便覺房駟無光芒人中馬中兩勁敵天門騰
門皆戰場并州父老應相望早晚旌旗上太行

秋鷺

室人篋中無寸縷一笱秋鷺課諸女朝來劍却上
馬桑隔簇仍聞竹間雨阿容阿璋墨滿面畫微灰

城前致語上無蒼蠅下無鼠作藹直須如甕許東
家追胥守機杼有桑有稅吾猶汝官家却少一綯
絲未到打門先自舉

南溪

南溪酒熟清而醇北溪梅花發興新前年去年花
下醉今年冷落花應慳梅花媚媚如靜女寂寞甘
與荒山隣詩人愛花山亦好幽林穹谷生陽春風
鬢我我一尺雲芳香幽臥如相親山堂夜半北風
惡一點相思愁殺人

過山詩集

卷之四

汲古閣

送郝講師任崇福宮

郝平
道人

大方之家幾知津郝君七十老斲輪書文五車喙
三尺劇談混沌今猶神太玄博士爲絕倒君言吟
矣天公嗔長安冠蓋羅青雲洛陽車馬爭紅塵怪
君掉頭不肯住寂寞來作繇東隣崑崙高維岳古所
秩三十六帝有外臣玄都石壇待曉馭官殿突兀
松輪困上界仙人鄧雲山洞天治所名司真蓬萊
方丈去不遠明星玉女時相親瑤華可掬蘭可紉
煙霞永隔塵中人黃鶴一去不復返白鷗萬里誰

能馴爲我殷勒謝鄧君玉華歲晚當平分

范寬秦川圖

張伯子云此圖
外餘皆如名

亂山如馬爭欲前細路起伏蛇蜿蜒秦川之闊范
寬筆來從米家書畫船變化開闔天機全濃澹覆
露清而妍雲與霞蔚幾千里看我如在我眉巔西
山盤盤天與連九點盡得齊州煙浮雲未清白日
晚矯首四顧心茫然全秦天地一大物雷雨湏洞
龍頭軒因山分勢合水力眼底廓廓無齊燕我知
寬也不辦此聚寧有筆如修椽紫萼落西溪君
遺山詩集

卷之四

汲古閣

長劍倚天冠切雲望之見之不可親元龍未除湖
海氛李白豈是蓬蒿人愛君恨不識君早乃今得
子胸中泰作詩一笑君應聞予七年前過鄆城伯
子意予亦慨然而去爾後雖顯文而解歟矣未嘗
不以爲恨也今日子思兄弟出此圖求予賦詩酒
爲無柳中飽爲賦此兩本來元章家物有韓子蒼
題名元章以爲中立而元輝以爲中正以予觀之
此非張翥胸中物耳如
者當不以吾言爲過云

赤壁圖

馬蹄一蹴荆門空鼓聲怒與江流東曹瞞老去不
解事誤認孫郎作阿琮孫郎矯矯人中龍顧盼叱

咤生雲風疾雷破山出大火旗幟北捲天爲紅至
今圖畫見赤壁髣髴燒虜留餘蹤令人長憶眉山
公載酒夜俯馮夷宮事殊興極憂思集天濤雲闊
今古同得意江山在眼中凡今誰是出群雄可憐
當日周公瑾顧領黃州一禿翁

寄荅溪南詩老辛愿敬之

五年不喚溪南渡日夕心馳洛西路山中今日見
君詩惆悵良辰又相悞龍蛇大澤變風景虎豹天
門鬱煙霧丈夫不合把鉏犁青嶺無情忽衰素平
遺山詩集

卷之四

汲古閣

泉漫作窮愁志笠澤休題自憐賦長安正有五侯
鯖散辨誰能作樓護青燈老屋深蓬蒿蝙蝠掠面
莎鷄號劍歌夜半激悲壯松風萬竅翻雲濤區區
墓上曹征西我知嬾媿王東臯人生只有一杯酒
螟蛉蜾蠃安能豪

西園

興定庚辰
八月申作

西園老樹搖清秋畫船載酒芳華遊登山臨水祗
煩憂物色無端生暮愁百年此地旃車發易水迢
迢鴈行沒梁門回望繡成堆滿面黃沙哭燕月殘

笑一炬殊可憐膏血再變爲灰燼富貴已經春夢
後典刑猶見靖康前當時三山初奏功三山宮闕
雲錦重璧月瓊枝春色裏畫欄桂樹雨聲中秋山
秋水今猶簪漠漠荒煙送斜日銅人攜出露繁來
人生無情淚沾臆屢川亭上看年芳更爲清歌盡
此觴千古是非同一笑不須作賦擬阿房

愚軒爲趙宜之賦

心生心化誰搏控舉世倏倏皆大夢百年只辨作
朝三爭議羣狙先汝弄人人具此清淨眼妄翳無
遺山詩集

卷之四

汲古閣

根嗟自種天機嗜欲涇渭雜道念紛華鄙魯閭今
人却羨愚軒愚一蹴藩籬開廓空愚軒虛室久生
白掌上精真元自洞氣從神火俱長物豈有古方
傳魯宋人言此眼本無負死恨冥行人所笑智愚
何預阿睹中或者桔槔賢抱瓮病瘠能指跛能履
眉睫雖存寧復動我云俗士蔽一曲全笑不全從
古衆渠儼六鑿日相攘內不錮銖徒外重守宮綠
壁夸覆射懸虱如輪規命中天和一洩不知止膏
火自焚良可痛從教目比方相多纔與瞽師論伯

仲先生真是有道者老境一愚聊自送五官止廢
而神行就令有眼將無用寄謝諸方五味禪葛藤
莫作金鑑頌

雙峰競秀圖爲參政楊侍郎賦

紅煙霏霏雲拂石山水蕭蕭山鬼泣江岸人家失
南北兩峰突兀何許來元氣淋漓洗秋碧畫家晴
景費經營吳愛移山人杳冥安得北風吹雨去倚
天長劍看崢嶸

西隱

遺山詩集

卷之四

汲古閣

西隱鳥聲千種好樹陰離離動微風青山滿前掩
書坐欲話懷抱無人同花枝不笑綠鬢改尊酒自
與黃金空少年樂事總消歇落日澹澹天無塵

二月十五日鶴

九龍岡上玄元祠人言尊像神所遺年年二月降
靈鶴來無定數有定期城頭曉露生新髻萬首望
穿雲際影不知澗世誰下臨只許霜毛見脩整石
壇花落松風冷晏然長鳴人語定百年驚老詩見
聞萬里黃冠赴靈應只從游騎突重圍城郭併與

人民非可憐，後殿荒墟裏，無復當年丁令威。

聞欽叔在華下

翰林僊人詩酒豪，平生嵇阮參遊遨。山中草棘滿霜雪，可惜渠家宮錦袍。聞君忍飢讀離騷，思之不見心爲勞。舉頭西望忽大笑，太華落落長庚高。

閩商卿還山中

阿卿去月從我來，今日西山成獨往。野人不是城中物，澗飲巖棲夢餘想。翰林溼薪爆竹聲待詔，履穿沾雪行蘭臺。從事更聞吟文書，如山白髮生孤

遣山詩集

卷之四

汲古閣

燈靜照寒牕，宿北風夜半歌黃鵠。田家閉門風雪深，梅花開時酒應熟。半世虛名不療貧，樓遲寒落百酸辛。憑君莫向山中說白石清泉笑殺人。

女几山避兵送李長源歸關中

山骨稜稜雪花白，北風不貸單衣客。與君此別欲何言，若箇男兒不湮阮。相濡相啗尚可活，襟金何曾厭求索。從知鰈鱉無隱鱗，芥視三山需一掌。自古飢腸出奇策，漢廷諸公必動色。見君軒蓋長安陌。

雪後招隣舍王贊子襄飲

去年春早百日強，小麥半熟雨作霜。青山無情不爾客，單衣北風官路長。遣山山人伎倆拙，食貧口衆畱他鄉。五車載書不堪煮，兩都覓官自取忙。無端學術與時背，如瞽失相徒佞佞。今年得田昆水陽，積年勞苦似欲償。隣壻有竹山更好，下田宜秫稻亦良。已開長塿掩烏羊，稍學老圃分紅薑。宋公能詩雅好客，勸我移家來水傍。一聞入手豈易得，夢中我馬猶玄黃。君不見并州少年作軒昂，鷄鳴

遣山詩集

卷之四

汲古閣

起舞望八荒，夜如何其夜未央。賣刀買犢未厭早，腰金騎鶴非所望。河南冬來已三白，土膏墳起如蜂房。崧山東頭玉旆出，父老知是豐年祥。南溪酒熟，梅花香。高聲高喚牆東王，便當過我取一醉。聽歌長安金鳳凰。鄭舍來可字予之隱君子也并州人齊梁間田舍兒所歌

半山亭招仲梁飲

孤城鬱鬱山四周，外人乍到如累囚。半山亭前浙江水，只可與君消百憂。江山百年有此客，雲樹六

月生涼秋世上紅塵爭白日一丘一壑去來休

鄧州城樓

鄧州城下湍水流鄧州城隅多古丘隆中布衣不復見浮雲西北空悠悠長鯨駕空海波立老鶴叫月蒼煙愁自古江山感游子今人誰解賦登樓

宛丘歎

秦陽陂頭人遶絕荻花蒨蒨白於雪當年萬家河朔來盡出牛頭入沮帖蒼髯長官錯科事下考大笑陽城拙至今三老背腫青死爲通懸出背血君遺山詩集

卷之四

汲古閣

不見劉君宰棠海內稱飢摩寒拊哀孤惻碑前千人萬人泣父老夢見如平生水霜統絳渠有策如我碌碌當何成荒田滿眼人得耕詔書已復三年征早晚林間見鷄犬一犁春雨麥青青

劉君宰棠海內稱飢摩寒拊哀孤惻碑前千人萬人泣父老夢見如平生水霜統絳渠有策如我碌碌當何成荒田滿眼人得耕詔書已復三年征早晚林間見鷄犬一犁春雨麥青青

游黃華山

黃華水簾天下絕我初聞之雪溪翁丹霞翠壁高

歡宮銀河下濯清芙蓉昨朝一遊亦偶爾更覺羣寫難爲功是時氣節已三月山木赤立無春容湍聲洶洶轉絕絳雪氣凜凜隨陰風懸流千丈忽當眼芥蒂一洗平生胸雷公怒擊散飛電日脚倒射坐長虹驪珠百斛供一瀉海藏翻倒愁龍公輕明圓轉不相礙變見融結誰爲雄端來心魄爲動蕩曉夢月落春山空手中仙人九節杖每恨勝景不得竊攜壺重來岩下宿道人已約山櫻紅

巨然松吟萬壑圖

遺山詩集

卷之四

汲古閣

胸中刺鯁無九澤書裏風煙縱一漚阿師定有維摩手斷取江山著筆頭石林蒼蒼崖寺古銀河浩浩松聲秋方外賞音誰具眼莫將輕比李營丘

密公寶章小集

天東長白大寶幢天河發源導三江有木蔽映山朝陽云誰巢者雛鳳凰雲間吐氣日五色百鳥不敢言文章名都盤盤魏大梁黃金甲第羅康莊王家書絕畫亦絕欲與中祕論低昂密公書院無絲篴總明几潔凝幽香元光以後門鑰廢文士稍得

連壺觴客來喜色浮清揚典衣置酒餘空箱生平
俊氣不易降眼中俗物都落茫淵明素琴歸阮酒
妙意所寄誰能量在昔武元握乾綱扶桑爲弓射
八荒獵取一作大國如驅羊民風朴魯資驚殢文
治未及武剋剛興陵之孫越王子天以人瑞婦明
昌十三執經侍帝傍十八健筆陵阿房捧觴文字
五千卷靈臺架構森鋪張高陽苗裔襲衆芳胡不
置之貢玉堂袖中正有活國手地下纔得修文郎
悲風蕭蕭吹白楊丘山零落可憐傷承平故態耿
遺山詩集

卷之四

汲古閣

猶在拂拭寶墨生輝光恰似如菴連榻坐一甌春
露漚相忘明昌寶氣解下中秘內府圖書印也越
式乞花等帖然獨推元章筆造爲古今絕筆宋西
麓山水以李成爲第一因朝張太師浩然王內翰
子瑞奉旨品第書畫謂成筆意繁碎有西史氣象
大之制關范許公以爲當在人古無上唐以來諸
人筆虛實皆非其比故于詩反之博軒公自荒
也又所居有如菴詩集號如菴小菴越王諸子唯
博軒貧甚與水活潑之句蓋實錄云甲午二月二
十有一日爲輔之寓居

荊棘中杏花

牆東荒蹊抱村斜荊棘狼籍盤根芽何年丹杏此

留種小紅戲爭春華野人慣見沒不省獨有詩
客來香嗟天眞不到鈴粉筆富豔自是宮闈花曲
池芳逕非宿筇蒼苔濁酒同天涯京師惜花如惜
玉曉檐賣徹東西家杏花看紅不看白十日忙殺
遊春車誰家園亭有此樹鄭重已著重幃遮阿嬌
新寵貯金屋明妃遠嫁愁清笳落花紫簾拂床席
亦有飄泊沾泥沙天公無心物自物得意未用相
陵誇黃昏人端花不語唯有落月啼鴉鴉

太白獨酌圖宣和所藏李伯時筆

遺山詩集

卷之四

汲古閣

謫仙去世三百年海中鯨魚渺翩翩豈知龍眠天
馬筆忽有玉樹秋風前金鑾歸來身散仙世事悠
悠白髮邊會稽賀老何處在千里名山入酒船清
景已隨詩句盡風流合向畫圖傳往時長安酒家
眠焦遂不狂張不顛想得三更風露下醉和江月
弄江煙

松上幽人圖

宋宗婦曹夫人仲婉所
畫上有曹道冲題詩

秋風謾謾松樹枝仙人骨輕雲一絲不飲不食玉
雪姿竹宮月夕頻望祠竟不下視齋房芝人問女

手乃得之眼中擾擾昨暮兒畫圖獨在義皇時予懷渺今幽林思

送張君美往南中

南朝辭臣北朝客棲遲零落無顏色陽平城邊握君手不似銅駝洛陽陌去年春風吹鴈迴今年鴈逐秋風來春風秋風鴈聲裏行人日暮心悠悠長江大浪金山下吳兒舟船疾於馬西湖十月賞風煙想得新詩更瀟灑

戲題新居二十韻

遺山詩集

卷之四

汲古閣

去冬作舍誰資助縣侯雅以平原故賢郎檢視日復日規制從頭盡牢固南風一夕怪事發突兀楮垣殘半柱乞漿得酒遇初望曲突從薪忘後慮長淮千里燕巢林明月一枝烏遠樹東家老屋西北走衆木枝撐留少住繇來馬隊非講肆况與莊牢通過路聚盧託處何暇擇重爲主人推獎悞夏秋之交十日陰抱被倚門愁旦暮問君新居在何許只去火餘纔數步學宮分地與閒冷使館有牆遮雜汙就中此宅尤廢手官給工材牛傭僱十寒一

暴牛載疆纔得安床置鑽金紛紛暗被兒女笑老虎般彪今幾度胸中廣廈千萬間天地一身無著處北來衣冠日枯槁十九批符傍門戶乾坤血肉得此身剩有把茅能勿纓上下比良易見好惡且當隨所遇仰看片瓦聊自賀疾過巖牆寧反顧合歡明日召諸隣狼籍盃盤從飽吐

贈蕭鍊師公弼

吾家阿京愛公弼吾家澤兄敬公弼牛生夢與公弼游豈意相逢在今日春風和氣見眉宇玉壺水

遺山詩集

卷之四

汲古閣

鑑藏胸臆人間萬事君自知未必君材人盡識蘇門水木無纖埃聞君家近公和臺仙家近日多官府黃帽青鞋歸去來時次佛老家甚急故云

送代唐佐董彥寬南歸

且爲辭府請公一笑

河汾續經名自重附會人嫌迫周孔史臣補傳久已出浮議至今猶洵陶薛收文志誰所傳貴甚竹書開汲冢沁州被後石故在爲礎爲砥吾亦恐暑涂十日來一觀面色爲顰足爲腫淡公淡癖何所笑但笑弋卿堅又勇自言浪走固無益遠勝閉門

親細允摩挲石刻喜不勝忘却喻龜在岡脫潞人
本淡新有社淡事重非一種有人六月訪琴材
不爲畱難仍從史懸知蠟本入渠手四座色揚神
爲疎他時記籍社中人流外更須增一董

蕭仲植長史齋備武作

張顥飲豪傾四座脫帽狂呼誰敢和南宗北宗知
幾人醉眼紛紛飛鳥過是公技進不名技元氣淋
漓隨咳唾偶然捉筆本無意自有龍騫并虎臥當
時誰有戰國策長史帖云借戰國策可付之凡七字門外雷車忽驚

遺山詩集

卷之四

汲古閣

墮天星無數不知名色正芒寒纔七箇蕭郎家世
陵谷後爭信空囊奇貨蕭齋故事今復舉未怕
秋風吹屋破護持有物世英喜不獨一時爲子賀
藏丹夜經未厭深隄備有人來倚抱

送宋省參并寄潞府諸人

茅齋團團蝸殼大苦被傍人嘲塞破官家眼孔十
萬緡未與書生供一唾長衫只辦包瘦骨故紙何
綠變奇貨不因三致大耳兒老雪屯門甘凍臥國
中腐鼠凡幾嚇玉上青蠅非一箇荆人美璞則足

招君足幸存仍可賀雲間太行青在眼上客歸來
傾四座因君寄問社中人前日淡公行復過

覓神霄道士古銅爵

雷章著土紛朱碧秋茵春蒲人不識若非儀狄墓
中來應自杜康祠下得古人我得酒之傳摸索飲
器流饒涎巧偷豪奪吾何敢他日酬君九府錢

賦澤人郭唐臣所藏山谷洮石研研有銘云

國開臨洮有司歲醴可會者六口鉅萬其於中國得用者此研也研作壁水樣

舊聞鸚鵡曾化石不數鵲鵲能瑩刀官歲費六

遺山詩集

卷之四

汲古閣

百萬纔得此研來臨洮玄雲膚寸天下偏壁水直
上文星高辭翰今誰江夏筆三錢無用試鷄毛

贈休粮張鍊師

金砂霧散風雨疾一點黃金擣秋橘中林宴坐人
不知野鹿銜花蜂課蜜富兒盤饌羅簞葷擾擾飛
蠅復聚蚊兒說西山好薇蕨一枝青竹願隨君

天井關

石燈盤盤積如鐵牛領成創馬蹄穴老天與世不
相關玄聖栖栖此迴轍二十年前走大梁當時塵

土困名場山頭千尺枯松樹又見單衣下太行自
笑道塗頭白了依然直北有羊腸

讀書山雪中

前年望歸歸不得去年中途脚無力殘生何意有
今年突兀家山墮眼前東家西家百壺酒主人捧
觴客長壽先生醉袖挽春迴萬落千村滿花柳山
靈爲渠也放顛世界幻入兜羅綿似嫌衣錦太寒
乞別作玉屑妝山川人言少微照鄉井准備黃雲
三萬頃何人辨作陳瑩中來與先生共炊餅

陳先生貶

遺山詩集

卷之四 十七

汲古閣

官後荅京師人書云南州有何事今年好雪明年炊餅大耳

題商孟卿家明皇合曲圖

海棠一株春一國燕燕鶯鶯作寒食千古萬古開
元日三郎搗管仰面吹天公大笑嗔不得寧王天
人玉不如香綽樂句不可無宮腰不按羽衣請疾
舞底用牧豬奴風聲水聲闕清都夢中令人羨華
胥何時却竝宮牆聽恨不將身作李春

過晉陽故城書事

惠遠祠前晉溪水翠葉銀花清見底水上西山如

臥屏鬱鬱蒼蒼三百里中原北門形勢雄想見城
闕雲煙中望川亭上閱今古但有麥浪搖春風君
不見繁丹山頭龍角禿白塔一摧城覆沒薛王出
降民不降屋瓦亂飛如箭簇汾流決入大夏門府
治移著唐明村只從巨屏失光彩河洛幾度風煙
昏東關蒼龍西玉虎金雀觚稜上雲雨不論民居
與官府仙佛所廬餘百所鬼役天財千萬古爭教
一炬成焦土至今父老哭向天死恨河南往來苦
南人鬼巫好禳祥萬夫奮鍤開連岡官街十字改

遺山詩集

卷之四 十八

汲古閣

丁字釘破井州渠亦亡幾時却到承平了重看官
家築晉陽

遺山先生詩集卷第四

終

遺山先生詩集卷第五

七言古詩

蟾池

老蟾食月飽復吐天公一日頽年管下界新增養
蟾戶玉斧誰憐修月苦郡國蟾池知幾所碧玉清
流水仙府小蟾徐行腹如鼓大蟾張頤怒於虎渠
家眉間有黃乳背梁大丁正須汝何人敢與月復
讐疾過池頭不容語向來屬私今屬官從今見蟾
當好看爬沙印上青雲端

遺山詩集

卷之五

汲古閣

贈答張教授仲文

秋燈搖搖風拂席夜間歡聲無處覓疑作金筵恣
曲蘭婉爾元是寒蟬月中泣世間刺繡多絕巧石
竹殷紅土花碧竊愁入骨死不銷誰與渠饒沈寒
乞東坡胸次丹青國天孫縹緲天文織倒鳳顛鸞
金粟尺裁斷瓊笏三萬足辛郎偷發金錦箱飛浸
海東星斗溼醉中握手一長嗟樂府數來今幾家
剗借春風染華髮筆頭畱看五雲花

七言長詩於
中獨一句九
言章郎有此側
長吉亦有此側

高門闌

高門闌頭霜樹老細路千山萬山遠亂餘村落不
見人霰雪霏霏暗清曉幸川百里如掌平閒田滿
眼人得耕山中樹莠亦不惡誰遺多田知姓名許
李申楊竟何得只今惟有石灘聲

許致忠楊湯臣
申伯勝李仲常
名宦四家應虛氏時以多田
推之亂後俱不知所存矣

甲辰秋洛陽得黃葵子種之南菴明年夏六

月作花佛經所謂閻浮檀金明淨柔軟令

人愛樂者此花可以當之因為賦長韻子

遺山詩集

卷之五

汲古閣

方以病止酒故卒章及之

芳糝浥露嬌黃溼五疊湘君輕襲積晨妝午醉一
日閒白白紅紅總狼籍上陽宮女要頭冠摹寫雖
工破的難看來明淨復柔軟花中乃有閻浮檀千
里移根洛陽陌主人不飲誰看客乞與金杯白傾
側明年爲渠當舉白

馬嶺

仙人臺高鶴飛度錦繡堂傾去無路入言馬嶺差
可行比似黃榆猶坦步石門木落風颼颼僕夫衣

單望南州星落東南三百里翳毛衰颯兩年秋

去

歲往河南遷奉亦取黃榆嶺路

雲峽并序

君璋敬事西京占對稱二日其還也行臺公以宜和寶石為貺奇秀潤信天壤間之尤物君璋目之曰雲峽邀詞客賦詩予亦同作

石盆清冷貯秋水水面蒼煙飛不起一堆寒碧几研間寶氣崢嶸插箕尾中山雪浪空影像長安鸚鵡猶繞綺柱著奇章甲乙中稿項纔堪把耕耒不知天壤此尤物鬼刻神剗通有幾薰蒸似欲出泉脈瑩滑定應疑石髓剗裂雲華漬月秋辛苦詩仙費模擬車箱箭苦連西東仇池百穴聰玲瓏飛墮不嫌靈鷲小奇探已覺太湖空故都喬木今如此夢想熙春百花裏膏血網船枯九州亡國愁顏為誰洗主人天質粹以溫天然與山作知聞退食從容北牕臥今古起滅真浮雲

句之

仙人王子可賦石宗有石髮受華漬月秋

雲巖并序

觀州倅武伯英嶧縣人少日舉進士有詩名其賦剪燭刀有啼殘瘦玉蘭心吐蹴落春紅燕尾香之句甚為時輩所稱家故饒財第宅園亭為河東之冠貯書有萬卷樓嘉花珍果悉自他州移植為人多伎巧山水雜畫斷琴和墨皆極其工嘗得宣和湖石一竅竅穿漏殆若神剗鬼鑿炷香其下則煙氣四起散布禁水上濃淡霏拂有煙

遺山詩集

卷之五

汲古閣

江疊嶂之韻吾鄉衣冠家法書名書及藏書之多亦有伯英相上下者伯英獨恃寶石以擅奇汾晉間耳典定求伯英沒於關中楊戶部叔玉購石得之壬辰園城中以示予且命作詩危急存亡之際不暇及也乙巳冬十一月來東平過聖與張君之新軒而此石在焉聖與名之曰雲巖予問石所從來聖與言夏津王帥得之汴梁泥塗中而以見貽予因歎一物之微經歷世變

遷徙南北乃復爲好事者之所寶玩似不
偶然乃爲詩道其故理與三世相家以文

章名海內其才情風調不減前世賀東山

晏叔原故卒章以蕭閒明秀峰故事屬之

壺中九華玉孌顏紫煙著水往復還小牕虛明淡

相對不數漢宮銅博山會稽禹穴深無底寶石偷

來定山鬼一堆寒碧殊不凡滿谷春雲更堪喜阿

欣秀發見眉宇小杜才情淪骨髓摩挲不作几上

看繚白紵肯便千里渾沌日鑿餘空嵌漏天蒸溼

遺山詩集一

卷之五

汲古閣

饒風嵐世外元無種香國海南真有補陀巖觀州

受阮類漸破民部平生幾薰沐藏舟夜發未厭深

竟作新軒坐中物一天星月入金尊翠射娉婷自

有人只欠宣和鄭先覺爲君畱寫五湖真

劉遠筆

老鏡方能舉玉杵文陣挽強猶百鈞惜哉變化太

狡繪黠也褐衣今虎文宣城諸葛寂無聞前後兩

劉新冊勲謝郎神風恨太雋雖然豈不超人羣三

錢鷄毛吐皇墳夫奴定能張吾軍何時酌我百壺

酒爲汝醉草傘天雲校增變化事
見前詩傳

贈周良老

于公斷獄多平反高門大車在乃孫我居聊賦飲

二載喜見周叟醇而溫十年大理書上考宜有賜

報如十門大兒書來問安否兵饑不死天所存鄭

孫毛骨殊秀發寶氣鬱鬱含朝服機聲嘖啞聒朝

昏種瓠五石當酒尊是翁福祿知未艾兄弟和樂

連株根白髮阿兄應念我南雲寂寞賦招魂

鴻溝全欽叔賦

遺山詩集一

卷之五

汲古閣

劉郎若手乾坤了未害與渠分九州夸兒衣繡自

楚楚作計豈復西鴻溝雄雌自決已無策尺寸必

爭唯上流韓生已死言猶在千載令人笑沐猴

雪中自洛陽還嵩山

道人薄有塵外緣迫入塵埃私自憐三十六峯一

茅屋夢裏西家掠社錢津津喜色見眉宇我我青

城當眼前塞驢運入風煙去恰是梅花欲雪天

祖唐臣愚菴

小智怯篋盜所羞大智移國鬼與瞽浮生匹緡兩

孟弼心計擾擾知何求
青州荊州免三窟古人今
人貉一丘喚起羅池柳
夫子與君同醉營家洲

過井陘

北山亭亭如驛振南山
眈眈虎翹首上門東頭望
井陘漢家風雲自奔走
市人豈識英雄材金鼓一
朝天上來此山行人萬萬
古幾不磨滅隨蒿萊白
鹿祠前一杯水蒼顏聊爲
洗塵埃

北嶽

太茂維嶽古帝孫太朴未
散真巧存乾坤自有靈

遣山詩集

卷之五

汲古閣

境在地位豈合他山尊
中原旌旗白日暗上階樓
觀蒼煙屯誰能借我兩黃
鶴長袖一拂玄都門

天涯山

九州上游推大鹵獨恨山
形頗椎魯天涯一峰今
日看快似昂頭出環堵何
年氣母此融結鬼鑿神
剗未奇古八牕玲瓏透朝
日洞穴慘澹藏雷雨苔
花錦石粲可喜乞與雲煙
相媚嫵半空擲下金芙蓉
竊想得飛來自玄圃傳聞
絕頂更靈異云是清都
群玉府五雲飛步吾未能
風袂泠泠已輕舉東州

死愛華不注向在陋邦何
足數敬亭不著謝宣城
斷岸何緣比天姥酒船何
時朝復暮倒卷滄沱浣
塵土喚起山靈捷石鼓漢
女相妃出歌舞詩狂他
日笑遺山飯顆不妨嘲杜
甫

山有石
鼓神祠

智仲可月下彈琴圖

昇春舞雩鼓瑟希琴語解
吐胸中奇誰言手揮七
絃易大笑虎頭真絕癡北
風蕭蕭路何永流波湯
湯君自知三尺絲桐儘堪
老兒童休訝鶴書遲

常山妖生四十月能搗管
作字筆意開廓有

遣山詩集

卷之五

汲古閣

成人之量喜爲賦詩使洛誦之

大兒小兒舞商羊東家西家
捉迷藏牙牙作群鴈
鴈行是中乃有常山郎常
山嬌嬌可憐蟲四歲未
有三歲強黑鷹破箴自神駿
黃犢放脚須跳采只
知見紙即塗抹誰謂轉腕
能低昂渠家兩翁破天
荒劉輝夢靈果專場榮鄉
亭中詩版在岐山名字
香山香此郎晚出西樞房
虎穴虎子不可當天驚
地怪見落筆便合抱送中
書堂文星煌煌照燕南
青青子衿滿恒陽教官連
被鳳尾諾瑞物多生金

粟岡兒曹變化不作難何必二十始乖張明年作字一丈大當有稜角學光芒回頭却看元叔綱鼻

涕過口尺許長

常山白馬齋第三子叔綱山之季子也

贈利州侯神童

生十四月識字子見時生二十一月識字無算

牙牙點妝杏蕾紅阿兄抱之來學宮今春學語語未正已能見書識名姓隨指隨讀無數重多生想

曾文字中極知之無不足訝更恐洛誦難爲功土中松粒龍爪脫萬牛丘山起毫末君不見黃金寶

鼎翡翠青未要春官許衣鉢人間失却麻神童明

遺山詩集

卷之五

汲古閣

星煌煌出蒼龍只知江陵圖籍畫一火誰謂死草

生華風遺山老子未老在見汝吐焰如長虹

兄字金鼎

奚官牧馬圖忌軒畫

曹韓畫樣出中祕燕市死骨空千金息軒筆底真

龍出凡馬一空無古今安閒自與人意熟蕭灑更

覺天機深奚官有知應解笑世無坡仙誰賞音

紫微劉丈山水爲濟川賦

畫家李范真勍敵方外只今誰第一自非劉宗祭

酒阜昌孫未信仙翁輕落筆長洲遠浦各清冷萬

頃風煙一草亭千章古木散巖谷鶴髮松姿餘典刑紙尾不須題姓字人人知是老人星

王右丞雪霽捕魚圖

江雲混混陰晴半沙雪離離點江岸畫中不信有天機細向樹林枯處看漁浦移家魂未能扁舟蕭散亦何曾白頭歲月黃塵底笑殺高人王右丞

跋酒門限邵和卿醉歸圖

邵伯康之父

邵公頭白甫三十高吟大醉無虛日風流畧似靖南湖每恨聞名不相識太平村落自繇身童稚扶

遺山詩集

卷之五

汲古閣

攜意更真醉歸圖上見顏色喜溢眉字猶津津好著寒驢駛我去與君同醉杏園春

題張彥寶陵川西溪圖

松林蕭蕭映靈宇礫石流金不知暑太平散人江表來自許清涼造仙府不到西溪四十年溪光林

影想依然當時膝上王文度五字詩成衆口傳忽

見畫圖疑是夢而今塵土浣華顛

本送字今改作浣字

行之巖壑天壤間清涼境界也江濞太平散人應

詩東廟自謂已造仙府恨居民不知其樂耳此縣先君子舊治宴游西溪僕以童子侍焉彥寶出此圖求賦詩感今懷昔爲之怡然故篇中有及愛丑

十一月
三日題

汝州倅韓君德華其十二世祖相遼封魯公

故名其伯男子曰魯王父命氏古蓋有之

予過其家命魯出拜謂予言魯名矣而未

有字敢以爲請予字之世公德華曰願終

教之乃申之以辭

昌黎諸韓散盧龍魯公相遼開邑封厲行後先六

侍中大參高文紀神功龜石穹窿與天終百年故

家餘素風汝州有子今成章考古制名龜筮從貴

遺山詩集

卷之五

汲古閣

以道義飭汝躬良璞不治凡石同貞而絕俗孰子

容濟實以文介而通顧雖宗起其起宗尊也不慚

袁氏公

壬子冬至新軒張兄聖與求爲兒子阿平制

名予名之曰琥以仲耽字之小字明復有

善禱之義焉詩不工當令阿耽灑落誦之

阿平玉雪絕可憐皎如鶴雛下青田呼來拜客挽

不前啼聲如聞過秦篇陳王入門漢韋賢新軒文

筆尤翩翩大沼挂壁誰使然我知一經會有傳玄

默之多客須城問平之年纔五齡適公爲兒求制

名兒名從虎玉與并仲耽爲字以字行佛書舊說

無空青豈知空青今有形紫公紫公還我明看見

若脚青雲平

世宗御書田不伐望月婆羅門引先得楚字

韻

瑤光樓前按歌舞桂樹秋香月三五白頭誰解記

開元四海歡聲自蕭鼓兩都秋色皆喬木三月阿

房已焦土天人亦有離別情可是田郎心獨苦承

遺山詩集

卷之五

汲古閣

平舊物霓裳譜寶氣輝暉映千古銀橋望極竟不

歸滅沒燕鴻下平楚

送崔夢臣北上

并序

子貢抱關買臣負薪朝秦暮召名動縉紳

此有志之士所以自奮於昌辰者耶夢臣

崔卿玉樹清姿士門華胄成童授學與鷄

俱興肆筆成書倚馬可待雖泌水之洋洋

堪樂舞門之穆穆方開惜歲月之虛捐欲

雲霄之坐致遇順風而縱大綫其孰禦之

登金馬而上玉堂在此行矣詩以勸駕序

寧闕乎癸丑二月望日新興元某序

并州書郎年少客細馬金鞭日三百生平意氣凌
青雲未怕天山雪花白西園此日盛徐陳鳳閣驚
臺氣象新絲來草創查潤色况復天造須經綸他
日南歸吾木老與君同醉晉溪春

送王彥華

中朝名勝龍山莫喜色門闌得佳賢一朝天府效
驅馳萬里青雲在平地余栗岡頭俊造多莫從人

遺山詩集

卷之五

汲古閣

品問如何迂齋受學青吟日殷重遺山爲拊摩東
國人倫吾豈敢只憑月旦決巍科

李成之王彥華趙孝先以提學命見餉佳酒

且求制名取以詩記之

子雲寂寞將誰親延之麤豪意自真君家公壻兩
冰玉酒味自合清而醇雲腴俗士無風神紅珠女
兒茜裙新一杯香絕韻亦絕思今唯有餘醪春

劉時舉節制雲南

雲南山高去天尺漢家絃聲雷破壁九州之外更

九州海色澄清映南極幽并豪俠喜功名咄嗟顏
盼風雲生今年肘後印如斗過眼已覺烏鬢平論
蜀相如今老矣不妨銅柱有新名

贈張潤之

許年不唱龍津第人物尤難到袁世明堂他日要
梗楠造物也須論蚤計晉人稟賦例真淳兒能讀
書知養親遺山門客富儒雅綠髮張郎名姓新莫
道琴工有師法海山深絕解移人

謂之資甚美故就其可致者而勉之他日學業有成老大當以風鑒自負矣

遺山詩集

卷之五

汲古閣

許道寧寒溪古木圖

爲翟器之賦

道人醉袖蟠蛟龍掃出古木牙須雄開卷颯颯來
陰風翟卿論畫凡馬空能知畫與詩同宗解衣盤
礴非衆工遺山筆頭有關全意匠已在風雲中畱
待他日不思恩

送張書記子益從嚴相北上

并序

子益省郎觀國之光從公于邁揚雄詞賦
良借力於吹噓鄧禹功名本無心於祿仕
詩以送別亦以趣其端云

故家人物饒奇俊聲聲昂霄今已信康侯書接拜
龍光百里自應沾海潤六月貂裘風雪深大河天
駟日駸駸莫把聲華動臺閣東方書檄要陳琳

贈別孫德謙

津橋坐楊雪花白挽斷春衫苦畱客西湖一雨春
意濃絕似銅駝洛陽陌湖亭蘿醉臥春風到手金
杯不放空鵲山一帶傷心碧羨殺孫郎馬首東

汾亭古意圖

堯氏義皇去未遠日作日息天機全杜侯袖裏姑

遺山詩集

本之五

汲古閣

汾筆辦與南華淩窅然寥曉知經幾今鋒淳朴別
有一山川白雲亭上秋風客不比仙翁甲子年

以來郭熙明呂本和開張公作皆年過八十而山水猶自令其神文老與張郭年相若而畫品不下古人為後處道作汾亭古像後雖有虛外意或過因顯其仙風累十帝堯甲子年詩家亦傳首冊之故未可行也

太原贈張彥遠

并州城邊十月水清霜稜稜風入骨因君夜話吳
江春酒光瀲灩金杯滑閒騎鯨去減沒當年愛
君俊於鵲平生我亦識翁人惆悵流年如電抹官

家新華文昌臺蒼生不憂墮巔崖眼看東閣奇士
滿如君豈得藏蒿萊晨鷄未鳴子當發明星煌煌
大於月野夫一笑冠纓絕

換得雲臺帖喜而賦詩

周官武臣奉朝請劍佩束縛非天眞世間曾有華
陀帖神物已化延平津米狂雄筆照萬古北宗草
書纔九人今日雲臺見遺墨黃金牢鎖玉麒麟

鹿泉新居二十四韻

土門西邊井陘渡野日荒荒下汀樹榆關石嶺都

遺山詩集

卷之五

汲古閣

幾程客夢往往迷蹄路塵埃風雨半生過儘著筋
骸支世故寧州假館又兩年未休東來不西去山
城百家家有山靚面呈山誰一顧賣書買得呂氏
圖不謂全山舉相付北崖老作上灰色獬腫形摸
一夸父娟娟正有小峨嵋却立不容親杖屨就中
抱犢尤峭拔望見韓山即攀附韓王嵒頭四望闊
全趙米如纔數聚眼中塵蓋天上來泚水鼓旗紛
偃仆漢家威靈萬萬古石子連岡猶虎距夏秋聚
聲會鹿泉浩浩湍聲瀉餘怒西南諸峰不知數蕩

海鯤鯨尻背露霏煙空翠有無中百態陰晴變朝暮
靈巖龍泉曾一到獨欠封龍展衰步學仙不愛徐
童花李相書龕心所慕生平懷抱向山盡老氣崔
嵬如有助巖居枯寂朝市喧喧寂兩間差有趣得
行固願留不惡流坎且當隨所遇何曾萬錢何用
許方丈有山容下管管城初無食肉相黃帽非供
折腰具明年高蔡野史亭天已安排看山處多
慙不及謝宣城標出敬亭天一柱亭天一柱在方丈
有山容下銷之下謝宣城標出敬

遺山詩集

卷之五
十七

汲古閣

過劉子中新居

鄴州城隅兩茅屋市聲喧喧自幽獨春風吹盡山
杏花只有青青一叢竹先生愛畫如惜玉練鵲翔
鸞餘百軸大兒跟蹤挾書歸土銚疎煙纔一粥微
官枉負半生閒也著區區簿領間何時却與溪南
老紫益山前共往還子中舊與溪南詩老
辛敬之游故有上句

東湖次及之韻

西山山頭山月白倒影漣漪舞寒碧竹溪花島要
君詩醉墨幾番枯研滴東湖佳處詩已盡矯首不

知川路隔當年韓賈伯物色分畱到佳客此州何
必減蘇州頻有詩人來列職一時人境偶相值萬
古風流餘此席三堂風月今猶管擬拂塵纓問投
跡因君寄謝使君公却恐他年厭求索

贈郝萬戶

阿卿袖中五色筆弦聲裂石雷破壁繡衣千騎東
方來俊氣崢嶸蜀山碧詩書義府無古今祭遵軍
中亦歌吟密侯勲業君自識計算不數韓淮陰莫
看仁柔待儒雅朱輪畫轂見天心鄒禹封
尚密侯

遺山詩集

卷之五
十八

汲古閣

王學士熊岳圖

洗參池水甜於密玉堂仙翁髮如漆膝前文度更
風流盡卷風流入詩筆長松手種欲摩天海岳樓
空落照邊古來說有遼東鶴仙語星星誰爲傳五
百年間異人出却將錦繡裏山川

贈史子桓尋親之行

七十老親頭雪白滿意晨昏慰顏色兵塵湏洞君
不憂萬里天心不相隔八月秋霖九月霜破帽北
風官路長瓜田故侯貧且病愛莫助之徒自傷後

日書來聞吉語通家猶得似南陽

遺山詩集

卷之五
十九

汲古閣

遺山先生詩集卷第五

終

遺山先生詩集卷第六

雜言

去歲君遠遊送仲梁出山

去歲君遠遊今年客他州青天萬古一明月只與
行人生暮愁問君遊何許情多地僻今徧處金鞭
斷折驥驤死萬里長鴻思一舉憶初識子梁王臺
清風入座無纖埃華嶽峯尖見秋隼金睛玉爪不
凡材西園日晴花滿煙五雲樓閣三山巔玉樹瑤
林照春色青錢白璧買芳年三年一夢南陽道汴
遺山詩集
卷之六
汲古閣
水迢迢入秋草擎雲心事人不知千首新詩怨枯
槁破屋仰見星疎衾風露清匣中有長劒爲君鳴
不平泥塗久辱思一濯去去舉足皆清冷鄧州大
師材望雄愛客不減奇章公軍中宴酣筵鼓競銀
燭吐焰如長虹幕中多士君又往談笑已覺南夷
空東州春迴十月後梅花分香入春酒平生得意
欽與京青眼高歌望君久浙江南下青云石門
細路蒼烟屯五松平頭白日靜千山萬山如亂雲
菊源不逐時事改芝嶺自與商顏鄰他日相思一

迴首漁舟時問武陵人

飲謂飲叔京即京父也
樂入書以飲之為飲也

此日不足惜

此日不足惜此酒不可無頗怪昌黎公亦復為世
儒天生至神物與人作華胥一酌古木強二酌燥
吻濡三酌動高興四酌色敷腴連綿五六酌枯腸
潤如酥眼花耳熱後萬物寄一壺十酌未渠央百
觚亦奚拘人生一世間忽若過隙駒有酒不解飲
問君誰與娛君不見東家騎鯨李膽滿六尺軀萬
言黃石策八陣夔州圖酒酣起舞不稱意長吁青
遺山詩集

卷之六

汲古閣

送希顏赴召西臺兼簡李汾長源

捫參歷井無危途蒙不滿睫良區區就令一朝便
得八州督爭似高吟大醉窮朝脯餘名安得潤枯
骨四十豈不知頭顱此日不足惜此酒不可無太
虛為室月為燭醉倒不用春風扶

昨日游崧丘今日西臺行勞生好夢亦大少枕中
馬嘶車鐸鳴山林之樂無虧成胡為解蘭縛塵纓
蒼生望君須一起我知無地逃功名關中得君作
金城氣象已覺西山平諸人誰出仲卿右一座想
為相如傾風華浩蕩春冥冥馬頭仙掌遙相迎長
安市上見李白為我一醉秦東亭

嵩山玉鏡

口口口何許今旦東山隱積雨洗昏霾旭日發光
輝光輝奪人目灑灑如動移初如秋月圓漸如曙

遺山詩集

卷之六

汲古閣

星微曙星未能久併與晨露晞此鏡何從來造化
秘莫窺山精或寶氣恍惚令人疑誰為問岳祇山
川英秀會有歸不能生申與甫瑞王國萬丈光芒
徒爾為

虎害

北山虎有穴南山虎為群目光如電聲如雷倚蕩
起伏山之垠百人一飽不留骨敗衣墜絮徒紛紛
空谷絕樵聲長路無行塵呀呀聳涎口耽耽闕城
闕天地豈不仁社公豈不神哀哀太山婦叫斷秋

空雲可憐封使君生不治民死食民世上無復裴將軍北平太守今何人

飲酒

江南秋泉雲液濃遼東抹利玉汁鎔柳瓢傾荔枝綠螺杯暮慘珍珠紅此酒誰所畱今日乃汝逢仙人一丸藥洗我芥蒂胸金沙一散風雨疾世事盡與浮雲空東家劉伯倫西家王無功醉鄉日月萬萬古眼中擾擾誰爲雄人會有歸盡飲不飲所同所恨獨醒人百年枯槁中獨醒恨未通獨醉恨遺山詩集

卷之六

汲古閣

未公安得清江變醇醪盡迴天地入春風

送高信卿

高卿去歲山中居橡朝栗暮分猿徂今年移家入城市慨中生塵釜生魚文竄智亦竄五鬼更嘯呼迺翁延客著上座兩兒已復遭擲檢三冬兔園冊牧豎叫語龐溼薪煙滿眼破硯冰生須賣符與行藥不養堂堂軀無衣思南州千里走單車我嘗相夫君不是山澤臞十八學擊劍二十力陰符平生結交王與李袖中頗有魚雁圖文武志臞誰不如

不能拔劍斫蛟鱷亦當赤手降於菟胡爲堅坐守寒飢坐令兒女悲窮途萬事糊塗酒一壺別時聊爲鼓龍胡中原麟鳳今如此莫道皇家結網疎

寄趙宜之

趙時任宣氏

大城滿豺虎小城空雀鼠可憐河朔州人掘草根官黃琴北人南來向何處笑說辛川今樂土莘川三月春事忙布谷勤耕鳩喚雨舊聞抱犢山摩雲出蒼棧長林絕竈人迹所不到可以避世如武陵黃橡當果穀煎术甘飴飭此物足以度荒歲況有遺山詩集

卷之六

汲古閣

麋鹿可射魚可罾自我來嵩前旱乾歲相仍耕田食不足又復違親朋三年西去心籠禽念飛騰一瓶一鉢百無累恨我不如雲水僧松山幾來曾不畏登不得但畏不得登洛陽一々秋風起□□□□張季鷹

段志堅畫龍爲劉鄧州賦

緒龍可參亦可屠世人畫蛇復畫魚天飛忽入阿堅筆始覺衆史欺庸愚腥風萬里來白浪橫江湖一麾走海若再顧失天吳浩蕩明河翻尾鬣慘不

濡只愁紙上出雷火搏控大千如此珠天生神物
與化俱滅沒變見何所無道鱗自古不受觸乃今
縮頭隨卷舒怪得堂堂尉御史平生長有雨隨車

送詩人秦簡夫歸蘇墳別業

三月不見君渴心欲生塵論文一樽酒雅道誰當
陳昨朝見君臨水句乃知拙青配白非詩人南山
明月北山雲恨君不作孫東隣擊鮮爲具非無好
事者天隨杞菊年年新仁田茅屋墮蘇墳兩兒力
耕足養親君詩或者昌晚節不應道路長逡巡白
遺山詩集 卷之六 汲古閣

髮刁騷一幅巾豐年鄉社樂閒身蹇驢馳入醉鄉
本袖中知有針山春

紀子正杏園燕集

甲午歲

紀翁種杏城西垠千株萬株紅艷新今年寒食好
天色曉氣鬱鬱含芳津天公自愛此花好朝薰暮
染頰花神融霞暈雲一傾倒非煙非霧非卿雲未
開何所似乳兒粉妝深絳唇能啼能笑癡復騷畫
出百子元非真半開何所似里中處女東家鄰陽
和入骨春思動欲語不語時輕筆就中爛熳尤更

好五家合隊就與秦曲江江頭看車馬十里羅綺
爭紅塵陽平一邑多詩豪主人買酒邀衆賓花時
此游有成約恨少楊子張吾軍落花著衣紅續紛
四坐慘淡傷精魂花開花落十日耳對花不飲花
應頌愛花常苦得花晚爭教行樂無閒身芳苞一
破不更合且看錦樹烘殘春

李參軍北上

五日過居庸十日渡桑乾受降城北幾千里出塞
入塞沙漫漫古來丈夫淚不灑別離間今朝送君
遺山詩集 卷之六 汲古閣

行情深畱餘潛生女莫作王昭君一去紫臺空
羆生男莫作班定遠萬里馳書望玉關我知驢子
墮地無齊燕我知鴻鵠意氣青雲端草間尺鷃亦
白樂扶搖直上何勞搏一衣敝纓袍一飽肯着盤
歲時壽翁媪團樂有餘歡就令一朝便得八州督
爭似絲衣起舞舞春爛斑去年雒陽人今年指天山
地遠馬羈破霜重貂裘寒朔風浩浩來客子慘在
顏扼胡嶺上一迴首未必君心如石頑君不見桓
山鳥乳哺不得須臾閒衆雛一朝散孤雌四顧聲

悲酸寒鴈來時八九月白頭阿母望君還

王寅華墨竹

爲郭輔之賦

古來畫竹尊右丞東坡斂袂不敢評開元石本出
摹寫燕市駿骨畱空名亦有文湖州畫意不畫形
一爲坡所賞四海知有賞當亭深衣幅巾老明經
老死不敢言縱橫豈非遼江一孤最後出運斤成
風刃發矚雪溪仙人詩骨清畫筆尚餘詩典刑月
中看竹寫秋影清鏡平明白髮生娟娟畧似萱草
詠落落不減叢臺行千枝萬葉何許來但見醉帖
遺山詩集

卷之六

汲古閣

字欽傾君不見忠恕大篆草書法趙生怒虎嘖墨
成至人技進不名技游戲亦復通真靈百年文章
公主盟屏山見之踣且擎聲光舊塞天壤破議論
今著兒曹輕有物於此鳴不平悲耶囁耶誰汝令
只恐破窗風雨夜心隨雷電上青冥

泛舟大明湖

待杜子不至

長白山前繡江水展放荷花三十里看山水底山
更佳一堆蒼烟收不起山從陽丘西來青一壘天
公擲下半玉環大明湖上一杯酒昨日繡江看曉

間晚涼一櫂東城渡水暗荷深若無路江妃不惜
水芝香狼籍秋風與秋露蘭襟鬱鬱散芳澤羅襪
盈盈見微步晚晴一賦畫不成枉看風標誇白鷺
我時驂鸞追散仙但見金文翠鞋相後先眼花耳
熱不稱意高唱吳歌叩兩舷喚取樊川搖醉筆風
流聊與付他年

九月七日夢中作詩續以末後二句

桃花紅深李花白昨日成團今日拆歌聲滿耳何
處來楊柳青旗洛陽陌拊君背握君手朝鐘暮鼓

卷之六

汲古閣

無了期世事於人竟何有青青鏡中髮忽忽成白
首六國印何如負郭二頃田千載名不及卽時一
杯酒

賦邢州鵲山

去時唐山道望望鵲山背今朝西北看奇秀益可
愛蒼茫失層叠解駭見縈滯浮雲自來去盡巧寧
變壞吳牧入小筆隱隱拂殘黛城隅靜女人不知
擁髻佞顰如有待太行橫截九州半一掩一重俱
有態只知天平六峯天下稀此山東來亦間在煙

埋雨沒今幾時殆天所藏子發之郭熙未足語平
遠摹寫誰有韋郎詩

送王亞夫舉家歸許昌

一日兩食藜藿葵三冬一褐軒與齊監河貧粟困
欲死望望江水漸塵泥故書一束手自攜汴兒跳
梁翠女啼出門疾走勿反顧正恐五鬼從之西馬
中豈是無龍媒世人徒知牝牡黃與驪只如黃金
絡頭亦不惡誰謂茅索能相羈天公醉著百不問
汝偶而偶奇而奇前途兀兀黑於漆昨日把筭今
遺山詩集

卷之六

汲古閣

扶犁乃知世間倚伏不可料井底容有青雲梯春
風兩淮多鼙鼓軍中少年舞荒鷄因君南望一大
笑落日澹澹青山低

湧金亭示同游諸君

太行元氣老不老上與左界分山河有如巨鼇昂
頭西入海笑兀已過餘坡陀我從汾晉來山之面
目腹背皆經過濟源盤谷非不佳煙景獨覺蘇門
多湧金亭下百泉水海眼萬古留山阿淅淅淅水
源淪淪淪溪波雲雷涵鬼物窟宅深蛟龍水妃簾

弄明月璣地藏發泄天不訶平湖油油碧於酒雲
錦十里翻風荷我來適與風雨會世界三日漫兜
羅山行不得山北望空長哦今朝一掃衆峯出千
鬟萬髻高峩峩空青斷石壁微茫散煙蘿山陽十
月未搖落翠裝雲旂相盪摩雲煙故爲出濃淡魚
鳥似欲留婆娑石間仙人迹石爛迹不磨仙人去
不返六龍忽蹉跎江山如此不一醉拊掌笑煞孫
公和長安城頭烏尾詛并州少年夜枕戈舉杯爲
問謝安石蒼生今亦如卿何元子樂矣君其歌

遺山詩集

卷之六

汲古閣

南冠行

癸巳秋爲
曹得一作

南冠纍纍渡河關畢逋頭白乃得還荒城雨多秋
氣重頽垣敗屋深茅菅漫漫長夜浩歌起清涕曉
枕留餘潛曹侯少年出純綺高門大屋垂楊裏諸
房三十侍中郎獨守殘編北窗底王孫上客生光
輝竹花不實鷄雛飢絲桐切切解人語海雲喚得
青鸞飛梁園三月花如霧臨錦芳華朝復暮阿京
風調阿欽才量碧裁紅須小杜長安張敞號眉嫵
吳中周郎知曲悞香生春動一詩成瑞露靈芝滿

窗戶魚龍吹浪三山沒萬里西風入華髮無人重
典鷓鴣裘展轉空牀臥秋月寶鏡埋寒灰鬱鬱萬
古不可開龍劍出地底青天白日驅雲雷臂水千
里不可畱離魂楚些招歸來生不願朝入省暮入
臺願與竹林嵇阮同舉杯郎食猩猩唇妾食鯉魚
尾不如孟光案頭一盃水黃河之水天上流何物
可衰人間愁撐雲裂月不稱意更與倒翻鸚鵡洲
安得酒船三萬斛與君轟醉太湖秋

醉後走筆

遺山詩集

卷之六

汲古閣

建茶三盃水雪香離騷九歌日月光腰金更騎楊
州鶴雉永不羨太官羊短燈檠子後近床秋風吹
簾月轉廊一歌再歌魂魄動入眼渺渺橫沉湘湘
妃漸遠望不及金支翠鬋潛飛颺漁父話獨醒孺
子歌滄浪山鬼獨一脚拊掌笑我旁相壘婦來平
故國遺臺老樹山蒼蒼掩書一太息夜如何其夜
未央東家女兒繡羅裳銀瓶瀉酒勸客嘗一酌均
距顏再酌齊彭殤宇宙不今古氣節無陰陽少年
避酒不肯喫跬步乃有無何鄉愛茶愛書死不徹

乃以冰炭貯我腸世間唯有麴生風味不可忘

南湖先生雪景乘驛圖

并序

南湖先生原武人年二十許時曾以鄉試
兩魁鄭州然其資偶儻所以自望者甚高
終不樂爲舉子計卽棄去學擊刺當正隆
征南頗欲馳逐戎行間旣而大定詔書下
兵各罷歸先生抱利器而無所試乃浮湛
里社以詩酒自娛買田南湖之上築亭種
樹徜徉于其間盡置家事日與賓客酣飲

遺山詩集

卷之六

汲古閣

歌管基梨窟日夕不少休家故饒財又好
施予其赴人之急猶疾痛之在己故人尤
以此歸之所與游如臨洛王逸賓游宗之
大定劉之昂其人皆天下名士至論人物
必曰靖達卿今日之奇男子也先生生於
天會初歷大定明昌泰和優游於太平和
樂之世者五十年太安兵興乃下世平生
喜作詩樂府尤有蘊藉觀西子棄瓢詩可
見也

髮鬢蕭蕭氣宇蕭然千古香溪水自流
吳越兵爭竟何得風流輪與五湖句

嘗雪中騎青驪行京水道中作長詩辛章
有安得西都畫史吮筆出新意爲作南湖
老子雪景乘驪岡之句其子文煒北渡後
來東平始以先生之意追畫此圖求僕賦
詩文煒質直好義讀書作文有聲時輩中
觀其子可以想見先生之爲人故爲道其
事并以致懷賢之思

大河茫茫白連空寒雲迢迢度南鴻汴梁高樓管
絃裏成阜行人西北風北風吹雪來飄瞥捲孤蓬
遺山詩集

卷之六
十四

汲古閣

異色變慘澹元氣開洪濛襄陽潮陽詩境在撮拾
物色真難工青驪誰此游望見知是南湖翁南湖
翁少日骯髒今龍鍾猶能吐氣萬丈如長虹閉門
元坐意不愜要看銀海翻魚龍寶花世界瓊瑤宮
江山隨翁入清雄詩成仰天一大笑飛花落絮春
濛濛鬱鬱衆宋郊翁家出強宗許與必豪右收聲
入等候封翁年十八九弄筆學雕蟲查取兩解魁
隱隱何隆隆一旦拂衣去學劍事猿公正隆適南
征疋馬走從戎墨九磨脣鼻意與江流東紫微出

東方淮海亦來同都將書與劔田間就春農仕宦
不作邵曼容醉鄉自愛王無功鵲鵲從渠致鍾鼓
野鶴豈合棲樊籠南湖煙景多魚鳥亦從容亦有
兩小船綸竿挿船篷高亭出秀樾窗戶連青紅清
颺隨幡輿頤色赴吟筇門前車馬來日驪日不供
但苦佳客少焉知清興終看翁棄瓢詩調戲鴟夷
老子如兒童雄吞已覺雲夢小寒綰寧作書生窟
當年我得奉談笑晝夜肯放清樽空東家西家不
相從南海北海不相逢風流者舊今誰似惆悵相
遺山詩集

卷之六
十五

汲古閣

看是畫中

遺山先生詩集卷第六

終

遺山先生詩集卷第七

雜言

癸卯歲杏花

南州景氣暖杏花間紅梅讀書山前二月尾向陽
杏花全未開待開竟不開怕寒貪睡喚人催愛花
被花惱不徹一日遠樹空千回牙牙嬌語山櫻破
綢爛成團稀作顆小蕾從教蜂螭封繁枝未要晴
雲裏兩月不舉酒半歲不作詩更教古銅瓶子無
一枝綠陰青子長相思今年閏年好寒節花開不
遺山詩集一 卷之七 汲古閣

妨遲一月

西船買魚作寒節求
方舟先生年知歲海

題劉紫微堯民野醉圖

蒼苔濁酒同歌呼白鬚紅頰醉相扶堯時皇質未
全散不論朝野皆歡虞望雲雲非雲就日日非日
先秦迂儒強解事極口譽堯初未識堯民與酒同
一天此外更誰為帝力仙老曾經甲子年戲將陳
迹畫中傳山川淳朴忽當眼迴望康衢一概然不
見只今汾水上田翁鞭背出租錢堯甲子年仙

贈答趙仁甫

仁甫名復雲夢
人江表奇士也

我友高御史愛君曠以真昨朝識君面所見勝所
聞江國辭客多玉骨無泥塵軒昂見野鶴過眼無
鷄羣想君夜醉潯陽時明月對影成三人散著紫
綺裘草裏烏紗巾浩歌魚龍舞水伯不敢嗔何意
醉夢間失脚墮燕秦萬世一旦暮萬里一比隣世
無魯連子黑頭萬蟻徒紛紛君居南海我北海握
手一杯情更親老來詩筆不復神因君兩詩發興
新都門迴望一大笑袖中知有江南春

下黃榆嶺

遺山詩集一

卷之七

汲古閣

北匡玄武暮黥黑如積鐵東匡切火餘絢爛開錦
纈就中巔頭一峰凸樸奇剝費寒雲幾千疊摩圍
可望不可到青壁無梯猿叫絕林煙日射杉翠新
跬步疑有黃金闕畫工胸大墨汁滿那得水壺貯
秋月直須潮陽老筆迴萬牛露頂張顛揮醉帖石
門細路無澗泉行人飢渴挽不前辛苦黃榆三十
里豈知却有看山緣

駭豬行

黃臺張
氏庄作

冷山時苗多費力辦與豪豬作糧食草菴架空尋

丈高擎版搖鈴鬧終夕孤犬無猛噬長前不暗射
田夫睡中時叫號不似駢豬似稱屈放教田鼠大
於兔任使飛煙半天黑害田爭合到渠邊可是山
中無橡木長牙短喙食不休過處一抹無禾頭天
明隴畝見狼籍婦子相看空淚流旱乾水溢年年
日會計收成纔什一資身百備粟豆中儋石都能
幾錢直兒童食糜須愛惜此物羣豬口中得縣吏
卽來銷稅籍

噓臺感遇

遺山詩集

卷之七

汲古閣

衰回五岩上浩歌彌激烈望望瞻房翁倒影乍明
滅地古足靈異祠廢餘像設子規夜啼山竹裂老
鶴亂踏枯松折噓臺音響杳不聞蕩蕩青天一明
月荒山破瓦色十步九窪壑水泉出沮如一綫僅
不絕翁乎何意留此居可是他山無地穴大道既
下衰日擊聰明開玉徒珪璋毀木以青黃災天和
散不甯去浪無東回咄咄此老蒼骸髒作怪魁堯
年生甲子含德如未孩標枝野鹿致足樂火食屋
居良所哀史筆亦厚誣技計議與村纏身正有一

丈髮直以何物觀形骸大笑黃冠師金丹羽化之
說何從來豈知大人先生獨立萬物表太古元氣
同胚胎不見今日孫公和橫絕四海隘九垓嵇康
養生安狂哉

水簾記異

癸卯九月四日
同社仲梁賦

黃華絕境探未窺道人曾約山櫻紅鏡臺懸流不
易得世俗名取香爐峰七年長路今一到刺鯁欲
滿平生胸豈知早久泉脈絕快意一濯無繇供神
明自足還舊觀漫浪爭敢微靈通何因狡獪出變
遺山詩集

卷之七

汲古閣

化勝繁轉盼增清雄天孫機絲拂夜月佛界珠網
搖秋風稱奇叫絕喜欲舞恨不百繞青芙蓉銀橋
清涼巔玉鏡崧丘東世外果無物邂逅乃一逢書
生眼孔塞易破勺水已復誇神功東坡拊掌應大
笑不見蜚鯨鞭魚龍

拱谷聖燈

九月五日

金門寺前山突起井底寶殿三十里舊聞聖燈在
山上紫微侍郎宜不妄山空月黑無人聲林間宿
鳥時一鳴游人燒香仰天立不覺紫煙擎頭一燈

出一燈一燈續一燈山僧失喜見未曾金繩脫串珠散迸玉丸走梓光不定飛行起伏誰控搏華麗清圓自珠口北荒燭龍開晦冥南極入地多墨星豈知心光毫相有真遇物外恍惚終難憑腐儒心魄爲動蕩再拜中庭謝靈貺何曾辨作剽更生下照乃辱青藜杖昨朝黃華瀑流神所憐今朝金門佛燈佛作緣紛紛世議何足道盡付馬耳春風前

食榆莢

露寒滑寒羊蕨羶春榆作莢絕可憐榆令人瞑何遺山詩集

卷之七

汲古閣

暇計田舍年例須濃煎蕭聲吹暖賣陽天人家鑼火分青煙長鉤矮籃走童稚頃刻綠萍堆滿前炊飯雲子白剪韭青玉圓一杯香美薦新味何必烹龍炮鳳誇肥鮮鼠肝蟲臂萬化途神奇腐朽相推遷夢中鸚鵡亦大樂隨意飲啄真飛仙先生捫腹一莞然此日何功食禹錢

李峪園亭看雨

龍山右脇松十里細路蜿蜒繞龍尾松林迫塞悶煞渠北望玉泉疑井底玉泉元自別一天眼界廓

廓無神川金城百里纔一俯半尖浮圖插蒼煙行行下絕巘招提忽富眼未到倦不勝小憩遂忘返玉泉一杯甘以冽未須張陸誇冰雪主人不在客不留烈風崖下風颭颭石頭路滑馬蹄怯山雨未落雲先愁將軍林園永安下秋霖村墟絕蕭灑濃雲壓屋風打頭僅得羈御脫疲馬只知龍山之神神更神永安亦能撼詩人晦暝變化千萬態畫出風雨元非真山靈亦愁歸厚夜半面時時見雲羣天瓢細灑供晚涼不似草堂回俗駕層陰一掃羣遺山詩集

卷之七

汲古閣

游龍山

曩予魏大梁得交此州雷與劉自聞兩公誇南山每恨南海北海風馬牛老龍面目今日始一見更信造物工雕鏤是時山雨晴平田綠油油竝山涼氣多况得通深幽山泉谷口出迎客石罅戛擊琳琅球蜿蜒入微行漸覺藤蘿習衣樹打頭惡木拉

巖樓直幹比指桐石門無風白日靜自是林響寒

颺颺一峯忽當眼仰看不休一峯一峯千百峯

難欲一一顧揖知無繇金城偃蹇不得上瑤壑回

合如相爾苔花萬錦石丹碧爛不收天關守虎豹

武庫開戈矛小山隨起隨偃仆獨立千仞絕頂縹

緲之飛樓百花岡頭藉草坐瀟灑正直金蓮秋亭

亭妙高臺玉斧何年修登高覽元化快如鷹脫鞵

山靈故爲作開閣巧與詩境供冥搜白雲何許來

纖絲弄輕柔蓬蓬作霧湧飄飄與煙浮玉衣仙人

道山詩集

卷之七

汲古閣

輒素蚪翕忽變化令人愁須臾視六合浩蕩不可

求初疑陶輪比運甓今悞夜竅真藏舟劫石拂未

窮杞國浪自憂斷鼇立極萬萬古爭遣起滅如浮

漚快哉萬里風一掃天四周誰言太始再開闢日

馭本自無停輶舉手謝山靈就無清涼臺相非神

羞賊子貪名山客刺已屢投黃花挂鏡臺天壇避

秦溝太山神明觀二室汗漫游胸中隱然復有此

大物便可揮斥八極隘九州玉峯有佳招絕唱須

一酬爲君探囊擲下珊瑚鈎白雲相望空悠悠異

時華表見老鶴姓字莫志元丹丘

醉中送陳季淵

寒食不數日天氣殊未佳翩翩金門客行行指龍

沙朝發忻城暮隴頭隴頭地寒無草芽拂雲堆遶

春更晚雪花茫茫揚白沙絕于山高寒熟雀榆葉

離離小蕖薄愛君若欲苦死留不道南飛何所樂

書生弓馬能幾何乃今實投金盤隴孔璋文筆妙

天下敕勒不數陰山歌向年賦奇兩擁海駟雲筆

頭注快如懷素書布障狂笑劉叉寫冰柱李汾王

遺山詩集

卷之七

汲古閣

鬱俱夾塵天意乃狂潑陽陳古吐萬里唾一世眼

高四海空無人殘民假息仍瘡痍誰作東山謝安

起恨我不比長桑君一月鵬君上池水眼中之人

不易忘誰作冰炭置我腸衰顏明鏡兩寂寞別意

春江誰短長但願年年見顏色與君連日醉壺觴

送弋唐佐還平陽

我從商餘之山過庵羅聞君六經百家富緣摩會

最上指冠巍巽豈肯俯首春官科擧懷變生十載

後我時避兵方北走通家弋宋共有無行輩許之

爲老友晉州一書君肯來握手大笑心顏開春風
著人不覺醉快卷更須三百杯鶴骨驚飛法當壽
況是丹房藥鏡畱心久崑崙神泉浸木芝乞與餘
膏潤衰朽天府學士登瀛洲松頂仙人嵒直鈞愛
君直欲抵死畱自言世事非所求千古黃金鑛中
淚不獨盧仝并馬異蘇州韋郎交分深香山白傳
金玉音借舉兩詩爲我心相知非不多但苦心不
同同心一人去坐覺長安空離愁何從生生從情
愛中不見行路人拂袖自西東分流滔滔今日千
遺山詩集

卷之七

汲古閣

里青眼高歌吾老矣

寶豐山中有菴羅寺唐佐嘗從程內翰天益問學於此

游泰山

泰山天壤間屹如鬱蕭臺厥初造化手辦此何雄
哉天門一何高天險若可階積蘇與累塊分明見
九垓扶搖九萬里未可詎齊諸秦皇憺威靈茂陵
亦雄材翠華行不歸石壇滿蒼苔古今一俯仰感
極令人哀是時夏春交紅綠無邊涯奇探忘登頓
意愜自還回惜無賞心人惓然盡餘杯夜宿玉女
祠前奔湧雲雷山靈見光怪似喜詩人來鷄鳴登

日觀四望無氛霾六龍出扶桑綽動青霞堆平生
華嵩遊茲山未忘懷十年望齊魯登臨負吟鞵孤
雲拂層崖青壁落雲間眼前有句道不得但
覺胸次高崔嵬徂徠山頭喚李白吾欲從此觀蓬
萊

付阿耽誦

昨得商子書知有阿耽名今朝見阿耽驚喜復
驚迺翁雅望傾漢庭仕才千石埋九京我知渠孫
不虛生虎穴生虎子墜地骨骼成舉頭爲城尾爲
遺山詩集

卷之七

汲古閣

旌幾人雄猛得寧馨繡衣青春佳御史路人望見
行且止老天從旁當說似前日晦道堂前小兒子
雷動風行自應耳藁藁不采今其始

游承天鎮懸泉

詩人愛山愛徹骨十月東來犯冰雪懸流百里行
不前但覺飛湍醒毛髮間聞老仙仙去久石壁姓
名苔蘚滑此翁可是六一翁四十三年如電抹并
州之山水所狀駭浪幾轟山石裂只知晉陽城西
天下稀娘子關頭更奇剛周南留滯何敢歎投老

天教探禹穴君不見管涔汾源大車輪平泉丈八
玻璃盆不知承天此水何所本乃與沅瀘爭雄奪
平地突出隨崩奔洶如頽波射天門太初元氣未
凝結更欲何處畱胚臞素蚪騰擲翠蛟舞袞袞後
出背鯉鯢雷車怒擊冰雹散石峽峻滑蒼煙也憑
崖下視心魄動自媿氣衰筆老勝槩過眼無絲毫
少東水簾亦瀟灑珠璣一一明朝敬陽荒暗滋瑤
草活磐石自與蓮湯溫神祠水之許儀衛盛官府
頗怪祠前碑稽考失莽魯吾聞尹華臺胎宣汾洮
遺山詩集

卷之七
十一

汲古閣

障大澤自是生有自來歸有所假而自經溝瀆便
可尸祝之祀典紛紛果何敢子胥鼓浪怒未洩精
衛銜新心獨苦楚臣有問天不酬肯以誕幻虛荒
警聾瞽宇宙有此水萬古萬萬古人言主者介山
氏且道未有介山之前復誰主山深地古自是有
神物不假靈真誰敢侮稗官小說出閭巷社鼓村
蕭走翁媪當時大曆十才子爭遣李謔鑊陋語石
林六月清無暑人家青紅溼窗戶射鹿有場魚有
浦好築漕臺俯洲渚甍面柳瓢挹膏乳醉扶紅袖

別吳歌風雨不憂驚如女開公守平定以大安
十三年矣士俗傳介子推被焚其妹介山氏取兄
妻君積薪自焚號曰如女祠碑大曆中制官李謔
所撰辭二日味謬至有百日積薪一日燒之之語
卿社至今以百五日積薪而焚之謂之祭如女云

爲程孫中鄉作

繡褥錦爲欄蘭湯金作盆名駒出注水萬馬浮雲
奔參軍愛友親弟昆御史風節海內聞諸郎楚楚
皆玉立王謝定自超人羣高樹出大根源清流不
渾千年雒陽陌赫赫于公門外翁老去住山村正
要兒童侍酒尊他日新詩一千首不愁無物餉吾
孫

遺山詩集

卷之七
十二

汲古閣

壽張復從道

鎮州城中金粟岡移來河東萬卷堂先生弦歌教
胄子子亦詩禮沾餘芳齒如編貝髮抹漆玉樹臨
風未二十爲渠欲作寫真詩老我慚無敬齋筆復
也美材具璞玉未雕飾良工在汝心苦卓與真積
捧檄毛義喜受杖伯瑜泣親年當喜懼寸晷真尺
璧桓榮家世傳一經何患不蒙稽古力絳服庭闈
趨繡衣霄漢立但願頤齋壽金石歲歲年年作生

日

遺山先生詩集卷第八

樂府

天門引

秦王深宮不得近從破衛成欲誰信白頭游客困
咸陽顛顛黃金百斤盡海中仙人黃鶴舉大笑人
間爭腐鼠丈夫何意作蘇秦六印才堪警兒女古
來多爲虛名老不見阿房淨如掃千年虎豹守天
門一日牛羊臥秋草

蛟龍引

遺山詩集

卷之七
十三

汲古閣

遺山詩集

卷之八
一

汲古閣

古劍咸陽墓中得扶開青雲見白日蛟龍地底氣
如虹玉花千年不敢蝕洪鑪烈焰初騰精橫海已
覺無長鯨世上元無倚天手匣中誰解不平鳴割
城恨不逢相如口酒恨不逢朱虛尚方未入朱雲
請盟盤合與毛生俱誰念田文座中客只將彈鋏
歎無魚

湘夫人詠

遺山先生詩集卷第七

終

木蘭芙蓉滿芳洲白雲飛來北渚遊千秋萬歲帝
鄉遠雲來雲去空悠悠秋風秋月沅江渡波上寒

煙引輕素九疑山高猿夜啼竹枝無聲墮殘露

湘中詠

楚山鶴鳴風雨秋楚岸猿啼送客舟江山萬古騷
人國猿鳥無情也解愁西北長安處於日憑君休
上岳陽樓

孤劍詠

鬱鬱重鬱鬱夜半長太息吟成孤劍詠門外山鬼
泣清霜稜稜風入骨殘月耿耿燈映壁君不見一
飢縛壯士僵臥時自惜黃鵠一舉摩蒼天誰念笑
遺山詩集

卷之八

汲古閣

籠束修翼

渚蓮怨

阿漢何許來素面浣風雨寂寞煙中魂依依欲誰
語

芳華怨

娃兒十八嬌可憐亭亭裊裊春風前天上仙人玉
爲骨人間畫工畫不出小小油壁車軋軋出東華
金縷盤雙帶雲裾踏鴈沙一片朝雲不成雨被風
吹去落誰家少年豈無恩澤侯金鞍繡帽亦風流

不然典取鸛鷖裘四壁相如堪白頭金谷樓臺倚
無主燕子不來花著雨只知環珮作離聲誰向琵琶
得私語無情鸛鷖蓀翠兒有情蜂雄蛺蝶雌勤
君滿酌金屈卮明日無花空折枝

後芳華怨

江南破鏡飛上天三五二八清光圓豈知汴梁破
來一千日寂寞菱花仍半邊白沙漫漫車轆轤鯢
鰕絃中杜鵑哭塞門顚顚人不知枉爲珠娘怨金
谷樂府初唱娃兒行彈碁局平心不平只今雄蜂

卷之八

汲古閣

遺山詩集

雌蜺兩不死老眼天公如有情白玉搔頭綠雲髮
玫瑰面脂透肉滑春風著人無氣力不必相思解
銷骨落花絕品姚家黃楊州銀紅一國香千團萬
邊看不足雨打風吹空斷腸丹砂萬年藥金印八
州督不及秦宮一生花裏活長門曉夕壽相如儘
著千金買消渴

結楊柳怨

長樂坡前一杯酒鄭重行人結楊柳可憐楊柳千
萬枝看看盡入行人手輕煙細雨綠相和惱亂春

風態度多路人愛是風流樹無奈朝攀暮折何朝
攀暮折何時了不道行人暗中老素衣今日洛陽
塵白髮明朝塞城草柳色年年歲歲青關人何事
管離情春風誰向丁寧道折斷長條莫再生

秋風怨

碧瓦高梧響疎雨坐倚薰籠時獨語守宮一著死
生休狗走鷄飛莫爲女雲間簫鼓夜厭厭禁漏誰
將海水添一春門外羊車過又見秋風拂翠簾總
把丹青怨延壽不知猶有竹枝鹽

遣山詩集

卷之八

汲古閣

歸舟怨

渡頭楊柳青復青園中少婦動離情只從問得狂
夫處夜夜夢到洛陽城南風吹櫓聲北鴈鳴嗚嗚
江流望不極相思春草生

征人怨

瀚海風煙掃易空玉關歸路幾時東塞垣可是秋
寒早一夜清霜滿鏡中

塞上曲

平沙細草散羊牛幾簇征人在戍樓忽見隴頭新

屬過一時迴首望南州

西樓曲

游絲落絮春漫漫西樓晚晴花作團樓中少婦弄
瑤瑟一曲未終坐長歎去年與郎西入關春風浩
蕩隨金鞍今年疋馬妾東還零落芙蓉秋水寒并
刀不剪東流水湘竹年年露痕紫海枯石爛兩鶯
鶯只合雙飛便雙死重城車馬紅塵起乾鵲無端
爲誰喜鏡中獨語人不知欲插花枝淚如洗

後平湖曲

遣山詩集

卷之八

汲古閣

越女顏如花吳兒潔如玉天教竝牆居不著同被
宿美人一笑千金連城不博百年心樓上牆頭
無一物暮愛朝春一生足秋風拂羅裳秋水照紅
妝舉頭見郎至低頭采蓮房郎心只如菱刺短妾
意未覺藕絲長與郎期何許眼凝同舟女春波滄
澹無盡情雙星盈盈不得語十里平湖艇子遲岸
花汀草伴人歸鶯鶯驚起東西口唯有蜻蜓口翅
飛

南川行

消川道邊日欲西誰家少婦掩面啼漫漫長路行
不微粉綿鏡衣手自攜自言娼家女家在梁門東
夫婿輕薄兒新人不相容憶初在家時只辦放嬌
慵爺娘惜女如惜玉近前細看面發紅無端嫁作
蕩子婦流落棄擲風埃中可憐桃李花顏色嬌蒙
茸朝看華枝好暮看華枝空安得明珠三百斛重
簾複幕圍春風

長安少年行

黃衫少年如玉筆生長侯門人不識道逢豪客問
遺山詩集

卷之八

汲古閣

姓名袖把金鞭側身揖臥馳行囊錦帕蒙石榴壓
禁銀作筒八月蒼鷹一片雪五華驕馬四蹄風日
昇新豐原上獵三更歌舞灞橋東

黃金行

贈王飛伯

王郎少年詩境新氣象慘澹含古春筆頭仙語復
鬼語只有溫李無他人天公著詩貧子身子曾不
知乃自神人間不買詩名用一片青衫衡霍重見
貧女富母兩心何論同袍不同夢入門與婦不下
機淚子垢面兒啼飢君詩只有貧女謠何曾夢見

金縷衣外家翁嫗日有語嫁女書生徒爾爲昆陽
城下三更酒醉膽輪困插星斗一夕詩腸老蛟吼
十尺長人墮車走斫頭不屈三萬言欲向何門復
佞首何人壽我黃金千使君破鏡飛上天

隋故宮行

渭川楊柳先得春二月鶯啼百轉新長春宮中千
樹錦暖日晴雲思煞人君王半醉唱吳歌絳仙起
舞頻翠蛾吳兒謾說曾行樂三十六宮能幾多千
秋萬古金銀闕海沒三山一毫髮繁華夢覺人不
遺山詩集

卷之八

汲古閣

解劍行

古劍黑於漆鬱鬱動星文摩挲二十年今日持贈
君長鯨鼓浪三山渡知君不是泥中物袖間一卷
白猿書未分持刀買黃犢壯懷風雲鬱沉沉慚媿
漂母無千金長安休儒飽欲死萬古不解天公心
北風浩浩吹行客隴水無聲雪花白荆卿墓頭秋
草乾擊筑行歌欲誰識君不見秦相五股皮去時
烹鷄炊黍屢又不見敵裘蘇李子合從歸來印纍

累丈夫墮地自有萬里氣翁忽變化安能知大冠
如箕望吾子富貴同生亦同死

征西壯士謠

三十未有二十強手內蛇矛丈八長總爲官家金
印大不怕百死向沙場捉却賀蘭山下賊金鞍繡
帽好還鄉

聖雲謠

涉江采芙蓉芙蓉待秋風登山采蘭若蘭若霜早
雕美人亭亭柱雲霄鬱搖行歌不可招湘絃沉沉
遺山詩集

卷之八

汲古閣

寫幽怨愁心歷亂如曳鰓金支翠粧紛在眼春草
迢迢春波遠

聖婦吟

塞雲一抹平如截塞草離離臥榆葉長城宿深戰
骨寒萬古牛羊飲冤血少年錦帶佩吳鉤獨騎走
馬覓封侯去時只道從軍樂不道關山空白頭北
風吹沙雜飛雪弓絃有聲凍欲折寒衣昨夜洛陽
來腸斷空閨搗秋月年年歲歲聖還家此日歸期
轉未涯誰與南州問消息幾時重拜李輕車

梁園春五首

車駕還沛
京後作

軍從南去三迴勝雪自冬來二尺強今歲長春多
樂事內家應舉萬年觴

長春德陵
誕前名

暖入金溝細浪添津橋楊柳綠纖纖賣花聲動天
街遠幾處春風揭繡簾

上苑春濃晝景閒綠雲紅雪擁三山宮牆不隔東
風斷偷送天香到世間

樓觀沉沉細雨中出牆花木亂青紅朱門不解藏
春色燕宿鶯喧處處通

遺山詩集

卷之八

汲古閣

雙鳳簫聲隔綵霞宮鶯催賞玉谿花誰憐麗澤門
邊柳瘦倚東風望翠華

龍德宮有玉谿館
開澤燕都西門名

探花詞五首

禁裏蒼龍啟九闢殿前鸚鵡喚新班沉沉綠樹鞭
聲遠嫋嫋薰風扇影閒

浩蕩春風入繡鞍可憐東野一生寒皇州花好無
人管不用新郎走馬看

六十人中數少年風流誰占探花筵阿欽正使才
情盡猶欠張郎白玉鞭

李欽用二十七張夢
祥少一歲又未婚云

美酒清歌結勝游紅衣先爲渚蓮愁曲江共說櫻
桃宴不見西園風露秋

人物風流見藹然逼人佳筆已翩翩龍津春色年
年在莫著新衙惱必先

微城南

翩翩游俠兒白馬如疋練朝出城南獵暮赴軍中
宴北平有真虎愛憎腰間箭

春風來

春風來時瑤草芳綠池珠樹宿鶯鶯春風去後瑤
遺山詩集

卷之八

汲古閣

草歇來鴻去燕遙相望鶯鶯不得雙燕鴻天一方
娟娟愁眉色靜與遙山長錦衾復羅薦夢語相思
怨月明烏夜啼空閒淚如霰

幽蘭

僊人來從舜九疑辛夷爲車桂作旂疏麻導前杜
若隨披猖芙蓉散江離南山之陽草木腓澗岡重
複人迹希蒼崖出泉懸素霓翛然獨立風吹衣問
何爲來有所期歲云暮矣胡不歸釣天帝居清且
夷瑤林玉樹生光輝自棄中野誰當知霰雪慘慘

清入肌寸恨如山不可移雙屨不返夷叔飢飲芳
食非尚庶幾西山高高空疎微露葉無人薦湘纍
山鬼切切雲間悲空山月出夜景微時有彩鳳來
雙棲

并州少年行

北風動地起天際浮雲多登高一長嘯六龍忽蹉
跎我欲橫江鬪蛟鼉萬弩迸射陽侯波或當大獵
燕趙間黃熊朱豹皆避羅男兒萬馬隨搗訶朝發
細柳暮朝那埽雲黑山布陽和歸來明堂見天子
遺山詩集

卷之八

汲古閣

黃金橫帶冠戕戕人生只作張騫傳介子遠勝僵
死空山阿君不見并州少年夜枕戈破屋耿耿天
垂河欲眠不眠淚滂沱著鞭忽記劉越石拔劍起
舞鷄鳴歌東方未明今奈夜何

怒虎行

答來文之

怒虎當道臥百里不敢噉紛紛射虎手一見狐矢
墮誰知世有李將軍霹靂弦聲驚石破昨日雙南
金今日綠綺琴贈君無別物唯有百年心

梅華

太歲梅華晚今歲梅華早和羹要佳實春風莫草

寶鏡

寶鏡挂秋水青娥紅粉妝春風不相識白地斷肝腸

續小娘歌十首

吳兒沿路唱歌行十五和歌聲唱得小娘相見曲不解離鄉去國情

北來游騎日紛紛斷岸長堤是陣雲萬落千邨藉

遺山詩集

卷之八
十二

汲古閣

不得城池留著護官軍

山無洞穴水無船單騎駘人動數千直使今年留得在更教何處過明年

青山高處聖南州漫漫江水遶城流願得一身隨

水去直到海底不迴頭

風沙昨日又今朝踏碎頭路更遙不似南橋騎

馬口生紅七尺繫郎腰

鴈鴈相送過河來人歌人哭鴈聲哀鴈到秋來却

南去南人北渡幾時迴

竹溪梅塢靜無塵二月江南煙雨春傷心此日河平路千里荆榛不見人

太平娼嫁不離鄉楚楚兒郎小小娘三百年來涵

養出却將沙漠換牛羊

飢烏坐守草間人青布猶存舊領巾六月南風一

萬里若爲白骨便成塵

黃河千里扼兵衝虞虢分明在眼中爲向淮西諸

將道不須誇說蔡州功

遺山詩集

卷之八
十三

汲古閣

遺山先生詩集卷第八

終

遺山先生詩集卷第九

五言律詩

懷益之兄

世故伊川歎卿情越客音天宜他日定陸已向來
沉冉冉愁看老源源事益侵誰言易排遣自分不
勝任鞭影驚疲馬鐘聲急算禽跼中無曠迹宣外
有幽尋夢失名家筆書存遺子金山田和石瘦茅
屋過雲深春雨蔬成圃秋霜柿滿林樹陰涼拂席
花氣澹盈襟宿鷺窺晨汲孤猿伴嘖吟溪僧時問
遺山詩集 卷之九 汲古閣
字野客或知琴抱璞休奇售臨觴得緩斟阿兄圖
聚日曾語百年心

汴禪師自斲普照石爲研以詩見餉爲和二首

寺廢瓦不毀研奇功亦多已知良斲少更奈苦心
何挺挺剛無敵津津潤可呵羽陽陵谷變水井字
書訛贈比黃金璞辭慙潔石歌遙知玉音在洗耳
俟研磨 長吉有案 石研歌
點化鉛仍見堅凝鐵易穿何年埋朽壤此日睹青
天古色秋煙重哀音夜雨懸有刀堪切玉是鏡不

名場佛庵淪空劫書林結後緣禪河一勺水更擬
就師傳

惡雨

惡雨惡復惡龍公何遽然霆轟水塔碎電掣玉繩
連高岸皆深谷層霄一漏泉黑來疑擁海白散忽
成煙市響千門合潮頭萬弩穿天瓢休盡建 上 枯
早有他年

癸巳除夜

鼎定周元重新安漢已然不隨南渡馬虛泛北歸
遺山詩集 卷之九 汲古閣

船身並枯蠟化心爭脫兔先塵埃嗟落泊光景強
留連往事青燈裏浮生白髮前更殘鐘未動猶屬
出京年

病中

病因食猪動氣而作癸卯
四月二十一日晨起書

戰勝頗自恃寧知從外腴文章工作祟時運迫摧
枯止酒嗟何及燒猪本不圖膏粱無急變山澤有
真雁詩信藤條戲方遭鐵彈誣鹽 上 聲紅忘後顧薰
黑見前驅弦入投床仆晨淹伏枕呼萬錢誰嘔泄
一懶爾乘除靜伏心仍悻深調息亦蠲踴嫌囚字

宙渴憶捲江湖風柳留蟬蛻霜松映鶴孤養和懲
往失凡名養和事見天隨子詩扶老念時須杯杓歸神誓垣墻

任佛踰回蹊且垂翅望或在桑榆

蔡威卿殺挽辭

東海于門舊桐鄉邑墓遷

蔡東海人威卿之祖待制公知忻州因家焉

芝蘭宜有種珠玉自成淵慈母依隣切名郎獲譽
先豪華非日損信厚出天然詣理言猶訥持心靜
益專笑談千里到咳唾百金捐論齒推千長垂髫
得子賢通家仍孔李知已與王田刻責誰斯切推
遺山詩集

卷之九

汲古閣

扶最所偏孤發平日託昆季再生緣摧割詩寧寫
精微夢或傳都將百年淚一慟夜臺前

贈祖唐臣

詩道壞復壞知言能幾人陵夷隨世變巧僞失天
真鬼蜮姦無盡優伶伎畢陳謗傷應背裂淫褻亦
肌淪珉玉何曾辨風花祗自新憐君用幽意老矣
欲誰親

老樹

老樹高留葉寒藤細作花沙平時泊鴈野迥已攢

鴉旅食秋看盡行吟日又斜干戈正飄忽不用苦
思家

陽霍道中

長路伶俜裏羈懷蒼莽中千山分晚照萬籟入秋
風頻見參旗縮虛傳朔幕空故園歸未得細問北
來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋
蟬綠泛兵厨酒紅依幕府蓮無緣逐清景空美飲
遺山詩集

卷之九

汲古閣

中仙

太室同希顏賦

壯矣崧維岳盤盤上窈冥中天瞻巨鎮元氣有遺
形雨入秦川黑雲開楚岫青鰲掀一柱在萬古壓
坤靈

送登封張令西上

罷縣人稱屈悠悠復此行渭城秋鴈到秦嶺暮雲
平道路衣從典風塵劍已鳴山西多俠客莫說是
書生

方城道中懷山中幽居

技拙違時用年饑與食謀江山貪士嘆日月賈胡
留楚客頻招隱文園故倦游衡門有幽事還我北
窗秋

孟州夾漈飲承之御史家

同欽叔作

黃酒禁愁得芳梅發興饒紛紜聊且置磈磊故須
澆鷄黍成前約干戈有此宵平生揚大理想不預

佳招

雲卿赴召五日矣

送曹吉甫兼及通用

遣山詩集

卷之九五

汲古閣

意氣美君豪憐君屈騎曹安能事筆硯且復混弓
刀風雪貂裘暗關山馬骨高南飛見鴻鴈應爲惜
哀勞

勝槩

三卿作

勝槩煙塵外新詩杖屨間偶隨流水去澹與暮雲
還吾道三緘口時情一解顏從今便高臥已負半
生閒

少室南原

地僻人煙斷山深鳥語譁清溪鳴石齒暖日長藤

茅綠映高低樹紅迷遠近花林間見鷄犬直疑是
仙家

寄贈龐漢茂弘

之子貧居久詩文日有功苦心唯我見高誼許誰
同萬里虎食肉一鳴鷄長雄皇天老眼在且莫怨
丘中

洛陽古城驢陽門早出

乘月出驢陽黎明轉北岡荒村自鷄犬長路足豺
狼天地憐飄泊風霜憶閑藏微吟許行役淒斷不

遣山詩集

卷之九六

汲古閣

成章

聞希顏得英府記室

近得髣髴信知從免苑游文星映朱邱勝槩減黃
樓進退存中道功名接上流徒懷貢公喜塵土隔
瀛洲

落魄

落魄宜多病艱危更百憂雨聲孤館夜草色故園
秋行役魚鱗尾歸期鳥白頭中州遂南北殘息付
悠悠

得姪傳信二首

今日鄆州姪知從虎穴還百年陰德在幾日鬚毛斑隔瀾家仍遠鴈棲食更艱誰憐西北夢依舊遶秦關

就驛傳家信坤牛玩吉占團圓知有望悲喜亦相兼過眼書重展伸眉酒屢添關河動高興百迭望清塘

阿千始生

四十舉兒子提孩聊自誇夢驚松出笋兆應竹生遺山詩集

卷之九

汲古閣

花田不求千畝書先備五車野夫詩有學他日看傳家

長壽新居三首

同仲經賦

地古村墟迥川迴縣郭斜蒲池餘老節菊水引新芽卜築欣成趣歸耕覺有涯迎門顧兒女今日是山家

隱去心初在親朋復此偕荒田歸別業高樹表新齋泉石深三逕風塵限兩岸青山坐終日無物寄幽懷

昔有姜夫子來家寂寞墳墓田耕已熟碑石字猶新詩酒娛中歲山林有外臣三生可信否吾亦寄前身

宣和中姜夢得處士常隱于此墓碣在焉夢得自書仁宗既老以詩酒自娛碣文說地名白鹿原長壽村也

少林雨中

西堂三日雨氣節變蕭森偃臥復歆臥長吟時短吟鐘魚四山靜松竹一燈深重美禪棲客都無塵慮侵

十二月六日二首

遺山詩集

卷之九

汲古閣

偃鬼跳梁久群雄結構半天機不可料世網若爲逃白骨丁男盡黃金甲第高闐門隔九虎休續地臣驥

海內兵猶滿天涯歲又新龍移失魚鼈日食闕麒麟草棘荒山雪煙花故國春聊城今夜月愁絕未歸人

得一飛姪安信

音問他鄉隔存亡此日知夢中憂凍餘意外脫艱危避地何嗟及還家敢恨遲衰年吾事了似有鹿

門期

短日

短日碁聲急重雲鴈影深風霜侵晚節天地入
心零落溝中斷酸嘶費下昔五年朝與夕清血幾
露襟

送母受益自路府歸松山

薄俗科名賤孤生志願違正須謀獨往何暇計群
飛泌水真堪樂荊州况可依青山吾舊隱此日美
若歸

道山詩集

卷之九

汲古閣

寄程孫鐵安

御史陰功在孫兒玉不如已能騎竹馬想亦愛銀
魚異縣關山獨衡門骨肉疎幾時隨阿舅盡讀外
家書

贈汴禪師

道重疑高善禪枯耐寂寥蓋頭茅一把饒腹蔑三
條趙子曾相問憑公每見招風波門外客無事且
相饒

乙亥元日

五十未全老衰客新又新漸稀頭上髮別換鏡中
人野史纔張本山堂未買隣不成騎瘦馬還更入
紅塵

送楊次公兼簡秦彦客李天成

海國山如染雲堆草易荒時危類虎穴路絕更羊
腸弔影雙蓬髮攜家一藥囊殷勤素與李無惜借
餘光

發濟源

早曉今年劇他鄉底處歸羸糧失先具涉世本無

遺山詩集

卷之九

汲古閣

機葉擲烏皮几裴回白版扉殷勤雙語燕魂汝遠

相依

倪庄中秋

已亥

強飯日逾瘦袂衣秋已寒兒童漫相憶行路豈知
難露氣入茅屋溪聲喧石灘山中夜來月到曉不
曾看

荅潞人李唐佐贈詩

聞道嗟予晚求師愧子賢泥途終自拔璞玉豈虛
捐書破三千牘詩論二百年文章有聖處正脉要

人傳

陽興岩

亂石通樵逕重崗擁戍城山川帶淳朴鷄犬見升平雨爛沙仍軟秋偏氣自清年年避營馬幾向此

中行

舒州入府避騎兵
客馬者多難此路

懷粹中

醉解不復寐吟君田舍詩從知石門老未比木菴師日月淹書尺江山入髮絲何因重談笑却似少

林時

遣山詩集

卷之九
十一

汲古閣

同周師夢卿崔振之遊七岩

定襄

客路頻年別僧居半日閒同遊盡親舊舉目是家山世事風塵外詩情水石間悠然一尊酒落景未知還

送崔振之迎家汴梁

老伴不易得殘年唯有閒桑麻一村落鷄犬兩柴關樊守能供酒周侯許買山從今釣溪上日望君還

聚仙臺夜飲

永夜留歡席高懷遠市塵月涼衣有露風細酒生鱗鄉社情親舊仙臺姓字新殷勤詩卷在長記坐中人

續陽平十愛

我愛陽平酒兵厨釀法新百金難著價一琰即醺人色笑榴花重香兼竹葉醇爲君畱故事喚作杏園春

杏園插銀子
正家園爲言

送田益之從周帥西上二首

市近厨無肉書香案有蟲深居誰不樂去聲兀坐竟

遣山詩集

卷之九
十二

汲古閣

何功天日伸眉後江山洗眼中蓬萊如可到刺借

玉川風

有所謂

一室盆歌後供樵只短僮求風可無日牧犢未成翁桂樹春風近楊英煖律通明年孟德權應與伯覽東

九月晦日王村道中

水澗沙仍溼霜餘草更幽煙光藏落景山骨露清秋坐食知何益行吟只自愁隨陽見鴻鴈三嘆借淹畱

十月四日往關南二首

短日晨光澹高風宿靄澄山寒渾欲雪水澗劣能
水振厲時何有躋攀倦不勝哦詩聊自遣松液已
香疑子方陳松醪當以今日燕故及之

行路見新月獨行還獨諸勞生塵衰晚色疑蕭
蕭野曠無遺穗林疎有墮樵回頭泰山嶺更覺馬
蹄遙

寄王文德新二首

德新時在汝州

沙際春還去雲頭雨不成興來誰其醉事往獨含
遺山詩集卷之九 汲古閣

情紫蓮留行客黃流隔戍城岸花何處在空憶權
歌聲孟津時事

清汝風華地平生記此游酒能千日醉春必萬金
酬攬鏡非遲算逢花儘滯留只應歌笑處偏欠李

鄆州欽叔時赴鄆州幕官

舊國

舊國分崩久孤兒展省初客衣留手綫驛傳失肩
輿夢拜悲兼喜心飛疾亦徐殷勤南去鴈先爲到
商於

和仲舉

林影兼秋薄雲陰帶晚涼石潭魚近藻沙渚鴈留
一作霜笑語無長路登臨豈異鄉一尊堪共醉惜
不是重陽

甲辰夏五月積雨十餘日不止遣悶二首

甲子霖霖雨迴簷閣不禁幻泡成實相水樂激哀
音潭海聞天漏堯年見陸沉驚飛想雲表凝坐若
爲心南史王景文傳人居貴要但問心若爲耳

甲子霖霖雨農郊搏手空排塙寧有禮爲經竟何
遺山詩集卷之九 汲古閣

功戰蟻侯王上鳴蛙意氣幻掃晴應曉夕少忍待
秋風排塙事見王衍論云排塙之壓猶有爲耳

陽泉棲雲道院

方外復方外翛然心迹清開窗納山影推枕得溪
聲川路遠誰到石田平可耕霜林不嫌客畱看錦
崢嶸

劉子中夢菴

寤寐生與死幻歟爲是真如何夢中境不屬覺時
人朝徹從渠夜形開亦此神殷勤花上蝶分我漆

圖春

丙午九日詠菊二首

秋菊有何好，祇緣風露清。花中誰比數，霜後獨鮮明。九日惜虛過，一尊還自傾。今年病居士，吟遶更關情。

几案得新供，小窓幽更宜。風霜寧小怯，根撥要深移。黃素金行正，芳甘藥品奇。三薰復三沐，歲晏與君期。

感事

遺山詩集

卷之九
十五

汲古閣

壯事本無取，老謀何所成。人皆傳已死，吾亦厭餘生。潦倒封侯骨，淹留混俗情。百年堪一笑，辛苦惜虛名。

酬中條李隱君邦彥

川路限南北，相逢今白頭。蟲沙非故國，人物自名流。

道慙高步留，詩惜暗投歸。秦如有便終伴竹，林游

邦彥

自關中徙步自其季父於集寧賦有竹林之句

送邦彥北行

比數推前輩，陪從結後緣。川涂即睽隔，詩酒重留連。

連白鶴，歸華表。青牛得老僊，秦山好行脚。倚杖待明年。

紫微劉文雅有游秦之興，故篇中有及。

同冀文明秀山行

昇景披橫幅，山間二老同。雲如愁戍苦，雪亦笑詩窮。古木凍欲折，斷崖行復通。從今胡谷夢，時到水聲中。

同姚公茂徐溝道中聯句

路轉川途瀾，天低雨氣昏。綿山連漢壘，汾水入并門。來往頻鞍馬，登臨負酒尊。聯詩強一笑，淒絕

遺山詩集

卷之九
十六

汲古閣

恐消魂

壬子月夕

明月復明月，今年還遠遊。關河動歸興，時節重離憂。老眼耿無寐，病身偏覺秋。遙憐小兒女，把酒望東州。

庚子三月十日作

殘夢志書快，餘寒滯酒杯。青銅元懶照，白紵更寬裁。水際時獨往，花邊知幾迴。殷勤雙語燕，應自謝家來。

七月十六日送馮揚善提領關中三教

爲愛秦中好西遊日苦遲青雲動高興白首得新
知道在貧何病官閒老更宜相思詩酒社無計與
追隨

京兆漕司官居三首

符節推通賁江山入勝游名園隨地改高棟與雲
浮薄領歸閒暇鶯花接獻酬不知秋夜月何似庾
公樓

瘦嶺雲橫野孤峰玉柱天遙知開館日別破見山

遺山詩集

卷之九
十七

汲古閣

錢夢出紛華外詩來寂寞邊亭中誰舉酒高興想
悠然

聞說梅軒好長吟有所思入簷看瘦影挂月見橫
枝東閣今千載風流彼一時西遊曾有約到日更
題詩

甲寅正月二十三日故關道中三首

雪碣不得過陽陂如見畱林煙常暗澹木葉自颯
颯齒髮悲行役鶯花惜舊游塵埃與風雨看待幾
時休

千里不易到三冬須少畱居情猶晉產去意已離
丘遠出每爲苦雄誇還自羞君心未肯在應待肯
時休

六十復半十年年添白頭祇知詩遣興未覺酒忘
憂人七因循過元宵鬼坐休殷勤行記上今日是
東州

送閻子實焦和之北上

秦府賢初聚瀛洲路匪遙謀在廊廟物色到漁
樵布褐豈終隱旌車行見招春風兩黃鵠老眼看
遺山詩集

卷之九
十八

汲古閣

雪香

庫城

浩浩庫城水岸高知幾尋疎林護懸險絕壁人清
深跼步無曠迹勞歌惟苦音年年一來此老我亦
何心

婁生北上

并府虛荒久大城如廢村草茅知世故泉壤隔天
關六月甘霖決一言陰理存明年佩符節知有奉
春孫

遺興

几案滿書史欣然忘百憂一篇詩遣興三醖酒扶頭千載陶元亮平生馬少游但留強健在老矣復何求

八月并州鴈三都時作

八月并州鴈清汾照旅群一聲驚晚笛數點入秋雲滅沒樓中見哀勞枕畔聞南來還北去無計得隨君

示白誠甫

遺山詩集一卷之九十九

汲古閣

之子吟爆竹迺翁欣樹管崑山多美玉江水發初源名教有樂地詩書皆雅言通家吾未老倚杖望高軒

甲寅十二月四日出鎮陽寄宰魯伯

渾水曉光動霸橋詩境同衝寒騎瘦馬認影識衰公長路風聲裏孤城雪意中回頭歌笑處淒淒絕意何窮

送文生西行

今夜東山月隨人知幾程從軍少年事分手故鄉

情渭水風露早秦川煙樹平相招有仙掌無計與君行

乙卯十一月往鎮州

村靜鳥聲樂山低鴈影遙野陰時泥朗冷雨只飄蕭涉遠心先倦衝寒酒易消紅塵望南北渺渺見長橋

挽趙參謀二首以下係續編

偃息參戎幕敦龐一褐寬儒宮新俎豆賓榻老友冠石動心牢轉河清笑自難殷勤題圖像雷與後遺山詩集一卷之九十九汲古閣

生看一云留作典刑看

篇什中州選兵間僅補完風人定誰采墨本賴君刊雅道湮沉易幽光發越難高門有孫息玉立看儒冠

嗣侯大總管哀挽二首

北俗資財勁將軍迥不群賓筵推雅量戰艦望奇勲運隔黃圖日神馳紫塞雲祇應吳季子拊樹惜徐君

倚伏難前料乘除忌蚤成老親如宿昔世爵見哀

榮劍雙龍氣碑留九虎名感歌凡幾解千載責佳城

荅弋唐佐

魯山人有志道學

遭亂無安地分憂得若人鄉隣存世譜骨肉到情親信默餘天粹咀嚙有道真懷哉沂水上同詠舞雩春

不寐

不寐復不寐悲吟如自警鷄棲因失曉虫語苦爭秋日月虛行窈風霜入敝裘誰憐吏開府直欲賦遺山詩集

卷之九二十一

汲古閣

澆愁

送楊叔能東之相下

海內楊司戶聲名三十秋文高徒自苦食盡與誰謀老榆風霜飽芳蘭澗谿幽東游無可應敬客有蕭侯

遺山先生詩集卷第九 終

遺山先生詩集卷第十

七言律詩

秋懷

崧山中作

涼葉蕭蕭散雨聲虛堂浙浙掩霜清黃華自與西風約白髮先從遠客生吟侶候蟲秋更苦夢和寒鵲夜頻驚何時石嶺關頭路一望家山眼暫明

帝城二首

史院夜直作

帝城西下望孤雲半廢晨昏魏此身世俗但知從仕樂書生只合在家貧悠悠未了三千牘碌碌翻

遺山詩集

卷之十

汲古閣

隨十九人預遣兒書報婦日安排鷄黍約比隣

羈懷醇醪歲駸駸擁褐南窗坐晚陰日月難淹京國久雲山唯覺玉華深隣村燭燭鷄黍局野寺荒涼松竹林半夜商聲入寥廓北風黃鵠起歸心

僕射陂醉歸卽事

多生曾得江湖樂每見陂塘覺眼明詩酒共尋前日約風陰新自夜來晴春波澹澹沙鳥沒野色荒荒煙樹平醉踏扁舟浩歌起不須紅袖出重城是招樂府不至

春日

里社春盤巧欲爭裁紅疊碧助春情忽驚此日仍
爲客卻想當年似隔生貧裏蠶鹽憐節物亂來歌
吹失歡聲南州剩有還鄉伴戎馬何時道路清

春盤盤我紅蠶
翠巧助春情爲韻

橫波亭 爲青口

孤亭突兀插飛流氣壓元龍百尺樓萬里風濤接
瀛海千年豪傑壯山丘疎星淡月魚龍夜老木清
霜鴻鴈秋倚劍長歌一盃酒浮雲西北是神州

遣山詩集

卷之十

汲古閣

野菊座主開間公命作

柴桑人去已千年細菊斑斑也自圓共愛鮮明照
秋色爭教狼籍臥疎煙荒畦斷壠新霜後瘦蝶寒
螢晚景前只恐春叢笑遲暮題詩端爲發幽妍

度太白嶺往昆陽

斷崖絕壁裂蒼頑竟日長林窈窕間舊許煙霞歸
白髮悔墮塵土出青山饑饉嚴霜催人老野鶴昂
昂美汝開長景方隆路方永南風迴首暮雲還

寄希顏二首

從一首希顏在
徐州幕時作

僵臥崧丘七見春商餘婦計一廬新悠悠華屋高

賁意元元田夫野老身動色雲山如有意忘機鷗
鳥亦相親蟲疎潦倒今如此樓上元龍莫笑人

湖海故人仍騎曹彭門千里入憑高山頭杜甫長
年瘦樓上元龍先日豪水落魚龍失婦宿天長

鴻鴈獨哀勞酒船早晚東行辨共舉一杯持兩螯

懷益之兄 時在
閬中

牢落關河屬一聲千戈滿眼若爲情三年浪走空

皮骨四海相望只弟兄黃耳定從秋後到白頭新

遣山詩集

卷之十

汲古閣

自夜來生西樓日夕西州道欲賦窮愁竟不成

昆陽二首

古木荒煙集暮鴉高城落日隱悲笳并州倦客初

投迹楚澤寒梅又過花滿眼旌旗驚世路閉門風

雪美山家忘憂只有清樽在暫爲紅塵拂髮華

去日黃花半未開南來忽復見寒梅淹留歲月無

餘物料理塵埃有此杯老馬長途良憊矣白鷗春

水亦悠哉商餘說有滄洲趣早晚乾坤入釣臺

寄西溪相禪師

青鏡流季易擲梭壯懷從此仰蹉跎門堪羅雀仍未害釜欲生魚當奈何萬事自知因懶廢一官元不投貧多拂衣明日西溪去且放雲山人浩歌

葉縣雨中

時松前早見甚

春早連延入麥秋今朝一雨散千憂龍公有力迴枯槁客子何心歎滯留多稼即看連楚澤歸雲應亦到崧丘兵塵浩蕩乾坤滿未厭明河拂地流

寄荅趙宜之兼簡溪南詩老

遺山詩集

卷之十

汲古閣

零夢頽木崧山去任心黃菊有情留小飲青燈無語伴微吟故人憔悴蓬茅晚料得老懷如我今

頽亭

頽上風煙天地迴頽亭孤賞亦悠哉春風碧水雙鷗靜落日青山萬馬來勝槩消沉幾今昔中年登覽足悲哀遠遊擬續騷人賦所借恩恩無酒杯

山中寒食

小雨班班泥曙煙平林簇簇點晴川清明寒食連三月頽水崧山又一年樂事漸隨花共滅歸心長

與鴈相先平生最有登臨興百感中來只慨然

楚漢戰處

同欽叔賦

虎擲龍拏不兩存當年曾此賭乾坤一時豪傑皆行陣萬古山河自壁門原野猶應厭膏血風雲長遣動心魂成名豎子知誰謂擬喚狂生與細論

懷叔能

別卻楊侯又一年西風每至輒凄然酒官未得高安上詩印空從吏部傳三沐三薰知有待一鳴一息定誰先黃塵憔悴無人識今在長安若箇邊

遺山詩集

卷之十

汲古閣

留別仲澤

避俗無機日見侵逐貧不去巧相尋半生與世未嘗合前日入山唯不深綠水紅蓮慚大府清泉白石識初心相思命駕非君事能寄詩來或賞音

鄭州上致政賈右丞相公

時被命就公訪先朝遺事

黃閣歸來疑鳥輕天將五福畀康寧四朝人物推耆舊萬古清風在典刑鄭圃亦能知有道漢庭久欲訪遺經帝城此後瞻依近長傍孤南候極星

寄荅景玄兄

故人相念不相忘頻着書來約對床甚喜樵夫與
爭席所憂簿吏復登堂春風和氣隨詩到洛水秦
山引興長奮袖高談夜窗白幾時危坐聽琅琅薄
寶登堂李長吉語景玄
去歲大為催科所困

寄辛老子

草堂西望渺煙霞夢寐西南一徑斜爲美鸞鳳安
枳棘梅將猿鶴入京華百錢卜肆成都市萬古詩
壇子美家後日從翁問奇字可能通客待侯巴

後灣別業

遺山詩集

卷之十
六

汲古閣

薄雲晴日爛烘春高柳清風便可人一飽本無華
屋念百年今見老農身童童翠蓋桑初合澗澗蒼
波麥已勻便與溪塘作盟約不應重遣漉纓塵

劉丈仲通哀挽

拙宦深辜遠業期無兒更結下泉悲溫純如此豈
復見報施言之尤可疑四葉名家今日盡百年潛
德幾人知元劉交分平生重才薄猶堪第二碑

會善寺

白塔沉沉插翠微魏家宮闕此餘基人生富貴有

遺恨世事廢興無了期勝槩只今歸驚嶺煙花從
昔繞龍墀長松想是前朝物及見諸孫賦黍離

寄欽用

顚顚京華首宿盤南山歸興夜漫漫長門有賦人
誰買坐塌無壇客亦寒蟲臂偶然煩造物塵頭何
者亦求官故人東望應相笑世路羊腸乃爾難

楊之美尚書挽章

冠蓋龍門此日空人知麟出道將窮景星明月崑
天上和氣春風在眼中千古孫劉有餘責一時燕

遺山詩集

卷之十
七

汲古閣

許更誰同受恩知己無從報獨爲斯文泣至公

李屏山挽章二首

世法拘人虱處禪忽驚龍跳九天門牧之宏放見
文筆白也風流餘酒尊落落久知難合在堂堂元
有不亾存中州豪傑今誰望擬喚巫陽起醉魂
談塵風流二十年空門名理孔門禪諸儒久已同
堅白博士真堪補太玄孫況小疵良未害莊周陰
助恐當然遺編自有名山在第一諸孤莫浪傳

內鄉縣齋書事

吏散公庭夜已分寸心牢落百憂薰催手無政堪
書考出果何人與佐軍饑鼠遶床如欲語驚鳥啼
月不堪聞扁舟未得滄浪去慚愧春陵老使君遠

次山春陵行云思欲委符節引羊自
刺船故于美有典含滄浪清之句

自菊潭丹水還寄崧前故人

臘雪春泥晚未乾馬迎殘照入荒寒初無鳬鳥將
安在正有牛刀恐亦難倦客不知歸路遠孤城唯
覺暮山攢黃金鍊出相思句寄與同聲別後看

被檄夜赴鄧州幕府

道山詩集

卷之十

汲古閣

幕府文書易羽輕敵裘羸馬月二更未能免俗私
自笑豈不懷歸官有程十里陂塘春鴨鬧一川桑
柘晚煙平此生只合田間老誰遣春官議姓名

馬鄧驛中大雨

萬經千岩一雨齊先聲噴薄捲湍溪投林鳥雀不
暇顧移穴蛟龍應自迷便恐他山藏厚夜豈知高
樹有晴霓兩江合向西南開坐想風雲入鼓鼙馬鄧

西南河漸水
相合處也

除夜

一燈明暗夜如何夢寐衡門在洞阿物外煙霞五
華遠花時車馬洛陽多折腰真有陶潛興扣角空
傳聶威歌三十七年今日過可憐出處兩蹉跎

鄧州相公命賦喜雨

輕陰十日暮春前和氣朝來雨沛然河潤定應連
上國雲來端合自中天帥從洛陽移鎮烽零帶溼開幽障
麥壠分青入廢田共識使君霖雨手調元消息在
今年

劉光甫內鄉新居

道山詩集

卷之十

汲古閣

身冠平日凜秋霜老去聲名只閉藏父老漸來同
保社兒童久已愛文章蔬蕘隙地皆成圃竹放新
稍欲過牆爲向長安舊遊道世間元有北窗涼

西齋夜宴

飄零無物慰天涯酒伴相逢飲倍加悵謬君當畧
彭澤迴旋我亦笑長沙金釵醉彈迎春髻銀燭光
搖半夜花只欠東山游錄事不來堅坐看紛譁叔

信之張社諸人皆
在而麟之獨不至

十月

十月常年見早梅今年二月未全開春寒春暖花如故年去年來老漸催大藥誰傳軒后鼎習仙虛築漢宮臺憑君擬置人間事不負浮生只此杯

送吳子英之官東橋且爲解嘲

柴車歷鹿送君東萬古書生贈贈中良醪暫留王績醉新詩無補玉川窮駒陰去我如決驪蟻垤與誰爭長雄快築糟丘便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛長江大浪欲

道山詩集

卷之十

汲古閣

橫去潰厚地高天如合圍萬里風雲開偉觀百年

毛髮凜餘威長虹一出林光動寂歷村墟空落暉

丹霞下院同仲澤鼎玉賦

時從商帥軍至南陽

鞍馬忽忽去復還霜鍾今得見豐山千季香火丹

霞老滿眼興公白水閒壯志自憐消客路深居誰

得似禪關只應頻有西來夢夜夜青林杳靄閒

春日半山亭游眺

日照春山花滿煙獨携尊酒此江邊江流袞袞望不極世事悠悠私自憐小草不妨懷遠志芳蘭誰

爲發幽妍千季石壁畱詩在會有騷人一概然

別程女

芸齋浙浙掩霜寒別酒青燈夜語闌生女便知聊寄託中季尤覺感悲歡松間小草栽培穩掌上明珠棄擲難明日緩山東畔路野夫懷抱若爲寬

出山

松門石徑靜無闢布機青鞋幾往還少日漫思爲世用中年直欲伴僧閒塵埃長路仍回首升斗微官亦強顏休道西山不留客數峰如畫幕雲間

道山詩集

卷之十

汲古閣

謝鄧州帥免從事之辟

憂端擾擾力難任世事駸駸日見臨三載素冠客有魂一時墨經果何心首丘自擬終殘喘陟祀誰當辨苦音遙望朱門涕橫落相公恩德九泉深

新野先主廟

次韻

一軍南北幾扶傷長坂安行氣已王豪傑盡思爲漢用江山初不假吳強兩朝元老心雖壯再世中興事可常寂寞永安宮畔土爭教安樂似山陽

石門

兩崖懸絕倚山垠草逕低迷劣可分潭影乍從明
處見竹香偏向靜中聞石林萬古不知暑茅屋四
隣唯有雲曳杖行歌美樵叟此生何計得隨君

獨峰楊氏幽居

村墟瀟灑帶新晴落日千山一片青世外衣冠存
太朴雲間鷄犬亦長生清江兩岸多古木平地數
峰如畫屏惆悵朝陽一茅屋酒船茶竈負生平

渡湍水

湍作專呼
見水經

悠悠人事眼中新悄悄孤懷百慮紛伎倆本宜閒

遣山詩集

卷之十
十二

汲古閣

處者姓名誰遣世間聞秋江澹沲如素練沙浦空
明行暮雲早晚扁舟載煙雨移家來就野鷗群

十日登豐山

十日登高發興新豐山孤秀出塵氛村墟帶晚鴉
噪合林鏗得霜煙景分芳臬百年隨變滅短長千
古只紛紜詩成一嘆無人會白水悠悠入暮雲

岐陽三首

突騎連營鳥不飛北風浩浩發陰機三秦形勝無
今古千里傳聞果是非偃蹇鯨鯢入海溷分明蛇

犬鐵山園窮途老阮無奇策空望岐陽淚滿衣
百二關河草不橫十季戎馬暗秦京岐陽西望無
來信隴水東流聞哭聲野蔓有情縈戰骨殘陽何
意照空城從誰細向蒼蒼問爭遣幽尤作五兵
耽耽九虎護秦關懦楚辱齊机上看禹貢土田推
陸海漢家封檄盡天山北風獵獵悲笳發渭水蕭
蕭戰骨寒三十六峰長劔在倚天仙掌借空間

圍城病中文舉相過

擾擾長衢日往回病中聊得避喧埃愁多頓覺無

遣山詩集

卷之十
十三

汲古閣

詩思計拙唯思近酒杯潘岳鏡中渾白髮江淹門
外卽蒼苔生涯若被傍人問但說經年鼠不來

讀靖康食言

浚郊沙海浩茫茫河廣纔堪一葦航顛沛且當懲
景德規模何必罪朱梁滄溟不掩蛟龍窟大地同
歸雀鼠鄉三百年間幾降虜長星無用出光芒

雨後丹鳳門登眺

絳闕遙天霽景開金明高樹晚風迴長虹下飲海
欲竭老鴈叫群秋更哀切火有時歸變滅神嵩何

計得飛來窮途自覺無多淚莫傍殘陽望吹臺

京居辛卯八月六日作

四壁秋蟲夜語低南窗孤客枕頻移野情自與軒
裳隔旅食難堪日月遲平子歸田元有約魏舒穰
被恐無期一莖白髮愁多少慚愧家人賦展屋

浩然師出圍城賦鶴詩爲送

夢寐西山飲鶴泉美君歸興渺翩翩昂藏自有林
鬆態飲啄暫隨塵土綠遶海故家人幾在華亭清
喉世空憐明年也作江鷗去水宿雲飛共一天

遺山詩集

卷之十

汲古閣

追用座主間間公韻上致政馮內翰二首

峻坂平生幾疾驅歸休甫及引年初東門太傅多
祖道北闕詩人休上書早樞老歸千里驥白雲間
釣五溪魚非熊有兆公無恙會近君王六尺輿
草堂人物列仙臞萬壑松風酒一壺少日打門無
俗客老年爭席有樵夫巨源不入竹林還元亮偶
成蓮社圖野史他年傳者舊風流一一似公無

懷秋林別業

茅屋蕭蕭浙水濱豈知身屬洛陽塵一家風雪何

季盡二頃田園入夢頻高樹有巢鳩笑拙空墻無
穴鼠嫌貧西南遙望腸堪斷自古虛名只誤人

壬辰十二月車駕東待後即事五首

翠被忽忽見執鞭戴盆鬱鬱夢瞻天只知河朔婦
銅馬又說臺城墮紙傷血肉正應皇極敷衣冠不
及廣明李何時真得攜家去萬里秋風一釣船
慘澹龍蛇日鬪爭干戈直欲盡生靈高原水出山
河改戰地風來草木腥精衛有冤填瀚海包胥無
淚哭秦庭并州豪傑知誰在莫擬分軍下井陘

遺山詩集

卷之十

汲古閣

斨斨圍城度兩季愁腸飢火日相煎焦頭無客知
移突曳足何人與共船白骨又多兵死鬼青山元
有地行仙西南三月音書絕落日孤雲望眼穿
萬里荆襄入戰塵汴州門外卽荆榛蛟龍豈是池
中物蟻虱空悲地上臣喬木他年懷故國野煙何
處望行人秋風不用吹華髮滄海橫流要此身
五雲宮闕露盤秋銀漢無聲桂樹稠複道漸看連
上苑戈船仍擬下揚州曲中青塚傳新怨夢裏華
胥失舊游去去江南更開府鳳凰樓畔莫迴頭

永寧南原秋望

浩浩西風入敝衣
茫茫野色動清悲
洗開塵漲雨
纔定老盡物華秋
不知烽火苦
故鄉信斷砧聲偏
與客心期
百季人事登臨地
落日飛鴻一線遲

中秋雨夕

商帥國器
筵中作

南樓高興在胡床
十日秋陰負一觴
庾老未應妨
嘯詠素娥多自怨
昏黃此生此夜不長好
行雨行雲有底忙
却恐哦詩太愁絕
且燒銀燭看紅粧

癸巳四月二十九日出京

遺山詩集

卷之十
十六

汲古閣

塞外初捐宴賜金
當時南牧已駸駸
只知灞上真兒戲
誰謂神州遂陸沉
華表鶴來應有語
銅鞮人去亦何心
興亡誰識天公意
留著青城閱古今

國初
取宋於青
城受降

喜李彥深過聊城

圍城十日鬼爲隣
異縣相逢白髮新
恨我不如南去鴈
美君獨是北歸人
言詩匡鼎功名薄
去國虞翻骨相屯
老恨天公只如此
窮途無用說悲辛

與張杜飲

故人零落曉天星
異縣相逢覺眼明
世事且休論
向日酒尊聊喜似
承平山公倒載群
兒笑焦遂高談
四座驚轟醉春風
一千日愁城從此不能兵

遺山詩集

卷之十
十七

汲古閣

遺山先生詩集卷第十

終

遺山先生詩集卷第十一

七言律詩

秋夕

小簾涼多睡思清一窗風雨送秋聲頻年但覺貂裘敝萬古何曾馬角生寄食且依嚴尹幕附書誰住鄧州城澆愁欲問東家酒恨殺寒鷄不肯鳴

夢歸

傾賴南冠一楚囚歸心江漢日東流青山歷歷鄉國夢黃葉蕭蕭風雨秋貧裏有詩工作祟亂來無

遺山詩集

卷之十一

汲古閣

淚可供愁殘季兄弟相逢在隨分壺鹽萬事休

白屋

白屋寒多愛夕曛靜中歸思益紛紛長門誰買千金賦祖道虛陳五鬼文地盡更無誰可置寬閒唯覺井長動明年準擬萊蕪住寄謝東隣范史雲

淮右

淮右城池幾處存宋州新事不堪論輔車謾欲通吳會突騎誰當擣前門細水浮花歸別洲斷雲含雨入孤村空餘韓滉傷時語畱與壘臣一斷魂

徐威卿相過畱二十許日將往高唐同李輔

之贈別二首

衣冠八座文昌府襖被三季同舍郎蕩蕩青天非向日蕭蕭春色是他鄉傷時賈誼頻流涕臥病王章自激昂保社追隨有成約不應關塞永相望東南人物未彫零和氣春風四座傾但喜詩章多俊語豈知談笑得新名二年阻絕干戈地百死相逢骨肉情別後相思重迴首杏花尊酒記聊城

卽事

遺山詩集

卷之十一

汲古閣

逆豎終當鱗纓分揮刀今得快三軍燃臍易盡嗟何及道吳無窮古未聞京觀豈當誣翟義衰衣自合從高熱秋風一掬孤臣淚叫斷蒼梧日暮雲

望王李婦程

一榻霜寒晚思孤眼中行李見歸途虞卿仲子死不朽石父吳嬰今豈無義士龍沙元咫尺累臣駒隙自舒徐何時斗酒歡相勞驚看燕家頭白烏

秋夜

九死餘生氣息存蕭條門巷似荒村春雷謾說驚

坯戶皎日何曾入覆盆清水有情添別淚吳雲無
夢寄歸魂百季世事兼身事專酒何人與細論

甲午除夜

暗中人事忽推遷坐守寒灰望復燃已恨太官餘
餽餅爭教漢水入膠船神功聖德三千贈大定明
昌五十年甲子兩周今日盡空將衰淚灑吳天

乙未正月九日立春

十度新正九處家今年癡坐轉堪嗟一冬殘雪不
肯盡連日苦寒殊未涯重碧總誇燕市酒小紅誰

遺山詩集

卷之十一

汲古閣

記上林花殘魂零落今無幾乞與春風惱長華

杏花落後分韻得歸字

癡能醫病頰肥鵲膠無那片紅飛殘陽澹澹不
肯下流水溶溶何處歸煮酒青林寒食過明粧高
燭賞心違寫生正有徐熙在漢苑招魂果是非

三僊祠

三僊祠下往來頻憔悴征衫滿路塵蕭鼓未休寒
食酒醺蘇時見舊都人吹殘芳樹紅仍在展放平
田綠已勻西北并州隔千里幾時還我故鄉春

送輔之仲庸還大梁

驂驪爭道渺翩翩誰遣風塵失壯年四壁舊聞懸
罄宅一囊今有賣書錢淋漓別酒青燈夜滅淚孤
帆落照邊想得還家過春半故都喬木滿蒼煙
繡江汎舟有懷李郭兩公

荷花如錦水如天浪藉秋香擁四船長白風煙最
瀟灑外臺賓主重留連勝遊每恨隔千里樂事便
當論百季咫尺西州兩詩客不來同作飲中仙

送杜子

遺山詩集

卷之十一

汲古閣

洛陽塵土化緇衣又見孤雲着處飛北渚曉晴山
入座東園春好妓成圍來鴻去燕三年別深谷高
陵萬事非轟辟春風有成約可能容易話東歸

眼中

眼中時事益紛然擁被寒窗夜不眠骨肉他鄉各
異縣衣冠今日是何年枯槐聚蟻無多地秋水鳴
蛙自一天何處青山隔塵土一菴吾欲送華顛

送杜招撫歸西山

杜龍後為黃冠師

少日先聲懾虎貔只今騎馬欲鷄棲邯鄲枕上人

初覺秋水篇中物已齊父老樵漁知有社將軍桃李自成蹊因君喚起思鄉意君在西山我更西

寄欽止李兄

征車南北轉秋蓬關塞相望兩禿翁衰衰便當隨世路悠悠難復倚天公銅駝荆棘千年後金馬衣冠一夢中尊酒雲州古城下幾時攜手哭春風

有寄

飛鴻來處是營平喜向斜封見姓名千里呂安思叔夜五更殘月伴長庚關河秋興風景暮長路渴遺山詩集

卷之十一

汲古閣

心塵土生南渡詩人吾未老幾時同醉鳳凰城

鎮州與文舉百一飲

翁仲遺墟草棘秋蒼龍雙闕記神州只知終老歸唐土忽漫相看是楚囚日月盡隨天北轉古今誰見海西流眼中二老風流在一醉從教萬事休

別王使君丈從之

謝公每見皆名語白傳相看只故情導酒風流有今夕玉堂人物記升平泰山北斗千年在和氣春風四座傾別後殷勤更誰接只應偏憶老門生

寄汴禪師

師舊隱濟源

白頭歲月坐詩窮止有相逢一笑同齋粥空疎想君瘦冠巾收欽定誰公夢魂歷歷山間路世事悠悠耳外風見說懸泉好薇蕨草堂知我是隣翁

逐釋老家甚急故有冠巾收欽之句

衛州感事二首

神龍失水困蜉蟻一軀倉皇入宋州紫氣已沉牛斗夜白雲空望帝鄉秋初前寶地三千界夢裏瓊枝十二樓欲就長河問遺事悠悠東注不還流

遺山詩集

卷之十一

汲古閣

白塔亭亭古佛祠往來曾此走京師不知江令還家日何似湘纍去國時離合興亡遠如此棲遲零落竟安之太行千里青如染落日欄干有所思

一作獨凭

望蘇門

諸父當年此往還客衣塵土淚斑斑太行秀發眉宇見老阮公來尊俎間出岫暮雲歸有處投林孤鶴香難攀湧金亭上秋如圓興在青林杳靄間

望崧少二首

崑崙少飛來崑崙山山家茅屋翠微間鷄豚鄉社相
勞苦花木禪房時往還結習尚餘三宿戀殘年多
負半生閒長河一葦人千里望斷西城碧玉環
飲鶴池邊萬木稠蒼龍崖上五峰秋藤垂絕壁雲
添澗澗落哀湍雪共流田父占季鷺玉旆詩仙留
迹歎崑丘西風落日山陽道空對紅塵憶舊遊

池在緘山養龍
窟在古乳峰下

懷州子城晚望少室

河外青山展臥屏井州孤客倚高城十年舊隱拋
遺山詩集

卷之十一
七

汲古閣

何處一片傷心画不成谷口暮雲知鄭重林梢殘
照故分明洛陽見說兵猶滿半夜悲歌意未平

別單懷幕府諸君二首

王後盧前舊往還江東渭北此追攀百季人物存
公論四海虛名只汗顏詩酒聊堪慰華髮衡茅終
擬共青山相思後日井州夢常住瑤林照映閒
太行醲秀在山陽嵇阮經行舊有鄉林影池煙設
清供物華天寶借餘光承平故事嗟猶在雅詠風
流豈易忘稍待秋風入涼冷百壺吾欲醉籌堂

河內

有七
賢郎

羊腸坂

浩蕩雲山直北看凌兢羸馬不勝鞍老來行路先
愁遠貧裏辭家更覺難衣上風沙數焦悴夢中燈
火憶團圓憑誰爲報東州信今在羊腸百八盤

高平道中望陵川二首

此縣先隴城府
君泰和中舊治

列宿澄明墨綬尊中臺良選到明門來時珥筆諱
健訟去日攀車餘淚痕一片青山幾今昔百年華
屋記生存泰和遺老今誰在向道甘棠有子孫

遺山詩集

卷之十一
八

汲古閣

鈴閣文書到酒卮諸曹小吏亦抄詩座中佳客無
虛日簾下歌童盡雅辭棠隸有花移舊巧櫻桃和
露彈繁枝書郎零落頭今白腸斷荷衣出拜時

櫻桃皆
當時事

野谷道中懷昭禪師

行行汾沁欲分疆漸喜人聲快兩鄉野谷青山空
自繞金城白塔已相望湯翻豆餅銀絲滑油點茶
心雪蘆香說向阿師應被笑人生生處果難忘

太原

夢裏鄉關春復秋，眼明今得見并州。古來全晉非無策，亂後清汾空自流。南渡衣冠幾人在，西山薇蕨此生休。十季弄筆文昌府，爭信中朝有楚囚。

外家南寺

在王孝社子兒特讀書處也

鬱鬱楸梧動晚煙，一庭風露覺秋偏。眼中高岸移深谷，愁裏殘陽更亂蟬。去國衣冠有今日，外家梨栗記當年。白頭來往人間偏，依舊僧窗借榻眠。

追賦定襄周帥夢卿家秋日牡丹

千古吳中富貴家，秋風吹送洛陽花。真妃鏡裏春遺山詩集

卷之十一

汲古閣

難老玉女車邊日，易斜紀瑞定誰增舊譜。換根元自有靈砂來遲不及西堂宴，猶想分香入棣華。

周有棣華堂

桐川與仁卿飲

蕭蕭茅屋繞清灣，四面雲開碧玉環。已分故人成死別，寧知尊酒對生還。風流豈落正始後，詩卷長留天地間。海內斯文君未老，不須辛苦賦囚山。

過濁鹿城與趙尚質談山陽舊事

廢邑蕭條落照邊，山陽遺跡是空傳。肺腸未潰猶

可活灰土已寒寧，復然負鼎運來元有力。考槃人去更堪憐，因君憶得曹瞞事。銅雀臺荒又幾年。

官園探梅同康顯之賦

柳麥榆椒寂寞邊，儘饒梅事得春偏。留殘瘦骨猶堪畫，未展幽香已可憐。千里移根自何許，數枝臨水記當年。開時重約花前醉，試手東風第一篇。

十二月十六日還冠氏十八日夜雪

少日驚飛掣臂鷹，只今癡鈍似秋蠅。號書業力貧猶在，涉世筋骸老不勝。千里關河高骨馬，四更風遺山詩集

卷之十一

汲古閣

雪短檠燈一鉅，一鉢平生了慚愧。南窗打睡僧

別康顯之

玉川文字五千卷，鄭監才名四十年。誰謂華高吾豈敢，耻居王後子當然。河亭笑語歸陳迹，里社追隨失後緣。後夜并州月，千里南窗尊酒且雷連。

寄楊飛卿

客夢悠悠信轉蓬，蓼床殷殷動晨鍾。西風白髮三千丈，故國青山一萬重。沙水有情雷過鴈，乾坤多事泣秋蟲。三間老屋知何處，慚愧雲間陸士龍。

雨夜

夢裏孤蓬雨打秋茅齋元更小於舟無錢正坐詩
作崇識字重爲時所響千里漫思黃鵠舉六年真
作賈胡留并州北望山無數一夜砧聲人白頭

東平送張聖與北行

天山曾望使車還官柳青青此重攀去國衣冠元
易感中年親友吏相關箭雲自可無千里隱霧誰
教見一班海內文章在公等兼謂李主簿仁卿不應空老
道途間

遣山詩集

卷之十一

汲古閣

別張御史

特立字
文舉

晚學天教及老成翰林詩裏美鴻冥馮內翰文贈
御史詩有鴻冥雄標草瓢此日歸顏巷銅墨當時動漢廷華表
之何御史見始之謾勞紆直筆付過有哀拂絳帷無復與橫經抵應
千里并州道常並虛危候德星

出東平

老馬凌兢引席車高城回首一長嗟市聲浩浩如
欲沸世路悠悠殊未涯潦倒本無明日計往來空
置六年家東園花柳西湖水剩著新詩到處誇

再到新衛

蝗旱相仍歲已荒伶仃十口值還鄉空令姓字喧
時輩不救飢寒趨路傍行帳馬嘶塵涸洞空村人
去雨淋浪河平千里筋骸盡更欲驅車上太行

別冠氏諸人

戊戌秋八
月初二日

東舍茶渾酒味新西城紅氍杏園春衣冠會集令
爲盛里社追隨分更親分手共傷千里別低眉常
愧六年貧他時細數平原客看到還鄉第幾人

入濟源寓舍

戊戌八月
二十二日

遣山詩集

卷之十一

汲古閣

未辦驅車上太行主人留此避風霜遺編壁簡文
章爛熳食粗衣歲月長奮迅舊嫌扶老杖龍鍾今
屬負喧墻睡中刺刺聞人語季子金多過洛陽

鎮平縣齋感懷

四十頭顱半白生靜中身世兩關情書空咄咄知
誰解擊缶鳴鳴却自驚老計漸思乘款段壯懷空
擬漫崢嶸西窗一夕無人語挑盡寒燈坐不明

野菊再奉座主間問公命作

晚景蕭疎画不成晚花作意出繁英鮮明獨向霜

露見爛熳仰隨蒿艾生南國騷人知有待西風胡蝶更多情南山正在悠然處安得芳樽與細傾

五月十二日座主開閣公諱日作

曆火誰能救已然直教憂疾送華顛贈官不暇如平日草詔空傳似奉天故學至今埋恨骨遺宗何力起新阡門生白首渾無補陸氏莊荒又一年

四哀詩

李欽叔

赤縣神州坐陸沉金湯非乘禍侵尋當官避事平

通山詩集

卷之十一

汲古閣

生耻視死如歸社稷心文采是人知子重交朋無我與君深悲來不待山陽笛一憶同衾淚滿襟

冀京父

先公藻鑑識終童曾拔昆山玉一峰不見連城活白壁蚤聞烈火燎黃琮重圍急變紛紛口九地忠魂耿耿胸欲弔雲南無覓處士林能不泣相逢

李長源

冀都事死東州禍李翰林匹陝府兵方爲騷人箋楚些三更禁書客墮秦坑石苞本不容孫楚黃祖安

能貸襦衡同甲四人三橫實此身雖在亦堪驚

王仲澤

太學聲華弱冠馳青雲岐路九霄飛上前論事龍顏喜幙下籌邊犬吠稀壯志相如頭碎柱赤心嵇紹血沾衣從來聖牖衷忠義誰爲幽魂一發揮

過詩人李長源故居

楚些招魂自往率明珠真見抵深淵巨龍有餌難堪釣怒虎無情可重編千丈氣豪天也妒七言詩好世空傳傷心鸚鵡洲邊淚卻望西山一泫然

遺山詩集

卷之十一

汲古閣

已亥十一月十三日雪晴夜半讀書山東龕

看月

四山寒雪夜深明未恨崔嵬失舊青青女有功加粉澤素娥無意惜娉婷微雲河漢非人世太古鴻荒見典刑剩著新詩記今夕年年來醉半山亭

明日作

晴光晃漾入危闌萬象都歸一色看搖筆尚堪凌浩蕩舉杯誰與慰荒寒化成銀界清涼近散盡米花碧海乾後夜霜空月輪滿可無秦女共驂鸞

杏花二首 庚子歲
南菴賦

芳樹春融絳蠟凝春風寂寞掩柴荆西眉盧女嬌
無奈顰齒孫娘笑不成已怕宿粧添蝶粉更堪煖
藍開蜂聲一般疎影黃昏月獨愛寒梅恐未平
一穗蘆鞭一穗塵西園紅艷眼中新帽簷分去家
家喜酒面飛來片片春梅柳幾曾同故事櫻桃纔
得綴芳辰荒城此日腸堪斷老卻探花筵上人

醉後

蚤歲披書手不停中年所得是忘形天公不禁人

遣山詩集

卷之十一
十五

汲古閣

間酒佳煖虛雷座右銘身後山丘幾春草醉來日
月兩秋螢柴門苦雨青苔滿一解狂歌且自聽

遣山先生詩集卷第十一 終

遣山先生詩集卷第十二

七言律詩

賦南中楊生玉泉墨

墨不用松煙
而用燈煤

萬竈玄珠一唾輕客卿新以玉泉名御園更覺香
爲累冷劑休誇漆點成浣袖秦郎無藉在西眉張
遇可憐生晴窗弄筆人今老孤負松風入硯聲

以張通鼎各小
圖爲面眉墨

贈張文舉御史

安穩藜床坐欲穿合教絕學到真傳清貧自苦知

遣山詩集

卷之十二

汲古閣

何負神理無憑恐未然麋乳尚憐孤竹餓龍頭誰
識管寧賢無窮白日青天在會有先生引鏡年

先生
明

寄荅飛卿

一首新詩一紙書喜於滄海得遺珠古來獻玉猶
難售此日聞韶本不圖白雪任教春事晚青天終
放月輪孤并州命駕纔千里嵇呂風流未可無
留別龍興汴禪師普照鑑禪師

十年不見水菴師二老相從又一時俚曲只知無

白雪遺音誰謂有朱絲書難盡信何如默人各爲
家枉自私三月春風滿桃李青青畱看歲寒枝

赤谷口

林嶺陰崖霧杳冥石根寒溜玉玎玲雲來朔漠疑
秋早山近清涼覺地靈靜愛鳥聲存野調閒嫌人
迹帶塵腥南臺說有金銀氣可是并分處土星
山僧從謂之小五臺九月
中將有景星如佛光云

贈楊君美之子新甫

書林頭白坐吟呻青佩橫經更幾人總角未逢韓
遺山詩集

卷之十二

汲古閣

吏部伏膺先就楚靈均岳蓮盡發三峰秀玉樹初
臨二月春看取楊家伯男子今奉天壤姓名新

憑亭同麻知幾賦

零落棲遲復此遊一尊聊得散羈愁天圖平野莽
無際水遠孤城閒不留
元是深字如幾
請予改作閒字柳意漸迴
淮浦暖鴈聲仍帶塞門秋登高望遠令人起欲買
煙波無釣舟

荅公茂

文昌除目入驚看似覺規模到漢官冀北已空天

下馬江東全倚謝家安黃圖赤縣風流在碧落銀
河病眼寬林下升平有他日草堂應許駐金鞍

過應州

平野風埃接戍樓邊城三月似窮秋人家土屋繞
客驂驛路旛車不斷頭隨俗未甘嘗馬湏敵寒直
欲御羊裘十季紫禁煙花繞此日雲山是應州

應州寶宮寺大殿

縹渺層簷鳳翼張南山相望鬱蒼蒼七重寶樹圍
金界十色雲華擁繡闥梁竭國想從遼盛日閭人真
遺山詩集

卷之十二

汲古閣

是魯靈光請看孔釋誰消長林廟而今草又荒

懷安道中寄懷曹徵君子玉

緒水歡遊事已非襄山迴首重依依義熙畱在陶
元亮華表來歸丁令威袖裏短書懷老筆夢中晴
腹見褒衣祝君飽喫殘年飯會有隣牆白版扉
五月十一日樗軒老忌辰追懷

遺後交情老更傷每逢此日倍難忘神光何處埋
泉壤落月無言滿屋梁祕閣圖書疑外府謝家蘭
玉記諸郎靈均謾倚騷經在宗國河山半夕陽

公茂

今爲亂塚所
迷故有上句

感事

富貴何曾潤鬢髭直須漸米向矛頭血誓此日逢
三怨風鑒生平備九流瓢飲不甘顏巷樂市鉗真
有楚人憂世間安得如川酒力士鎗頭醉死休

玉溪

邂逅詩翁得勝遊煙霞真欲盡松丘玉溪如此不
一到今日曠然消百憂林影蒼茫開霽曉岸客滿
灑帶新秋酒材已辦須君釀要及西風入釣舟

遺山詩集

華不注山

濟南作

卷之十二

汲古閣

元氣遺形老更頑孤峰直上玉屏顏龍頭突出海
波沸鼉足斷來天宇閒齊國伯圖殘照裏謫仙詩
興冷雲間乾坤一劍無人識夜夜光芒北斗殷

岳解元生日

邦獻

天日晴明見岳時只君消得謫仙詩鶯花到處供
杯酒霜雪何緣點鬢絲已辦紫雲新活計又添驥
子好男兒扶風里社他幸有開殘靈椿桂五枝

感興

夜宿讀書山作

倚梯從昔望煙霄七葉何人竟珥貂道路常教車
歷鹿功名唯有髮飄蕭動如韓子初無補晚似馮
公豈見招五十三季等閒裏一窗風葉雨蕭蕭

晨起

壬寅正月九日

鐙火青荧語夜闌柴荆寂寞掩春寒歎惊已向杯
中減老態何堪鏡裏看多病所須唯藥物一錢不
直是儒冠掣鯨莫倚平生手只有東溪把釣竿

經營神山別業故云

送周帥夢卿之關中二首

遺山詩集

卷之十二

汲古閣

狼藉麻衣見酒痕憶君醉別柳邊村離愁擾擾理
還亂來事悠悠誰與論瘴海漸添春浪潤水崖唯
覺鼻煙屯人間底似三峰好箭筈通天有一門
風華漠漠水迢迢長記金鞍入灞橋鬢髮而今滿
霜雪羽毛此日是雲霄火餘函谷青猶待春動長
陵紫未消射虎南山付公等可能仙掌不相招

感事

紙痔歸來位望尊駸駸雷李入平吞飢蛇不計撐
腸裂老虎爭教有齒存神聖定須償宿業債家猶

足視驚魂且看含血曾誰嘆猪嘴關頭是鬼門

十二月二十日雪中過石嶺關

老天黯慘入平蕪朔吹崩奔萬竅呼雪意旋粧行路景詩家新有入關圖地爐圍坐慚田父絮帽衝寒慙僕夫故國煙花重回首蜀橙山麝記金壺

將上書辛國幕府感懷呈賈明府

兵家世不乏小杜風鑒今誰如老麗自許奇謀傾幕府不防幽夢落蓬窗驚鳥繞月枝難穩羸驪嘶風氣未降愛惜平生請纓手一簔休憶弄秋江

遺山詩集

卷之十二

汲古閣

春寒

草木荒城屋數椽春寒閭巷益蕭然僮奴焦爨頭如葆稚女跳梁履又穿白石鯉魚空尺半朱門食客自三千松枝壓尾山中滿去去南華有內篇

卽事

商帥國器見免從軍

逋客而今不屬官住山盟在未應寒書生本自無燕領造物何嘗戲鼠肝會最指天容我懶鳴夷盛酒盡君歡到家慈母應相問爲說將軍禮數寬

示懷祖

憔悴經年臥澗阿囊中無物只詩多自驚白髮先潘岳人笑藍衫似采和狗盜鷄鳴皆有用鶴長鳬短果如何乘閒便作婦田賦付與牛童扣角歌

示崔雷詩社諸人

一寸名場心已灰十季長路夢初回江山侶許供詩筆麋粥猶能到酒村賣劍買牛真得計腰金騎鶴恐非才游從肯結鷄豚社便欲歲時相往來

弘州贈曹丈子玉

丘園舊憶詢幽仄裘褐今聞識姓名故國衣冠有

遺山詩集

卷之十二

汲古閣

遺老歲寒松栢見交情寄書千里空頭白握手一盃俱眼明來往襄陰從此始刺將歌笑慰生平

和仁卿演太白詩二首

蕭蕭窗竹動秋聲紫極深居稱野情靜坐且甯觀衆妙還丹無用說長生風流五鳳樓前客寂寞千秋身後名解道田家酒應熟詩中只合愛淵明蕭蕭窗竹動秋聲簷間白雲澹以成白雲朝飛本無意白雲暮歸如有情淵明太白醉復醉李主生鳴自鳴四十九季堪一笑昨非今是可憐生

燕府白兔

仙穎迷離望莫攀爭教失脚下高寒吸殘瀨露瑤
窗曉揭盡玄霜玉杵閒顧影乍疑雲外見寫生何
侶鏡中看褐衣擾擾皆三窟幾在祥經咳唾間

梁都運亂後得故家所藏無盡藏詩卷見約

題詩同諸公賦

飛亭四望水雲寬亭上高人杳莫攀已就湖山攬
奇秀更教鄉社得安閒風流豈落正始後詩卷常
留天地間勝賞休言隔今昔肩吾新自會稽還

遺山詩集

卷之十二

汲古閣

出都二首

漢宮曾動伯鸞歌事去英雄不奈何但見觚稜上
金爵豈知荆棘臥銅駝神仙不到秋風客富貴空
悲春夢婆行過感溝重迴首鳳城平日五雲多

歷歷典亡敗局基登臨疑夢復疑非斷霞落日天
無盡老樹遺臺秋更悲滄海忽驚龍穴露廣寒猶
想鳳笙歸從教盡剗瓊華了雨在西山儘淚垂

宮有瓊華島紀頂廣寒殿近爲黃冠輩所撤

癸卯望宿中霍道院

疊嶂沉沉轉素蟾長松稠稠擁高層湖山已爲新
晴好風露還疑此夜添身外作緣良自苦世間除
睡更無甜溪堂借宿從今始便見兒童具米鹽

甲辰三月旦日以後雜詩三首

應接紛紛又次旬枉教虛負杏園春尋芳自分無
閒日戴酒寧知有故人花柳得時俱作態川原經
雨更無塵憑君莫惜尊前醉看卽青梅入座新
激戰猩紅鬧曉晴攢頭真似與春爭舒開楊柳柳
相映瘦殺寒梅枉自清粉艷低回工作態絳唇寂

遺山詩集

卷之十二

汲古閣

冥獨含情画圖只愛殘粧好未信徐郎解寫生
密霧輕塵細酒均綠雲紅雪一番新風光爛熳供
歡席酒味清醇侶主人落落湖山如有喜欣欣魚
鳥亦相親新詩寫入溪奴錦從此他鄉不算春

紫牡丹三首

金粉輕粘蝶翅勻丹砂濃抹鶴翎新儘饒姚魏知
名早未放黃徐下筆親映日定應珠有淚凌波長
恐穠生塵如何借得司花手徧與人間作好春
夢裏華胥失玉京小闌春事自昇平只緣造物偏

聞意須信凡花浪得名蜀錦浪淘添色重御爐風
細覺香清金刀一剪腸堪斷綠鬟劉郎半白生

天上真妃玉鏡臺醉中遺下紫霞杯已從香國偏
薰染更借花神巧剪裁微度麝薰時約畧驚移鶯
影卻低回洗粧正要春風句寄謝詩人莫漫來

與同年敬鼎臣宿順天天寧僧舍

蕭蕭風雨打僧窗耿耿青燈對客床每恨相望隔
關塞豈知連日醉壺觴辨蠶味薄堪良久茅屋寒
多且閉藏三十餘年老兄弟此回情話獨難忘

遺山詩集

卷之十二

汲古閣

贈荅樂丈舜咨

中京副留守

舟車何地得通津書疏相忘意更親但愛栢臺推
峭直豈知梅賦更清新兩都秋色皆喬木青舊風
流有幾人詩酒陪從約他日鷄川已許濯纓塵

都運李丈哀挽

有之

平日剛稜觸禍機老李天遣故鄉歸登車攬轡名
空在濯足臨流事已非白鶴會須尋舊約青蠅猶
解避餘威李文定公於壬寅夏六月
異香滿室三日蠅不近西州正有花千
樹淚盡羊曇醉後衣

贈荅郝經伯常伯常之大父子少日從之學

科舉

故家珠玉自成淵重覺英靈賦子偏文陣自憐吾
已老名場誰與子爭先撐腸正有五千卷下筆須
論二百季莫把青春等閑了蔡邕書籍待渠傳

呂國材家醉飲

世事悠悠殊未涯七季回首一長嗟虛傳庾信凌
雲筆無復張騫犯斗槎去國衣冠有今日春風桃
李是誰家螺臺刺有如川酒釐爲紅塵拂髻華

遺山詩集

卷之十二

汲古閣

洛陽

千季河岳控喉襟一日神州見陸沉已爲操琴感
衰涕更須同輦夢秋衾城頭大匠論蒸土地底中
郎待摸金擬就天公問翻復蒿萊丹碧果何心

過三鄉望女几邨追懷溪南詩老辛敬之二

首

雲際虛瞻處士星衆頭多負讀書螢筆端有口傳
三篋石上無禾養伯齡從昔葛陂終變滅抵今韓
嶽謾英靈因君重爲前朝惜枉破青衫買一經女

山土人謂之韓激

萬山青繞一川斜好句真堪字字誇棄擲泥塗豈天意新除時命是才華百錢卜肆成都市萬古詩壇子美家欲就溪南問遺事不禁哀涕落塵霞

為鄧人作詩

再見州人本不期相畱相挽忍相違攜盤渭水堪流涕種柳金陵已合園事去恍疑春夢過眼明還似故鄉歸題詩未要題名字令是中原一布衣

贈張主簿偉

遺山詩集

卷之十二

汲古閣

江岸墳荒草棘秋朱陽南下重君憂弓刀近塞人煙少林登經霜虎跡稠究竟畏途知有漸激昂高義報無繇從今弟妹通家了莫向瓜田認故侯戒為

望盧氏西南熊耳嶺

不到中鄉五十季忽驚行色是盧川已占介福端王母未信羈魂侶粵阡文時為顧存慙吏報先大祖後故吏輩偶成期會殆天憐馬范二帥遠在干歲時致祭荒林破屋江聲裏坐想孤城一泫然

寄劉繼先

清霜茅屋耿無眠坐憶分攜一慨然楚客登臨動歸興謝公哀樂感中季淒涼古驛人煙外遙連荒山雪意邊千樹春風水陽柳待君同繫晉溪船

寄楊弟正卿

馬迹車塵漫白頭蒼生初不待君愛且從少傳論中隱儘要元規擁上流東閣官梅動詩興洞庭春色入新篇歸程未覺西菴遠夜夜清伊繞石樓正色以西菴以名酒甲洛中書賦觀激詩有狂瀾竟逐西風落依舊清伊繞石樓之句故兼及之

遺山詩集

卷之十二

汲古閣

為鮮于彥魯賦十月菊

清霜浙浙散銀沙驚見芳叢閱歲華借暖定誰畱翠被鍊顏應自有丹砂秋香舊入騷人賦晚節今傳好事家不是西風苦畱客衰遲久已避梅花

贈荅同季教鼎臣

四海屏山放一頭爭教塵土走東州長身奉米休儒飽束髮從軍安尉侯千首新詩工作祟百壺清酒未消憂悠悠世事今如此付與煙波著釣舟

寄英上人

世事都銷酒半醺已將度外置紛紜乍賢乍侏誰
爲我同病同憂只有君白首共傷千里別青山真
得幾時分相思後夜并州月卻爲湯休賦碧雲

寄荅仰山謙長老

渠住招應

木菴推出謙書記乞與雲林百自繇想得驅驢入
招隱勝於騎鶴上揚州衆狙皆喜羊初熟一鳥不
鳴山更幽日暮王城市聲合松風亭上莫迴頭

九日登平定湧雲樓故基樓卽開閣公所建

詩翁曾此宴重陽老樹遺臺認醉鄉流水浮生幾

遺山詩集

卷之十二

汲古閣

今管高秋雲物自淒涼飛來野鶴聊堪喜望隔長
鯨又可傷賴是風流未全減白頭門客有王楊

無咎楊子招在生公在卽時學生也

平定鵲山神應王廟

古柳輪囷欲十圍鵲山祠廟此遺基萬金良藥移
造化老眼天公誰耦奇已爲養生誣單豹不應遭
網廢元龜平生磊砢流仍在擬問靈君乞上池

寄荅商孟卿

窈渺朱絃寂寞心得詩何啻得南金冷猿挂夢山

月嶺老鷹叫群江渚深異縣五年仍隔濶荒城連
日想登臨書來且只平安了撥觸離愁恐不禁

荅石子章因送其行

石梁詩好先知名導酒相逢意自傾寶劒沉埋惜
元振鐵繁豪宕見胡鉦藍田月出多重疊豐嶺霜
餘卽大鳴後日天山望征騎燕鴻歸處是雲程

畱別仲經

來時兒女拜燈前此日壺觴是別筵聚散共知陰
有數笑談爭遣病相先秋風古道將誰語殘月長

遺山詩集

卷之十二

汲古閣

庚更可憐鷄欄魚梁一村落若爲還侶浙江邊

方病中故有上句

別州鄉弟

晚歲論詩辱見收相從許久重相畱苦心亦有五
東野真賞誰如高蜀州萬疊寒雲度歸鴈孤洲春
水澹沙鷗荒城後日思君處風色蕭蕭入白頭

寄叔能兄

星斗龍門姓字新豈知書劒老風塵郎君未曾曾
開闢王翰何緣得買鄰銀燭對談辭館夜雪梅同

醉浙江春抵應千里東州月處處相逢卽故人

賀威卿徐弟得雄

利市金錢四座俱阿卿新喜到充閭跨牛楊朴空
顛酒秣驥王良已問途桂出孫枝知秀發鳳離丹
嶠亦舒徐明年別作飛黃句來賀君家第二雛

遺山詩集

卷之十二
十六

汲古閣

遺山先生詩集卷第十二終

遺山先生詩集卷第十三

七言律詩

追錄洛中舊作

樂府新聲綠綺裘梁州舊曲錦纏頭酒兵易壓愁
城破花影長隨日脚流萬里青雲休自負一莖白
髮儘堪羞人間只怨天公了未便天公得自繇

東園晚眺

東平

霜髯蕭蕭試鐫看怪來歌酒百無歡舊家人物今
誰在清鏡功名歲又殘楊柳攪春出新意小梅雨

遺山詩集

卷之十三

汲古閣

雪弄餘寒一詩不盡登臨興落日東園獨倚欄

十一月五日暨往西張

城隈細路入沙汀絮帽衝風日再經款歲村虛更
荒惡窮冬人影亦伶俜林煙漠漠鴉邊暗山骨瘦
稜雪外青四十年來此寒苦凍吟猶記隴關亭

石嶺關書所見

軋軋旄車轉石槽故關猶復戍弓刀連營突騎紅
塵暗微服行人細路高已化蟲砂休自歎厭逢豺
虎欲安逃青雲玉立三千丈元只東山意氣豪

施羅峰二首

念念靈峰四十季一來直欲斷凡緣
盤開混沌露元氣散布兜羅彌梵天
雲臥無時不閒在樓居何處得超然
殊祥莫詫清涼傳會與茲山續後篇
每恨奇探員盛季松崖今喜入攀緣
初驚靈鷲多飛石更信金牛有漏天
鄉國登臨乃如此名場馳逐亦徒然
留詩便與香泉約起本西遊第一篇

追懷曹徵君

生死論交不易忘一題言別淚千行
空勞結伴歸

遺山詩集

卷之十三

汲古閣

蓮社無復題詩寄艸堂楚國先賢宜有傳
粵阡羈鬼護恩鄉因君錯怨天公了且道
今誰晚節昌

春日書懷呈劉濟川

鄉社荒殘住不成無端蓬華掩柴荆
流季又見東風菜藥土空懷北斗城
父老只供畱我醉兒童也喜從君行
周侯見說應相笑笑隱三泉先有盟

東萊

菜見本草

晉溪

石磴雲松著色屏岸花汀草展江亭青
瑤疊甃通

懸甕白玉雙龍掣迅霆地脉何嘗間
今管尾閭真解泄滄溟乾坤一雨兵
塵了好就川妃問乞靈

弔岳家千里駒

蜀客淒涼土一丘後身還有化身愁
靈椿丹桂偶相值蕙草清霜寧久畱
掌中玉雪恩憐在筆底雲煙取次休
過眼空華只如此不如無子却無憂

七月十二日行狼牙嶺

狼牙路滑馬伶傳老鶴超超欲上征
一曲松風寫幽致九秋雲物愴離情
天開員嶠方壺境澗落銀

遺山詩集

卷之十三

汲古閣

河月窟聲靚面青山入渠手定誰胸
次玉崢嶸

十三日度岳嶺

神岳規模亦壯哉上階絕境重裴回
丹青萬木秋風老金翠千峰落照開
川路漸分猶暗濤湍聲已遠更淒哀
石門剩比靈丘遠正坐登臨久一來

玉泉二首

神岳提封入寺基上公官秩見僧碑
雲藏佛屋瞻猶暗樹近禪窗老更奇
竹杖只供行險易藜床偏與望川宜
同時不及髯中令猶得泉名比鳳池

玉水泓澄古殿隅又新名第不關渠每因天日流
金際更憶風雷裂石初百里官壺分韻勝千人齋
粥薦甘餘八功德具休誇好玩景臺荒有破除寺東
北有玩景臺盡得神川之勝勝焉
者張引之荒山一笑故有上句

玄都觀桃花

前度劉郎復阮郎玄都觀裏醉紅芳非關小雨能
雨客自是桃花要洗粧人世難逢開口笑老夫聊
發少狂狂一杯盡吸東風了明日新詩滿晉陽

贈張致遠

遺山詩集

卷之十三

汲古閣

茅屋蕭蕭賴水濱兩山相望卽比隣禪房道院兩
連夜酒榼詩黃浩蕩春老鶴下季見城郭微君晚
節旁風塵相逢不盡平生意舊風流有幾人

夜宿秋香亭有懷水菴英上人

兄弟論交四十季相從旬日却無緣去程水雪詩
仍在晚節風塵私自憐連社舊客元亮酒藤溪多
負子猷船茅齋一簪愁多少窗竹蕭蕭耿不眠

汴梁除夜

追錄

六街歌鼓待晨鍾四壁寒齋只病翁髭雪得季應

更白銓花何喜也能紅養生有論人空老祖道無
詩鬼亦窮數日西園看車馬一番桃李又春風

與馮呂飲秋香亭

三子皆吾友之純席生

麗翁書客感秋蓬更在京塵湏洞中莫對青山談
世事且將遠目送歸鴻龍江文采今誰似純之鳳
地不年光夢已空剩著新詩記今夕尊前四客

一衰翁

袁武子告

生氣曾思作九原迷途爭得背南轅梁鴻故事要

遺山詩集

卷之十三

汲古閣

離墓國孤兒祗樹園子今舊說布衣甘絕脰今
傳史筆記歸元知君祿仕無心在旌孝終當到李
源

贈李春卿

賁十郎家指顧間因君我亦愛西山丹房藥鏡平
生了禪榻茶煙歲月閒春舊有情供白墮秋風無
力損紅顏重來已有明年約刺破都城幾往還

甲辰秋留別丹陽

疎疎衰柳映金溝祖道都門復此留千里關河動

婦興九秋雲物發詩愁嚴城鍾鼓月清曉老馬風沙入白頭後夜相思渺何許西山西畔是并州

龍興寺閣

全趙堂堂入望寬九層飛觀儘高寒空聞赤幟疑軍壘真見金人泣露樂桑海幾經塵劫壞江山獨恨酒腸乾詩家總道登臨好試就遺臺老樹看

別緯文兄

玉壘浮雲變古今燕城名酒足浮沉眼中誰復承平舊言外驚聞正始音異縣他鄉千里夢連枝同

遺山詩集

卷之十三

汲古閣

氣百年心行期幾日休相問觸撥羈愁恐不禁

寄稼端甫北上

馬頭風雪遠相迎颯背弓刀四十程自是青雲動高興未甘白髮老諸生書來沙漠燈花喜夢到秦川煙樹平長句送君還自覩半山已有鴈飛行

荅定齋李兄

小山叢桂姓名香舉世何人得鴈行滄海揚塵幾今昔長庚配月獨淒涼虛勞裴相求白傅正倚瀾明識漫郎十載相從未言晚城南泉石有雲庄

空山何巨川虛白菴二首

舊向章編悟括囊有隨文本破青黃吉祥止處無餘物知見薰來有底香空谷自能生地籟浮雲爭得翳天光只愁八月風濤壯夢裏江聲撼客床

人安

露菊霜茱薦枕囊石泉崖蜜破松黃只綠山遠無來客更覺心清聞妙香棋局儘堪銷日晷吟毫真合染溪光劇談不盡江湖景重與青燈約對床

聽姨女喬夫人鼓風入松

遺山詩集

卷之十三

汲古閣

白雪朱絃一再行春風纖指十三星雲窗霧閣有今夕寶盤羅裙無此聲瀟灑寒松度虛籟悠颺飛絮攪青冥胎仙不比湘靈瑟五字錢郎莫漫驚

哭樊師

自倚沉寃有舌存爭教無路叩天關裝囊已竭千金賜絕幕誰招萬里魂東道漫悲梁苑客南園多負壽張孫春風花落歌聲在夢裏能來笑酒尊

寒食

壬子清明後作

上苑春風盛物華天津雲錦赤城霞輕舟矮馬追

隨遠翠幘青旗笑語譁化國樓臺隔瀛海吳兒洲
渚記仙家山齋此日陽堪斷寂寞銅瓶對杏花

送樊順之

弓刀十驛岳蓮州渭水秦川得意秋王粲從軍正
年少吏郎入幕更風流寒鄉况味真鷄肋清鏡功
名屬虎頭寄謝溪風亭上月老夫乘興欲西遊

蜀昭烈廟

合散扶傷老益堅荒祠重過爲淒然君臣灑落知
無恨庸蜀崎嶇亦可憐一縣山陽荒故事三年章

遺山詩集

卷之十二

汲古閣

武魏長編錦官羽像今何處半夜樓桑叫杜鵬

宿翠屏口

髭鬚蒼白葛衣寬事外閒身也屬官授簡如聞數
枚叔乘車初不少馮驩沙城雨塌名空在石峽風
來夏亦寒兩飽三飢已旬日虛勞兒女勸加餐

王敦夫祥止菴

三樂人推二樂全有親可事子能傳舊時詩禮聞
家學此日丹砂見地仙蕩蕩天光虛室外融融和
氣彩衣前情知不羨燕山桂一樹靈椿歲八千

過寂通菴別陳丈

甲辰秋

陳丈未識某而愛其詩曾對高御史士美
言我他日見遺山當快飲百醉後見之而
公已病乃相約易百醉爲百杯每見以酒
籌計之至七八十杯復有此別故詩中及
之

心遠繇來地自偏不離城市得林泉從教上界多
官府且放閒身作地仙三月有期何敢負百杯未
滿會須填達離更覺從公晚却望都門一慨然

遺山詩集

卷之十三

汲古閣

梁穆忠詩卷

一箭功成塞上歸迺翁垂白藉扶持燕雲義俠風
流遠里社陰功父老知能種作駒元日異虎頭食
肉未應還高門更與增華表丁令還家先有期
連丈已下世故詩中及之

喬千戶挽詩

高塚驚看石表新空將事業望麒麟燕遼部曲千
夫長楚漢風雲百戰身赤羽有神階絕藝素旗無
詠記連姻陰功未報天心在累將重侯又幾人
安清

仁楊使君諱有表之素旗之句發與予皆毛氏之婿

贈王仙翁道成

覽照休驚白髮新奕棋翻覆見來頻燕南趙北留
詩卷王後盧前盡故人平地青雲一爐事舊都喬
木百年身憑君剩醉浮香酒名館梁苑而今不算春

常仲明教授挽辭

雲際虛瞻處士星豈知談笑已忘形鎮州肥膩無
毫髮晉產真淳有典刑白帽枉教淹晚節綠囊元
擬濟含靈汝南後日先賢傳猶欠知幾爲勒銘代常

遺山詩集

卷之十三

汲古閣

州時縣人客鄆城與知幾游從知堅臨終昧明了

追錄舊詩二首

短褐單衣長路塵十年回首一吟呻孤居無看竟
安往宿債未償今更新相馬自甘齊客瘦食鮭誰
顧吏郎貧聞君話我才名在不道儒冠已悞身用自

謂答余之純

潦倒聊爲隴畝民一犁分得雨聲春功名何物堪
人老天地無心誰我貧穎上雲煙隨處好洛陽桃
李幾番新悠悠世事休相問半麥今年晚得辛用崔

懷祖韻

丁未寒食歸自三泉

春山晴暖紫生煙山下分流百汊泉未放小桃裝
野景已看茅屋映秋千飢鳥得食爭相喚醉叟行
歌只自顛寒食明年定何許故人尊酒且畱連

卽事呈邦瑞

鄭莊父子重相畱似爲良辰散客愁陋巷新成一
茅屋今年連醉雨中秋開尊便覺賢人近汚足寧
論力士羞明日燕臺傳盛事坐中賓客盡名流

遺山詩集

卷之十三

汲古閣

和白樞判李定齋有詩寄白以因風何惜數
行書爲落句白酬答云欲搜春草池塘句

藥果關心夢不成余平解之

金粟岡頭有髮僧遙知默坐對龕燈書郵但覺浮
沉久詩卷何緣唱和曾白日放歌須縱酒清朝有
味是無能相逢定有池塘句藥果關心恐未應

慶高許事八十之壽

圖西堯民太朴存衣冠兼得見高門種松千歲如
種德教子一經今教孫化日舒長留算景秋風搖

落髮春溫聘來羔鴈休疑晚正及新年薦壽尊

超然王翁哀挽

直擬期頤薦壽尊却從圖畫記生存百年喬木衣冠古一夕西菴笑語溫故事未霑通德里素風多負讀書孫吳陳諸老今誰在減沒歸鴻是薊門

大明贈荅張簡之

營平臺宕變溫文所見今知勝所聞只道生涯無長物爭教詩墨策奇勲伐薪未敢煩名士載酒能來過千雲後日山陽養衰疾藥籠仙品正須君

遺山詩集

卷之十二

汲古閣

燕都送馬郎中北上

功曹此日漢蕭何家世當年老伏波但愛紅蓮映芳渚豈知寒谷變陽和珠囊不載模糊錦銀管先書茂異科太史占天應有喜一星朝處五雲多

馬雲漢方鏡背有飛魚

劫火依然百鍊初護持元自有神魚影寒似覺雲屏透光落應分玉斗餘開朗休嫌露圭角圓通寧復滯方隅衣冠正了渾閒在一片靈臺欲付渠

贈荅鴈門劉仲修

仲修省郎乘傳過新興有詩見及推激過

稱甚非衰謬所宜得者媿汗之餘輒用韻

爲謝仲修詩律深密得於尊公鳳山老人

過庭之訓且其顏狀絕類吾友李從事長

源故篇中有及

車騎雍容一坐傾并州人物未凋零共知祭酒傳

家學

劉何爲劉氏祭酒獨愛中郎餘典刑東壁圖書欣有

託南淇風浪駭初經少微見比吾何敢洗眼仙槎

候客星

遺山詩集

卷之十三

汲古閣

餘慶堂

五年霜戟照康莊萬里春風擁画梁已覺并汾增勝氣更從王郝借餘光靈椿丹桂知難老玉節金符豈易量刺著牋毫授解客南堂兼是棣華堂

寄荅劉生

西州消息到東山懷袖新詩百過看白壁明珠驚照座朔雲寒雪入憑欄省郎共結交情厚野老還欣禮數寬後日秋風一尊酒草堂應得駐金鞍

別董德卿

爛醉秋風四十場此回歌笑重難忘揚雄詞賦今誰識陶令田園先已荒同甲弟兄雖異姓宦遊州郡即吾鄉懸知後日登高地剩爲行人望太行

送端甫西行

瀛洲人物早知名車騎雍容一座傾美酒清歌良有味綠波春草若爲情渭城朝雨三年別平地青雲萬里程老我秦遊舊曾約夢中仙掌已相迎

讀李狀元朝宗禪林記李字濟州城破不屈節死贈鄉郡刺史

遺山詩集

卷之十三
十四

汲古閣

偶向禪林見舊文濟陽南望爲沾巾張巡許遠古亦少烈日秋霜今更新千字豐碑誰國手百城降虜盡王臣知君不假科名重元是中朝第一人

同嚴公子大用東園賞梅

東園官梅要洗粧青雲公子不相忘翰林風月三千首樂府金釵十二行佳節屢從愁裏過老夫聊發少年狂花行正比梳行好誰道并州是故鄉

中庸先生垂示先大夫教子詩及裴內翰擇之所述家傳愛仰不足情見乎辭

嚴訓常如天日照各家元自古今同只知楊秉餘清節爭信謙玄有素風獨行傳第一人通德里門傳故事安平韻語到兒童青青畱在懷賢樹愛殺曹南一畝宮

賀中庸老再被恩綸

萬古千秋麗澤堂紫泥恩詔姓名香治朝例有高年敬神理終歸晚節昌東魯儒生傳舊學曹南方志發幽光季春羔鴈秋風酒準擬年年薦壽觴

趙汲古南園分得華字

遺山詩集

卷之十三
十五

汲古閣

林園近與六街隣塵漲都崙一水分魚樂定從濠上得竹香偏向雨中聞接羅倒著客山簡老屋高眠稱陸雲尊酒相陪有今日却慙詩壘不能軍

柳亭雨夕與高御史夜話

關塞無緣笑語同偶然情話此從容青天蜀道不得過山色歸心空自濃九日茱萸藍澗酒十年朝馬景陽鍾三間老屋知何處惆悵雲間陸士龍白藍田令入并監察御史北渡後謀還保塞而困於無資者二十年矣

玉峰魏丈哀挽

風馭翩翩渺獨征
幾人終始復哀榮
祇緣大事存遺藁
重爲斯文惜主盟
北斗太山初未減
秋霜烈日凜如生
莫疑知己無從報
直筆君看費進明

清明日改葬阿辛

掌上青紅記點粧
今朝感重難忘金環去作誰
家夢綵勝空期某氏郎
一瞥風花纔過眼百年水
榮若爲腸孟郊老作枯柴立
可待吟詩哭杏陽

寄謝常君卿

百過新篇卷又披
得君重恨十年遲
文除嶺外初

遺山詩集

卷之十三
十六

汲古閣

無例詩學江西又一奇
楊柳不隨春事老
貞松唯有歲寒知
仙鄉白鳳瀛洲近
洗眼雲霄看後期

送武誠之往漢陂

太原酒政端甫之
文此時爲貴府

行李中春發晉溪
離筵詞客賦新題
青雲有路人看老
秋水無言物自齊
杜曲舊遊頻入夢
兵厨佳釀惜分攜
因君爲向蓮峰道
不待移文我亦西

送劉子東遊

劉郎世舊出雄邊
生長幽并氣質全
陣馬風檣見豪舉
雪車水柱得真傳
書空咄咄知誰解
擊缶鳴

鳴頗自憐後日東州飽歸載且休多送酒家錢

遺山詩集

卷之十二
十七

汲古閣

遺山先生詩集卷第十三終

道山先生詩集卷第十四

七言律詩

甲寅九日同臨漳提領王明之鹿泉令張奉

先賈千戶令春李進之冀衡甫遊龍泉寺

僧顯求詩二首

遠水寒煙接戍樓黃花白酒浣羈愁霜林染出雲

錦爛春色併歸風露秋鄉社歲時客客醉石塙名

姓爲僧南登高舊說龍山好從此龍泉是勝遊

柿葉殷紅松葉青黃花霜後獨鮮明西風浩浩欲

道山詩集

卷之十四

汲古閣

吹帽石濡冷冷堪濯纓皁統貞元見題字良辰美

景記升平何人解得登臨意滅沒疎雲鴈一聲

十日作

關樹蕭條返照明井陘西北算歸程青黃大似溝

中斷文字空傳海內名平地煙霄遠如許秋風茅

屋可憐生重陽擬作登高賦一片傷心圖不成

贈各晉安師

入座臺山景趣新因君鄉國重情親金芝三秀詩

壇瑞寶樹千花佛界春聞道舊傳言外意忘言今

得眼中人種蓮結社風流在會向藍輿認後身

孝純宛丘遷奉

張弟新舉第二雜聞其玉雪可念因以字之

鬢毛衰颯面塵埃孝子牽車古所哀千里長河限

南北一丘寒土見蒿萊遼東華表何人在柳氏玄

堂此日開十月知君有新喜小雛先與喚迎來

曹壽之平水之行

關塞相望首重搔相逢衰颯噴顛毛驪珠可忍輕

彈雀陪餌何緣得釣鯨從昔丘園昌晚節向來山

岳總秋毫西風先有能門約是舉一杯持兩螯

道山詩集

卷之十四

汲古閣

追懷趙介叔

今古人間各一時燕南刺有桂林枝清風明月懷

玄度綠水紅蓮見杲之善政傳歸遺愛頌陰功雷

在稱家兒哀歌不盡平生生意空想脩然瘦鶴姿

追懷友生石裕卿

人物休評第幾流依然豪俠數并州壯懷歌闕導

爲破連句才多筆不休金馬只教聊避世玉犀誰

遺失封侯酒酣握手今無復惆悵西園是舊遊

挽鴈門劉克明

詩骨嶙然野鶴孤
兩年清坐記圍爐
金初宋季聞遺事
草靡波流見古儒
已分幽人嗟古柏
爭教孺子莫生芻
鳳山後日先賢傳
再有劉宗祭酒無

贈荅平陽仇舜臣

兩唇攜詩過草堂
曹君師席有輝光
飛騰自是功名具
潦倒何堪翰墨場
滄海驪珠能幾見
鄴城龍劔不終藏
太行殘雪春風近
且趁梅花薦壽觴

曹孟文門生也

賈曹東城中隱堂

遺山詩集

卷之十四

汲古閣

智水仁山德有隣
柳塘花塢靜無塵
家僮解誦閒居賦
田父爭持社舊春
安吉總輪中隱士
典刑真見老成人
明年恰入非熊運
其看青蒲裏畫輪

約嚴侯泛舟

風物當年小洞庭
西湖此日展江亭
詩貪勝槩題難徧
酒怯清秋醉易醒
白鳥無心自來去
紅葉照影亦娉婷
仙舟共載平生事
未分枯槎是客星

贈李同年德之歸洛西二首

千佛名經有幾人
棲遲冷落轉情親
承平盛集今

無復哀樂中年語
最真衣上緇塵元自化
鏡中白髮爲誰新
水南水北相逢在
剝醉醺醺十日春
公奈流光冉冉何
逢君聊得慰蹉跎
飛黃老去空奇骨
拙燕歸來只舊巢
舉世盡從愁裏過
一尊獨愛醉時歌
洛中定有人相問
休道今年白髮多

贈蕭漢傑

并序

蕭漢傑大興人
金國初嘗賜姓奧里氏
故時人又謂之奧里漢傑
父仲寬居之飛龍
勝登科同知清州軍州事
致仕有子六人

遺山詩集

卷之十四

汲古閣

皆使宦學獨漢傑不樂
去聲遂作舉子爲人
慷慨有志膽好讀書
古兵法及陰陽孤虛
祿命之術從軍二十年
積官從三品領就
州倅關陝總帥府提控
佩金符蓋自燕城
圍解之後開關南渡
出入行陣間瀕於死
者屢矣鐵嶺之潰復入
陝州陝州亂群不逞
輩整漢傑獄中漢傑乘
昏昇破械而出懼爲
追者及罵浮壺亂黃流
筋疲力涸僅達北岸爲
失侯故將者又二十年
流離頓

陪人所不能而意氣都不少衰以人情觀之豈碌碌者所可辦耶壬子冬與予相值於東原問其世知其爲故人大鈞之同母弟也問其日事則曰止以唐生季主之業游時貴間耳因與論余之行年而有契於余心者私竊慨嘆以爲倚伏叵測哀與樂相尋生也有涯而踰於憂畏浩浩乎如乘舟而遇風波非知其公可奈何而安之其何以收利涉之功乎漢傑爲有得矣其別

遺山詩集

卷之十四

汲古閣

也因爲長句以贈

射虎將軍右北平短衣樵悴宿長亭雷轟寶劍無留迹火借青囊爲乞靈四壁不知貧作崇一瓢誰識醉中醒相逢莫話楮機石自省枯槎是客星

送曹幹臣

和林音驛日懷思燕市歌懽有此時老我真成鐵爐步感君時送艸堂貴黃楊舊厄三年間赤驥非無萬里安平地煙霄付公等不妨閒和鳳池詩

國醫王澤民詩卷

萬石君家父事兄豈知衰俗有王卿一篇華衰中書筆滿紙清風月且評鴻鴈自分先後序鶴鶴兼有急難情園門雍睦君須記方伎成名恐未平

祖唐臣母挽章

白髮承平一夢過怡然冠帔見慈和肩輿燕喜今無復手終聞殘恨更多含肉已甘非頓谷學仙何敢望西河升堂結友平生事重爲王君懸蓑我

感寓

南楊北李聞中老樂丈張兄病且貧叔夜呂安誰

遺山詩集

卷之十四

汲古閣

命駕牧童田父實爲隣功名富貴知何物風雨塵埃惜此身歌酒相逢雙陶寫不應嫌我醉時真

李
卿楊正卿樂
癖杏張緯文

存歿

字老敬之
劉兄景玄

行間楊趙提衡早老去辛劉入夢頻案上酒杯聊自慰袖中詩卷欲誰親兩都秋色皆喬木一代名家不數人汲冢遺編要完補可能虛負百年身

入日有懷愚齋張兄緯文

書來聊得慰懷思清鏡平明見白髭明月高樓燕

市酒梅花人日草堂詩風光流轉何多態兒女青
紅又一時澗底孤松二千尺殷勤畱看歲寒枝

趙元德御史兄七秩之壽

總道浮雲世態新典刑依舊老成人松身鶴骨詩
千狀玉潤水清德有隣已卜新居近泉石不應晚
節傍風塵平頭七十從頭數才是梅溪第一春

張村杏花

門已月

昨日櫻唇綠蠟痕今朝紅袖已迎門只應芳樹知
人意畱著殘粧伴酒樽潑李尚須羞粉艷寒梅空

遣山詩集

卷之十四

汲古閣

自怨黃昏詩家元白無今古從此張村即趙村

送仲希兼簡大方

家以國破此身畱滯滯聊城又過秋老去天公真
潰潰亂來人事轉悠悠暮中敗局從誰覈鏡裏衰
容只自羞方外故人如見問爲言乘興欲東流

送郭大方

雲裝煙駕渺翩翩是處林泉有靜緣存歟共驚初
却後交游空記十年前忘言秋水聊揮塵得意高
山未絕絃明月太虛君自了相思休泛剡溪船

送李輔之官青州

親朋離燕日相仍又向扁舟別李膺晚節浮沉疑
未害終年哀樂自難勝樊籠不畜青田鶴朔吹初
翻白錦鷹鄭重雙魚問消息故侯瓜圃在東陵

荅晁公憲世契二首

晁文元公之後孫
仙李承旨之外孫

文元道院主爲漏臥治堂中宅相賢名氏其知先
德在詩書仍自外家傳獨先月旦宜無愧久辱泥
塗恐未然子弟他年拜矜式萬鍾應待饒華顙
通家能有幾人存華屋生平得細論入座舊曾稱

遣山詩集

卷之十四

汲古閣

小友挾書今復授諸孫已頌學舍分餘俸更約田
家共老盆一諾知君重山岳車行五日是并門

寄史德秀兼呈濟上諸交游

久拚身世不相關墜入塵埃亦自難一早且當逃
赤地二年爭得厭青山陽臺寒食林花盛鐵岸南
風草閣寒鄉社追隨有成約更教空負老來閒

荅吳天益

兵中曾共保嵩丘忽漫相逢在此州鵝鴨何嘗厭
喧聒燕鴻無計得逢畱白頭親舊常千里黃鸝關

河又一秋三徑他時望羊仲却應松菊未銷憂
詩來
有二徑松菊之句

荅郭仲通二首

白髮歸來一布衣東阜春草映柴扉向時諸老俱
薰沐此日孤生足罵讒遁世已甘成遠引刺天何
暇計群飛光芒消縮都無幾慙媿詩人比少微
詩來
星之句

一尊何意復同傾亂後真疑隔死生吐氣無妨出
芒角忍窮尤喜見工程千年老檜盤根古十丈寒
遺山詩集

渾照膽清凜凜風期望吾子不誠隨例只時名

蘭仲文郎中見過

玉臺辭客富年華樂府風流有故家水碧金膏步
兵酒天香國色洛陽花皇居辭爵今何在世事悠
悠日又斜後夜雲州古城下故應迴首一長嗟

送奉先從軍

潦倒書生百戰場功名都屬繡衣郎虎頭食肉無
不可鼠目求官空自忙捲月清笳渭城曉倚天長
劔蜀山蒼習池老去風流減醉後揚鞭愧葛疆

壽趙益之

山東諸將擁行臺共許元戎有雅懷文字誰如祭
征虜威名人識李臨淮農郊荆棘連新麥儒館丹
靑映古槐看取邦人祝君壽五雲多處是三台

與宗秀才

趙侯雅負平原量楊子今爲四海儒已遣父兄知
義所宜容兒輩作耕夫鸞遷高樹音容改魚得明
珠尾鳳殊駟馬高門看他日始知種德有根株

贈馮內翰二首

遺山詩集

內翰馮文往在京師日渾源雷淵希顏太

原王渥仲澤河中李獻能欽叔龍山冀禹

錫京甫皆從之問學某賁緣亦得俎豆於

門下士之末然自辛卯壬辰以來不三

年而五人者雅不肖在耳丙申夏六月公

自東平將展墓于鎮陽以某在冠氏枉駕

見過時公方爲髀股所苦吟呻展轉若非

老人之所能堪然聞語及舊事則危坐終

日往往爲之色揚而神躍以公初挂冠歸

嵩山特校之其談笑風流固未減也竊意造物者錫公難老使後生輩望見眉宇以知百年文章鉅公敦龐耆艾之士襲衣博帶坐鎮雅俗者蓋如此橫流方靡而砥柱不移故國已非而喬木猶在幸公之可恃而哀四子之不見也作詩二章以道區區之懷於公之行而爲之獻

耆舊如公可得親爭教晚節傍風塵青瑣持去故家盡白帽歸來時事新扶路不妨驢失脚守關尤遺山詩集

卷之十四

汲古閣

覺虎僧人只應有似松菴日時醉中山麴米春龍門冠蓋日追隨四客翩翩最受知桃李已隨風雨盡柏松獨與雪霜宜元龜華髮渠有幾清廟朱絃誰與期見說常山可崑隱從公未覺十年遲九日午後入府知曹子凶問夜爲不能寐爲

作詩二首

角逐文場早決機晚年書卷不停披詩如魯望何多態徽比賓王又一奇題品自當高等級搜求誰復盡毫釐遺編綴葺非吾事千古朱絃有子期

造物無心賦耦奇敢從窮達計前期參軍桓府得君重奮翼渾池徒爾爲一瞥風花才過眼半生歌笑幾伸眉陸家正有諸郎在寶劍千金更屬誰

益父曹弟見過挽留三數日大慰積年傾系之懷其行也設爲長句以贈弟近詩超詣殆欲度驛驪前故就其所可至者而勉之九萬扶搖先有程祗應貧病坐時名雙同寢飯聊堪喜細話艱危却自驚從事舊慙三語掾通家猶記十年兄文章正脉須公等如我何年画虎成遺山詩集

卷之十四

汲古閣

贈李文伯

鳳凰在天下奇泰和以來王李倪承平人物天未絕耆舊風流今復誰青紅自是兒女事老幹寧與春風期萬鈺松聲一壺酒從公未覺去年遲

贈玉峰魏文邦彥

夢想南山掩靄間眼明驚見玉峰寒風波舊憶橫身過世事今歸袖手看販婦庸兒識名姓故鄉遺俗見衣冠臨流卜築平生事會就遯東管幼安

贈答趙仁甫

南冠牢落坐貧君却爲窮愁解著書但見室中無
長物不聞門外有軒車六朝人物風流在兩月燕
城笑語疎寒士歡顏有他日晚年甯看定何如

同德秀求田燕川分得同字

數家村落翠微中茅屋真堪著病翁水竹漸知盤
谷近鄉鄰仍與玉川通清泉白石言猶在赤日紅
塵夢已空杖屨追隨自今始此行聊記與君同

德秀家兒子

犀插隆顙玉作肌名郎風骨見來奇靈椿丹桂詩

遺山詩集

卷之十四

汲古閣

將應玉杵玄霜夢已知

見大生時夢得一免

竹馬乍騎猶未

慣班衣才著更相宜鳳山自有鷓鴣種九子相從
不厭遲

贈任丈耀卿

袖手名城得海藏不妨身與世相忘故君非復烏
衣巷勝事仍餘綠野堂茶竈設煎雲脚散蓮舟清
嘯月波涼投詩未覺追隨遠預怯君家百罰觴

賀德卿王太醫生子

喜色門闌笑語諱新兒浴罷試鉛華岳蓮盡發三

峰秀夢筆驚看五色花此日壽筵分象果異時雲
漢里仙槎并州金馬君知否藥籠陰功是故家

贈麻信之

梁苑同來手重分洛西清語意尤親相期晚歲定
知我可道古人惟有君齊日光風開白晝瓊林珠
樹照青春陸機舊有三閭屋便擬東頭著弟雲

射虎

虎跡疑疑近九關豈知飛將乃黃間弦弧霹靂應
手破從騎爛斑載錦還得意雲雷捲勃敵迴頭藜

遺山詩集

卷之十四

汲古閣

藿但空山寢皮食肉男兒事未分書生袖手閒

茗飲

宿醒未破厭耽船紫笋分封入曉煎槐火石泉寒
食後髭絲禪榻落花前一甌春露香能永萬里清
風意已便邂逅華胥猶可到蓬萊未擬問群仙

鬱鬱

鬱鬱羈懷不易開更堪寥落動淒涼華胥夢破青
山在梁甫吟成白髮催秋意漸隨林影薄曉寒都
逐鴈聲來并州舊日風聲惡悵望鄉書早晚回

秋日載酒光武廟

美酒良辰邂逅同，赤眉城北漢王宮。
百年星斗歸天上，萬古旌旗在眼中。
草木暗隨秋氣老，河山長爲昔人雄。
一杯徑醉風雲地，莫放銀盤上海東。

寄劉光甫

山澤雁儒亦自豪，塵埃俗吏豈勝勞。
陶潛貧裏管三徑，潘岳秋來見二毛。
芻狗已陳甘自棄，轅駒未脫欲安逃。
因風寄謝劉夫子，極口推稱恐太高。

過臯州寄聶侯

遣山詩集

卷之十四
十五

汲古閣

洞洞重複竝湍流，斜日黃榆嶺上頭。
地底寶符臨趙國，眼中佛屋見臯州。
雲沙浩浩鴈良苦，木葉蕭蕭風自秋。
別後故人應念我，一詩聊與話離憂。

丙辰九月二十六日挈家游龍泉

風色澄鮮稱野情，岩僧聞客喜相迎。
藤垂石磴雲添潤，泉漱山根玉有聲。
庭樹老於臨濟寺，霜林渾是漢家營。
明年此日知何處，莫惜題詩記姓名。

病中感寓贈徐威卿兼簡曹益甫高聖舉

先生

筆記

讀書畧破五千卷，下筆須論二百年。
正賴天民有先覺，豈容文統落私權。
東曹掾屬冥行廢，鄉校迂儒自聖癡。
不是徐卿與高舉，老夫空老欲誰傳。

遣山詩集

卷之十四
十六

汲古閣

遣山先生詩集卷之十四

終

遺山先生詩集卷第十五

五言絕句

洛陽高少府瀝陽後菴五首

溪上弄明月風露發新聲心空無一塵萬竹掃秋

影

一水隨人意蔬畦復芋溝風波河洛近莫放出山

流

韭早春先綠苾肥秋未黃殷勤逸畦水終日爲君

忙

遺山詩集

卷之十五

汲古閣

地僻境逾靜林疎秋已分清溪一片月修竹四山

雲

方外人長樂山中物自幽百年梅福隱萬古謫仙

游

內鄉雜詩

犬吠桃源近鶯聲柳巷深蒼苔留醉臥青竹伴幽

尋

薛明府去思口號七首

能吏尋常見公廉第一難只從明府到人信有清

官

畫諾縣官長昂頭顧吏頻只從明府到判筆不傳

神

麋鹿山中盡公廚破幾錢只從明府到獵戶得安

眠

木索人何罪纍纍滿獄中只從明府到牢戶二年

空

驛舍無歌酒清談了送迎卽看明府去畫鼓有新

聲

遺山詩集

卷之十五

汲古閣

舊日逃亡屋鎌鉏色色新卽看明府去還作賣牛

人

疾惡看平日天然御史材豪姦休鼓舞驄馬卽西

來

山居雜詩六首

瘦竹麻斜挂藥花草亂生林高風有態苔滑水無

聲

石澗雲先動橋平水漸過野陰添晚重山意向秋

多

樹合秋聲滿村荒暮景間虹收仍白雨雲動忽青山

川迴楓林散山深竹港幽疎煙沉去鳥落日送歸牛

漲落沙痕出堤摧岸口斜斷橋堆聚沫高樹閣浮槎

鷺影兼秋靜蟬聲帶晚涼陵長畱積水川闊盡斜陽

梁父吟扇頭

孔明箕踞坐大石上望月作梁父吟

遺山詩集

卷之十五

汲古閣

樂磚萬古心塊石入危坐青天一明月孤唱誰與和

南樓月夕望鳳山有懷武鍊師子和

相望不相見山中君得知南樓今夜月也到洗參池

辛亥寒食

寒食年年好今年迴不同秋千與花影併在月明中

山中晚春

雲光金碧聚林煙綠翠新山花發較晚今年兩見春

得緯文兄書

鵲語喜復喜山城誰與娛青燈一杯滴千里故人書

乙巳九月二十八日作

聞山小雪後絮帽北風前殘月如新月今年老去年

六言絕句

遺山詩集

卷之十五

汲古閣

定齋兄寫真

朱黃筆底三篋白黑胸中兩基畫作蕭然野服雲龍終日駢駢

巨然秋山爲鄧州相公賦

筆端游戲三昧物外平生往還爲問阿師何在白雲依舊青山

德和墨竹扇頭

靜裏離離新粉動時細細清香明月清風自在紅塵白日何妨

嫩香新粉墨離離李長吉竹詩

曹得一扇頭

機中秦女仙去月底梅花晚開 見一枝疎影不知何處香來

唐子達扇頭

溪光冷於冰山骨淨如玉白雲自老人自閒莫遣秋風破茅屋

七言絕句

論詩三十首

丁丑歲三齋作

漢語魏什久紛紛正體無人與細論誰是詩中疏

遺山詩集

卷之十五

汲古閣

鑿手暫教涇渭各清渾

曹劉坐嘯虎生風四海無人角兩雄可惜井州割

越石不教橫槊建安中

鄉下風流狂晉多壯懷猶見缺壺歌風雲若恨張

華少溫李新聲奈爾何

鍾嶸評張華詩恨其兒女情多風雲氣少

一語天然萬古新豪華落盡見真淳南窗白日羲

皇上未害淵明是晉人

柳子厚唐之謝靈運陶淵明晉之白樂天

縱橫詩筆見高情何物能澆魂磊平老阮不狂誰

會得出門一笑大江橫

心畫心聲總失真文章寧復見爲人高情千古閒
居賦爭信安仁拜路塵

慷慨歌謠絕不傳穹廬一曲本天然中州萬古英

雄氣也到陰山教勒川

沈宋橫馳翰墨場風流初不廢齊梁論功若准平

吳側合著黃金鑄子昂

關雎吟多費覽觀陸文猶恨冗於潘心聲只要傳

心了布穀瀾翻可是難

陸燕而潘靜語見世說

排比鋪張特一途藩籬如此亦區區少陵自有連

遺山詩集

卷之十五

汲古閣

城壁爭奈微之識

事見元稹子美墓誌

眼處心生句自神暗中摸索總非真畫圖臨出秦

川景親到長安有幾人

望帝春心託杜鵑佳人錦瑟怨華年詩家總愛西

崑好獨恨無人作鄭箋

萬古文章有坦途縱橫誰似玉川盧真書不入今

人眼而筆從教鬼畫符

出處殊途聽所安山林何得賤衣冠華歆一擲金

隨重大是渠儂被眼護

筆底銀河落九天何曾顚顚飯山前世間東林西
塗手枉著書生待魯連

切切秋蟲萬古情燈前山鬼淚縱橫鑑湖春好無
人賦岸夾桃花錦浪生

切響浮聲發巧深研摩雖苦果何心浪翁水樂無
宮徵自是雲山韶濩音

雲山韶濩音
水樂大山事又其款乃曲
云皆捷靜詞曲中意好是

東野窮愁死不休高天厚地一詩囚江山萬古潮

陽筆合在元龍百尺樓

遣山詩集

卷之十五

汲古閣

萬古幽人在澗阿百年孤憤竟如何無人說與天

隨子春草輸贏校幾多

天隨子詩無多藥草在南
榮合有新南次弟生推子
不知名品上悲
隨春草開輸贏

謝客風容映古今發源誰似柳州深朱紱一拂遺

音在御是當年寂寞心

窘步相仍死不前唱騷無復見前賢縱橫正有凌

雲筆俯仰隨人亦可憐

奇外無奇更出奇一波纔動萬波隨只知詩到蘇

黃盡滄海橫流卻是誰

曲學虛荒小說欺俳諧怒罵豈詩宜今人含笑古
人拙除却雅言都不知

有情芍藥含春淚無力薔薇臥晚枝拈出退之山
石句始知渠是女郎詩

亂後玄都失故基看花詩在只堪悲劉郎也是人
間客枉向春風怨兔葵

金入洪鑪不厭頻精真那計受纖塵蘇門果有忠

臣在肯放坡詩百應新

百年纔覺古風迴元祐諸人次第來諱學金陵菊

遣山詩集

卷之十五

汲古閣

有說竟將何罪廢歐梅

古雅難將子美親精純全失義山真論詩寧下浩

翁拜未作江西社裏人

池塘春草謝家春萬古千秋五字新傳語閉門陳

正字可憐無補費精神

撼樹蚍蜉自覺狂書生技癢愛論量老來畱得詩

千首却被何人校短長

文湖州草蟲爲劉使君賦

造物無心筆有神翩翩飛動百年新蟲魚瑣細君

休笑學會屠龍老卻人

京都元夕

袂服華妝著處達六街燈火闌兒童長衫我亦何
爲者也在遊人笑語中

西園

百艸千花雨氣新今朝陌上有游塵皇州春色濃
於酒醉殺西園歌舞人

藍采和像

長板高歌本不狂兒曹自爲百錢忙幾時逢著藍

遺山詩集

卷之十五

汲古閣

衫老同向春風舞一場

鴛鴦扇頭

雙宿雙飛百自繇人間無物比風流若教解語終
須問有底愁來也白頭

杏花雜詩十三首

杏花牆外一枝橫半面宮妝出曉晴看盡春風不
迴首寶兒元自太愁生

露華浥浥泛晴光聯足東風倚綠窗試遣紅妝映
銀燭湘桃爭合伴僊郎

嫋嫋纖條映酒船綠嬌紅小不勝憐長年自笑情
緣在猶要春風慰眼前

暖日園林可散愁每逢花處儘遲留青旗知是誰
家酒一片春風出樹頭

紛紛紅紫不勝稠爭得春光競出頭卻是梨花高
一著隨宜梳洗儘風流

露浥清華粉自添隔溪遙見玉簾苔眼看桃李飄
零盡更揀繁枝插帽簷

小橋南北夢幽尋殘醉膏騰不易禁一樹杏花春

遺山詩集

卷之十五

汲古閣

寂寞惡風吹折五更心

西山漠漠有無中幾日園林幾樹紅燕子銜將春

色去錯教人恨五更風

屈指殘春有別期春風爭忍片紅飛若爲賺得千

日酒醉著東君不放歸

楚客離魂不易招野春平碧水迢迢番楊也被多

情惱瘦損春風十萬條

小雨班班曉水勻煙光水色畫難真西園春物知

多少一樹番楊惱殺人

魏紫姚黃有重名洛陽車馬鬧清明吹殘桃李風
纔定可是東君別有情

紅妝翠蓋惜風流春動香生不自繇莫向芸齋厭
閒冷小詩供作錦纏頭韓偓三清之瑞露香動七情咽五色之靈芝香生

出京

巫峽歸雲底處尋高城渺渺暮煙沉春風不剪梅
楊斷繫盡行人北望心

惠崇蘆鴈三首

遺山詩集

卷之十五

汲古閣

寒沙折葦靜相依故國春風早晚歸意外羈縻誰
画得羽毛單薄稻梁微

鴈奴辛苦候寒更夢破黃蘆雪打聲休道画工心
獨苦題詩人也白頭生

江湖牢落太愁人同是天涯萬里身不似画屏金
孔雀離離花影淡生春

早起

北舍南降獨樂聲袂衣晨起覺秋清豆苗欲熟朝
朝雨喚殺雙鳩不肯晴

書生

書生千古一蓋腸蓋世功名不自償更笑登封武
明府兩孟白粥半生忙

銅雀臺瓦硯

愛憎鉛花洗又看畫欄桂樹雨聲寒千年不作鴛
鴦去喚得書生笑老瞞

步虛詞三首後二首三

聞犯仙人白錦袍海山宮闕辭蟠桃三更月底鸞
聲急萬里風頭鶴背高

遺山詩集

卷之十五

汲古閣

萬神朝罷出通明和氣歡聲滿玉京見說人間有
新異綠章封事謝昇平

琪樹明霞碧落宮歌音嫋嫋度冷風人間聽得霓
裳慣猶恐鈞天是夢中

拙菴爲溫甫賦

毫端棘末幾人爭愚智相懸賦分平畢竟世間誰
是巧鬚毛愁白可憐生

風雨停舟圖

老木高風作意狂青山和雨入微茫畫圖喚起扁

舟夢一夜江聲撼客床

納涼張氏庄二首

小橋深竹午風便一道聳楊帶亂蟬山下行人遮

日去却從茅屋問瓜田

樹陰環合水縈回樹下行人坐綠苔絕似萊蒙山

下路眼中唯欠繫舟尾

萊蒙山舟皆鄉中山鄉人謂之繫舟尾

送窮

日吉時良利動還可能顏巷卜終焉主人不倦星

奴倦辛苦年年縛草船

遺山詩集

卷之十五

汲古閣

楊柳

楊柳青青溝水流鶯兒調舌弄嬌柔桃花記得題

詩客斜倚春風笑不休

梁縣道中

青山簇簇樹重重人在春雲浩蕩中也是杏花無

意况一枝臨水臥殘紅

自題寫真二首

山林日月老潛夫骨入窳泉未凝枯幽澗有水含

太古無人和玉試洪鑑

孫綽碑汲泉復尸且不朽

一派春煙淡不收漁家已許借扁舟山林且漫遊
昨去莫問人間第幾流

再題

高談世事真何者多竊時名亦偶然山鹿野麋君

自看擬從何地著貂蟬

吳子英家靈照圖二首

船入江西萬有空漣離活計百錢功阿重了却無

生話想得蕭然似卷中

抱犢山高記洛川寸腸西去似繩牽而今恰羨龐

遺山詩集

卷之十五

汲古閣

家好兒女生來只眼前

時女嚴在盧氏約婚寧未至

劉鄧州家聚鴨圖

沙浦空明洲景微枯荷折葦澹相依若爲化作江

鷗去拍拍隨君貼水飛

戊子正月晦日內鄉西城遊眺

雄蜂雌蜨爲花狂陌上遊人醉幾場前日少年今

白髮却來閒處看春忙

長壽山居元夕

微茫燈火共荒村黃葉漫山雪擁門三十九年何

限事只留孤影伴黃昏

聞仲澤丁內艱

升堂未幾計音聞凶服哀羸日念君昨夜東南雷
雨惡遙知號哭遠新墳

贈眼醫武濟川

世眼紛紛昧是非不應刮膜在金鑑知君聖處工
夫到且道心盲作麼醫

賦粹中師竹拂子

了却香嚴一擊綠滿梳華髮伴談玄誰知拂月披
遺山詩集

卷之十五

汲古閣

風意已具鈴鍵未落前

題伊陽楊氏戲虎圖

大班哆笑口侵耳小班蓄縮如乞憐戲鬪真成兩
勃敵發機誰在卞莊前

王子端內翰山水同屏山賦二詩

鄭虔三絕舊知名付與時人分重輕遼海東南天
一柱胸中誰比玉崢嶸

萬里承平一夢間風流人物與江山眼明今日題
詩處却見明昌玉笋班

右司正之家渭川千畝園二首

官街塵土霧中天人眼荒寒一灑然大似終南山
下看北風和雪捲蒼煙

老眼蕭郎筆有神岩姿洲景盡天真情知一段幽
閒趣不必清談著晉人

同希顏欽叔玉華谷分韻得軍華二字二首
竝山一逕入秋雲草樹低迷劣可分開道無煩謝

康樂挽瀨須得李將軍

時有虎害故戲云

深山水木湛清華興到窮探亦未涯轉石獨能起

遺山詩集

卷之十五

汲古閣

雷雨題詩自合動煙霞

轉石常日事

同希顏欽叔玉華谷還會善寺卽事二首

高風捲盡四山雲泉石煙霞得細分大是山靈設
清供僧無佳句答殷勤

詩翁徹骨愛煙霞別似劉君住玉華鐵笛不曾從

二草頭巾久已挂三花

趙隱之子端同年進上令任城爲御史所誅遂隱居

仙已成不久去世云

從鄧州相公覓酒時狂鎮平

寒日山城雪四圍空齋孤坐意多違江州未覺風

泥減可使陶潛望白衣

鎮平寄姪孫伯安筆

隆顧犀角掌中珠不見經年日念渠領取阿翁郎
管筆試教學寫問安書

黃荃龜藏六圖爲張左丞賦

無心舒卷付皇天不幸剝腸亦偶然世上疑謀待
君決可能藏六便安全

鎮平書事

勸農冠蓋已歸休了却通懸百不憂可是諸人哀

遺山詩集

卷之十五

汲古閣

老子半窗紅日擁黃綉

自鎮平暫住秋林道中寄家

風雨塵埃了半生西山歸去眼增明浮雲夫婿今
如此莫道迎門有軟聲

超化

秋風嫋嫋入僧窗盡得諸山草木香却恨大梁三
日醉不來超化作重陽又云擬借扁舟弄秋水自
嫌塵上泥沙鷗餘不記

遺山先生詩集卷第十五 終

遺山先生詩集卷第十六

七言絕句

山居二首

斜陽高樹挂晴虹肅肅微涼雨氣中一道鸞鵲花
不斷密香吹滿馬頭風

詩腸搜苦怯茶甌信手拈書却枕頭簷溜滴殘山
院靜碧花紅穗媚涼秋

寄女嚴三首

鶴崖魚窟路間關旬月無絲一往還寒食歸寧見

遺山詩集

卷之十六

汲古閣

鄭女舉家翹首望西山鶴崖魚窟在內
鄉住盧氏道中

添丁學語巧於絃詩句無人爲口傳竹馬幾時迎

阿姊五更教誦木蘭篇

眼前兒女最關情不見經年百感并開道全家解

禪理擬從香火問無生

自鄧州幕府暫歸秋林

升斗微官不療飢中林春雨蕨芽肥婦來應被青
山笑可惜縞塵染素衣

無題二首

七十鴛鴦五十絃酒薰花柳動春煙人間只道黃金貴不問天公買少年

春風也解惜多才嫁與桃花不問媒死恨天台老劉阮人間何戀却歸來

題省掾劉德潤家驂鸞圖并爲同舍郎劉長卿記異劉在方城先有碧簫之遇如芙蓉

城事云

千秋情緣萬古期樓中簫史姓名非洞天花落秋雲冷腸斷青鸞獨自飛

遺山詩集

卷之十六

汲古閣

希顏挽詩五首

官銜寥落在銘旌十命寧論重與輕不作漢家賢

傳去空勞明主識蕭生

諡爲淑漢旌紀家實魏書中隱通傳語

山立揚休七尺身紫髯落落照青春從教不入麒麟畫猶是中朝第一人

人間無路問天公自古才難更阮窮日月不爲千載計江山長惜萬夫雄

萬古文章有正傳驕驕爭道望君先傷心一入重泉後再得斯人又幾年

一世龍門屬李膺待君提拂遂騰升千年荆棘龜趺在會有人尋下馬陵

出鄧州

本無奇骨負功名取次誰教脾肉生未到白頭能幾日六年畱滯鄧州城

過希顏故居四首

缺壺聲裏短歌行星斗闌干醉膽橫虎視鷹揚何處在道邊孤塚可憐生

鶴蓋成陰著處同一時人物酒杯中臣門如市心

遺山詩集

卷之十六

汲古閣

如水世俗論量恐未公

暮去朝來萬化途飛揚跋扈亦區區劇談不盡平生意能有精微入夢無

把臂論交分最深三夫成虎古猶今百年唯有區區在地下纔應識此心

雜著九首

萬期流轉不須臾物物觀來定有無玉席紙衣全一盡枉將白骨計榮枯

龜短何如鶴有餘非魚誰謂子知魚一枝莫作鰻

鶴看水擊三千不羨渠

太虛空裏一遊塵造物雖工未易貪臧獲古來多
鼎食可能夷叔是飢人

青蓋朝來帝座新豈知衛瓘是忠臣洛陽荆棘十
年後愁絕銅駝陌上人

六國孱王走下風神人鞭血海波紅無端一片云
亭石殺盡蒼生有底功

天上河源地上流黃金浮世等閒休埋愁不著重
泉底儘向人間種白頭

遣山詩集

卷之十六

汲古閣

泗水龍歸海縣空朱三王八竟言功園基局上猶

奴戲可是乾坤間兩雄

昨日東周今日秦咸陽煙火洛陽塵百年蟻穴蜂
衙裏笑煞崑崙頂上人

半紙虛名百戰身轉頭高塚臥麒麟山間曾見漁
樵說辛苦凌煙閣上人

戚夫人

鴻鵠冥冥四海飛戚夫人舞淚霑衣無端恨殺商
山老剛出山來管是非

題山谷小豔詩

法秀無端會熱譏笑譏真作勸淫看只消一句修
脩利李下何妨也豎冠

家山歸夢圖三首

別却并州已六年眼中歸路直於茲春騎門巷桑
榆綠猶記騎驢掠社錢

繫舟南北暮雲平落日漳河一線明萬里秋風吹
布袖清輝亭上倚新晴

游騎北來塵滿城月明空照漢家營卷中正有家
遣山詩集

卷之十六

汲古閣

山在片傷心畫不成

四皓圖

身墮安車厚幣中白頭塵土浣西風當時且不出
間老羽翼區區有底功

雜著

老優慣着沐猴冠却笑傍人被眼謾造物若畱殘
喘在戎儂試舞你儂看

俳體雪香亭雜詠一十五首

亭在岐下宮
仁安殿西

滄海橫流萬國魚茫茫神理竟何如六經管得書

生下闕劍長槍不信渠

洛陽城闕變灰煙
暮號朝虞只眼前
爲向杏梁雙燕道
營巢何處過明年

落日青山一片愁
大河東注不還流
若爲長得熙春在
時上高層望宋州

醇和旁近洞房環
碧玉參差竹樹間
批奏內人輪上直
去年名姓在窗間

醇和原名

天上三郎玉不如
手中白羽趁花奴
御屏零落宣和筆
兩得華清按樂圖

遺山詩集

卷之十六

汲古閣

詩仙詩鬼不謾欺
時事先教夢裏知
禁苑又經人物散
荒涼臺榭水流遲

世平前商仲國器方城臺中特後二句爲言如此

金縷歌詞金曲危
百年人事替成絲
重來未必春風在
更爲梨花住少時

楊柳隨風散綠絲
桃花臨水弄妍姿
無端種下青竹竹
恰到湘君淚盡時

琵琶心事曲中論
曾笑明妃負漢恩
明日天山山下路
不須迴首望都門

爐薰泥帶輕陰翠
竹高梧水殿深
去去旃車雪

三尺畫羅休縷麝香金

泥金色如麝香宮中所尚

羅綺深宮二十年
更持桃李向誰妍
人生只合渠園死
金水河頭好墓田

苦才多思是春風
偏近騷人帳望中
啼盡杜鵑枝上血
海棠明日更應紅

暖日晴雲錦樹新
風吹雨打旋成塵
宮闈深閉無人到
自在流鶯哭暮春

萬戶千門盡有名
眼中歷歷記經行
賦家正有蕪城筆
一段傷心畫不成

遺山詩集

卷之十六

汲古閣

暮雲樓閣古今情
地老天荒恨未平
白髮紫臣幾人在
就中愁殺庾蘭成

春夕

數枝殘雪梅仍在
幾日東風柳已嬌
春酒價高無可典
小紅燈影莫相撩

梅花

一樹寒梅古寺邊
荒山老木動春妍
東家賴有詩人在
照影橫枝莫自憐

溪上

短布單衣一幅巾暫來閒處避紅塵低昂自有水中影好箇山間林下人

息軒楊祕監雪行圖

長路單衣怨僕僮無人說向息軒翁長安多少貂裘客偏畫書生著雪中

楊煥然生子四首

掌上明珠慰老懷愁顏我亦爲君開異時載酒揚雄宅知有迎門竹馬來

人家歡喜是生兒巷語街談總入詩我欲去爲湯

遺山詩集

卷之十六

汲古閣

餅客買羊沽酒約何時

半生辛苦坐耽書我笑先生老更迂生子但持門

戶了玄談何必似童烏

阿麟學語語牙牙七歲元郎髻已丫更醉使君湯

餅局兒曹他日記通家

阿麟張君美兒子

記夢

天上材官老不材從教元元走塵埃夢中望拜通

明殿曾見金書兩字來

戊子七月二十四日內翰性盧氏宿走馬平康夢拜天帝像遂觀法駕導引畫轡嚴前員等三人中

有金書小字題格之首夢中不自知其爲子也

敬母石

書載塗山世共知誰傳頑石使人疑可憐少室老突兀也被人呼作阿姨

雜著四首

白髮劉郎老更癡人間那有後天期茂陵石馬專相待種下蟠桃屬阿誰

白髮中官解道詩殷勤仍爲惜花枝雪香亭上清

明宴記得君王去歲時

六朝瓊樹掌中春迴首胡妝一面新生羨石家金

遺山詩集

卷之十六

汲古閣

谷裏千年獨有堅樓人

燕語鶯啼百囀新長廊寂寂不逢人東君去作誰

家客花柳無情各自春

內郭雜詩

行吟溪北復溪南風日烘人酒易酣無限春愁與

誰語梅花嬌小杏花愁

詹二首

香口口口口麝塵內家新樣入輕勻郭熙只爲吳山老爭信口口口有小簾

石綠口口淺淡間多情長帶楚梅酸小詩擬寫春愁恍惚著分明下筆難

送窳

煎餅虛拋塩散堆滿城都道送窳迴不如開取窳新婦貴女何曾喚得來

三鄉時作

山林鍾鼎不相兼說著浮名夢亦嫌菽水盡歡吾豈敢老親自愛養羹甜

出都

遺山詩集

卷之十六

汲古閣

春閨斜月曉聞鶯信馬都門半醉醒官柳青青莫回首短長亭是斷腸亭

癸巳五月三日北渡三首

道傍僵臥滿景囚過去旃車似水流紅粉哭隨回鵲馬爲誰一步一回頭

隨營木佛賤於柴大樂編鐘滿市排虜掠幾何君莫問大船渾載汴京來

白骨縱橫似亂麻幾年桑梓變龍沙只知河朔生

靈盡破屋疎煙却數家

秦梓其剪爲龍沙乎郭璞語

登珂山寺三首

澹澹長空白鳥迴江山都入妙高臺六簷只解翻

溟渤不駕東南日觀來

大山在東南而此山之不見

悠悠誰了未生前一落泥塗又幾年堪笑長清郭

明府再來仍被葛藤纏

長清郭明府自省風世是此寺比丘及作寺碑宛然

算沙語也

白日紅塵往復還深居那得似禪關出門應被山

僧笑纔得雲林半日間

夢中作

夢人請賦四會語其一泥滑滑也

遺山詩集

卷之十六

汲古閣

春泥滑滑滿春山慚婉幽禽喚喚客還安得便乘雙翼去綠陰清晝伴君閒

奉酬子京禪師見贈之什二首

南風穩送北歸船甯得虛明一指禪崧少詩僧幾人在因君剋望一懷然

舊遊重憶故人詩一點青燈兩鬢絲不似戒壇明

月夜杏花香裏唱歌時

往在崧山時陪馮內翰當詩史游或聖詩中所道盛

當時

杏花

桃李前頭一樹春
絳唇深注蠟猶新
只嫌憨笑無人管
鬧簇枯枝不肯勻

駢城寒食

輕陰何負探花期
白髮於春自不宜
城外杏園人去盡
煮茶聲裏獨支頤

姨母隴西君諱日作三首

竹馬青衫小小郎
阿姨懷袖阿嬈香
一龕白骨黃河隔
遙望井門哭斷腸

病起枯針眼未花
園兒女運司衙
今年得在應

遣山詩集

卷之十六

汲古閣

猶健更好從頭說
外家

寶鏡煌煌照九州
埋藏曾及見諸劉
鄴城今日無

雷煥紫氣誰當辨
斗牛陽曲劉氏家大寶鏡能照天地四方以前知休咎其家埋地中不得見也

父子欲卜之一日先以旛幕障中庭乃初閉門戶

甚嚴及掘鏡出光輝燭然一室盡明如初日之照

鏡中見北來兵騎環繞無數餘三方都無所窺因

大駭曰不可不即埋之姨母時伏床下得窺窺

焉兵火後此家唯一兒子在姨母能指鏡處存否

子詩及之

宿神霄北菴夢中作

素月空流散紫煙
座中人物半神仙
麗川往事渾

如夢信手題詩一泫然

夜雪

三更殘醉未全醒
夢裏嬌兒索乳聲
茅屋不知門外雪
黃紬衾暖紙窗明

冠氏趙庄賦杏花四首

一樹生紅錦不如
乳兒粉抹紫羅襦
花中誰有張萱筆
畫作宮池百子圖

文杏堂前千樹紅
雲舒霞卷漲春風
荒村此日腸堪斷
迴首梁園是夢中

遣山詩集

卷之十六

汲古閣

錦樹烘春爛不收
看花人自爲花愁
荒蹊明日知誰到
憑仗詩翁爲少留

東風誰道太狂生
次第開花却有情
聞道紀園千樹錦
一尊猶及醉清明

自趙庄歸冠氏二首

春華澹澹曉寒輕
野草搖風半白青
誰識杏花牆外客
舊曾家近麗川亭

杏園紅過雪披離楊柳無風綠齊寒食人家在

原野乳鴉牆外盡
情啼

原野乳鴉牆外盡情啼

素月空流散紫煙
座中人物半神仙
麗川往事渾

戲贈白髮二首

鏡中昨日又明朝破屋春深雪未消
摘下載莖聊自笑貴人頭上不相饒

問愁何恁復何營直要青春便白頭
拚却鏡中渾似雪且看渠待幾時休

戲題醉仙人圖

醉鄉初不限東西祭日湯年一理齊
門外山禽喚沽酒胡蘆今後大家提

提胡蘆沽美酒舍語也

遺山詩集

卷之十六
十四

汲古閣

遺山先生詩集卷第十六終

遺山先生詩集卷第十七

七言絕句

濟南雜詩十首

兒時曾過濟南城暗算存亡只自驚
四十二年彈指過只疑行處是前生

匡山聞有讀書堂行過山前笑一場
可惜世間無李白今人多少賀知章

華山真是碧芙蓉巢湖水湖光玉不如
六月行人汗如雨西城橋下見游魚

遺山詩集

卷之十七

汲古閣

吳兒洲渚似神仙
菴西溪光碧玉泉
別有洞天君不見
鵲山寒食泰和年

石刻燒殘讌集辭
雄樓傑觀想當時
只應西戟清香地
多欠章郎五字詩

所來官樹午陰輕
湖畔遊人怕晚晴
一夜靈泉菴上宿
四山風露覺秋生

白煙消盡東雲凝
山月飛來夜氣澄
且向波間看玉塔
不須橋畔覓金繩

入秋雲物便淒迷
一道湖光樹影齊
詩在鵲山煙

雨裏王家園上舊曾題

王清卿家有
鵲山煙雨圖

荷葉荷花爛熳秋鷺鶩飛近釣魚舟北城佳處經
行徧畱著南山更一游

看山看水自繇身著處題詩發興新日日扁舟藕
花裏有心長作濟南人

題解飛卿山水卷

平生魚鳥最相親夢寐煙霞卜四隣美殺濟南山
水好幾時真作卷中人

趙士表山林葺雪圖爲高良卿賦二首

遣山詩集

卷之十七

汲古閣

颺颺林霽四山風雪後人家閉戶中應被火爐頭

上說水邊清殺兩詩翁

黃塵遮斷山間夢白髮重尋圖裏詩好似玉溪溪

上路醉和王老喚船時

倫鎮道中見槐花

名場奔走競官榮一紙除書悞半生笑向槐花間
前事爲君怆了竟何成

題劉才卿湖石扇頭

幽磎雲凝雨未乾曲池疎竹共荒寒扇頭喚起西

園夢好似熙春閣下看

聞歌懷京師舊遊

樓前誰唱綠腰催千里梁園首重迴記得杜家亭
子上信之欽用共聽來

鄭先覺幽禽照水扇頭

臨水華枝淡淡春水光華影兩無塵風流一枕西
園夢惆悵幽禽是故人

龍泉寺四首

懸麻白雨映層崖過盡行雲晚照開可是登臨動

遣山詩集

卷之十七

汲古閣

高興馬頭新自太行來

泉石煙霞自一家殘僧隨分了生涯鷄鳴山下題

詩客曾到靈巖不用誇

河邊殺癡尚能飛無角無鱗自一齊甲子紛紛更

兒戲壁間休笑阜昌題

寺北齊時建又多劉豫
阜昌中石刻并題名

遶渠寒澗夜潺潺說有蛟龍在石間可惜九天霖

雨手一泓泉水伴僧閒

李進之迂軒二首

白髮歸來世事新書生風味是清貧歆欽歷落從

人笑潦倒羸疎我自真

舉世營營共一途要來閒處費工夫入門且莫分
賓主不但君迂我更迂

出鎮州

汾水歸山日夜流孤雲飛處是松楸無端行近還
鄉路却傍西山入相州

過邯鄲四絕

富貴榮華一嘆嗟依然夢裏說韶華千年幾度山
河改空指遺臺是趙家

遺山詩集

卷之十七

汲古閣

人事存亡不易知及時娛樂恨君遲後人共指叢
臺笑三尺堯堦竟屬誰

川原落落曙光開四顧河山亦壯哉前日少年今
白髮只應孤塔記曾來

死去生來不一身定知誰妄復誰真邯鄲今日題
詩客猶是黃梁夢裏人

楊秘監馬圖

大青小青天馬姿楊侯房星非画師忽見奚官記
前事東華馳道晚涼時

竹溪夢遊圖

意外荒寒下筆親經營慘淡似詩人何時萬頃風
煙裏白髮刀騷一幅巾

藥正卿餉酒

宿醒未解渴生塵驚見王弘餉酒人獨恨文書困
佳客不來同醉五更春

王都尉山水

平林漠漠數峰閒詩在岩姿隱顯間自是秦樓画
眉手不能辛苦作荆關

遺山詩集

卷之十七

汲古閣

贈絕藝杜生
迢迢離思入哀絃非撥非彈有別傳解作江南斷

腸曲新聲休數李龜年
趙大年秋溪戲鴨二首

寒沙折草浙江灣詩在波痕滅沒間前日扁舟入
老矣却從圖画美君閒

画家朱粉不到處淡墨自覺天機深賣酒壚邊見
崔白王孫真有五湖心

自題二首

米元章同史趙昌子友崔
白但可乃濟家逸壚旁耳

共笑詩人太瘦生誰從慘淡得經營千秋萬古迴
文錦只許蘇娘讀得成

千首新詩百首文藜羹不糝日欣欣鏡中自照心
語口後世何須楊子雲

北婦經朝歌感寓三首

南來山勢漸坡陀蕩蕩川涂接大河馬上哦詩無
好語聊從白塔記朝歌

黃屋何曾土作階禍基休指九層臺書生不見千
秋後枉爲君王立玉桎

遺山詩集

卷之十七

汲古閣

墨翟區區不近情迴車曾此避虛名采薇唯有西

山老不逐時人信武成

內黃道中楚王廟荆公有誰合軍中稱亞父

却須推讓內黃兄之句因爲范增解嘲

一怒屠城一說畱書生剛爲范增羞軍中老子關

何事付與兒曹調沐猴

題蘇氏寶章

二老風流有典刑諸郎蘭玉映階庭峨嵋寶氣千
年在未數陳家聚德星

長公忠義似顏平原次公
仲潛似林西洲數字畫有

不期合而合者最後數帖所
謂蘇氏三虎叔黨爲最怒耳

劉氏明遠菴三首

聚氣元龍百尺樓功名場上早抽頭路人不識開

居士袖手雍容活兩州

世上無物礙虛空宴坐經行一體同老眼不應隨

境轉江山元只在胸中

落落雲間晚照開上方別有妙高臺栽花種柳明

年了拄杖敲門日日来

題李庭訓所藏雅集圖二首

遺山詩集

卷之十七

汲古閣

萬古文章有至公百年奎壁照河東衣冠忽見明

昌筆更覺升平是夢中

景星丹鳳一千季合著丹青與世傳誰畫風流王

李郝大河南望淚如川

王謂仲澤李謂
長郝郝謂仲純

南關二首

風裏秋蓬不自繇一生幾度過隆州無情園柏關

前水流盡朱顏到白頭

路轉川迴失繫舟更教兩驛過徐溝多情園柏關

前水卻共清汾一處流

是日自徐
溝宿南關

馬坊冷大師清真道院三首

水際茅齋星散居白雲間伴五溪魚茂林修竹山
如畫蘸碧軒中恐不如

枯蒲折葦障清灣十里風荷指顧間安得西湖展
江手亂鋪雲錦浸青山

靜中入境兩翛然我亦因君有靜緣已約青山來
枕上水亭風榭看明年

惠崇獐猿圖

月嘯煙呼本不群筆頭同是一溪雲野情山態令
遺山詩集

卷之十七

汲古閣

人美世路機關不似君

寄史同年二首

情話通宵慰別離殷勤釀酒趁花期沁南只道梅
花早猶較歸程十日遲

相君許送買山錢晚歲降居定有綠一樹梅花一
尊酒知君東望亦悽然

宋周臣生子三首

試手君家助喜詩秋風丹桂長新枝昂霄鋒鏑他
年見木月同官記此時

木月同官五星家謂人以此時生者長必貴

玉季金昆世共賢天將文筆付家傳清新未要梅

花賦射虎畱看第二篇

那先生宋濟川以射虎詩著名

雛鳳來時鶴卵成兩兒前後不多爭阿寧解語應
須道猶是渠家百日兄

乞酒示皇甫李員

醉頭慵舉睡昏昏夢裏青旗雪擁門枕上一杯風
味好糟牀何處得茶渾

李白騎驢圖

八表神游下筆難畫師胸次自酸寒風流五鳳樓
遺山詩集

卷之十七

汲古閣

前客枉作襄陽雪裏看

許由擲瓢圖

不知黃屋不知堯喧寂何心計一瓢我是許由初
不爾只將盛酒杖頭挑

九月晦日

松楸千里動悲哀說道迴家早晚迴九月忽驚今
日盡滿城風散紙錢灰

雜著

燒殘芻狗不能神一色貂裘繡帽新好箇路傍官

瑛子經年端坐看行人

送窮

送君君去欲何之
暫去還來也不辭
但媿苦無相贈物
柳船輕似去年時

卽事

四長東州貢姓名
阿茶能誦木蘭行
元家近日添新喜
掌上寧兒玉刻成

寧兒叔開卜字阿茶第四女字叔開

侯相公所藏雲溪圖
曾命賦詩三首
但記其一云
祖道東門未有涯
田君方駕入宮車

遺山詩集

卷之十七

汲古閣

祇應千古狼溪路
人說山中宰相家
相公以體重不任步趨
詔許駕小車至朝殿外
門故予詩及之
北渡後往東平路經雲溪
因爲之賦

黃山圖子翰林詩
千里東州有所思
前日相公門下客
國亡家破獨來時

陳德元竹石二首

一片春雲雨未乾
兩枝新綠倚高寒
瘦龍不見金書字
試就宣和石譜看

萬石網船出太湖
九州膏血一時枯
阿誰種下中原禍
猶自昂藏入畫圖

同漕司諸人賦紅梨花二首

梨花會比太真妃
別有風流一段奇
白雪爲肌玉爲骨
淡妝濃抹總相宜

瓊枝玉蕊靜年芳
知是何人與點妝
可道海棠羞欲死
能紅能白更能香

吳子賢樽菴二首

人道樛形百醜全
我知造物向君偏
世間正有明人道
樽形百醜全

卷之十七

汲古閣

堂柱偃蹇風霜得幾年

廣莫初無匠石過
一丘一壑奈君何
世間正有明堂柱
春草輪贏校幾多

太乙蓮舟圖三首爲濟源奉先老師賦

老師吾宗

盟

冷冷風外列僊蹤
琢玉羊欣定不如
六合空明一蓮葉
更須遮眼要文書

仙人在蓮葉臥看書

僊人寧得此婆娑
安亡奈丹青校得何
我與太虛同一體
也無蓮葉也無波

太乙青黎出漢年明牕開卷一欣然憑君莫問題
詩客不是韓駒第二篇

遊天壇雜詩十三首

芳樹陰陰鳥語譁綠雲晴雪映紅霞青山可是堪
人恨藏青中岩十里花

漫山白白與紅紅小樹依萊看不供總道植花香

氣好就中偏愛玉瓏鬆

玉瓏鬆一名有

只願長城沒敵頭豈知蒸土更堪憂秦人若見千

年後抱杵臨洮老死休

近奉

遺山詩集

卷之十七

汲古閣

溪童相對采椿芽指似陽坡說種瓜想是近山營

馬少青林深處有人家

仙貓聲在洞中間憑仗兒童一問君同向燕家紙

丹鼎不隨鷄犬上青雲

仙貓同是日見于叔儀叶
編應者土人傳燕家鷄犬

升天貓
獨不去

諸峯羅列擁朝臺落日行雲一望開絕似太山山

上看分明齊嶺是徂徠

空翠靠煙海深麓頭鵬背半浮沉不知腳底山

多少還盡平生未足心

湍聲洶洶落懸崖見說蛟龍擘石開安得天瓢一

翻倒躡雲平下看風雲

詩草甚
故云

僊壇倒影鳳麟洲一道雲光插素秋也是天公開

不得海東移著海西頭

道民終不忘天台姓字依然在蜜崖爲問松臺千

歲鶴白雲何處不歸來

近歲盧氏蜜崖人迹不及
處有題字云道民天台司

馬承賴過松臺
卽白雲老葬地

僊人龍蹠玉爲鞭石穴留書世不傳弱水蓬萊三

萬里青山今古幾何年

近年人有得司馬先生石
穴所藏丹經子獲觀于山

遺山詩集

卷之十七

汲古閣

陽

風期身後復身前一讀丹華似有緣八表神遊吾

豈敢或能搖筆賦參天

擬著茅齋北斗平殘年細讀洗心經詩成應被虛

全笑曾見青山養伯齡

盛全遜伯齡出山云伯齡
不厭山山不養伯齡予以

早當出山致自職云
北斗平在天壇之後

初發潞州

潞州住久似并州身去心留不自繇白塔亭亭三

十里漳河東畔幾迴頭

雜詩六首道中作

鼠肝蟲臂復何辭坎止流行亦有時已被吳中喚
膾父却來河朔作羹兒

隆州兵騎往來衝客路灰郊更向東大似天教洗
塵土數程都在水聲中

懸崖飛瀑駭初經白玉雙龍擊迅霆却恨暑天行
過速不曾赤脚踏清泠

黃華北下馬陵南佛屋燒殘有石龕想是故鄉行
欲近粥糜渾覺水泉甘

遺山詩集

卷之十七
十四

汲古閣

莊休通蔽玄相妨鄉社情親豈易忘司命果能還

舊觀霸驍端合羨侯王

鄉關白日照青天徒步歸來亦可憐袖裏新詩一

千首不愁錦繡畏山川

遺山先生詩集卷第十七

終

遺山先生詩集卷第十八

七言絕句

初罕家還讀書山雜詩四首

井州一別三千里滄海橫流二十年休道不蒙稽
古力幾家兒女得安全

天門筆勢到開關相國文章玉筍班從此晉陽方
志上繫舟山是讀書山

繫舟先大夫讀書之所開關公改爲元子讀書山又誤先人墓銘

眼中華屋記生存舊事無人可共論老樹婆娑三

遺山詩集

卷之十八
一

汲古閣

百尺青衫還見讀書孫

乞得田園自在身不減還更入紅塵只愁六月河

堤上高柳清風騷殺人

賦瓶中雜花七首

子絕愛本開合花故本篇自獻

老眼驚看節物新今年更與酒杯親東山一道花

如繡從此他鄉不是春

香中人道瑞香濃誰信丁香臭味同一樹百枝千

萬結更應薰染費春工

生紅點點弄嬌妍半拆花房更可憐傳語春風好

將護莫教容易作銀錢

紅抹蘭膏綠染衣綠嬌紅小兩相宜華邊刺有清香在木石癡兒自不知

素豔來從月姊家溫風淑氣發清華人間自有交枝玉天上休開六出花

昨日桃花錦片新免葵今日到殘春任枝留得稀疎朵比似全開更惱人

古銅瓶子滿芳枝裁剪春風入小詩看看海棠如有語杏花也到退房時

遺山詩集

卷之十八

汲古閣

贈羅友卿三首

一般華木各榮枯篋庫區區亦仕途前日江東羅給事只今城裏范萊蕪

不離城市得幽棲未要坊名改碧鷄種下五株桃樹子本無心學浣花溪

閒中日月病中身寂寞相來有幾人莫怪門前可羅雀詩家所得是清貧

又解嘲二首

鴈後花前日日閒頗思尊酒慰愁顏憑君細數東

州客誰在花花綠綠間

詩卷親來酒醖疎朝吟竹隱算南湖袖中新句知多少坡谷前頭敢道無

爲衍聖孔公題張公佐湘江春早圖二首張自書云淦水張公佐畫時年八十一先大夫嘗題公佐畫有雲靜洞庭秋寺月雨昏

湘浦夜船燈之句因及之

郭熙畫筆老益壯未比并州九十翁想是江南春夢裏水村曾見酒旗風

遺山詩集

卷之十八

汲古閣

黃陵祠下雨如繩老筆題詩想舊曾今日圖間見晴景依然愁絕夜船燈

渾源望湖川見百葉杏花二首

四月山泉凍未開東君纔爲挽春廻多情丹杏知人意留著雙華待我來

兒時憶向西溪廟丹杏曾看百葉花今日山中見雙朶自憐顚顚老天涯

代州門外南樓二首

東洛西秦往復迴幾番風雨與塵埃家山最與南

樓近三十三年恰再來

汀樹微茫岸草青
淖河四月水泠泠
鳳山可是生來巧
勘與南樓作臥屏

杜生絕藝

杜生絕藝兩絃彈
穆護沙詞不等閒
莫怪曲終雙淚落
數聲全似古陽關

以玉連環爲呂仲賢詩

玉環何意兩相連
環取無窮玉取堅
願得主人如此物
呂翁他日作回僊

遺山詩集

卷之十八

汲古閣

德華小女五歲能誦予詩數首以此詩爲贈

牙牙嬌語總堪誇
學念新詩似小茶
好箇通家女兄弟
海棠紅點紫蘭芽

唐人以茶爲小女美稱

劉壽之買南中山水畫障上有朱文公元晦

淳熙甲辰中春所題五言得於太原酒家

蜀山青翠楚山蒼
愛玩除教寶繪堂
且道中州誰具眼
晦菴詩挂酒家牆

紫微劉尊師所畫山水橫披四首

劉詩年八十六

溪橋獨步

納納溪橋逗晚風
水村山閣往來通
馬蹄踏遍黃塵路
畫裏初逢避俗翁

胸次江山老更奇
太初元氣入淋漓
僊翁不是人間客
俗筆休將比郭熙

江亭會飲

瓦盆濁酒憶同傾
鄉社豐年有笑聲
世外華胥誰復夢
且從圖畫看升平

秋江待渡

筆頭雲景性中天
誰似仙舟有靜緣
只合此間添遺山詩集

卷之十八

汲古閣

此老脫巾和月弄江煙

東山四首

半欲天陰半欲晴
層巒疊嶂各分明
去年風雪無多景
看盡東山是此行

自笑平生被眼謾
看山只向畫中看
天公老筆無今古
枉著千金買范寬

錦里春光風馬牛
鳥飛不到太湖秋
一丘一壑都堪老
且具神山煙景休

馬水橫陳聖阜前
淖沱陂堰遠相連
魚多只說牛

家涯何處秋風有釣船牛家涯在神山下

曉起

鬢毛衰颯病凌兢暫入紅塵倦不勝學似玉山樵
客了八年流落醉騰騰千痛飲至是八年
故用韓致光此句

追錄乙未八月十七日莘縣夢中所得

夢裏哦詩信口成分明濟水道中行夢迴真到哦
詩處滿馬西風雲月清

春歸

野杏溪桃三兩枝春歸也作送春詩東君自愛長
遺山詩集

安好能住山城得幾時

感興四首

夢中驚見白頭新信口成篇却自神天上近來詩
價重一聯直欲換青春後二句夢中所得

詩印高提教外禪幾人針芥得心傳并州未是風
流減五百年中一樂天

廓達靈光見太初眼中無復野狐書詩家關換知
多少一鑰拈來便有餘

好句端如綠綺琴靜中窺見古人心陽春不比黃

華曲未要千人作賞音

從孫顯卿覓平定小山

愛彼熙春萬玉峰網船迴首太湖空一拳秀碧煙
霞了早晚東山入袖中

發南樓度鴈門關二首

鷄聲未動發南樓澗水隨人向北流欲望諸書山
遠近鴈門關上嬾迴頭

稜磴石磴倚高梯客谷無人綠樹齊總爲古來征
戍苦宿雲常傷塞垣低

遺山詩集

墨竹扇頭

嫩香新粉玉交加小筆風流自一家只欠雪溪王
處士醉來肝肺出枯槎

王希古乞言

支幹空虛不抹貧素衣空染洛陽塵一龜早晚揩
床了袖手風簾閱市人

龍門公墨竹風煙夕翠二首

渭川東望水雲寬雨潤煙濃下筆難今日龍門圖
上看蕭郎只合老荒寒

煙梢露葉捲秋山
揮灑縱橫意自閒
莫問筆頭龍未化
看看霖雨滿人間

從希顏覓篤擣香二首 追錄

綠洋奇品賽濃梅
永憶薰爐試淡灰
尤物也知人愛惜
簾歸風動只縈回
自倚詩情合得消
算寒新火覺無聊
懸知受用無多在
試往新詩乞斷瓢

戲贈柳花

誰擘輕綿亂眼飄
不教翠紐綴長條
只愁更作浮

還山詩集

卷之十八

汲古閣

萍了風捲波衝去轉遠

萬葉千梢下筆難
一枝新綠儘高寒
不知霧閣雲窗晚
幾就扶疎月影看

喬夫人翠竹二首

只待驚雷起蜃龍
忽從女手散春風
渭川雲水三千頃
悟在香巖一擊中

醉貓圖二首 夫人參洞山禪有首
何尊師畫宣和內府物

窟邊癡坐費工夫
側輓橫眠却自如
料得仙師曾細看
牡丹花下日斜初

飲罷鷄蘇樂有餘
花陰真是小華胥
但教殺鼠如丘了
四脚撩天一任渠

自題中州集後五首

鄴下曹劉氣儘豪
江東諸謝韻尤高
若從華實評詩品
未便吳儂得錦袍

陶謝風流到百家
半山老眼淨無花
北人不拾江西唾
未要曾郎借齒牙

萬古騷人嘔肺肝
乾坤清氣得來難
詩家亦有長沙帖
莫作宣和閣本看

遺山詩集

卷之十八

汲古閣

文章得失寸心知
千古朱絃屬子期
愛恨作殺溪

南辛老子相從何
止十年遲

平世何曾有裨官
亂來史筆亦燒殘
百年遺藁天留在
抱向空山掩淚看

講武城

作計千年復萬年
似嫌蒸土不能堅
砥今講武人何在
衰柳殘陽有亂蟬

藥山道中二首

石岸人家玉一灣
樹林水鳥靜中閒
此中未是無

佳句只欠詩人一往還

西風砧杵日相催著破征衣整未迴白鴈已銜霜
信過青林開送雨聲來

善應寺五首

平岡回合盡桑麻百汊清泉兩岸花更得青山作
重複武陵何處覓仙家

石潭高樹映寒藤閒有沙鷗靜有僧總愛山陽竹
林好七賢來了更誰曾

夕陽人影臥平橋倦客登臨不自聊且放游魚覓

遺山詩集

卷之十八

汲古閣

歸宿爭教白鷺遲風標

山中魚鳥風相親問舍求田有主人自讀舊題還

自笑七年鞍馬只紅塵前題善應寺壁有紅塵鞍馬幾時休之句又七年矣

困不成眠百感生田家燈火夜深明無因洗耳風

沙底枉費潺湲落枕聲

摘瓜圖二首携軒家物

四摘空留抱蔓詩阿姿真作木腸兒履霜只說琴
心苦不見房陵道上時

高鳥長憂挂網羅如菴日月生消磨憑君真話前

朝事比似黃臺摘更多

如菴密園公所居

黃華峪十絕句

岱崧王屋舊經過自倚胸中勝舉多獨欠太行高

絕處青天白日看山河

樹經東雨半青黃山人高秋老更蒼且就同游盡

佳客不妨五日未重陽

紅葉黃花風露清比來春色不多爭秋山却也堪

人恨白與高歡作錦城

絕壁孤雲子細看雲間龍穴想高寒碧澗寸寸橫

遺山詩集

卷之十八

汲古閣

秋色空對山靈說到難唐人到難篇有碧澗之下寸秋色之句見文粹

玉立千峰畫不如天公自有范寬圖山要著黃

花老千尺珠簾得似無前華圖山詩有向使早達周處士子端應不說黃華之句處士指周先生德卿

團團石鹿琢青瑤仰面看雲覺動搖誰著天瓢灑

飛雨半空翻轉玉龍腰

萬古飛流瀉不供枉教噴薄困魚龍謫仙剩有銀

河句不道香爐更一峰

天漢何因有蚌胎無窮冰雪落懸崖只恐隨青嶂

柳錦翻倒龍宮復此來

落峽飛流散不收湍聲洶洶動高秋也應嫌被紅

塵浣才近山門便狀流

乞得三泉住不成風沙鞍馬負平生故山定已移

文了又被黃華識姓名

七賢堂

水上盤陀不見人煙中白鷺玉無塵竹林未恨風

流減負投其城麴米春

是日有餉名酒獨酌水邊

峽口食鰯魚有感

遺山詩集

卷之十八

汲古閣

無奈微雲疎雨何孟公詩律貴研磨憑君莫愛襄

陽好縮項鰯魚刺鰓多

大簡之畫松風圖爲脩端卿賦二首

董元老筆鬱盤盤萬徑蒼雲復此看絕似鳳凰山

下路秋風無際海波寒

新亭相泣血沾襟一日神州見陸沉好就崆峒山

叟問醉眠春晝果何心

秋江待渡橫披

物外琴尊合往還爭教俗駕點溪山畫師果識間

中趣只作橫舟落照間

贈答要襄叔二首

長洲連日遠相迎展讀新詩眼倍明鄧下舊人多

念我感君兼有故鄉情

文擬邵侯下筆難翰春一讀不知寒名家未覺風

流減沈眼青雲看阿端

襄叔之先人擬下邵侯傳作實翰春以賦大始又其

見子小字端平者方就學

贈脩端卿張去華韓君傑三人六首

姓字舊熟相知新三子皆我眼中人洛西荒山有

遺山詩集

卷之十八

汲古閣

此客酒光醜醜梅花春

去華手中倒樹糊亦要筆力挽千鈞知君辦作南

山豹霧雨七日蔚成文

埽地焚香樂有餘情知快快米鹽書枉教棄擲泥

塗了綠髮脩郎玉不如

古來馬隊非講肆韓生頗似周生勤舉家都無擔

石粟老氣仍有喬天雲

中庸胡公隔天壤

實臣近日常死

大木失望工師來明堂

老手李明府我知此公無棄材

斥李願陽吉甫

乳虎守穴子可探所頭不屈貧所甘異時三客俱
焰焰人倫東國吾無慙

秋江曉發圖

百轉羊腸挽不前旂車輶輶共流年
畫圖羨殺扁舟好萬里清江萬里天

題山亭會飲圖二首

女八熊人塞上詞劉景玄號溪南老子坐中詩
因君喚起山亭夢好似三鄉共醉時

曾將心事許煙霞酒榼書囊便是家
前日山亭亭遺山詩集卷之十八 汲古閣

上客而今鞍馬老風沙

洛陽衛良臣以星圖見既漫賦三詩爲謝

敗筆成丘死不神侯門書卷欲誰親
鯨魚目漫漫夜盼到明星老却人

參旂亦自遇災年橫被孤星射
右肩牽牛只有槽機石送與天公折聘錢

西虎東龍總伏雌老暮却是可憐兒
星圖何物堪相報借用盧仝月餅詩

題鷺鷥敗荷扇頭

荷經凍雨綠全枯葦到窮秋影亦疎
爲問風標南公子此中能有幾多魚

西山樓爲王仲理賦二首

天日精明四望開樓中舒嘯亦悠哉
闌干十萬人家里只有青山入眼來

柱笏西山老騎曹朝來爽氣與秋高
休將人物輕題品湖海元龍也未豪

樂天不能忘情圖二首

得便宜是落便宜水石癡兒自不知
就使此情忘遺山詩集卷之十八 汲古閣

不得可能長枉老頭皮

芙蓉脂肉紫霞漿別是仙家緩老方
只枉柳枝拈不得忘情一馬亦何妨

燕省掾屬張彥通舉釋菜之廢仁卿以詩美
之亦賦二詩

一龔區區入詠歌請看文治竟如何
李侯落筆非無意告朔羊存得已多

一日新儀見泮宮吳驚綿絕有遺風
他州亦可燕中比只枉今無百彥通

采菊圖二首

信口成篇底用才，淵明此意亦悠哉。枉教詩景分
留在百繞斜川覓不來。

夢裏煙霞卜四隣，爭教晚節傍風塵。詩成應被南
山笑，誰是東籬采菊人。

無塵亭二首

霧廓雲開病未能，波流草靡亦何曾。胸中自有西
風扇，身外休論有髮僧。

日日門前車馬喧，玉壺冰簟酒如川。亭中剩有題

遺山詩集

卷之十八
十六

汲古閣

詩客獨欠雲間李，謫仙

時仁卿尚
未到燕

遺山先生詩集卷第十八

終

遺山先生詩集卷第十九

七言絕句

李廣道寫真二首

華髮蕭蕭玉鍊顏，一篇秋水想高閒。須知八表神
游客，不在披裘擁絮間。

擁絮披裘動數千，肉身那得盡飛仙。玄門此老謂
教在滄海橫流未必然。

錢過庭煙溪獨釣圖二首

鞍馬風沙萬里身，眼明驚見楚江春。綠蓑衣底玄

遺山詩集

卷之十九
一

汲古閣

真子不解吟詩亦可人

小景風流二百年，典刑來自米家船。詩人無復承
平舊，重爲遺音一慨然。

國學米元章楚山
清曉故有上句

蒼崖遠渚圖二首

深谷高林自一天，紅塵無路近風煙。兩椽茅屋平
生了，況是清溪有釣船。

竹帛功名一筆無，殘年那復計榮枯。青山未得攜
家去，惆悵題詩是畫圖。

三士醉樂園

依樣葫蘆画不成三家兒女日交兵瓦盆一醉糊塗了比似高談却較爭

鄉郡雜詩五首

余家自五代以後自汝州遷平定宋末又自平定遷于忻

故文字中以平定爲鄉郡

百年喬木鬱蒼蒼書老風流趨與楊爲向榆關使君道郡中合有二賢堂

楊使部之美阜落人開闢皆守此郡

神仙官府在瀛洲何意閒閒得此甌莫笑山城小於斗他州誰有湧雲樓

樓開闢所建

一溝流水幾橋橫岸上人家種柳成來歲春風一

遺山詩集

卷之十九

汲古閣

千樹綠煙和雨暗重城

新堂縹緲接飛樓雲錦迴遭霜樹秋若道使君無

妙思冠山移得近城頭

故鄉飛鳥亦裴徊更見何鄉養不才見說陽泉好

春色野夫乘興欲東來

宗人明道老師澹軒二首

路人澹社有來源濟水分流到澹軒莫問軒中賓

與主一家同是洛州元

澹中無地著鹹酸老口年多不受謾流外已曾增

一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門喬木未須論

巨室青衫今一作誰有讀書孫

東國人門幾百年素風纔到此公傳卷中甚欲題

詩句慚愧韋家祖德篇

商正叔隴山行役圖二首

隴坂經行十過春也隨風土變真浮吳山泝水不

必回留在秦音已可人

遺山詩集

卷之十九

汲古閣

夢中陳迹圖中詩前日行人髻已絲我亦寒亭往

來客因君還寄出關詩

息軒秋江捕魚圖三首

擲網牽罾太俗生煙波名利不多爭綠蓑衣底玄

真子可是詩翁画不成

擊釜喧天網截河得魚何啻一罾多漁郎不作明

年計余此織鱗細甲何

正始風流一百年竹谿衣鉢有真傳玉堂人物今

安在紙尾題詩一慨然

東平李漢卿草蟲卷二首

蟻穴峰衙筆有靈就中秋蝶最關情知君夢到南
華境紅穗碧花風露清

過眼千金一唾輕回家有老書生草蟲莫道空
形似正欲爾曹鳴不平李資高亢視錢幣如糞土
貴人求圖或大罵而去故
世合不與

郭熙溪山秋晚二首

煙中草木水中山筆到天機意態閒九十仙翁自
游戲不應辛苦作荆關

遺山詩集

卷之十九

汲古閣

雲樹微茫石崦開吳兒洲渚不塵埃憑君寄取題
詩處杖履適從洪谷來

七賢寒林圖

萬古騷人有賞音回家滿意與幽尋題詩記得松
前事絕似馮雷入少林

右丞文獻公著色鹿圖

野鹿標枝氣象閒老皇頻歲赦秋山不妨右相丹
青筆時到霜林紫翠間

李仲華湍流高樹圖二首

細密功夫足自神經營慘澹欲誰親却應林影湍
聲外猶欠吳山小筆春

小景風流恰入時留題紙尾竟何辭不因脫免投
林了何處而今更有詩癸巳正月之變逆黨中有
欲謀害已者賴仲華力爲
營護得釋故
詩末有及

益都宜撫田侯器之燕于園詩傳本已亥秋

七月予得於馮翊宋文通家會侯之子仲

新自燕中來隨以歸之仲新謂予言兵間
故物一失無所復望乃今從吾子得之煥

遺山詩集

卷之十九

汲古閣

若神明頓還舊觀似非偶然者方謁特賢
以嗣前作幸吾子發其端因賦三詩

紅綫還驚掌上看十年音信海漫漫渠家王謝堂

前憤暗認曹劉可是難

古錦詩囊半陸沉吳楓句好入江深世間妾婦爭

相妬禽鳥區區却賞音首句謂怨家投
李長吉詩屬中

才氣田侯絕世奇山丘零落更堪悲休驚燕子詩
畱在化鶴端來未可知

前高山雜詩七首

夢寐煙霞卜四隣
眼明今日出紅塵
山中景趣君休問
谷口泉聲已可人

山經地志總難憑
鄉社聞傳太俗生
前後兩高從我改
合教松海作新名

蚊聚蛙喧杳不聞
已甘麋鹿與同群
胸中所得知多少
半是青松半白雲

天池一雨洗氛埃
全晉堂堂四望開
不上朝元峰北頂
真成不到此山來

世上初無物外緣
人間却有洞中天
如何常伴王遺山
詩集

卷之十九

汲古閣

居士買盡青山不用錢

白驢前日鳳山迴
爲愛朝元復此來
却憶廣陵劉

老子醉吟應在釣魚臺

白首同歸未省曾
青山獨往竟誰能
莫嫌麋鹿無情識
比似人間少愛憎

楚山清曉圖

雨潤煙濃十二峰
雲間合有楚王宮
遙知別後西州夢
一抹春愁淺淡中

題石裕卿郎中所居四詠

寓樂堂

此心安處是真歸
念念今知故習非
一首新詩一杯酒
五陵裘馬自輕肥

德恒齋

養心如虎亦良勤
血戰粉華老冊勲
百草千花過春雨
白衣蒼狗看浮雲

雪巖

貞松勁柏四時春
霽月光風一色新
置屋懸崖儘堪老
屑冰千里只愁人

遺山詩集

卷之十九

汲古閣

聾齋

弓刀陌上未知還
心寄漁郎笠簪間
名作聾齋疑未盡
崑山衣鉢在遺山

贈李子範家兒子

神理彙除不偶然
只疑陽報向君偏
試評掌上明珠價
幾倍諸家覓藥錢

跋文獻公張果老圖

耆舊能談相國賢
功名欲占冷巖前
清風萬古猶應在
未用仙公甲子年

三鄉雜詩三首

夢寐滄洲爛熳遊西風安得釣魚舟薄雲樓閣猶
烘暑細雨林塘已帶秋
尖新秋意晚晴中六尺筇枝滿袖風草合斷橋通
暗綠竹搖殘照漏疎紅
溪南老子坐詩窮窮到簞瓢更屢空五鳳樓頭無
手段碧鷄坊外有家風

釣州道中

野陰莽蒼日將夕歲律崢嶸風有聲從昔南山歌

遺山詩集

卷之十九

汲古閣

短褐何時北闕請長纓

榆社硤口村早發

瘦馬長途懶著鞭客懷牢落五更天幾時不屬鷄
聲管睡徹東窓日影偏

十月二十日雪

和氣休論歲欲豐且看無穢一時空臨高賞雪人
何限誰在瓊瑤世界中

同兒輩賦未開海棠二首

翠葉輕籠豆顆勻臙脂濃抹蠟痕新殷勤畱著花

梢露滴下生紅可惜春

枝間新綠一重重小蕾深藏數點紅愛惜芳心莫
輕吐且教桃李鬧春風

哭曹徵君子玉二首

去歲流言到處疑聞君哭我不勝悲今年我在君
先沒淚盡荒城君得知

逃墳三匝去無因千里冰霜半病身斗酒隻鷄孤
舊約素車白馬屬何人

二十六日早發安生道中雨木冰

遺山詩集

卷之十九

汲古閣

玉樹瓊林世界寬木冰真作雨花看青春也被糊
塗了松柏何曾保歲寒

書貽第三女珍

珠圍翠繞三花樹李白桃紅一捻春看取元家第
三女他年真作魏夫人

隱秀君山水爲范庭玉賦

萬籟風煙入座寒六鉢仙帔想驂鸞多少金闥画
眉手吳山纔得鏡中看

送子微二首

老年鞍馬不勝勞更問狐裘與纓袍到了龍門有何好伊川清淺石樓高

古來何物是經綸一片青山了此身亂後洛陽花木盡不妨閒作水南人

楊秘監馬圖

天開誰省識真龍金粟堆前草色空忽見畫圖疑是夢東華馳道麝香驄

岳山道中

野禾成穗石田黃山水無風雨氣涼流水平岡儘遺山詩集

卷之十九

汲古閣

堪畫數家村落更斜陽

雪行圖

太一仙舟雲錦重新郎走馬杏園紅騎驢虧殺吟詩客到處相逢是雪中

寄杜莘老三首

夢裏雲山一臥屏先生畫筆果通靈不妨行樂長安市纔是前生許道寧

一片青山共白雲春林煙景入晴曛祝君老眼明於鏡毫末清妍子細分

孟酒殷勤興不孤更教懷袖得新圖綠囊自是君家物醫得煙霞瘡疾無

已酉四月十七日度石嶺

四海虛名值幾錢世間何限好林泉無情石嶺關頭路行去行來又十年

劉君用可菴二首

末節繁文費討論經生規矩是專門惡惡不可惡惡可笑殺田家老瓦盆

著脚繩橋已足憂邯鄲匍匐更堪羞惡惡不可惡遺山詩集

卷之十九

汲古閣

惡可大步寬行老死休

惡音

耀卿西山歸隱三首

馬卿爲耀卿張君寫真未幾破北上

靜裏簾瓢不厭空北窗元自有清風傳岩只道無人識已落君王物色中

馬卿似與物爲春難狀靈臺下筆親預拂青山一片石異時真是卷中人

冠劍靈臺大縣侯富春漁釣一羊裘山林鍾鼎無心了誰是人間第一流

雪岸鳴鶴

離離殘雪點荒叢更著幽禽慘淡中笑殺西廡雙
燕子秋千紅索海棠風

東丹騎射

意氣曾看小字詩圖圖今又識雄姿血毛不見面
山虎想得弦聲裂石時

虛名

虛名不值一錢輕喚得啾啾百謗生可惜客兒頭
上髮也隨春草開輪麻

投書圖二首

遺山詩集

卷之十九
十二

汲古閣

一束空書不療飢浮沉隨水恰相宜舊藥藥楮輕
拋却却是洪喬見事遲
屈作書郵未肯心百函隨水聽浮沉虛名底用寒
溫問却是洪喬最賞音

題劉威卿小字難素冊後二首

伎道精微得處難書林頭白一儒冠陰功厚薄君
休問只就蠅頭細字看
齒牙餘論足輝光東國人倫趙與楊曾是兩翁門
下客殘年袖手亦無妨

龐都運山水

門闌喜色到崔盧文賦聲名遍兩都重爲溪山感
嘆昔風流還有此翁無

歸義僧山水卷

崧少經行二十春野麋山鹿盡情親而今身落京
塵底画出林泉亦可人

武善夫桃溪圖二章

物外煙霞卜四隣武陵不是避秦人軟紅香土君
休美千樹桃花滿意春

遺山詩集

卷之十九
十三

汲古閣

金廟卷卷六月寒桃花春夢隔征鞍青山歸計何
時辦畫卷空留馬上看

巢雲曙雪圖武元直筆明昌名士題詠

風流人物見承平半向巢雲有姓名圖手休輕武
元直胸中誰比玉嵎嶺

書扇贈李湛然

江楓搖落海門秋水無風月半樓未要吳儂誇
勝槩已從詩境得天游

普照范鍊師寫真三首

嚮日神仙看地行只今煙駕想雲程石梁画出西
流寺無復鏗然曳杖聲

傾蓋論交了歲寒眼中人物似君難流波意在誰
眞識未絕朱絃已廢彈

鷄骨松姿又一奇化身千億更無疑人閒只說乘
風了靚面相呈却是誰

祖唐臣所藏楞軒圖冊二首

綠盡紅香夢已空草黃沙白思何窮波間野鴨渾
無賴長著詩人慘淡中

遺山詩集

卷之十九
十四

汲古閣

牧笛無聲兩意工水村煙景綠楊風題詩憶得楞
軒老更覺升平是夢中

風柳
牧牛

客意

雪屋鐙青客枕孤眼中了了見歸途山間兒女應
相望十月初旬得到無

走筆題十老會請疏

痛飲形骸百不成天教鄉社送餘生病夫延日添
新喜十老圖中有姓名

七夕

天街奕奕素光移雲錦機閒漏箭遲誰與乘槎問
銀漢可無風浪借佳期

避兵陽曲北山之羊谷題石龕

冥鴻正恐絪縕網脫兔不忘投茂林世故驅人真
有力天公困我本無心

壬子寒食

兒女青紅笑語諱秋千環索響嚶啞今年好節明
寒食五樹來禽恰放花

馬雲卿画紙衣道者像

遺山詩集

卷之十九
十五

汲古閣

太古清風匝地來紙衣長往亦悠哉鐵牛力負黃
河岸生被曹山挽鼻迴

過威卿鎬厲王故居

天道循環只眼前果誰烈焰與寒煙種瓜四摘渾
閒事抱蔓無人更可憐

真味齋

麤飯寒齏老此身高人那計甌生塵味無味處君
知否道著琴書已失真

歸義興侍者溪山蕭寺橫軸

石磴雲松百八盤東峰日上海波寒老來丘壑風
流減却就禪房覓圖看

雲漢此畫甚有泰山與荆
因記東峰看日出時故有

句上

喬夫人彩繡仙人圖

彩服仙童画不如直疑萊子戲庭除青紅未是春
風巧一頰椒花更有餘

出山像

不見恒星莫漫驚日頭從此向西生只知大事因
緣了依舊雲門望太平

遺山詩集

卷之十九
十六

汲古閣

胡壽之待月軒三首

一幅清風竹寫生月華霜白紙如冰天公老筆無
今古枉却坡詩說右丞

愛竹髯參發巧新能教一影具形神千門萬戶清

光裏袖手東窗有幾人

形似何曾有定名每從遊戲得天成墨君解語應
須道猶欠風琴一再行

遺山先生詩集卷第十九

終

遺山先生詩集卷第二十

七言絕句

論詩三首

坎井鳴蛙自一天江山放眼更超然情知春草池
塘句不到柴煙糞火邊

詩腸搜苦白頭生故紙塵昏枉乞靈不信驪珠不
難得試看金翅擘滄溟

暈碧裁紅點綴勻一回拈出一回新鴛鴦繡了從
教看莫把金針度與人

遺山詩集

卷之二十

汲古閣

超禪師晦寂菴

無波古井靜中天三尺蔡床坐欲穿一語憑君君
莫笑妙高峰頂更超然

自題寫真

東塗西抹竊時名一線微官悞半生不画幼輿若
穴裏野麋山鹿欲何成

贈寫真田生三章

人物翩翩美少年書生穎悟亦天然燕南只道丹
青好棄擲泥塗自可憐

萬態千形圖裏看人人眉目與衣冠情知不是裴
中令一片畫臺狀亦難

市井公卿萬一作選不同依然見解一兒童張顛草
聖雄千古却在孫娘劒器中

贈高君用從弟君益

杏苑仙郎合探花虛傳佳句滿京華丁寧王謝堂
前燕文采風流有故家

周才卿抽菴

詩筆看君有悟門春風過水畧無痕菴名未便遮
遺山詩集卷之二十汲古閣

藏得拙裏元來大巧存

郭大方自適軒

自適還曾自適無半生枯寂坐禪居馬卿若也知
人意只画梁家舉案圖

風柳鳴蟬

輕明雙翼曉風前一曲哀箏續斷絃移向別枝誰
画得只畱殘響客愁邊

晴景圖

白日青天下筆難要從明潤細尋看藏山只道雲

煙好画史而今画熱謾

僧寺阻雨

山氣森岑入葛衣砧聲偏與客心期僧窗連夜蕭
蕭雨又較歸程幾日遲

金山在浙口南

攢青疊翠幾何般玉鏡修眉十二環常著一峰煙
雨裏苦才多思是金山

王子文琴齋

天上秋風月底霜求風一曲長絲長相如四壁消
遺山詩集卷之二十汲古閣

何物直要文君典鶴鷄

覃彥清飛雨亭橫披

百道懸流注夜光画中亭榭亦清涼何人與問長
安客赤日黃塵有底忙

讀漢書

室方隆棟非難構水到頽波豈易迴豐沛帝鄉多
將相莫從興運論人才

內相楊文獻公哀挽三章效白少傅體

征南諫疏無多語大度高皇有至仁畱得青囊一

允藥異時猶可活斯民

中臺啟事山吏部東閣詞臣何水曹松柏蕭蕭一

丘土龍門依舊泰山高

姓名三字金甌重事業千年片簡青試向雲間望

光彩看從何地現文星

石勒問道圖

輕比韓彭作李楊高僧久已笑君狂中原果有劉

文叔肯說鈴聲替戾岡

花光梅

遺山詩集

卷之二十

汲古閣

草聖前頭一樹春豪華落盡只天真寫生今向君

家見疑是花光有兩身

舊與趙景溫

浮雲流水易西東回首梁園似夢中一別十年今

又別酒尊能得幾迴同

夏山風雨

慘淡經營有許功吳僧誰得嗣宗風情知一雨收

晴了更沒塵沙到坐中

春雲淡冶

一抹平林素練橫數堆寒碧白煙生春雲可是多
姿態五字韋郎画不成

雪谷早行圖二首

卷中多國朝
名勝題詠

雪擁雲橫下筆難爭教萬景入荒寒詩翁自有無
聲句画裏憑君細覓看

西到天機古亦難遺山詩境更高寒貞元朝士今
誰在莫厭明窗百過看

胡叟楚山清曉

剪得吳松一片秋江山小筆也風流卷中未有題

遺山詩集

卷之二十

汲古閣

詩客畱待才情趙倚樓

辛亥九月末見菊花

黃菊霜華日日添也應有意醉陶潛糝毛不屬秋

風管更揀繁枝插帽簷

答俊書記學詩

詩爲禪客添花錦禪是詩家切玉刀心地待與明

白了百篇吾不惜眉毛

夜宿山中

月華人影共徘徊未算歸程夢已迴澗水悲鳴易

愁絕長松休送雨聲來

臺山雜詠十六首

甲寅六月

登臨夙有故鄉緣試手清涼第一篇知被錢郎笑
寒乞不將錦繡裹山川

西北天低五頂高茫茫松海露靈龜大行直上猶
千里井底殘山狂叫號

萬經千巖位置雄偶從天巧見神功湍溪已作風
雷惡更在雲山氣象中

顛風作力掃陰靈白日青天四望開好箇臺山真
遺山詩集

卷之二十

汲古閣

面目爭教坡老不曾來

山雲吞吐翠微中淡綠深青一萬重此景祇應天
上有豈知身在妙高峰

山上離宮魏故基黃金佛閣到今疑異時人讀清
涼傳應記諸孫賦黍離

一國春風帝子家綠雲晴雪間紅霞香綿繡藉僧
溪草蜀錦鶯看佛鉢花

沉沉龍穴貯雲煙百草千花雨露偏佛土休將人
境比誰家隨步得金蓮

兜羅綿界寶光雲雲際同聽化現身解脫文殊俱
有說是中知有水強人

真向華嚴見化城翻嫌金屑騎雙明惡惡不可逃
惡可未要雲門望太平

總爲毗耶口不開龍宮華藏頓塵埃對談石在維
摩在珍重曼殊更一來

咄嗟檀施滿金田遠客游臺動數千大地嗽嗽困
炎暑山中多少地行仙

石罅飛泉冰齒牙一盃龍焙雪生花車塵馬足長
遺山詩集

卷之二十

汲古閣

橋水汲得中冷未要誇

粟栗長松臥澗阿提壺悲嘯撫寒柯萬牛不道丘
山重細路沿雲奈爾何

熱惱消除佛作緣山頭水雪過尖天法王悲智無
窮盡更看清涼遍大千

靈蛇不與世相關時復蜿蜒水石間何處天瓢待
霖雨一龕香火梵仙山

跨牛圖

才子唐人冠服作吟詩狀牛後帶琴書

画出升平古意同江村渺渺綠楊風看來總是哦

詩客遠勝騎驢著雪中

隨駕張珪相
是摹古人本

贈湛澄之四章

眼花看碧漸成朱元元陶陶樂有餘柳岸醉僧堪
一笑強教分別竟何如

兒女團樂龐行婆流離活計苦無多布囊歸去詩

千首猶欠庭珪墨一螺

十年不見山堂老賴有澄之在眼中總道木菴枯

淡好東風花柳各青紅

散聖風流有別傳漆墮一點出人天石門故事君

道山詩集

卷之二十

汲古閣

知否好佐涪翁學刺船

乙卯二月二十一日歸自汴梁二十五日夜

久旱而雨偶記內鄉一詩追錄於此今三

十年矣

桑條沾潤麥溝清軋軋耕車鬧曉晴老眼不隨花

柳轉一犁春事最關情

三門集津圖

南北爭教限大江吳家繞了又陳公画工只說三

門險不記茅津一葦航

乙卯端四日感懷

衰年邪與世相關苦被詩魔不放閒好箇舊家長
樂老無才無德只癡頑

山村風雨扇頭

總爲詩翁發興新直教画筆亦通神莫嫌風雨無
多景截斷黃塵亦可人

跋蕭帥贊鵷啟荷扇頭

徐蒙
之圖

蕭蕭煙景帶霜華公子風標浪自誇可道浣花詩
境好鴉鵲滿晴沙

道山詩集

卷之二十

汲古閣

袁顯之扇頭

雙鷺聯拳只辦愁枯荷折葦更窮秋風流綠影紅
香底好箇鴛鴦百自緣

贈司天王子正二首

慣見河邊織女機枯槎八月未成歸悽悽零落今
如此枉却星翁比少微

天容海色本澄清萬古東方有啟明七十七年強

健在不妨林下看升平

工部趙侍郎下世日作

鷄骨嶙峋臥石床，情知合眼即仙鄉。安時處順吾儒事，枉却南華說坐忘。

跋耶律浩然山水卷

六月三泉松桂寒，西風早晚送啼鞍。無因料理黃塵了，只得青山紙上看。

貞燕二首

杏梁雙宿復雙飛，海國爭教隻影歸。想得秋風過涼冷，謝家兒女亦依依。

污絮難將一類推，舊家紅綫可無疑。豚魚自是詩

遣山詩集

卷之二十

汲古閣

家語輕擬庭園恐未宜

楊秘監雪谷早行圖

息軒圖筆老龍眠，雪谷水橋自一天。六月高樓汗如雨，豈知方外有詩仙。

杜莘老夏日汾亭橫軸

杜侯老筆堯民意，黃閣清風有故家。庸俗紛紛小兒女，枉教塵土泥煙霞。

武元直秋江罷釣

算山明月曉溪雲，今古仙凡此地分。醉後狂歌問

漁叟，殘年何計得隨君。

張彥遠江行八詠圖

奉試時所見

楚江平浸楚山流，放眼江山得意秋。一寸霜毫九雲夢，合教轟醉岳陽樓。

題馮清緩之碩人在澗橫軸

胡先

見說雲霄意氣豪，幾迴攬鏡惜顚毛。不爭畫得林泉好，轉使山人索價高。

題邢公達寒梅凍雀圖

褐衣相媚不勝情，只許乾暉画得成。却被詩人笑

遣山詩集

卷之二十一

汲古閣

寒乞一枝風雪可憐生

秀隱君山水

烏鞵踏破軟紅塵，未信溪山下筆親。圖上風煙看瀟灑，圖家亦有魏夫人。

同梅溪賦秋日海棠二章

錦水休驚散綵霞，換根元自有靈砂。瓊枝不逐秋風老，自是人間日易斜。

翠袖紅粧又一新，秋風秋露露清真。丹青寫入梅

溪筆，桃李從今不算春。

梁氏先人手書

玄蚪飛跳九天門
秦火驚看片紙存
舊風流知未滅
青衫還見讀書孫

南北杜國寶以真定教官李進之所誤大父

中憲公及其先人帥府從事行狀見示用

題三絕其後

總道清流解致君
白袍唐日已紛紛
科名屈殺漁陽老
章甫何人不惠文

兒戲將軍百不知
枉將壁壘付安危
論功纔得鹽

遺山詩集

卷之二十

汲古閣

山今堂上奇兵果是誰

堂揀談經見
蚤成諸郎難弟復難兄
長鬣北海文章在千古
雲庵有姓名

贈管子野高士三章

仙翁高弟獨君優
胸次清明辨九流
我是愚溪一愚叟
不妨同醉管家洲

月旦今誰許
與陳子賢侑
依日紛紜富肩燕
領非吾事一片靈臺欲付君

虛名玉表或碍中薄命
何堪與其功東國
人倫要

真識好將傳與黑頭公

戲相師

珥貂簪筆起鋤犁
何必人人買伏犀
胸次九流君自了
看來唯少醉如泥

重贈丹陽王鍊師三章

信得人間比夢間
一危芳酒且開顏
當時笑伴今誰在
詩客淒涼飯顆山

爛醉玄都有舊期
百年人事不勝悲
桃花一簇開無主
畱著東風與兔葵

遺山詩集

卷之二十

汲古閣

敝盡貂裘白髮新
京華旅食記前身
仙翁相見休相笑
同是邯鄲枕上人

元夕

花影燈光一萬重
青衫駿馬踏東風
影陽舊事無人記
二十三年似夢中

醉睡

枕幃餘韻最清真
夢裏猶來著異人
擬借濃陰作羅幕
玉纓多處臥殘春

爲敏子釀金二首

明珠評價敵連城棄擲泥塗意未平十萬人來管絃裏獨憐金石隱商聲

秋來聞說酒盃疎却爲窮愁解著書知是道山亭上客無衣無褐欲何如

李子範生子

六峰靈氣未消沉雛鳳翩翩翠作衿名姓定知書小錄作詩先與喚瓊林

柏鄉光武廟

老樹剝心不更春當年曾見漢儀新憑君莫話春遺山詩集

卷之二十
十四

汲古閣

陵事笑殺中原逐鹿人

和德新丈

二年老眼暗兵塵今日逢君喜事新結伴還鄉有成約不應先作北歸人

春日寓興

雨過橫塘水滿堤亂山高下路東西一番桃李花開盡惟有青青草色齊

滄浪圖

萬頃煙波入夢頻眼中魚鳥覺情親而今塵滿西

風扇飽爾青山獨往人

倦繡圖

香玉春來困不勝啼鶯喚夢幾時應可憐憔悴田家女促織聲中對曉燈

雪谷晚行圖

漫漫長路幾時休風雪無情夢亦愁美殺田家老翁嫗瓦盆濁酒火爐頭

浩然雪行圖

曲江花柳自升平雪碓水橋去國情枉却卷中雨遺山詩集

卷之二十
十五

汲古閣

好語画師寒乞可憐生

岳邦獻壽

見君誰不愛清醇壽席今年樂事新八十老翁持酒勸酣歌一曲太平春

風柳啼牛圖

爲張伯英賦

陂塘渺渺綠楊風牛背升平萬古同忽見西園圖還自笑枉將書策課兒童

子和麋鹿圖

白髮刁騷一禿翁塵埃無處避西風野麋山鹿平

生伴惆悵相看是二國中

賈氏怡齋二首

兒女青紅薦壽觴階庭蘭玉立諸郎黃金甲第知何限誰有怡齋致樂堂

一門難弟復難兄籍甚州閭月旦評見說病中王

處士感君兼有急難情王敦夫寒病勞復歷兩月調護迄於平善州里之欠委煩殊甚仲德躬自

兩焉故上句及之

與西僧倫伯達二首

旂雲孤鶴萬緣輕遠見帘闌眼便明不似道山元

道山詩集

卷之二十

汲古閣

老子塵埃風雨過平生

半世秦川在夢中幾時蓮社與君同淵明自比吾

何敢或有新詩及遠公

福之書金人詩十卷各中如集韻似曉有星沈或

云勇之隱七歲能詩鄉里稱之神童弱齡作箕山

翠產瑞馬東之寶見而無之各書南園晚年尤以

著他自任以口快細字如金源氏故家今金史中出書

手筆世先筆詩集請去書略而能雕刻巧傳而衡倚

為佳處而不同者歟不兒少遊張蒼耳海堂是書海

薩天錫詩集目錄

卷上

過池陽有懷唐李翰林

題焦山方丈壁 送吳寅甫之楊州

秋日病起池上 題潭州劉氏姊妹二孀

貞節 早發黃河卽事

寄朱舜咨王伯循了卽休 并序

宿烏石驛 度閩關

度嶺輿至崇安命棹建溪

薩天錫詩集

卷上目

汲古閣

寄鉛山別駕完顏子忠

石上晚酌天章臺 二宿臺山寺絕頂

望鼓山 題汀州丁三溪知事卷

夜輿 題茶陽驛飛亭

將至大橫驛舍舟乘輿暮行 首二

聞秋蛩有感 贈白雲

白雲答 望武夷

宿武夷 吳橋縣古河堤

溪行兩岸皆芙蓉桂花余喜遂賦此詩

會社清碧

二首

畫臥雲際亭

過延平津

三首

鵝鴒曲題楊妃補枕

華清曲題楊妃病齒

楊花曲

海棠曲

藥珠宮

蘭皋曲

芙蓉曲兼善狀元御史

咸武曲

如夢曲哀燕將軍

十首

臥病書懷

鞦韆謠

過嘉興

皂林舟中

蘆天錫詩集

卷上目

汲古閣

江南樂

江南怨

登歌風臺

過居庸關

題魯港驛和賈酸齋題壁

寒夜聞角

宣政同知燕京閭報園

哀時文皇吳駕

二首

鼎湖哀

歲云暮矣

三首

京口寒夜和葛秀才林

字韻

江上聞笛

夜寒獨酌

三首

相逢行贈別舊友治將

軍

并序

七夕後一夜樂陵臺上

倚梧桐樹望月有懷御史李公藝

北風歌送王君實并寄憲副顧子昌

留別同年索士嚴經歷

走筆贈燕孟初

偕卜敬之遊吳山駝峰

紫陽洞

過洞君山

夜泊釣臺

武夷館方池

峨眉雲謝照磨李伯貞遺白石

有跋

題壽監司所藏美人織錦圖

題西馬圖

題雲山圖

蘆天錫詩集

卷上目

汲古閣

題陳所翁墨龍

題壽監司所藏瘦馬圖

題喜里客廬雪山壁圖

和題吳閭開京館王本中醉作竹石壁上

梅仙山行

釣雪圖

登雲際題壁

題四時宮人圖

四首

清明日偕曹克明登北固樓

送廣信司獄

和友人遊鶴林韻

高堂劉侯定齋野友亭

賀山長丘臣敬復淮西田

補闕歌

過淮河

擁爐夜酌嘲張友寄詩謝

送友人之京

題南宮子蟻嘴圖

西樓別寄閻憲諸公

贈別鷺峰上人

序并

送馬伯庸子之京

送韓司業

蒲萄酒美鮪魚味肥賦

蒲萄歌

江南春次前韻

送鶴林長老胡桃一畧茶三角

寄省郎沙子丁

夏夜積雨霽陰雲不收

薩天錫詩集

卷上目

汲古閣

病坐南軒月復出

連夜雨晴

題郭元二公書壁

次韻休上人見寄

復次前韻東龍江上人

夜坐贈秀才

夜坐分韻得此字

曉起

賡賦字韻

賡覆字韻

送友人之金陵

元子遊戲竹木

送惟英之淮安

同友人揚子江送客

題江鄉秋晚圖

爲九江方七高賦

將至太平驛即興

中秋月夜泛舟於金陵

石頭城

曉上石壁灘

過臨平

越溪曲

紫溪道中

和同年觀志能還自武

昌詠

溪行中秋飯月

序并

黯淡灘歌

雲際感興

百禽歌

雨傘

梳頭樂府

燈草

胡桃

芒鞋

薩天錫詩集

卷上目

汲古閣

繡鞋

燈蛾來

二首

飛奴

長門秋漏

北人上塚

枯荷

春別

南臺月

征婦怨

春遊太真觀

題二宮人琴壺圖

過桐廬

薩天錫詩集目錄卷上

終

薩天錫詩集卷上

薩都刺天錫

過池陽有懷唐李翰林

我思李太白有如雲中龍垂光紫皇案御筆生青
紅群臣不敢視射目目盡盲脫靴手污蟻蹴踏將
軍雄沉香走白鬼玉環失顏容春風不成雨殿閣
懸妖虹長嘯拂紫葢手然青芙蓉掛席千萬里遂
遊江之東濯足五湖水掛巾九華峰放舟玉鏡潭
弄月秋浦中颺懷正浩蕩行樂未及終白石爛齒
薩天錫詩集

卷上

汲古閣

題焦山方丈壁

江風入霜林寒葉下疎雨蕭蕭復蕭蕭可聽不可
數山僧亦好奇呼童掃行路到處覓秋聲肩輿入
山去

送吳寅甫之楊州

青楊吹白花銀魚跳碧藻落日上海船二月淮南
道渺渺春水涯悠悠雲樹杪安得快剪刀江頭穿

芳草

秋日病起池上

顧茲林塘幽消此閑日永飄風辭萍踪落葉散魚
影天地風雷涼秋深藕花冷有懷無與言獨立心
自省

題潭州劉氏姊妹二孀貞節

雙藤本同根長大附高樹樹倒何所依不離樹根
土劉家好姊妹嫁作儒家婦儒生逝不返姊妹何
所去憶昔嫁夫時各願以偕老今日無所歸骨肉

薩天錫詩集

卷上

汲古閣

自相保一爐鑄兩鏡懸置東西憲憲前主人去兩
鏡復一雙哀哉哀哉劉二孀

早發黃河即事

晨牽大河上曙色滿船頭依依樹林出慘慘煙霧
收村墟雜雞犬門巷出羊牛炊煙動茅屋秋稻上
壠丘嘗新未及試官租急徵求兩河水平堤夜有
盜賊憂長安里中兒生長不識愁朝馳五花馬暮
脫千金裘鬪雞五坊市酣歌最高樓被夜中酒
玉人坐更籌豈知農家子力穡望有秋短褐常不

充糲食常不周醜婦有子女鳴機事耕疇上以充國賦下以祀松楸去年祭河防驅夫如驅囚人家廢耕織嗷嗷齊東州飢餓半欲死驅之長河流河源天上來趨下性所由古人有善備鄙夫無良謀我歌兩岸曲庶達公與侯淒風振枯槁短髮涼颼颼

寄朱舜咨王伯循了卽休

元統二年秋八月僕與淮東憲副朱舜咨廣東憲僉王伯循會于瓜州江風山月亭

薩天錫詩集

卷上

汲古閣

上過金山登妙高臺飲酒賦詩京口鶴林

寺僧了卽休風雨渡江僧別少年遊詞卽

休既城去舜咨伯循留廣陵僕獨涉淮過

河北人生聚散信如雲萍倒指歲餘舊遊

如夢向時舜咨有兩過江色淨五字天趣

妙發未克竟篇茲以一字爲一韻賦詩寄

上舜咨伯循二前輩鶴林主者了上人

木落淮南秋蘭橈泊江渚把酒三人同江亭看飛雨雨過江色淨妙景發天趣歷歷江南山一青

可數

又

大江湧金山穩若青蓮座山下有龍宮見水不敢唾江山萬古同日月片帆過把酒妙高臺狂歌醉相和

又

飄飄鶴林僧布襪青鞋雙長江飛鉢渡碧海魚龍幢遠來作偈別楚雨鳴秋窻振錫獨歸去天花飛滿江

薩天錫詩集

卷上

汲古閣

又

微茫楊子橋細雨濕秋色小艇載吳姬搖搖語相接風起布帆高一往不可得夜宿廣陵城吹簫照明月

又

霜高木葉空江清水花淨離懷江水深楚女曉粧親接拍聽歌聲點筇行酒令白露滿衣裳迥野垂斗柄

宿烏石驛

雲起烏石峰雨灑紫溪嶺孤館如山深愁人覺宵
永燈花剪復開風竹亂不整清晨渡閩關南斗落
衣領好寫度關詩點筆題石笋

度閩關

曉度分水嶺身在雲霧中手如天上捫聲落山下
風雷霆走澗壑神人過虛空頃刻開萬象赤鳥飛
嶺東白雲下千峰盡日懷袖裏振衣度閩關酒作
山下水仰登天有梯俯視井無底古來守關人盡
作山下鬼寒食百草青春風吹不起

薩天錫詩集

卷上

汲古閣

度嶺與至崇安命棹建溪

人生天地間馳馬歷大塊行樂須及時流光逝難
再役役功名徒歷歷山水邁偉哉東南區奇險關
粵最車書四海同風氣一嶺界肩輿度層雲手棹
下急瀨四山抱迴流環合如束帶玉井蓮葉漂仰
面天作蓋餘地丹峰前却在紫嶺背微陰聞雲霧
疎雨洒杉檜深林樵牧歸落日山鬼會雲澤樹水
簾林風奏天籟石梯架伸巖往往遺骨在瑤草石
上生丹藥市曹賣巍巍考亭祠過客祠下拜溪水

自成文上接洙泗派喚渡雲門僧貌古清可愛手
把青松枝跌坐溪石待懸崖虹棧危挿竹漁網曬
山高人蟻旋下視舟立芥輕狂類飛鯨宛轉亂石
隘崢嶸龍角尖硯崎竈首癩嗟吁激潑波出沒如
水怪萬鼓捷地雷三峽薄浮萍峰巒爭送迎奔走
萬馬快箭過耳生風開口不暇咳峭壁起衝流恍
若巨鰲戴上有舊題名歲久字刻壞豈無姓名存
彷彿年月載覽此前人踪徒爲後人慨天氣易寒
暄光景倏明晦浩蕩三日程應接千萬態會登天

薩天錫詩集

卷上

汲古閣

柱峰一覽宇宙大小吐胸中豪神遊八荒外題詩
贈山靈清氣留勝槩

寄鉛山別駕完顏子忠

我議顏別駕風度脩且閑近持五色筆揮光動南
蠻甘飲石井水臥治鷺湖山玉峰露洒洒風林珮
珊珊表表臺閣安豈久州郡間相思不相見可愛
不可攀海風夜月朗飛度七閩關

石上晚酌天章臺

晚涼上烏石置酒天章臺夕日下山去海風吹月

來豪氣吐千丈明吟動三台白露酒仙掌銀河瀉
金杯誰識芙蓉仙飛身在蓬萊

又

高臺在層霄肩輿上絕壁露下酒樽涼月出海門
白坐拂衣上雲醉臥林下石西風吹鬢毛南斗在
肘腋題詩向天關奎光射瑤席

宿臺山寺絕頂

江白潮已來山黑月未出樹杪一燈明雲房人獨
宿近水星動搖河漢下垂屋四月夜深寒繁露在

陸天錫詩集

卷上
七

汲古閣

脩竹

望鼓山

鼓山起千仞迺是東海垠蛟龍穴其下霹靂翻海
門砥柱儼不動日夜雪浪奔何當臨絕頂俯視浴
日盆

題汀州丁三溪知事卷

三溪會汀州上有仙人居乃是丁令威玉珮搖瓊
琚高秋下風露水清映芙蓉華表惜聞鶴小船閑
釣魚鑑湖風半曲賀老竟何如

夜興

千峰走晴雷風力吹遶兩層雲不成陰殘缺如敗
堵山深日易暝孤館執賓主燈花翳復明落葉聲
可數獨立誰與親厨人夜深語

題茶陽驛飛亭

白雲飛出山怒壁蒼峽裂幽谷濕晴雲絕壁洒飛
雪萬折入滄海龍宮水晶闕簸揚弄珠人水廉掛
寒月

將至大橫驛舍舟乘輿暮行

陸天錫詩集

卷上
八

汲古閣

山行日已暮肩輿度林薄涼颼颼以清松子當面
落千山月崔嵬萬葉雨蕭索昨夕棹歌行頗憶溪
上樂

又

月輪轉頭上溪瀟奏脚底人行山色中葉落兩聲
裏虛名爲一官遊子在萬里行行重行行日夕聊
復止

聞秋蛩有感

秋蛩集草樹淒然亦何繁行子在遠道豈不思故

園木稻上丘壠鳥雀知欣喧田園可終老軒見何足言

贈白雲

白雲抑何閑竟日不下山時從脩竹裏相伴一僧還悠悠覆松頂渺渺歸岫間奔走塵俗客視君多厚顏

白雲答

使君抑何忙寧不思故山茫茫天壤間鳥倦猶知還石田紫芝老茶竈碧蘚斑胡不賦歸來分子屋

薩天錫詩集

卷上

汲古閣

半間

望武夷

溪行望武夷峭壁何斬絕赤霞亂不收大化元氣泄下有萬年松上有太古雪祗恐月明中鐵笛吹石裂

宿武夷

蟻舟山水間借問武夷觀月掛水晶簾風吹紫霞幔雞犬過雲間笙樂度天半傳語武夷君酒熟幸相喚

吳橋縣古河堤

迢迢古河堤隱隱若城勢古來黃河流而今作耕地都邑變通津滄海化為塵堤長燕麥秀不見築堤人

溪行兩岸皆芙蓉桂花余喜遂賦此詩

芙蓉發蒼苔桂樹花爛斑中秋前日過客子未出關香生桂樹叢露下芙蓉葉花以寄遠人葉以作書帖何日棹船還桂樹芙蓉間船頭聽我夜吹笛吹起月輪昇東山

薩天錫詩集

卷上

汲古閣

會杜清碧

夜宿武夷山迺是杜清叟清談道人同險路山鬼走出門視河漢危梯掛星斗白露滿芙蓉清寒夜深久

又

我識杜清碧深居武夷山採藥紫芝嶺行歌白雲間天根深可躡月窟高可攀天子召不起道人閑往還

晝臥雲際亭

紅塵如海深度水臥雲際白雲如故人千峰走群
婢長嘆一欠伸風葉飛滿地一鳥沒過天樹燦潭
如蒼

過延平津

神物在天地變化須有時踴躍一入水風雲波浪
隨志士昔未遇常人安得知一朝忽奮迅兒女驚
且疑

又

萬山二水合匯之爲深淵劔化亦已矣過者尤凜

薩天錫詩集

卷上
十一

汲古閣

然神物豈常處入地忽上天所以磊落士豈爲愚
者憐

又

當時二龍劍迺是山川精埋沒於獄礎異氣騰豐
城神光射霄漢牛斗爲不明一入壯士手長鳴除
不平

鸚鵡曲題楊妃繡枕

水晶簾垂宮晝長六曲屏風圍繡牀美人春睡苦
不足夢隨飛燕遊昭陽覺來粉汗濕香臉一線新

紅枕痕淺三十六宮在眼前五色香雲隨指轉牙
牀端坐楊太真雲冠霞珮絳色裙雙成小玉盡宮
樣繡衣烏帽高將軍離龍七寶掛宮樹玉案銀盤
看鸚鵡可憐鸚鵡解人語不說漁陽動鼙鼓迺知
禽語能戲人不知人語能殺身亡家敗國汚天地

天生尤物天亦嗔一朝艷質化塵土可恨可憐千
萬古香魂不逐馬塵飛猶記深閨繡房女重簾紫
霧垂洞房錦屏繡褥蘭麝香夜深酒醒換銀燭時
見楊妃在耳傍君不聞張麗華墮宮井銅雀章臺

薩天錫詩集

卷上
十二

汲古閣

煙燼冷繁華一夢人不知萬事耶耶郭呂公枕

華清曲題楊妃病齒

沉香亭北春晝長海棠睡起扶殘粧清歌妙舞一
時靜燕語鶯啼空斷腸未唇半啓榴房破胭清紅
注珍珠顆一點春酸入狐犀雪色鮫綃濕香唾九
華帳裏熏蘭烟玉肱曲枕珊瑚偏玉釵半脫翠蛾
欽龍髯天子空垂涎妾身雖侍君王側別有閒情
向誰說斷腸塞上錦綉兒萬恨千愁言不得城都
遙進新荔枝金盤紫露甘如飴紅塵一騎不成笑

病中風味心自知君不聞華清宮一箇作楚藏禍
根又不聞馬嵬坡一身灘血未足多滄陽一日顰
皺動始覺開元天下痛雲臺不見漢功臣三十六
牙何足用明眸皓齒今已矣風流何處三郎李

楊花曲

燕京女兒十六七顏如花紅眼如漆蘭香滿路馬
如飛窄袖籠鞭嬌滴滴春風淡蕩搖春心銀箏華
燭高堂深繡裳不暖錦鴛夢紫烟紅霧天沉沉芳
年誰惜去如水春困着人倦梳洗夜來小雨潤天
薩天錫詩集

卷上
十三

汲古閣

街滿院楊花飛不起

海棠曲

內家楚楚諸王孫白馬金鞍耀日喧樽前細樂耳
厭聞世上閑愁生不識宮錦裁成五色雲真珠燈
就雙龍紋衣裳光彩照暮春紅靴着地輕無塵翠
樓珠箔玉鈎掛腸斷纖腰無一把海棠花底畫闌
鶯太液池邊春洗馬千枝萬枝桃杏紅花枝飄香
薰酒中歸來月落酒未醒有詔早入明光宮

藥珠宮

芙蓉城裏白玉樓水簾倒掛珊瑚鈎美人宴坐太
清室蛾眉不鎖人間愁彩橋東畔楊花轉飛到三
天紫清殿仙裳日暖藕絲香燕語鶯啼動幽怨天
風冷冷吹珮環霞冠不整偏雲鬟蕭郎風骨何可
得紫簫赤鳳遊雲間瑤壇午夜霜華重羅襪生寒
紅一寸錦屏甲帳藥珠新雲房火鼎丹砂嫩天官
仙女淡淡粧桃花洞口逢劉郎巫山神女弄雲雨
楚臺人去空斷腸步虛聲斷欄干外春去秋來顏
色改東風吹老碧桃枝深院無人夜如海

薩天錫詩集

卷上
十四

汲古閣

蘭草曲

溪水澗蘭長幽芳春溪露滴蘭葉光美人日暮采
蘭去風吹露濕芙蓉裳芙蓉爲裳蘭結珮玉立亭
亭臨水際天寒袖薄人不識疎雨蘭香鳴翡翠幽
蘭日日吹古香美人不來溪水長

芙蓉曲兼善狀元御史

秋江渺渺芙蓉香秋江女兒將斷腸絳袍春淺護
雲暖翠袖日暮迎風涼鯨魚風起江波白霜落洞
庭飛木葉蕩舟何處採蓮花愛惜芙蓉好顏色

威武曲

桓桓燕將軍威武武天下一赤面注丹砂虬髯如挿
戟當年意氣何鷹揚手扶天子登龍牀五年垂拱
如堯湯白日騎龍昇上蒼桓桓燕將軍威武何可
量熹微日色出東方早令一出照八方毋使三月
人皇皇毋使三月人皇皇

如夢曲哀燕將軍

芙蓉花爲誰好洞房昨夜將軍老將軍老去空鎖
衣襟燈照室人不歸

薩天錫詩集

卷上
十五

汲古閣

又

官錦袍覆帳高將軍夜酌涼葡萄滿菊力重醉不
醒美人猶在珊瑚枕

又

海子頭誰家樓繡簾半捲風悠悠行人謂是將軍
府將軍不來罷歌舞

又

將軍容丹砂紅威風凜凜蓋世雄出門千騎塞行
路今日蕭蕭去何處

又

平村曲春水綠將軍獵回曾此宿將軍一去成荒
丘依舊平村春水流

又

皂鷁鷹紫驕馬將軍圖獵平沙野朔風蕭蕭吹野
寒將軍戰馬遊不還

又

將軍功世莫比皇都甲第連雲起將軍一去空鎖
門上馬臺邊無一人

薩天錫詩集

卷上
十六

汲古閣

又

結齒歌細腰舞綠窓朱戶將軍府將軍老去無少
年爲野草今爲荒田

又

如花人櫻桃唇傍人近前丞相嘆繁華日日笙歌
動世事悠悠總如夢

又

朝作樂暮作樂朝暮杯盤金錯落日出欲盡東方
明歡樂未已悲哀生

臥病書懷

去年走馬尋魏闕十里五里迷風烟孤臣泣血紫塞外壯士倚劍青雲邊今年臥病在江海呼兒夜讀歸來篇結茅倚壁知何處飽聽一枕松風眠

鞦韆謠

寒梅零落春雪灑蕭娘腰瘦無一把淡黃楊柳未成陰何人已繫青驄馬驚樓深處迎春歸鞦韆影裏紅杏肥濛濛花氣濕人面東風吹冷輕羅衣衣上粉珠流不歇暗解翠裙花下裙殷勤莫遣燕子產天錫詩集 卷上 汲古閣

知會向人間報風月

過嘉興

三山雲海幾千里十幅蒲帆掛秋水吳中過客莫思家江南畫船如屋裏蘆芽短短穿碧沙船頭鯉魚吹浪花吳姬蕩槳入城去細雨小寒生綠紗我歌水調無人續江上月涼吹紫竹春風一曲鷓鴣詞花落鶯啼滿城綠

皂林舟中

春溪野鴨肥可射幽樹深陰叫山鷓鴣人三月酒

船過柳絮飛時杏花謝行行水竹上雲林往往人家或僧舍小官便欲賦歸來何處買山錢可借

江南樂

江南樂春水虹橋滿城郭出門不用金馬絡門前花船如畫閣綠紗窗虛鎖春霧隔窗蛾眉秋水活翡翠冠高羅袖潤楚舞吳歌勸郎酌紫竹瑤絲相間作船頭柳花如雪落船尾彩旗風綽綽乘燭夜遊隨意足人生無如江南樂

江南怨

薩天錫詩集

卷上 十八

汲古閣

江南怨生男遠遊生女賤十三畫得蛾眉成十五新粧郎識面識郎一面思猶淺千金買官遊不轉郎家水田跨州縣大船小船過淮何買官未得不肯歸不惜韶華去如箭楊花廉幕飛乳燕疎雨梧桐閉深院人生無如江南怨

登歌風臺

歌風臺下河水黃歌風臺上春草碧長河之水日夜流碧草年年自春色當時漢祖爲帝王龍泉三尺飛秋霜五年馬上得天下富貴樂在歸故鄉里

中故老爭拜跪布襪麻鞋見天子龍顏自喜還自傷一半隨龍半爲鬼翻思向日亭長時一身傳撤日夜馳只今宇宙極四海一榻之外難撐持却思猛士衛神宇安得長年在鄉土可憐創業垂統君却使乾機付諸呂淮陰年少韓將軍金戈鐵馬立戰勲藏弓烹狗太急迫解衣推食何殷勤致令英傑遭婦手血濺紅裙急追首蕭何下獄子房歸左右功臣皆掣肘還鄉却賦大風歌向來老將今無多咸陽宮闕親眼見今見荆棘埋銅駝臺前老人薩天錫詩集

卷上

汲古閣

淚如雨爲言不獨漢高祖古來此事無不然稍稍昇平忘險阻歌風臺前人已矣令人哀悲歌感慨下臺去斷碑春雨生莓苔

過居庸關

王順發商歲

居庸關山蒼蒼關南暑多關北京天門曉開虎豹臥石鼓轟擊雲雷張關門鑄鐵半空倚古來幾度壯士死草根白骨棄不收冷雨陰風泣山鬼道傍老翁八十餘短衣白髮扶犁鋤路人立馬問前事猶能歷歷言丘墟夜來鋤豆得戈鐵雨蝕風吹失

顏色鐵腥惟帶土花青猶是將軍戰時血前年人復鐵作門貔貅萬竈如雲屯生存有功掛玉印死者誰復招孤魂居庸關何崢嶸上天胡不呼六丁驅之海外休甲兵男耕女織天下平千古萬古無戰爭

題魯港驛和貫酸齋題壁

吳姬水調新腔改馬上郎君好風采王孫一去春草深設有狂名滿江海歌詩呼酒江上亭墨花飛雨江不晴江風吹破蛾眉月我亦東西南北客

薩天錫詩集

卷上

汲古閣

寒夜聞角

野人臥病不得眠烏鳥盡角聲凄然黃雲隔斷塞北月白鴈叫破江南烟山城地冷迫歲暮野梅雪落溪風顛長門美人怨春老新豐還惜少年好夜深悲壯聲遶天萬瓦月白霜華鮮野人一夜夢入塞走馬手提鐵節鞭羈騰飲酒雪一丈壯士起舞遶帳前五更夢醒氣如虎將軍何人知在邊

宣政同知燕京閭報國哀時文皇晏駕

兩傾盆風擲瓦白髯使者能騎馬相逢官長馬不

下馬上云云淚盈把

又

天柱傾天不晴白髯使者東南行東南山水失顏色一夕秋風來上京

鼎湖哀

荆門一日雷電飛平地豎起天王旗翠華遙過照江漢八表響應風雲隨千乘萬騎到關下京師復覩龍鳳姿三軍卵破古北口一箭血洗潼關屍五年晏然草不動百穀罷臣風雨時脩文偃武法古隆天錫詩集

卷上

二十一

汲古閣

道天開萬丈奎光垂年年北符循典禮所在雨露天恩施官官留守掃禁闕日望昭夜廻金羈西風忽湧湖浪天下草木生號悲吾皇騎龍上天去地下赤子將焉依吾皇想亦有遺詔國有社稷燕太師太師既有生死託始終肝膽天地知漢家一線繫九鼎安肯半路生孤疑孤兒寡婦前日事況復先生親見之

歲云暮矣

歲云暮矣子將焉之江南木落鴻雁飛娟娟美人

淮水涯淮水去不止相思日千里

又

歲將暮矣子將焉往燕山雪花大如掌娟娟美人淮水上淮水日夜流相思人白頭

又

歲云暮矣子將焉行江南木落天雨霜娟娟美人淮水傍淮水不同頭行人上小舟

京口寒夜和葛秀才牀字韻

秋高馬肥弓力強山空木落天雨霜邊庭晏然草隆天錫詩集

卷上

二十二

汲古閣

不動漢家將軍一丈長江南地濕小臣病閉戶一月不下牀願言昭代舉天網亦有枳棘栖鸞鳳

江上聞笛

江上何人吹玉笛水冷沙寒龍夜泣鮫人水底織水綃灑淚行珠明月高銀河淺淡月茫茫屬奴打更沙渚傍更深繡被夜寒重明月梅花滿地霜

夜寒獨酌

欲雪不雪風力強欲睡不睡寒夜長玉奴剪落燕尾燭銀瓶煮酒浮鵝黃三軍豪氣不可敵醉倒綠

髯參軍郎夜深大吟且就枕明朝萬尾看晴霜

又

去年健兒筋力強豪氣不減關雲長揮戈叱咤陣雲黑邊風白晝吹日黃將軍威武不可近錦袍赤面黃鬚郎今年收功入將府烏靴晚踏天街霜

又

江風吹浪十丈強孤舟遠客愁夜長何如歲晚在
家者擁爐酌酒天昏黃蔡州鵝鴨持元濟漳沱馬渡悲王郎盃中有物且須盡勸業滿鏡生秋霜

薩天錫詩集

卷上
二十三

汲古閣

相逢行贈別舊友治將軍

并序

予還官出閩舟行抵興田驛二十里許候聞擊鳴金鼓應響山谷間隨見旌旗導前兵卒衛後中有乘馬者毳袍帕首徐行接轡屢目吾舟吾病久氣餒不能無懼心也頃之興田驛吏以行與見迂遂舍舟乘輿輻之旌旗兵卒移導輿前馬從輿後輿行馬鳴途中未敢交一語追暮至邸舍燭光之下毳袍者進曰某乃建之五夫巡檢官

聞使君至候此將一月矣某嘗三禮使君而自都門一別今已五載使君豈遺忘之

耶僕驚謝曰將軍何人也答曰某即使君

舊友雲中也熟視久之恍如夢寐雲中復

能紀余闕下手采時否耶歷歷關河舊遊

如隔世乃對燭光夜道故舊明日復同遊

武夷九曲煮茶酌酒臨流賦詩出入丹雘

碧嶂間心與境會天趣妙發長歌劇飲相

與爲樂酒闌興盡秋風淒淒落木雨下聞

薩天錫詩集

卷上
二十四

汲古閣

願枉望復作還行手始見君而懼次得君

而喜終會君而樂又得名山水以登揮久

別抑鬱之懷樂甚而復別別而復悲悲復

繼之以思也嗟夫人生聚散信如浮雲地

北天南會有相見因賦詩復爲相逢行以

送之

一年相逢在京口笑解吳鉤換新酒城南桃花正開白面青衫鞭馬走一年相逢白下門短衣窄袖呼郎君朝馳燕趙暮吳楚逸氣不覺凌青雲一

年相逢在關下東家寒驢日相假有如臣甫去朝
天泥滑沙堤不敢打都門一別今五年今年相逢
滄海邊千山木葉下如雨雁聲墜地秋連天將軍
毳袍腰羽箭擁馬旌旗照溪面小官不識將軍誰
臥病孤舟強相見豈知此地逢故人摩挲病眼開
層雲舊遊歷歷如隔世夜雨豈知思同羣郎君別
後瘦如許無題從前作詩苦溪頭月落山館深剪
燭猶疑夢中語人生聚散亦有時且與將軍遊武
夷弓刀掛在洞前樹洞裏仙童來覓詩稽首武夷

陸天錫詩集

卷上
二十五

汲古閣

君借我慢峰頂分我紫霞盃與子連夜飲左手招
子喬右手招飛瓊舉觴星月下聽吹雙鳳笙我酌
一杯酒持勸天上月勸爾長照人相逢莫向關山
照離別鳳笙換曲曲未終天風木杪飄晨鍾拂衣
罷宴下峰去又隔雲山千萬里

七夕後一夜樂陵臺上倚梧桐樹望月有懷
御史李公藝

涼風吹動梧桐葉瀉下冷冷露華白樂陵臺上悄
無人獨倚梧桐看秋月月高當午桐影直不覺衣

沾露華濕此時却憶金陵人酒醒江樓聽吹笛

北風歌送王君實并寄憲副順子昌

北風日日吹浮雲西南一星光射門出門見客籍
口坐打馬送君收淚吞籍口祇自知吞淚竟何益
木葉下玄霜日日北風急北風吹浸淮南波坐見
白日浮雲多九關虎豹臥不動奈爾狐狸燕雀何
留別同年索士巖經歷

欲落不落天上雪欲去不去關中人紅塵香暖荔

枝國白日醉臥芙蓉茵功名富貴倘來物政事文

陸天錫詩集

卷上
二十六

汲古閣

章奚足珍人生所貴在知己四海相逢骨肉親在
知己寧論千里與萬里志士鷄鳴中夜起秋雨紅
絛劍光紫

走筆贈燕孟初

別君金陵城遇君錢塘驛落魄江湖嶺折腰笑傲
公侯但長揖柳花吹香撲酒缸酒波灩灩如春江
西湖天鏡碧墮地吳山蛾眉春入意平生豪氣如
虹吐餘子紛紛何足數驛亭把酒歌別離醉聽江
潮鳴萬鼓

偕下敬之遊吳山駝峰紫陽洞

天風吹我登駝峰大山小山石玲瓏赤霞日射紫
瑪瑙白露夜滴青芙蓉飄飄雲氣穿石室石上涼
風吹紫竹掛冠何日賦歸來掃石篝燈洞中宿

過桐君山

桐山峨峨桐水清仙人不住芙蓉城山頭笑指梧
桐青至今山水俱得名丹光夜照江水赤赤浪神
魚夜飛出碧桃花下覓神仙白日山中遇蕉牧江
深谷誓山有靈東山人喚西山應漁人誤入水簾
薩天錫詩集 卷上 二十七 汲古閣

夜泊釣臺

雙崖屹立幾千仞下有一葉之孤舟繁星亂垂光
燁燁長藤古木風颼颼荒祠幽黑山鬼集怪石如
人水邊立錦峰繡嶺雲氣深萬壑千巖露華滴山
僧對語夜未央不知風露滿衣裳喚船振錫渡江
去林黑無由歸上方高寒宇宙無人語亂石灘聲
灑飛雨欲從嚴子借羊裘坐待船頭山月吐

武夷館方池

武夷之境多神仙我亦駐此臨風軒方池清夜墮
壁月重簾白日垂洞門暗泉湧池紫波動微雨在
藻金魚翻倚闌照影清光底拄杖卓石尋無原洗
頭玉女去不返遺此文八芙蓉盆溪船明日泛九
曲出入紫翠聽潺湲便從此地覓真隱何必商山
求綺園

蛾眉雲謝照磨李伯貞遺白石

仙人李太白俊逸天下聞芙蓉宮錦袍袖有蛾眉
薩天錫詩集 卷上 二十八 汲古閣

雲蛾眉山高劒門隔化為太古一片雪南州北越
行相從赤日炎風消不得今年東海逢故人海波
漉漉葡萄春酒酣拂袖墮秋水但覺滿座光峰岫
夜深酒醒伴狂客玉井蓮開華峰白海天落月掛
奎婁坐臥猶疑見顏色禿兔謾吐蛾眉雲何以報
答雙南金古人契義重金石此物歲寒水雪心

至元丙子歲六月照磨軍懷李君諒伯貞
以白石小山見遺潔光瑩奇秀礪礪置之
石林亭上名之曰蛾眉雲

題壽監司所藏美人織錦圖

卷中織錦秦川女大姬啞啞弄機杼小姬纖倦何
所思簾幕無人燕雙語成都花發江水春門前馬
嘶車轆轤髻雲兩耳看欲墮蛾眉八字畫不伸行
人一去無消息水蠶吐絲成五色柔腸九曲細於
絲萬縷春愁政如織綺窓睡起聞早鶯西樓月落
金盆傾暖霞拂地海棠曉香雪潑戶梨花晴日長
春院機聲動梭影穿花飛小鳳水心驚起鴛鴦棲
花底不成蝴蝶夢纖纖玉指柔且和香釣小襪裁
薩天錫詩集

卷上
二十九

汲古閣

春羅滿懷心事付流水蕩目雲錦題青波佳人自
古多命薄風裏楊花隨處落豈知醜婦嫁田家生
則同衾死同槨君不聞長安城中花滿枝東家蝴蝶
西家飛籠中鸚鵡喚新主門裏侍兒更故衣又不
聞田家婦日掃春蠶宵織布催租縣吏夜打門
荆釵布裙夫短袴我題此卷三嘆吁百年醜好俱
虛無排雲便欲叫閨闈爲我獻上斷風圖

題畫馬圖

漢水揚波洗龍骨房屋墮地天馬出四蹄蹀躞若

流星兩耳尖修如削竹天閑十二連青雲生長出
入黃金門鼓鑾振尾恣偃仰食粟何以耐主恩豈
堪碌碌同凡馬長鳴噴沫奚官怕入爲君王駕鼓
車出爲將軍靜邊野將軍與爾同死生要令四海
無戰爭千古萬古歌太平

題雲山圖

我有將軍萬疊青換得琅玕半牕綠月明恐有鳳
來棲日暮何妨雲借宿清時海宇無烽烟五風十
雨歌豐年看山愛竹了公事焚香掛畫似神仙城
薩天錫詩集

卷上
二十

汲古閣

頭漏箭催更鼓將軍夜寢元戎府怪底雲山光滿
林林頭斜掛三珠虎

題陳所翁墨龍

畫龍天下稱所翁老筆光射驪珠宮長廊白日走
雲氣大廈六月生寒風興來一飲酒一石手提玄
兔槌霹靂漲天烟霧晴不收頭角崢嶸出牆壁全
形具體得者稀今日海邊親見之滿堂光焰動鱗
甲倒披海水中飛凌風直上九天去天下蒼生
望霖雨太平天子居九重黍稷穰穰千萬古

題壽監司所藏疲馬圖

沙場日暮春草肥瘦馬不受黃金羈天生神駿天
所愛豈容過市無人知郎官病坐芙蓉帳喜見馬
圖天上落人生相遇貴相知孰謂世間無伯樂

題喜里客廳雪山壁圖

一年在京口雪片深冬大如手獨騎瘦馬入誰家
四面雲山如甕牖大江東去流無聲金焦二山如
水晶瓜州江口人不渡時有幾笠漁舟橫一年在
建業臘月楊花滿城雪五更東今石頭城霜風鼓
薩天錫詩集

卷上
三十一

政古閣

寒水柱裂秦淮酒樓高十層鍾山對面如銀屏驚
洲不見二水白天外失却三山青一年在鎮陽燕
山積雪飛太行淅沱水合斷人跡井徑路失迷半
陽長空萬里絕飛鳥捲地朔風吹馬倒狐裘公子
獵城南茅店酒帘懸樹杪今年入閩關馬蹄出沒
千萬山瘴雲朝暮氣藹藹石泉日夜聲潺潺雪花
半落不到地但見晴空湧流翠海頭鼓角動邊城
木末樓臺出僧寺何人塞驢踏軟沙出門無處不
梅花江湖入市海姑集水暖遊魚不用又良工寫

出雪山壁過眼令人憶南北玉京銀闕五雲端待
漏何年鳳池側

和題吳閶閹京館王本中醉作竹石壁上

硯屏花落丹水香步虛白日聲琅琅江南道士愛
瀟灑新粉素壁如秋霜王郎酒後衫袖濕醉眼朦
朧電光急黑龍雲重雨脚斜白兔秋高中泣倦
遊借榻日觀東恍惚舊夢三湘中鷓鴣聲斷江路
遠青松雨暗春濛濛

梅仙山行

薩天錫詩集

卷上
三十二

政古閣

赤星落色漢祚微瑞門日日腥風吹咸陽秋色壓
宮樹金人夜泣銅駝悲先生袖疏探虎窟漢鼎猶
堪支一足九重烟霧似海深門外何人知慟哭賊
莽白日升高臺玉墜墜地聲如雷周公揖讓孺子
戲絳袍將軍何日來塵飛滄海風掃尾白鶴身輕
快如馬一聲鐵笛度閩關山月溪風共瀟灑龍爭
虎鬬耳不聞長嘯袖拂松枝雲夜鎔白石煮秋兩
玉佩赤綿飄霞裙先生一去幾千載尚有當年遺
跡在題詩絕壁寄先生頓使林樾顏色改藥爐寂

莫秋草深丹井水落莓苔侵至今火灰化爲土猶有丹光穿樹林

釣雪圖

天寒日暮鳥鴉啼江空野濶黃雲低村南村北人跡斷山前山後玉樹迷歌樓酒香金帳暖豈知蓬底魚羹飯一絲天地柳花春萬里烟波連葉遠風流不數王子猷清興不減山陰舟人間富貴草頭露桐江何處覓羊裘還君此畫三嘆息如此江湖歸未得洗魚羹飯捲孤蓬江上雲山好顏色

陸天錫詩集

卷上
三十三

汲古閣

登雲際題壁

長吟入雲際袖拂日邊霞摩挲織女機拄杖倚窗棂聞說名泉奇觀倒瀉銀河千丈玉乳潑飛花寄語陸鴻漸我有武夷茶令僕支鐫僧掃葉鶴看家不妨茶罷酣歌醉飲直到日西斜滿筆淋漓醉墨應有山靈夜護林壑動龍蛇秉燭下山去渡口月籠沙

題四時宮人圖

紫宮風暖百花香玉人端坐七寶牀風風小架懸

夜月一女侍鏡觀濃粧背後一女冠烏帽茶色宮袍靴色皂手持團扇不動塵一掬香鬢立清曉一女淺步腰半脫小扇輕撲花間蛾淡陰桐樹一女立手抱胡牀眼轉波牀頭細鎖懸金鍾白鶴雙飛花影重詞人見此神恍惚巫山夢裏曾相逢

又

金猊吐烟清晝長美人坐倚白玉牀藍衫一女髻垂耳手持方扇立坐傍一女最小不會粧高眉短髮纒漆先玉纖綠簪握金前拂下輕挽宮人裳金陸天錫詩集

卷上
三十四

汲古閣

盤玉甕左右列紅桃碧藕冰雪涼冰壺之傍立一女背後隨以雙白羊手拱金瓶渴水忙酒翅澆雪驚鴛鴦鴛鴦得水白鸞浴美人抱膝空斷腸

又

盆池露冷荷半枯碧波風細雙遊魚美人坐此碧玉椅屏山方按碧蟾蜍倚後二女執纓立按前二女嬌滴滴大女手扶小女腰小女嬌倚大女膝涼風入樹落翠楓秋深不見羊車來金鈴響處吹黃犬美人笑托芙蓉腮

又

錦屏三面圍繡牀沉香椅上鳳褥光美人端坐袖
雙手臨眉半慙愁夜長椅後一女搔白羽一女執
纓更回顧一女烏帽金縷衣玉指纖纖攜小女小
女手挽大女腰笑看孔雀雙翠翹可憐美人獨自
坐翠竹雪簪風前梢

清明日偕曹克明登北固樓

江南三月萬花柳北固山頭一回首東風吹綠楊
子江麗麗江波瀉春涵況乃又是清明天元從一

薩天錫詩集

卷上
三十五

汲古閣

飲三百錢英雄一去幾千載當年飲者今何在陌
上家家列紙錢孫劉高塚何人拜三月三日風又
暖千家萬家桃李開少年白日騎馬去滿城紅雨
拂面來共君且須飲一斗處世不必歌七哀孫劉
事業果何在百年斷石生蒼苔

送廣信司獄

江城六月涼雨餘吳郎買舟之鵝湖江南酌別酒
滿壺酒盡落日青天孤如君俊氣江海少奇語驚
人天所寶春鶯乳燕綠窓深酒醒夢回銀燭小江

東子弟多少年見君丰采如神仙時明刑指日無
事檀板且下鵝湖船鵝湖山下秋稻熟鵝湖山前
秋水綠五風十雨樂太平肯使人間有冤獄

和友人遊鶴林韻

何人結屋山之阻剩水殘山半間與竹院東風僧
未歸落日樓臺自鈴語劉家事業今沉淪空餘黃
鶴青嶸岫孫家氣槩果何在當時未必分僞真可
憐處士若馮道安得屬賊如張巡百年往事空白
日萬山花落如紅塵不如掃地傾二斗徑造何必

薩天錫詩集

卷上
三十六

汲古閣

問主人東廊西廊雲不掃白鶴歸來立華表沈郎
敲棋山鳥驚陳郎落筆龍蛇遶葛公飲酒不論錢
何必三茅求悟道烏髯白面郭將軍痛哭長歌寫
懷抱了公絕若耳不聞何處深山拾瑤草倚歌和
者病叅軍小窻病起風日好茶蘼滿庭香雪晴柳
花簾幕捲春曉人生樂事當勝遊山堂作者半日
留古來此事誰不樂只恐人去山靈愁

高堂劉侯定齋野友亭

淮陰季年韓將軍狡兔已死走狗烹沛中白髮周

將軍碧色已滿細柳管何如高堂劉將軍太平不
許矢石熟棹頭青海無傳箭天山掛却烏角巾歸
來買地築小亭潔水爲鏡山爲屏蕉人溪叟日相
過野歌村舞醉復醒去年偶爾劒戟鳴潼關馬過
戰血腥白頭老子如不聞牛背一笑千山青

賀山長立臣敬復淮西田

鄴城公子人中英天恩教領來國城秋霜滿屋老
劒鳴開口磊落肝膽明前年歲豐夏無麥去年雨
足秋無粟先生激烈氣不平館下誰令有饑色揚
薩天錫詩集

卷上
三十七

汲古閣

眉掉臂傍無人義動天子耳目臣誰人歸我三千
里坐令孔席回陽春只今寒士望柔棟文梓高梧
天所用諸生食飽待先生日午杏壇看舞鳳

補闕歌

錢塘三日風雨急古銅夜光飛霹靂是知神物出
人間猶帶吳宮上花碧玉橋素練懸銀河支機女
兒飛鳳梭蝦鬚風軟亂纖影春水日晴生潮波破
窻冷硯留不得零落江南酒家客狂歌索酒仰面
歌謔擊紅籌唾壺裂何人進入蓬萊宮銀屏碧幙

珠簾重此生補闕亦何用玉龍瀉水流芙蓉

過淮河

淮水清河水黃出門偶爾同異鄉排空捲雲若飛
電隨風逐浪庸何傷東流入海殊不惡萬里同行
有清濁

擁爐夜酌嘲張友寄詩謝

張生不好飲飲酒如飲藥得酒味濡唇形影先落
瓊野人飲不辭飲盡盃中酒酒渴向茶煙松風語
幽壑芳山道士胡不來一夜燈花向人落

薩天錫詩集

卷上
三十八

汲古閣

送友人之京

霜高木落河始水臺郎別我之燕京朔風迎面飛
鳥盡臘雪打帽鞭馬行新年捧表拜闕下春寒詔
賜玻璃觥朝官如問小恭軍爲言臥病丹陽城

題南宮子嘯嘴圖

南宮山人何俊奇小窻睡起涼雲飛野棠秋早霜
子熟枯木葉高蟬嘴肥滿前顰翠甘爾口政猶癡
心落人手五陵年少知爾名一飽無人早回首

西樓別寄閩憲諸公

八月八日溪上別溪上彩旗紅獵獵難情已逐渡
江雲邊草連天翦秋色玉驄金虎諸大夫欲別不
別留斯須沙明淺渚白鳥下酒盡落日青山孤丈
夫有淚不須灑去客掛帆君上馬悠悠回首各東
西惟見西溪捕魚者閭闔一片月太行一片雲雁
書遠寄隔山嶽雲飛月明多憶君

贈別鷺峰上人并引

余遷官出關過建陽會同年契世文邀予
至其家因登溪閣俄聞茂林脩竹間有絃

蘆天錫詩集

卷上
三十九

汲古閣

誦之聲詢世文乃靈山上人也頃之相會
閣上灑然如鶴悠然如踏雲出所作詩一
帙蕭然有林下風也予南出閣世文亦將
赴官編修鷺峰送予溪上徘徊顧望有不
忍別意鷺峰湖南人本姓歐陽靈其釋名
鷺峰其自號乃座主翰林侍讀歐陽之族
雖縉流而其家學有自云

建溪秋高山水清溪邊偶識衡陽僧臨水洗鉢掛
溪閣夜訪校書天祿燈聖經佛偈通宵讀首猶堆

盤勝食肉回雁峯南難寄書武夷洞前堪煮粥西
風獵獵吹水寒相送郎官南出關校書公子玉京
去衡陽上人何日還手中玉杖春雨綠母乃湘君
廟前竹胡不覩作雙鳳蕭吹作來儀舜庭曲古曲
雅以淡天高難上聞不如且掛杖頭月歸臥祝融
峰畔雲

送馬伯庸子之京

欲晴不晴天氣慳欲別不別人語難丈夫意氣自
磊落握手一笑心與肝南宮子弟吐金縷何必憐

蘆天錫詩集

卷上
四十

汲古閣

前花解語樹搖晚翠下風涼燭落春紅剪秋兩高
歌痛飲如有神醉吐不惜車中茵明朝送子上船
去回首江南江北人

送韓司業

楊花落盡梅子青丹陽酒滿雙玉瓶使君買舟渡
江去落日淡淡波冥冥先生抱才登館閣東壁文
采光龍廷自憐落日江湖上爲言蹤跡如雲萍

蒲萄酒美鮪魚味肥賦蒲萄歌

楊州酒美天下無小槽夜走蒲萄珠金盤露滑碎

白玉銀甌水暖浮黃酥柳花吹盡春江漲雪花鮪
魚出絲網李郎載酒過江來開酒斫魚醉春晚世
事反覆如枵蒲會須一飲空百壺淋漓官袍亦奇
士夜起看對青燈孤

江南春次前韻

江南四月春已無黃酒白醅紅櫻珠吳姬小醉弄
絃索十指春雪如凝酥池塘過雨春波漲風捲楊
花落蛛網翠眉新婦歌春愁白馬少年歸日晚遊
魚水淺出短蒲誰家銀箭飛金壺日長睡起翠陰
墮天錫詩集 卷上 四十一 汲古閣

送鶴林長老胡桃一罍茶三角

胡桃殼堅乳肉肥香茶雀舌細葉奇枯腸無物不
可用寄與說法談禪師竹龍吐雪澗水活茅屋煙
炊樹雲薄竹院深沉有客過碎桃點茶亦不惡

寄省郎沙子丁

憶昔射策官明光序列前後如雁行不才瘦馬走
州縣君已落筆中書堂巍巍中書開大府宰相出
人勢如虎省郎夜直殿燭長紫薇花間月當午有

人此際猶未還政與士卒夜守關風吹衣裳露被
面舉目只是水與山嗟余同時異甘苦何時達君
傾一語典衣爲買小紅舟剪燭西窓聽秋雨

夏夜積雨霽陰雲不收病坐南軒月復出

積雨已飲雲不明淡月忽出戶矚晴幽人開牕看
月色投入懷抱亦有情數宵相連爾何在應駕老
蟾出東海今宵見爾不得眠未脫人間女兒態愛
渠中夜雪滿庭照出飲顚山版形何人此際步微
影玉堂珂珮風冷冷

蓮天錫詩集

卷上 四十二

汲古閣

連夜雨晴

石榴花紅細雨白江南四月天氣涼須臾雲散忽
晴色滿院花樹生幽香幽人抱病無可語日出南
窗看晴雨小兒造化多戲人世上俗子徒勞神

題郭元二公畫壁

兩山出沒如虎頭爭奇角怪不肯休一山如龍入
雲去一山化作長江流峻嶒相雄不相下欲向人
間索高價塵中有客語如狂龍者可先江者亞一
笑上馬歸醉眠麴生使我多妄言酒醒忽記夜來

語先者姓郭亞者元

次韻休上人見寄

山深樹密鳴鴉肥山人得句多清奇深沈竹院白日靜焚香自禮天人師門前雨過巖花活涼風蕭蕭袖衣薄狂隣臥病在江城懷抱思君空作惡

復次前韻東龍江上人

山中酒熟黃鸝肥閉門索句何瑰奇何人剝啄急如雨門前忽見黃冠師揮毫落紙龍蛇活愧我無能才思薄欲師更酒楊柳枝蒼鬼牀頭敢爲惡

薩天錫詩集

卷上
四十三

汲古閣

夜坐贈秀才

青原故人貧且窮燕山野客疲且聾擁爐不覺殘火白開窓忽見月明東乃知清景不可得得詩一笑衰顏紅夜深吹燭且睡去樓外落鴈呼霜風

夜坐分韻得此字

逢冬亦欲鄉風舉客舍蕭條念閨里夜寒鐵馬嘶北風漏下銅壺凍春水牀頭斗酒復何爲燈下三豪猶在此明朝上馬氣如雲揮劍長歌爲君起

曉起

烏鴉啞啞霜樹晴紙窓潑潑眼春雪明野人臥病睡方起官街踏踏聞馬行矮窻小戶坐終日煮茶燒坐松風生明朝呼兒刷駿馬出門一笑青天橫

廢眠字韻

去年走馬尋陽關五里十里逢烽煙孤臣泣血紫塞外壯士倚劍青雲邊今年臥病在江海呼兒夜請歸來篇結茅松壁知何日飽聽一枕松風眠

麻覆字韻

朔風吹帳滅前燭將軍夜擁貂裘宿玉關飛雪入

薩天錫詩集

卷上
四十四

汲古閣

紫宮白髮孤臣守金屋近思往事具可悲世事樽蒲多反覆古來宮殿說咸陽落日猿啼樹枯木

送友人之金陵

陳郎買舟上金陵寒江水流風浪小飛帆遠掛蔣山青空城畫角秦淮曉白門酒美香滿城吳姬喚客客不行樓中子弟盡年少玉奴行酒吹鸞笙陳郎不聽黃金纓朝走東吳暮走楚半生落魄一布袍感慨長歌吊千古六朝遺跡生暮煙故家荒塚迷花鉅鳳臺上醉李白何人知子囊無錢

元子遊戲竹木

元君磊落誰與同
秃筆一掃俗子空
蕭條瘦竹臥疎雨
槎枒老樹懸春風
野人臥病在京口
見君此畫心神融
何人識此歲寒景
爲我進入蓬萊宮

送惟英之淮安

江南木落天欲霜
故人別我之淮鄉
野人一月病在牀
不能送子河之傍
殷勤拂子衣上黃
呼子酌酒三百觴
歲寒歸計不可忘
吳門白髮遙相望

同友人揚子江送客

薩天錫詩集

卷上
四十五

汲古閣

將軍之馬駿且雄
葛仙騎之如遊龍
金陵之酒香且冽
葛仙飲之豪興發
馬上送客揚子津
下馬飲客金陵春
主人上馬客已渡
回首江南江北人

題江鄉秋晚圖

沙頭潮下秋水枯
雲山落日雪樓糊
草堂遠近路長驅
蕭蕭行李行人孤
寒驢渡橋歸思急
村南村北天秋色
何者相呼鷄犬聲
山前山後烟樹立
江風水面吹殘莎
打魚小艇如飛梭
何人盪業立船尾
釣者船頭腰半駝
小李將軍不可作
粉壁流傳

愁剝落石門守者猶可奇
拄杖敲門索新跋
京口綠髮叅軍郎
見君此畫心卽降
攜家便欲上船去
買魚煮酒揚子江

爲九江方七高賦

匡廬山中有佳士
讀書結屋青雲松
碧窓夜影紫翠動
落日照見香爐峯
窺燈夜壁山鬼過
采蘭東徑仙人逢
危簷墮雪聽風竹
古寺隔嶺聞煙鍾
每思幽絕動歸興
歲晚落葉迷行踪
扁舟何日過湖口
分我半壁青芙蓉

薩天錫詩集

卷上
四十六

汲古閣

將至太平驛卽興

上灘泊處無十里
舟人鼓舞家家喜
到驛歡呼如到家
明日舟行復如此
驛行傳食過年年
何日歸種淮南田
玉堂金馬雖云貴
白酒黃鷄不論錢

中秋月夜泛舟於金陵石頭城

秦淮流水西復東
倒涵天影磨青銅
飛廉掃空出海月
明珠飛入琉璃宮
着我扁舟二三友
江上雪槎泛牛斗
笑語人間兩岸燈
進君江上一尊酒
醉來起舞聽浩歌
宛如玉樹春風和
世間樂事古來

少天下月明今夕多六代江山自瀟灑潮落潮生
石城下人生得意當歡遊此月此水年年秋

曉上石壁灘

龍溪三月人上船十里五里灘聲喧浪花飛雪灑
石壁船尾落月傾金盞越兒臥篙頭刺水露重布
帆風不起近山鍾動石樓中隔水雞鳴煙樹裏過
江日日水與山詩人得趣如得官白雲遙在太行
北何日歸舟下石灘

過臨平

陸天錫詩集

卷上
四十七

汲古閣

昔人五月臨平路汀洲藕花滿無數此來三月過
臨平雪白楊花捲波去楊花捲盡藕花開今人古
人俱到來欲向山陰尋賀老酒船到處且徘徊

越溪曲

越溪春水清見底石鑄銀魚搖短尾船頭紫翠動
清波俯看雲山溪水裏誰家越女木蘭橈髻雲墮
耳溪風高采蓮日暮露華重手滴溪水成蒲萄盈
盈隔水共誰語家在越溪溪上住蛾眉新月破黃
昏雙櫓如飛剪波去

紫溪道中

三月晦日春欲還深林百鳥鳴間關綠雲迷合紫
溪嶺白雨遙掛烏石山山高雨落不到地萬壑千
巖灑飛翠遠人送春千里歸風送藍輿野花陸間
關咫尺上青霄海上三山路不遙地僻題詩公事
少芙蓉帳裏紫雲飄

和同年觀志能還自武昌詠

短衣疋馬走江漢山川歷歷何雄哉漢陽風緊鼓
角動洞庭水深鴻雁來雪消巴蜀浪翻屋黃鶴磯

陸天錫詩集

卷上
四十八

汲古閣

下聲如雷是時立馬夜呼渡清江苦竹猿聲哀

溪行中秋詠月

并序

余乃陸氏子家無田業無儲始以進士入
官爲京口錄事長南行臺辟爲掾繼而御
史臺奏爲燕南架閣官歲餘遷閩海廉訪
知事又歲餘詔進河北廉訪經歷皆奉其
母而行以祿養也後至元三年八月望舟
泊延平津是夕星河燦然天無翳雲月如
白日溪聲潺湲若奏樂四山環抱如拱如

立如侍左右奔走執事者薩氏子奉母生
船上與其婦具酒餽盤饌奉觴上壽繼而
若妹若婿若婢若僕以次而進和而不衰
謹而怡怡月色蕩酒而溪韻雜笑談母懼
甚至舟人醉飲亦相與鼓柁作南歌而樂
今夕何夕不知奉親之在異鄉也嗟夫昔
人所謂宦遊之樂不如奉親之樂實天樂
也薩氏子於是命婦盥爵滿以酒再拜爲
母壽而作歌曰

薩天錫詩集

卷上
四十九

汲古閣

龍津秋水涵太虛今夕何夕光景殊皓月當鏡星
貫珠河漢倒影垂平蕪微波漾漾風徐徐新涼拂
拂飄裙裾阿母今年八十餘清長理髮雲滿梳起
居儼重天人如有子扛官名在儒奉母祿養南北
區晨昏不忍離斯須荆楚燕趙閩粵矣今年去官
南海隅北上咫尺天子都官船軋軋如安車阿母
坐臥襟懷舒清晝夜泊不知挈母在船上重得鋪
芙蓉映水搖氍毹開壺酒熟浮新蛆秋園摘菓雨
剪蔬船尾曲突通行厨家鷄水鴨美且腴鯉鯽鮮

大如江鱸奉觴酌酒前拜趨月波蕩酒如浮酥子
爲母壽婦壽姑阿妹次進偕婿夫酌獻亦及婢與
奴熙熙春盎無親疎行禮有節俱歡娛阿母笑語
情愉愉有婦右策兒左扶舟人醉飽從歡呼鼓柁
節歌聲鳴鳴四山疊翠開畫圖溪瀨漱石如笙竿
重壺酒盡村可酤盤饌狼籍溪可漁人生此樂更
有無異鄉到處同里閭惟期母壽莊椿齡有子願
放返哺鳥作詩記實無浮譽至元丁丑仲秋書

黯黯灘歌

薩天錫詩集

卷上
五十

汲古閣

長灘亂石如疊齒前後行船如附蟻逆湍衝激若
登天性命斯須薄如紙篙者倒掛牽者分攀崖仆
石如猿猱十步欲進九步落後灘未上前灘遭上
灘之難難於上絕壁雖有孟賁難致力灘各況復
呼黯黯過客搭肩增嘆息下灘之舟如箭飛左旋
右折若破圍歎呼踏浪棹歌去晴雪灑面風吹衣
飛流宛轉亂石隘奔走千峯如馬快賈客思家一
夕還傳語灘神明日暮下灘之易易如盤走珠眸
目何可停斯須長風破浪快人意朝可走越暮可

吳適知逆順有如此逆者悲愁順者喜請君聽我
黯淡歌順則流行逆須止順者不必喜逆者不必
愁人間逆順俱偶爾且得山水從遨遊

雲際感興

昨日登芝峯茲晨陟雲嶺俯視城中居萬瓦落深
井風露灑灑生秋寒飛泉落澗聲潏潏與輒輒
度修竹石闌曲曲躋層巒巒絕頂天尺五我欲
排雲擊天鼓九關虎豹不須驚吐膽開心見天語
天鼓不可擊天門何日開請君聽我紫芝曲手招
薩天錫詩集
卷上
五十一
汲古閣

白雲歸去來

百禽歌

漢密將軍開大府門外紛紛客如雨繁絃急管耳
厭聞要聽山中百禽語購求走馬東海頭海頭百
禽聲啾啾疾飛苦走亦不免能言有色貽身憂將
軍縱使花作屋不似山林有真樂江南白苧細於
絲紫竹方籠作青幙鸞鳳在野驤在郊太平將軍
胡不招蕭韶一奏百獸舞玉帛萬國皆來朝嗟嗟
百鳥何足錄日食將軍太倉粟色衰身死螻蟻分

不補將軍一箇肉箇中鸚鵡最能言不說與夫行
路難萬山雨暗泥滑滑不如歸去聲亦乾行不得
也哥哥九關虎豹高嵯峨行不得也哥哥

雨傘

開如輪合如束剪紙調膏護秋竹日中荷葉影亭
亭雨裏芭蕉聲簌簌晴天却陰雨却晴二天之說
誠分明但操大柄常在手覆盡東西南北行

梳頭樂府

紅綃捲袖搖劒聲摩挲睡眼窺秋菱陽臺夢斷不
薩天錫詩集
卷上
五十二
汲古閣

知處一片烏雲愁欲傾一鈎新月掀雲起月漸低

流麻草地玉纖盤轉戲龍形寶釵壓定飛鴉翅
春儉曉誇自然黃金電燕珍珠蟬白頭老嫗低低
笑不覺婆娑二八年

燈草

天涯何處無青青王孫去後蘼蕪深瑤田手種綠
玉髮道是無情却有心此心未明人未識金篦剖
腹森如戟撮得一縷玉虫兒散作萬家紅粟粒侯
門珠網百面霞秦樓玉樹雙頭花慧燈莫與群迷

染正性何愁憊境遽韓堂風露光微顫萬古聖賢
對面而但勤挑剔不憚勞萬炬金蓮紅藥院

胡桃

武陵仙子裙如血不肯洞中事幽絕東風吹珮嫁
西羌生子稜稜剛似鐵道逢賈客懷故山遺兒隨
客東南還銅鈴破曉廣沙漠蠟彈絨愁度玉關瑤
池阿母沉吟久何物外孫如此醜做歸鸚鵡不回
頭欲啄無由堪下口誰知造化無秋春人間枯槁
中清浮請君剖破渾淪看會見滿腔都是仁

陸天錫詩集

卷上
五十三

汲古閣

芒鞋

東家西家賣芒屨南州北州多岐路嚴霜烈日太
行坡斜風猛雨瓜州渡南人求利赴北都北人徇
利多南趨朝朝迎送名利客身身消薄非良圖人
自屨屨負人草從土生復歸土人兮屨兮不知所

繡鞋

羅裙習習春風輕蓮花帖帖秋水擎雙尖不露行
復顧猶恐人窺針線情縷雲隱映籠新月花影依稀
視香頰彩鳳將翔相顧飛鴛鴦護語愁丹裂落

紅濕透胭脂膩半幅凌波剪秋水莫教踏破浣溪
沙濕重東風擡不起

燈蛾來

燈蛾勞燈蛾勞粉其面錦其袍遠燈不去千百遭
忽然性命輕鴻毛一鳥死百鳥號一獸死百獸嗥
爾爲微物不自覺往來就死何滔滔燈離滅燈復
多蛾兮蛾兮奈爾何

又

燈蛾來燈蛾來遠燈不去飛徘徊清光紅焰午夜
陸天錫詩集

卷上
五十四

汲古閣

開忽然性命隨飛灰平生不飭太陽裏何故趨炎
來就死人生有情皆愛身何故將身爲戲爾

飛奴

雖雄相對鳴鳴鳴翅翎無異顏色殊營巢寄養出
人力安心飲啄還哺雛借問何修得如此世上群
禽那可比不疑不詐已戀人自去自來人信已曉
天空潤風日清離籠衫袖相費緊得時可展青雲
志回首無忘白屋情蒼鷹繫緊鷓鴣籠窄以身誤人
類愈力吁嗟此鳥得人憐有性有情非一日

長門秋漏

上壺注水水縷明中壺激箭移銀星銅龍宛轉吐
余毒悶殺長門不寢人情雲心上如火色淚潄濕
透銀蟾白三百六旬尚可支二十五聲消不得何
人夜扣相如扉千金買賦成何遲男兒酒後多情
思此意文君知不知

北人上塚

南人城南逢清明北人城北號哭聲人生何處問
南北春秋霜露俱含情天涯芳草何青青杜鵑口

薩天錫詩集

卷上
五十五

汲古閣

血花冥冥酩酊一壺麥一飯香火照日藏流螢自
言家住大河北閩嶺相望六十六血氣尋尋呼應
聲音客皎皎常在目虛名薄利非良圖故山松栢
號夜孤兒身有祿親不待親墳無主兒義辜低頭
再拜襟盡血行路人情爲慘切紙灰低拂綠楊風
盃灑殘沙上月人言朔客鐵心腸誰無半餉情
慘傷宦遊既知離別苦何如拂衣歸故鄉

枯荷

紅雲一夢何茫茫綠繁瘦骨擊欲偃愁多有魂吊

秋水故池日夜淒新霜鴛鴦相顧魂已泣白魚起
身銀尺立堂中書客感秋風一片青衫和淚濕

春別

花氣壓簾不愁掃細雨繡繡長芳草玉釵燕尾剪
春寒坐惜流年鏡中老東風吹柳人不知春嬌滿
眼單雙眉吳松錦字夢中得曉來月落聞烏啼南
園日暖蝴蝶醉香霧熏人海棠睡朱門小立蹴金
蓮落紅起作離人淚

南臺月

薩天錫詩集

卷上
五十六

汲古閣

城南江上逢中秋城南石梁初截流長虹一道貫
秋色中分百里江南州殘露消盡魚尾黑金蛇翻
動三江白水輪擁出碧玻璃照見釣龍臺上客臺
中之客懷古心黃河太華三登臨今年攜月醉臺
畔越水越山爲月吟無諸城裏人如海無諸故塚
埋殘霸無諸臺上草離離龍去臺空三十載昔龍
已去江悠悠今龍雖在人未求懷珠豈立此臺下
要上黃金臺上釣乾坤四顧渺空濶詩書元氣行
勃勃合沙古識此其時天下英雄求一決南臺月

照男兒面豈照男兒心與肝燕山買駿金萬斛萬里西風一劍寒

征婦怨

有柳切勿栽長亭有女切勿歸征人長亭楊柳自春色歲歲年年送行客一朝羽檄風吹煙征人遠戍居塞邊轉轉車馬去如箭錦衾繡枕難留戀黃昏寂寞守長門花落無心理針線新愁暗恨人不和欲語不語羣冤肩妾身非無淚有淚空自垂雲山烟水隔吳越望君不見心愁絕夢魂暗逐蝴蝶

陸天錫詩集

卷上
五十七

汲古閣

飛覺來羞對窻前月窻前月色照人寒遲遲鐘鼓夜未闌燈闌有恨花不結粧臺塵慘悽班班半生偶得一錦字道是前年戰時苦一朝血杆煙數除腰間斜掛三珠虎妾心自喜還自驚門前忽聞凱歌聲錦衣繡服歸故里不思昔日別離情別離之情幾青草鏡裏容顏爲君老黃金白璧買嬌娥洞房只道新人好

春遊太真觀

東風惱人如着酒曉鶯啼斷門前柳青山忽然笑

我懷飛上玄都弄星斗綠雲弄雨小立久幾片落花春在手遽東白鶴胡不歸松下丹鉛老霜白

題二宮人琴壺圖

行雲留影雪弄香藕絲織翠芙蓉裏春風拂拂蘭蕙芳金殿不銷魂鴛鴦水絃素手彈鳳凰玉壺投矢聲玳瑁花落無人春寂寂侍女空抱琵琶泣誰知絕代有佳人不解傾城與傾國笙歌別院留春住嬋娟千古蛾眉妬却笑長門閉阿嬌黃金好買相如賦

陸天錫詩集

卷上
五十八

汲古閣

過桐廬

桐廬山水天下清洪濤拍岸山圍城桐君已乘丹鳳去世間草木誰知情落日搖紅魚尾赤江上潮回沙嘴立三三兩兩野人家半住漁村半樵牧盡拋章甫求仙靈松間黃鸝喚不應阻風三日看山色平生慣識枯枝藤碧桃海上開多少幾度春風長瑤草白雲滿地不歸來石爛松枯天地老

陸天錫詩集卷上

陸天錫詩集目錄

卷中

送聞師之五臺

題北固山無傳上人小

樓

送石民瞻過吳江訪友

鍾山曉行

和學士伯生虞先生寄

韻

投宿龍潭道林寺

寄舍弟天與

送景南舟上人歸江西

偕趙逢吉避暑石頭城日暮余歸逢吉留宿

山中次日寄逢吉并長老珪白巖

陸天錫詩集

卷中目

汲古閣

鳳凰臺望祭進士鄭復初錄事

夜宿昇龍觀

秋日雨中登石頭城訪長老珪白巖不過

同朱舜咨王伯循登山妙高臺

寄御史王伯循

九月七日舟次寶應縣

雨中與天與弟別

泊舟黃河口登岸試弓

送南臺從事劉子謙之遼東

錄囚河間還司送憲使韓仲宜調山東

苦雨水溢呈憲司諸公

立秋日登烏石山和楊子承

登烏石山仁王寺橫山閣

送觀志能分得君字志能與僕同榜又同南

臺從事考滿北還

過采石驛

題焦山方丈壁和僧韻

送李恕可隨王宗師入京

送莫秀才歸番陽

寄朱縣尹

寄石民瞻

題舊驛驛

陸天錫詩集

卷中目

汲古閣

題江東精舍

題紫微觀馮道士房

正覺寺晚歸贈益山長老

大崔鎮壁間韻

寄王御史

送管元帥南征

過淮安暢會伯都事幽

居百

過高唐感事

寄省郎郭天錫

送金德敬之句容

贈訴笑隱長老

都下同翰林諸公送御史尚遊題紫驢馬

鍾山遇風雨

龍潭送侍中田美中攜

酒十里作

送道士良才冠還楚丘

寄習思敬

寄中臺照磨子微

病起城東晚步

大韻郭侍御

寄山叢臺郎

送宣古木

過賈似道廢宅

送人之浙東

送人

寄友

范僉事幽居

病中書懷二首

大別山

元統乙亥余錄囚至滄

州坐清風樓

山中懷友六首

薩天錫詩集

卷中目

汲古閣

送唐卿御史

題劉山長雪夜板輿圖

宿大橫驛

溪彷彿中秋望月

遊梅仙山和唐人韻四首

平川幽居二首

次王御史韻

和吳贊府齋中十詠

寄志道張令尹

送人兄弟相別

玉山道中

道中謾興二首

哭同年進士李竹樞經歷二首

偶題清涼境界

京口夜坐

登金山雄跨亭

寒夜懷京口韻

馬上

送管十班監憲除廣西

宜慰使

偕侍御郭翰卿過鍾山

大崇禧萬壽寺文皇潛邸所建御榻在焉

侍御索詩因爲賦此

寄賀天竺長老訴笑隱召住大龍翔集慶寺

夜宿池陽石墨驛納涼溪橋文皇南幸江陵

駐蹕所也徘徊久之賦詩未就忽雷電晦

冥風雨大作急趨驛舍秉燭寫東壁時至

薩天錫詩集

卷中目

汲古閣

順壬申五月

題劉漢中司空山隱居

圖

高郵城樓曉望

燕將軍出獵

登鳳凰臺御史大夫易

釋重何公索詩援筆應命

再過鍾山大禧萬壽寺有感

和中丞伯庸馬先生贈別中丞除南臺僕馳

驛遠迓至上京中丞改除徵政以詩贈別

寄京口鶴林寺長老了即休

偕廉公亮遊鍾山和叅政繼學王先生海

南還韻

詠芙蓉

次學士盧疎齋題贈句容唐別駕

三衢守馬昂夫索題爛柯山石橋

宿茅山崇禧觀南塢樓

題元符宮東秀軒又各日觀

元統乙亥歲集賢學士只兒合舟奉旨代祀

真定路玉華宮睿宗仁聖景襄皇帝影堂

僕備監禮登鎮陽龍興寺閣觀銅

鑄觀音像寄奉政許可

薩天錫詩集

卷中目

汲古閣

寄賀進士也先不花仲實除侍儀通事舍人

僕官燕南照磨大名文濟王重賜緣二端賦

詩以謝寄文濟王府教授郭尚

之送食事王君實之淮東

元統乙亥歲余除閩憲知事未行立春十日

恭政許可惠茶寄詩以謝

別江州總管眞定王克紹

阻風崔鎮有感再過界首驛

姑蘇臺奉和侍御繼學王先生贈別

錢唐驛樓望吳山贈陳泉仲

贈吳山紫陽菴女道士

并序

過鵝湖寺題鵝浴池

贈仁王講師達上人

臺山懷古石夫人詩

安分丁卯年及第謝恩崇天

門勅賜恩榮宴

同克明曹生清明日登北固山和韻

寄呈江東廉使王繼學

薩天錫詩集

卷中目

汲古閣

金陵道中

層樓

述懷句曲贈清玄道士陳王

泉朝京還山復拜廣陵觀

望金陵季子廟

題揚州驛雪米

移梅元日

寄馬昂夫總管送僧歸廬山

次張舉韻題皖山金氏繡野平

贈莫州同年縣尹米思泰

送劉子謙照磨之廣西

和馬昂夫雜詠賞心亭懷古

層樓感舊 上趙涼國

贈學古澹上人 送君卿伯循二御史廣

東俞憲時僕在燕南

送龍翔寺約上人之俗歸宜興狀寺

再遊崇禧寺 遊青溪道院

題李遵道畫竹木圖

送張都事南臺 送南臺察院史馬允中

薩天錫詩集 卷中目 汲古閣

臺 和張仲舉清溪夜行

九日 休上人見訪

清菴攜酒訪 送友人進柑入京

送友人之廣西 四時宮詞四首

京城春日 贈劉尊師

訪揭曼碩祕書 采石懷李白

登石頭 題舒真人北山樓觀圖

次韻送虞先生入蜀代祀

寄句曲外史 寄王本中

次韻寄茅山張伯雨二首

過孫開 同吳郎飲道院

病中夜坐 觀駕春遊二首

送僧還江西 寒夜卽事

招隱首山分韻得生字

殿試謝恩次韻 遊竹林寺

次韻送人還茅山 酌桂芳庭

賀內臺治書奉勅樹碑先登

遊長干寺 次韻三首

薩天錫詩集 卷中目 汲古閣

廣平馬懷素寓居姑蘇雨中見過

送人之金陵 寄長常伯雨

奉次參政繼學王先生海南還桂林道中韻

無題 南安道中

章貢道中 吉安道中

采石謾興 次韻登凌歊臺

過姑熟懷陳行之教授

宿青陽雲松臺二首 過五溪

九華山題石潭驛 寄中曹學士除浙江財

賦總管聞至姑蘇

夢登高山得詩

二首

石門懷舜咨夜坐

建德道中

寄湖南張子壽以西臺

御史拜前職素有退志故舉兼善勸之

大同驛

答茅山道士見寄

酬張伯雨寄茅山志

奎章閣觀進皇朝經世大典

西宮春日

登鳳凰臺

京師春夜呈宋禮部

應天錫詩集

卷中目

汲古閣

送王習靈新授宗師朝京

飛鳴宿食雁

寄新原林道士

遊鍾山

登北固城樓

鶴林僧送竹笋

遊鍾山

陪張御史遊鍾山 和同舉觀志能還武昌

題半山寺

江城翫雪

遊金山

平望驛道

送王御史

題玄妙觀玉皇殿

復題平望驛

卷中目

薩天錫詩集卷中

薩都刺天錫

送開師之五臺

開子初識面天涯任去留西風洞庭樹落日楚淮
舟歲月棕鞋底江湖竹杖頭丹陽繞洗鉢又入五
臺遊

題北固山無傳上人小樓

甌城春寂寂石磴草斑斑倚杖高低月登樓遠近
山百年詩句裏三國酒杯間自嘆黃塵客來消半
日閑

卷中

汲古閣

日閑

送石民瞻過吳江訪友

老友吳江去吳江水尚高一樽散鱸膾四月過樓
桃雙鏤綠玉杖風流白紵袍西窗故人夜應是動
揮毫

鍾山曉行

樓閣龍雲氣蒼茫第幾峰長風萬松雨落月半山
鐘石磴盤空險僧廊落葉重吾皇曾駐蹕千古說
蟠龍

和學士伯生虞先生寄韻

白鬢眉山老玉堂清晝開聲名滿天下
翰墨落人間才俊賈太傳行高元魯山
獨憐江海客樽酒夜闌珊

投宿龍潭道林寺

倦遊借禪榻客意稍從客落日江船鼓孤燈野寺
鐘竹雞啼雨過山白帶雲春半夜波濤作長潭起臥龍

寄舍弟天與

陸天錫詩集

卷中

汲古閣

鴻鴈飛南北關河隔弟兄水通鄒子國舟泊漢陽
城落木風霜下高秋鼓角清故人如有意爲我道鄉情

送景南序上人歸江西

登高傷遠別鴻鴈幾行飛萬木江頭落一僧船上
歸故山秋嶂遠殘日晚鐘微亦有同袍者多應候竹扉

偕趙逢吉避暑石頭城日暮余歸逢吉留宿

山中次日寄逢吉并長老珪白巖

竹下一僧坐城頭獨客還星河下平地風露滿空
山大吹松林外燈明石壁間故人借禪榻心共白雲閑

鳳凰臺望祭進士鄭復初錄事

已矣鄭錄事功名與願違嶺翹如挿戟體弱不勝
衣白日長江去青山何處歸崇臺三酌酒目斷鳳南飛

夜宿昇龍觀

舊日宸遊地朱欄護筆紋龍飛九天雨鶴夢一龕
陸天錫詩集

卷中

汲古閣

雲神火丹爐見仙音客枕聞殷勤謝道士深夜禮茅君

秋日雨中登石頭城訪長老珪白巖不遇

石頭城上去紅葉雨紛紛半日不見路四山都是
雲魚龍隨水上鐘磬隔江聞遙憶南庄叟天寒補衲裙

同朱舜咨王伯循登金山妙高臺

幾年無此客同上妙高臺落日地中去長江天際
來英雄成往事歲月付啣杯無限登臨意舟人莫

重催

寄御史王伯循

曠達王夫子才高早避名昨離建業水今住廣度
城有酒從人飲無田藉筆耕竹西燈火夜誰識繡
衣行

九月七日舟次寶應縣雨中與天與弟別

解纜不忍發船頭雨濕衣汝兄猶是客吾弟獨先
歸行役關河遠虛名骨肉稀如何淮上鴈不作一
行飛

薩天錫詩集

卷中

汲古閣

泊舟黃河口登岸試弓

泊舟黃河口登岸試長弓控弦滿明月脫箭出秋
風旋拂衣上露仰射天邊鴻詞人多膽氣誰許萬
夫雄

送南臺從事劉子謙之遼東

往復一萬里嗟君已兩行朔風吹野草寒日下邊
城策馬犯霜雪逢人問路程歸期在何日應是近
新正

錄囚河間還司送憲使韓仲宜調山東

一想分司日人生類轉遂同行三伏盡此別幾時
逢雪賣泉花白霜林柿葉紅山東好風景少駐莫
匆匆

苦雨水溢呈憲司諸公

病客如僧懶多寒擁毳裘三山一夜雨四月滿城
秋海漳連雲起江湖入市流釣竿如在手便可上
漁舟

立秋日登烏石山和楊子承

海國山西園繁華坐消歇樓觀沉夕陽鴻鴈下秋
薩天錫詩集

卷中

汲古閣

色水邊無麗人石上多古刻感此暮歸遲秋露滿
山白

登烏石山仁王寺橫山閣

千尺青蓮座煙霞擁地靈山川幾編屐日月兩浮
萍鳥沒天垂海龍歸水在瓶深堂說法夜應有石
頭聽

送觀志能分得君宇志能與僕同榜又同南

臺從事考滿北還

登臺曾竝轡射策又同文八月中秋別三年此日

分風霜下木葉鴻鴈渡江雲無日不思我有詩還寄君

過采石驛

客路青山外鄉心落照邊
煙浮野樹涼雨過淮
天水調誰家笛江帆何處船
蛾眉臺上月今夜照孤眠

題焦山方丈壁和僧韻

故人不忍別野景亦相留
白鴈寒沙月黃雲老樹
秋風霜侵客髮鼓角入邊愁
滿目關河興登臨倦
薩天錫詩集

卷中

汲古閣

倚樓

送李恕可隨王宗師入京

借得茅山鶴乘風飛上天
江聲近九里客路已三
千禁闕紅雲上家鄉碧海邊
待聞金馬詔復見玉堂仙

送莫秀才歸番陽

番陽秋水落白下買船還
遠夢驚新鴈歸帆識舊
灣打碑過薦福攜酒看芝
山却憶曾遊處清溪萬柳間

寄朱縣尹

纔入金川境行行望眼賒
亂山迷驛路一水護人
家地僻民安業官清縣少
衙江東賢令尹心地似
梅華

寄石民瞻

京口石彭澤詩懷似鶴形
蒼天客老健白髮照江
清夜鼎薰雞舌秋袍織鳳
翎醉扶綠玉杖應望石
頭城

題舊縣驛

薩天錫詩集

卷中

汲古閣

高樹日停午斜飛燕子風
一身千里外孤館萬山
中作客辭家久聞人問歲
豐村村桑柘柳羸馬厭
西東

題江東精舍

長日重門靜幽居曲徑深
開樽臨沼上移席就簷
陰竹亂鳥聲散萍開魚影
沉能文李公子抱膝但
長吟

題紫微觀馮道士房

卜築長江上回峰晚更奇
山村猿索飯竹屋鶴聽

蒼雲護燒丹竈泉香洗藥池道人足高興不許俗人知

正覺寺晚歸贈益山長老

粥魚聲已罷日暮掩柴扉送客月在地出山雲滿衣燈明聞犬吠松暗見螢飛深夜長廊靜多應獨自歸

次崔鎮壁間韻

水落歲時晏黃雪欲雪天買舟河下客立馬渡頭船野迥風欺帽天寒袖裊鞭夜眠三鼓後曉發五更前

卷中

汲古閣

更前

寄王御史

御史傳天語飛霜到海垠浙江潮似雪閩土臘如春孤客見明月亂山愁遠人何時動歸興家有白頭親

送管元帥南征

此首當時本缺

楚帆風一葉此去幾時還日暮漢江碧雨晴湘竹斑邊聲連草木野色動荆蠻策平徑後歸心北固山

過淮安楊曾伯都事幽居

萬事歸來好淮陰二畝園教兒書滿架遇客酒盈樽野水到門外漁船繫樹根除書下霄漢坐席恐難溫

又

幽居有真趣何必在山村楚竹深藏屋淮河直到門釣絲魚浪細書帙燕泥昏吟笑坐終日佳期誰與言

過高唐感事

陸天錫詩集

卷中

汲古閣

殘雪覆碧草淒風吹未消王孫去不返魂魄又誰招往事如春夢無人問早朝荒陵斜照裏松樹晚蕭蕭

寄省郎郭天錫

人道省郎好簿書清畫閣惟公不自喜忽爾要思還酒債西湖路歸心北固山閒愁且拋却莫遣長毛斑

送金德敬之句容

元宵能幾日君去獨何心縣市春燈亂山村夜雪

深鄉情猶越分詩句盡唐音後會逢寒食晴光滿樹林

贈訴笑隱長老

佛宮天上有人世見應稀客遇鍾鳴飯僧披御賜
天青春忘蝶夢白日說龍飛遙憶宸遊處金蓮照
夜歸

都下同翰林諸公送御史尚遊題紫驢馬

御史紫驢馬今朝行且嘶遠煙芳草露細雨落花
泥蹋月飲淮水隨雲過汴堤遙思鄉旆日晚立聽
薩天錫詩集

卷中

汲古閣

朝雞

鍾山遇風雨

城市多馳馬清遊有幾人山靈飛白雨朝士說紅
塵雲起鍾樓曉桃開野寺春上人歸太晚誰主復
誰賓

又

遊樂有深處豈知行路難山風吹馬倒松雨滴花
寒丘壑籃輿轉花臺石磴盤吾皇千萬壽曾此駐
金鑾

龍潭送侍中田美中攜酒十里雲作

公子青驄馬追隨十里遠風頭雲葉凍酒面雪花
消惜別頻回首無因見舞腰君歸金帳暖無限可
憐宵

送道士長茅冠還楚丘

淮水春帆動山城積雨餘南臺去千里北闕有三
書白下曾行馬黃河可膾魚廟堂公論在君去莫
躊躇

寄習思敬

薩天錫詩集

卷中

汲古閣

深冬殘雪夜醉臥玉山樓風勁銀爭響花垂絳燭
流連牀無客夢中酒失鄉愁歲月如流水憑高憶
舊遊

寄中臺照磨子徵

中臺高百尺幕府得姚郎洗面風生雨鳴珂月照
霜詩成裁畫錦酒飲賜天香獨有無媒者臺城立
晚涼

病起城東晚步

扶病誰同步尋幽思不群逢僧穿竹去吹笛隔林

聞山勢浮雲合溪流野水分徘徊歸晚還樹影月紛紛

次韻郭侍御

江左風流在長懷晉謝安愛山那厭世長事却嫌官雲霧天門遠風波世路難臺端有東郭白髮漆紗冠

寄士嶷臺郎

薦士如君子文章立玉泥自登臺闕去不使簿書迷薄俸無餘積長貧有病妻長安貴公子中酒聽

卷中
十二

汲古閣

驚啼

送宣古木

鐵面小將軍旌旗照海門兵機出孫武膽氣走桓溫社稷劔三尺乾坤洒一樽茫茫霄漢內此意與誰論

過賈似道廢宅

賈生亦何者此地起樓臺社稷無人物湖山養禍胎前朝亡國恨遺跡後人哀落日空江上王宮亦草萊

送人之浙東

我還京口去君入浙東遊風物孤舟夜闌山雨霽秋出江吳水盡絕岸楚山猶明日相思處惟登北固樓

送人

適意無南北相逢江海邊關山千里外風雨一燈前呼酒友同醉論文子獨賢分襟在今日握手又何年

寄友

陸天錫詩集

卷中
十三

汲古閣

紫禁鶯花老京城四月初層樓開別酒小海出銀魚度日輕肥馬朝天借蹇驢願言江海上亦有病相如

范僉事幽居

邑外桑麻長山中筍蕨甜兒孫薦時菓燕雀下晴簷芳草生合路楊花飛過簾人頭似白雪對客口如鉗

病中書懷

半月閉門坐蕭然遠俗氛病中心似水門外馬如

雲練杵搗寒月香爐生畫薰與來覓明鏡太瘦小
參軍

又

欲向江邊去何時理釣簑城山人樓近隣竹過牆
多春甕浮紅酒晴池戲白鵝開門且消病俗吏莫
相過

大別山

落日在平地蒼茫吳楚秋人隨孤鶴遠天共九江
流風物吞淮海樓船下鄂州凭高一登眺不盡古
薩天錫詩集

卷中
十四

汲古閣

今愁

元統乙亥余錄囚至滄州坐清風樓

晉代繁華地如今有此樓暮雲連海澈明月滿滄
州歸鳥如雲過飛星拂瓦流城南秋水盡寂寞採
蓮舟

山中懷友

遠望空山裏天寒夕夢孤林昏行題題江晚變康
蕪譟議難客我交遊重有吾論文輕咳唾間俗到
耕鋤

又

天府超群彥脩材復壯騰波瀾開白晝羽翼動蒼
冥弱質悲殊調明時欲獨醒應憐楊執戟寂寞太
玄經

又

何事虛齋裏猶分首宿盤高林客艱寒衆翼避扶
搏黑夜文星動青天劍氣寒終南山正好那得悔
儒官

又

薩天錫詩集

卷中
十五

汲古閣

自是麒麟種卑栖又幾年故廬南雪下短褐北風
前歲暮山林瘦天高雨露偏惟應丈夫志未受故
人憐

又

卓犖恒山秀相逢幾抱琴五年風雨別四海弟兄
心嶺外梅花遠山中桂葉深定知稽叔夜高興滿
雲林

又

洛社推年久清村照柿林春風何處客芳草獨行

深遺墨收秦刻新詩學楚音別離無一字目斷白雲岑

送唐卿御史

去去紅塵外秋光滿華嵩故鄉歸去錦行路避乘聽未覺長安遠算成冀北空燕山一枝桂回首正西風

題劉山長雪夜板輿圖

板輿行樂處鶴髮儘鬢髮人子誰無母劉家獨有男諸孫嬉掌上阿母度溪南玉宇光連夜顏酡酒蘆天錫詩集

卷中
十六

汲古閣

宿大橫驛

燈火明沙渡牛羊過水西村春千澗落野店四山齊桂樹偏宜月人家盡向溪秋蟾莫相惱惟聽度關鷄

溪行中秋望月

去歲南閩客今年此日還中秋八月半一水萬山間皓月飛圓鏡迴流轉曲環攜家共清賞何異在鄉關

遊梅仙山和唐人韻

城郭千峰合仙凡一水分顛崖懸鳥道亂石聚羊羣苔井分丹水茶爐煮白雲肩輿萬松嶺有客訪梅君

又

絕頂尋仙跡寒泉照病容栖鸞多種竹愛鶴莫移松丹藥人來乞山鞭手自春秋深霜葉滿麋鹿日相逢

又

陸天錫詩集

卷中
十七

汲古閣

仙人不可見借鶴過仙家夜臥千峯月朝食五色霞祠空風掃葉人去鹿啣花歸隱知何日分爐寧煉砂

又

洞天何處是休日謾尋真老鶴來迎客隔松長似人茶爐敲火急丹井汲泉新風景秋過半烟霞晚更親

平川幽居

深隱雲林靜何須負郭田圖書從塞屋鷄犬亦登

仙釀酒尋仙術
借簾鉸開過武夷洞來上釣魚船

又

九曲溪行盡平川
隱者居看家留白鶴度竹借籃輿
架上多丹藥牀頭有古書
漢廷論封禪應問馬相如

次王御史韻

江城連日雪騎馬欲何之
老樹昏鴉集寒塘落鴈遲
松窻燈下酒竹屋夜深棋
寄語王公子幽棲或
落天錫詩集

卷中
十八

汲古閣

可期

和吳贊府齋中十詠

焦桐

憐爾抱奇質無香已自焚
材高初偶得音古更誰聞
天海空遺操水雷見裂紋
中官方煮鶴終得舍夫君

室間

六籍灰寒久名山依舊藏
淖痕微有字芸草欲無香
後死嗟猶及斯文豈遽亡
世方珍貝葉掩卷一

淒涼

破硯

巨璞何人鑿磨穿偶至今
系文虛線潤兩氣共玄陰
瓦礫開無異塵埃積轉深
明光幾携入往事復何心

殘畫

勝境不可得生綃餘舊圖
丹青初彷彿塵土半模糊
蝴蝶飛疑去波濤折轉無
良工今豈育爲爾一長吁

落天錫詩集

卷中
十九

汲古閣

敗裘

襲爾亦已久風霜實襲穿
甘從稚子笑未受故人憐
雅志逾前古深期及暮年
疊絳今化盡念汝獨依然

舊劍

憶昔蛟龍劍提攜竟出門
紅塵走馬處白日報人恩
歲月銅花澁雲烟斗斗昏
凄然中夜舞回首暗銷魂

塵鏡

古鏡色如墨千年獨此留玉臺蟲網暗珠匣土花
浮莫笑塵埃滿曾令鬼魅愁驕龍今已化雲雨夢
悠悠

廢柴

不解照珠翠早同文字盟何年中路弃無復向入
明宿雨高齋夢秋吟廢館情相看幾今夕及此慨
平生

斷碑

零落秋風臥何年破廟碑圖經愁莫載舊說頻
薩天錫詩集

卷中
二十

汲古閣

移野燒龜文失荒臺鳥跡疑遙知千載後拂拭轉
堪悲

臥鍾

龍簾久摧折深埋奈爾何耕民誰睥睨野衲自摩
挲雅奏多年歇銘文幾字訛斜陽荆棘裏長伴舊
銅駝

寄志道張令尹

淮南宣化閣相對石頭城二月風帆過滿江春浪
生青山行不斷綠野盡開耕令尹張公子兒童知

姓名

送人兄弟相別

送兄南浦上情思兩悠悠昆弟難爲別江山總是
愁櫓聲搖夜月帆影障寒流後夜相思處嗷嗷鴻
鴈秋

玉山道中

積雨千峰霽溪流兩壑平野花多映水山鳥自呼
各人語隨鄉變官船帶月行江南數千里無處不
顯情

薩天錫詩集

卷中
二十一

汲古閣

道中說興

雲氣千峰暝溪流水拍橋竹溪泥滑滑榕樹雨滿
滿曲棧釣崖角垂虹掛嶺腰山家酒初熟或事借
柳瓢

又

綠樹鶯啼盡山紅映碧蘿一年春事了四月雨聲
多聞海夏無暑山田晚種禾遠人千里別歸思欲
如何

哭同年進士李竹操經歷

以下三首向誤
入古風今訂正

進士如公少何期與死隣青山歸葬骨白髮未封
親已矣官三郡哀哉子一人送君螺水上嗚咽淚
沾巾

又

此去成長別額將雨淚揮空江片帆遠落日亂鴉
飛白紙招魂葬青山有夢歸雙親頭似雪塵暗老
萊衣

偶題清涼境界

今日清涼境明朝劬水心酒堪消客況泉可洗塵

薩天錫詩集

卷中
二十二

汲古閣

襟佛古荒苔鮮林深繁綠陰樵歌山路晚餘興付
歸禽

京口夜坐

鐵甕城頭刻漏遲涼霜如雪撲簾飛雁聲墮地夢
迴枕月色滿城人搗衣塞北將軍猶索戰江南游
子苦思歸呼鷹腰箭從圍獵首宿秋深馬正肥

登金山雄跨亭

朱欄六曲倚高秋元氣茫茫日夜浮客去客來天
地老潮生潮落古今愁疎鐘水國前朝寺落日海

門何處舟更擬黃昏盡餘興却從燈火望揚州
寒夜懷京口韻

帝京久別夢相同鴻濛佳氣凌青空石麟銅雀動
涼月玉樓珠箔搖天風宮壺龍渴晚漏盡御街馬
滑春雪融繡衣貂帽少年子銀甕索酒蒲萄宮

馬上

秋水芙蓉淡淡粧平湖昨夜有新霜人間女子空
自好馬上郎君不暇狂十二玉樓多薄命三千客
路盡他鄉上林白雁無消息欲向何人寄斷腸

薩天錫詩集

卷中
二十三

汲古閣

送管十班監憲除廣西宣慰使

持節曾臨江漢上分符又入瘴雲間花廳一日行
千里金虎三珠照百蠻露帳旌旗天接水星營鼓
角月連山九重應有平徭託日聽將軍奏凱還

偕侍御郭翰卿過鍾山大崇禧萬壽寺文皇
潛邸所建御榻在焉侍御索詩因爲賦此

虎踞龍蟠王氣多雲深石磴碧嵯峨珠璣獨占金
陵勝寶地曾經翠輦過花草舊曾沾雨露殿臺今
已近星河登高願效封人祝萬歲千秋保太和

寄賀天竺長老訴笑隱召住大龍翔集慶寺

東南隱者人不識一日才名動九重地濕服看天竺兩月明來聽景陽鍾衲衣香暖留春磨石鉢雲寒臥夜龍何日相從陪杖履秋風江上採芙蓉

夜宿池陽石墨驛納涼溪橋文皇南幸江陵

駐蹕所也徘徊久之賦詩未就忽雷電晦冥

風雨大作急趨驛舍秉燭寫東壁時至順壬

申五月

聖明天子南巡日尚想溪橋洗馬時雷電神光猶

薩天錫詩集

卷中

汲古閣

警蹕草茅賤士敢言詩山河夜黑鬼神護雨露春

深草木知松栢如龍人霄漢行人謂是萬年枝

題劉漢中司空山隱居閣

放光峰下結茅廬光照山人夜讀書童子抱琴隨

白鶴隣翁看竹借藍輿門前秋景從風掃屋後春

田帶雨鋤自嘆天涯倦遊客十年未有一廬居

高郵城樓曉望

城上高樓城下湖城頭畫角曉鳴望中燈火明還滅天際星河澹欲無隔水人家種楊柳帶霜見

雁起孤蒲短衣匹馬非吾事擬向烟波覓釣徒

燕將軍出獵

將軍一戰山河定雲漢昭回玉帳高柳外解鞍春洗馬月中飛箭夜鳴鵬呼鷹走狗清時樂斬將奪旗舊日勞白面宦官催賜酒漢廷不數霍嫖姚

登鳳凰臺御史大夫易釋熏何公索詩援筆

應命

六朝歌舞豪華歇商女猶能唱後庭千古江山圍故國幾番風雨入空城鳳凰飛去梧桐老燕子歸

薩天錫詩集

卷中

汲古閣

來楊柳青白面書生空吊古日陪驄馬繡衣行

再過鍾山大禧萬壽寺有感

紫翠烟霞出上方遊人登覽憶先皇石闌空見巖花落翠輦不來山路荒此日風雲消王氣舊時草木淒天香夜深行殿無人到應有山靈護御林

和中丞伯庸馬先生贈別中丞陰南臺僕馳

驛遠迂至上京中丞改除徵政以詩贈別

江南驛使路遙遙遠赴龍門看海潮桂殿且留脩月斧銀河未許渡星軺隔花立馬聽更漏帶月鳴

珂趁早朝祗恐淮南春色動萬竿煙雨綠相招

寄京口鶴林寺長老了卽休

白頭不出城南寺枯坐蒲團笑客忙過暑葛天從
破碎逢秋竹院愈荒涼空山雲濕龍歸鉢古屋松
低鶴到林遙憶題詩舊遊處夜深東壁月蒼蒼

借廉公亮遊鍾山

十里松風吹酒醒馬頭雲氣碧峻嶒空山落葉疑
聞雨古塔疎林不見燈勝地難逢今日會舊遊却
憶向年曾使君五老峯前去應有新詩寄病僧

薩天錫詩集

卷中

汲古閣

和叅政繼學王先生海南還韻

飄零南北與東西倦鳥投林未許棲燈下冷風山
鬼嘯嶺南春雨竹鷄啼炎天海國瘴雲合深夜蠻
鄉客語低昔日持書烏府上五花驄馬作霜蹄

詠芙蓉

斑簾十二卷輕碧秋水芙蓉隔畫欄綵扇迎風霞
透影錦袍弄月酒生寒湘魂翠袖留江浦仙掌紅
雲濕露盤祗恐淮南霜信早絳紗籠燭夜深看

次學士盧疎齋題贈句客唐別駕

疎齋落落謫仙才句曲名山數往來日讀茶經醫
酒病春從隣舍覓花栽昔年奏對含鵝舌今日登
臨獨鳳臺賴有開居唐別駕尋詩猿鶴莫驚猜

三衢守馬昂夫索題爛柯山石橋

洞口龍眠紫氣多登臨聊和采芝歌爛柯仙子何
年去鞭石神人此地過烏鵲橫橋秋有影銀河垂
地夜無波遙知題柱凌雲客天近應聞織女梭

宿茅山崇禧觀南塲樓

天際三峯橫紫烟山前山後盡芝田樓臺木末疑
薩天錫詩集

卷中

汲古閣

無路鷄犬雲中半是仙白石經年皆化玉青松鎮
日抵聞泉曲林三館幽棲地一夜鐘樓聽雨眠

題元符宮東秀軒又名日觀

茅君山下種玉田道士關爲東秀軒五色曉霞開
日觀萬株秋露滴雲根竹園笋出穿龍角松樹年
深長鶴孫一道天河橫屋過奎光垂地夜當門

元統乙亥歲集賢學士只兒合舟奉旨代祀
真定路玉華宮唐宗仁聖景襄皇帝影堂僕

備監禮

大帝天香出內宮孝思與世總無窮百年禮樂行
三獻一派蕭韶起半空使者領班雲氣裏女仙棡
佩月明中小臣監禮陪清列兩袖葵花映燭紅

登鎮陽龍興寺閣觀銅鑄觀音像

眼中樓觀見應稀鐵鳳樓簷勢欲飛天半寶花飄
閣道月中桂子落僧衣高擎玉露仙人掌上碑銀
河織女機全趙堂堂遺物在山川長是昔人非

寄蔡政許可用

紫髯蔡政黑頭公日日鳴珂近九重花底聽鶯黃

薩天錫詩集

卷中
二十八

汲古閣

閣散御前批鳳紫泥封却將筆下文章潤散作人
間雨露濃未信吟詩趙幕府寒霜翠袖倚芙蓉

寄賀進士也先不花仲實除侍儀通事舍人

舍人楚楚好容儀立任清朝白玉輝紫袖窄衫花
萼繞黃金小帶荔枝垂綵旗拂柳春班卷宮漏穿
花午仗移朝罷太平無事日芙蓉葉上好題詩

僕官燕南照磨大名文濟王重賜綵二端賦

詩以謝

夜夢東南五色雲曉聞使者已臨門府中重遣年

前賜幕下多承望外恩芝草暖霞浮露絲藕絲秋
水纖霜痕何因得侍西園宴宮錦淋漓獻壽樽

寄文濟王府教授郭尚之

聞君客食賢王府翦地芙蓉賜坐溫不愛時名題
鴈塔願將苦學授龍孫中官送酒銀餅小前席談
經絳帳尊却笑馮驩事干謁無魚彈缺尚侯門

送俞事王君實之淮東

使君臘月揚州去東閣梅開雪壓枝淮上有官皆
避馬竹西無處不題詩春風楊柳平山路夜月瓊

薩天錫詩集

卷中
二十九

汲古閣

花后土祠從此公餘多勝覽好傳佳句遠人知

元統乙亥歲余除閩憲知事未行立春十日

蔡政許可用惠茶寄詩以謝

春到人間纔十日東風先過玉川家紫薇書寄斜
封印黃闌香分上賜茶秋露有聲浮薤葉夜窻無
夢到梅花清風兩腋歸何處直上三山看海霞

別江州總管眞定王克紹

我識文章王太守不知幾日上潯陽琵琶亭前好
明月香爐峯頭多夜光吟詩寫字午衙靜打鼓勸

農春社忙萬一公餘頗相憶寄詩應到荔枝鄉

阻風崔鎮有感

逆風吹河河倒行阻風時節近清明南人北人俱
上塚桃花杏花開滿城雖云年少慣作客便覺此
日難爲情河魚村酒亦足醉賴有同船好弟兄

再過界首驛

二月好風吹渡淮滿湖春水綠如苔官船到岸人
多議楚館題詩客又來近水人家楊柳暗禁烟時
節杏花開一官迢遞三山遠海上星槎幾日回

薩天錫詩集

卷中

汲古閣

姑蘇臺奉和侍御繼學王先生贈別

驄馬霜臺好使君碧羅彩色繡春雲簾垂綬帶蝦
蟇纖燭翦金釵燕尾分四海名高瞻北斗五絃調
古和南薰姑蘇臺下人無數爭看文星拜主文

錢唐驛樓望吳山

仙居時復與僧隣簾幕人家紫翠分後嶺樓臺前
嶺接上方鐘鼓下方聞市聲到海迷紅霧花氣漲
天成綵雲一代繁華如昨日御街燈火月紛紛

贈陳衆仲

江南少識陳衆仲闕下才名北斗齊直闕每從花
底過揮毫曾向御前題觀魚小海風新浴立馬上
林驚亂啼今日西湖湖上路獨騎款段踏春泥

贈吳山紫陽菴女道士

并序

武林吳山紫陽庵湖民有丁姓者棄俗爲
全真一日忽召其妻入山書詩四句云癡
散六十三妙用無人識順逆兩俱忘虛空
鎮常寂坐抱一膝而逃俗謂之騎鶴化其
妻束髮簪冠爲女道士奉其夫屍二十年

薩天錫詩集

卷中

汲古閣

不下山幾於得道神仙渺茫姑不暇論其
婦一節乃可尚也婦年七十七王其姓諱守
素亦湖人云登覽之餘因爲賦詩

不見遼東丁令威舊遊城郭昔人非鏡中春去青
鸞老華表山空白鶴歸石竹淚乾斑雨狂玉簫聲
斷絲雲飛洞門花落無人迹獨坐蒼苔補道衣

過鵝湖寺

十里蒼松對寺門四圍翠滴露紛紛湖心水滿通
銀漢山頂鵝飛化白雲玉井芙蓉天上露勸池雲

浪月中聞石林茶竈如招隱還許開人一半分

題鴉浴池

天池霹靂斧斤餘天風萬劫吹不枯白雲石面化
青雨落日海眼翻金易銀河靈鵲渡夜影月窟老
兔時濡鬚太平海上錦袍客跨鶴來看洛鳳雛

贈仁王講師達上人

香山居士美如玉亭亭秋水開芙蓉承恩長揖紫
宸殿飛錫遙掛烏石峰散花天女遠經閣出海神
龍聞講鐘攢眉入社笑陶令載酒三生石上逢

薩天錫詩集

卷中
三十二

汲古閣

臺山懷古

粵王故國四圍山雲氣猶屯虎豹關銅獸暗隨秋
露泣海鴉多背夕陽還一時人物風塵外千古英
雄草莽間日暮鷓鴣啼更急荒苔野竹雨斑斑

石夫人詩

危危獨立向江濱四伴無人水作隣綠鬢纒梳千
載髻朱顏不改萬年春雪爲膩粉憑風傳霞作胭
脂仗日勾莫道臉前無寶鏡一輪明月照夫人

安分

心求安樂少思錢無辱無榮本自然春日賞花惟
賞酒冬天踏雪旋添綿頻將碁局消長日時襲香
薰篆細烟萬事皆由天理順何愁衣祿不周全

丁卯年及第謝恩崇天門

禁柳青青白玉橋無端春色上宮袍卿雲五彩中
天見聖澤千年此日遭虎榜姓名書勅紙羽林冠
帶豎旌旄承恩朝罷頻回首午漏花深紫殿高

勅賜恩榮宴

內侍傳宣下玉京四方多士預恩榮宮花壓帽金

薩天錫詩集

卷中
三十三

汲古閣

牌重舞妓當遊翠袖輕銀甕春分官寺酒玉杯香
賜御厨羹小臣涓滴皆君澤惟有丹心答聖明

同克明曹生清明日登北固山和韻

三月二日風日暖千家萬家桃李開少年白日騎
馬去滿城紅雨拂面來共君且飲酒一斗處世不
必歌七哀孫劉事業果何在百年斷石生莓苔

寄呈江東廉使王繼學

瓜步遙聞鼓角聲淮船夜過石頭城當年橫海家
何在比日江湖夢亦清紫塞秋風初度鴈玉堂夜

月舊聞鶯紙應王謝風流在臥治山東足令名

金陵道中

煙樹雲林半有無野人行李更蕭疎
長堠短途官馬山北山南聽鷓鴣
萬里關河成客舍五更風雨憶吾廬
寂寥一點寒燈在酒熟隣家許夜沽

層樓

廣寒世界夜迢迢醉拍闌干酒易消
河漢入樓天不雨江風吹月海初潮
影搖翠幌金蓮炬夢斷涼雲碧玉簫
休唱後庭舊時曲六朝宮殿草蕭蕭

薩天錫詩集

卷中

二十四

汲古閣

述懷

客程去住與身違誤擲漁竿下釣磯
好客不來門戶俗遠親相棄信音稀
青春背我堂堂去黃葉無情片片飛
遙望家山搔短髮故園酒熟蟹螯肥

句曲贈清玄道士陳玉泉朝京還山復拜廣

陵觀

清玄道士騎黃鶴曾向春班趁早朝
香動螭頭雲氣暗路回龍尾珮聲遙
還山去採泉中玉洗耳終亡樹上瓢
聞說淮南招桂隱渡江明月聽吹簫

望金陵

行人雨霽金陵去蕭寺鐘聲又遠聽
五月初聲方洶湧六朝文物已凋零
春風玉樹留歌韻暮日青山立畫屏
千古興亡堪一笑買花載酒賞心亭

季子廟

公子不來春草綠故宮禾黍亦離離
沸原尚有千年井古萊猶存十字碑
去國一身輕似葉歸田兩鬢細如絲
李家兄弟一朝暮羞見延陵季子祠

題揚州驛

薩天錫詩集

卷中

三十五

汲古閣

銀燭高烧照不眠呼兒飲馬吸清泉
寒砧萬戶月如水塞馬一聲霜滿天
金縷歌來枕上銀鐏酒到亭前明朝
走馬燕山道贏得紅樓說少年

雪米

萬斛珠璣湧大荒六丁誰爲發天倉
雲孫捧出南箕簸月姊春來北斗量
狼戾也知逢稔歲貯儲尤不濟飢腸
風流瀟上尋詩客千古無人說枇杷

移梅

幾夜幽香惱夢魂殷勤來倩隴頭人
鑿開東閣窓

前地分得西湖雪裏春瘦影番來新體態疎枝猶帶舊精神今朝伴我清吟處不許詩懷更有塵

元日

元日端門瑞氣新層層冠帶羽林軍雲邊鶴立千官曉天上龍飛萬國春宮殿日高騰紫氣蕭韶風細入青雲太平天子恩如海亦遺椒觴到小臣

寄馬昂夫總管

衢州太守文章伯酒渴時敲玉井水徑造竹林忘是客橫拖藜杖去尋僧人傳絕句工唐體自恐生

陸天錫詩集

卷中
三十六

汲古閣

前是薛能日暮江東懷李白鳳凰臺上幾回登

送僧歸廬山

楊子江頭木葉風上人歸與白雲重淨瓶滿貯蓬萊水客舫遙聽精舍鐘到家自笑門前鶴洗鉢不驚潭底龍珍重匡廬山畔路逢人應問舊栽松

次張舉韻題皖山金氏繡野亭

南冠猶有舊風流說看舒州處處幽最喜園林動花竹不妨城郭帶林丘一樽濁酒青山暮三徑晚香黃菊秋未識孤高金處士杖藜應許約同遊

贈莫州同年縣尹米思恭

倦客重來憶去年荒城斜日淡炊烟民居星散無官訟里巷秋深盡水田禾稼半生城郭裏槐花亂落縣門前路傍父老頭如雪共道文章令尹賢

送劉子謙照磨之廣西

一官未暇馬蹄遥要使南荒識鳳毛幕府紅蓮開白晝轅門碧草映青袍牙旗曉濕蠻烟重羽箭宵鳴嶺月高努力平徭當第一剖符懸印賜勲勞

和馬昂夫雜詠賞心亭懷古

陸天錫詩集

卷中
三十七

汲古閣

景陽宮井綠蕪深空有楊花暗御林一自朝雲歸寺裏幾回明月到樓心陳臺露冷番聲苦楚水波寒雁影沉白髮詞臣多感慨長歌對酒向誰斟

層樓感舊

倚遍欄杆憶往年南朝文物已蕭然空遺故國山如畫依舊長江浪拍天市井笙歌今漸少御街燈火夜相連青青樓外秦淮柳幾度飛花送客船

上趙涼園

笑辭天上九鼎貴來種江東二頃田屈指已無元

老狂全身惟有國公賢
新亭不必悲王道彭澤何
曾改晉年如此聲名半天
下人間野史亦堪傳

贈學古潛上人

瘦影相隨九節筇
同袍無處覓行蹤
遠看天目山中寺
來聽石頭城裏鐘
洗鉢泉通陳井水
開窓雲度蔣陵松
忽聞一夜猿啼月
却憶飛來最上峰

送君卿伯循二御史廣東僉憲時僕在燕南

沙頭酒熟惜別離
江波日色浮繡衣
清溪鷗鷺白蕩蕩
白下楊柳青依依
秋雲雙鷗嶺表去
明月一

薩天錫詩集

卷中

汲古閣

雁燕南飛曲江有酒願相憶
莫遣鯉魚音信稀

送龍翔寺約上人之俗歸宜興狀寺

雲水上人歸興忙
棕鞋蒲扇葛衣涼
過湖就得鄉船便
入寺行穿茶樹香
早趁鐘聲持鉢夜
隨燈影認禪牀
定回却憶潛龍處
曾住西廊第幾房

再遊崇禧寺

野人再到城南寺
臨水芙蓉次第開
新酒瓦盆青映竹
舊題石壁綠封苔
夕陽半嶺牛羊下
秋色滿天鴻雁來
獨上新亭天地潤
不須揮淚酒蓬萊

遊青溪道院

晚涼喜見城東月
高照西鄰道士家
丹室火光穿樹木
石壇檐影走龍蛇
蝦鬚捲夜收雲氣
仙掌擎秋湧露華
倚杖扣門驚鶴睡
珊珊珮珞隔青霞

題李遵道畫竹木圖

風流未識生前面
輪墨空遺死後名
鳳尾拂雲秋有影
龍頭出水夜無聲
半生清節江南夢
萬里靈槎海上行
應逐錦袍弄明月
倒騎赤鯉對吹笙

送張都事南臺

薩天錫詩集

卷中

汲古閣

幕府三年冰雪裏
清溪秋水照芙蓉
早霜兩鬢爲客明
月滿船空載書憶
惜中臺簪笏角曾封
直諫動鸞輿而今江海多歸思
白髮慈親暮倚閭

送南臺察院史馬允中臺

御史臺郎書上考
彩衣歸慰日相親
風烟驛路江天曉
燈火船窓雪夜春
幕府十年心似水
京華三月馬如塵
此時應有尋君處
日到松廳莫厭頻

和張仲舉清溪夜行

溪上人家溪樹青
溪行野客思冥冥
月光蕩水遊

魚出脰齒穿花宿鳥醒蔓草古陵神道沒風樓夜
火鬼祠靈後庭遺曲依然枉商女孤歌不忍聽

九日

北固山前逢九日小涼天氣入青袍湘江水落玄
霜下吳地秋深白雁高落帽看花憐我輩呼鷹戲
馬憶兒曹孫劉事業今何在斗酒聊書太白豪

休上人見訪

京口參軍門不出鶴林老子轎相過主人病久來
車少門巷秋深落葉多金帳人趨新党項塵寰誰
薩天錫詩集

卷中

汲古閣

識病維摩如何與子談詩夜臘雪空林落凍柯

清菴攜酒訪

朱石仙人攜酒來病顏今始爲君開何人更有八
十歲與子恣傾三百杯金縷歌殘銀燭短錦袍醉
倒玉山頽明朝酒醒重相見杖屨江村看早梅

送友人進柑入京

綠髮參軍門不出黃巖老叟肯相過九重玉食常
年進千里金柑細馬馱綠水青山南郡遠龜袍貂
帽北風多同年若問儂消息爲說愁來無奈何

送友人之廣西

昂昂野鶴在雞群客裏相逢又見分滴醒玉簫江
左月夢回白馬廣西雲洞庭秋水連天去建業寒
潮入夜聞君過此時應憶我我逢此際却思君

四時宮詞

御溝漲暖綠潏潏風細時聞響風環芳草宮門金
鎖閉柳花簾幙玉鈎閒夢回繡枕聽黃鳥困倚雕
欄看白鵬落盡海棠天不啻修眉慚恨銷春山

又

薩天錫詩集

卷中

汲古閣

日長縫就縷金衣高柳風輕拂翠眉閑倚小樓題
書扇但聞別院笑彈碁主家恩愛有時盡賤妾心
情無限思又向晚涼新浴罷琵琶自撥斷腸詞

又

宮溝水淺不遍潮涼露瑤街濕翠翹天晚不聞青
玉珮月明偷弄紫雲簫正宮夜半羊車過別院秋
深鶴駕遙却把閑情望牛女銀河烏鵲早成橋

又

悄悄深宮不見人倚門惟有石麒麟芙蓉帳冷愁

長夜翡翠簾垂隔小春天遠難通青鳥信瓦寒欲動白龍鱗夜深怕有半車到白起籠燈照雪紋

京城春日

三月京城飛柳花燕姬白馬小紅車旌旗日暖將軍府絃管春深宰相家小海銀魚吹白浪層樓珠酒出紅霞寒驢破帽杜陵客獻賦歸來日未斜

贈劉尊師

羽人推轉阿香車童子穿松入翠華天上賜衣沾雨露山中詩錦織雲霞瑤壇紫氣秋橫劔石屋丹

薩天錫詩集

卷中
四十二

汲古閣

光夜走砂擬借茅居三白鶴乘風騎到玉皇家

訪揭曼碩秘書

城中車馬多如雲載酒問字無一人碧桃花開光艷艷現池水暖波韞縕先生楷書白晝靜家童畫紙烏絲勾落紅滿地送客去十年不見江南春

朱石懷李白

夢斷金雞萬里天醉揮秃筆掃鸞箋錦袍日進酒一斗采石江空月滿船金馬重門天似海青山荒塚夜如年祗應風骨蛾眉妬不作天仙作水仙

登石頭

登臨未惜馬蹄遙古木秋高萬葉凋廢館尚傳陳後主新碑猶載晉南朝年深輦路埋花徑雨壞山牆出翠翹六代興亡在何處石頭依舊打寒潮

題舒真人北山樓觀圖

瑤花琪樹間霓旌十二朱樓接五城臺上吹簫奏弄玉雲邊度曲許飛璫光流漢殿青鸞舞霞擁函闔紫氣明方丈蓬萊俱咫尺不須東望問長生

次韻送虞先生入蜀代祀

薩天錫詩集

卷中
四十三

汲古閣

芙蓉仙掌座中低后土宵光手可齊潤道蹤雲衣有潤蜀天漏雨石無泥岐山過馬應聞鳳陳寶停舟莫信雞揚馬大邦文物盛題詩須近草堂西

寄句曲外史

霞佩翩翩出洞天當時彷彿見臞仙幾年海上張公子今日山中葛稚川滄海塵飛丹已熟玉堂人去榻空縣林間載酒來相覓乞寫丹經與世傳

寄王本中

王郎楚楚金閨彥五鳳樓前看蜀雞花外漏傳銀

箭午日邊班退紫宮西吟詩月白傾盤露歸馬春
紅躑錦泥應念棲遲江左客破牕燈火雨淒淒

次韻寄茅山張伯雨

句曲道人門不出幾時杖屨接殷勤春晴洗藥分
泉去午睡烹茶隔竹聞山脚客行驚犬吠樹皮苔
老結龍文三層臺上月如水平夜吹簫入紫雲

又

天際三峯翠色浮更於何處覓瀛洲也知方外神
仙好不識人間兒女愁白犬吠人驚夜鬼珠簾捲

薩天錫詩集

卷中
四十四

汲古閣

兩人明樓掛冠何日尋高隱竹杖芒鞋絕頂遊

過孫開

將軍一去繁華盡池館長年鎖暮霞金谷東風只
芳草綠牕晴日自楊花鶯兒別去空歌謝燕子歸
來無主家王氣東南已消歇景陽宮沼夕鳴蛙

同吳郎飲道院

三月江南飛柳花松間童子臉如霞旋呼采石仙
人酒來醉山陰道士家西日下城人影散東風吹
馬帽簷斜吳郎今夜瓜州渡回首江頭月滿沙

病中夜坐

江樹花開午夜春綠香吹散隔簾雲吟詩思苦家
人罵鴛鴦聲高隣舍聞惟有工程食白米亦無心
事對紅裙消愁且喜樓西畔明月一池蛙亂喧

觀駕春遊

蕭韶風細入清虛日暖旌旗卷復舒雙鳳曉開金
翅扇六龍春駕紫雲車將軍斜插黃金虎丞相低
懸碧帶魚遙想宮盤露珠滑江南渴殺病相如

又

薩天錫詩集

卷中
四十五

汲古閣

日葵雲間紫鳳韶春隨天上柘黃袍仗前虎將千
金斧馬上鷹兒五色繡獵士開弓黃犬壯宮官擊
鼓紫駝高侍遊亦有中書令七寶雕籠看綠毛

送僧還江西

病僧歲晚歸何處落日空山白雁聲洗鉢欲辭楊
子水買魚多上豫章城雲深廬阜青松老風細鄒
湖白浪生更展諸方圖畫看高低遠近互縱橫

寒夜卽事

枕邊漏水催更箭城下霜風動捲簾寒夜繡轅人

送酒小樓銀燭客提壺自憐今日江南夢猶認當年柳下墟又擬上年燈火夜扁舟載酒下姑蘇

招隱首山分韻得生字

龍飛鳳隱知何處今日空餘黃鶴名千古江山國故國五更風雨人空城復啼洞府暮雲合花落祠堂春草生何日結茅向青壁抱琴坐石聽泉聲

殿試謝恩次韻

御柳青青白玉橋無端春色暖宮袍蓬萊雲氣紅樓近闔闔天風紫殿飄士子拜恩文物盛舍人贊

薩天錫詩集

卷中
四十六

汲古閣

禮旺聲高小臣雖出江湖遠馬上聽鶯夢早朝

遊竹林寺

野人一過竹林寺無數竹林生白煙江左玉龍埋碧草月明黃鶴下青田樹街宿雨藏山鷓鴣花落春風老杜鵑何日來分雲半榻故人不用買山錢

次韻送人還茅山

八十華陽洞裏仙朝回劔履御階前丹砂出鼎無餘火白髮看經有太玄三月雲江春似海九重金闕日如年歸來依舊茅山月道德明言說五千

酌桂芳庭

桂枝秋露洗銀瓶醉裏題詩記嘗曾接竹池通丹井水隔松人誦藥珠經茶香石鼎燒紅葉酒渴氷盤破紫菱一帶鐘山青未了碧牕雲氣護龍亭

賀內臺治書奉勅樹碑先登

解豸我冠侍紫皇繡衣玉斧破炎荒江東丘壠雲山好天上文章雨露香句曲洞中天紫翠鳳凰臺上月清光忠臣孝子千年意永刻豐碑不可忘

遊長干寺

薩天錫詩集

卷中
四十七

汲古閣

秦淮河上長干寺松柏蕭蕭雲日鮮故埃尚存銅雀瓦斷碑猶載晉朝年石壇檐影風吹動輦路磚花雨滴穿惟有長廊舊時月幾回缺後幾回圓

次韻

之子慙慙何處來清談莫苦不論杯五更門外過風雨四月街頭買杏梅喜客有情窓動竹吟詩無興硯生苔君家白酒何時熟病起應須去不回

又

池塘過雨水生漪倚檻觀魚自悅怡長日似添詩

有趣故人因爲病相知涼風忽過簾鈎動午箭初
長刻漏移何處榴花照人面隔牆紅過兩三枝

又

江南三月踏殘芳白苧衣輕樹影涼曲巷銀燈先
馬去誰家翠袖隔簾香細歌金縷鳴牙板新酒檀
槽出玉漿臥病日長思往事買舟乘興過滄浪

廣平馬懷素寓居姑蘇雨中見過

湖海相逢若弟昆丈夫志氣共誰論江山如此苦
多夢風雨蕭然忽過門爲客尚嫌吳俗薄哦詩久

薩天錫詩集

卷中
四十八

汲古閣

別楚音存明朝北固樓中去共聽江聲倒百櫓

送人之金陵

江城積雨開新霽行李蕭蕭去遠矰千古風光
邊白六朝山色馬頭青秦淮月出潮初上蕭寺鐘
聲酒半醒莫唱當時後庭曲殿臺衰草自飛螢

寄良常伯雨

良常道士人不識終歲看山不下樓隔屋書香開
酒甕捲簾樹色入茶甌雲深石磴麋鹿下月黑花
崖猿鶴愁安得飄然出塵鞅長年送別若爲遊

奉次叅政繼學王先生海南選桂林道中韻

空山幽響落林柯蠻犬吠吠碧蘿大庾嶺頭三
月盡鬱孤臺下幾人過橫鄉雨過鳩鳴急薛荔雲
深猿嘯多幾度裁詩寄相憶江南如此奈愁何

無題

爲客三年海上洲故鄉何處瘴雲稠數千里外蠻
人域十八灘頭過客舟時有山禽呼姓字或從海
鳥作朋儔故人珂珮周旋處紫殿風清十二樓

南安道中

薩天錫詩集

卷中
四十九

汲古閣

筍輿初下上江船無數青山入枕邊幾處猿啼愁
入瘴五更雞叫夢朝天不堪歲月如流水賴有文
章似湧泉歸日鄉人問何往云從海上覓神仙

章貢道中

多情明月落船傍萬里孤城望帝鄉客裏已無金
馬詔篋中猶有賜衣香嶺南地濕家山暮天上風
微殿閣涼憶得當年曾夜直玉龍銀箭漏聲長

吉安道中

西風吹雁不成行萬里孤舟下夕陽度峽冷風吹

客帽捲簾涼月落琴牀江湖水滿鷗偏樂花柳春
深馬正忙又看青原山色好故鄉歸計喜相將

采石謾興

誰記將軍亡國時江東父老髯如絲古今天塹幾
千里南北樓船百萬維中國一畫傳箭檄前朝謾
有渡江碑太平到處山如畫暖日晴風颭酒旗

次韻登凌歊臺

山勢如龍去復迴閑雲野望護崇臺離宮夜有月
高下輦路日無人往來春色不隨亡國盡野花只

薩天錫詩集

卷中
五十

汲古閣

作舊時開斷碑衰草荒烟裏風雨年年上綠苔

過姑熟懷陳行之教授

經過姑熟多佳趣卜築黃花老亦佳白髮故人田
負郭青驄遊子客爲家郡齋暮雨開幕子官路山
風過棟花自笑欲歸歸未得裁詩相憶黑羆鴉

宿青陽雲松臺

九老排雲獨擅尊衆山拱戴似兒孫石房仙去神
光現洞府龍歸雨氣昏上古幾年埋地軸至今九
柱挿天根何時身在層峰頂手把丹書扣帝關

又

縣門遙接九華山日日天開圖畫看雲氣曉連銅
篆濕翠光晴鎖硯池寒人間官府紅塵馬天上神
仙白玉盤高臥雲松定何日仰扳北斗夜闌干

過五溪

萬壑泉聲下五溪小涼天氣下溪時相逢橋上無
非客行盡江南都是詩苦雨最嫌鳩喚急愛山不
厭馬行遲幾時宿向華峰頂露月蕭蕭生桂枝

九華山題石潭驛

薩天錫詩集

卷中
五十一

汲古閣

馬上行人看九華飄飄高旆倚天涯排空峭石生
玄筍落日奇峰掛赤霞仙掌九秋擎露屑天河半
夜凝星棹雲中五老應招手喚客來遊太乙家

寄中曹學士除浙江財賦總管聞至姑蘇

錢塘西府曹學士飲酒吟詩亦快哉聞醉時遊虎
丘寺浩歌獨上姑蘇臺一生好客黃金去百歲催
人白髮來藉藉聲名滿天下朝廷今日肯遺才

夢登高山得詩

登高遠望四山齊何處風流杜牧之白苧曾聽松

下唱紫簫還向月中吹野雲雨過無行跡芳草春
深有斷碑夢裏勝遊閑記得翠微高上寫烏絲

又

杖藜踏破碧崔嵬夢裏清遊樂未回萬壑泉聲松
外去數行秋色雁邊來文章小杜人何在風雨重
陽菊自開山路雲深行客倦竹雞飛上獨春臺

石門懷舜杏夜坐

道人掛劔丹陽去欲入茅山恐未曾飛去難尋雲

外鶴歸來獨禮斗前燈夢回洗鉢分秋水酒醉敲

薩天錫詩集

卷中
五十二

汲古閣

壺碎夜水獨有江東未歸客西風詩骨瘦峻嶒

建德道中

泉作溪流石作橋桑麻成隴接東饒雞鳴犬吠人

家近水轉峯回驛路遙虎嘯樹林風獵獵人行弓

箭馬蕭蕭多情一片吳天月夜夜相隨伴寂寥

寄湖南張子壽以西臺御史拜前職素有退

志故舉兼善勸之

初拂繡衣來日下又持憲節駐湖邊鐵冠晴雪照
荆園羽扇清風掃瘴烟客館如聞鵲語鄉程好

買洞庭船狀元御史今何學已過揚州看月圓
大同驛

題詩洒墨江東驛筆力猶能挽怒濤飛騎將軍朝
出獵打門縣吏夜催徭天高路遠心如水夜永愁
多獨過橋却憶玉堂諸學士鳳池東畔珮聲遙

答茅山道士見寄

道人自有愛山癖蠟屐平生幾兩穿七竅冷雲秋
噴竹一琴明月夜調絃山中紫府茅君宅肘後丹
方許史傳短褐擬尋黃犢出長鑣斷雪早春前

薩天錫詩集

卷中
五十三

汲古閣

酬張伯雨寄茅山志

恨余未識茅君面喜得茅山道士書燈外雨聲那
厭聽風前石髮豈堪梳碧牕雲氣衆生楮清室丹
珠夜繞厨夢到層臺夜披卷桂林風動月疎疎

奎章閣觀進皇朝經世大典

文章天子大一統館閣詞臣日纂脩方丈奎光懸
祕閣九重春色滿龍樓門開玉鏡芸香動簾捲金
鈎硯影浮聖覽日長萬機暇墨花流出鳳池頭

西宮春日

九重五采金銀闕冠帶將軍盡羽林上苑春鶯隨
柳轉西宮午漏隔花深天開闔闔收金鎖廉捲奎
章聽玉音白髮儒臣賁詞賦長門應費萬黃金

登鳳凰臺

梧桐葉落秋風老人去臺空鳳不來梁武臺城芳
草合吳王宮殿野桃開石頭城下春如水燕子堂
前雨長苔莫問人間興廢事百年相遇且啣盃

京師春夜呈宋禮部

柳色無端染翠裙官街車馬去紛紛驚花御苑春
隆天錫詩集

卷中
五十四

汲古閣

多少漏箭宮壺夜幾分金縷悠揚燕市月玉簫聲
繞鳳樓雲太平天子恩如海亦遺餘音客枕聞

送王習靈新授宗師朝京

玉珮珣珞下界聞天風吹動碧榴裙劉郎跨鶴遊
三島王子吹簫到五雲花洞夜深傳玉印石壇月
黑禮茅君若逢天上吳夫子應有丹砂肯我分

飛鳴宿食雁

年去年來年復年帛書曾達茂陵前影連前北月
橫塞聲斷江南霜滿天雨暗蘆花愁夜渚露香孤

米下秋田平生千里與萬里塵世網羅空自戀

寄新原林道士

我識華陽林道士步虛空裏帶淮腔幾年掛劍茅
君洞一夜渡船楊子江醉酒慣眠松下石題詩愛
近水邊應仙家白鶴養無數不惜人間借一雙

遊鍾山

馳馬穿雲到上方南巡簷路碧苔荒禪僧白晝看
竹殿山鬼黃昏避御林雪冷夜深龍在鉢日長時
有虎巡廊小桃十月開如錦猶帶前朝雨露香

隆天錫詩集

卷中
五十五

汲古閣

登北固城樓

醉拍闌干起白鷗登臨不忍古今愁六朝文物隨
流水三國江山獨倚樓禿鬢涼風吹木葉孤城落
日下簾鉤海門不管前朝事猶送寒潮打石頭

鶴林僧送竹筴

搜糗桐帽走風雨正是山僧送筴時夜月不留栖
風影春雷失却化龍枝從來不識葛藤味此去方
禪玉版師老子胸中水雪滿華華晚節更相期

遊鍾山

林影扶疎護碧苔，肩輿上下路縈迴。潮聲萬壑松風過，雲氣滿樓山雨來。梁武廟荒春草冷，荆公墓在野棠開。百年感慨成何事，且進生前酒一杯。

陪張御史遊鍾山

烏府仙人獬豸冠，清遊喜得共儒酸。鵝花過雨千巖淨，驄馬穿雲六月寒。山鬼每驚詩句險，客懷惟愛酒杯寬。一時佳興千年遇，莫作浮生半日看。

和同舉觀志能還武昌

短衣匹馬走江漢，山川歷歷何雄哉。漢陽城高鼓鼙天錫詩集

卷中

汲古閣

角動洞庭水深鴻雁來，雪消巴蜀浪翻屋。黃鶴磯下聲如雷，是時立馬夜呼渡。清江苦竹聞猿哀。

題半山寺

今日偶成林壑趣，清幽恨未得從容。龍歸石洞半山雨潮捲，天風十里松春路泥深。多滑馬晚樓霧重，只聞鐘荆公舊隱。知何處回首蒼茫第幾重。

江城翫雪

雪正紛紛客倚欄，長江風急吼天關。千重鐵甕成銀甕，一夜金山換玉山。舟子迷歸來浦外，衲僧疑

在白雲間。曉來霽日高林照，好景依然悅我顏。

遊金山

約客同遊買渡船，閒觀古刹禮金仙。山中好景無多地，天下知名第一泉。佛閣齊雲浮海嶼，客帆過寺帶風煙。當年郭璞因何事，來葬江心作浪傳。

平望驛道

左帶吳松右五湖，人家笑語隔菰蒲。風濤不動魚龍困，煙雨翻成水墨圖。越客臥吹船上笛，吳姬多倚水邊爐。鑑湖道士如招隱，一曲他年得勝無。

陸天錫詩集

卷中

汲古閣

送王御史

聽馬如龍玉作鞭，江頭下馬上官船。承恩不比尋常輩，入諫頻瞻咫尺天。草滿畬田多戰骨，花飛驛路少人烟。憑臺自是清高甚，時事關心易白頭。

題玄妙觀玉皇殿

虛空臺殿枕層岑，木杪丹梯起百尋。花落鳥啼青竹裏，客來犬吠白雲深。松壇晝日移幢影，石室天風送鐸音。老鶴如人竄下立，閒聽羽士理瑤琴。

復題平望驛

秋雨黃華下九天又隨歸雁過吳川荒村有火夜
投宿野渡無人秋放船中酒不堪連夜飲思家無
奈五更前歸來却被青山笑萬丈黃塵兩鬢煙

陸天錫詩集

卷中
五十八

汲古閣

陸天錫詩集卷中終

陸天錫詩集目錄

卷下

過紫薇庵訪馮道士

首三

雪霽過清溪題道士江野舟南館

首二

過高郵射陽湖雜詠

首九

病中雜詠

首七

次韻與德明小友

首二

舟中題畫卷

雪中渡江過山飲陽谷

簡上人房

首二

京口城南次集

首二

懋奉真道院

對客

陸天錫詩集

卷下目

汲古閣

過揚州

宿淮南長蘆寺

宿化閣渡口阻風

首三

瓜州阻風

題界首驛

首二

渡淮卽事

西宮卽事

首二

還臺偶成

首二

題冶城道士稍秋山卷

余與觀志能俱以公事赴北舟至梁山泊時

荷花盛開風雨大至舟不相接遂泊蘆葦

中余折蘆一葉題詩其上寄志能

春詞

秋詞

上京卽事_{十首}

再過梁山泊有懷觀志

能_{二首}

邵伯舟中

題京口高資包氏壁

贈茅山道士胡琴月

送鏡中圓上人遊錢塘

過資善菴

雲中過龍潭紫微觀訪道士不值

將遊茅山先寄道士張伯雨

登衆妙堂題商學士畫雨霽歸舟圖

龐天錫詩集

卷下 目

汲古閣

紫微觀道士馮友直與予同宿苗閣大日子

過元符宮友直同僧安上人過五雲觀寫

詩贈友直 同伯雨遊凝神菴因觀

宋高宗賜蒲衣道士張達道白羽扇

茅山玄洲精舍有道士號紫軒又號木通生

白日坐解遺書其徒許道民者至今坐牆

尚存爲題其卷 同御史王伯循時除廢

東僉事濟揚子江余除燕南照磨

九日渡淮喜東南順風_{二首}

春日鎮陽柳溪道院

過鎮陽城南觀音院

寄奎章學士濟南李溉之_{二首}

過獻州

補題淮西送王仲和從

事詩卷

題李溉之送別詩卷

將入閩趙郡崔好德求題輿地圖

黃河舟中月夜

阻風南露筋過羅漢寺

登樓看山茶

夜宿金山題金山圖

春日過丹陽石仲和宅會茅山道士石山揮

龐天錫詩集

卷下 目

汲古閣

登姑蘇臺_{二首}

入閩過平望驛和御史

王伯循題壁

宿長安驛_{二首}

釣臺夜興

早發釣臺

蘭溪舟中

泊江家步無月同孟志

學小酌溪上_{二首}

黃亭驛曉起

和經歷楊子承晚發山館

石林卽事_{二首}

題屏風

獨坐恭和堂

閩城歲暮

經歷司暮春卽事_{二首}贈道士陳莘隱

題淮安王氏小樓四首并序

題書竹 彭城雜詠呈廉公亮會

事首五 寒食馬上

燕京作 奎章閣感興二首

京城立春首二 九日遇雨

客中九日首二 雪中紀子

初夏淮安道中 過石子岡

次王叔能侍御 醉起

宮詞 衰柳

薩天錫詩集 卷下目 汲古閣

戲友人 宴回

約友遊西峰不至 太平驛卽事

過尤孝寺 臨丹青閣

黃河 沛尉蔣景山沛簿趙伯

顏送予金溝月夜別去有懷

次繁昌邑宰梅雙溪韻

題進士索士巖詩卷士巖與余同榜又同爲

燕南官由翰林編修爲御史臺掾兼經筵

檢討除爲燕南廉訪經歷

送丁太初赴永嘉學正十八韻

薩天錫詩集 卷下目 汲古閣

薩天錫詩集目錄卷下 終

陸天錫詩集卷下

陸都刺天錫

過紫微菴訪馮道士

道士愛幽居年來一事無盆池新過雨石上種菖蒲

又

山中華蓋洞石氣冷蕭蕭不見眠雲客惟逢避雨樵

又

陸天錫詩集

卷下

汲古閣

研珠滴露清自點太玄經盡日無人到小窗蘭葉青

雪霽過清溪題道士江野舟南館

孤舟橫野水門外雪晴初白日莫放鴨青溪閑釣魚

又

江南正月半猶自有梅花踏雪去何處青溪道士家

過高郵射陽湖雜詠

飄蕭樹梢風淅瀝湖上雨不見打魚人菰蒲鴈相語

又

秋風吹白波秋雨鳴敗荷平湖三十里過客感秋多

又

野鶴如人長迎風理毛羽獨立秋雨涼人來忽飛去

又

陸天錫詩集

卷下

汲古閣

雨濕鼓聲重風勾湖面平官船南北去帆影掛新晴

又

白鷺愛秋水獨立仍自行得魚固偶爾驚飛亦常情

又

秋花落紅衣秋波日瀟灑不見採蓮人惟逢捕魚者

又

霜落大湖沒漁家，聽破骨。此時生計別，小艇賣秋菱。

又

捕魚湖中水賣魚，城市裏夫婦一葉舟。白頭共生死。

又

大暑一丈濶小舟，一葉輕相傳。子與孫終古無人爭。

病中雜詠

陸天錫詩集

卷下

汲古閣

十日九風雨，深秋獨閉門。積陰須自散，倚杖望朝暾。

又

爲客家千里，思歸月滿樓。木樨開欲盡，病裏過中秋。

又

門繫青驄馬，多應問病人。小官好疎散，莫訝嬾衣巾。

又

病形如瘦鶴，照影向清池。自有冲霄志，游魚莫見疑。

又

風葉高下落，秋砧遠近聞。天涯多病客，倚杖看孤雲。

又

陶令貧無酒，郎官菊也無。家僮燒柿葉，隣舍送茱萸。

又

陸天錫詩集

卷下

汲古閣

多病東廳客，深秋出幕遲。芙蓉開也未，葉上好題詩。

次韻與德明小友

以下六言

煙雨短篷水，口人家亂石。山前送別莫忘今日相逢，知在何年。

又

莫笑風食水，宿暫離馬足。車塵兩岸好，山送客一江。細雨歸人。

舟中題畫卷

兩呀好山如畫丹嵯翠壁樓臺愛殺南閩風景小
官何日歸來

雪中渡江過山飲場谷簡上人房

以下
七言

聞說山中新酒熟野人乘興過江來小牕無處看
春色一樹梅花雪裏開

又

山酒吹香出小槽燈前痛飲污青袍夜深夢醒知
何處老鶴一聲山月高

京口城南大集

陸天錫詩集

卷下
五

汲古閣

野齊花開春欲盡山櫻子落雨初晴酒醒騎馬踏
花去門外綠陰無數生

又

雨深綠葉櫻桃肥日長青草蝴蝶飛江南三月春
欲盡白馬王孫遊不歸

慈奉真道院

落花風颭步虛聲翠草玄芝爛熳生過客不知春
早晚午牕晴日睡聞鶯

對客

石榴花開光照屋胡桃葉大陰滿簾焚香終日對
客坐時有白雲來織纖

過揚州

買舟南浦秋開雁呼酒西窓夜剪燈何處玉簫天
似水瓊花一夜白如水

宿淮南長蘆寺

柳花漠漠春歸寺蘆葉青青晚渡江屋角松聲撼
風雨道人一夜不開牕

宿化闍渡口阻風

陸天錫詩集

卷下
六

汲古閣

江船日午無人渡渡口人家盡不覺却憶吳姬新
壓酒鍾山對岸是金陵

又

艇子渡江何日迴石頭城下浪如雷淮南春色知
多少一樹櫻桃帶雨開

又

客船伐鼓春江暮水面魚龍出浪花今夜石頭城
下泊買魚沽酒向誰家

瓜州阻風

渡口無人上野航白頭危浪自衝撞東風三日不肯住吹送柳花飛渡江

題界首驛

清氣撲人湖面水幽聲到耳樹頭風人家登老櫻桃過恰似淮南四月中

又

平湖過雨天開鏡落日放船人打魚野老柳陰沽秋酒行人馬上寄家書

渡淮卽事

薩天錫詩集

卷下

汲古閣

楊花點點衝帆過燕子雙雙掠水飛淮上漁人閑不得船頭對結綠簑衣

西宮卽事

九重五色金銀闕冠帶將軍盡羽林白髮儒生才進講西宮午漏隔花深

又

退朝西殿承平日一片春雲奏鳳笙白面內官供玉食却將黃帕覆銀鐙

還臺偶成

高低柳絮飛渡水紅白桃花開滿枝自笑江南無用客一春無事只題詩

又

踏雪歸來過早春沉沉臺府隔紅塵東風吹綠青溪柳馬上輕寒不著人

題冶城道士稽秋山卷

不見冶城稽道士雲深無處訪仙蹤夜闌老鶴行枯葉知在秋山第幾重

余與觀志能俱以公事赴北舟至梁山泊時

薩天錫詩集

卷下

汲古閣

荷花盛開風雨大至舟不相接遂泊蘆葦中
余折蘆一葉題詩其上寄志能

題詩蘆葦雨斑斑底事詩人不奈閑滿澤荷花開欲遍客程五月過梁山

春詞

深宮盡日垂珠箔別殿何人度玉簫白面內官無一事隔花時聽打毬聲

秋詞

清夜宮車出建章紫衣小隊兩三行石闌干畔銀

燈過照見芙蓉葉上霜

上京卽事

一派蕭韶起半空
水晶行殿玉屏風
諸工舞蹕千官賀
齊捧蒲萄兩宮

又

上苑棕毛百尺樓
天風搖拽錦綉鈎
內家宴罷無人到
面面珠簾夜不收

又

行殿參差翡翠光
朱衣花帽宴親王
繡簾齊卷薰風起
十六天魔舞袖長

卷下

汲古閣

又

中官作隊道宮車
小樣紅靴踏軟沙
昨夜內家清暑宴
御羅涼帽挿珠花

又

大野連山沙作堆
白沙平處見樓臺
行人禁地避芳草
盡向曲闌斜路來

又

院院翻經有呪僧
垂簾白晝點酥燈
上京六月涼

如水洒渴天厨更賜水

又

祭天馬酒洒平野
沙際風來草亦香
白馬如雲向西北
紫駝銀鬣賜諸王

又

牛羊散漫落日下
野草生香乳酪酣
卷地朔風沙似雪
家家行帳下羶餐

又

紫塞風高弓力強
王孫走馬獵沙場
呼鷹腰箭歸來晚
馬上倒懸雙白狼

卷下

汲古閣

又

五更寒襲紫毛衫
睡起東窗酒尚酣
門外日高晴不得
滿城濕露似江南

再過梁山泊有懷觀志能

故人同出不同歸
雲水微茫入夢思
記得題詩向蘆葉
滿湖風雨似來時

又

燈火官船夜睡遲
滿湖風露襲人衣
無端驚起沙

頭雁明月蘆花各自飛

邵伯舟中

驚魚時出浪花雪短鬢涼吹水面風遠客行船秋色裏誰家吹笛月明中

題京口高資包氏壁

肩輿曉路新晴出山色青青上客衣昨日千林風雨過滿田白水鷺鷥飛

贈茅山道士胡琴月

茅山道士來相訪手抱七絃琴一張準擬月明彈

薩天錫詩集

卷下
十一

汲古閣

一曲桐花落盡曉風涼

送鏡中圓上人遊錢塘

西湖西畔三天竺古木蒼藤望欲迷遙憶道人禪榻夜月高霜落聽猿啼

過贊善菴

夕陽欲下行人少落葉蕭蕭路不分脩竹萬竿秋影亂山風吹作滿窓雲

雲中過龍潭紫微觀訪道士不值

道人已跨龍潭鶴童子能煎雀舌茶一夜山中滿

林雪客來無處覓梅花

將遊茅山先寄道士張伯雨

借騎白鶴訪茅君琪樹秋聲隔夜聞料得山中張外史開門先掃鶴巢雲

登衆妙堂題商學士畫雨霽歸舟圖

大茅峯頂見日出烟樹雲林宿雨收萬里澄江淨如練却從天際識歸舟

紫微觀道士馮友直與予同宿苗閣次日予

過元符宮友直同僧安上人過五雲觀寫詩

薩天錫詩集

卷下
十二

汲古閣

贈友直

道人采藥出山遲蘭閣秋寒襲羽衣半夜忽聞孤鶴語五雲相伴一僧歸

同伯雨遊凝神菴因觀宋高宗賜蒲衣道士

張達道白羽扇

晴日赤山湖水明湖中山影一眉青蒲衣道士無人識羽扇年多落鳳翎

茅山玄洲精舍有道士號紫軒又號木通生

白日坐解道書其徒許道民者至今坐牆尚

存爲題其卷

白日飛昇爰著烟靈書猶許道民傳玄洲精舍無
多地夜夜火珠光燭天

同御史王伯循時除廣東僉事濟揚子江余

除燕南照磨

落葉正飛揚子渡行人又上廣陵船過江載得秋
多少老雁一聲霜滿天

九日渡淮喜東南順風

青旗紅字映河濱九日人家物色新渡口客船爭

應天錫詩集

卷下
十三

汲古閣

黃酒斫魚列紙賽河神

又

東南風送渡淮船過雁聲寒水按天落日紅霞收
未盡澹雲微月出東邊

春日銀陽柳溪道院

城外青溪出洞門道人歸去日長嘯柳花滿地無
人掃隔水遙看是白雲

過鎮陽城南觀音院

柳色暗藏溪上寺露華偏濕水邊僧門前天照荷

花滿出水遊魚夜戲燈

寄奎章學士濟南李溉之

山東李白似劉伶投老歸來酒未醒天下三分秋
月色二分多在水心亭

又

笑鄭金龜上酒船不須圖像在凌烟君羅彩色烏
紗帽便是開元李謫仙

過獻州

西風老樹昏鴉集落日荒城暗雨崩寂寞斷碑扶

應天錫詩集

卷下
十四

汲古閣

草裏路人遙指獻王陵

補題淮西送王仲和從事詩卷

百年馳馬苦匆匆水落烏江楚廟空眼底山川猶
歷歷淮南舊夢雨聲中

題李溉之送別詩卷

清平三曲動明皇四海知名李白狂把酒探春送
行客揮毫字字柳花香

將入閩趙郡崔好德求題輿地圖

月輪西轉日生東四海車書總會同驂馬出門天

萬里山川長在別離中

黃河舟中月夜

十丈雲帆拂斗杓星槎風急浪花飄夜深露冷銀河近臥聽天孫織絳綃

阻風南霽筋過羅漢寺登樓看山茶

野寺尋春酒未醒不知幾口過清明小關千外東風急一樹山茶落晚晴

夜宿金山題金山圖

遠人夜宿金山寺坐對畫圖如夢中剪燭題詩雲
薩天錫詩集 卷下 十五 汲古閣

氣裏不知身已在龍宮

春日過丹陽石仲和宅會茅山道士石山輝

杏花一夜雨聲寒酒醒丹陽幾日還却遇茅君三白鶴借騎一隻到三山

登姑蘇臺

闌門楊柳自春風水殿幽花泣露紅飛絮年年滿城郭行人不見館娃宮

又

野水滿城飛燕子誰家小艇載吳姬姑蘇臺上一

樽酒落日昏鴉無限悲

入閩過平望驛和御史王伯循題壁

廣陵城裏別匆匆一去三山隔萬重日暮江東寄相憶欲臨秋水剪芙蓉

宿長安驛

壩北壩南河水平客船爭繞水雲腥鄉音吳越不可辨燈火黃昏如亂星

又

水面微風動楊柳客船吹笛月明中遠人江海多
薩天錫詩集 卷下 十六 汲古閣

歸思臥看流星度水東

釣臺夜興

仙茶旋煮桐江水坐客遙分石壁燈風露滿船山月上夜深獨對釣臺僧

早發釣臺

山頭鐘響不聞鷄重露翻鵝滿樹啼艇子釣臺東畔發月輪却在釣臺西

蘭溪舟中

水底霞天魚尾赤春波綠占白鷗汀越船一葉蘭

溪上載得金花一半青

泊江家步無月同孟志學小酌溪上

把酒無從逐月色共君且復聽灘聲夜深燈影青
溪上魚尾搖船亦有情

又

蘭溪春水似蒲萄越女如花壓小槽今夜共君溪
上醉直須溪月照宮袍

黃亭驛曉起

積雨莓苔上壁青曉寒山館夢初醒鷓鴣聲裏流

蘆天錫詩集

卷下
十七

汲古閣

年渡自是行人不忍聽

和經厓楊子承曉發山館

夢回山館月西斜曙色千峯動紫霞杜宇一聲山
竹裂鷓鴣飛上野棠花

石林卽事

三山幕府無公事多病郎官嬾出門老鶴喚起重
子睡石盆新雨長蘭蓀

又

蒲扇屏山紫竹牀嶺南五月似秋涼硯池風動雲

生石簾外雨蘭吹濕香

題屏風

海國夜涼星亂垂石林通客未眠時滿簾月色吹
輕霧白露無聲下竹枝

獨坐恭和堂

東閣高懸如道院人言幕府最清嚴印封不動坐
終日滿樹梅花雨一簾

閩城歲暮

嶺南春早不見雪臘月街頭聽賣花海國人家除

蘆天錫詩集

卷下
十八

汲古閣

夕近滿城微雨濕山茶

經厓司幕春卽事

隔樹幽禽送好音沉沉幕府似雲林小盆幾箇山
茶落桃葉滿簾春雨深

又

霞飛海燕拂簾過風捲魚鱗剪綠波閑倚石闌數
春事滿池紅雨落花多

贈道士陳華隱

早年濯足東海水去臥華峯頂上雲收得九秋仙

掌露歸來酌獻武夷君

題淮安王氏小樓 并引

岳山王氏小樓獨占淮安一勝予嘗以迎

饒至此登斯樓謾成四絕模寫其樂後之

來者其興無窮

江水紉紉鳴綠新江頭日日送行人南來北去年

年事岸草汀花自在春

又

拂曉樓聽一半隔樓前昨夜浪如雷滿江梅雨風

蘆天錫詩集 卷下 十九 汲古閣

吹散無數青山澆水來

又

江月滿樓江水澄胡林據坐憶吾曾解吟如練澄

江句未信玄暉獨擅能

又

雪滿寒江壓酒旗江南無處不堪題小舟載得梅

花去渡領春風過水西

題畫竹

小雨春池濕鳳毛天孫深夜織絞綃何人更立湘

江水獨倚薰風憶餘韻

彭城雜詠呈廉公亮僉事

亞父塚前春草齊楚王城上夕陽低黃鸝不解興

亡事飛過海棠枝上啼

又

城下黃河去不回四山依舊畫屏開無人念得登

臨意獨上將軍戲馬臺

又

雪白楊花拍馬頭行人春盡過徐州夜深一片城

蘆天錫詩集 卷下 二十 汲古閣

頭月曾照張良案上籌

又

何處春風燕子樓斷碑落日古城頭畫眉人遠黛

華歌無數遠山生暮愁

又

歌扇搖風吳酒香舞裙今日動鵝黃柳邊今夜孤

舟發水遠山遙空斷腸

寒食馬上

道傍楊柳已栖鴉幾度春深未到家城北城南千

樹雪行人馬上，看梨花。

燕京作

落月西牕，聞禁鐘夢回。遠客立雲龍。江南飛盡千株雪，辜負梅花過一冬。

奎章閣感興

奎章三月文書靜，花落春深銷閣門。玉座不移天步遠，石碑空有御書存。

又

花落春深似去年，無人再到閣門前。當時濟濟誇

薩天錫詩集

卷下
二十一

汲古閣

多士爭進文章乞賜錢

京城立春

燕姬白馬青絲纒，短衣窄袖銀鞵光。御溝飲馬不回首，貪看柳花飛過牆。

又

燕姬十五未出門，出門滿眼諸王孫。馬頭相見不相識，亂絮遊絲空斷魂。

九日遇雨

佳期不負到重陽，細雨濃陰又可傷。試問東籬何

處，賞有花無酒，惱人腸。

客中九日

寥落天涯歲月賒，每逢佳節苦思家。無錢沽得隣家酒，不敢開牕看菊花。

又

佳節相逢作遠商，菊花不異故人鄉。無錢沽得隣家酒，一度孤吟一斷腸。

雪中妃子

乘王宴罷下瑤臺，窄窄紅靴步雪來。疑是陽和三

薩天錫詩集

卷下
二十二

汲古閣

月暮，楊花飛處牡丹開。

初夏淮安道中

魚蝦鱗鱗初出網，梅杏青青已著枝。幾樹棠花初著雨，行人四月過淮時。

過石子岡

霞光日落紅穿樹，山色雨餘青近人。便好拂衣入山去，解鞍辭却馬頭塵。

次王叔能侍御史

龍蛇偃蹇出牆陰，五色春雲態度深。臺閣文章散

清氣月明山館夜蕭森

辭起

楊柳樓心月滿林錦屏繡褥夜生香不知門外春
多少自起移燈照海棠

宮詞

駿馬驕嘶嬾著鞭晚涼騎過御樓前宮娥不識中
書令借問誰家美少年

哀柳

清涼亭上幾株柳霜夜涼風下夕陽依舊明年二
月天錫詩集

卷下
二十三

汲古閣

三月小金山上看鵝黃

戲友人

毘陵公子醉醺醺白面迎風向酒痕幾度小紅樓
上月有人銀燭掩重門

宴回

兩行老栢參天翠銀燭青驄御史回深夜酒闌人
散後獨留明月照霜臺

約友遊西峰不至

仙人約我峰頭去欲去峰頭看白雲一夜白雲峰

下宿曉來散作雨紛紛

太平驛卽事

驛鼓高懸使者稀溪雲斷續樹參差日斜山畔無
人語獨立西風數挂枝

過光孝寺

秋日留題翠壁層出山聊近在山僧肩輿又上沙
頭渡隔水人家兩岸燈

臨丹青閣

飄然身在紫芝峯翠壁丹崖有路通傑閣凌煙欲
墮天錫詩集

卷下
二十四

汲古閣

飛去亂山無數夕陽中

黃河

斗杓照水半垂天水氣漲天如白烟南北櫓聲爭
上下月中聞鼓避官船

沛尉蔣景山沛簿趙伯顏送予金溝月夜別

去有懷

公子將軍兩少年繡衣白馬杏花天醉中送客歸
城暮回首金溝月滿船

次繁昌邑宰梅雙溪韻

雙鑲繁昌宰曾克親國賓儒冠猶破帽禮服尚垂紳
澹泊心無愧清癯目有神老隨朱紱貴驚見白頭
新撫字三年政歌謠百里民

題進士索士岩詩卷士岩與余同榜又同爲
燕南官由翰林編修爲御史臺樣兼經筵檢
討除爲燕南廉訪經歷

憶昔登天府文華萃帝鄉俊才魚貫列多士鴈成
行寶劔懸秋水驪珠耿夜光三場如拾芥一箭已
穿楊上策師周孔董聲陋漢唐鳳池開御宴虎榜
陳天錫詩集

卷下
二十五

汲古閣

出宮綰賜笏丘山重恩袍雨露香天花皆剪翠法
酒盡封黃冠益遊三日聲名滿四方歷階超宰相
捧表謝君王第甲分三館鐫碑立上庠曲江嘉宴
會合席盡才良契誼同昆弟比和藹慈黃管辭猶
在耳離思各驚腸臺閣需材器儒林作棟梁超遷
烏府接揮映綉衣郎迫要封典事平明出奏章日
披墳典舊時念簿書忙檢討超經幄論思近御林
聖朝稽古道日暮下迴廊羈旅燃薪柱長吟出錦
坊弱妻貧且病羸馬瘦仍僵窳巷起車轍空厨泛

酒漿故人傳奏目請便趣行裝皇極三臺重燕南
名道昌承恩辭魏闕攬轡去恒陽曉懷芙蓉露秋
空柏樹霜諸司循直矢羣吏肅宏綱漢水浮神馬
岐山出鳳凰行須冠獬豸已見走豺狼慚愧逢高
翼乘風亦下翔

送丁太初赴永嘉學正十八韻

國學崇儒代人材絕妙年風雲千里駿日月九重
天翰苑司綸選中書屬次銓尤榮毛義徵奮發祖
生鞭學廣儒官制書傳子弟員宦情依令樣官舍
簾天錫詩集

卷下
二十六

汲古閣

擁寒墮笠仕無驗此如君更類然永嘉今永郡多
藝風多賢咨訪兼留意英髦孰接肩舊家疑寂寞
遺業想流傳會看聲華盛應知德業全高情何特
達矚目共周旋春著花間屐秋乘柳下船扁章微
點染山水自清妍薦豆登霜袖充厨載海鮮洞蕭
吹月下玉樹立風前已作魚龍變何嫌雨露偏群
公爭薦進拭目著騰鶩

天錫以茹毛飲血之裔而入中夏日弄桑榆
遂成南國名家始信長玉胎于頑石重遷

于朽根才正不問華夷也今其詩諸体具備
磊落激昂不讓前人一字雪山云看其尋常
筆奇崛成此容易却難卒余于天錫詩云
湖南毛音識

薩天錫詩集

卷下
二十七

汲古閣

薩天錫詩集卷下

終

薩天錫集外詩

七言古風

車簇簇行

李陵臺西車簇簇行人夜向灤河宿隣家美酒斗
十千下馬飲者不計錢青旌搖搖出華表滿堂醉
客俱少年捧盃小女歌竹枝衣上翠金光陸離細
肋沙羊成體薦共誇高門食三縣白髮從官耳筆
天錫集外詩

汲古閣

行義袍衝雨桓州城

白翎雀

淒淒幽雀雙白翎飛飛只傍鳥桓城平沙無樹巢
弗營雌雄爲樂相和鳴君不見舊日輕盤舞紫燕
驚驚鎖老昭陽殿風暄芍藥春可憐露冷芙蓉秋
莫怨

凌波曲

吳蚕入繭雙鶯綺綉縷團花金鳳尾昔時啼曉曉
粧慵滿眼春嬌扶不起昔時解帶羅襪鬢玉尖微

海虞 毛晉子晉
馮武寶伯 同訂

露生春紅翩翩白練輕舒卷爭薄初翻宮樣軟三
尺春雲入手輕一鈎新月淺波淺象床舞能嬌無
力馬沙路破參差跡金蓮窄小不堪行獨倚東風
玉階立

吳姬曲

皎皎紅羅幕高高碧雲樓娟娟一美人炯炯露雙
眸郎居柳浦頭妾住鶴沙尾好風吹花來同泛春
江水

洞房曲和劉致中貢外作

天錫集外詩

二

峭寒暗襲雲藍綺皎皎情情夜如水美人骨醉紅
玉軟滿眼春酣不欣起幽禽闕闕喚霜曙金壁屑
蘇滋香露有生只合老溫柔壁月長教掛瑤樹驚
鷺同心暗中結滿意芳蘭煖紅雪痕雲臥雨自年
年不覺人間有離別

漢宮早春曲

女戎鼓吹招搖東羲和馭日騎蒼龍金環寶勝曉
翠濃梅花飛入壽陽宮壽陽宮中鎖香霧滿面春
風吹不去鞭却靈龜駕五山芙蓉夜暖光闌干鵲

人一唱曉星起四壁天開春萬里

新夏曲

紅泣香枯怨流水夜放繡龍千尺尾風生官樹暖
層層涼綠一簾收不起烟乾寶鴨白晝清祝融綬
轡行且停薔薇花深露冥冥碧窓睡起香滿牀

醉歌行

草生金谷韓信餘古來不獨詩人窮今朝有酒且
共醉明日一飲由天公紅樓弟子年二十飲酒食
肉書不識嗟予識字事轉多家口相煎百憂集迺
天錫集外詩

三

知聰明能候身不如愚魯全天真百年簡憲曾何
畏一日禮法能殺人賢愚千載同一朽我爲君歌
君拍手流芳遣與不必論且盡樽前一壺酒

鬲女謠

楊州弱弱紅樓女玉笋銀簪響風雨綉衣貂帽白
面郎七寶雕龍呼翠羽冷官傲兀蘇與黃提筆鼓
吻趨文場平生睥睨統穆習不入歌舞春風鄉道
逢鬲女素如土慘淡悲風起天宇荒村白日逢野
狐破屋黃昏聞嘯鬼閉門愛惜冰雪膚春風繡出

花六鉢人誇顏色重金璧今日飢餓啼長途悲啼
淚盡黃河乾縣官縣官何爾顏金帶紫衣郡太守
醉飽不問民食艱傳聞關陝尤可憂旱荒不獨東
南州枯魚吐沫潭鴈叫嗷嗷待食何時休漢宮有
女出天然青鳥飛下神書傳芙蓉帳暖春雲曉玉
樓梳洗銀魚懸承恩又上紫雲車那知鬻女長獻
獻願逢昭代民富腴兒童拍手歌康衢

練湖曲

練湖七月涼雨通白水蕩蕩芙蓉紅芙蓉紅盡早
天錫集外詩

四

霜下驚鷺飛去何匆匆苦塘女兒弄輕碧鳴榔聲
斷無消息清波小藻出銀魚落日吳山秋欲滴望
湖樓上雲茫茫鳥飛不盡青天長丹陽使者坐白
日小吏開冕官酒香倚闌半醉風吹醒萬頃湖光
落天影掛冠何日老江南短褐綸巾上漁艇

終南進士行和李五峯題馬麟畫鍾馗圖

老日無光霹靂死玉殿咻咻咻陰鬼赤腳行天踏
龍尾偷得紅蓮出秋水終南進士髮指冠綠袍束
帶烏靴寬赤口淋漓吞鬼肝銅聲剝劍秋風酸大

鬼跳梁小鬼哭豬龍飢嚼黃金屋至今怨氣猶未
消髯戟參差努雙目

堯源行題趙仲穆圖

長城達塞阿房起黔首驅除若蟻蟻誰知別有小
乾坤藏在桃花白雲裏桃花重重開白雲洞門鎖
住千年春男耕女織作生業版籍不是秦家民桑
麻雞犬村村屋流水門墻映花竹無端漁父綠蓑
帶得黃塵入幽谷主人迎客坐茅堂共話山中
日月長但見花開又花落豈知世土誰與亡明朝
天錫集外詩

五

漁父歸城市回首雲山若千里再來何處覓仙踪
恨滿桃花一溪水

回風波吊孔明先生

大江東流日夜白已矣英雄不堪說朔風挾雨過
江來猶向磯頭濺腥血漢家神氣四海挫奸雄賊
子相貪婪二龍雖雄尚未決將軍戰骨如山高先
生謀畧滿懷抱坐視腥膻不爲掃若非蜀主三顧
賢終只如龍卧南畝仰天一出摧奸鋒綸巾羽扇
生清風許君義氣肝膽裂兵檣盡在掌握中赤壁

樓船滿江夏伏劒登壇唯叱咤忠心耿耿天必從
烈火回風山亦赭可憐一炬功未成將星已墜西
南營力吹漢水灰未醒嗚呼天命何不平佇立磯
頭眇吳越感慨令人生白髮先生雖死遺表存大
義晶晶明日月

送王循伯御史赴廣東余憲時僕將回燕京
沙頭酒盡惜別離江波日色浮綉衣清溪柳花白
蕩蕩白下柳樹青依依秋雲雙驄橫表去明月一
鴈燕南飛曲江水發願相憶莫遺鯉魚音信稀
天錫集外詩

高郵阻風

六

離家十日得順乎不卸蒲帆一千里忽然今日風
打頭寸波寸水逆上流小兒造物不可測昨日南
風今日北黃郎束手蓬下眠盡日閑看順水船順
船得勢如馬走相望招呼不回首長風破浪我亦
書順逆偶爾非人能

清明遊鶴林寺

青青楊柳啼乳鴉滿山爛開紅白花小橋流水過
古寺竹籬茅舍通人家潮聲捲浪落松頂騎鶴少

年酒初醒若將何物賞清明且伴山僧煮新茗
題茅山梅石道士卷

華陽洞裏羅浮仙袖携水雪梅花篇玉堂道士字
一尺紫清老人詩四聯夫何題詠到陳懶日短天
寒歲云晚獨憐空谷有佳人翠壁丹崖作屏板道
人鶴氅顛倒披芒鞋踏雪夜深歸莫將鐵笛山頭
吹只恐石裂梅花飛

北上別鄭文學

朔風吹散鴻鴈群郎君上馬氣如雲繞街鞭影拂
天錫集外詩

七

河漢毳袍貂帽支將軍扶桑日出馬上見金鷄一
聲天下聞青燈細雨坐官舍遙憶江南鄭廣文
爲姑蘇陳子平題山居圖黃公望作

塵途宦遊廿年餘每逢花月滿幽居烟蘿華確走
麋鹿雪壑竊窺通樵漁那如隱君不出戶讀盡萬
卷人間書有生穹壤貴自攜布韋軒冕奚錙銖便
當買山賦歸歟石田老我扶犁鉏

揚帆松江甚駛西望吳山快而有作

秋風秋水清浮波片颿送舟如擲梭篙師絕叫鳬

鴈起但見流沫盤渦汀蘆雪舞花婆娑涼事已
消菱與荷青山蹀躞奔青驪倏忽過眼千群多放
情盍買鱸鄉鱸脩以滿酌金叵羅醉拍銅斗踏浪
歌江行之樂其如何

中秋前二夜步至吳江垂虹橋盥漱湖渚而

歸倚蓬望月清興條然因成數語

萬頃太湖風浪靜玻璃倒浸虹蜺影瀼瀼露滴金
波流一筇獨立秋雲冷步回長嘯倚蓬窓月華正
在青雲頂

天錫集外詩

和韻三茆山呈張伯雨外史

碧堯花落蓬萊宮銀屏甲帳圍春風水簾捲水玉
堂靜白露滴月銀床空仙人夜酌九霞酒手握北
斗傾尊中梧枝落影鳳凰語幽的彷彿臨蒼穹伐
毛洗髓天地老火鳴夜出芙蓉紅呼龍洞口種瑤
草採藥忽遇松間童茆君自騎一虎去猶聞珂珮
聲丁東武華山人三載別綠袍赤袂蒼髯翁淮南
江上復相見落日淡淡天無窮明朝翬首渡江去
楚水清淺銀河通

再泊釣臺次解于伯機韻

富春山下桐江渡今古舟車南北路敢將一片利
名心重宿高人釣遊處客星去後無人住蒼山白
水還朝暮沙鷗也解避紅塵見人飛上滄洲去

秋江泛棹琴樂圖

抱琴船頭爲誰鼓滿江秋色荻花浦神魚出聽掉
尾舞曲中鴻鴈起江許帝子降今木葉下

天錫集外詩

九

五言古詩

過洪

奔流激長川百折怒未已
長年與水爭退尺進幾
咫艱哉力舟子觀可悟至理

和韻題石城峭壁

離宮長蓬高畫棟落花綠翠華不復遊空餘石城
在馬蹄踏雲霞鳥聲隔烟靄老僧喜客來山中深
似海

偕楊善卿丘以敬劉載民遊法雲寺以色郎

天錫集外詩

是空分韻得卽字

駕言招提遊繫馬日之夕
黍酒濃滴珠松風暗籠
漆朝士晝鳴珂山僧夜飛錫
鳳臺錦袍人可望不可
卽

病中寄卽休上人

牀頭藥裹列門外芳草榮
庭閑午陰轉驕覺餘香
清甯吏日三謁幽鳥時一
鳴豈不好馳逐但恐勞
吾生

經姑蘇與張天雨楊蕪夫鄭明德陳敬初同

遊虎丘山次東坡舊題韻

孤峯時平嶠松杉夾飛嶺古劍池獨奇兩壁插天
井晃疑將軍拜靈泉奔老耿深惟着蛟螭淨真容
蛭龍昔試盤陀鋒新斷尋尺礪兆瘞銀龜多氣結
金虎猛至今王霸業堪笑未全聘何如吾同遊俯
仰無少哽小吳不滿目坐覽三萬頃風高塔鈴語
日吳蘿衣冷香積餉醲酬法喜得雋永嗟嗟峨眉
僊嘗來弄光景踪跡留雪泥宇宙寄泡影九京倘
可作當爲折簡請

天錫集外詩

立秋登烏石山和幕府楊子承韻

海國山四圍繁華坐消歇樓觀沉夕陽鴻鴈下秋
色水邊無覓人石上存古刻感此莫歸遲秋露滿
山白

五言律

題蜀山驛

荒山孤館靜老樹疎雲低馬識來時路詩存舊日
題郵亭一尊酒客枕五更鷄到曉征鞍發村村雪
漲溪

宿因勝莊

薄莫雨初作客愁行路難長風吹短髮平地走驚
湍雲氣千山噴松聲五月寒小窓僧話久亦學坐
蒲團

天錫集外詩

十二

竹院亦幽雅參禪愧未能夢回僧枕雨花落佛龕
燈風響過牆竹窓搖掛樹藤裁詩題素壁聊爾記
吾曾

宿龍潭寺

客路青山下僧庵綠水邊撞鐘驚鳥宿洗鉢動龍
眠未有林泉趣先尋剎飯緣上人喜留客夜雨佛
燈前

次龍潭壁間韻憶新之區謙二臺節

故人不見恨望思遲留客路愁山虎漁燈散渚

鷗清歌聞越調小艇入淮流江市雖蕭索人家酒
可謀

勤勞賢使者官馬未曾閑夜醉誰家酒曉行何處
山莫雲留客住落日望君還相憶尋詩處波濤洶
湧間

江館寓事

曉市人烟合歸帆帶夕陽青山到江盡白鳥去天
長越女能淮語吳姬學楚粧栖遲未歸客猶着錦
衣裳

天錫集外詩

十三

謝龍江虛白上人雨中見過
山僧入城市歸路晚沉沉雨濕縮衣重燈明黑樹
深泥途信行脚粥鼓急歸心應到松窓下新詩剪
燭吟

用韻寄龍江

之子金山去梅天霽氣沉海風吹浪急江雨入樓
深火盡無茶味更長過燭心明朝好晴色應是寄
新吟

鐵塔寺寓懷

蕭條冶城寺杖屨日登臨古木涼風急空山落葉
深夜燈明鐵塔秋雨暗松林衲子清遊處閑來獨
自吟

謾興

去歲干戈險今年蝗旱憂閑西歸戰馬海內責耕
牛元老知誰在孤臣爲爾愁西風吹短髮落日倦
登樓

賀陰君錫封贈

奕世陰家子居官邁寺倫妙年全主孝餘祿養慈

天錫集外詩

十四

親致敬歸榮早推恩勅署新綵衣映萱草日日北
堂春

夏日遊鶴林寺

病餘乘野興來扣了翁房竹笋迸出地花枝垂過
牆雨聲鳴客枕雲氣暗僧堂歸路馬啼滑風吹酒
面涼

賀丘郡傅持敬新修鎮江儒學

孔門新壯觀化雨過南徐紫殿風鳴鐸青燈夜讀
書杏壇翔彩鳳芹沼躍銀魚館下諸生意如遊小

石渠

花山寺投壺

落日花山寺秋風鐵甕城野人歡訟簡稚子說官
清繫馬巖花落投壺山鳥驚興闌山下路相送晚
鐘鳴

次韻荅奎章虞閣老伯生見寄

哀職須公稱江波屬我閑宦情魚鳥畔德譽薰韓
間黃閣論思地金焦放浪山儘操舟泛泛空憶瓊
珊珊

天錫集外詩

十五

病中書懷二首

半日閉門坐蕭然遠俗氣病中心似水門外馬如
雲練杵搗寒月香爐生晝薰興來覓明鏡太瘦小
參軍

欲向江湖去何年理釣簑城山入樓近隣竹過牆
多春甕浮紅酒晴天歲白鷺閉門且消病俗吏莫
相過

病中寄了上人二首

鶴林四月路佳景集芳辰花落石橋水鳥啼山樹

春吟歸山似畫醉卧草如茵衲子清遊處何妨問病人

日長草木茂古寺樂芳辰野衲歸時晚山泉滴夜春清吟臨石鼎病酒吐車茵不是天涯客林泉一故人

憶鶴林卽休翁

城南鶴林寺幽境脫塵煩地僻藤花落窓虛貝葉翻池塘浮野鴨竹樹掛山猿病起借禪榻高眠避市喧

天錫集外詩

十六

登山亭

山上新亭好紅塵不可侵雨增幽草合風徑落花深野水浮晴色平田下夕陰城中公子少日就登臨

送人之金陵

之子金陵去黃梅細雨天晚鐘近蕭寺野水急吳泉枕有思家夢囊無買酒錢鳳臺動詩興落筆授蠻牋

題高姝泉詩卷

羨矣高夫子能文武亦全橫琴彈夜月洗劍動秋泉酒熟春如海詩閑日似年綸巾北窓下倦可枕書眠

野潛堂

高隱有深意情閒直萬金溪魚鮮作鱸竹笋長成林鶴有遠巢夢雲無出岫心讀書風雨夜燈火野堂深

題朱澤民畫雪谷晚行

茆店衝寒出永厓拂曙來蹤危留虎跡籬窰隱猿天錫集外詩

十七

哀行李一檐重疎梅幾樹開陽烏在何處不照雪盈服

秋暮過吳伯雨感懷

長嘯拂吳鉤蓬窓起白鷗江山同逆旅風雨忽窮秋樂矣陶潛酒高哉范蠡舟一簪吾有雪道路尚悠悠

道中風雨

野水池塘滿泥塗愁問程小車衝雨去曲路遶山行憊地沾衣冷誰家壓酒聲飄零江海客汲汲事

南征

初到閩

舊說榕鄉好來遊
巽已絲片雲山對
戶一雨水平
堤綠袖持蕉葉
丹林壓荔枝城
闌南有市燈火
夜眠遲

天錫集外詩

十八

七言律詩

春遊

明日城東看杏花
叮嚀童子早將車
路從丹鳳樓
前過酒向金魚館
裏賒綠水滿溝生
杜若暖雲將
雨濕泥沙絕勝羊
傳襄陽道車騎西
風擁鼓笳

春日侍駕遊香山

馬上遊人隔苑牆
天家未肯縱春陽
輕寒輕暖鳥
聲轉無雨無風花
命長香殿雲烟隨
鳳輦交旂日
月耀龍章三三節
近晴光穩滿進虞
廷萬歲觴

天錫集外詩

十九

寓昇龍觀時吳宗師持旨先駕至大都度灣

川遂次韻賦此以寄并東順谷先生

扈蹕千官取次行
道人先踏雪泥晴
關南日暖龍
顏近嶺北風高鶴
背輕丞相早行霜
滑馬將軍夜
宿火連營一年兩
度經過處惟有青
山管送迎

送南安鎮撫趙南山捧表西省

平生尺劔眾中師
臣子肝腸天地知
少壯金戈探
虎穴太平鎧甲網
蛛絲青衫白髮尊
前酒紫塞黃
雲馬上詩今日又
隨天表去梅花香
裏立沙堤

過李陵墓

降入天驕愧將才山頭空築望鄉臺燕郎有節毛
皆落漢主無恩使不來青草戰場鵬影沒黃沙鰲
角鴈聲哀那堪携手河梁別泪洒西風骨已灰

擬李陵送蘓武

全是肝腸十九年河梁携手泪潸然鉄衣骨朽埋
沙磧白首君歸弃雪埋海北牧羊無夢到上林過
鴈有書傳漢家恩愛君須厚身紙招魂望塞邊

黃河夜送西臺御史張子壽時新除湖廣僉

天錫集外詩

憲

二十

愛君足跡半天下白簡清霜秋氣多帆影東南湖
上去馬蹄西北日邊過風波玉露仙人掌文彩雲
機織女梭自笑追隨遠遊客斗槎星夜下黃河

黃河夜雨懷元顏子方

風流俊逸四公子輕帽短衣過魯城紫陌東風閑
戲馬綠窓明月醉聞鶯櫻桃花下春中酒沉水香
回夜按筆獨有黃河千里客短篷聽雨到天明

題高唐驛

三尺高唐帝子墳東風吹草綠云官中子母生
前別天上蕭韶夢裏聞日暮白楊飛亂雲夜深黑
氣結愁雲小臣泣血應無補留與他年太史云

過廣陵驛

秋風江上芙蓉老塔下數株黃菊鮮落葉正飛楊
子渡行人又上廣陵船寒砧萬戶月如水老鴈一
聲霜滿天自笑棲遲淮海客十年心事一燈前

送王御史時巡歷河道解舟金陵

淮南雨過好晴色御史樓船動楚桡楊柳清風秋

天錫集外詩

二十一

鮮纓瓊花明月夜閒簫卧臨天上銀河浪夢到雲
邊白玉橋

遊鐵塔寺

江南地僻繁華盛古寺巍然鐵塔存金屋月梅橫
夜雨銅駝露草泣秋原六朝王氣人何在幾度悲
風鈴自喧尚有他年舊時字摩挲一半沒苔痕

送外舅慎翁之燕京

楊子江頭柳色濃小船春雨去念念青袍鐵甕龍
門嬌紫錦蒲帆鶴髮翁府舊臣還塞北星門嬌

客卧床東明年亦是燕山客騎馬天街踏軟紅
春日登北固多景樓錄奉卽休長老

東風吹樹散晴嵐獨上層樓酒半酣拍岸潮聲來
海外滿江山色入淮南當時霸王分三國此日吳
禪老一龕惟有樓前舊時柳年年三月色如藍

還京口

黃鶴山頭雪未消行人歸計在今朝城高鐵甕江
山壯地接金陵草木凋北府市樓開舊酒南朝官
柳識歸桡吏人莫見參軍面水宿風餐鬢髮焦
天錫集外詩

寄金山長老

老師召對金鑾殿喜動龍顏坐賜茶一日潮音起
般若九重春色上袈裟高風已入三天竺妙果重
開五色花涓想楊枝舊甘露何時一到病人家

鵬盡過練湖

獨倚牙檣數客程殘年風景足鄉情寒天半夜無
人語明月滿船聞鴈聲雲外好山如有約烟中野
樹不知名明朝烏鵲橋頭開應是人家出戶迎

丹陽普寧寺席上

紅白桃花開滿枝滿城微雨牡丹時因過古寺逢
僧話莫遣扁舟解纜遲客裏逢春多病酒江南到
處半題詩山川總是曾遊處一曲琵琶罵別離

送王郎還錢塘

王郎會我丹陽郭歸興興錢塘不可留北固雪晴山
出盡西湖春動水明樓草生湘浦行人遠日落吳
山故國愁安得與君二三月買花沽酒醉紅舟
宿玄洲精舍玄茵閣別張伯雨二首

一到荊山三日留滿山風雨過中秋雲行松樹高
天錫集外詩

二十三

低見日落澗水東西流外史相邀登茵閣此身只
合往瀛洲它年叢桂結招隱塋服願隨麋鹿遊
竹樹忽聞乾鵲鳴明朝歸計候新晴小樓無處有
秋意暗雨空山如海聲葉落窸窣開鶴步峰回路
合斷人行誰知昨夜玄洲客剪燭題詩過三更

登德興聚遠樓上有宋廟書

眉山仙去風流盡聚遠樓空月色寒波暖東風入
尊俎夜深北斗掛闌干幽花野草先靈香鐵畫銀
鈎御墨殘不見舊時雙燕子春風幾度掠簾看

九華山石墨驛

馬上行人思九華，飄飄高興滿天涯。排空峭石生
玄笋，落日奇峯掛赤霞。仙掌九秋傾露骨，天河半
夜得星槎。雲中五老應招手，呼我來遊太乙家。

至龍潭驛

野草山花知姓字，人生踪跡似浮萍。帆衝細雨空
江白，鳥沒長淮遠樹青。今夜故人離水驛，明朝別
酒盡沙瓶。匆匆又入丹陽去，莫鼓晨鷄已候聽。

登鳳凰臺

天錫集外詩

二十四

鳳凰臺上望長安，五色宮袍照水寒。彩筆千年留
翰墨，銀河半夜掛蘭干。三山飛鳥江天暮，六代離
宮草樹殘。始信人生如一夢，壯懷莫使酒盃乾。

鳳凰臺懷古

鳳凰一去不復返，竹實桐花空滿庭。莫雨樓臺連
坐寺，秋風鼓角動邊城。水邊萬井吳烟白，天外三
山楚樹青。不見騎鯨李公子，幾回惆悵此中行。

次王本中燈夕觀梅

翠禽偷夢出南園，綽約冰姿傍綠尊。冰鏡玉釵浮

翠影，風簾銀燭照粧痕。粉香微酒無人見，素質多
寒藉酒溫。不似海棠春睡去，西樓月落已黃昏。

謝人惠木犀

霜高落葉如雨，急有客敲門送木犀。夜月不留藏
兎影，秋風失却掛蟾枝。雲中仙子金華隱，天上吳
生玉斧移。寄語鳳臺老居士，旋磨香露寫新詩。

奉和鄧善之學士贈陳堯夫教授之作

巴西夫子鄧學士，文彩珊瑚玉珮琚。天上已無金
馬詔，人間空有白鵝書。雲窓春透松花濕，月殿秋

天錫集外詩

二十五

高桂影疎不見青山埋骨處，水晶宮裏是幽居。

過江東驛次王侍御韻

政事文章王侍御，朱簾捲雨送將歸。江東春色分
銀篆，馬上清風吹綉衣。澤國水香魚藻動，硯池春
暖墨花飛。至今吳楚經行處，夜夜牽牛光繞太微。

九日登石頭城

九日吟鞭聚石頭，翠微高處倚晴秋。西風不定鴈
初度，落木無邊江自流。兩眼欲窮天地觀，一盃深
護古今愁。烏臺賓主黃華宴，未必龍山是勝遊。

寄楚堂

憶昔相逢春莫天，道傍楊柳盡飛綿。
池魚出水將三尺，竹笋成林又一年。
高士已成招隱賦，行人未辦買山錢。
楚堂燈火清秋夜，何日聯床聽雨眠。

寄同年友

憶昔同登龍虎榜，思君一度一悽然。
三年歲月紅塵裏，萬里關河白鴈前。
天上故人淮水隔，江南老樹楚雲連。
不堪回首知何處，閒說年來海變田。

寄茅山謝舜咨

天錫集外詩

二十六

昇龍觀裏謝道士，一入茅山不肯回。
白髮笑人年百歲，青天容我日千盃。
已知聖主求方士，未必先生下釣臺。
每向石頭城下望，順風應寄鶴書回。

送王幼達之北京

五色雲烟百尺臺，王郎獨步近蓬萊。
江湖水落魚龍上，天地秋高鴻鴈來。
北苑芙蓉風慘淡，西宮楊柳月徘徊。
此行正及扶桑日，應獻堯庭萬壽盃。

昇龍觀夜燒香印上有呂洞賓老樹精

蘭風吹動呂仙影，老樹槎牙吐暮秋。
夜靜藥爐丹

火現月明神劍夜，光浮已知浩氣無窮盡。
不到心灰未肯休，鐵笛一聲吹雪散。
碧雲飛過岳陽樓。

送湖州鼓元明道士入茅山

道人居住碧湘灣，清夜月明搖珮環。
出門倒挂九節杖，辭家却入三茅山。
開籠放鶴橫江去，寫檄收龍帶雨還。
便擬訪君吹鐵笛，青松白石往來間。

送崔知印之江東

金陵市上多驄馬，白下橋頭喜識君。
玉佩清搖烏府月，篆銀紅帶赤城雲。
買舟又過江東去，離笛難

天錫集外詩

二十七

禁柳外閒，獨有無媒送行者，依然野鶴在鷄群。

題先春卷上有蕭滕王三學士贊

番陽山人春擁門，玉堂學士墨翻盆。
屋前屋後雪千樹，枝北枝南月半痕。
寒夜老龍搔玉骨，霜天瘦鶴吊冰魂。
未經調鼎休惆悵，會見留酸到子孫。

寒夜卽事次韻呈許榮達

呵筆題詩逸興舒，翠簾寒重捲銀鬚。
春分采石仙人酒，夜讀茅山道士書。
箭刻未移寒漏淺，江聲漸少夜潮枯。
閉門歲晚仍多事，歸夢無端遶故廬。

鷓鴣笛

九皋聲斷楚天秋
玉頂丹砂一夕休
楊柳肯忘枯朽恨
梅花吹盡古今愁
魂歸遼海身如蛻
曲破江城月滿樓
惻悵玉人三弄罷
杳無消息到楊州

天燈

高掛長繩百尺餘
直飛紅燄上天衢
一包春髓蒸元氣
九轉靈丹煉太虛
綵鳳抱成吞日卵
赤龍對出照天珠
高高不受飛蛾撲
長使凡人仰面吁

天錫集外詩

二十八

七言絕句

和閒閒吳真人二首

幾度駝車上京國
五更歸夢遶雲林
丹爐火伏虎
畫臥石鉢雲寒龍夜吟
天上神仙吳子晉
丹鳳樓前駕鹿車
紅門下馬見
天子袖有一卷養生書

與聖寺卽事三首

官堦白日杏花落
深院朱簾燕子飛
回首人間春
又老將軍白馬義時歸

天錫集外詩

二十九

御厨香動晚分羹
七寶玻璃杵杵承
白面內官呼
小字隔簾傳旨賜中丞
二月深宮花似錦
柳絲垂地怯風吹
御堦春水多
三尺丞相遊湖太液池

遊會仙宮

霏霏涼露濕瑤臺
半夜吹簫月下來
山外春風將
雨過滿庭掠亂碧桃開

題范陽驛

長路風寒酒力醒
馬頭歲月短長亭
凍雲欲雪風

吹散望出西山一半青

道傍萱花

萱草花開山路頭內家景致落林丘風塵不改好
顏色應與行人消百愁

書澹潭楊氏壁二首

故人家在河邊住吏部書從天上來愧我掛冠歸
去晚柳花飛盡棟花開
楊柳人家春晝長落花庭院燕飛忙買魚沽酒黃
河上傲殺南風三月強

天錫集外詩

三十

彭城雜詠

英雄去盡山河在城郭荒涼草樹迷過客無心吊
千古落花風雨聽鶯啼

夜過白馬湖

春水滿湖蘆葦青鯉魚吹浪水風醒舟行未見初
更月一點漁燈落遠汀

高郵至邵白二首

移棹偏驚臨水鴈過淮時買出曹魚有時得句無
人和風雨寒窓夜讀書

幾度秋深未到家滿湖開遍水紅花遠人日日頻
中酒明月扁舟索買瓜

題淮東王蔗訪清涼亭

主人曾次洗冰雪深夜金山月湧波二十四橋秋
水白淮南八月瀉銀河

次和清涼寺長老韻

緇衣送酒一壺冰霜帶懸香九月橙酌酒破燈天
色晚桂花樹下出銀燈

秋江橫笛圖爲雜楊蘇天爵題

天錫集外詩

三十一

楓葉高低山遠近月明霜薄楚江澄何人吹笛孤
舟外莫是蘇仙過廣陵

過江後書寄成居竹

楊州酒力四十里睡到瓜洲始渡江忽被江風吹
酒醒海門飛鴈不成行

楊子江送同志

袞袞諸公立要津一波纔動總精神滿江風浪晚
來急誰似中流砥柱人

夜發龍潭二首

孤舟一夜發龍湫水逆風回上石頭暫泊沙洲過
夜半臥聽鐘鼓是昇州

船頭夜靜天如水渡口潮平月在江燈影搖波風
不定老龍吹浪濕蓬窗

江浦夜泊

千里長江浦月明星河牛入石頭城棹歌未斷西
風起兩岸菰蒲雜雨聲

金陵道中遇雨寄功夫光國五首

出城便喜風景好溪水穿沙生細蘺多謝山雲飛

天錫集外詩

三十二

白雨應教行客洗紅塵

平生夢想金陵道此日偶然身自來應是山雲喜

詩客野花滿路雨中開

夾道長松風聒聒滿溝亂石水冷冷斷雲嘒雨溪

南去失却長山一半青

騎馬何人衝白雨乘輿有客看青山出城自謂身

無事衝雨看山未是閑

夢想江南今日到肩輿過處落花風行人五月金

陵道石竹花開白雨中

寓臺城寄吳宗師

金陵城外鳳凰臺夜夜吹簫獨自來不見仙人倚
歌和白鶴飛下還飛回

雪中飲昇龍觀

銀燭春船剪夜寒道人鶴氅紫霞冠山瓢未盡金
陵酒玉樹飛花滿石壇

和王本中直臺書事

百尺臺中誰夜直西廊斜月照東廊五更夢覺春
寒甚簾外梨花滿樹霜

天錫集外詩

三十三

今日短衣鞭瘦馬每慚同輩說登科近曾夜直南
臺上學得吳兒白苧歌

昇龍觀九日海棠杏花開二首

九日江南風日暖海棠花間杏花開昇龍觀裏春
光早爲是先承雨露來

鼎湖龍去御床空輦路花開舊日紅九日人間春
色早不堪草木見秋風

贈彈筆者

銀甲彈冰五十絃海門風急鴈行偏故人情恣知

多少楊子江頭月滿船

寄諸臺榭二首

天上霜臺聳百尋諸郎不爲簿書禁遙知閑倚東廊柱看盡楊花過綠陰
天上故人頻寄語江南倦客只吟詩梨花開盡東廊雪又過梅黃杏熟時

贈謝舜咨羽士

楊子江頭春水動三茅洞裏碧桃開道人不用問天南北夜半月明騎鶴來

天錫集外詩

三十四

送武侍御朝章

楓林湛湛草斑斑御史青驄警玉環日暮酒醒人已去不堪回首見青山

次程宗賜二首

一冬雨雪天涯客千里雲山馬上詩記得小紅樓
昨夢杏花春雨早寒時

楊州正月雨如絲江上梅花已盡時誰識能詩老
何遜曉寒明鏡愁吟髭

贈來復上人四首

北口雪深毳帳暖紫駝聲切夜思搯上人起飲黃封酒可勝醍醐乳酪酣

燕山風起急如箭馳馬蕭蕭首宿枯今日吾師應不念毳袍衝雪過中都

手持一鉢走京華乞食王侯宰相家今日歸來如作夢自鋤明月種梅花

五雲樓閣碧玲瓏口吐蓮花入紫宮十二珠簾捲秋月霏霏涼露下梧桐

戲王功甫

天錫集外詩

三十五

王郎酒醒倚脩竹雪後重簷擁毳衣亦有江南未歸客青山影裏馬如飛

戲贈王本中柳枝詞

日高燕語捲簾遲獨倚東風看柳枝三月柳花飛欲盡達人涼露未歸時

城南偶興二首

桃杏花開紅映人池塘水暖綠粼粼典衣沽酒入城去報道江南二月春

斷橋芳草生合路隔水楊花飛度城客裏不知春

早晚年年五酒過清明

宿洞神官春曉書事

道人睡起窓月白飯熟黃梁雞亂啼門外賣花聲
已過街頭春雨竟成泥

冶城三月晦日

雨前雨後鶯亂啼城南城北花交飛江南兒女裁
苧衣燕京遊子何時歸

寄浙東新經歷

一片暮雲千里隔石頭城上望天白夜深羣女明
天錫集外詩

三十六

春日偶成二首

歸到江南纔一月短衣匹馬又京塵明朝擬下江
東去晴日柳花飛送人

水繞池塘朝飲馬月明蒼栢夜鳴烏年來南北幾
千里却笑書生無遠圖

春望

丹陽郭裏春深濠騎馬出郭詩思濃江南二月風
雨過梅花開盡杏花紅

春暮

柳花撲簾春欲盡綠陰滿窓鶯亂啼祇愁明日送
春去風雨滿林聞竹鷄

端居書事各翟志道知事見寄韻二首

短褐詩人瘦十分平生不作送窮文幾時結屋孤
山下爲覓梅花種白雲

瘦馬春城曙色分長年奔走愧務文幾時黃鶴山
房下松火茶鐺煮白雲

鎮江寄王本中臺榭

天錫集外詩

三十七

梅花落盡空吹笛正月半頭思遠人兩岸好山青
不斷一江微雨鷗鵲春

和友人招飲

山人開宴滿園香短簡招呼白面郎瘦馬踏泥春
巷去一林烟雨杏梅黃

寄卽休翁三首

苦老應無屐齒痕舊遊歷歷眼中存秋深南國行
人少落葉蕭蕭滿寺門

北窓終日對竹坐老却參軍不入城秋還山風多

落葉隔林疑是馬蹄聲

鶴林老子久不見應是山門長綠苔
幾日城南風雨過村村無處不黃梅

未歸

白岩老子城中去聽馬遊人寺裏來
城外風流城裏少岩花落盡野花開

夏仲書景

堦前萱草花開盡堂上主人消百憂
門外涼風吹樹急江南五月似涼秋

天錫集外詩

三十八

病起戲筆奉荅御史王文休

江南倦客好清齋煉得身形瘦似梅
不到清溪三四日藕花無數水中開

偶成三首

買魚沽酒消長日高樹清風燕子閑
却倚天南望天北隔江青處是誰山

自許癡兒了公事肯教侬子議清
流明日醉騎五花馬吹簫踏月過揚州

疎簾日午花陰直高柳清風語燕閑
默坐焚香點

周易軟紅不到小屏山

層樓郎事

浴罷焚香掃闥眠過牆新竹翠娟娟
牛空雲氣層樓暗四月江東欲雨天

納涼

桂枝葉密陰覆地梔子花開香滿廊
古寺納涼過半日葛衣石枕竹方床

秋夜聞笛

何人吹笛秋風外北固山前月色寒
亦有江南未天錫集外詩

三十九

歸客徘徊終夜倚闌干

寄鶴林休上人

上人才思塞冒次強欲禁之無不鳴
一日相望吐奇句清林光彩照山精

宿丹陽普照院

閉門三月聽秋雨酒醒丹陽客未歸
明日新晴煉湖去藕花無數落紅衣

燈火僧房伴寂寥小涼天氣入青袍
夜深爲倚西廊柱藥杵一聲秋月高

逢脫脫景顏

市酒瀉精清似水湖魚出網白如銀買魚沽酒舟
陽郭落日江南逢故人

贈歌者號梅芳二首

露骨江南冰雪肌斷腸塞上錦綢兒春酸一點留
無住却是成陰結子時

玉骨水清過歲寒可憐蜂蝶已成團如何不解相
如渴散盡江南一點酸

寓栖雲四首

天錫集外詩

四十

一尊未盡有餘興二子不來無可人滿地鳳仙落
紅雨江南八月似殘春

盆池萬點浮萍草秋雨欲來無定踪好是詩人漂
泊態丹陽郭裏夜聞鐘

瀟瀟風雨客心孤且盡尊前酒一壺夜半酒醒愁
又到一聲白鴈下平湖

白面道人門不出晚涼倚樹聽秋風最憐八月江
南好老鴈叫雲霜紫紅

題隱上人房

練湖秋水霜眼碧生對茅盃山色青白日散花天
女降夜深鍾磬尚聞經

寄金壇元魯宜差行操二年兄

蒼茫迥野寒雲低馬上遙山玉四圍自是詩人有
清氣出門千樹雪花飛

宿陵口寺

西風落葉陵口寺薄暮鐘聲送夕陽酒醒不知過
夜半開門滿地月如霜

題鄭谷驛

天錫集外詩

四十一

誰處江東鄭老家自鋤谷口種烟霞遠山三月多
歸思晴日東窓見杏花

贈張道士

道人新戴竹皮冠頭上星搖北斗寒一夜涼風吹
髮亂半窓鶴夢遶琅玕

題呂城葛觀二首

諸葛仙翁七十餘呂蒙城下築幽居來從方外求
丹訣且乞人間教子書

呂公城下葛仙家洞府春深鎖暮霞過客不知天

畔月小風吹落鳳仙花

延陵曲

延陵廟西落日低延陵廟前春草齊千金公子去
不返淡雲苦竹斑鳩啼

宿延陵昌國寺書于上人房二首

舊日延陵客子家只今門巷滿桑麻姑蘇回首神
遊處無限春風野薺花

東風吹水碧粼粼雨過村村野色新小艇延陵廟
前去荷花開盡野塘春

天錫集外詩

四十二

謝人惠茶

送茶將軍扣門驚覺秋深夢一窓半夜竹爐翻
蟹眼只疑風雨下湘江

題李薊丘畫松

平生恨不識遵道忽見此圖如夢間安得義之九
泉底枯林風雨似初還

吳僧子庭古木竹

歲寒古木性所愛況有此君初附之江湖眼明世
無幾太息不生元祐時

和韻寄吳城陳敬初

吳江酒熟照行人春江小雨波粼粼一樽未盡忽
晴日江頭柳花撩亂春

席上次顧玉山韻

畫檐斑鳩啼綠樹白日紫燕穿朱簾晝長深院弄
琵琶吳姬十指行春纖

去吳留別于壽道陳子平諸友

吳堤楊柳雨霏霏四月猶寒總夾衣此去孤舟無
好伴空江惟見白鷗飛

天錫集外詩

四十三

一尊判袂闌間城莫指青山管送行芳草綠波千
萬里不聞杜宇也傷情

季夏遊杭靈隱諸峯

佛國群山快我登烟霞踏破幾層層三天竺畔全
無暑六月松陰尺五水

秋日寓錢塘

小樓一榻錢塘客况味凄涼序屬秋安得江淹賦
子筆因而書作牛生愁

青松林

一點兩點過雲雨千株萬株臨路松五月江南好風景行人馬上不從容

宿經山寺二首

野人一宿經山寺十里松聲半夜潮何日掛冠尋舊隱山中應有故人招
山中酒熟客初至正是東林月上時痛飲不知過夜半深山風露下松枝

題竹院壁

門外好山青入戶塔前芳草綠侵簾山僧應笑遊天錫集外詩 四十四
人醉頭上花枝壓帽簷

書高賢坊

穿松翠滴青驄馬過雨涼生白苧衣三月已過四月半柳花開盡棟花飛

常山紀行

緣陰門巷掩柴扉五月江南笋蕨肥何處清香來馬上滿山開遍野薔薇
山溜涓涓山雨晴村南村北鷓鴣鳴行人五月不知倦喜聽農家打麥聲

石羊華表草離離古木殘陽立斷碑馬上不知何代塚鷓鴣飛上野棠枝

石壁飛泉作雨聲野花滿路酒初醒吾儂何事不歸去一帶長山馬上青

垂楊拂簷入桑柘野猿抱子掛松蘿綠陰門巷客呼酒黃犢山村人唱歌

過浦城

人家雞犬隔痕嵐城郭微茫見塔尖一片輕雲籠馬首熱梅時節雨纖纖

天錫集外詩

四十五

到閬二首

朔雪蠻烟總備嘗白頭纔到荔枝鄉浮雲不阻懷賢意得掃寒蕪拜紫陽

潮水通城蜺蛤肥萬株紅荔艷晴暉守臣只恐山飛去高築閘關鎖翠微

五言絕句

贈欽師

隨緣駐瓶錫頂雪已差差莫道禪非學心空不廢詩

畫二首

樹色濃堪掬癡嵐撲雨秋道人巖下住屋角掛奔流

草迷蒼耳子鳥弄白頭翁十里湖山樹平分奇露中

天錫集外詩

四十六

汲古閣

陸天錫詩曹氏潘氏選本察野余所梓畧脩全
復從茲區王氏澤雁門集八卷分體詩四百二
十有奇末附詩餘十有一闕至正間吳郡于文
傳爲序始詳薩都刺者即華人所謂濟善也于
天錫號直齋祖思蘭不花父阿魯赤世以膺力
起家累著勲伐受知于朝命仗節鉞留鎮雲代
生天錫于雁門故爲雁門人幼岐嶷不群稍長
爲文雄弱剡登丁卯進士第應奉翰林文字除
燕南經歷陞侍御史于南臺以彈劾權貴左遷

鎮江錄事宣差後陟官闕憲幕其所作詩豪放

如天風海濤魚龍出沒險勁如秦華雲開蒼翠

孤聳其剛健清麗則如淮陰出師百戰不折而

維神凌波春花霽月之嫵媚也又有巧顯七言

八句百首別爲一集余未曾見今止采前刻所

不載者又得如千首一以追表代郡應運之風

雅一以自懺髫年撰錄之午外云爾隱湖毛晉

識

天錫集外詩

四十七

汲古閣

金臺集敘

三代而上天地之英著為禮樂三代而下禮樂之英散為文章禮樂文章無處不有無時無之是故禮之用莫妙於樂文章之用

金臺集

前序

汲古閣

莫妙於詩英即妙也豈難舒而可見謂之英鼓舞而莫測謂之妙於是詩與樂之妙可以動天地感神明廣聲教移風俗也皇元混一以來諸國人以詩文鳴者前

代罕有葛邏祿廼賢易之卓

然繼前脩之後以能文脩而尤長於詩其詩清新俊逸而有溫潤鎮肅之容七言傑者健盛唐焉近年來京師因哀其

金臺集

前序

汲古閣

作題曰金臺集暇日袖以胝余謂余顯其悞端顧余引年治歸欲誦佳句於百僚恨已晚矣然念九州共貫之久而士有斯作焉治世之音其來方昌兆見于此譬

如鸞鷟鳴於高岡目前狂馳之
嗥无足怪也會當脩承平舊觀
置之承明奉常之署以制作之事
歸之其將咸韶斯世也歟志余喜
以俟至正壬辰七月初吉麓扉老人

金臺集

前序

汲古閣

新賜致仕歐陽玄書于京城慶

壽禪寺之僧舍

是日捷報四川
王師報復荊州

危子大樸示余以金臺集詩古律凡若
千首讀之未盡卷不覺釋然自喜若三日
不食而得膾炙羊棗也布紫藍縷而得
方空穀紆也又如空山窮野而聞鈞韶鏗金
戛玉也詩皆選祿易之所作易之西北方人而
天地精英之氣所賦若是然宇宙之廣土域
之山川人物風俗之異氣之所受固不能齊
也嘗愛賀六渾陰山敕勒之歌語意渾然不
假雕剜顧其雄偉質直善於模寫政如東丹突
欲盡本土人物筆跡超絕論者以爲不免有
遼東風氣之偏惟吾易之作粹然獨有中
和之氣上可以追媲昔賢下可以鳴太平之治
溫柔敦厚清新俊逸使人讀者爲永而不
厭茲非聖人之化仁義漸被詩書禮樂之教

金臺集

前序

汲古閣

而致然耶吾聞易之不喜祿仕惟以詩文自娛其來京師特以廣其聞見以助其詩也今將歸隱于江淮之南凡可與游者皆戀不忍其去則其志趣之高矣哉至壬辰魏郡李

斐受書

金堂集

前序

汲古閣

今之言詩者大抵祖玉溪而宗楊劉殊不思楊劉詩皆侍從近臣所以鋪張太平之盛者直寫其詩見云爾江湖之士真身臥月窟客之鄉而欲於胸中模索以追逐之用心亦良苦矣竊邇緣民迫既易之體志高潔不屑為科舉利祿之文平生之學悉資以為詩久留京師出入于英俊之林而冒聞于朝廷之典禮堂閣之儀章至於眾大之區紛華侈靡宏澤可異之觀亦有以開廓其心目故其形於吟詠必發乎情辭必稱乎事不規不馬務為刻調辭館以追逐乎前人而自不能不與之合也聞聞易之金堂集湧識其後以按覽者許焉至乙子季四月六日黃得書

葛邏祿易之詩序

易之葛邏祿氏也少居江南長遊齊魯燕趙之間以客于京師博學善歌詩其詞清潤徹華每出一篇則士大夫輒傳誦之大抵五言類謝眺柳惲江海七言類張籍王建劉禹錫而樂府尤流麗可喜有謝康樂絕明遠之遺風間錄其近作一編末謂曰僕於世甚拙知馬不能出奇于時鈞連強近以有祿爵力馬不能操手扶矢馳驟風雨以自効於時又不能占三逐利如鷹鵠驚鳥之殺也此心泊然無佗好其有好而巳之者盡在是矣太史危君嘗為僕序前所

金堂集

前序

汲古閣

錄葛某君子幸更序之予聞易葛邏祿氏在西北金山之西與回紇壤相接俗相類其人便捷善射又能相時居貨媒取富貴易之世出其族而心之所好獨異焉宜乎見於詩者志卓乎有以異於人也雖然富貴可以知力求而詩固有難言者矣是以前黃金丹砂宮主桓驛猶或幸致而清詞妙句在天地間自有一種清氣豈知力所能求哉昔之善論者謂詩有別思易之之於詩其將懷於是也夫至乙子年八月望日監察御史宣城貢師泰序

金臺集目錄

卷第一

登崆峒山

賦環波亭送楊校勘婦豫章

李子

送蔡樞密仲謙河南開屯田兼呈僕工部世

南

三峰山歌

京城燕

題羅小川青山白雲圖爲四明倪仲權賦

金臺集

目錄

汲古閣

舍朱景明惠墨兼次韻

京城春日二首

送王季境還淮東幕

益清堂

送陳道士歸金華

復初

玄圃爲上清周道士賦

送王公子歸揚州

題張賞美人織錦圖爲慈溪蔡元起賦

題崇真宮陳練師壁間竹梅邀倪仲愷同賦

春日次王元章韻

送葉上舍晉歸四明

程叔大歸四明兼簡徐仲裕

題吳照磨墨梅

和危太樸檢討葉敬常太史東湖紀遊

桃花山水圖爲桃源屠啟明題

春暉堂爲武陟趙太守賦

題馬遠信州圖

送普顏子壽之廣西經歷

金臺集

目錄

汲古閣

送道士袁九霄歸金坡道院

送葛子熙之湖廣校官

送太尉孫潘奉先之和林

送康里聞善之猗氏長

賦甘露門送李侍御之西臺

惟中

送按攤不華萬戶湖廣赴鎮

雪霽晚歸偶成

予有山水圖畱倪仲愷太史齋中久未得題

品一日危太樸應奉謂余曰昔人皆以酒

解醒子能作歌求詩亦此意遂成古詩一章以趣之

月湖竹枝四首題四明俞及之竹嶼卷

送太師掾陳德潤歸吳省親

送吳月舟之湖州教授

耕樂爲張處士賦

送國子生郭鵬歸河東石室山省親

賦鸚鵡送僕世南廉使之海南

江東魏元德進所製齊峰墨于上都慈仁殿

金臺集

目錄

汲古閣

賜文緣馬潼以寵之既南歸作詩以贈云

送李士寧之河南太守

題會稽韓與玉秋山樓觀

送危助教分監上京

太僕

送楊復古之遼陽學正

送達理馬識理正道監州歸江南三十韻

徐伯敬哀詩

送朱景明從王廉使之山東

賦南湖送歐陽遜學歸廬陵

秋日有懷徐仲裕

題墨梅贈徐用吉南歸

送鐫將軍姑蘇之官

逍遙室爲鄒上舍賦

雪霽紅門偶成

汝州園亭宴集奉荅太守胡敬先進士莫倫

赤德明

新月行

寄揚州成元璋先生

金臺集

目錄

汲古閣

題應中立所藏陳元昭山水

宮詞八首次僕公遠正字韻

松巢爲錢塘謝堯章先生賦

送李中父典簿高驪頒曆

送鐫碧溪之遼陽國王府文學

送進士王克敏赴成都錄事

三月十日得小兒安童書

南城席上聞箏懷張子淵

宋顯夫內翰挽詩

題舜江樓爲葉敬常州判賦

送胥有儀南歸

大段吉甫助教春日懷江南韻

秋夜有懷姪元童

送趙彥徵上舍歸吳興

虛齋爲四明王練師賦

天壽節送倪仲愷翰林代祀龍虎山

送方以愚編修之嘉興推官

送張維遠御史之南臺

金臺集

目錄

汲古閣

聞僕尚書除澗省參政因寄樂仲本

春草軒爲毘陵華以愚賦

送曾文暉之湖州推官

寄題壽張堂

望泰山

鶴齋爲道士薛茂弘賦

送道士張宗岳奉和正旦表朝京竣事還龍

虎山

京城雜言六首

送慈上人歸雪竇追挽澗東完者郁元帥四

首

挽清溪徐道士

賦漢關將軍印

題中丞張文忠公諫罷鐙山奏藁後

希正

新鄉媼

題四明王元凱画三姬弄釵圖

送余廷心待制之澗東僉憲

寄南城梁九思先生

金臺集

目錄

汲古閣

巢湖述懷寄四明張子益

梨花白頭翁圖爲四明應成立題

送都水大監脫脫使君奉命塞白茅決河

清卿

汝水

送平章札刺爾公

朵爾直班字惟中

赴西臺御史大

夫

邨城冬夜讀有感

送蔣伯威下第南歸象山

羅稚川山水十韻爲甬東應可立題

題園扇送蘭石奉御遊上京

潁州老翁詞

卷第二

上京紀行

發大都

鐺黃祠

龍虎臺

居庸關

榆林

金臺集

槍竿嶺

李老谷

赤城

龍門

獨石

檐子窪

李陵臺

次上都崇真宮呈同遊諸君子

失刺幹耳朶觀詐馬宴奉次貢泰甫授經先

目錄

汲古閣

生韻

病中答張元傑宗師惠藥

崇真宮夜望司天臺

雨夜同天台道士鄭蒙泉話舊併懷鐺子彝

陽明洞丁元善尊師攜酒招省郎穆薩君過

余夜飲

行路難

塞上曲

歸途過金閣山懷處侍講

金臺集

讀唐嬌川鐺太守遺愛碣

還京道中

贈張直言南歸

大元特進上卿玄教大宗師饒國吳公全節

哀詩二十二韻

南城詠古十六首

黃金臺

憫忠閣

壽安殿

目錄

汲古閣

聖安寺

大悲閣

鐵牛廟

雲僊臺

長春宮

竹林寺

龍頭觀

粧臺

雙塔

金臺集

西華潭

白馬廟

萬壽寺

玉虛宮

古鏡篇寄韓與王

秋懷寄西蜀仲良宣慰家兄

病起書事呈兼善尚書二首

孔林瑞槐歌

病中送楊仲如廣文歸四明兼簡鄭以道先

目錄

汲古閣

生

寄浙西廉訪脫脫使君

秋夜有懷明州張子淵

題王虛齋所藏鎮南王墨竹

送經筵檢討鄒魯望之北流尹

投贈趙祭酒甘韻

荅祿將軍射虎行

京城春日二首

送王子充歸金華

金臺集

新隄謠

鐫舍人桃花馬歌

贈沈元方婦吳興兼簡韓與王

留空谷山人徐君婦武當

送林庭立婦四明兼東張子端兄弟

次韻趙祭酒城東宴集

贈謝尚禮婦盱江

北邙山歌

讀金太祖武元皇帝平遼碑

目錄

汲古閣

梅花庄爲張式良賦

送陳鍊師奉香歸四明慶醮玉皇閣寄王致

和真人

讀汪水雲詩集

七月十六夜海上看月

陵州

郛城題壁

寄上京塗真

月彥明都水月石研屏蓋歐陽公故物也

金臺集

目錄
十一

汲古閣

寄程仲能校書

寶林八詠爲別峰同禪師賦

岳墳行

田家畱客圖爲四明鑑師向先生賦

讀揭文安集

文穆處士鄭君挽詩

題匡禪師看雲亭

送楊梓人待制出守閩州兼寄嘉定宣慰家

兄

送楊季子赴德慶知事

馬德良下第

寄河南趙子期參政

羽林行

贈韓印曹婦會稽

張仲舉危太樸二翰林同擢太常博士

金臺集

目錄
十二

汲古閣

金臺集目錄 終

金臺集卷第一

南陽通賢易之學

臨川危素太僕編

登崆峒山

緣羅陳眉嶸嶠望浮雲馳飄風西北來颯颯吹裳
衣氣候儵遷變中懷鬱歎歎路逢一道士高結冠
纚纚恐是廣成子再拜欲問之長歌入深林棄我
忽若遺京湍瀉石壑日落松聲悲雲巖遶難及千
載生遐思

金臺集

卷一

汲古閣

賦環波亭送楊校勘歸豫章

予

積水敵華構參差帶幽徑微風動輕蘋綠雲泛珠
箔天空夕陰歛川迴游鱗躍徘徊滄洲夢露下翠
衾薄公子屬鳴珮消遙跂延閣微陰杳樹移緩步
庭花落放舟返春渚言忤林泉樂揮鴈靡可問悵
望青山郭

送蔡樞密仲謙河南開屯田兼呈僕工部世

南

提我臺閣五朝臣兩府承恩雨露新百鍊丹心惟

報國一簪華髮爲憂民山東豺虎無餘孽誰下衆

麻及暮春解劔從今負黃犢去思應與芍陂隣

上樞秉銳慰中州更喜尚書並轡遊龍節引班辭

玉陛羽觴傳酒送華輶晴雲冉冉浮宮樹春水鱣

輿出御溝蚤晚歸朝奏勸績君王須賜紫貂裘

三峰山歌

釣州陽翟縣南有山曰三峰昔我睿宗在

邸嘗統兵伐金與其三將完顏合達穆剌

蒲元完顏斜烈等鏖戰山下敗其軍三十

金臺集

卷二

汲古閣

萬而金亡矣今百餘年樵牧往往於沙磧

中得斷稍遺鐵印韋之類至正五年嘉平

第二日子自郟城將上京師道出陽翟夜

宿中書郎郭君彥通私館感父老之言而

作歌曰

落日慘澹黃雲低懸厓古樹橫幽溪三峰山頭獨

長嘯立馬四顧風淒淒溪邊老翁行偃僂勸我停

驂爲君語山前今日耕種場誰識當年戰爭苦金

原昔在貞祐間邊塵四起民凋殘燕京既失汴京

破區區恃此爲河山大元太子神且武萬里長驅
若風雨塵兵大雪三將死流血成河骨成堵朱鸞
應瑞黃河清金將公新州河清鼓山鳳出應國朝開基之光聖人啟運乾
坤寧當時流離別鄉井啼來白髮歌承平曠野天
寒霜簌簌夜靜愁聞山鬼哭至今隴上牧羊兒猶
向草根尋斷鐵論功衛霍名先收黃金鑄印身封
侯英雄半死鋒鏑下何人酌酒澆荒丘

金臺集

卷一

汲古閣

余比修國史睹三峰之役金師三十五萬
來拒戰我師不敵軍于山之金溝其軍數
重圍三峰而中夜大雪金人矢鏃引矢來
舞莫能施我師一鼓殲之自是金人膽落

不復戰矣易之作歌辭豪健激昂而爽
有思致殆與三峰長難置諸樂府饒歌聞
揚厲無前之盛續良無德也晉李張翥題

京城燕

京城燕三月盡方至
甫立秋即去有感而作

三月京城寒悄悄燕子初來怯清曉河隄柳弱水
未消牆角杏花紅夢小主家簾幙重重垂銜片却
傍檐間飛託巢未穩井桐墜翩翩又向天南歸君
不見舊時王謝多樓閣青瑣無塵捲珠箔海棠華
外春雨晴美善葉上秋霜薄

題羅小川青山白雲圖爲四明倪仲權賦

山上姓雲似白水溪頭竹樹綠陰園野橋日落行
人倦茆屋春深燕子飛漣酒屢招鄰舍飲放歌還
趁釣船歸客窓看畫空愁絕便欲移家入翠微
禽朱景明惠墨兼次韻
春去思家遠愁來似酒醺故人多古意賸子豈能
文柄管含春黛臨池漲渾雲欲窮山水興分贈李
將軍

京城春日二首

金臺集

卷一

汲古閣

三日諸郎僦直閒繞城騎馬借華看晚來金水河

邊路柳絮紛紛撲綉鞍

黃鶴樓東賣酒家王孫清曉駐游車寶釵換得蒲
萄去今日城東看杏華

送王季境還淮東幕

西京驕馬越羅衣公子風流世絕稀冠蓋一門誇
萬石江山千古憶玄暉新茶夜試中冷水美酒春
分采石磯幕府群公多勝賞一枝芍藥待君歸
益清堂

閩海憲使合魯桓穆公婦休嵩山之下鑒

池引流別植卉木扁其燕處之堂曰愛蓮

公沒堂池逮廢其孫國子生張伯高諱

恭好學思繼先志迺復增緝而新之國子

先生陳伯敷易其名曰益清伯高謂子曰

與君世寓南陽且支裏聯屬不可無作因

賦律詩十有四韻以復其命云

嵩嶽雲峰近高居水竹幽築堂依別墅荒石帶芳

溝翠荇含風弱紅蕖著雨柔菱歌花外發蘭漿月

中游卷幄紅雲亂開尊碧露浮使君曾拜節持斧

金臺集

卷一

汲古閣

照南州綠野池臺莫平泉草樹秋吾宗多秀發公

子獨清修屢接何蕃武長懷賈誼憂拾螢供夜讀

走馬散春愁朋友頻相過琴觴每倡酬藉通青瑣

貴文擅宵闈優歸思勞清夢高情憶故丘卜鄰端

有約歲晚共綢繆

送陳道士歸金華

復初

明月樓前溪水深溪邊樓觀隔松陰何時化鶴歸

華表相對焚香坐竹林夜雨燈前讀易春風花

底自彈琴令人苦憶江南路千里相思雪滿簪

玄圃爲上清周道士賦

玄圃雲深路渺茫神僊飛佩隔樽棗碧桃開盡春

溪漲白鸛歸來海月涼崑崙涓涓鳴石竇松華細

細落琴床明年我亦山中去賸采瑤芝滿藥囊

送王公子歸揚州

玉雪王公子歸鸞向竹西水清淮白上天濶海青

低瓊樹春前發烏絲醉後題何須問勛業名與爾

翁齊

題張宣美人織錦圖爲慈溪蔡元起賦

金臺集

卷一

汲古閣

織錦秦川窈窕娘新翻花樣學官坊窓虛轉軸鸞

聲滑腕倦停梭粉汗香雙鳳迴翔金縷細五雲飛

動絲絲長明年夫婿封侯日裁作宮袍遠寄將

題崇真宮陳練師壁間竹梅邀倪仲愷同賦

空谷天寒雪如堵短蓬載酒滄江浦繫船偶傍竹

籬邊一樹梅花纔半吐別來京國久相思夢斷愁

聞畫角吹忽見新圖寫幽趣令人却憶剡溪時寄

語南城倪博士取琴對此彈秋水中林月上不須

歸共倒清尊醉花底

春日大王元章韻

翠憶金車錦駱駝芙蓉繡褥載雙娥雨旌輦路塵
沙少風起春城柳絮多乘燭且留清夜飲倚闌猶
聽隔牆歌山翁此日心如夢斷江南雨一簑

送葉上舍晉歸四明

涼空夕陰齊繁星垣明河夜色浩如秋水聲在庭
柯遊子千里情歸心向江沱亭亭太白嶽育首煙
雲多落月掛松檜古屋依清波結綰豈不蚤流光
恐蹉跎振衣出橋門展與理征艤清淮集魴鯉曠

金臺集

卷一

汲古閣

野飛駕鵝顧我羈旅間執別將如何持觴易水上
慷慨驍駒歌遠眺東南山鬱鬱雲峯巖

程叔大歸四明兼簡徐仲裕

銀臺門裏校書時金匱親國拜袞衣賜酒喜從天
上至乘槎還向月中歸滄江水落孤帆遠野岸秋
深亂葉飛若到蓬萊見徐市相思千里政依依

題吳照磨墨梅

天台吳架閣京下憶尋梅倚杖月中立思君江上
來夜深憐雪落香動覺春迴獨坐嶮邊石旌雲滿

綠苔

和危太樸檢討葉敬常太史東湖紀遊

柳外旌旗拂曙光使星迢遞下江鄉岸花送客鳥
蓬遠山雨催詩翠閣涼老衲自分茶甌火小僮深
炷石龕香故人別去瀛洲遠千里披圖思儘長

桃花山水圖爲桃源屠啟明題

天台山下山雲無數山南山北多桃樹石洞春寒風
雨深落華半逐溪流去人間從此識仙家短棹尋
源到水涯翠裏乘鸞下明月玉繁畱客進胡麻我

金臺集

卷一

汲古閣

昔捫蘿探幽谷青精煮飯松邊宿至今矐子有神
光細字猶能夜深讀高人築屋石溪東谿山却與
天台同粉黛含情託幽趣碧桃流水春溶溶六月
黃塵汗如洗獨騎瘦馬京城裏忽見新圖雙眼明
拏舟欲泛滄浪水我家只在蒼崖顛白雲繞屋清
溪連他日君能遠相覓看華酌酒春風前

春暉堂爲武陟趙太守賦

使君耒老竟投簪新築華軒並故林寸草不忘東
野念九泉猶慰北堂心窓浮海色旌雲薄日轉花

陰午漏深展卷令人心獨苦蒙我久廢淚濡襟

題馬遠信州圖

昔解靈溪纜相將下信州人家臨水岸鼓角起城頭雲橫龜峰雨江分蠡澤秋開圖見山郭千里思悠悠

送普顏子壽之廣西經歷

子壽從駕自海南歸

天子龍飛海上幄中郎執戟最光輝雲間紫誥金書字幕下僊僚繡作衣萬里秋風榕葉暗一林新雨荔枝肥編氓政苦誅求急蚤望封章達禁闈

金臺集

卷九

汲古閣

送道士袁九青歸金城道院

朔風吹黃沙客子夢千里青山久不歸白日去如水昨朝灤水上仙人偶徠過自言遠坊墻結廬在金坡玉峽棲曾雲翠閣繁危棧鐘聲繞碧瓊桃李出深澗雙童掃白石展席彈瑤琴青松掛落月海色浮空林竟謝區中緣騎龍忽歸去祇恐人民非那愁歲年莫君還練石髓九轉成玄霜他時肯分贈碧落同翱翔

送葛子熙之湖廣按官

高槐疎雨作新涼猶記簪書白玉堂官燭夜分供細字宮壺曉賜出明光盤堆首飾青瓊冷衣染檀花束帶長宣室若蒙天子問定知實誼在沅湘南山水落氣蕭蕭千里幄心折大刀雙鷁鵝鳴秋水濶三關虎踞朔雲高客窓久念衣裘薄史館頻煩筆札勞有約相逢明月夜扁舟載酒楚江皋

送太尉掾潘奉先之和林

御河水消春欲暮官船繫著河邊樹河邊日日送行人過鼓開帆盡南去潘郎作掾獨未還腰弓卻

金臺集

卷十

汲古閣

度居庸關馬上長誦一迴首關南樹色青雲間七月金山已飛雪牛羊散漫行人絕夜深陡覺攬帳寒酒醒只聞笳鼓咽丈夫莫恨不封侯食肉須當萬里游腰間拂拭黃金印他日相逢尚黑頭

送康里聞善之騎氏長

子山平章從各拜生

青絲白馬出京華乍剪宮袍眩海霞作宰不須辭下品歷階從此擁高牙小樓刻燭聽春雨白晝垂簾看落花兄說三槐陰德厚孝廉還在相君家

賦甘露門送李侍御之西臺

惟中

雄觀銀河近天清鼓角空女牆秋色外仙掌月華
中雙闕當關樹高城繞漢宮使君聽馬入按轡立
西風

送按攤不華萬戶湖廣赴鎮

三品新除萬戶侯紅旗照海出皇州腰間寶帶懸
金虎馬上春衫繡玉虬水落張帆遊夢澤月明堤
鼓過南樓書生最喜從軍樂何日轅門借箸籌

雪霽晚歸偶成

公子腰弓下直歸紅門晚出馬如飛東街積雪無
金臺集 卷一 十一 汲古閣

人掃却恨春泥濺繡衣

東風悄悄著羅衫秉燭歸時酒半酣聽得隔簾人
笑語夜來春氣似江南

予有山水圖畱倪仲愷太史齋中久未得題

品一日危太僕應奉謂余曰昔人皆以酒

解醒子能作歌求詩亦此意也遂成古詩

一章以趣之

野人築屋青山底綠篠娟娟蔭秋水天涯作客想
江南乞君題詩畫圖裏畫圖疊嶂雲鈞汀花碧

草春依然對此令人動歸興却思把釣清溪邊一
束殘書掛牛角大笑青天翰日落窓下孤燈夜雨
深入間萬事秋雲薄明年我亦去山陰君歸泛雪
須相尋草堂下榻看圖畫共君酌酒聽君吟

月湖竹枝四首題四明俞及之竹喚卷

絲絲楊柳染鴉黃桃花亂開臨水傍隔岸誰家好
樓開燕子一雙飛過牆

五月荷花紅滿湖團團荷葉綠雲扶女郎把釣水
邊立折得柳條穿白魚

金臺集 卷一 十二 汲古閣

水仙廟前秋水清芙蓉洲上新雨生画船撐着莫

近岸一夜唱歌看月明

梅花一樹大橋邊白髮老翁來繫船明朝捕魚愁

雪落半夜推蓬起輪天

送太師掾陳德潤歸吳省親

列戟三槐第王章九錫臣鳴珂皆貴戚彈鋏盡嘉
賓公府多甄錄先生蚤見親下帷譚臺疊開閣禮
諄諄春甕蒲萄熟朝餐首荷新大夫忻契合丞相
屢諮詢不厭親無栗寧甘饒有塵寸心縣嗟指千

里動思尊解袂燕臺下揚舲路水濱岸花迎客帽
雲樹暗江津捧檄娛親舍還家及暮春豈須誇祿
養自可厚彝倫賤子漂零久經年旅食貧詩成空
感激愧爾遠婦人

送吳月舟之湖州教授

天涯作客少清歡剪燭裁詩強自寬江樹暮雲離
思遠杏花春雨客窓寒易程美酒臨池酌畫青
山拄笏翰博士從來官獨冷團團朝日照空盤

耕樂爲張處士賦

金臺集

卷一

汲古閣

江東有一士耕穫在南山天明荷鋤出口莫唱歌
還酌酒麥隴上掛巾衆樹間卒歲有餘樂豈知行
路難

送國子生郭鵬歸河東石室山省親

學省沉沉近九天青藜曾得校章編諸生共惜何
蕃去聖主深知郭隗賢石室人歸秋水落滹沱馬
度曉水堅一尊春酒高堂上願祝仙翁五百年

賦鸚鵡送僕世南廉使之海南

朱崖擅珍鳥鸚鵡獨專名滿庭榕葉春晝姓飛來

却向花間鳴三月蠻江春水綠日斜還傍江頭浴
弱羽翻風溼翠流爪痕蹴浪珊瑚來間闌更作斷
腸聲水流花落難爲情鳥臺使君午夢醒隔簾細
雨春冥冥

江東魏元德進所製齊峯墨于上都慈仁殿

賜文嫌馬漣以龍之既南歸作詩以贈云
錦囊玄圭瑩龍香祕閣浮清豪春黛溼拂楮翠雲
流繡綺頒宮掖瓊漿出殿頭小臣霑雨露千載荷
恩休

金臺集

卷一

汲古閣

送李士寧之河南太守

銅虎初分刺史符翩翩早蓋入東都寒灘久伺占
鵲鴉斷碣誰憐載輶輶鵲鴉在洛陽雪裏行厨尋
永叔花邊繫馬問堯夫漢庭擇相皆良吏佇翰黃
麻出紫樞

題會稽韓與玉秋山樓觀

樓觀依青崦峰巒似越州樹根流水過山頂白雲
浮露下琴絲潤溪寒釣石幽相看國圖裏歷歷記
曾遊

送危助教分監上京 太朴

驅馬涉大河堅冰若平地雪霰在須髮顏色漸憔悴
迢遞出恒趙迢遞入燕薊幸託君子交情親不
子棄棄余屢就宿下榻辱延致諄諄味道言情匪
骨肉異振鐸趨雍宮胄子夙尊畏適從甘泉幸晨
理赤城轡我獨增煩憂中夜不能寐崎嶇數千里
欲盡平生意忽如參與商令人發長喟都門候迴
轅淅淅秋風至

送楊復古之遼陽學正

金臺集

卷一

汲古閣

八月松亭萬木空着鞭又向黑河東穹廬宿頓供
羊腍部落晨炊羹馬通行翰策臺招郭隗豈教執
戟老揚雄門生衣袂多狐貉來聽譚經絳帳中

送達理馬識理正道監州歸江南三十韻 韻分

得未

世祖圖勳舊先公立要途聲華臺閣重寵渥禁庭
珠喜見傳家子真成墮地駒春雲浮玉樹秋水出
水壺世賞諸侯爵平分刺史符氣吞雲夢澤思繞
洞庭湖憂國頭將白移官綬尚朱敬亭吳楚勝別

駕孝廉俱史懽神明政民懷撫字劬丹衷深感格

甘雨遂霑濡栢府章文薦薇垣禮獨逾甘棠歌召

伯壘壤詠康衢銓吏持籌策年勞限累銖承恩還

五馬總闕起雙鳬鼓柁群吳會揚舲入帝都春風

吟芍藥夜雪擁瓊琤仰賢侯哲深憐賤子愚河

魴新人饌鄰釀屢分醅剪燭陪譚座臨風擊唾孟

襟期天日皎信誼海潮平截竹魚頻寄裁書鴈已

迂倉忙辭易水迢遞向姑蘇雲盡群峰出秋高萬

木枯朝帆衝野樹夜艇泊江蒲入郭借親舊還家

金臺集

卷一

汲古閣

迂僕夫高堂春草綠華誥紫雲敷采袖燈前舞青
驄柳外驅溪山供嘯詠菽水盡歡娛佇聽鶯遷木
還看鳳集梧東山寧久臥國政賴匡扶

徐伯敬哀詩 有斥

伯敬姓徐氏諱仁則世爲明之奉化大族

蚤孤奉母鞠弟至行有聞于時家貧益自

勵嗜字學有能名王公碩儒皆慕重之君

與子同生年月日先於余爲其逆者幾二

十年歲庚辰君年三十有二得疾臥于家

予歸自京師聞之馳往省焉君伏枕已逾月既暮而別君曰明日不復握手越宿計至君果死矣嗚呼君之孝弟溫慎益自治問學天假以年惡知其不少樂見哉而卒以死如予之愚而求知之深又惡得不深悲哉子再至京師徵銘于太史危先生以志其行實於是復作詩以哀之詩曰

蕭蕭城南路白楊蔽江麓下有長夜臺陽景無絲燭笳鼓日夜悲往者不可復嗚呼徐徵君儀表冠

金臺集

卷一

汲古閣

梧竹十三父蚤喪子子影隻獨我時已識君青燈照書屋十五學篆籀鍾鼎飽撐腹鐫模搨詞林論議動群玉生計日蕭條名聲愈清淑母也老而病伯也苦盲目君能謹溫清膝下供水菽驚衣粟詩書呼弟對床讀臺臺藥石言朋類素欽服嗟余苦參商不得時相屬昨從燕山歸君已臥帷褥握手情既多剪韭薦醪醑出門不忍舍扶杖意淒淒憂晨計書來捐館已逾宿哀君多艱虞胡忍逝之速日落旦復升月虧望還足君往不復返使我淚盈

柳既無中饋嬾又乏南山果何人爲脫驂對此倚門哭雲浮白日陰慘慘風號木九原多黃壤宿草長新綠平生布衣情表錫爵寒涼

送朱景明從王廉使之山東

繡衣玉節鎮青沂佳士聯鑣出帝畿天祿最憐鍾向古會稽深望買臣歸御溝水落魴魚上官柳春迴燕子飛鈴閣日長文字簡定將玉塵對君揮

賦南湖送歐陽遜學歸廬陵

蕭蕭廬陵郡南湖水鏡開亂雲陵上起一棹雨中

金臺集

卷一

汲古閣

來浦樹棲鴉集城樓塵鼓催君還秋色裏載酒重徘徊

秋日有懷徐仲裕

前年七月去明州却向京華住兩秋千里鄉心雙鬢改朝來臨鏡不勝愁
疊嶂青林雨氣昏側身南望幾銷魂何時得似邨東叟日晏牽牛繫樹根

老兄多病更多愁祇恐今年已白頭
獨苦更憐有妹在衡州

時間二兄在病中

佛乘一樹隔河西壓架蒲萄日影低記得長髯洪
處士醉眠木榻唱銅鞮

題墨梅贈徐用吉南歸

蘇公隄上路千樹雪紛紛載酒曾邀我看花每憶
君翠茵松下臥鐵笛月中聞獨有思歸者長歌望
白雲

送鐸將軍姑蘇之官

桃花駿馬綠羅襦意氣如雲出帝都暫解弓刀辭
細柳又懷印綬入姑蘇當筵翠杓春涪蟻列饌銀
金臺集

卷一
十九

汲古閣

盤晚鰯鱸五月垂虹橋下路画船飲笛臥水壺

逍遙室爲鄒上舍賦

嘉樹翳學省繁露夕零亂琅琅讀書聲歷歷在香
漢君子慎齋居編簡風潛玩秋蛩咽斷甍流螢襲
虛幔燈燭耿餘輝沉沉夜將半宴坐遂忘言群疑
自冰渙聖道日修明玄譚乃虛誕願君善其用毋
爲發深嘆

雪霽紅門偶成

是日
千秋

雪擁紅門沒馬韉樓臺歷歷在藍田風迴闕角瑤

華亂水瀉觚稜玉筍縣龍管忽聞天上曲霓裳空
憶月中仙何當喚起王摩詰乞與人間作畫傳

汝州園亭宴集奉答太守胡敬先進士莫倫

赤德明

人郭會親友園亭喜暫開斷水簾外落殘雪樹邊
來秉燭聽瑤瑟停歌引玉杯平生鄉井意盡醉共
徘徊

新月行

江南小兒不識愁新月指作白銀鈎家人見月更
金臺集

卷一
二十

汲古閣

權喜捲簾喚我登高樓三年留滯京華裏衰黃
塵馬頭起一番見月一番愁歸心夜逐東流水在
家不厭賤與貧出門滿眼多故人誰念天涯遠遊
客只有新月能相親

寄揚州成元璋先生

先生白髮好棲居抱膝長吟樂有餘睡起茶烟浮
几席春深竹色上圖書無因東閣論封事有約南
山共結廬千里停雲勞夢想人來應望致雙魚
題應中立所藏陳元昭山水

遠騎出郊坰裴徊立清曉風雨江上來雲山望中
小松瀑瀉巖阿僧鍾度林杪絃焉倘可棲長歌拾
瑤草

宮詞八首次僕公遠正字韻

廣寒宮殿近瑤池千樹長楊綠影齊報道夜來新
雨過御溝春水已平隄

千官鵠立五雲間玉斧參差擁画闌今日君王西
內去安排天仗趣儀鸞

水晶簾外日遲遲殿閣春深笑語稀繡幕無端風

金臺集

卷一

汲古閣

捲起一雙燕子傍人飛

上苑含桃熟暮春金盤滿貯進風宸醖醕清透水
漿滑分賜堦前僊直人

瓊島岩堦內苑西闌斑綺石甃清漪御床不許紅
塵到黃幔長教翠地垂

花影頻移玉砌平美人欹枕聽流鶯一春多病懶
梳洗怕說鶯輿幸上京

繡床倦倚怯深春窗外飛花落錦茵抱得琵琶堪
下立試彈一曲鬪清新

太液池頭新月生瑤街最喜晚來賸貴人忽被西
宮召騎得驊駝款款行

松巢爲錢塘謝堯章先生賦

結廬東山下門外萬松立月明樹根坐露華衣上
溼鶴啼洞雲噴風生海濤急茯苓倘可餐永矢謝
城邑

送李中父典簿高驪頒曆

候儀太史立金鑒寶曆新成錦作繁天子垂衣朝
萬國中郎持節使三韓鮫人夜織機聲近龍女晨

金臺集

卷一

汲古閣

遊佩影寒獨捧絲綸度遙海遠人逾覺聖恩寬

送鍾碧溪之遼陽國王府文學

松亭嶺上雪霏霏五月行人尚袂衣日暮草根黃
鼠立雨晴沙際白翎飛名王禮幣來青海弟子弦
歌近絳幃太乙終憐鐏向苦高車駟馬遲君歸

送進士王克敏赴成都錄事

黃榜天門外臚傳玉殿頭敕緘朱筆淫袍翦翠雲
流喜協三槐瑞真成駟馬遊草堂今寂寞還許傳
錢修

三月十日得小兒安童書

醉家海上忽三季念汝令人思惘然萬里書來春
欲暮一庭花落夜無眠買生空抱憂時策季子難
求負郭田但得南歸茆屋底儘將書冊教鋌前

南城席上聞李懷張子淵

春時隨意出南城尊酒花前得共傾畱客強陪今
日醉聽歌不似少年情

海上張家玉雪郎錦箏銀甲醉高堂別來萬里風

沙外燈下聞箏習斷腸

金臺集

卷一

汲古閣

宋顯夫內翰挽詩

卷一

巍科聯伯仲冠蓋耀鄉邦援蟻浮春漲聽鷄坐夜
窓諫臺書第一藝苑筆無雙千古生芻意悲歌泪
滿腔

題舜江樓爲葉敬常州判賦

岩巖官閣帶城皋雲霧軒窓擁六龍隔岸雨來山
氣合五更風起角聲高春江把釣漁歌近秋日開
筵客思豪獨凭闌干望滄海百年難忘使君勞

葉君

曹於餘姚菜石隄四
十餘里以障海潮

送胥有儀南歸

立馬望華蓋君家碧嶂東樹園茆屋外花落雨聲
中捲慢香雲入開編燭燼紅林梢新月上畱客醉
絲桐

大段吉甫助教春日懷江南韻

華底開尊待月圓羅衫半滾酒痕鮮一年湖上春
如夢二月江南水似天修禊每懷王逸少聽詞却
憶李龜年卜鄰擬住吳山下楊柳橋邊艤画船

秋夜有懷姪元童

金臺集

卷一

汲古閣

八月練衣已怯涼伶俚絕似沈東陽薄帷風動流
螢入斷楚霜寒促織忙病裏思家憐稚子燈前聽
雨憶江鄉墓田丙舍知何所一夜令人白髮長

送趙彥徵上舍歸吳興

春雨絲絲著杏花曉寒如雪襲窓紗東風客館還
飛絮三月王孫政憶家張鶯文章多中選陸機兄
弟總才華千金欲購長門賦遲子來乘駟馬車

彥徵

積分首還其兄彦
林亦並以文學著稱

虛齋爲四明王鍊師賦

乘槎昔過博萊東黃雲慘淡浮青空雙龍倒挾兩
珠樹六龍戴出三神宮絳闕瑤臺壓秋水箭韶九
奏鈞天裏霓旌雜沓擁群僊霧縠衣裳雲縠縠
山王子學長生翩翩跨鶴遊蓬瀛露下瓊林翠裾
薄風清碧落鸞笙鳴白月團圓夜深起清光倒射
滄溟底丹崖石壁轉頭空一色玻璃三萬里百年
變滅如春煙海波坐見成來田銅爵華甌土痕蝕
玉魚金盞人間傳昨日逢君灤水上握手高歌成
慨慷山齋何日賦歸來坐看孤雲起青嶂

金臺集

卷一
二十五

汲古閣

天壽節送倪仲愷翰林代祀龍虎山

仲愷上清人因

過家省母

聖人垂拱壽無疆黃帕陰香出建章夜奏玉函丹
篆溼曉投金簡石潭涼山中雲氣成龍虎月底蕭
聲下鳳凰醮罷神遊還碧落瓊漿分賜列仙嘗
玉署聯趨供奉班又持使節祀名山求仙曼倩樓
船遠諭蜀相如駟馬還夜雨燭消松閣冷春風花
落版輿閒漢廷通顯肯儒術深望倪寬蚤入關

送方以愚編修之嘉興推官

夜直南宮碧樹涼青黎獨賜校書郎玉蟾水咽雲
生硯金鴨香銷月轉廊萬古唐虞尊訓詁一時燕
許擅文章書成未使人間讀錦襪緘題進御床
修玉堂視草爲成書
除書侵曉出金鑾太史銜恩拜理官賀老平生知
李白張湯一日薦倪寬春風鈴閣官梅蚤夜雨圓
扉碧草寒東海獄情無枉滯歸朝還著惠文冠
受知賀相

送張維遠御史之南臺

清南張文忠公希孟中丞之子

卷一
二十六

汲古閣

金臺集

中丞名節著朝端今子還義勇角冠驄馬出關官
驛遠樓船泛月大江寒近聞守令皆黃霸尚恐人
才有謝安天子思賢勞夢想封章蚤望逢金鑾
聞僕尚書除湖省參政因寄樂仲本

一春多病思紛紛隔屋幽禽夢裏聞夜雨來時愁
作客落花多處政思君尚書曳履登黃閣處士彈
冠臥白雲賓主東南高會日西湖風月定平分
春草軒爲毘陵華以愚賦

青靄浮江郭庭階草色芳晨暉窓自綠春雨屐生

香弱蔓牽書帶修莖蠹鉅綿綿思道路惻惻念
本衰結構懷東野安輿奉北堂豈須三釜養自可
百憂忘地近延陵邑門旌孝子鄉殷勤張太史爲
播五雲章

張仲舉先
生作記

送曾文暉之湖州推官

吳興多蜀
士寓居

朝拜除書出紫宸画船撓鼓過西津移居溪館紅
蓮繞繫馬庭階綠樹新括目好看吳下士故家須
問蜀中人漢庭治獄推忠厚惠政從今及遠民

寄題壽張堂

金臺集

卷一
二十七

汲古閣

曹之中陶城韓伯常世所居也南距黃河
七十里伯常驗井泉北洞告諸鄉鄰曰河
殆將北吾陶城必受之皆不信伯常乃傾
貲築臺五十尺冠屋其上不再歲河果北
敗多爲蕩析而韓氏之堂岿然人始竦然
異之伯常今推長子恩封壽張尹因以其
封名其堂云

黃河漫漫浸城郭濁浪崩奔惡風作乘麻千頃變
滄溟忽見中流出臺閣臺上老人八十餘北窓高

臥夢華胥當時汲井有深慮一家幸免今爲魚玉
雪郎君盡清楚堂上舉觴堂下舞泥金紫誥日邊
休象笏朱衣照門戶大夫食邑開壽張五雲作篆
懸高堂願得河清一千歲朝朝望闕謝君王

望泰山

芙蓉拔地白雲晴七十二峰相對青紫鳳中霄扶
翠間金烏半夜浴滄溟懸崖芝草承甘露瀟雨松
根長茯苓四海承平天子聖會看封禪動山靈

鶴齋爲道士薛茂弘賦

奎華亭士康公自號
青城樵者嘗爲作銘

金臺集

卷一
二十八

汲古閣

仙人倦騎鶴築室住空山桃花落凡上白雲入窓
間昨從青城遊路逢采樵者遺以山君銘刻之崖
石下開門望赤壁明月滿中天官宮玉笙韻紙在
青松顛茆君不可招雙鳥下京縣借問幾時來笑
指壁間箭我有碧玉軫與君彈九皋曲終忽長揖
飛珮翬煙霄

送道士張宗岳奉賀正旦表朝京竣事還龍

虎山

大明初起日蒼涼天子垂衣御萬方華纈錦雲雙

鳳翥雲浮玉座九龍翔珠懸殿極晨光動鉦轉紗

籠刻漏長

大明殿懸大寶珠下上中設邪太史所製鉦漏銀漢星查來

萬里綠章雲篆賀三陽烏趨青瑣煙霏繞酒出黃

封雨露香芝草繡衣金纂纂芙蓉紉佩玉瑤璫重

賻屢顧真希幸寵渥頻承特異常辭陞更瞻天日

表賜環應在水雲鄉留侯印綬將歸壁時謀復天師印殺

使者旌麾已趣裝河朔游塵隨騎氣江南清夢入

詩囊仙源路近桃花發鬼谷山深樹葉芳後夜相

思京雒士黃精選許寄來嘗

金臺集

卷一
二十九

汲古閣

京城雜言六首

神京極高峻風露恒冷然憶憶十一門車馬如雲

煙紫霞擁宮闕王氣浮山川義我龍虎臺日月開

中天聖祖肇洪業永保億萬年

世皇事開拓橐策群霧清完顏據中原一鼓削蔡

城趙氏守南壤再鼓宗祚傾車書既混一田塾安

農耕嚮非聖人出何能遂吾生

丘公神仙流學道青海東維時儒教師矯矯真天

龍乾坤始開鄆魚水欣相從扣馬諫不殺嘉辭動

天容保此一言善元祚垂無窮

世祖嘗因金儒元
好問之請爲儒教

大宗師復納全真立處機之

一言國家始終好生不殺

居庸土高厚民物何雄強老稚尚弓獵不復知耕

乘射鵬陰山北飲馬長城旁駝羊足甘旨貂鼠充

衣裳酒酣拔劍舞四顧天茫茫

高槐拱朱垣樓閣倚空起劍佩何陸離車馬若流

水昔有社稷臣艱難開荆枳軟血飲黑河剖莽著

青史國家感勲勞報施及孫子

千金築高臺遠致天下士郭生去千載聞者尚興

起我亦慷慨人投筆棄田里平生十萬言抱之獻

天子九關虎豹嚴撫卷發長喙

送慈上人歸雪竇追挽湖東完者都元帥四首

秋水滄江日夜清傷心名將殞東城帳中星墜孤

兒泣塞上雲愁別部驚蜀國猶存諸葛廟漢王空

憶亞夫營鄴人共說封侯事夜雨殘銍泪欲傾公書

立營定海鄴人思
之爲建廟營中

日本狂奴擾湖東將軍聞變氣如虹沙頭列陣烽

煙黑夜半塵兵海水紅
簾葉按歌吹落月獨懷盛
酒醉西風何時盡伐南山
竹細寫當年殺賊功

李倭人首
為飲器

青公

東南天盡海茫茫有盜曾
稱靜海王白刃懸腰腥
血漬絳綃纒額赤眉揚將
軍獨駕樓船出賊若俄
隨礮石亾千載豐碑照山
壘行人墮淚立斜陽

北界

海山中建陳眾仲
監丞所撰平賊碑

野狐嶺上雪紛紛馬賊新
封大將墳千古交情見
今日一時豪傑盡懸君携
瓶滿貯灤河水飛錫還

金臺集

卷一

三十一

汲古閣

穿雪賣雲歸去山窓須有
約半龕燈火夜論文

公

十四明上人送公
瓶至野狐嶺安葬

挽清溪徐道士

郊縣人

先生家住紫雲山海上尋
仙得大丹石洞步虛華
簌簌竹宮望拜珮珊珊雲
深弱水樓船遠月落空
壇珪劍寒清淚如鉛滿征
袂愁聞笙鶴下青巒
豫章湖上列仙居曾借山
人夜讀書碧乳分茶烹
雪水青精煮飯薦水蔬携
尊屢醉雲卿圍着屐同
過孺子盧夢斷人間如轉
燭悲歌千里送靈車

清公

青劍癡真觀于豫章在徐
孺子縣雲卿二祠之右

二月官河春水生僊翁冠
劍出南城尚書篆畫星

辰動太史文章玉雪清江
上東風吹画翼船頭微

雨溼丹旌當時琳館同遊
者應在滕王閣上迎

林為豫章銘兼
善尚書題額

賦漢關將軍印

昔遊玉泉寺繫馬松樹林
獨坐大石上浩歌梁父

吟老衲林下來示我三古
印連環絡繹鉅篆畫蝕

蒼葦將軍勛無敵勁氣橫
九州志在復漢鼎豈事

金臺集

卷一
三十二

汲古閣

身封侯昭烈勢孤危侍侯
作堅壘威振曹家兒膽
落中夜起浮雲幾變滅
球刻良可摹令人千載下
拂拭空嗟吁

題中丞張文忠公

希諫罷銓山奏藁後

至治間御

史觀音保諫五華山事
參議朝日上諫銓山疏大
蒙嘉納賜子甚

纔聞御史戮中臺又見銓
山奏疏來自信茅焦無
死罪獨知蘇軾是英材
九門爭看捐軀諫百辟
驚傳拜賜過千古救荒
遺愛在祠門鶴向曲江
開

公

故荒陝西而亮
今賜廟于長安

新鄉姐

蓬頭赤脚新鄉姐青裙百結村中老日間炊黍餉
夫耕夜紡綿花到天曉綿花織布供軍錢倩人輟
穀輸公田縣裏公人要供給布衫剃去遺髻鞭兩
兒不婦又三月抵愁凍餓衣裳裂大兒運木起官
府小兒擔上填河決茆欄雨雪銼牛骨豪家索債
頻敲門囊中無錢甕無粟眼前只有扶床孫明朝
領孫入城貢可憐索價旁人怪骨肉生離豈足論

金臺集

卷一

汲古閣

且圖償却門前債數來三日當大季阿婆墳上無

紙錢涼葉澆溼墓前草低頭痛哭聲連天恨身不
作三韓女車載金珠爭奪取銀鑄燒酒玉杯飲絲
竹高堂夜歌舞黃金絡臂珠滿頭翠雲繡出鸞鴛
綢醉呼闍奴解羅慢床前爇火添香篝

右新鄉姐一首余同年塔海仲良宣慰君
之仲氏遇賢易之所作也其詞真而婉
豐而不滯其旨益將藉以規諷時政流聞
白岳易為樂府百餘篇以規諷時政流聞
禁中即日權為翰林學士易之他詩若西
曹郎穎州老翁等篇其關於政治視居易
可以無愧而藻繪之功殆過之矣況今天
子聖明求言之詔播告天下當此之時易

之詩或經乙夜之覽則其奇遇又豈下
於居易哉故于三復之餘謹識其後以俟
南臺中執法漢陽蓋苗
板大書于京師寓舍

題四明王元凱画三姬弄釵圖

秦虢夫人夜不婦太真留宿宴宮闈席當瑤砌香
茵薄花落金罍碧露露微笑玩寶釵爭端酒醉憑玉
几不勝衣画圖貌得嫺娟趣藝苑流傳絕代稀
送余廷心待制之湖東僉憲

芳雨散繁絳晨霏起層城草樹鬱蔥蔥欣欣遂敷
榮聖皇秉元化昕夕慮民情彤廷授玉節憲令藉

金臺集

卷一

汲古閣

名卿肅肅曉銜命稅轡東南征屬茲春宵眇出饒
傾朝纓柳色映驄馬調聲雜鳴鶯謬聯祖席侶舉
爵芳醕清粲聞潮東郡山窮海奔崩征徭竭廬室
田疇輟耘耕下車發仁政藹藹春陽生令德聿修
舉庭用慰休明

寄南城梁九思先生

徵君奉詔出京時訪古關河歲月遲泗水中流尋
漢刻近歲濟洲得漢刻秦山絕頂得秦碑仙人久
致青牛約弟子能修白鹿規昨夜少微星象動朝

來只恐史官知先生名有平章梁文節公之孫世居南州不求聞達教授生徒百餘人奉母至孝天啓間奉敕河南北錄金石刻三萬餘道進其副今類爲二百卷曰文海英華又修解列仙傳

巢湖述懷寄四明張子益

憶昔移家東海上萬斛龍驤跨鯨浪三神宮闕渺何許弱水茫茫空悵望前年去作燕山遊麻驂短褐風颺颺昭王臺前月似水荆卿驛畔天如秋病骨苦寒情苦倦南下黃河疾於箭清晨雙舫發呂梁黃昏已泊桃源縣生來每歎蜀道難去年我亦

金臺集

卷一 三十五

汲古閣

登蒼山馮公嶺頭目不到肩輿履雪梯屨頗僕夫緣崖如凍螳下類鐳山深澗底人家半出松樹頂白雲却在山腰起今年四月江西歸小姑正對彭郎磯三更掛帆海門過一川草樹浮晴暉我生胡爲自役役孟浪江湖竟何益清霜鏡底紫髯絲生對篝燈空嘆息愁來憊憊不可當結交賴有張家郎臨風同歌紫芝曲掃石大醉黃金觴我家南陽天萬里十年不歸似江秋水來忽作故鄉思裴劍囊衣度楊子玩鞭亭下江縈紆淮山楚樹青扶疏

一帆西風出巢縣眼明墮此清水壺湖水漫漫接天杪天低更覺青山小倦飛沙鳥覺漁艇倒景芙蓉涵碧藻涼波不動舟如飛棹調官賓聲相隨江東雲樹轉頭失淮西山水尤清奇故人江南不可見千里相思情眷戀門外梅花知未發屋頭柿葉題應徧期君不來爭奈何青天落日搖滄波明年歸來買山下與君共讀巢湖歌

易之詩中所歷之景予皆嘗過之所本至若巢湖耳易之有此滿離峻拔之句余無一語者人各有能有不能也太常博士危素書

金臺集

卷一 三十六

汲古閣

梨花白頭翁圖爲四明應成立題

潛月溶溶隔画樓一枝香雪近簾鈞山禽似怨春歸早獨立花間自白頭

送都水大監脫脫

清

使君奉命塞白茅決河

黃河洶洶決中州三策深煩賈讓謀時用工部尚書賈魯之議聖主憂勤過舜禹相君勛德並伊周渠通故道魚龍避木斬空山虎豹愁十七萬人齊舉錡一千餘里總安流皇天蚤出圖書瑞赤子行歌黍麥秋白璧遺官祠嶽瀆黃金富殿賜公侯使君世重無雙

論太史功書第一籌繡袞從今登兩府更將忠孝
輔皇猷

汝水天兵與宋合攻蔡州城既破金右丞完顏仲德率將士六百人突圍遁至汝水回顧城中煙焰深天仲德下馬謂將士曰國已亡余居宗室且備位宰相幾固當死諸公宜早降諸將大譟曰相公能死我輩獨不能死耶六百人皆奮然起水死

騎馬涉秋水冷冷戰骨聲寒沙沉斷戟殺氣暗殘

營自欲全忠義誰能顧死生千年董狐筆端不媿

田橫

送平章札刺爾公象爾直陸字惟中赴西臺御史大

金臺集卷三十七汲古閣

夫

太師功德古無倫相國材名冠薦紳謬誇敢言天
下事堂堂能服世間人騎迎曉日旌旗動衣繡春
雲繡蔽新賤子平生蒙獎譽棄繻從此入西秦

邨城冬夜讀書有感

幽窓悄無寐稍覺塵慮清月色下床頭映我書冊
明微鐙照孤影慨彼華髮生永懷古先哲勞心但

營營

送蔣伯威下第南歸象山

黃勝天門曙色分考功深媿失鐫黃競誇蜀錦新
機杼誰識商盤古篆文小艇婦人衝夜雨落花難
息攬春雲故廬鐵硯應無恙載筆重來勇策勛

羅稚川山水十韻為甬東應可立題

平生丘壑趣偶向畫中傳雨氣千峰外江流落日
邊縹緲青滿渚芳樹綠參天渺渺溪雲淨涓涓石
溜縣崖顛何處閣各口小家煙漁唱來秋浦僧鍾
落夜船瞥驚飛鳥過疑有蜃龍眠竹逕能畱客桃
源竟得仙丹青旁絕代賦詠藉名賢千古滄洲意

金臺集卷三十八汲古閣

含情憶稚川
題西扇送蘭石奉御遊上京

居庸煙樹綠扶疎公子頻年從屬車聞說千金求
作賦上林須薦馬相如

穎州老翁詩

穎州老翁病且癯蕭蕭短髮秋霜垂手扶枯筇行
復卻操瓢丐食河之涓我哀其貧爲憫問欲語哽
咽吞聲悲自言城東昔大戶腴田十頃乘陰圍闔
門老稚三百指衣食儘足常熙熙河南季來數元

早赤地千里黃塵飛麥禾槁死粟不熟長饑掛壁
 犂生衣黃堂太守足宴經鞭扑百姓窮骨脂聒天
 絲竹夜酣飲陽陽不問民啼饑市中斗粟價十千
 饑人煮蕨供晨炊木皮剝盡草根死妻子相對愁
 雙眉鵠形累累口生酸齧割餓葶苈無完肌姦民乘
 隙作大盜腰弓跨馬紛驅馳嘯呼深林聚兇惡押
 弄劍架搖旌旗去年三月入州治踞坐堂上如熊
 羆長官邀迎吏再拜饋進牛酒羅階墀城中豪家
 盡剝掠况在村落人煙稀裂囊剖筐取金帛煮殺
 金臺集 卷一 二十九 汲古閣

懼怕淮南私康久紅腐轉輸豈惜千金資遣官巡
 行勤撫尉賑粟給幣蘇民疲獲存衰朽見今日病
 骨尚爾難撐持鄉非聖人念赤子填委溝壑應無
 疑老翁仰天泪如雨我亦感激愁歎歎安得四海
 康且阜五風十雨斯應期長官廉平縣令好生民
 擊壤歌清時願言觀風采詩者慎勿廢我頌州老
 翁哀苦辭

狀物寫景之功固詩家之極致而繫於風
 化補於政治尤作者之至言易之此詩兼
 得之矣禮部侍郎
 汝陰李鶴子藏書

金臺集 卷一 四十一 汲古閣

易之此詩格調則宗韓吏部情性則同元
 道州世必有能知之者監察御史危素書
 至正四年河南北太僕明午又疫民之死
 者過半朝廷嘗議溺爵以賑之江淮富人
 應命者甚眾凡得鈔十餘萬定粟稱是會
 夏小給振事遂已然民罹大困因棄盡荒
 蒿蓬沒人狐兔之迹滿道時余為御史行
 河河南滿以富人所入錢粟貸民且牛種
 以耕豐年則收其本不報覽易之詩追
 憶往事為之惻然八年三月翰林待制武
 關志

金臺集卷第二

上京紀行

發大都

南陽有布衣杖策遊帝鄉憂時氣激烈撫事歌慨
慷天高多霜露歲晏單衣裳執手謝親友驅馬出
塞疆雲低長城下木落古道傍馮高眺飛鴻離離
盡南翔顧我遠遊子沈思鬱中腸更涉桑乾河照
影空仿徨

錫賁祠

唐錫賁幽州昌平人諱元柳州歷遷
金無能發魯德王本朝天啓間昌平

金臺集

卷二

汲古閣

建到陳謨書院

入郭日已曠慘澹風葉赤鞠躬荒祠下低迴想遺
直劉君素忠憤伏闕論邦國痛陳腹心禍竟罹考
功斥餘子盡驚騰鬱鬱負慚色鄉人仰高誼千載
崇廟食悲詞風蕭蕭感慨情惻惻出門無行人涼
月照東壁

龍虎臺

大駕巡幸往近
皆駐蹕臺上

晨登龍虎臺停驂望居庸絕望閑雲氣長林振悲
風翠華有時幸北狩甘泉宮千官候鳴蹕萬騎如

飛龍帳殿駐山麓羽葆羅雲中我行避馳道弗得
窮幽蹤衣裘儻涼冷積霧浮空濛前山風雨來驅
鞭復息思

居庸關

關北五里今勅建永明寶相寺宮殿
甚壯麗三塔跨於通衢車騎皆過其
下

疊嶂緣青冥峭絕兩崖束盤盤龍虎踞岑巘互迴
伏重關設天險王氣與坤軸皇靈廣覆被四海同
軌躅至今豪俠人危眺屢驚蹄崎嶇棧閣峻縈紆
岡澗曲環邨列虛市鑿翠構廬屋溪春漱巖溜山
金臺集

卷二

汲古閣

田穰稼收絕頂得幽勝人烟稍聯屬浮圖壓廣路
臺殿出層麓白雲隱疎鍾落日帶喬木豈須歎蜀
道政可夸函谷居人遠念我叩馬苦留宿恐事殷
勤情解鞍看山瀑

榆林

出關喜平曠前林樹扶疎微茫候烟火參差見塵
盧美人秋水上娟娟映芙蓉卷隘車騎塞山寒日
將晴行人問旅舍投鞭息馳驅張燈林鷺馬斷橋
餘青芻夜涼衾裯薄悵悵愁前途雞鳴山憲曙去

矣母躊躇

槍竿嶺

山腰長城遺跡尚存

飲馬長城下水寒風蕭蕭遊子在絕漠仰望浮雲
飄前登槍竿嶺岡岑鬱蒼巖崩崖斷車轍曾梯入
雲霄幽龕構絕壁微徑紆山椒人行在木末日落
聞鳴蜩履險力疲齒憑高思飄飄何當脫羈鞅歸
種南山苗

李老谷

谷中多甘賜

高秋遠行邁入谷雲氣曉稍微雨來漸怯衣裳

金臺集

卷二

汲古閣

冷紫紆青噓窄杳篠烟林迴峯迴稍開豁夕陽散
微影霜葉落清澗寒花媚秋嶺途窮見土屋人烟
襍虛井平生愛山癖悵此愜幽靜月落聞子規懷
婦心耿耿

赤城

金閭山在赤城西郭洞明真人修鍊之所山中盛產青李束舍諸果

休駕赤城館憑軒望前山飛雨西北來亂灑石壁
間風寒樹城城水落沙斑斑牛羊盡歸柵微燈掩
松關野老頗留客及此農事閒頃篲出山果濁酒
聊尉顏移尊對金閣靈宮鬱孱頑安得吹簫人乘

鸞月中還

龍門

元統間知樞密院事都刺伯木兒過喚中見二羊開山椒頃刻大雨水溢堰安輒更皆為漂溺

崢嶸龍門峽曠古稱險絕疏鑿非禹功開闢自天
設聯岡疑路斷峭壁忽中裂雲蒸雨氣暝石觸水
聲咽瀟瀟涉溝澗執轡屢愁蹙憶昔兩瓶羊念關
蛟龍穴暴雨忽傾注淫潦怒奔決人馬多漂流車
軸盡摧折我行愁陰靈慘慘情不悅日落樵唱來
三歎腸內熱

金臺集

卷二

汲古閣

獨石

國朝諸后太子陵皆在獨石北墮明山

停驂眺青林獨石當廣路巖巖龍君祠殿屋隱朝
霧前山過微雨暝色起高樹溪灣夕瀟清巖竇寒
雲聚東園有陵寢龍虎蔚盤據行人下馬過敝衽
夙驚思涼風吹華髮感激歲季莫悵望南天雲裴
徊不能去

檐子窪

昔多盜賊今置巡檢司于山椒其山無林木皆蔓草

朝發牛群頭夕憩檐子窪高秋得清曠野蔓多幽
花黃雲翳日脚草色浮天涯山荒樹寂寞寒波落

昏鴉頗喜盜賊清塞田盡禾麻至今將軍壘日落
聞清笳我生久羈旅崎嶇涉風沙天寒道路遠
黑投山家

李陵臺

落日關塞黑蒼茫路多歧荒烟澹莫色高臺獨巍
巍嗚呼李將軍力戰陷敵圍豈不念邦國奮身或
來歸漢家少恩信竟使臣節虧所愧在一死永爲
來者悲千載撫遺蹟憑高起遐思寒雲覽八極茫
茫白雲飛

金臺集

卷二

汲古閣

次上都崇真宮呈同遊諸君子

雞鳴沛潦水慘澹望沙漠穹廡在中野草際大星
落風高馬驚嘶露下黑貂薄晨霞發海嶠旭日照
城郭差我五色雲下覆丹鳳閣琳宮多良彥休駕
得棲滄清尊置美酒展席共歡酌彈琴發幽懷擊
筑咏新作生時屬承平幸此帝鄉樂願言崇令德
相期保天爵

失刺幹耳朶觀詐馬宴奉次貢泰甫校經先

生韻

詔下天門御墨題龍岡開宴百官齊路通禁籞臨

文石幔隔香塵鎖水犀象輦時從黃道出龍駒牽

向赤墀嘶繡衣珠帽佳公子千騎揚鑣過柳隄

珊瑚小帶佩豪曹壓轡鈴鐺雄尾高宮女侍庭歌

芍藥內官當殿出蒲萄柏梁競喜詩先捷羽獵爭

傳賦最豪一曲霓裳纔舞罷天香浮動翠雲袍

繡綺新裁雲氣帳玉鉤齊上水精簾鳳笙雙聽伶

官奏馬湮頻煩太僕添風動香烟飄闥殿日扶花

影上雕檐金盤禁衛綈纔供膳陪下傳呼索井鹽

金臺集

卷二

汲古閣

上林宮闕淨朝暉宿雨清塵暑氣微玉斧照柳紅

日近霓旌夾仗彩霞飛錦翎山雉攢遊騎金翅雲

鵬織賜衣宴罷天階呼秉燭千官爭送翠華歸

灤河涼似九龍池清暑年年六月時孔雀御屏金

纂纂樓欄別殿日熙熙青藜獨喜頒額向黃閣重

聞拜子儀千載風雲新際會願將金石播聲詩

傅附公
再入

病中答張元傑宗師惠藥

臥病臨高館丹芝幸見分銅蟬朝拒水石晷夜生

雲坐久燈華落秋水葉聞明朝得强健長禮紫
虛君

崇真宮夜望司天臺

珠宮灤水上軒窗白雲開中宵聽落葉似是風雨
來寒衣視星象歷歷環天臺我將攬河漢來槎共
裴回

雨夜同天台道士鄭蒙泉話舊併懷銅子英

蒙泉時奉祠上京崇真宮丁亥嘗於明
明東湖茅人增通院以白雲泉東峰

履雪台州老鄭虔相逢灤水話當年草堂聽雨秋
金臺集

卷二
七
汲古閣

將半石鼎聯詩夜不眠遙憶東湖來夢裏起看北
斗落愈前劉郎獨愛長生訣日日天壇待鶴還

陽明洞丁元善尊師攜滿招省郎穆薩君過

余夜飲

仙人釀松華留客中夜酌微風樹間來細雨銓前
落清詩憶彌明高興懷康樂移尊過西軒匡坐聽
笙鶴

行路難

正已丑夏右相參見只公拜國王
就國遼東是日左相賀公亦左遷回
感而作

行路難難行路黃榆蕭蕭白楊莫槍竿嶺上積雪
高龍門峽裏秋濤怒嗟喪虎豹當大關蒼崖壁立
登天難千車朝從赤日發萬馬夜向西風還鑑湖
酒船若不蚤遶東白鷗啼華表夜雨空階碧草深
落花滿院行人少世情翻覆如秋雲誓天歎血徒
紛紛洛陽爭迎蘇季子淮陰誰識韓將軍行路難
難行路白頭總被功名誤南樓昨夜歌舞人丹旌
曉出東門去子午谷終南山青松草屋相對閒拂
衣高歌上絕頂請看人間行路難

金臺集

卷二

汲古閣

塞上曲

秋高沙碛地椒稀招帽狐裘晚出圍射得白狼縣
馬上吹笳夜半月中啼
雜運糧車百輛多五更衝雪渡灤河當轅老嫗行
程慣倚岸敲水飲驢駝
雙鬟小女玉娟娟自捲蘊簾出帳前忽見一枝長
十八折來簪在帽簷邊
長十八
草花名
馬乳新桐玉滿餅沙羊黃鼠割來腥踏歌盡醉營
盤晚鞭鼓聲中按海青

烏桓城下雨初晴紫菊金蓮漫地生最愛多情白
翎雀一雙飛近馬邊鳴

啼途過金閨山懷虞侍講

羸駝八月過雲州
殿閣嗟興廢
巒嶂獨空谷
無人黃葉落
白雲如雪滿
溪流獨登金閨尋還路
還憶青城瓦
舊遊日落長歌下山去
西風十里異香浮

過山下管閣
異香十里

讀唐媽川縉太守遺愛碣

秣馬懷來縣摩挲古碣陰龜趺苔色暗殺畫雨痕

金臺集

卷一

汲古閣

深治蹟推天寶家聲紀卯金最憐名漫漶獨立久

沉吟補文皆約惟銘公之名割落不可讀

還京道中

客遊倦緇塵夢寐想山水停驂眺遠岑悠然心自
喜晨霞發曉林夕溜洞清泚出峽涼風馳入谷寒
雲起霜清丹水疎日落峯絕紫迢遞越河關參差
望宮雉家僮指歸路居人念遊子久嗟行路難深
乖攝生理終期返南山高揖謝城市

海上幽人錦繡腸獨臨灤水惜年芳千金不賣

長門賦閒寫新詩寄玉堂臨川危素敬題

憶陪仙仗度關時玉帳星聯紫翠圍今日讀君

天上曲依然環珮月中啼括蒼用深敬題

贈張直言南歸

天子開明堂股肱任藥高四方多章奏俯伏陳陛
關臣聞黃河洶洶怒衝闕闔野及青徐十里盡
魚鼈載憂山東盜馮陵據巢穴腰弓人城市白書
肆攘鼓嶺南失控御猛獍恣猖獗連饑山溪阻野
戰瘴雲熱衆焚寇雲南兵禍久聯結誰憐鄭生辯

金臺集

卷二

汲古閣

竟墮韓侯請參政本律有遺事與鄭食其同邊將多貪殘馳羊盡

膏血南兵久戍儒海上縱狂孽祖庸弊吳楚離征

困閩湖文讀曰冗繁民力愈疲竭詔下閩闔門求

言補遺缺張君素忠憤意氣古豪傑稷稷涉江淮

徒步犯霜雪伏謁中書堂揚眉吐奇說愚策十有

六歷歷甚詳切儻蒙錄一二亦足解鉗掣鯨生匪

狂謬閣下幸裁決丞相屬春官分曹校優劣翩然

不俟報長揖與子別言歸南山廬白雲可怕悅長

溪釣魴鱮春山林薇蕨飢疏飲清泉終焉養高潔

賤子託深誼持觴候車轍既撫平生蘊尙復鑒前哲
錫賚竟下第賈誼空鳴咽讀君囊中書捫君口中舌
歌君白馬篇贈君蒼玉玖相期爛柯山笑濯澄潭月

大元特進上卿玄教大宗師饒國吳公全節

哀詩二十二韻

是節間命公返初服拜執
政力辭不就止封其親父

皆饒國公賜其卿
曰榮謀里曰具慶

特進天人間世英長身玉立氣嶸嶸高年辛際特
熙洽盛德尤闢國重輕性史久開周典禮留侯多
金臺集

十卷

汲古閣

識漢公卿寓言有道肯心服論治無爲賴力行天
子欲煩黃閣寄山人自負白衣名鄉閭表與絲綸
渥茅上疏封黼黻榮萬里兩香祠五嶽頻年載筆
賦三京尚方賜烏蟬蛛絡內膳分庖翠金烹樓殿
說經揮塵拂竹宮望拜候鶯笙勝懸高開宸章妙
碑賜仙壇琢刻精寶劍叱龍山雨至鐵符誅怪海
潮平華編盡許水壺滌蕩堅難逃水鏡清臺閣從
遊多故舊王侯趨事儼神明萬全自保惟謙抑一
諾端能託死生開戶圖書聯竹色下霄噴佩傳松

聲學窮河洛知休運誼薄雲天見古情入室有人
傳印綬升堂無客不簪纓每慚賤子依琳館長憶
高秋醉玉躡絳節纔聞朝上帝石棺俄報瘞佳城
神仙自古稱豪傑朝著于今憶老成官舫涼風吹
畫翼大江飛雨濕丹旌何年下馬墳前過一束生
芻淚盡傾

公自龍虎臺接駕還即捐館
命治傳舟歸壙河間山壘

南城詠古十六首

有序

至正十一年秋八月既望太史字文公太
常危公偕燕人梁處士九思臨川黃君殷

金臺集

卷二

汲古閣

上四明道士王虛齋新進士朱夢炎與余
凡七人聯轡出遊燕城覽故宮之遺蹟凡
其城中塔廟樓觀臺榭園亭莫不裴徊瞻
眺拭其殘碑斷柱爲之一讀指其廢興而
論之子七人者以爲人生出處聚散不可
常也解后一日之樂有足惜者豈獨感慨
陳蹟而已哉各賦詩十有六首以紀其事
庶京者有所徵焉河朔外史趙賢序

黃金臺

大慈閣東南
陳臺坊內

落日燕城下高臺草樹秋千金何足惜一士固難求滄海誰青眼空山盡白頭還憐易河水今古只東流

憫忠閣唐太宗闢征遼士卒陣亡而建

高閣秋天迴金仙寶路齊青山排闥見紫氣隔城迷朱棋浮雲溼瑠簷落照低因懷百戰士惆悵立層梯

壽安殿殿基今爲酒家壽安樓

夢斷朝元閣來尋賣酒樓野花迷筆路落葉滿宮金臺集卷二汲古閣

溝風雨青城暮河山紫塞愁老人頭雪白扶杖話幽州

聖安寺寺有金世宗章宗二朝象

蘭若城幽處聯鑣八月來寶華幢蓋合衰見畫圖開斷碣蒼苔暗空庭落葉堆饑鳥不避客攫食下生臺

大悲閣閣勝處世南書

閣道連天起丹青飾井幹如何千手眼只著一衣冠金勝文龍挾瑤覺吻獸攢馮高大萬里白紵不

勝寒

鐵牛廟

燕人重東作鎔鐵象牛形角斷苔華碧蹄穿土繡腥遺蹤傳野老古廟托山靈一酌壺中酒懷穰黍麥青

雲僊臺金之望月臺

臺殿青冥外團團海月涼隔簾聞鳳管秉燭奏霓裳銅爵晨霞眩金盤夕露灑仙人不復返愁殺海生桑

金臺集卷二汲古閣

長春宮全真丘神仙處幾之居太祖嘗召至西域之雪山講道屢勸上以不殺

羸駝蹋秋日追遽謁琳宮松子花飄落溪流板閣通樓臺非下土環珮憶高風草昧艱難日神隱第一功

竹林寺金熙宗駙馬宮也寺僧云一塔無影

城南天尺五祇樹給孤園甲第王侯去精藍帝釋尊老僧誇塔影稚子斲松根何日天台路相從一問源

龍頭觀龍頭懸一斗蓋刻口建龍元年

仙館紅塵外龍頭得借有開函雲氣溼近席雨聲
寒碧血凝螺黛香涎遍磨檀牙籤認題字猶是建
隆刊

粧臺 李妃所築今在昭明觀後妃書與章宗
露生上日二人土上坐妃應聲口一月
日邊明上大悅

廢苑鶯花盡荒臺燕麥生韶華如逝水粉黛憶傾
城野菊金鈿小秋潭玉鏡清誰憐舊時月曾向日
邊明

雙塔 安祿山史思明所
建在憫忠寺前

汲古閣

金臺集 卷二
十五
安史開元日千金構塔基世尊寧妄福天道自無
私寶鐸遊絲哥銅輪碧蘚滋停驂指遺蹟含憤立
多時

西華潭 金之太
液池

秋水清無底涼風起綠波錦帆非昨夢玉樹憶清
歌帝子吹笙絕漁郎把釣多磯頭浣沙女猶恐是
宮娥

白馬廟

祠宇當城角霜蹄刻畫真房星何口墜駿骨自能

神曾蹤陰山雪思清瀚海塵長疑化龍去騰蹕上
雲津

萬壽寺 寺有許道
寧畫屏

皇唐開寶構歷劫抵金時絕妙青松障清涼白玉
池長廊秋屨響高閣夜鐘遲獨有乘閒客扶藜讀
舊碑

玉虛宮 大道教以供薪水之勞爲其張
本宮主張真人其貌甚清古

樓觀迴深巷松枝夾路低拾薪供早爨抱甕灌春
畦經向琅函讀詩從石鼎題白鬚張道士送客過
金臺集 卷二
十六

桃溪

古鏡篇寄韓與玉 時與玉將南歸
故賦此留別

古鏡團圓似秋水美人當窻正梳洗芙蓉涼月闌
輝娟默然自憐還自喜朝來開匣忽凄然一痕微
雪映華鈿却恨東風惜桃李年年開傍鏡臺邊粉
綿拭鏡還清徹佳人薄命空愁絕不如化石在山
頭萬古千年照明月

秋懷寄西蜀仲良宜慰家兄

驚蟻襲虛幔微銓耿空齋惻惻候蛩語撼撼嬰中

懷寒饑念骨肉漂泊愁顛厓窮達委天運深恐思
誼乖衷情亮誰託衰裏步庭階

病起書事早兼善尚書二首

閭閻積雨侵城舉四望平疇白浪高太息人付無
董賈可憐經濟屬蕭曹山東望馬祠河伯海上旌
旗擁賊壕變理自知廊廟貴腐儒憂國設心勞

時奉白馬玉篲祭決
河迴復命議平海寇

書向

臥病茅簷雨色低出門羸馬恨深泥墻頭腐草飛
丹鳥屋角枯桑長樹雞聲婦無衣中夜泣寒蠶催

金臺集

卷二

汲古閣

夢五更啼連村黍麥漂流盡客裏令人思轉迷

孔林瑞槐歌

先聖墓林古槐一章枝幹偃蹇膚理若鐫

刻篆猶龍鳳細如絲髮雖善畫者莫能狀

其奇巧襲封衍聖公愈加培植見者咸加

敬愛日以紀瑞云

闕里陰槐樹古百尺長柯挾風雨密葉蟠空擁
翠雲深根貫石流瓊乳蒼皮皴蝕紋與常天成篆
籀分豪芒遊絲繁錯科斗亂雲氣飛動龍鸞翔羸

秦書英士坑戮幾數遺經藏壁屋十年聖道復昭
明喜見文章出嘉本神明元胃嗣上公雨露滋沐
深培封清陰如水石壇靜彈琴樹底歌薰風

病中送楊仲如廣文婦四明兼簡鄭以道先

生

海上相逢已十年都門執別更凄然一簪霜髮秋
風外萬里雲帆落木邊揚子著書應自信馬卿多
病竟誰憐鄭公鄉里還經過爲道相思夜雨前

寄浙西廉訪脫脫使君

字清卿
西夏人

金臺集

卷二

汲古閣

銀牀清夜憶高譚寄食門牆每自慚入望旌麾來
闕下忽聞驄馬度江南宦情秋水人空老世事浮
雲總不堪獨有蘇公隄上柳春來依舊綠毵毵

秋夜有懷明州張子淵

雲表銅盤挹露華高城涼冷咽清笳弓刀夜月三
千騎燈火秋風十萬家夢斷佳人彈錦瑟酒醒童
子汲水花起看啼路銀河近願借張騫八月槎

題王虛齋所藏鎮南王墨竹

帝子乘鸞謁紫清滿天風露翠衣輕閒將十二參

差玉吹向雲間作鳳鳴

金盤夜冷露流脂玉管含雲寫竹枝方士持壻東海上月明應是作龍騎

送經筵檢討鄒魯望之北流尹

金篆牙牌束帶縣黃綾小冊進經筵直廬半夜留宣室載筆頻年幸禮泉閣下久推人物論嶺南今識孝廉船橐駝郭老城西佳臨別須求種樹篇

投贈趙祭酒甘頌

字子期宛丘人

三朝元老國書題山立精神虎豹姿高步瓊林開金臺集

卷二十九

汲古閣

官轍蚤登華省被恩私棟梁材器明堂用臺閣文章聖主知簞下宥辭郎署久斗南爭望使星移諫垣屢賞朱雲節宣室重陳賈誼辭錦綬還鄉迎駟馬繡衣行部去襜帷譚經秘殿重個坐扈蹕甘泉載橐隨玉節引班朝謁早金蓮擁騎夜歸還尚書曳履登鸞閣給事含香近鳳池水藥操持心似鐵廟廊贊畫髮成絲久聞陸贄頓憂國盡許匡衡春說詩百世斯文開絕學四門肖子得名師弦歌濟濟承周禮冠珮瑤瑤舉漢儀掌故傳經編竹簡諸

生脫穎擅囊錐鄙人自致慚無術男子平生謬負奇久望車塵空感激欲趨門屏愧驅馳王陽豈待彈冠慶孺子還因下榻來輒效詩人陳賦頌敢從闕吏候旌麾何蕃獨重陽司業嚴武深憐杜拾遺懷寶山林當一出平津正在禮賢時

答祿將軍射虎行

答祿將軍世爲乃蠻部主婦國朝拜隨類

萬戶平金有功事載國史其出守信陽射

虎之事尤偉曾孫與權舉進士爲祕書郎

金臺集

卷二十九

汲古閣

官與余雅善間言其事因徵作歌

將軍部曲潞海東三千鍊騎精且雄久知天命屬眞主奮身來建非常功世祖神謨涵宇宙坐使英雄皆入彀十年轉戰淮蔡平帳下論功封太守信陽郭外山嵯峨長林大谷青松多白額於菟踞當道城邊日落無人過將軍聞之毛髮豎拔劍誓天期殺虎彎弓走馬出東門傾城來看詩豪武猛虎磨牙當路睥目光睨琥珀尾搖據鞍一叱雙背翼鳥飛木落風蕭蕭金弰弨弓鐵絲箭滿月絃開正

當面箭翎射沒錦毛摧庠石崩騰腥血濺萬人誰
譟聲震天剖開一嶽當心穿父老持杯馬前拜祝
公眉壽三千年丈夫立功期不朽奇事相傳在人
口可憐李廣不封侯却喜將軍今有後承平公子
秘書郎文場百步曾穿楊咫尺風雲看豹變鳴珂
曳履登朝堂

虎貌訓前嶽
正貫于心

京城春日二首

官牖水消綠潯隈落花流水五門西黃鸝不管春
深淺飛入南城樹上啼

金臺集

卷十一

汲古閣

新樣雙鬟束御羅豐騎驕馬粉牆過回頭笑指銀
鉤內官酒誰家索較多

送王子克婦金華

東郊雨新已蔚蔚春樹稠驅馬郭門外持觴送華
翰念子客京縣意氣如雲浮文章健秦漢雅頌窺
商周世無楚和氏誰能識琳球寒衣別親友長揖
謝王侯天高落日遠驂駢駐河洲願我在韋布執
袂情悠悠願如大江水與子俱東流

新隄謠

近歲河決白茅東北汜濫千餘里始建行
都水監於鄆城以專治之少監蒲從善築

隄建祠病民可念予聞而哀之乃作歌曰

黃河決道時有清水先流至名曰漸水
曹漢之人見此水皆遷居高丘預避

老人家住黃河邊黃茅縛屋三四椽有牛一具田

一項藝桑種穀終殘年年來河流失放道墊溺村

墟決城墜人家墳墓無處尋千里放船行樹杪朝

廷憂民恐爲魚詔蠲徭役除田租大臣襍議拜都

水設官開府臨青徐分監來時當十月河水塞川

金臺集

卷十二

汲古閣

天雨雪調夫十萬築新隄手足血流肌肉裂監官

號令如雷風天寒日短難爲功南村家貴兒女

要與河伯管祠宮陌上逢人相向哭漸水漫漫及

曹濮流離凍餓何足論只恐新堤要重築昨朝務

家上高丘水來不到丘上頭但願皇天念赤子河

清海晏三千秋

銅舍人桃花馬歌

青絲駿馬桃花色翠鞍玉轡黃金勒奚奴牽出不
敢騎道上行人爭愛惜往時曾遇李將軍汗流赤

血氣如雲朝刷黃河暮南粵沙場百戰成奇勛
歸來無心伏櫓櫓頭長鳴思奮力東家白面繡衣
郎千金買去遊南陌昨朝技獵向城隅萬人爭說
天下無夜婦不怕霸陵尉玉鞭醉打蒼頭奴畫燭
銀屏歡微曙一朝金盡賓朋去可憐驕馬屬誰家
斷韁猶繫階前樹君不見西家秋段三十年青鶴
滿盤菽滿田老翁不識城下路騎看射獵南山邊

贈沈元方婦吳興兼簡韓與玉

金臺集

卷二十三

汲古閣

春城飛絮曉紛紛金水河邊更送君閣下馬卿儕
作客江南沈約最能文天圍斷岸啼鶯遠水落黃
河野樹分寄謝平生韓處士別來應是賦停雲

贈空谷山人徐君婦武當

五更鐘鳴天未曙六街馬蹄聲似雨露華滿樓霜
滿衣束帶爭趨丞相府千鍾之祿萬戶侯幾人空
負平生愁鏡中綠髮漸垂素窗間白日如奔流誰
念幽人在空谷瘦木爲冠草爲服小甕春風紫木
香長鏡落日黃精熟行歌偶到黃金臺坐看世事
如浮埃長衢甲第換新主舊時燕子愁啼來忽憶

紫霄峯下路倒跨青鸞獨歸去松華釀酒一千石
結廬招我南山住

送林庭立婦四明兼柬張子端兄弟

徵君婦隱海東頭三月開帆江水流生看浮雲知
世態長歌落日送離愁平生不負揚臨賀此去端
如馬少遊若見山中陶宰相白雲千里思悠悠

客賀相府相左還獨送
送之其鄉多弘景故蹟

甘李滄海託交情最憶張家好弟兄清夜泛舟傳

玉笋高堂秉燭聽銀箏故人別去青山遠遊子忘

金臺集

卷二十四

汲古閣

婦白髮生明月湖邊還有約一竿春水釣絲輕

大韻趙祭酒城東宴集

子期

金河流水碧鄰鄰御柳烟消曙色新黃鳥只愁春
去遠隔窗呼醒看花人

童子將車候辟雍先生載酒出城東絲絲細雨春
雲薄却恨羅衫怯曉風

上東門外杏花開千樹紅雲繞石臺最憶奎章虞

閣老白頭騎馬看花來

鱸滿銀盤酒滿壺山童竹裏送行厨風流絕似蘭

亭會留取他年作書圖

仙家高館隔紅塵流水聯階竹樹新學士重來今
白髮馮闌空憶種花人

碧草纖纖籍翠裯醲醲熟十分春移尊更近池
邊樹灑酒先生待掛巾

十騎聯鑣入郭遲從教斜日過棠梨候門稚子牽
衣笑今日先生有好詩

國子監放學候日影到堂後擊鼓

杜陵野客戀京華日典春衣醉酒家徒步歸來情
寂寞一年空負隔城花

時諸公見招子以疾不能赴

金臺集

卷二

汲古閣

贈謝尚禮婦肝江

江左風流玉雪郎牙藏錦軸滿高堂五言往往凌

三謝八法翩翩逼二王芳草池塘春夢斷杏花風

雨客窗涼平生狗監能知已奏賦他時入建章

畫船綠樹映滄波撾鼓開船發御河作惡情懷唯

仗酒落花時節況聞歌潮來別浦江聲急雲起南

山雨氣多落日都門一分袂相思千里奈君何

北邙山歌

白樂天賜弟後道坊號能北邙勸命遊人至墳所者必斟酒至今墓前地泥淥

金臺集

卷一

汲古閣

讀金太祖武元皇帝平遼碑

在南城豐宜門外金史臣韓昉

誤字文

十丈豐碑勢倚空風雲猶憶下遼東百年功業秦

皇帝一代文章太史公石斷龍鱗秋雨後苔封蠶

背夕陽中行人立馬空惆悵禾黍離離滿故宮

梅花庄爲張式良賦

處士山莊浙水涯一林寒玉映窻紗詩成稚子能

題竹酒熟隣翁約看花雪夜叩門非俗客月明吹

笛是誰家肯招白鷗山前住石鼎春泉看煮茶

送陳鍊師奉香歸四明慶醮玉皇閣寄王致和真人

黃帕奩香出禁闌東南草木盡光輝真人擁節三天候使者乘槎八月歸碧海烟霞浮曉閣瑤壇風露溼秋衣山中芝草還分得贈我能令白髮稀

讀汪水雲詩集

水雲汪元量字大有錢塘人以善琴受知

宋主國亡奉三宮留燕甚久世祖皇帝嘗

命奏琴因賜爲黃冠師南歸時幼主瀛國

金臺集

卷二
二十七

汲古閣

公福王平原郡公趙與芮駙馬右丞楊鎮

故相吳堅留夢炎參政家鉉翁文及翁提

刑陳杰青陽夢炎與宮人王昭儀清惠以

下廿有九人分韻賦詩以餞其行水雲之

詩多紀其國亡時事與文丞相獄中倡和

之作文丞相又與馬丞相廷鸞章丞相鑑

鄧禮部光薦謝國史枋得劉太博辰翁序

其詩集劉公又爲批點余間閱尼太史言

曰水雲長身玉立修髯廣顙而首若鴻鍾

北婦數來往匡廬彭蠡之間若飄風行雨世莫能測其去留之蹟江右之人以爲神仙多畫其象以祠之象至今有存者其諸公所賦墨蹟嘗見於臨川僧舍云及予至京師因徐君敏道得水雲集讀而哀之偶成二律以識其后

三日錢塘海不波子嬰繫組納山河兵臨魯國檣弦誦客過殷墟獨嘯歌鐵馬度江功赫英銅人辭漢淚滂沱知章喜得黃冠賜野水閒雲一釣簑

金臺集

卷二
二十八

汲古閣

一曲絲桐奏未休蕭蕭笳鼓禁宮秋湖山有意風

雲變江水無情日夜流供奉自歌南度曲拾遺能

賦北征愁仙人一去無消息滄海桑田空白頭

七月十六夜海上看月

樓船留客宴涼宵坐看水輪出海潮却憶去年灤

水上夜深孤館雪蕭蕭

去年客上京是日大雪

征人七月度榆關貂鼠裘衣尚怯寒不信江南今

夜月有人揮扇著水純

陵州

日落陵州路沿流古岸傍泊舟人自語聽雨夜偏
長過客愁聞盜荒村久絕糧何人肯憂國得似董

賢良

重仲舒
陵州人

鄆城題壁

高樓綠樹帶斜暉十二街中過客稀憶著湧金門
外住畫船湖上未曾歸

賈客金多夢不成窗前葉落自心驚可憐遊子囊
羞澀夜半長歌看月明

寄上京淦貞

金臺集

卷二十九

汲古閣

大駕清秋發千官八月歸風高沙鴈起霜落海鷹
飛朝士誰青眼山人尚白衣最憐東魯客相望思
依依

月彥明都水月石研屏蓋歐陽公故物也

小屏籠石實行窩素月分明漾海波玉溫澄輝瀉
碧樹青蘋流影入銀河紫雲硯側文章潤畫舫齋
中歲月多最喜能詩蒼水使夜窗留客賦長歌

寄程仲能投書

臺閣諸公百慮并郎官獨數校書清水分玉漏更

籌正天通銅儀象緯明帝座曉瞻雲縹緲靈臺夜
候月崢嶸五星見說奎躔聚忌草封章奏太平

寶林八詠爲別峯同禪師賦

千仞琅邪石飛來鎮越州江波欲浮動還被白雲
留

飛來峯

獨上峯顛塔秋清曙色開馮闕望東北潮向海門

來應天塔

大布僧伽納流傳六百年攜來香滿袖猶是御鑪

烟衣大布

金臺集

卷三十

汲古閣

鐵鉢溪頭洗水花六月寒山僧偶彈古引得老龍

蟠鐵鉢盂

錫杖虛空落靈泉發地中忽看流葉葉始信石橋

通羅漢鉢

梵石瀦山溜蜿蜒竹色青風來條涼冷雨氣隔林

腥井靈殿

一笏清涼地森森萬玉齊月明時倚仗間有風來

棲深竹堂

石磴藤花落山窗風氣浮晚來高樹暝一榻似新

秋盤舉

岳墳行

守黃觀禪師至京清加封蓋微賦此
宋將孟與減金校遇金慶命軍士原
廟秦脩墓上

岳王烈烈真丈夫材兼文武唐漢無平生許國膽
如斗誓清九廟迎鸞輿十萬精兵多意氣赴難勤
王盡忠義將軍闢外圖中興丞相江南請和議東
京百戰方解圍班師詔促事還非父老存聲仰天
哭兒郎含憤度河婦感激英雄竟誅害萬里長城
真自壞但將淮水作邊關不道中原屬蕃塞百年
金臺集

卷二十一

汲古閣

古廟近荒墳夜深石馬戰秋雲蕭鼓時來謁祠下
遺民猶泣舊將軍君不見滅金孟珙誇號勇凱還
兵薄秦家隴六軍涸穢積如山千古行人呼糞塚
田家留客圖爲四明鎬師向先生賦

客來田家當六月主人相留樹邊歌呼兒牽馬飲
清泉廚裏新漿解君熱郎君出城幾日前城中米
價今幾錢昨夜南村三尺雨不知還到城壕邊勿
厭儂家茅屋小棘門新編土牆繞明朝蚤餽莫奴
奴雞鳴送君出官道

讀揭文安集公字曼卿豫章人
明廟神御殿碑陽

白鶴江頭夢宵然焚香銓下讀遺編愛特論議泉
傾峽載道文章日麗天先帝樹碑勳述德大臣草
制聽傳宣皇天不負斯人意今見才華屬象賢
祕閣初開拜授經除書爭喜得公名御林奏疏丹
心在清夜悲歌白髮生謝病長懷高士志育材端
有古人情百年師道今寥落空使諸生憶老成

文穆處士鄭君挽詩黃伯之父

肯讀榮陽諸嘗聞左押牙系傳唐相國世作宋名
金臺集

卷二十二

汲古閣

家倚木流風在徵君述德遐消搖謝簪紱辛苦力
桑麻種橘逾千戶藏書過五車春潮生酒甕夜雨
落銓花太史占星頤長沙歎日斜謚從張籍定銘
豈禁邑誇令子名方振諸孫學更嘉他時五雲詔
泉壤被光華

題匡禪師看雲亭

禪房花竹畫冥冥白髮匡公住草亭禹穴南來秦
樹碧舜江東下蜀山青猿啼石壁松陰驥龍出溪
潭雨氣腥有約春山尋勝事扶藜共讀柳州銘

送楊梓人待制出守閬州兼寄嘉定宣慰家兄

簪筆三年待禁林分符還向蜀江潯草雲盡處峨眉出春雪消時灌口深鈴閣雕盤香冉冉臺門書戟畫森森錦屏山下多遺蹟好覓城南老杜吟
朱轡五馬出王庭父老西南望福星家世久聞清
白吏文章爭誦太玄經岷江水落嘉魚美劍閣春晴檉木青若過眉州見蘇子卯君京國尚飄零

爲卯君稱子由

金臺集

卷二十三

汲古閣

送楊李子赴德慶知事

天祿揚雄久校書忽聞章綬綰銀魚一官遠赴諸侯幕六轡先乘使者車椰子剖漿霜落後荔枝封蜜雨晴初故人只守平生業一研相求不願餘
八月秋高海月明明年壽筭得同傾喜君馬上青雲遠念我鐙前白髮生尚論古人多感慨閒憂時事各牽情羅浮山下梅花發驛使來時好寄聲

馬德良下第

三月都門鶯亂飛東風客館思依依樂生空受昭

王聘蘇子深慚李馬歸白璧人間須待買青紫天上更分輝瓊林花發重來日五色春雲照錦衣

寄河南趙子期參政

中書重拜郭汾陽特遣臺臣鎮大梁汲黯匡君惟臥治倪寬飾吏用文章大隄日落黃河滿畫省春深綠樹涼梁棟全材今屬望早歸帝室構明堂

羽林行

羽林將軍年十五盤螭玉帶懸金虎黃鷹白大朝出遊翠管銀箏夜歌舞珠衣繡帽花滿身鳴騶斧

金臺集

卷二十四

汲古閣

鉞驚路人東園擊毬誇意氣西街走馬揚飛塵湖南昨夜羽書急詔趣將軍遠迎敵寶刀繡澀金甲寒馬上仿徨苦無力美人牽衣哭向天將軍執別淚如泉安得天河洗兵甲坐令領海無塵烟君不見關西老將多戰謀數奇白髮不封侯據鞍矍鑠尚可誰憐射虎南山頭

贈韓印曹峰會稽字元之疏其長官好狀至

罪今昭雪還鄉

韓君奇男子意氣凌秋曼戮戮步搖冠玉雪映長

身譚鋒勇無敵籌策捷有神讀書恥沿襲投筆棄
里隣翱翔黃金臺慷慨傾縉紳開口論利害不避
讐與親爭欲出門下薦剡相交陳和林控大漠天
高地無垠宗王錫茅土蕃閫多重臣帶甲四十萬
車廬日轉轡詔設大宗正撫綏播湛恩長官挾權
勢淫刑虐邊民椎剝盡膏血遊畋徹昏晨君時王
印綬裂皆忿且曠陳書上東閣願言達楓宸丞相
驚吐舌羣僚汗沾巾小臣敢訕上封章竟沉淪擗
撫舞文法蒼蠅點貞珉同列憤揮涕將佐含悲辛

金臺集

卷二
三十五

汲古閣

青天日慘淡愁雲夜氤氲皇皇繡衣使執法推忠
循颺言力辯雪抑滯一朝伸旦夕受殊擢言歸念
鱣尊薈薇滿東山夫渠映湖濱白酒溢春甕高堂
盡嘉賓剪燭悅情話牽衣叙親嫻丈夫負奇氣終
當追古人張儀口有舌范叔豈長貧攬鏡歎勲業
天運無停輪念我客京邑漂零六徂春高歌送君
別握手金河津因之懷東越扁舟理絲綸

張仲舉危太樸二翰林同擢太常博士

南宮夜直擁青綾二妙容臺喜共登瑚璉久知清

廟器階街聯署玉壺水後來博士如公少今日先
生自此升見說國丘將大饗百年禮樂正當興

金臺集

卷二
三十六

汲古閣

金臺集卷第二

終

目疾深坐秘讀金臺
豪喜而偶作寫奉
易之孝廉良友

集 預有

力疾坐雲錦移床近

金臺集

後序

汲古閣

竹坡卷簾新雨過

軟枕晚涼多病覺

喜貧減詩穩好客歌

因君憶郭隗千古

意新

詩之義本於諷諭蓋心欲有言而

言不足以道志故假於辭焉而辭

也者欲其論難言之志也然語澀

而理意浮以近文采不足以動人

立言易朽君子不由也余致力於

斯甚久未嘗敢以易心為之蓋得

金臺集

後序

汲古閣

於意者為難美而脩於辭者不失

之過則不及以是而輟者十八九

嗚呼其難矣哉金臺集者友人合

魯易之之詩也其詩百餘篇森然

若開羣玉之府圭璋琬璜各有列

位辭語至到而神與情詎動盪激

越可歌可舞信乎其能論諸人者
余讀之再過因歎賞不已遂書所
見於其篇末云至正三年二月既
望揭傒斯書

望正乃年矣望日望
齋不寧觀于特帶

金臺集

後序

汲古閣

予既政將歸濟南賦詩四章題金臺集後奉別
易之良友抑以書予自媿云爾

華峰真逸張起巖上

崇天門下聽臚傳臺閣聯翩四十季今日縣車歸故里杖
藜携酒落華前

玉帶難圖老病身廟堂補報之消塵衰年作別情懷惡兼
燭題詩贈故人

愛君謫辯以縣河更喜交情意多長使馬周曾作客今
人千古絕常何

百尺高臺易水東千金曾此敘英雄君來却在承平日先
榮詩壇第一功 至正戊子三月望日書

易之金臺前蒙余既序之矣及再至京師又得
後蒙一卷為之論曰昔在成周之世采詩以
觀民風其大小之國千有八百西方之國幽得
七篇秦得十篇而止夫以雍州之域實在
王畿自幽秦而西未見有詩豈其風氣
未開習俗不能以相通也歟易之葛邏
祿氏也彼其國在北庭西北金山之西

金臺集

後序

汲古閣

去中國遠甚太祖皇帝取天下其名王
與回紇最先來附至今百有餘季其人
之散居四方者往業詩書而工父章易
之伯氏既登進士第易之力泊然無意
於仕進退截句章山水之間其所為詩清
麗而粹密學士大夫多傳誦之然則葛
邏祿氏之能詩者自易之始此足以見

我朝文化之洽無遠弗至雖成周之盛未
之有也昔余客鄭為父送易之北來以
為祖宗取天下豐功大業宜制樂歌薦
諸郊廟易之十足以為之聖君賢相
制禮作樂豈終舍吾易之者哉臨川危
素在京師金臺坊書

金臺集

後序

汲古閣

易之至京師詩名雄諸石問其道徐心所經
耳目之所屬山川風俗人情物變可喜可愕一
發於詩然皆本諸性情發諸政教而不為烟雲
月露火歸退風雅之遺音振金石之遠響上而
公卿大夫下而里閭常帶之金不稱之昔
心善集詩者大其之獄過也余得其金臺集若
千首讀之彈目不厭古人云用功深者其文名
也遠詎不信乎易之葛遷孫人杜中國國北數
千萬里之外而能枝服周石仲丘之遺家故有
閑闕斯榮可藉以取富貴而奔不就離發一寒
生專以詩鳴世來奇偉不羣之士秋令區越云
至正辛卯史官新安程文書

金臺集

後序

汲古閣

右金臺集若干卷葛遜秘君易之三所製也易之自幼篤
學為詩既長訪古河朔歷覽山川以達其趣八年之春余
在京師與易之過於故友會稽韓與王氏相善也與王能
書時金華王子充為古交易之與二人偕來江南京師因
目為江南三絕而易之所為詩尤傳誦上大夫間余既歸
久之易之亦棄其案以歸復與余相會於鄭則其友已傳
刻之時取二篇以讀則慷慨悲歌而燕趙之風聲氣骨
猶可想見及觀承旨歐陽公祭酒李公侍講黃公故詩
書虞公侍講揭文安公所為序引深評遠論唯恐其不傳
也其有得於此可謂難矣且詩自漢魏而下至唐為盛而
其間獨推杜甫氏以為不失風人之自然其時先後若陳
子昂高適韋應物劉禹錫輩亦各名家蓋詩由人情生也
情非有古今者特自至有不至耳是故越人之內較勒之
歌其托興寓物非素王於辭者而操觚之士有不逮也何
則情之所至而語至焉則不求工而自工也故余謂易之
三詩如潁州老翁西曹郎華湖新鄉婦新院等篇撫事感
懷若不經意而盡所欲言有得於風人之旨者當不謝於
古人況其兩工者復不下是茲固可信其必傳也雖然易
之年未五十平生故人多列官于朝而當急賢之時其能
久於第乎韓子云天將和其聲以鳴國家之威者意其有
在於是則嗣而刺之尚未艾也余姑識斯語以俟至正十
五年冬十月望瀟河楊彝書

易通林氏燕南龍樓言中國卷中述其似射易之
預未標弓矢且射利祿易之德善惠任進退以詩湯
貢御史曰恐治法至他好算者好而行之者非在是
至善矣雖滿堂山主雨如不知詩文自易之知江尚
人論其主德之至至子克為三德名雖亦師一時名
以水軍伯生揚其德其不嘆實惟臨川名久橫尤
其雅集云卷即算手飾為處諸序跋不但俾諸詳
最善注此極精妙回信友人王主以孝而副諸事
初本陳亦金不能一解海堂生毛亨漢

金臺集

七

汲古閣

序

中吳多宴游之勝而顧君仲
瑛之玉山草堂其一也顧氏
自辟疆以來好治園池而仲
瑛又以能詩好禮樂與四方

玉山草堂集

黃序

汲古閣

賢士大夫游其涼臺燠館華
軒美榭卉木秀而雲日幽皆
足以發人之才趣故其大篇
小章曰文曰詩間見層出而
凡氣序之推遷品彙之回薄

陰晴晦明之變幻叵測悉牢
籠摹狀於賡唱迭和之頃雖
復體製不同風格異致然皆
如文繒貝錦各出機杼無不
純麗瑩緝酷令人愛仲瑛既
會萃成卷名曰玉山名勝集
復屬余爲之序夫世之有力
者孰不寄情山水間然好事
者於替人別墅獨喜稱王氏
之輞川杜氏之樊川豈非以

玉山草堂集

黃序

汲古閣

當時物象見於倡酬者歷歷
在人耳目乎然輞川賓客獨
稱裴迪而樊上翁則不過時
召暱密往遊而已今仲瑛以
世族貴介雅有器局不屑仕
進而力之所及獨喜與賢士
大夫盡其驩而其操觚弄翰
觴咏於此視樊上翁益不多
讓而賓客倡酬之盛較之輞
川或者過之嗟乎後之視今

玉山草堂集

黃序

汲古閣

亦猶今之視昔使異日玉山之勝與兩川別墅並存於文字間則斯集也詎可少哉是不可以無序於是乎書至正十年四月既望翰林侍講學

玉山草堂集

黃序

汲古閣

士中奉大夫知制誥同脩國史同知經筵事金華黃潛序

序

崑山之世族居界溪者曰顧氏之有才諳者曰仲瑛仲瑛卽所居之偏闢地以爲園池園之中爲堂爲舍爲樓爲

玉山草堂集

李序

汲古閣

齋爲舫敞之而爲軒結之而爲巢葺之而爲亭植以佳木善草被之芙蕖菱芡鬱焉而陰煥焉而明間焉而深一日之間不可以徧賞而所謂玉

山草堂又其勝處也良辰美景士友羣集四方之來與朝士之能爲文辭者凡過蘇必之焉之則歡意濃浹隨興所至羅樽俎陳硯席列坐而賦

玉山草堂集

李序

汲古閣

記序贊引等篇皆以類附焉間嘗取而讀之高者跌宕夷曠上追古人下者亦不失清麗洒脫遠去流俗琅琅炳炳無不可愛吁亦盛矣予幼時

玉山草堂集

李序

汲古閣

分題布韻無問賓主仙翁釋子亦往往而在歌行比興長短雜體靡所不有於是哀而第之以成帙題之曰草堂名勝凡當時之名卿賢士所爲

讀晉蘭亭唐桃花園序謂皆一時勝集意千載而下無復能繼及究觀蘭亭作者率寥寥數語罕可稱誦向非王右軍一序則此會幾泯沒無聞

若桃花園之燕則又不知當時能賦者幾人罰金谷酒數者幾人其泯沒尤甚獨賴李仙人一序可見耳豈若草堂之會有其人人有其詩而詩

玉山草堂集

李序

汲古閣

皆可誦耶蓋仲瑛以衣冠詩禮之胃好尚清雅識度宏達所交多一時名勝故其盛如此吾故謂使是集與蘭亭桃花園序並傳天壤間則後之

覽者安知其不我若耶至正十一年歲在辛卯二月既望元統癸酉第一甲進士及第湘東李祁序

玉山草堂集

李序

汲古閣

傳

顧阿瑛字仲瑛別名德輝崑山人少輕財結
客豪宕自好年三十始折節讀書益蓄古書
名畫彝鼎秘玩築別業於菑漚西曰玉山佳
處日夜與客置酒賦詩其中四方文學之士

玉山草堂集

十傳

汲古閣

若河東張翥會稽楊維禎天台柯九思永嘉
李孝光方外之士若張伯雨于彥成琦元璞與
凡一時名士咸主其家其園池亭榭之盛圖史
之富并夫饌館聲伎並鼎甲一時而才情
妙麗與諸公畧相當風流文雅著稱東南

嘗舉茂材署會稽教諭辟行省屬官皆不就

張士誠入吳欲強以官乃去隱於嘉興之合溪既
而以子恩封武暑將軍水軍千戶飛騎尉錢唐
縣男及母喪廬墓闋釋氏書有悟遂祝髮稱
金粟道人自題其像曰儒衣僧帽道人鞋天下青

玉山草堂集

十一傳

汲古閣

山骨可埋若說向時豪俠處五陵駿馬洛陽街
洪武初隨其子元臣遷臨濠卒所著詩曰玉山
璞葉莘亭館篇詠刻梓曰草堂名勝集又刻
交遊諸公詩自楊維禎而下四十餘家曰草堂雅
集同時有沈萬山及福山曹氏六以財雄於吳

而文雅不及

玉山草堂集

傳
十二

汲古閣

張誌銘

君諱德輝字仲瑛姓顧氏世為蘇之崑山人
呈四姓之薦也曾大父宗愷宋武翼郎大父
開傳元衡輝懷孟諸總管父伯壽晦德弗煥
號玉山處士母陶氏君幼而警敏善記誦年

玉山草堂集

誌銘
十三

汲古閣

十六代父理家事布衣出內家衆不能欺
然輕財喜爭以意氣自豪貴卿大夫多與
之接卿曲譽望逾其諸父矣年三十乃創制
舊習更折節讀書崇禮文儒師友之賢者
喜購古書名畫三代以來彝鼎視玩集錄鑒

賞無虛日甫逾四十悉以田業付子若圻改

築園池於橋定西偏名曰玉山崖處日與客

酌酒賦詩為樂而君子贈思提詒莫之頃飾章

輒就恒屈服其望人今所傳唱和集是也又

等所友名公之佐如張永肯翁李微君存允楊

玉山草堂集

誌銘
十四

汲古閣

先生雖視張外史伯雨而下刻梓者數十家總

題草堂雅集邑馬鞍山有宋劉改之墓為僧徒

所據君首率鄉人吊辭白有司復其屬城舉浚

材署會稽縣學教諭力辭不就者注重其材

垂任以事君皆不屑也母喪廬墓久闋釋氏

書探討其文義久之若有得為還淮兵也吳

聞君將用之乃絕機壘事營別業於嘉興之舍

溝溪釣五湖三湘間自稱金粟道人蓋已與世

相忘矣歲戊申從其子遠臨漳而華定洪武

己酉三月十四日也距其生之歲至大元武宗庚

玉山草堂集

誌銘
十五

汲古閣

戊得年六十先是君以子愚封武畧將軍水軍

正千戶飛騎尉錢塘縣男夫人王氏先卒贈錢

塘縣君子男五人元臣前水軍副都萬戶改

奉議大夫湖廣行省理問次元禮元弼元憲元

肅女三人長贊陸琦次邁邵邁贊孫男五人

元臣之子曰詰諫元禮之子曰禧顧孫女

六人君生長承平家富多贅方其年壯氣盛親

幕布衣任俠之權以原巨先杜季良自況招致

賓客將希蹤鄭莊一何快也及乎晚節逃名

自放汗漫江湖欲招陶峴陸嘗望而興之遊又何

玉山草堂集

誌銘
十六

汲古閣

卓也而時異事殊志弗克終所為詩有玉山璞

蒙二十卷幽情遐致一寄於斯吁亦是自見

矣君卒之年冬十一月元臣以其喪至自臨潑

卜以十二月庚午葬君輝墩之壽藏君嘗自

為壙志戒其子以學衣桐帽襪鞋布襪縷裘

入土勿用長物為身累至是理問漢以江陰

陸祺所為狀屬奎銘之石始君北還時嘗過奎

曰吾與子為死別嗚呼孰謂君果不返耶文雅

不腆其美悲辭乃次而銘之銘曰

四姓望吳粵自古初流美離君亦名厥家少

玉山草堂集

誌銘
十七

汲古閣

慕為俠馳驚里閭中始變節與其豪奢道遠

林泉曠懷自逸抗志烟霞高齋薦辟咄叱莫

年殞命遐邇匪君之戀其又誰忍解收之陽

白雲之根吾寧暫遊茲焉終償旅魂縹緲歸

自潑其寧永久尚利爾後華亭殿全述

玉山草堂集目錄

卷上

七月既望與客晚酌于草堂中有藁既陳臺

酒將瀉時暑漸退月色出林樹間以高秋

爽氣相新鮮分韻得鮮字

又口占

楊廉夫于彥成諸公雅集以愛汝玉山草堂

靜分賦得靜字

次楊鐵崖賦張叔厚所繪玉山雅集圖韻

玉山草堂集

卷上目

汲古閣

至正庚寅五月與于彥成元璞師諸公飲散

步月以炯如流水涵青萍分賦得流字

至正十年庚寅秋七月廿有一日吳僧宣無

言過訪時遂昌鄭明德匡廬于彥成先在

焉相與觴咏于芝雲堂酒半分水衡玉壺

懸清秋為韻得壺字

七月二十五日金華王子充過玉山夜飲芝

雲堂酒酣賦詩以丹桂五枝芳為韻得五

字

金粟影

至正十一年冬十月廿三日王德輔袁子英

于彥成諸公過集以夜闌更秉燭相對如

夢寐分賦得夢字

呂伯起趙仲光攜詩偕沈自誠同過玉山時

楊伯震于彥成琦元璞亦至酌于草堂以

何以解憂惟有杜康分賦得何字

至正十年七月初五日琦龍門過玉山留數

日將泛蘭陵之舟而未果十二日起文高

玉山草堂集

卷上目

汲古閣

先生雨中見過復留周旋是日飲酒釣月

軒中秋暑乍退雨止復作龍門以舊雨不

來今雨來分題余得舊字

至正十年七月六日吳水西琦龍門偕隴西

李雲山乘潮下婁江過界溪詩來問訊玉

山主人命騎追還草堂晚酌芝雲堂時露

氣已下微月在林樹間以風林纖月落分

韻賦得纖字

至正十年秋七月十有三日起文高先生自

姑蘇汎舟攜酒殺過玉山會飲芝雲堂上
座客于匡山琦龍門相與談詩疊疊不絕
酒半龍門分藍田日暖玉生煙爲韻得藍
字

至正庚寅秋七月廿九日袁子英于彥成琦
元璞諸公會飲于芝雲堂以古樂府分題
予賦得山人勸酒

余與楊君鍊崖別兩年矣庚寅嘉平之朔君
自淞中過予溪上適永嘉曹新民自武林

玉山草堂集

卷上

汲古閣

至相與飲酒芝雲堂明日鐵崖將赴任曹
君亦有茂異之舉同往武林信歡會之甚
難而分攜之獨易安可不痛飲盡興以洗
此憤憤因以對酒當歌爲韻予得歌字

至正壬辰季秋廿有二日從子元伍以武功
平賊繇崑山節判而歸良用亦繇京師農
漕運千戶而至時秦文仲于彥成岳季堅
袁子英陸良貴相與燕飲而娛悅之卽席

賦此

秦淮海泛舟過紳湖向夕未歸予與桂天香
坐芝雲堂以佇之堂陰枇杷始華爛爛如
雪乃移席樹底據碧石相與奕棋遂勝其
紫絲囊而罷於是小蟠桃執文犀觥起賀
金縷衣軋鳳頭琴予亦草古阮唯酒甚歡
而天香鬱鬱有潛然之態俄而淮海歸且
示以舟中所詠予用韻以紀乃事云

至正十二年季秋十有三日汝陽袁華子英

河南陸仁良貴過訪時蘭陵周履道先至

玉山草堂集

卷上

汲古閣

與于匡山岳季翁集可詩齋言論該博意
氣欬洽酒旣半于古人驅馳戎馬及于亂
離者切有感焉遂以我有嘉賓鼓瑟吹笙
分韻得賓字

五月三日讌客於漁莊之上是夕賓客旣散
遂與范陽盧伯融淮海秦文仲張燈暖茗
於可詩齋以杜工部已公茅屋下可以賦
新詩平聲字分韻因各口占一律以紀歲

月得公字

予男元臣以寧海功陞水軍都府副都萬戶
奉省檄道天台航海而歸置酒會友矧于
可詩齊座客能賦者遂以客從遠方來分
韻志喜云得方字

海虞山人繆叔正扁舟相過以慰別後之思
予謂兵後朋舊星散得一項相見曠如隔
世遂邀汝陽袁子英天平范君本彭城錢
好學營城趙善長扶風馬孟昭聚首可詩
齋內諸公亦樂就飲或攜肴或菓果其成

玉山草堂集

卷上目

汲古閣

負率之會山是皆盡歡酒酣各賦詩以紀
走筆而就興有未盡者復能酬倡以樂永
夜予以詩先成叔正俾予敘數語於篇首
緬思烽火隔江近在百里今夕之會誠不
易得況後會無期乎吳宮花草堂髮江風月
今行走麋鹿於瓦礫場矣獨吾草堂宛在
溪上予雖祝髮尚能與諸公暢詠其下共
忘此身於干戈之世豈非夢游於已公之
茅屋乎善長秉筆作圖於卷予索孟昭楷

書以識時丙申歲己亥日齋之主人顧瑛
序而復賦詩曰

和繆叔正燈字韻

和柑字韻

和情字韻

有感呈繆侃

已丑六月吳寅夫于彥成鄉九成琦元璞諸
公及衡兒暨琴姬小瓊英翠屏素真集
以暗水流花徑春星帶草堂爲韻得星字

玉山草堂集

卷上目

汲古閣

至正庚寅正月十一日臨海陳敬初見過同
熊松雲陸良貴飲于碧梧翠竹間遂以碧
梧棲老鳳風枝爲韻得梧字

至正壬辰九月番陽蕭景微過訪酌于梧竹
堂上明日爲重九遂以滿城風雨近重陽
爲韻得滿字

至正十年五月十八日余與延陵吳水西龍
門僧元璞匡山于外史避暑於樓中時輕
雲過雨霽光如秋冬占四絕句云

七月初五日余會于匡山琦龍門於樓上輕
風吹衣爽氣浮動纖月既出迺移樟樓外
閣橋圍飲時瑤笙與琴聲歌聲齊發冷冷
天表如霓裳羽衣落我清夢遂各分詩以
記得危字

至正十年冬溫如春民爲來歲癘疹憂嘉平
之望凝雲晝合風格格作老臬聲雨霰交
下頃刻積雪徧林野適郊雲臺自吳門張
雲樑自婁江吳國良自義興不期而集相
玉山草堂集

卷上目

汲古閣

與痛飲湖光山色樓上以東台玉樓寒起
粟分韻得起字

盧伯融與諸君酌于湖光山色樓遂以吳東
山水分題賦陽山

至正十二年正月下泝春雪方霽飲酒柳塘
上水光與春色相動蕩因咏王臨川鴨綠
鵝黃之句各口占四絕以紀時序

予去春避地于吳興之商溪始識天民於溪
上之大慈隱寺天民讀書有節義落落有

古人風故與予甚浹洽及予之歸遽饒於
洪城溪亭臨溪泣別則其交情可見矣今
又能駕輕舟歷數百里之險途來問訊予
之祝髮其義之篤情之深非結交結面者
之比也余敬借此詩美之且以饒其歸以
簡無隱老禪求一轉語也

至正庚寅七月十一日雨過芙蓉始着數花
翡翠飛欄檻間漁童舉網得二尺鱸于是
與琦龍門于匡廬飲于漁庄樂甚以解釣
玉山草堂集

卷上目

汲古閣

鱸魚有幾人分平聲韻賦詩得人字

至正辛卯秋九月十四日宴客于漁莊之上
芙蓉如城水禽交飛臨流展席俯見游鯉
日既夕天宇微肅月色與水光蕩搖櫺櫺
間遐情逸思使人浩然有凌雲之想俾侍
姬小瓊英調鳴箏飛鴈傳令酣飲盡歡玉
山口占二絕賦成令漁童煮青乘小榜倚
歌于蒼茫煙浦中

夜坐金粟池上涼雨初過荷氣浮動秋思俯

然以荷靜納涼時平聲爲韻得涼字

至正八年上半年已日與楊鐵崖飲于書畫舫侍
姬素雲行柳子酒相與聯句畢鐵崖乘興
奏鐵龍之簫復命素雲行酒余口占云鐵
笛一聲停素雲鐵崖擊節足成一詩云黃
公壚西達故人坐客各以能詩聞柳葉半
半破明月鐵笛一聲停素雲藕紙題詩寫
章草瓜皮看鼎辨周文人生嘉會不有違
何異市中羣聚蚊俾予次韻云

玉山草堂集

卷上目

汲古閣

鄭明德過訪同李廷璧夜酌于書畫舫以春
水船如天上坐老年花似霧中看平字爲
韻得如字

餞謝子蘭分韻得東字

并序

至正戊戌四月義興岳君季堅自武林過予
與王叔明張禹錫袁子英同飲于芝雲堂
各賦

至正壬辰中秋天宇清霽月色滿池樓臺華
木隱映高下是猶天中之畫畫中之天乃

張筵設席女樂裸杏縱酒盡歡同飲者匡
廬仙于立彥成袁華子英張守中大本酒
既醉以攀桂仰天高爲韻得高字

至正庚子孟夏黃鶴山人岳修與相臺羅君
文中自吳城挈舟至海虞復過崑山訪余
于草堂值春暉樓前芍藥盛開重置酒樓
上是夕雷雨新霽風日淡蕩超善長折金
帶圍一朵捕瓶中及以紅白花擎繞撰簇
朱伯盛督行酒令集者七人遂取紅藥當

玉山草堂集

卷上目

汲古閣

增翻一句分韻得翻字

至正十年七月六日置酒小東山秋華亭上
歌舞少間群姬仰坐庭中時夜將半秋聲
露氣在竹樹間曲水繁帶山石下與銀漢
同流儼然若非人間世因以天上秋期近
分韻賦得秋字

七月九日復飲秋華亭上天香襲人幽花倚
石時狸狸軋琴與寶笙合曲瓊花起舞蘭
陵美人度鴈興琦龍門行酒余爲作詩以

紀良會就邀匡山龍門同韻

和楊鐵崖唐宮詞十首

辛卯中秋沈自誠琦龍門集于湖山樓有懷

于彥立以銀漢無聲轉玉盤分賦得聲字

琦龍門過予芙蓉渚之新軒相與有懷去春

避難之苦印大琦公韻

夜坐口占

秋日海棠花序

冬日雪中高起文諸君宴集聽雪齋以春聲

玉山草堂集

卷上目十一

汲古閣

度竹深分韻得聲字

雪中郊九成于彥立宴集以東閣官梅動詩

典分賦得觀字

白雲海次郭翼韻

次文質韻

再疊前韻

三疊前韻

四疊前韻

予自吳興避難浮家而歸玉山佳處無一毫

之失忽於西廡空庭中有神龜大將一尺

四橋無隙不知所來乃添一小軒扁曰來

龜以符龜來之兆及有舊犬聞嚙軍士右

足環柱不能脫衆槍將及始去匿於田坂

中不能得之予因呼之爲阿義陸君良貴

有義犬行因紀龜之靈故及犬之義也

題拜石壇

虎丘十詠

虎丘劒池次韻

玉山草堂集

卷上目十二

汲古閣

花遊曲序

玉山草堂集目錄卷上終

玉山草堂集卷上

顧阿瑛仲瑛

七月既望與客晚酌于草堂中有菓既陳壺酒將瀉時暑漸退月色出林樹間以高秋爽

氣相新鮮分韻得鮮字

玉山草堂秋七月露梢風葉正翛然出林新月清輝發當竹幽花夜色鮮羽客時來蒼水珮山僧頻

寄白雲泉文章錄事休輕別正好深樽滿眼傳

又口占

玉山草堂集

卷上

汲古閣

爽氣高秋滿玉山翠煙如海浸螺髻芙蓉城裏黃金鏡照見雙雙駕鳳還

又

臨池醉吸杯中月隔屋香傳藥上花狂煞會稽于外史秋風吹墮小烏紗

楊廉夫于彥成諸公雅集以愛汝玉山草堂

靜分賦得靜字

蘭風蕩叢薄高字日色靜林迴泛春聲簾疎散清影寒雲石蘿古澗纓水花冷於烏奉華腸聊以娛

晝永

次楊鐵崖賦張叔厚所繪玉山雅集圖韻

詩人得句題茅屋客子乘流泛小舸老眼看花起春霧醉眠聽雨響秋濤弓盤舞按銀鵝啄水調聲傳金鳳槽與爾共傾下日酒呼童却換五雲袍

至正庚寅五月與于彥成元璞師諸公飲散

步月以燭如流水涵青萍分賦得流字

幽人雅愛玉山好肯作清酣竟日留梧竹一庭涼欲雨池臺五月氣涵秋月中獨鶴如人立花外疎

玉山草堂集

卷上

汲古閣

螢入幔流莫笑虎頭癡絕甚題詩直欲擬湯休

至正十年庚寅秋七月廿有一日吳僧宣無

言過訪時迂昌鄭明德匡廬于彥成先在焉

相與觴咏于芝雲堂酒半分水衡玉壺懸清

秋爲韻得壺字

鄭玄于鵠本清好況有名僧似仲殊淦上魚肥應受釣厨中酒熟莫教酤雨花落座成金粟秋露凝寒貯玉壺更向飛樓賭棋梨香囊留得未全輸

七月二十五日金華王子充過玉山夜飲芝

雲堂酒酣賦詩以冊桂五枝芳爲韻得五字

南州孟秋月，維日二十五。迴風吹層霄，飛雲過疎雨。客從金華來，欵曲置樽俎。況有匡廬仙，貌古心亦古。襟期事蕭散，笑傲忘賓主。哀絃發秦聲，修眉善胡舞。秋輝能娛人，夜色滿庭戶。脩脩風葉鳴，法法露花吐。春彼杯中月，不照墳上土。緬懷琦龍門，扁舟下南浦。

金粟影

飛軒下瞰芙蓉渚，檻外幽花月中吐。天風寂寂吹

玉山草堂集

卷上

汲古閣

古香清露冷，冷濕秋圃金。梯萬丈手可攀，居然夢落清虛府。庭中擣藥玉兔愁，樹下乘鸞素娥舞。瓊樓玉殿千娉婷，中有癡仙淡眉宇。問我西湖舊風月，何似東華軟塵土。寒光倒落影娥池，的皪明珠承翠羽。但見山河影動搖，獨有清輝照今古。覺來作詩思茫然，金粟霏霏下如雨。

至正十一年冬十月廿三日王德輔袁子英

于彥成諸公過集以夜闌更秉燭相對如夢

寐分賦得夢字

涼風振林木，惻惻初寒動。肅客桃花源，張筵鳴玉洞。落日照金樽，飛雪栖画棟。談玄味妙理，謔笑雜微諷。取琴雪巢彈，共聽金石弄。嘉會固難并，聚散恍春夢。明發大江舟，天關孤鴻送。

呂伯起趙仲光攜詩偕沈自誠同過玉山時

楊伯震于彥成琦元璞亦至酌于草堂以何

以解憂惟有杜康分賦得何字

客從苕溪來，白馬紫玉珂。下馬話疇昔，一別三載

過省郎最後至，鬢髮今已皤。延張碧梧堂，琴彈白

玉山草堂集

卷上

汲古閣

雪窩我欲邀飛光，飛光去如梭。人生百年內，良會苦不多。相逢不盡醉，其如歡樂何。

至正十年七月初五日琦龍門過玉山留數

日將泛蘭陵之舟而未果，十二日起文高先

生雨中見過復留周旋是日飲酒釣月軒中

秋暑乍退雨止復作龍門以舊雨不來今雨

來分題余得舊字

秋暑困人如中酒，涼雨淒風忽相逗。墀下決明花

正鮮，池上芙蓉香欲瘦。山人欲歸不得歸，西夏郎

官却相候當軒不復問寒溫群口誇詩如健鬪秋
娘起拂紅綃袖素壁看題今已舊舊雨不來今雨
來故交那在新交右坐聽飛溜落虛聲似與水絃
聲合奏清歌聊欲紀文字長席還當陳俎豆人生
有酒不爲樂何異飛蚊聚昏晝玉山醉倒稽叔夜
紫芝光浮元德秀君今此行良不苟請君一觴爲
君壽風簾官燭暗秋屏歸期已在黃昏後

至正十年七月六日吳水西琦龍門偕隴西

李雲山乘湖下婁江過界溪詩來問訊玉山

玉山草堂集

卷上

汲古閣

主人命騎追還草堂晚酌芝雲堂時露氣已

下微月在林樹間以風林纖月落分韻賦得

纖字

空堂清飲夜厭厭坐久情深酒屢添龍氣當天河
鼓濕翠痕浮樹月鈎纖梧桐葉落鳴金井絡緯聲
多近繡簾我欲分題紀良集詩成還慰老夫潛

至正十年秋七月十有三日起文高先生自

姑蘇汎舟攜酒般過玉山會飲芝雲堂上座

客于匡山琦龍門相與談詩臺臺不絕酒半

龍門分藍田日暖玉生煙爲韻得藍字

高堂政在玉山西竹色梧陰積翠嵐秀結紫芝雲
作益先生珠樹玉如藍每勞飛鳥花間使時有翔
鸞月下驂客至酒尊聊刺飲僧來麈尾聽清談行
杯長待纖歌發分韻還將險字探佛印固知元九
九文殊何必說三三莫忘石上三生約且盡山中
十日耐當檻荷開香屢度隔牀花落雨同耗鹿門
何處真成隱鷄舌他年自可舍送別江亭折楊柳
西風應愧雪盈簪

玉山草堂集

卷上

汲古閣

至正庚寅秋七月廿九日袁子英于彥成琦

元璞諸公會飲于芝雲堂以古樂府分題予

賦得山人勸酒

龍門山人會稽外史顏如紅桃花貌若赤松子秋
風西來雲滿堂天香散落芙蓉林手持青蓮葉酌
我荔枝漿荔枝漿荷花露綠陰主人在何處筭來
三萬六千日日春風渾幾度山人歌山人舞山人
勸酒向我語不見遼東丁令威白鶴空歸華表
柱歸去來在何時青山樓閣相逶迤碧桃四時花

滿枝花開玉笙驚管吹老仙遲子商山下商山玉
泉生紫芝歸去來毋遲遲

余與楊君鍊崖別兩年矣庚寅嘉平之朔君
自淞中過予溪上適永嘉曹新民自武林至
相與飲酒芝雲堂明日鐵崖將赴任曹君亦
有茂異之舉同往武林信歡會之甚難而分
攜之獨易安可不痛飲盡興以洗此憤憤因
以對酒當歌爲韻予得歌字

江空暮雲合歲晚雪霰多佳人美無度嚴裝遲相
玉山草堂集

卷上

汲古閣

過夜宴芝雲館明發玉山阿繁聲落虛溜急袖翻
迴波客有子曹子調笑春風歌歌終易離別別去
愁蹉跎相思梅花發不飲當如何

至正壬辰季秋廿有二日從子元伍以武功
平賊錄崑山節判而歸良用亦錄京師義漕
運千戶而至時秦文仲于彥成岳李堅袁子
英陸良貴相與燕飲而娛悅之卽席賦此
玉山九月界溪潄旭日朝開橋樹林門前子姪歸
下馬堂上親朋來盍簪吾儕見面未白髮汝輩報

君當赤心舉座稱觴起爲賀爛醉不辭清夜深

秦淮泛舟過綽湖向夕未歸予與桂天香
坐芝雲堂以佇之堂陰枇杷始華爛爛如雪
乃移席樹底據磐石相與奕棋遂勝其紫絲
囊而罷於是小蟾桃執文犀觥起賀金縷衣
輒鳳頭琴予亦壁古阮唯子雖切也酒甚歡而
天香鬱鬱有潏然之態俄而淮海歸且示以
舟中所詠予用韻以紀乃事云

玉子岡頭秋杳冥石林橋阮素琴停枇杷花開如
玉山草堂集

卷上

汲古閣

雪白楊柳葉落帶煙青每聞投壺笑玉女不堪鼓
瑟怨湘靈酒闌秉燭坐深夜細雨小寒生翠屏
至正十二年季秋十有三日汝陽袁華子英
河南陸仁良貴過訪時蘭陵周履道先至與
于匡山岳季翁集可詩齊言論該博意氣欬
洽酒旣半于古人驅馳戎馬及于亂離者切
有感焉遂以我有嘉賓鼓瑟吹笙分韻得賓
字

玉山茅齋溪水濱日日舟楫往來頻行厨酒熟更

留客當慙花開殊可人有雲聽雨意自適分韻賦
詩情亦真風塵瀕洞罕相見盡醉忘形誰主賓

五月三日燕客於漁莊之上是夕賓客既散
遂與范陽盧伯融淮海秦文仲張燈啜茗於
可詩齋以杜工部已公茅屋下可以賦新詩
平聲字分韻因各口占一律以紀歲月得公
字

西漢之西東也東有運疑與桃源通一間雪屋翠
竹裏百盤風磴青雲中避地卜居擬杜老結茅賦
玉山草堂集

卷上

汲古閣

詩懷已公留君更住十數口莫對端陽嗟轉蓬

予男元臣以寧海功陞水軍都府副都萬戶
奉省徵道天台航海而歸置酒會友朋于可
詩齋座客能賦者遂以客從遠方來分韻志

喜云得方字

海上風飄似馬狂歸來仍喜佩銀章三年報國存
忠直一旦見親全義方祖遜晉江期復晉董微仗
節樂還鄉聖恩已見金雞放醉飲寧辭累十觴
海虞山人繆叔正扁舟相過以慰別後之恩

予謂兵後朋舊星散得一頃相見曠如隔世

遂邀汝陽袁子英天平范君本彭城錢好學

管城趙善長扶風馬孟昭聚首可詩齋內諸

公亦樂就飲或攜肴或挈果共成真率之會

由是皆盡歡酒酣各賦詩以紀走筆而就興

有未盡者復能酬倡以樂永夜予以詩先成

叔正俾予叙數語於篇首緬思烽火隔江近

在百里今夕之會誠不易得況後會無期乎

吳宮花草襲江風月令皆走麋鹿於瓦礫場

玉山草堂集

卷上

汲古閣

矣獨吾草堂宛在溪上予雖視髮尚能與諸

公觴詠其下共忘此身於干戈之世豈非夢

游於已公之茅屋乎善長秉筆作圖於卷予

索孟昭楷書以識時丙申歲己亥日齋之主

人顧瑛序而復賦詩曰

木葉紛紛亂打聽淒風淒雨暗空江世間甲子今
爲晉尸裏庚申不到龐此膝豈因兒輩屈壯心寧
受酒杯降與君相見頭俱白莫惜清談對夜缸

和繆叔正

白雲開處見山稜我欲躋攀力未勝歲晚不爲千
祿士前身應是小乘僧竹林載酒邀山簡草閣裁
詩愧薛能結習未除閒未盡焚香且對佛前燈

和柑字韻

一飲寧辭十日酣濁醪到手味偏甘新詩漫賦宮
槐陌好事爭傳海岳庵霜後兩螯看紫蟹樽前一
味出黃柑料應堂北梅花樹今歲開時只向南

和情字韻

淒風何處起擊柝報嚴更共此可憐夜相看太瘦

玉山草堂集

卷上
十一

汲古閣

生燈挑簷雨落茶煮石泉鳴猶有彌明叟聯詩最
薄情

有感呈繆佩

百里扁舟能作客入門款語似無依阿翁九月新
成服老父三冬未見歸江上黑風兼雨至樹頭紅
葉帶霜飛傷心我亦如君切有子天涯未授衣

已丑六月吳寅夫于彥成鄒九成琦元璞諸
公及衡兒暨琴姬小瓊英翠屏素真寔集以
暗水流花徑春星帶草堂爲韻得星字

高堂梧與竹雙鬢排空青涼驤忽飛來落我□□
屏爲君燕坐列綺席吳歌趙舞雙娉婷香翠縷
雪齒齒簾漿玉碗水冷冷人生良會不可遇況復
聚散如浮萍分明感此眼前事鬢邊白髮皆星
華亭夜鶴怨明月何如荷鉞隨劉伶中山有酒十
日醉汨羅羈人千古醒蒲萄酒玻璃瓶可以駐君
之色延君齡脫吾帽忘吾形美人聽我重丁寧更
借白玉手進酒且莫停酒中之趣通仙靈玉笙吹
月聲玲瓏與爾同躡雙鳳翎

玉山草堂集

卷上
十二

汲古閣

至正庚寅正月十一日臨海陳敬初見過同
熊松雲陸良貴飲于碧梧翠竹間遂以碧梧
樓老鳳凰枝爲韻得梧字

流雲拂綺席晴光在高梧富軒酌春酒清陰何扶
疎豈無歌鍾樂適爾文字娛逍遙以終夕聊復遂
吾初

至正壬辰九月番陽蕭景微過訪酌于梧竹
堂上明日爲重九遂以滿城風雨近重陽爲
韻得滿字

西風吹長江舟楫幾欲斷仙人遠方來羽服自蕭
散頗言官軍中殺賊盡左袒時艱會面難取醉那
容緩菊開重陽華對酒莫辭滿賡歌雜絲竹言笑
亦侃侃月明梧竹間夜色良可款

至正十年五月十八日余與延陵吳水西龍

門僧元璞匡山于外史避暑於樓中時輕雲

過雨霽光如秋冬占四絕句云

天風吹雨過湖去溪水流雲出樹間樓上幽人不
知暑鉤簾把酒看虞山

玉山草堂集

卷上
十三

汲古閣

又

晴山遠樹青如簪野水新秧綠似苔落日湖光二
萬頃盡隨飛鳥帶將迴

又

雨隨牛跡坡坡綠雲轉山腰樹樹青江閣晚天涼
似洗隔林時有野鶯啼

又

紫茸香浮落葡樹金莖露滴芭蕉花幽人倚樓看
過雨山童隔竹煮新茶

七月初五日余會于匡山琦龍門於樓上輕
風吹衣爽氣浮動纖月既出迺移樽樓外閣
橋圍飲時瑤笙與琴聲歌聲齊發冷冷天表
如霓裳羽衣落我清夢遂各分詩以記得危
字

樓上笙歌合奏時湖山當席最相宜風吹輕袂身
疑舉人立飛橋意不危屨氣欲浮河漢動秋光已
近女牛期潘郎容易頭如雪且醉花前雙玉卮
至正十年冬溫如春民爲來歲癘疹憂嘉平

玉山草堂集

卷上
十四

汲古閣

之望凝雲畫合風格格作老梟聲雨霰交下
頃刻積雪徧林野適鄰雲臺自吳門張雲槎
自婁江吳國良自義興不期而集相與痛飲
湖光山色樓上以凍合玉樓寒起栗分韻得
起字

客從吳門來張宴玉山裏逶迤朱閣連散漫瓊芳
委雲迷曙光合風迴水華起杯深暖入懷弦澀寒
生指飛光不我留幽興那能已

盧伯融與諸君酌于湖光山色樓遂以吳東

山水分題賦陽山

別起高樓臨碧溪繞樓青山雲約齊陽山獨出眾
山上却立陽湖西復西天風吹山帆不起倒落芙
蓉明鏡裏影娥池上曲欄干徧倚秋光三百里白
雲不化五彩虹化為天矯之白龍一朝挾子上天
去需霽下土昭神功土人結祠倚靈洞雨氣腥翻
海波動紙錢——蜥蜴飛女巫擊鼓歌迎送茲山
本是秦餘杭越兵晝獲夫差王不知誰是公孫聖
空谷答聲吳乃亡只今此地愁雲黑鐵馬將軍金
玉山草堂集

卷上
十五

汲古閣

作勒漢蛇不識劒雌雄秦鹿應迷路南北山下花
開一色紅花下千頭鹿養茸啣花日獻黃面老挾
羣時入青蓮宮聞道秋霜落林谷斤斧丁丁驚鳥
宿千年白鶴忽飛歸失却長松舊時綠君今坐看
樓上頭折韻賦詩浮玉舟憑高一覽青未了底事
仲宣生遠愁明朝更踏東山路傀儡湖中觀競渡
酒花灑灑泛昌陽醉歸扶上樓頭去

至正十二年正月下澣春雪方霽飲酒柳塘
上水光與春色相動蕩因咏王臨川鳴綠鵝

黃之句各口占四絕以紀時序

二月看看已過半春而尚爾不放晴楊柳長堤飛
鳥過鷓鴣新水漫灘平

又

溪上草亭絕低小春來有客日相過便須對柳開
春酒坐看晴色上新鶯

又

鳥啼殘雨過平臯魚逐輕波趁小舸獨愛大堤楊
柳樹又牽春色上柔條

玉山草堂集

卷上
十六

汲古閣

又

小亭結在漢西頭況復春半雨初收柳垂新綠枝
枝弱水轉回塘漫漫流

予去春避地于吳興之商溪始識天民於溪
上之大慈隱寺天民讀書有節義落落有古
人風故與予甚浹洽及予之歸遠饒於洪城
溪亭臨溪泣別則其交情可見矣今又能駕
輕舟歷數百里之險途來問訊予之祝髮其
義之篤情之深非結交結面者之比也余敬

借此詩美之且以餞其歸以簡無隱老禪求
一轉語也

剝啄誰扣門乃是忘年友遠從商溪來過我纔
牖入門無一言但覺驚我醒我醒我自知削髮事
三有學佛亦何補用以脫塵垢全我濁世身薦我
生身母美君顏色好濯濯春月柳不爲時所趨甘
着儒冠守卽今一相見意思兩彌厚春風吹楊花
落我杯中酒願持滿滿盃再起爲君壽君其勿我
辭聲此掃愁帶不關亂軍中食人如食狗苗廉虐
玉山草堂集 卷上 汲古閣

至正庚寅七月十一日雨過美客始着數花
翡翠飛欄檻間漁童舉網得二尺鱸于是與
騎龍門于匡廬飲于漁莊樂甚以解釣鱸魚
有幾人分平聲韻賦詩得人字

芙蓉始花秋水新小莊落日酒相親漁童攜青解
歌舞茶竈筆牀隨主賓龍門山人碧玉壓會稽外
史白綸巾蓴羹鱸膾我所愛吟對西風懷遠人

至正辛卯秋九月十四日宴客于漁莊之上
芙蓉如城水禽交飛臨流展席俯見游鯉日
旣夕天宇微濤月色與水光蕩搖檻閣間還
情逸思使人浩然有凌雲之想俾侍姬小瓊
英調鳴箏飛觴傳令酣飲盡歡玉山口占二
絕賦成令漁童攜青乘小榜倚歌于蒼茫煙
玉山草堂集 卷上 汲古閣

浦中
近照移晴入綺窓芙蓉楊柳滿秋江漁童攜青蕩
舟去驚起錦鳬飛一雙

又
金杯素手玉嬋娟照見青天月子圖錦箏彈盡驚
鷺曲都在秋風十四絃

夜坐金粟池上涼雨初過荷氣浮動秋思脩
然以荷靜納涼時平聲爲韻得涼字
翠沼新秋洛夜光画欄芳樹發天香西風陣陣簾

纖雨荷葉荷花不奈涼

至正八年上半年巳日與楊鐵崖飲于書畫舫侍
姬素雲行椰子酒相與聯句畢鐵崖乘興奏
鐵龍之簫復命素雲行酒余口占云鐵笛一
聲停素雲鐵崖擊節足成一詩云黃公壚西
逢故人坐客各以能詩聞柳鬢半斗破明月
鐵笛一聲停素雲蘭紙題詩寫草草瓜皮看
鼎辨周文人生嘉會不有違何異市中羣聚
蚊俾予大韻云

玉山草堂集

卷上
十九

汲古閣

春水西船如屋裏船頭吹笛隔花聞并刀落手碎
玉斗柳絮分香屬紫雲上客日傳金帖子美人夜
織錦迴文高堂醉臥艷純月宵信東家帳有蚊
鄭明德過訪同李廷璧夜酌千書畫舫以春
水船如天上坐老年花似霧中看平字爲韻
得如字

爲人性癖愛幽居結得幽居畫舫如沙嘴曉風開
幔入簷牙晴日落窓虛厨空尚有仙人酒噦晏能
來長者車汲澗繩寒因羹名鑿水船發爲文魚米

顚癡絕尤耽畫鄭老窺愁却著書爐篆寶香薰
轉硯泓春水滴蟾蜍紙浮玉色供臨榻月吐虹光
照卷舒許結老年三絕社須君好事寫歸歎

餞謝子蘭分韻得東字

有序

至正戊戌秋九月毘陵謝君子蘭過玉山
中謂予言曰僕旅寓合塘之上今年夏秋
苦霖雨田皆白波與陳湖相通所居復卑
下老妻稚子不遑寧處兼乏蕉蘇之所今
於泗川里得屋一區主於友人管伯齡其
里亢爽宜禾麥予乃攜硯田而就耕焉故
來言別予遂置酒於書畫舫邀恢公復初
袁公子英陸君元祥朱君伯盛以江東日
暮雲分韻同餞予得東字子蘭得江字亦
賦詩留別餘字各有所屬云

玉山草堂集

卷上
二十

汲古閣

先生祖寔康樂公於今爲庶稱老翁派流白鶴溪
上住鄉里群豪趨下風叩門過我驚我僕頭戴笠
子心忡忡談空說有丘壑志抗塵走俗山澤客自
言千里簞荆棘此身飄泊如飛蓬山妻未老吳已

禿紉鍼主饋全婦功大兒學詩次學禮小兒五尺
儒門童前年去年兵蔽野卑埃雙埃人舉烽孤舟
如葉載雨雪朝浮暮泛西復東寒蠅穴窓死鑽紙
泥龜曳尾生脫筒只今僦屋在姜里黍穗雨黑波
搖空米如買珠薪束桂壞壁四立鳴哀蛩杜陵遷
居憂國難阮籍命駕嗟途窮鷄鶩無技何所寄烏
鵲三匝將奚從結心泗川得管子爲借一畝幽人
宮謂我斯文雅識面遲遲細語傾深衷我開船屋
秋水中綠波君樹紅芙蓉推窓面面遠山入引釣

玉山草堂集

卷上
二十一

汲古閣

箇箇游魚逢好事獨許米老得清賞富與岑參同
画張神筆駭瘡鬼書著芸香辟蠹蟲槽頭夜滴百
斛酒佳菊爛發花叢叢蟹斫兩簋白雪滿橋橋並
蒂黃金重薦君之酒饒君別莫辭大酌玻璃鍾君
不見繞屋水流流入淞五湖三江四海通君歸只
在泗川上百里那消風一蓬君好去莫匆匆足衣
足食可御冬回首虹光貫明月新詩多附高飛鴻
至正戊戌四月義興岳君李堅自武林過予
與王叔明張禹錫袁子英同飲于芝雲堂各

賦

梧桐葉大午陰垂展席臨風晚更宜客自遠方來
不易月從大海上應遲王猷愛竹非無宅山簡觀
魚別有池洗觥政富傾契濶臨行毋惜重題詩

至正壬辰中秋天字清霽月色滿池樓臺華
木隱映高下是猶天中之画画中之天乃張
筵設席女樂裸杏縱酒盡歡同飲者匡廬仙
子立彥成袁華子英張守中大本酒既醉以
華桂仰天高爲韻得高字

玉山草堂集

卷上
二十二

汲古閣

朱樓隔水度飛橋阮月張筵快酒豪同向鏡中看
王兎恰如海上踏金龍影搖大地山河動光射玄
洲殿宇高明日中秋湖上去更攜紅袖泛輕舸
至正庚子孟夏黃鶴山人岳榆與相臺翟君
文中自吳城竿舫至海虞復過崑山訪余于
草堂值春暉樓前芍藥盛開重置酒樓上是
夕雷雨新霽風日淡蕩越善長折金帶圍一
朵挿瓶中及以紅白花擎繞檣簇朱伯盛督
行酒令集者七人遂取紅葉當增翻一句分

韻得翻字

靈雨沐霽景初曦散朝暄林鶯弄餘春砌藥開當
軒滋粧露泥泥舞袂風翻翻流光不我邁久懷遲
君論于以樂樽疊於焉傾笑言

至正十年七月六日置酒小東山秋華亭上

歌舞少間群姬狎坐庭中時夜將半秋聲露
氣在竹樹間曲水縈帶山石下與銀漢同流
儵然若非人間世因以天上秋期近分韻賦
得秋字

玉山草堂集

卷上
二十三

汲古閣

開宴秋華亭子上共看織女會牽牛星搓有路連
雲渡河漢無聲帶月流取醉不辭良夜飲追歡猶
似少年遊分曹賭酒詩爲令狎坐猜花手作圖最
愛柳腰和影瘦更聽鶯舌弄春柔金莖露落仙人
掌錦瑟聲傳帝子愁絡緯豈知都是怨芙蓉莫恨
不禁秋紫薇花下微風動重欲移樽爲客留

七月九日復飲秋華亭上天香襲人幽花倚
石時狸狸軋琴與寶笙合曲瓊花起舞舞蘭陵
美人度鴈與琦龍門行酒余爲作詩以紀良

會就遂匡山龍門同韻

又到秋華亭子上東山秋氣正清妍僧前落葉不
須掃石上幽花自可憐越國女兒嬌娜娜蘭陵酒
色淨娟娟深樽盛有清香在留待瑤笙月下傳

和楊鐵崖唐宮詞

天寶鵝坊寵賈昌宮中蝴蝶滿釵梁錦棚畫浴天
驕子絳節朝看王大娘王母也芍藥金欄開內苑菊
菊玉觥酌西涼月支十萬資胭脂粉獨有三燒素面
妝

玉山草堂集

卷上
二十四

汲古閣

又

蓮花池畔暑風涼玉竹回文寶簾光貪倚畫屏看
翡翠誤開金鎖放鴛鴦輕綃披霧誇新浴檀香歛
雲銜晚粧笑指女牛私語處長生殿下日中央

又

五色卿雲護帝城春風無處不關情小花靜院偷
吹笛淡月閒房背合筆鳳爪學拊封鉞合龍頭湧
酒下瑤臺後宮學做金錢會香水蘭盆浴化生

又

龍旂孔蓋擁鸞幢步輦追隨幸曲江
易道正過天上路半車直到竹間窓
桃花柳葉元無恨燕子驚兒各有雙
中貴向人言近事風流陣裏帝先降

又

秘閣香殘日影移燈分青玉刻盤螭
琵琶鳳結紅文本絃索蠶纒綠水絲
金屋有花頻賭酒玉杵無子不彈碁
傳宣促發時使南海今年進荔枝

又

近臣諧謔似枚舉侍宴承恩得錦袍
扇賜方空描

玉山草堂集

卷上 二十五

汲古閣

蛺蝶局看雙陸賭樓桃翰林醉進清平調
光祿新呈五色醪密奏君王好將息
昨朝馬上打圍旁

又

號國來朝不動塵障泥一色繡麒麟
朱衣小隊高呵道粉筆新題徧寫眞
寶雀玉蟾簪翠髻銀鵝金鳳踏文茵
一從羯鼓催春後不信司花別有神

又

五王馬上打毬歸贏得官花獻貴妃
乘送閣門邊奏少因臺寺諫書稀
侍兒隨幸皆須紫殿子蒙

恩亦賜緋姊妹相從習歌舞何人能製拓黃衣

又

新製霓裳按舞腰笑他飛燕怕風飄
玉簫倒臥蟠條脫金鳳斜飛上步搖
雲母殿前齊奏沉香火底坐吹簫
只因野鹿御花去從此君王不早朝

又

宮衣窄窄小黃門蹀躞初開賜縹盆
夜月不窺鸞鵲塚春風每憶鳳凰園
愛收花露消心渴怕解金珂見爪痕
只有椒房老宮監白頭一一話開元

玉山草堂集

卷上 二十六

汲古閣

辛卯中秋沈自誠琦龍門集于湖山樓有懷
于彥立以銀漢無聲轉玉盤分賦得聲字

據林坐看月華明水氣浮空夜氣清
蜃闕珠宮寒什市銀盤玉露靜無聲
芳筵累吸杯中物彩鳳雙吹樹底笙
不見山陰狂道士相思只在越王城
琦龍門過予芙蓉渚之新軒相與有懷去春
避難之苦卽次琦公韻

去歲一春同作客今春相見各身閑
亭開翠柳紅桃外魚躍綠波春草間
自笑淵明居栗里也隨惠

遠入廬山何當共下吳江釣坐向船頭語八還

時
暮俗元璞住吳江之無礙寺故云

夜坐口占

虛亭月色不勝寒況坐綠波亭上看啼斷候蛩秋寂寂好懷正在曲欄干

秋日海棠花

有序

得商鼎靈石者數輩日相玩賞以遣世慮

一日同觀此花於脫葉間露紅蓓蕾於炎

風赫日中甚可驚訝後三日而花大拆乃

玉山草堂集

卷上
二十七

汲古閣

延汝陽葛城忽驚斫鑿書新剪蓮花白酒

與花神洗粧少焉清風南來明月東上頓

思匡山寓于越香山阻于杭龍門歸吳江

而無信道路梗絕莫知何在予子元臣孤

身守忠存沒未保向之看花者唯汝陽一

人而已對花傷懷漸成不樂而散再五日

而河南陸仁良貴太原王時叔正同舟泊

溪上是晚霽蒸尤甚而是花尚留數十朵

在命書童張席露坐樹傍相與折花劇飲

各詠言之嗚呼花不以寒暑而開而人有

吳越之阻世殊事異能不慨然余向時終

雪亭詩卷兵至時爲好事者持去就俾莒

城貌圖于前余賦唐律一首于後請坐客

相次以紀時丙申七月廿八日也

怪底海棠能狡獪今年當暑看花鮮露黏蝶粉生

朱汗日炙猩紅上紫綿夢斷鬼坡春信遠神遊金

谷晚粧妍獨憐向歲題詩者不見燒燈花樹前

冬日雪中高起文諸君宴集聽雪齋以春聲

玉山草堂集

卷上
二十八

汲古閣

度竹深分韻得聲字

虛館晝生白飛花照眼明隔簾時有影着地靜無

聲夾坐人如玉深杯酒屢傾清歡竟成醉淡月破

雲生

雪中郊九成于彥立宴集以東閣官梅動詩

典分賦得觀字

玄陰翳陽景積雪凝深寒客行玉山裏悠然起遐

觀登高發清嘯臨流揭長竿勿云鐘鼎貴且盡樽

俎歡蜀琴彈白雪秦蕭吹紫鸞人生百年間嘉會

諒亦難莫嗟歲云暮長歌夜漫漫

白雲海大郭翼韻

虞山幾千疊白雲飛出山變蒼狗入山爲白衣不如化作雙白鶴飛向白雲深處落向予能解說前身不是當初舊城郭

次文質韻

白雲深白雲深白雲飛來如我心笑看竹石起磨寸斯須變作漫天陰山人驅雲飛出闢一遺龍光射南斗大星落落小星明萬物區區等芻狗舉手玉山草堂集

卷上
二十九

汲古閣

招歸懷抱裏三日顛風吹不起怒排兩脚走空來捲入銀河一泓水四野紛紛未倒戈其奈山人不出何有時乘雲釣東海世上空尋張志和萬松嶺上雲如絮天賜山人作孤注明朝說與雲中君白雲之樓是常住

再疊前韻

白雲深白雲深高樓結在雲中心樓中之人白雲反日日醉臥梨花陰大笑白衣對戶矚肘後黃金大於斗草間逐兔縱得之九鼎熱油烹走狗爭如

高臥高樓裏不聽催歸聽喚起釣竿不釣北溟魚酒杯倒吸西江水何須逐日怒揮戈其若花開雪落何空將朽索取快馬爾雲放轡追義和樓外晴雲羣飛絮手拍闌干目如注青山排闥四海來面靑山白雲住

三疊前韻

君不見白雲在山如海深世人不解白雲心不從神龍降甘澤肯從靈女爲朝陰又不見白雲出山飛入牖維南有其北有斗世人再拜仰天光多挽玉山草堂集

卷上
三十

汲古閣

長弓射天狗月明照見玉山裏不受輕風易吹起宵深飛度影娥池影在清天天在水樓下雞鳴夜枕戈樓頭大宴招李何雲車還逐衆仙下玉笙瑤管聲相和剪雲作花雲作絮冷吟酒瀉龍頭注就中誰起壽主人倒吸飛光酒中住

四疊前韻

玉山盤盤竊且深中有樓今居山心白雲不斷護巖壑下與梧竹連秋陰天風吹雲夜開牖城上烏啼擊刁斗芒碭長途斷白蛇上蔡東門嘆黃狗主

人醉坐闌干裏雲影時看酒中起賞春不折背巖
花烹茶自汲富門水戰國紛紛競挽戈縱橫辨口
誇隋何黃鍾不作大雅調五絃謾爾張雲和君不
見水上浮萍元柳絮也赴桃花流水注不似白雲
日日閒只伴幽人在山住

予自吳興避難浮家而歸玉山佳處無一毫
之失忽於西廡空庭中有神龜大將一尺四
續無隙不知所來乃添一小軒扁曰來龜以
符龜來之兆及有舊犬聞醫軍士右足環柱

玉山草堂集

卷上
三十一

汲古閣

不能脫衆槍將及始去匿於田坂中不能得
之予因呼之爲阿義陸君良貴有義犬行因
紀龜之靈故及犬之義也

避亂歸來兩鬢霜春風依舊滿門晴喜看義犬眠
花塢驚見靈龜踞石牀曳尾泥途來遠道負書蓮
葉出重尤慎須勿落元君夢有英能知五世昌

題拜石壇

好事久傷無米顛清泉白石亦淒然快哉亭下坡
仙友拜到丹丘三百年

虎丘十咏

千頃雲

觸石起膚寸悠然散千頃我來坐東軒妙趣心獨
領

小吳軒

雪浸群山盡天垂落日懸馮虛俯城郭隱見一絲
烟

劍池

地拆重淵積人亡寶劍藏千年斷崖月何處照龍
光

玉山草堂集

卷上
三十二

汲古閣

試劍石

試劍一痕秋崖傾水斷流如何百年後不斬趙高
頭

五臺山

海湧如來室清涼卽五臺春風山頂雪飛塵厲門
來

生公臺

生公聚白石塵拂天花墜可憐塵中人不解點頭

意

塔影

塔倚高標立樓深一竅虛海風吹幻影顛倒落方諸

致爽閣

高閣對西山飛嵐落几間開襟致秋爽心與白雲閒

眞娘墓

何處眞娘墓雲埋斷石根夜深風雨急誰喚海棠魂

魂

陸羽井

雪霽春泉碧苔侵石甃青如何陸鴻漸不入品茶經

虎丘劔池次韻

飲澗長虹挂深嶺千尺轆轤斷寒綆夜寒月黑鬼賦詩日白風清人寫影

花遊曲

至正戊子春三月十日偕楊廉夫張伯雨

烟雨中遊石湖諸山伯雨爲妓瑯英賦點絳唇已而午霽登湖上山歌香積寺瑯英

折碧桃花廉夫爲賦花遊曲因爲次韻

眞娘墓下花溟濛碧梢小鳥啼春風蘭舟撻撻落花裏唱徹吳歌弄吳水十三女子楊柳門青絲盤髻鬱金裙折花賣眼一回步蛺蝶雙飛上春墓老仙醉弄鐺笛來瓊英起作回風杯興來耐吸瑪瑙碗立接鳴箏促象板午光小落行春西碧桃花下題新題西家忽遣青鳥使致書殷勤招再四當遣玉山草堂集卷上三十四汲古閣

奪得鳳頭殘大寫仙人踟躕篇

玉山草堂集卷上

玉山草堂集目錄

卷下

聯句首五

玉鷺謠首一

玉鷺傳首一

拜石壇記并東坡紀石手帖考

記首一

附錄題桐花道人卷

金粟道人顧君墓誌銘

玉山草堂集

自題像

卷下目

汲古閣

玉山草堂集目錄卷下

玉山草堂集卷下

聯句

至正十四年冬十二月廿二日予游吳中屬

時冠攘相君有南征之命川涂脩阻舟楫艱

難遂假館於仲瑛顧君之草堂而雪霰交作

寒氣薄人翌日夜分集於可詩齋客有匡廬

于彥成汝陽袁子英吳郡張大本相與笑談

樽俎情誼淡洽酒半諸君咸曰今四郊多壘

膺厚祿者則當奮身報効吾輩無與於世得

玉山草堂集

卷下

汲古閣

從文酒之樂豈非幸哉然友朋難必每思草

堂一時諸公出處俱異時郊君九成則執筆

漕臺陸君良貴亦有漕事之冗惟龍門琦公

元璞獨占林泉之勝以自適其性情與言若

人又不能不於斯集馳企也因效石鼎故事

以紀是集凡若干韻詩成夜漏下三鼓矣序

其首者淮海秦約也

今日適何夕歲律已云暮韻更長燈燭明夜令永

雪返于滕六巧薦瑞封姨怒相妬秦簪盞各盡歡

杯行不知數袁肉臺春筍纖法曲水絃度張紅淚

泣風蠟翠煙積春霧顧鼎沸雀舌烹酒瀉龍頭注

于于嘒嚶轉鶯喉蹢躅躅鷺步秦燕譙落語穿驅馳

慨行路袁計窮會授首車墜費誅屢張風塵聞城

郭稼穡塋場圃顧憂傾漆室蔡嘆分蠟殘手秦天

王狩河陽奸臣拒官渡于濟時風雲會曠世龍虎

遇袁前席宣室徵下詔輪臺布張凱奏扶杜詩諫

諷投獵賦顧于羽舞兩階謠詩五袴秦時清仰

皇澤會少憶良晤于春水破微甲夜月照寒素袁

玉山草堂集卷下汲古閣

雲間鶴鳴陸吳下書惟顧張瘦衰髯似戟短于腹

如瓠顧張也鄉曲英秦亦廊廟具于孔問鄒子官

杜賞已公句秦聯達念契濶若于寫情慄袁冉冉

嘆駒馳營營笑蛟聚張浮生草棲塵虛名日晡露

顧嗟彼噂喏徒有此和樂孺用繼石鼎聯聊以識

所寓秦

繆叔正扁舟相過以慰別後之思

短檠二尺照清酣顧圓餅裁肪韭味甘張舊雨今

爲紅葉雨顧閑雲不障白雲庵張范君遠贈吳健

肉顧錢老能分林屋柑顧今夕共謀眞率醉顧莫

將時事說江南張

七月十五元璣泛舟下婁江余與高起文先

生玉山隱君坐湖山樓上悵然有懷卽所見

聯句成長律于立書

樓倚清秋爽氣高高眼明百里見纖毫風行綠野

銷晴浪于雨到青林起暮濤幾樹好花開別岸顧

一雙飛鳥趁輕舸龍門今日婁江去高會有新詩

寄我曹于

玉山草堂集卷下汲古閣

至正戊子六月廿四日維禎與衛輝高智匡

廬于立清河張師賢汝南袁華河南陸仁燕

于浣花館酒闌主客聯句凡廿四韻主爲玉

山顧瑛客預聯者維禎立師賢華仁也會稽

楊維禎書

大厖千萬餘小第亦云甲馬山分玉崑維禎鯢津

頻濟雲湖吞傀儡深立江瀉吳淞狹地形九曲轉

阿賢峰影千丈插斜川萬桃蒸華小逕五柳夾仙

仗撞石檢仁靈洞開玉匣雲停清陰初張涼過小

雨雲錫舞竹離徒離魚亂萍喋嗟風顛帽屢欹

立暑薄云僧袂花容藏女獻師賢酒情吳姬壓簾

捲蒼龍鬚華盤薦紫駝脾戎裝槩巧笑仁文爪印

纖插白鬣魚乍封瑛紅蓮米新申急鴉行葡萄維

清厨扇簫簫火珠梅燦燦立水絲尊淡滌雲霞

摩乳弄師賢琤琤玩腰理伶班鼓解幟華軍令酒

行法弓彎舞百盤仁鯨量杯千呷腔悲牙板擊瑛

調促水絃聲客歡語尊還維童酣鼻駒給酒微

給泓穎立詩成繕書割嘔句投錦囊師賢披闥出

玉山草堂集卷下及古閣

細發驪駒歌已終華青蛾情尚狎承矢友盟仁

杯盤不須歎瑛

三月三日楊鐵崖顧瑛飲于書畫舫侍姬素

雲行卽子酒遂成聯句如左

龍門上客下驄馬瑛洛浦佳人上水簾瑪瑙瓶中

柳蜜酒鐵崖赤瑛盤內水晶鹽晴雲帶雨沾香地

涼吹飛花脫帽簷寶帶圍腰星萬點鐵崖黃柑

傳指玉釵尖平分好句才無劣瑛百罰深杯令不

厭書出撥燈侵蘭帖鐵崖詩成奪錦翻香奩臂藕

條脫初擎現瑛袍袖弓彎屢拂髯期似梭星秋易

隔鐵崖愁如錦水夜重添勸君更覆金蓮掌瑛莫

放春情似漆黏鐵崖

玉鸞謠

楊廉夫昔有二鐵笛字之曰鐵龍今亡其

一偶得蒼玉蕭一枚字爲玉鸞以配鐵龍

廉夫喜甚復以書來索賦玉鸞謠志來自

云

七寶城中夜吹笛舞按白鸞三十隻箇中小玉號

玉山草堂集卷下及古閣

細腰尾拂廣陵秋月白伐毛脫骨秋風裏素頭圓

長尺有咫中虛一竅混沌通上有連珠七星子羿

妻久閉結璘臺弄玉求之遺蕭史調得仙家別鶴

聲吹落虎頭金粟耳桂園仙伯楊鐵翁昔峯洞庭

雙鐵龍雕龍入海去不返雄龍經處瓊林宮宮中

夜夜泣寒雨幽咽悲啼作人語燃犀莫照玉鏡臺

買絲難繫藍橋杵虎頭憐之爲媾姪并刀剪紙招

鸞魂鸞之來今洞房曉恍然枕席生春溫鐵仙翁

笑拍手左瓊瓊右柳柳瓊瓊細舞柳柳歌起勸虎

頭三進酒。畫堂龜甲開屏。風翠烟凝。暖春雲濃。大瓶酒瀉。鸚鵡綠滿頭花。挿鷺鷥紅。鸞兮運居巢。龍兮弄橫竹。君山月落大江秋。黃姑星。隕崑岡。玉不須再奏。合歡詞。且聽和鳴。太平曲。太平曲。斷續續。一轉一拍。相節促。諧宮協徵。宜八風。寒谷能令生。五穀。鸞龍臺上。鳳凰來。萬歲八百調玉燭。

玉鸞傳

玉鸞不知何時人。或曰吳仙君女。采鸞別稱也。龍頭兔唇。面七竅。鑿混沌。得不死術。初漢祖入咸陽。

玉山草堂集

卷下

汲古閣

獲昭華瑄氏。驚異之。豈其奇歟。性嗜音律。遇善者叩之。隨小大。輒響應。剗然長嘯。則風雨聲自九天至。龍爲之吟。蛟爲之泣。谷應坑滿人異。其術爭聘之。鸞誓曰。得驪珠萬顆。走盤貫索。圓轉不絕者。卽結髮事之。東海鐵龍君聞之。饜然喜。益以琳瑯琅玕。蛟人回文。錦連理。珊瑚鈎。鸞笑曰。龍亦長耦哉。吾所以待聘者。將以愧後世。相如文君之爲也。旣耦。騎鶴往來。婁江山水間。人疑龍爲蕭史。鸞爲弄玉也。帝鴻氏在洞庭野。張廣樂。龍鸞典焉。帝使各

售其技。龍鳴剛而清。鸞鳴溫而和。帝歎曰。治世之音。其玉鸞乎。龍恥辭。去客于鐵仙門下。居六客之右。鐵仙更築七音臺。以處之。仙嘗撫然曰。汝神物。間氣也。心雖不相能。終復合耳。謂其友片玉山人曰。若能使離者合乎。山人曰。鸞時時借鳳凰來鳴。吾山椒聲甚。妻麗意若求仇者。今七月七日之夕。天女紅織帝命。嬪于河鼓。鸞必送之。使鐵龍倚樓作鳳求凰曲。某復鍊仙語。招之。鸞不敢辭矣。如期鸞自鸞湖偕綵雲翔翔雲間。聞鐵龍吟曰。此必鐵

玉山草堂集

卷下

汲古閣

仙人悲嘯。何音響。瀏亮若是。吾誠與龍君迂。不可負山人請。遂與俱。造七音寮。鐵仙聞鸞在門。倒屣出迎。躬撫視之。不知促膝之前席也。龍知鸞來。鏗爾舍面。其埃墨弗肯見。鐵仙啞爾曰。金石八音。領袖也。兩賢苟相阨。聚九州之美。豈足以鑄此錯耶。手攜龍出。交拜之。客以次皆就見。是夕。仙具龍鮓鹿脯。酌以十八仙酒。酒酣。八音交作。合以桑林之舞。經首之會。少焉。白龍沸于潭。皓鶴和于陰。百獸舞于野。鳳凰翥于山。白虹紫霧。盤旋于仙人之廬。

聞之者莫不怪其風作水湧澀滂澎湃以爲雞犬
構檀皆上升矣聖旦鐵仙更製沉香閣古錦屋使
鷺別居之出游必二人侍後皆隱于九龍峯云

論曰昔張華云斗牛有紫氣雷煥謂寶劍之精上
徹于天爾後豐城獄中得龍泉太阿則雌雄劍二
也鐵仙人負不世出之才以正始之音鼓舞一時
人有奇才異能者咸樂登其門若玉鸞者旣遇山
人鐵鐵仙人則龍鸞寧老于江海間泯泯無聞焉
吁世有華煥然後有龍泉太阿吾於鐵仙人亦云
玉山草堂集

卷下

汲古閣

拜石壇記并東坡紀石手帖考

瑛素有米顛之癖見奇峰怪石輒徘徊顧戀不忍
舍去或百計求之不得者必圖寫其形以標諸草
堂壁間以爲几格供後至元戊寅四月下澣訪老
僧嚴叟于東城之菴菴卽故宋周太尉宅斷垣之
外燕麥中有假山在焉遂披榛約棘褰衣而登其
上羅立諸峰已爲好事者挽載去獨有一石似壁
而失其左服歎臥枕於高梧之下上有老坡題識
觴咏之語易之以粟歸而立諸中庭左映右帶無

非松竹芭蕉批把之屬多者書帶草耳石之挺挺
援援如老坡獨立於山林丘壑間愈見其孤標雅

致也瑛加之拂拭永爲子孫寶玩明年奎章閣鑒
書博士丹丘柯敬仲下訪見而奇之再拜題名而
去丹丘辭翰鑒博有元之元章也於是砌石爲壇
字曰拜石後三月而御史白野達兼善來觀嘉柯
之逸爲作古篆拜石二字于壇又隸寒翠以美其
所此石之名由是愈重然皆未知所紀之詳至正
乙未冬周履道秀才自梁鴻山攜贈老坡手帖讀
玉山草堂集

卷下

汲古閣

之乃是答忠玉提刑快哉亭飲移者上有賈秋壑
私印其辭與紀石甚肖嘗記大全集中有次王忠
玉遊虎丘詩有連日與王忠玉諸公遊西湖大韻
詩有次劉景文答馬忠玉詩蓋當時有兩忠玉焉
然莫知其孰是及考宋史元祐四年坡爲翰林學
士兼知禮部以論事積當軸者恨故請外拜學士
龍圖閣知杭州以避朝諍也瑛想老坡風流曠邁
行千里間有名山勝水豈不與友朋醉酒賦詩以
快其意又考諸雜錄忠玉乃王規父姪孫先坡在

維揚後坡渡江坡答其詩有及君來渡江過我勸
秉燭之句是則書所記者王忠玉無疑矣然後知
石乃維揚故物帖則王忠玉家寶也吁石之在山
不知其幾千萬年因坡之題鑒而出山者又不知
其幾百年帖之壽又非石比兵燹火燬展轉流落
人手者亦不知其幾百年今一旦二美併來抑神
物有所會合耶吾玉山有所際遇耶又思丹丘白
野不二十年皆仙去坡仙有靈豈不能于風清月
白之夜挾二公逍遙于此壇乎瑛亦豈不能摘古
玉山草堂集

卷下

汲古閣

阮醉一樽於此壇乎不因此石其能永傳後書此
記俾伯盛朱茂才刊于他石使後之覽者知石與
帖并拜石之壇有來自云至正丙申正月五日書

記

予家玉山中亭館凡二十有四其扁題卷皆名公
鉅卿高人韻士口詠手書以贈予者故寶愛甚於
古玩好今年春正月兵入草堂書畫皆長物夏四
月有軍士數百持戈突來索予甚急時予與累輩
尚在山中由是獲免然不知其故後三日始知爲

不義者誣及歸草堂而諸卷皆爲之分挈而去每
與汝陽袁子英嘆諸友手澤不可復見秋八月予
欲謝世緣而無策不免削髮作在家僧一日過守
馮乘中下車問訊茗供之餘遊觀諸所謂余言曰
君家詩卷向爲軍士持去予知君好事皆爲君取
得之明當奉送不數日囊貯七十餘卷以歸點檢
諸亭館卷中惟柳塘綠雪綠波三卷不在焉嗚呼
物之聚散豈偶然哉向之大變而無所失忽羅細
故皆星散而去又得賢守於衆豪手中奪以歸使
玉山草堂集

卷下

汲古閣

吾之亭館愈增其色然不可獨使三亭館處寂寞
也暇日與袁子英馬孟昭分補各書一卷予得此
卷以前書鈔爲續卷因紀其得失云時丙申歲己
亥月庚申日書于綠波亭

扁題附
列于左

玉山草堂

蜀郡虞集伯生書

瘦影在牕梅得月

涼陰滿地竹籠煙

玉山佳處

馬九霽書

翠痕新得月

玉氣暖爲雲

釣月軒

京兆杜本書

月華中夜滿

雲影一絲懸

芝雲堂

吳興趙孟頫書

雲蒸瑞氣芝三秀

風動天香桂一枝

可詩齋

京兆杜本書

正聲存大雅

玉山草堂集

卷下
十二

汲古閣

古調有遺音

讀書舍

吳興趙應書

學時時習

德日日新

種玉亭

京兆杜本書

玄圃分仙種

藍田發夜光

小蓬萊

吳興趙孟頫書

鶴群長遶三珠樹

驚背高瞻五色雲

碧梧翠竹堂

吳興趙孟頫書

嶧陽古調來鸞鶴

嶧谷春聲吹鳳凰

湖光山色樓

吳興趙奕書

天連遠水三千頃

雲擁晴巒十二鬟

浣華

吳興趙應書

波暖花明狀元浦

玉山草堂集

卷下
十三

汲古閣

竹寒沙碧拾遺詩

柳塘春

馬九霄書

金縷和烟春漠漠

赤欄倚月水溶溶

漁莊

白野達兼善書

典入水雲頻放艇

夢回烟雨聽鳴榔

金罍影

白野達兼善書

波澄月影秋痕冷

露浥天香夜氣浮

書畫舫

漢陽吳孟思書

書帖畫圖浮彩鷁

筆牀茶竈狎輕鷗

春暉樓

吳興沈明遠書

花下稱觴介眉壽

簾前舞綵報春暉

秋華亭

攜李鮮于樞書

涼月掛簷成夜色

玉山草堂集

卷下
十四

汲古閣

秋華滿樹作天香

淡香亭

吳興趙孟頫書

暖香春淡淡

夜月水溶溶

君子亭

吳興趙孟頫書

雪巢

白野達兼善書

花雨空青迷鶴夢

窓含虛白失鷗群

寒翠所

白野達兼善書

春草池

周雪坡書

關

綠波亭

吳興沈明遠書

遠夢生青草

芳池看綠波

絳雪亭

關

聽雪齋

京兆杜本書

夜色飛花合

玉山草堂集

卷下
十五

汲古閣

春聲度竹深

白雲海

范陽盧熊公武書

來龜軒

拜石壇

寒翠所

白野達兼善書

白野達兼善書

白野達兼善書

關

附錄題桐花道人卷 有序

桐花道人吳國良雪中自雲林來持所製
桐花烟見遺留玉山中數日今日始晴相
與同坐雪巢以銅博山焚古龍涎酌雪水
烹藤茶出萬壑雷琴聽清癯陳惟允彈石
泉流水調道人復以碧玉簫作清平樂虛
室半白塵影不動清思不能已道人出
所攜卷索和民瞻石先生所製清平樂詞
予遂以紫玉池試桐花烟書以贈之且邀

玉山草堂集

卷下
十六

汲古閣

座客鄰雲臺同和時至正十年臘月廿二
日也

鳳簫聲度十二瑤臺暮開偏瓊花千萬樹繞入謝
家詩句 仙人酌我流霞夢中知在誰家酒醒休
扶上馬爲君一洗琵琶

金粟道人顧君墓誌銘

金粟道人姓顧名德輝一名阿瑛字仲瑛世居吳
譜傳野王裔未必能合也大父已上皆宋衣冠大
父仕皇元爲衛輝懷孟路總管居崑山之朱塘里

父玉山處士隱德不仕予幼喜讀書年十六而幹
父之壘遂廢學焉性好結客尚乘肥衣輕馳逐於
少年之場故達官時貴靡不交識能不墜家聲而
棄所習復讀舊書日與文人儒士爲詩酒友又頗
鑒古玩好年踰四十田業悉付子壻於舊第之西
偏疊石爲山築草堂于其址左右亭館若干所傍
植雜花木以梧竹相映帶總名之爲玉山佳處詩
有玉山等集行於世不學干祿利欲謝塵事投老
於林泉而未能果先是浙東帥府以茂異辟爲會

玉山草堂集

卷下
十七

汲古閣

稽教諭趣官者至則趨而辟之至正九年江浙省
以海寓不寧又辟貳崑山事辭不獲乃以姪良佐
代任焉又五年水軍都府以布衣起佐軍務又一
年治都萬戶納麟哈剌復俾督守朝廷遣使街宣
見迫且欲入金粟山口口泛舟釣于吳淞江上自
號金粟道人取王氏生子男元臣宣授武畧將軍
寧海所正千戶今陞水軍都府副都萬戶次子元
禮今授正千戶總鄉民守本土元貴習舉子業未
冠某在幼女三人孫男二人孫女四人吁當今兵

華四起白骨成丘家無餘糧野有餓殍雖欲保首領以沒未知天定如何耳今年四十有九恐一旦傾逝泯沒無聞且欲戒子孫以卒衣桐帽棕鞋布襪纏裹入金粟家中慎勿加飾金寶致爲身累故先有志云大元至正戊戌五月念九日顧阿瑛自製

自題像

儒衣僧帽道人鞋天下青山骨可埋若說向時豪俠處五陵鞍馬洛陽街

玉山草堂集

卷下
十八

汲古閣

古人云平生有三大願一願讀書世間好書
二願友盡世間好人三願看盡世間好山水
或更作真實論曰夫盡則另餘但才到真實莫
放過耳顧仲瑛氏新嘗讀書直欲津逮秘藏
築別業于玉山松江之畔日弄脣人韻士淩
尚觴咏殆可謂才到豪華放逸矣或頌云迨
乎爲子西蜀跌澆花于南社真能盡興悲其
晚年虛度時直泰翁上兩公不及區區棄道
人一籌耶手和讀玉山雅集非不足見一時

名流倡導佳致終不若斯集之孤行立傑何
止云湖南毛晉識

玉山草堂集

卷下
十九

汲古閣

玉山草堂集卷下

終

顧玉山集外詩

海虞 毛晉子晉
馮武寶伯 同闕

四言古詩

金粟冢中秋日燕集

嘉樹蔽日涼颼散烟展席藉草待月臨川簪盞既
合飲芳割辭歌斯哭斯以終餘年

玉山集外詩

汲古閣

五言古風

金粟冢中秋日燕集

綽山古佳城左股接昆丘水作青龍來九派盤遶
邇道人金粟冢在彼山之幽園圍青桂樹枝葉相
蟠穆石削華表立碑刻金粟鍊人身無百年胡乃
三彭仇四大偶一失九卅不能瘳肉血潰臭腐不
朽唯儒骸棄之道路傍行者得溺浚狐狸與鴟鵂
食噉紛相讎欲貽後之人以掩面目羞烏兔互出
沒急行不入郵縱有萬丈繩誰能繫之留賸穴競
玉山集外詩

蟻螳涼風城畔蟬榮名乃何物汲汲將奚求金谷
珊瑚樹天網一夕收美人化黃壤燕子巢空樓大
印佩六國散金馳人騁一朝不得志車裂狗九州
秦皇與漢武靈藥採仙洲玉棺葬地底金鳧出海
阪梨花自寒食夜雨鬼啾啾飛錢化蝴蝶走燐驚
鶴鶴混沌鑿不死儻忽何能休丈夫不解事老大
傷白頭何如種秫米壓酒日日籌今夕三五夕我
已爲君謀長鉞置十斛百結青絲堤截江取紫蟹
攀樹摘紅榴周垣設茵席矮几陳脯脩步登白雲

屏待月豁醉眸。劃然白蝦蟆。抱出黃金毯。又若摩
尼珠。躍出驪龍湫。吐吞大地影。晃漾東南浮。老兔
玉杵臼。搗作人間秋。寶城三千里。縮景歸遐搜。官
殿魚鱗驚草木。秋雲稠素娥。騎彩鸞。舞雪翻霓裘。
手折瓊樹花。競拂金精流。化為五素芒。落我白瑤
甌。持滿向君語。借箸請爲籌。十載若國難。豪傑紛
戈矛。鴻門碎玉斗。桃園宰烏牛。戰血濺野草。賊卒
填荒溝。我時別妻奴。夜汎蒼雪舟。有兒握兵符。承
乏萬戶侯。三年盡忠歸。身作抱官囚。平生萬卷書。

玉山集外詩

三

怒焚遺囑。攸廬墓。讀內典。守節事清脩。親友散如
雪。雲樹空悠悠。獨爾數君子。艱棘見何由。今聞王
師出。卒伍皆堽堽。弄刀走官馬。千里風颭颭。桓桓
李將軍。大旗畫蚩尤。去秋奪汴城。今復追大酋。屯
兵泗水上。添電扼賊喉。東南貢米粟。連網起歌謳。
我曹幸無恙。生見恢皇猷。酒旗指南斗。今茲會綢
繆。請起各種壽。我亦相勸醇。羣才盡敏捷。用作鈞
詩鉤。青山忽大笑。此意君知否。呼童酌大白。酌此
土一坏。他時蓋棺了。神隨和氣游。巾插空中華。撒

手鞭蒼蚪。東海招若士。西池訪阿緤。共看麻姑爪。
當座劈盤。僕不必兒女。泪暗洒。窻空愁。連哉司空
圖。吾今乃其偉。大書勒崖壁。永絕生前遊。

步虛辭

延真

琳館啟初席。璇璣麗圓明。紫虛執法者。美哉瑤階
英。身被釋霞服。手握流金鈴。威儀肅仙班。稽首延
群真。願言迴鶴馭。下鑒曾孫誠。超彼長夜魂。逍遙
過蓬瀛。

玉山集外詩

四

迎真

步虛仙壇上。法曲度羽衣。神鍾和玉筑。靈音流紫
微。我峩白玉京。五城啟重扉。帝駕九龍輦。猛馬紛
四馳。擲火曜八景。電掣丹霞輝。肅肅若星陵。降簾捲
唱班齊。

借鶴

天家有驥驥。振迅超遊龍。朝啄青芝田。暮宿蓬山
松。飛章拜金闕。白檢朱書封。冥心昭孔格。借以三
十雙。長身繡浮靄。圓吭唳層空。遲遲不離群。兩兩

青鸞從

謝鶴

香烟騰碧落，鬱勃爲景雲。雲中運居巢，六翮開車輪。青童聳虬節，朱兵衛龍旌。嘯歌蒼空洞，縹緲塵世聞。離羅塵中人，矯首接靈芬。朗日照昆碧，再拜魏元君。

天香詞

金粟綴仙樹，玉露浣人愁。誰道買花載酒，不似少年遊。最是宮黃一點，散下天香，萬斛來自廣寒秋。

玉山集外詩

五

蝴蝶逐人去，雙立鳳釵頭。向樽前風滿袖，月盈鉤。縹緲羽衣天上，遺响過雲流。二十五聲秋點，三十六宮夜月橫前。按伊州，同躡彩鸞，背飛過小紅樓。

遊天池

榮紆白雲路，窈窕青山聯。秋風吹客衣，逸興良翩翾。捫蘿度絕壁，躡躑窮層巔。崖傾石欲落，樹斷雲復連。兩峰齟齬牙，門中谷何廓。然大山屹堂，堂直欲摩青天。小山亦磊落，飛來墮其前。陰陰積古鐵，粲粲開青蓮。神斧削翠骨，天沼涵靈泉。王龍抱寒鏡，

倒影清秋縣。憶昔張貞居，倚我琳琅篇。逝者不可作，新詩徒爲傳。舉酒酹白日，萬經生淒烟。幽歎苦未足，落景忽已遷。美人胡不來，山水空清妍。

玉山集外詩

六

七言古風

賦得芙蓉堂

芙蓉並開開滿堂堂中美人傾玉觴
畫船鼓吹弄白日迴風驚起雙鴛鴦
鴛鴦飛出城去池上花開知幾度
不聞嬌燕語雕梁惟有栖鳥啼
碧樹空城夜夜明月光照見烏臺
臺上霜翠幙芙蓉大如斗
盈盈綠水明新粧
鍾山峴峴若龍走
送子春江一壺酒
他時戴花歸故鄉
莫忘江頭折楊柳

樓雲軒

玉山集外詩

七

春雲壓簾飛不起
暖氣籠蔥百餘里
桃花亭亭笑
酣春籍邊浣花染露
水武陵才人碧窓底
青霓云裳白霞裏
翠烟點染猩猩毛
水綃凝文露華洗
山光入眼青青迷
小鳥向人啼復啼
前村後村樹如蓋
柳花起舞迴風低
雲師雨師浩無撓
驅雲勞勞向何處
請君勸師一杯酒
更借白雲檐下住

雲帆駕海圖詩送潮東副元帥鎮住公歸

聖神開天撫八方
奄一覆載包洪荒
五雲樓閣天中央
萬國玉帛朝明光
津梁可通海可航
東吳雲

帆來稻果咄哉鐵賊空
偃偃鯢鱗起舞狐跳梁
鎮東將軍龍虎章
旌旗倒影搖扶桑
指揮鐵馬東洋
洋洪濤海嶽相低昂
天吳先驅萬鬼行
豐隆列缺從騰驤
彎弧上射星垂芒
劍光燦水百怪藏
鯨鯢通逃日月光
偃息干戈裁冠裳
野人拜跪稱壽觴
願公長年樂而康
願公番紳居廟堂
坐使聖世登虞唐
功名竹帛聲煌煌
赤松之子同翱翔

次周履道韻

夜泊石湖湖水傍
芙蓉露白葭葭蒼
蒼圓船酒行飛

玉山集外詩

八

憑觴美人羅袖隨風揚
長檠翠幙高張浩歌起
坐秋夜凉明月已在天
中央大星小星光燁煌
酒酣不記過船去
但聽秋聲響疎雨
夢中化作蝴蝶飛
飛入花間聽春語
隣雞喔喔東方曙
船尾浪花風起舞
爲君起和夢中詩
水氣如烟度秋渚

古風長短句

巫峽雲濤石屏志

謝家綠玉屏不琢龜甲形方若陟麓紙粉縑帶苔
青秀第庚庚絕文理十二巫峯橫隱起芙蓉照影
立亭亭遠落巴江一江水素湍洶湧翻綠濤長風
吹雲白月高三峽瀑聲滿人耳箇中獨欠孤猿號
胡僧設有金壺汁酒向素纒圖不得女媧鍊石作
五彩點染料應無此色此石產景由天工略假石
人磨削功石色欲盡玉色起沉沉天碧涵清空君

玉山集外詩

九

不聞大食貢石堂如玉中有奇松四時綠六月涼
風捲翠濤瑟瑟秋聲戰空屋又不聞楊家古屏刻
水精中有爲雲之美人海綃衣裳爲烟霧姓名自
語非真真二物化去固已久價重隋珠難再有君
家玉屏獨在世勿落忍人豪奪手我聞故人楊鐵
仙束帶拜之如米顛起來發狂捉鐵筆醉墨寫入
青瑤鐫何日乘舟上魚復喚取巴童唱巴曲更借
丹丘粉墨屏對素巫山真面目

予嘗住震澤聞松陵謝氏伯仲賢而好事而予

水仙之舟未得一造其所今高君叔彬携此卷
至別業求題且知楊鐵厓亦到湖上由是益知
其賢而好事故製長詩一篇寄題寶屏他日或
飲君薔薇花下幸出此爲張本云至正乙巳七
月廿一日金粟道人顧阿瑛書于合溪別業

玉山集外詩

十

五言律詩

雪夜泊楓橋

江城殘雪裡人發剡溪舟花急風翻去潮生水逆
流傷心憐去雁幽興托盟鷗寄語東家叟春山擬
共遊

晚泊新安有懷九成

夜泊新安驛西風八月天人家溪樹裏晚飯枕桡
前水落星移石雲開月墮船遙思佩章者癡坐不
成眠

玉山集外詩

十一

七言律詩

次韻送吳國良

桐軒隱者重相訪草閣能留十日歸快雪半消春
水澗扁舟又逐白鷗飛似聞迂吏晷梅里每過山
家歎竹扉期子幾時來慰我共披鶴氅坐漁磯

海洲夜景

三沙宛在海當中隱見珊瑚樹色紅神島由來連
弱水樓船欲去引剛風東方日出佳人國半夜潮
生織女宮卻憶題詩繡天使高秋會過玉山東

玉山集外詩

十二

題朱徽宗仙山樓觀圖

宣和天子昔神遊鳳駕行空過玉樓此去有人言
赤馬歸來無處逐青牛分明良嶽通玄圃想像方
壺接沮洳莫把仙山作圖畫瓊花琪樹不勝秋

次韻劉李章治中邀夏仲信郎中遊永安湖

詩二首

金粟寺中公廳靜白晝事閒如治蒲沙棠爲舟楫
可汎郎官之湖今豈無啄花鸚坐木楊柳雪藕人
歌山鷓鴣日西上馬踏歸路小隊高呵驚道吾

湖上筵開張水戲捲幔涼風吹短蒲大魚聽樂浪
頭出小艇賣花城內無內賜庚庚識餐餐甲煎班
斑炙鵝鵝酒酣賦詩動海色緞紙楷書能寄吾

次韻觀帖之什

水如燕尾出湖分合入長溪直到門常杜桑麻元
兩曲朱陳雞犬却通村換羊賣馬囊中帖刺癭懸
輓竹裡樽昨日煩君來閱賞扁舟短纜繫離根

次韵癸卯除夕

仰觀北斗轉遙天春在寒爐爆竹遠夜列粉盤循
玉山集外詩

十三

舊俗曉看羅帕賀新年燒餘葦塵生當路雪後梅
花開滿烟不用鞭灰覓如願客囊剩有酒家錢

次韻甲辰元日

異鄉元日身強健兒女欣欣各有家禾秀連莖秋
合穗雪裁五出朕分花天開象魏星辰遍地撲幽
燕道里餘三徑不荒松菊在白頭且覓醉生涯

夜宿三塔次陳元朗韻

水落南湖不露沙又牽舫子到僧家春浮大斗始
娟酒寒隔虛檣薄薄紗半夜塔鈴傳梵語一林江

月照梅花生爽詩句生枯吻指點銀瓶索煮茶

海上留別復初長老

通玄寺裏遊三日剪剪輕風逗薄寒一樹山茶開
朵朵五更百舌語般般看山且喜秦川近把酒休
歌蜀道難不得携筇上金粟摩挲天冊舊碑看

堯文文學過訪賦別兼簡鶴齋薛真人二首

草堂五月少人過門巷春泥奈雨何蒲樹枇杷蠶
竊盡一拏芳草蟻行多因思諸葛吟梁甫却笑蘇
秦謾揣摩老我衰年無白髮從今也合號涪嶠

玉山集外詩

十四

憶昨相過寂寞濱白頭傾蓋豈如新驚回赤壁三
更夢開過桃花一樹春顧我老爲思慙馬憐君遠
作倚樓人黃公壚畔三株樹留待來時醉掛巾

舟中作

自愛玉山書面船西風百丈大江牽出門已是三
十日到家恰遇重九天青山白水與君賞華竹碧
梧催我憐近聞海上鯨波淨爛醉草堂松菊前
九月七日復遊寒泉登南峯有懷龍門雲臺

二首

春遊憶得到寒泉正值鶯花過禁烟楊柳樓中金
錯落琵琶船裏玉嬋娟潘郎別去渾多病道士重
來是有緣今日登高能作賦雲臺不見使人憐
又向江頭載夕暉好懷每與世相違客中重九明
朝是眼底故人今日稀過雨黃花千葢發經霜紫
蟹兩螯肥秋江更待澄如練擊楫中流緩緩歸

戲荅熊自得

秋水藍橋一尺強愁聞玉杵搗玄霜東籬老子烏
紗薄西郭佳人翠袖長古寺竹深禪榻靜晴窓花

玉山集外詩

十五

落硯池香西風鶴背三更夢笑看瑤花作醉鄉

題洞庭湖

五湖秋水洞庭烟七十二峯青插天神禹書藏林
屋裡仙人詩刻石屏前溫溫玉氣穿靈洞白銀
河瀉瀑泉鴻鴈來時木葉下送君晨發楚江船

次龍門琦公見寄韻二首

扁舟遠適越溪濱雙槳驚飛白鷺群要趁秋江三
尺水去看山寺九峯雲西風網罟沿村集落日鐘
聲隔水聞好對黃花同一醉故園晴色晚如熏

秋花楓葉暗江濱萬里西風雁叫群謾是羈情濃
似酒獨憐世事薄千雲九龍山色船頭看半夜鐘
聲枕上聞料得高僧禪定處松窓柏子起濃熏

失題三首

軒外重栽小銀杏願汝亭亭高十尋下看白鶴走
澗坂上聽黃鸝啼好音結茅差擬辛夷塢供佛當
如簪荀林老我他時共幽隱坐占此山嘉樹陰
啞啞鷄鳴桑樹頭江村風景只依然人行紅葉黃
花裏雁過西風落日遶南市津頭無酒旆東湖渡

玉山集外詩

十六

口有魚船北山巖壑秋偏靜借看蒲團枕石眠
夏潮平沒白鷗沙舶舣風生起浪花爲向船頭置
美酒恰如天上汎浮槎銀盤雪落千絲罈玉手冰
分五色瓜明日山中看疎雨共將詩句寄丹霞

七言絕句

趙仲穆臨李伯時鳳頭驄

君王不愛碧銜霞，獨愛真龍被紫花。
珍重王孫親貌得，錦中祇送野人家。

房山畫

渴龍飲海海水寬，鐵網下截珊瑚寒。
道人醉卧叫寒玉，金粉亂落松花壇。

毫牖圖

道人不行謂之病，財之不給謂之貧。
賜也能言心

玉山集外詩

未識虛勞結駟踏青塵

十七

顧宏中畫韓熙載夜讌圖

銀燭金爐夜若春，紅粧一顧一迴新。
觀圖不獨丹青美，又必知其繪畫人。

補之竹卷

碧眼胡兒叫橫玉，落日如盆照茅屋。
美人清夢斷梅花，却寫相思在修竹。

張仲舉待制以京中海上口號見寄瑛以吳

下時事荅之五首

白鷺驚風海上號，水軍三萬盡乘濤。
書生不解參軍事，也向船頭著戰袍。

冉冉長蛇淡水東，喧成黑霧滿虛空。
腥風怪雨重陰底，化作黃蚪不是龍。

莫辨黃鐘瓦缶聲，且携斗酒聽春鶯。
河西金盞新醪譜，漢語夷音唱滿城。

紅綠油牌去復來，長身碧眼更頽頽。
口傳催辦軍需事，一日能無一百迴。

和羅機船去若飛，燕秦帶夏未曾歸。
用錢贈米該

玉山集外詩

十八

加七納尸身懸百結衣

乙未和孟天驊都司見寄五首

江頭日日惜芳時，三月春光兩鬢絲。
拔劍自歌還自舞，邑人誰識虎頭痴。

治安無策濟時艱，始信金銷壯士顏。
怪底颶風颶

漲海浪頭一直過，狼山獵獵東風吹。
火旗水軍三萬盡，精肥一春殺賊知。

多少箇箇身穿濺血衣

婁上人家不識春，簷頭蛛網亦生塵。
朱門桃李皆

零落只有東風未嫁人

問道君王自早參每虛前席問江南何人醫手如

秦綏有客能茶似李憇

題趙子昂畫楚江春晚

東方旭日出瞳矓照見巴江曲似予莫遣猿聲到

巫峽山頭猶有楚王宮

往鳳陽次虎丘

柳條折盡尚東風杼軸人家戶戶空祇有虎丘山

色好不堪又在客愁中

玉山集外詩

十九

寄琦元瑛

雞籠山下野人家破曉寫詩邀品茶秋風過樹落

紅葉夜雨滿溪流白沙

西湖口占三首

湖山堂上看荷花亂舞紅粧萬髻了細雨霑衣涼

似水畫船五月客思家

右觀荷值雨

薄薄紅綃映雪膚玉纖時把髻鬟梳風流得似貞

期子添箇芭蕉圖作圖

右題叔厚圖素雲小像

十九韋娘著絳紗金杯玉手載春霞清歌未了船

頭去笑買新粧茉莉花

泊垂虹橋口占二首

三江之水太湖東激浪輕舟疾若風白鳥群飛烟

樹末青山都在雪花中

江風吹颿條數里野花笑人應獨行更須對雪開

金釵要聽隣船擲玉竿

發齊門

東方晨星如月明舟人振舵聽雞鳴自憐不合輕

爲客莫厭秋風攪樹聲

玉山集外詩

二十

舟中聯句

行春橋下看山回

瑛

翠幃紅簾面面開

基

一夜水

風吹不斷

立

蜻蜒飛入畫樓船

瑛

吟嘯集序

詩惡乎變三百篇後變於携手河橋下追建安齊
梁數變至唐泊宋季之詩大變而絕何邪詩關乎
風化繫乎氣數士惜驚於時文視詩爲長物雖有
不工工不及唐矣非詩之變乃時之變也非時之
變乃詩之亡也吁詩貴乎變不守一律千變萬化
變之不窮惟子美能當之豈惟詩文亦然宋之詩
大病不膠掣淺易則窒泥狂怪蒐獵奇事穿穴異

吟嘯集

序

汲古閣

聞失豐厚而收儉約趨窘局而棄高遠不能平澹
蕭散雍容和緩求如晚唐杜荀鶴方于顧況輩斯
可矣吳逸士朱子虛詩則不然子虛生景定間未
弱冠時已廢科舉故惟詩是學大篇如天孫織綃
雲經霧縠自出機軸小律則日光虹彩渾然金璧
機麗縝密而不艷含鬱靜婉而不怨其深於詩之
變也予客江東會西溪王公稱其才舉茂異弗就
觀其人淵然似不能言然其詩則超邁有不可掩

者嘗觀其所著琴瑟諸作已自畏敬又出其吟嘯

集者覽焉益加信服蓋於本學涵養既深考據尤
詳所以議論諷刺探賾而闡幽俱各有自惟不汲
汲於成名而名自然襮著其行業皆然不獨詩然
也余將泝九江子虛始畧予序其門人王東海來
速之欲梓以傳第予知子虛者淺矣子虛之不屑
爲者深焉作詩難序尤難子虛之詩顯果在予序
則唐三百家無序者詩皆能晦乎係其詩之工拙

吟嘯集

序

汲古閣

爾少陵云詩清句句盡堪傳奚在於序子虛之詩
足以重余言也故序之子虛名无吟嘯名集者取
列禦寇所謂竊聲亦謙詞也時甲午歲春三月清
明日廬陵鄧光薦中父序

吟嚳集題

吟嚳語者寐叟詩也叟自云情騰鄉人好寐嚳吟吟則寐寐則吟吟作吟嚳聲似夢不覺如醒未醒不知吟耶寐耶寐而吟耶吟以寐也眞語涉雌黃肖侯白主乎仁義褒貶也或問叟姓名則曰吾寐吾寐據梧而瞑斯亦亡是翁之流乎鄉里但稱寐叟云至元游兆困敦歲子月長至日書於商丘之通於叁

吟嚳集

題

汲古閣

吟嚳集目錄

禹鼎

講武

魯世家

聞韶

夷齊

鄭莊公

范蠡

豫讓

毛遂

王蠋

嬰曰

晏子

甘羅

穰侯

吟嚳集

目

汲古閣

須賈

藺相如

壺臧

巫咸

扁鵲

龜策

秋胡妻

過秦

關中

劉媪

發蹤

未央宮

陳平

項羽

楚歌

婁敬

| | | | |
|------|-----|-----|-----|
| 呂氏 | 女刑 | 呻吟集 | 汲古閣 |
| 周勃 | 申白 | 馬援 | 曹瞞 |
| 朝鮮 | 漢文帝 | 關雲長 | 左元放 |
| 灌夫 | 郭吉 | 壺公 | 王戎 |
| 樂人竇公 | 房中樂 | 劉伶 | 通子 |
| 韓嫣 | 夏侯勝 | 綠珠 | 虬髯客 |
| 李延年 | 尚書 | 李三郎 | 顏真卿 |
| 壽域 | 司馬遷 | 張果老 | 徐佐卿 |
| | | 高力士 | 田山叟 |

| | | | |
|--------|-------|------|------|
| 陸贄 | 阿買 | 呻吟集 | 汲古閣 |
| 張建封妾盼盼 | 秦娘 | 西湖 | 王婉容 |
| 王霞卿 | 胡琴婢勝兒 | 秦少游女 | 秦檜 |
| 仇士良 | 馮道 | 胡澹菴 | 沈持正 |
| 敬新磨 | 李自倫 | 蘇雲卿 | 岳武穆王 |
| 趙學究 | 李國主 | 陳同甫 | 毛惜惜 |
| 金明池龜 | 李芳儀 | 賈似道 | 呂文煥 |
| 王介甫 | 艮嶽 | 文文山 | 張千載 |
| | | 鄧中甫 | 張太傅 |

陸君實

謝疊山

汪紫原

趙震卿妻雍

賈瓊妻韓

葉李

韶夢炎

吟嚙集

四目

汲古閣

吟嚙集目錄

吟嚙集

吳郡 宋无 子虛

禹鼎

列國皆貪禹鼎神周衰三代實先淪不知聖奉高
皇日曾問當時果枉秦

贊寧要言曰鑄鼎象物而知天下之美惡禹鑄
九鼎是也夏亡成湯即天子位遷遷九鼎于毫
殷亡鼎遷于洛夏都平陽及安邑夏桀亡鼎遷
吟嚙集

汲古閣

來毫乃隔河也夏殷凡幾遷都鼎遷多不明白
惟周遷商鼎見乎書或問鼎之大小曰昔周微
弱秦武王興兵臨周以求九鼎王患之顏率說
齊求救及秦兵退顏率謂齊曰夏桀亡鼎歸商
商滅歸周其數九一鼎九萬人挽之九九八十
一萬人也鼎來齊必經魏魏豈不愛鼎耶繇是
觀之鼎大可知矣或問曰周武王遷商鼎在
今汲郡如何渡河耶曰如顏率言一鼎用九萬

人士卒師徒器械備具詳于時造舟爲梁越孟津而至洛必矣雖遷至河南而安置未得其所故成王定鼎于郊鄆或問秦取九鼎曰帝王世紀中秦昭襄王自稱西帝攻周廢赧王取九鼎事頗蒙昧或問曰漢桓平何言鼎沒泗水耶曰秦本紀亦云二十八年使千人沒泗水求周鼎不獲而已舒子史纂曰周威烈王二十三年九鼎震命韓魏趙爲諸侯九鼎之震此三晉爲諸侯之兆也三晉之爲諸侯周將不得有其鼎矣此鼎之所以震也鼎淪泗水震者淪之兆也金震水動之也周室衰微號令不從鼎宗廟之寶也宗廟將廢寶鼎將遷故震動也是歲晉三卿篡晉君而分其地威烈王命爲諸侯天子不恤同姓而爵其賊臣天下不附後三世周致胙於秦其後秦遂滅周鼎神物也禹聚九牧之金鑄之以象神物三代傳寶成王定之於洛邑寶之

重之尊之莫之至矣周衰諸國皆欲得鼎畏秦不敢取非秦不足以有之神怪不常前既能震動則沒入水理也宋太丘社亡亡者自亡也社能自亡則鼎能自沒無疑也鼎誠入秦則始皇必不使人人水而求也按始皇紀曰始皇刻石瑯琊還過彭城齋戒祠禱欲出周鼎泗水使千人沒水求之弗得鼎誠在秦則子嬰降漢必以此藉手矣終不聞劉項有得之者亦不聞有毀之者秦所鑄金人十二靈爽少矣漢欲徙之洛陽則重而不行董卓欲毀則潸然泣下況神禹之鼎乎神劍猶能躍入平津之水鼎不爲秦用明矣使鼎在秦漢不寶周之鼎而寶秦之璽乎鼎誠入泗水明矣然則史何以書鼎入秦也鼎三代寶也秦有取天下繼正統之心鼎不入秦秦之耻也并周而取其寶器不得鼎無以取重於天下鼎之入秦秦之託言也欲以一天下

之心以示得大統也故事有若實而妄者秦得周鼎也事有若誣而實者鼎入泗水也理之所無而事之必有君子不弃也

講武

軍賦殷周農隙時春蒐冬狩淺陵夷後來武事無常典兩兩相當角觝嬉

漢刑法志謂殷周井田而制軍賦春蒐夏苗秋獮冬狩皆於農隙以講武事齊桓用管仲作內
吟嘯集 四 汲古閣

政而寓軍令焉晉文公蒐於被廬作被廬之法然其禮已頗僭差又隨時苟合以求欲速之功故不能充王制二伯之後寔以陵夷魯成公作丘甲哀公用田賦蒐獮治兵大閱之事皆失其正戰國稍增講武之禮以爲戲樂用相誇視至秦更名角觝漢武流於魚龍曼衍之屬先王之禮沒于淫樂而講武廢矣

魯世家

幼扶老涉尚斷斷魯道衰微自泗濱慶父叔牙爲亂首豈無揖讓在君臣

太史公曰孔子曰甚矣魯道之衰也洙泗之間斷斷如也觀慶父叔牙閔公之際何其亂也徐廣曰斷魚斤反東州語也斷斷爭辭也漢地理志云魯濱洙泗之間其民涉渡幼者扶老者而代其任老幼相讓故斷斷如也舒子曰本於讓而爭也老少相讓幾於爭矣孔子知魯道之將
吟嘯集 五 汲古閣

微也歎之太史公觀慶父叔牙閔公之亂魯以揖讓相尚而君臣之間至反戾若此故亦歎之云

聞招

陳完逃難遂奔齊招樂猶存大舜時夫子奚須知肉味不圖爲樂至於斯

漢禮樂志曰春秋時陳公子完奔齊陳舜之後也招樂存焉故孔子適齊聞秦韶樂喜而聽之

歷三月之久而其聲不忘雖食肉而不知其味
春秋去舜遠矣舜之治孔子思之而不可得一
旦得聞韶音如在舜殿廊之下親見鳳儀歌舞
之盛其樂如此也或者曰齊之田氏乃舜之子
孫舜以揖遜有天下而田氏乃弑其君故孔子
聞韶音而歎曰不意韶樂盛德之後乃至於篡
弑乎有所感也

夷齊

吟雲集

六

汲古閣

干戈爰及父君間叩馬難令木主還鄉使曾食周
粟活千年誰說首陽山

伯夷叔齊孤竹君之二子也父欲立叔齊及父
卒叔齊讓伯夷伯夷曰父命也遂逃去叔齊亦
逃國人立其中子伯夷叔齊聞西伯善養老盡
往歸焉及西伯卒武王載文王木主東伐伯夷
叔齊叩馬諫曰父死不葬爰及干戈可謂孝乎
以臣弑君可謂仁乎左右欲兵之太公曰義人

也扶而去之武王已平殷亂伯夷叔齊耻之義
不食周粟隱于首陽山采薇而食之及餓且死
作歌曰登彼西山兮采其薇矣以暴易暴今不
知其非矣神農虞夏忽焉沒兮我安適歸矣吁
嗟徂兮命之衰矣遂餓死于首陽山

鄭莊公

因母幽陰罪已深悔而思向睦中奪更歌其樂融
融句不媿林間反哺禽

吟雲集

七

汲古閣

左傳鄭武公娶于申曰武姜生莊公及共叔段
莊公寤生驚姜氏故名曰寤生遂惡之愛共叔
段欲立之請於武公弗許及莊公即位請京使
居之謂之京城大叔祭仲曰都城過百雉國之
害也先王之制大都不過三國之一中五之一
小九之一今京不度非制也君將不堪公曰姜
氏欲之焉辟害對曰姜氏何厭之有不如早爲
之所無使滋蔓蔓難圖也蔓草猶不可除況君

吟嚙集

汲古閣

之寵乎公曰多行不義必自斃子姑待之既而大叔命西鄙北鄙貳於己公子呂曰國不堪貳君將若之何欲與大叔臣請事之若弗與則請除之無生民心公曰無庸將自及大叔又收貳以爲己邑至于廩延子封曰可矣厚將得衆公曰不義不暱厚將崩大叔完聚繕甲兵具卒藥將襲鄭夫人將啟之公聞其期曰可矣命子封率車二百乘以伐京京叛大叔段段入于鄆

吟嚙集

九

汲古閣

而賦大隧之外其樂也洩洩遂爲母子如初舒子曰莊公不孝幽其母於城穎微封人考叔之言必死其母於窖中聖人不取者絕其惡而去之也左氏與其悔而取之隧中見母當有愧死之心何謂其樂融融哉要知莊公之無忌憚也甚矣

范蠡

變姓浮齊去止陶越王猶禮大夫朝當時意重黃金鑄得黃金亦便銷

豫讓

遇我從來國士希報警伏劍未爲非儻逢智伯重泉下莫訴警深但擊衣

毛遂

兩國從衡倚爭臣遂爲穎脫出囊珍縱饒得與銅盤軟十九人皆碌碌人

王蠋

全齊拱手受燕兵義士誰爲國重輕七十二城皆北面一時發憤獨書生

通鑑王氏論曰燕伐齊齊七十餘城皆爲燕有未聞忠義之士敢拒其師王蠋義不北面於燕而死然後齊之士大夫靡然從之七十餘城復爲齊有益天下之人豈無忠義之心苟其艱難之際有一人爲之唱則聞其風者孰不靡然從之哉

吟嚙集

十

汲古閣

嬰曰

十五年曾保趙兒立孤與死兩皆危後來漢璽當傳曰魏晉殷勤亦受遺

晏子

願爲晏子執鞭儔太史公言蓋有跡被罪自傷如石越解驂誰是舊交遊

太史公曰假令晏子在我爲之執鞭所忻慕焉紓子曰賢之也賢之何以自卑之甚也晏子爲

齊相出其御之妻從其門間而聞其夫其爲相

御擁大蓋策駟馬意氣揚揚甚自得也旣而歸其妻請去夫問其故妻曰晏子長不滿六尺身相齊國名顯諸侯今者妾觀其出志念深矣常有以自下者今子長八尺乃爲人僕御然子之意自以爲足是以求去也其後夫自損抑晏子聞之薦以爲大夫此婦人乃羞其夫爲之御而太史公願爲之執鞭何哉蓋太史公以李陵故

吟嚙集

十一

汲古閣

被刑漢法腐刑許贖而生平交遊故舊無能如晏子解左驂以贖石越父者自傷不遇斯人而身陷刑戮故羨仰之而願爲之執鞭耳曾謂太史公不若彼婦哉

甘羅

函谷關中富列侯黃童亦僭上卿謀此時園綺猶年少甘隱商山到白頭

穰侯

趙韓齊魏等陪臺威振疆秦一旦摧嘗恐諸侯客
子到不知張祿入關來

須賈

魏使匆匆始客秦遽逢范叔向猶貪相君權髮平
生罪却賴綈袍是故人

蘭相如

完璧歸來難已紆請秦擊缶趙仍書情知兩虎難
相鬪望見廉頗卽引車

吟嘯集

十二

汲古閣

壺臧

處士藏身自古多博徒能使信陵過壺臧固自知
名久何處更能求郢他

史記信陵君傳趙有處士毛公藏於博徒薛公
藏於賣漿家公子閑步往從之遊韓長孺傳於
梁舉壺遂臧固郢他皆天下名士索隱曰郢音
質他徒何反人姓名也漢書作至他若郢他是
人姓名爲天下名士何不著見於史漢書作至

他是也至他者壺臧之外至於他有所舉皆名
士也此說爲是

巫咸

招魂謾說託神巫魚腹空沉楚大夫壺子是人還
是鬼相逢底事一言無

扁鵲

疾居勝裏藥堪投司命難令骨髓瘳大抵貪生諱
言死人間何獨是桓侯

吟嘯集

十三

汲古閣

龜策

龜筮空稽太卜書靈爲江使亦遭漁當時解入元
王夢盍不先謀避預且

秋胡妻

藥砧久宦忘卿卿桑下相逢笑不成既有黃金滿
歸藥料君官亦欠冰清

過秦

賈誼區區論過秦庸材中佐復何陳驪山役罷阿

房筭形勢雖存那得人

賈誼過秦曰藉使子嬰有庸主之材僅得中佐山東雖亂秦之地可全有宗廟之祀未當絕也司馬遷曰向使嬰有庸主之材僅得中佐山東雖亂秦之地可全而有也三史纂言曰秦之猜暴天下土崩瓦解雖有周呂之才無所復陳其巧而以責一日之孤誤哉方趙高之弑二世也沛公兵已至武關嬰殺趙高卽位才四十六日

吟囊集

十四

汲古閣

而沛公至灞上矣嬰於是時能誅弑君之賊已足快矣其不能保有全秦之計則天理人事皆於是寤矣諠以爲關中之地秦以之興保此猶足以自完殊不知子嬰時關中已非昔日之關中驪山阿房奇賦橫斂刑淫政酷秦人被其毒驅壯強屬之章邯暴骨鉅鹿關中爲虛雖白起商君復生何以施其策哉況中佐乎諠以形勢而言失在德之意矣

關中

星聚關中漢必王沛公先人約三章天時已預昭秦分人事徒知是楚強
史陳餘傳甘公曰漢王之入關五星聚東井東井秦分也先至必王楚雖強後必屬漢蓋五星聚秦分沛公先至必王天下楚雖強而其至後矣此必屬於漢也後字自爲句

劉媪

吟囊集

十五

汲古閣

媪感蛟龍遂有娠信知物怪產真人帝王徵應雖然異生季元繇大澤神
史記高帝父無名曰太公母曰劉媪高祖本紀其諱邦字季媪常息大澤之陂夢與神遇雷電晦冥父太公往視則見蛟龍於其上已而有身遂產高祖班固不叙字季亦不書父太公母劉媪直云母媪常息大澤之陂夢與神遇父太公往視之則見交龍於上此班固刊正之也且刪

去劉字直曰母媼恐疑於同姓也史記曰母劉媼繫夫姓而言也舒子曰信如斯言則媼感神物而生季季非太公之子也明矣太史公欲神與王者之生乃辱之也陶唐之裔至此失其統矣

發蹤

汗馬勞多未議功鄼侯何事獨先封一朝走狗齊烹盡逃却當年逐獸蹤

吟嚙集

十六

汲古閣

史記高祖封蕭何爲鄼侯功臣皆曰何未有汗馬之勞顧居臣等上何也上曰諸君知獵乎夫獵追殺獸者狗也發蹤指示獸處者人也諸君徒能得走獸耳至如何發蹤指示功人也漢書班固改作發縱師古曰發縱謂解縱而放之也縱子用反自有逐蹤之狗不待人發也觀師古說以解漢書則善矣漢書此語乃是用史記語也史記作發蹤跡之蹤發蹤者獸之蹤跡所至

必指示其處而狗卽從之也班固改發縱耳師古不可因漢書而音蹤爲縱也宜各隨字爲解可也

未央宮

置酒今朝樂未央以臣無賴大人常而翁當日杯羹語莫不親聞太上皇

高帝都關中未央宮成置酒前殿奉玉卮爲太上皇壽曰始大人常以臣亡賴不能治產業不

吟嚙集

十七

汲古閣

如仲力今某之業所就孰與仲多殿上群臣皆稱萬歲

陳平

行詐黃金四萬斤盡將離間楚君臣有餘更作關氏餌秘計區區笑殺人

項羽

一笑天亡霸業休忍仁猶學婦人柔漢家問購吾頭急聊贈中郎與五侯

楚歌

羽爲虞姬泣帳中李因戚氏怨深宮二歌要且皆名楚不那風情挫兩雄

項氏至垓下對虞姬而歌高祖令戚夫人楚舞自爲楚歌二闕皆楚聲爲美人而歌英雄之氣則索然矣

妻敬

冒頓兵強以力威和親公主嫁爲妻單于世世爲

吟嚙集

十八

汲古閣

孫婿妻敬當年策最低

妻敬設和親之謀其言曰冒頓殺父代立妻群母以力爲威未可以仁義說獨可以計久遠子孫爲臣耳及究其所以爲臣之策乃曰以漢適長公主妻單于生子必爲太子代單于冒頓在固爲子婿婿死外孫爲單于豈聞外孫敢與大父抗禮哉其言可資一笑

呂氏

漢禍方深未定儲韓彭何事已先誅高皇大度容諸呂身後留將勃掃除

高帝殺韓信殺彭越皆呂氏爲之耳非高帝意也高帝固畏之曰安劉氏者必勃也其畏呂氏憂之至矣

女刑

女子論刑白粲微顧山伐木更恩施漢初呂后能行此仁政還應到戚姬

吟嚙集

十九

汲古閣

漢惠帝紀白粲婦人刑也婦人不豫外淫但春鑿米使白三歲刑也元始元年天下女徒已論歸家顧山錢月三百注曰當於山伐木聽使人錢顧工直故謂之顧山謂女徒論罪已定並令歸家不親役之但一月出錢三百以顧人也爲此恩者所以行太皇太后之德施惠政於婦人女子既不爲鬼薪故使之爲白粲但令出錢顧人伐木也

周勃

吹簫豈爲樂長賓簫給喪家爲勃貧今日播間風俗異管絃多是醉喪親

漢周勃傳勃以吹簫給喪事師古曰吹簫以樂喪賓曰吹簫以送葬猶之可也若吹簫以樂喪賓則不可也今俗喪家多動樂樂之恐古亦然故師古注如此也

申白

吟嚙集

二十

汲古閣

吳楚潛謀迹既通諫非申白孰能容抵緣詩受浮丘伯故使勞歌相手春

漢景帝時楚王戊與吳王濞通謀申公白生諫不聽胥靡之衣之赭衣使杵臼雅春于市師古曰爲木杵而手春宋祈曰相雅皆助樂者此雅謂春而雅歌以相春也申公白生穆生俱爲楚中大夫初楚元王與三人俱受詩於浮丘伯故楚王戊辱之使歌雅以相春也

朝鮮

將軍建議討朝鮮上意憂民在息肩吹狗鳴鷄連萬里人間斗粟十餘錢

漢孝文卽位將軍陳武等議曰南越朝鮮自全奉時內屬爲臣子後且擁兵阻阨遲延覬覦望高祖時天下新定人民小安未可復興兵今陛下仁惠撫百姓恩澤加海內空及士民樂用征討逆黨以一封疆孝文曰朕能任衣冠念不到此

吟嚙集

二十一

汲古閣

會呂氏之亂功臣宗室其不羞恥誤居正位戰戰栗栗恐事之不終且兵凶器雖克所願動亦耗焉先帝知勞民不可煩故不爲意朕豈自謂能今匈奴內侵軍吏無功邊民父子荷兵日久朕嘗爲動心傷痛無日忘之今未能銷鉅顧且堅邊設候結和通使休寧北藩爲功多矣且無議軍故文帝在位二十三年百姓無內外之徭得息肩於田畝天下殷富粟斗十餘錢是以海

內富庶興於禮義斷獄數百幾致刑措嗚呼仁哉

漢文帝

倉粟都錢朽腐盈文皇爲治致升平山東羸老扶聽詔願假須臾德化成

灌夫

有詔田蚡宴列侯灌夫罵坐却成仇魏其獨遇將軍厚筆力方知太史優

吟雪集

二十二

汲古閣

灌夫史記無傳而見於魏其武安傳云灌將軍夫者潁陰人也班固因之而爲列傳加以韓安國相附益太史公魏其傳云魏其失寶太后益疏不用無勢諸客稍稍自引而怠傲惟灌將軍獨不失故魏其日黯黯不得志而獨厚遇灌將軍其下乃云灌將軍夫者潁陰人也班氏因之而爲列傳又附以韓安國似未知太史公之意也

郭吉

南越王頭漢闕縣風言天子自巡邊單于小弱猶生奮使者徒遭海上遷

漢使郭吉告單于吉卑體好言求見單于及見乃曰南越王頭已縣於漢北闕下今單于卽能前與漢戰天子自將兵待邊卽不能亟南面而臣於漢語卒單于立斬主客見者而留郭吉遷辱之海上此非以誘說單于之道夫激發人以

吟雪集

二十三

汲古閣

樂人竇公

兩目因盲衆伎稍三周甲子是臣年樂章猶待明時獻可見前人所守專

漢藝文志孝文時得樂人竇公獻周官大宗伯之大司樂章桓譚新論云竇公年一百八十歲兩目盲文帝奇之問因何至此對曰臣年十三失明父母哀其不及衆伎教鼓琴導引無所服

餌夫實公自幼喪明則無用於書猶藏之以待
時樂人所守若是况君子乎

房中樂

聖人作樂制房中情性皆繇不節凶後世有君迷
更甚却和樂器葬深宮

禮樂志有唐山夫人房中樂歌藝文志房中畧
曰房中者性情之極至道之際是以聖王制外
樂以禁內情而爲之節文傳曰先王之作樂所

吟薈集

二十四

汲古閣

以節百事也樂而有節則和平壽考迷者弗顧
以生疾而殞身房中之樂蓋以此也君子於樂
也其可須臾而忘之哉元城語錄云唐山夫人
以孱然一女子其所作樂章格韻高古駿驤乎
商周之頌嗚呼異哉

韓嫣

底事江都泣殿除請歸其國衛秦輿祗知天子威
儀盛不判韓嫣在副車

佞幸傳江都王望見韓嫣乘副車以爲天子伏
謁既過江都王怒爲太后泣請得歸國入宿衛
比焉

夏戾勝

夏戾爲實古人風禮服明言太子宮近世臨文拘
諱忌經筵久不講檀弓

夏戾勝爲太子太傅以論語禮服授皇子蕭望
之從勝問論語禮服師古曰喪服也雖至尊在

吟薈集

二十五

汲古閣

上不以喪服爲諱也

李延年

詩經刪後漢千年蘇李河梁句始傳傾國佳人難
再得當時更有李延年

尚書

二代遺編重典謨古文猶幸出秦餘仲尼定後經
元凱左氏因何引逸書

尚書孔子所定百篇經秦火劉向奏有七十一

篇漢儒疑之杜氏以春秋左氏所引者皆曰逸書蓋元凱未見古人尚書也

壽域

王制能明禮樂揚人間和氣致禎祥域開仁壽民能濟未濟還驅天橫鄉

禮樂志王吉曰延及儒生述舊禮明王制驅一世之民濟之仁壽之域王吉本傳亦作濟今俗作躋顏氏注域界也若是躋字合注登陟之義

吟嚙集

二十六

汲古閣

域平履之區非有崇高之意何故以登陟爲文舒子史纂言曰未濟則民在天橫之鄉既濟則民履仁壽之域濟字之義爲長而世俗作躋莫知其故

司馬遷

贖罪無財政坐貧交親誰解一言紛朱家脫急關東客自是當時不識君

司馬遷自言家貧財賂不足以自贖交遊莫採

親近不爲一言遂受簞室之禍嗟夫此貨殖游俠二傳所以作也班固謂遷進姦雄崇勢利斯不知遷也

馬援

賈胡穴室寄殘軀心逐飛鳶墮海隅只爲瘴鄉無藥物故將薏苡當明珠

曹瞞

姦雄睥睨鼎終移築舍譙東志竟齋若使人生盡

吟嚙集

二十七

汲古閣

如意墓門應表漢征西

魏武故事載操令曰孤始舉孝廉年少自以本非巖穴知名之士恐爲海內人之所見凡愚欲爲一郡守好作政教以建立名譽使世士明知之故在濟南始除殘去穢平心選舉違悖諸常侍以爲強豪所忿恐致家禍故以病還去官之後年紀尚少顧視同歲中年有五十未名爲老內自圖之從此却去二十年待天下清乃與同

歲中始舉者等耳故以四時歸鄉里於蕪東五
十里築精舍欲秋夏讀書冬春射獵求底下之
地欲以泥水自蔽絕賓客往來之望然不能如
意後徵爲都尉還典軍校尉意遂更欲爲國家
討賊立功欲望封侯作征西將軍然後題墓道
曰漢故征西將軍曹侯之墓此其志也

關雲長

一面荊州赤手擎當時華夏威名平生不肯劉

吟雲集

二十八

汲古閣

玄德獨有曹公察此情

雲長名羽蜀先主起合徒眾雲長與張飛爲之
禦侮先主襲徐州使行太守事曹公東征先主
奔袁紹曹公擒羽歸拜偏將軍禮甚厚袁紹遣
大將軍顏良攻東郡太守劉延於白馬曹公使
張遼及羽爲先鋒擊之羽望見良摩蓋策馬刺
良於萬眾之中斬其首還遂解白馬圍曹公即
表封羽爲漢壽亭侯初壯羽爲人而察其心無

留意令張遼以情問之羽歎曰吾極知曹公待
我厚然吾受劉將軍厚恩誓以共死不可背之
吾終不留要當立功以報曹公乃去及羽殺顏
良曹公知其必去重加賞賜羽盡封所賜拜書
告辭而奔先主

左元放

變化千般只是他疑仙疑幻又疑魔曹公謾詫吾
多智得似先生則劇多

吟雲集

二十九

汲古閣

壺公

擾擾勞生不奈何仙鄉料得少差科欲拋塵事隨
公去又恐壺中事更多

王戎

與楷齊名孰可倫牙籌微污阿戎真竹林只好遊
嵇阮笑看曾錯李核人

劉伶

酒澆磊砢作平懷一鉢相隨死便埋箇是先生醒

時語醉中那復問形骸

通子

但覓家中藥果嘗不拈筆墨學文章乃翁臨老投
蓮社解舉藍輿亦自強

綠珠

紅粉捐軀爲主家明珠一斛委泥沙年年金谷園
中燕銜取香泥葬落花

虬髯客

吟嘯集

三十

汲古閣

隋鼎魚游百沸湯中原豪傑袂爭攘虬髯甘分王
東海讓與虬須舉晉陽

煬帝幸江都命楊素守西京李靖布衣獻策素
大悅素旁執紅拂妓目靖靖別妓問吏靖所居
夜奔靖與婦太原道遇客赤髯而虬其食相得
曰聞太原有奇氣與同詣劉文靜而見李世民
乃識是真天子悉以家資贈靖助世民囑靖曰
十年後聞東南海中得國者可瀝酒相賀靖後

聞海賊千艘入扶餘國殺其主自立爲王或曰
衛公兵法是虬髯所傳也

李三郎

獨跨青驪樓閣間華清休憶夜鳴鑾空教萬馬盤
旋舞不濟崎嶇蜀道難

顏真卿

搔首中原半賊塵一朝唱義屬孤臣姓名幸達君
王聽元是家貧食粥人

吟嘯集

三十一

汲古閣

平原大守顏真卿知祿山且反因霖雨完城浚
潦料丁壯實倉廩祿山以其書生易之及祿山
反真卿以平原博平兵七千人防河津真卿遣
平原司兵李平問道秦之上始聞祿山反河北
郡縣皆風靡歎曰二十四郡曾無一人義士邪
及平至大喜曰朕不識顏真卿作何狀乃能如
是真卿使親客密懷牒詣諸郡繇是諸郡多應
之真卿杲卿之從弟也

張果老

滄溟幾度見揚塵曾醉堯家丙子春近日喜無天
使逼寒驢留得載閒身

徐佐卿

化作遼東羽翼迴適逢沙苑獵弦開寧知萬里青
城客直待他年箭主來

唐天寶十三載九日明皇獵于沙苑雲間有孤

鶴同翔上親御弧矢一發而中鶴帶箭徐墜將

徐墜集

三十二

汲古閣

至地丈許矯然而起望西南而逝萬衆極目良
久乃滅益州負郭十五里有明月觀依山臨水
松竹深遠東廊第一院境界幽絕有青城道士
徐佐卿者至則棲焉觀中道流常傾仰之一日
忽自外至神彩不怡謂院中人曰吾行山中爲
飛矢所中尋已無恙此前非人間所有吾留之
壁上後年箭主當來此可宜付之慎無墜失仍
援毫記壁云時天寶十三載九月九日也後玄

宗避狄幸蜀暇日偶遊此觀入堂見挂箭命侍

臣取觀則御箭也驚異詢之道士以實對視其

題乃前載沙苑遊畋之日也佐卿益中箭孤鶴

耳其日即至于斯畋上大奇之自是蜀人無復

逢佐卿矣

高力士

將軍謫去上皇危玉欄謔傳日角奇若使老奴居

內侍控願那得有金椎

徐墜集

三十三

汲古閣

唐上元元年上皇自蜀歸居興慶宮龍武大將
軍陳玄禮內侍監高力士侍衛李輔國用事上
皇左右皆輕之輔國意恨欲立奇功以固其寵
言於上曰上皇居興慶宮日與外人交通陳玄
禮高力士不利於陛下大內深嚴奉迎居之上
不聽輔國又令六軍將士號泣叩頭請迎上皇
居西內會上不豫輔國矯稱上語迎上皇如西
內居甘露殿留居老數人高力士流巫州陳玄

吟雲集

三十四

汲古閣

禮勒致仕官人皆不得留上皇不憚因不茹葷浸以成疾崩葬泰陵王銓然記載晏元獻守長安有村民富財云素事一王鬻饅弟兄異居欲分爲數片元獻取而觀自額骨左右皆玉也瓊與非常見之喟然嘆曰此豈得於華州蒲陵縣泰陵乎民言其祖實於彼得之元獻因與僚屬言唐小說載玄宗遷西內李輔國令刺客夜携鐵鎚擊其腦作磬聲玄宗謂刺客曰我固知命

田山叟

得道成真出聖朝明皇想見慕仙標潛將靈藥私

官婢更做媒人嫁薛昭

吟雲集

三十五

汲古閣

平陸尉薛昭元和中生謫遇田山叟贈藥一粒教令遁去因入蘭昌宮見雲鬟仙衣女子三人詢其姓氏長曰雲容張氏次曰鳳臺蕭氏次曰蘭翹劉氏飲酣蘭翹命骰子白二女曰今夕佳賓相逢須有匹偶請擲骰子遇承者得薦枕席雲容數勝遂命薛郎近雲容姊坐昭問夫人何許人也何居此容曰妾乃貴妃侍兒妃嘗令獨舞霓裳於繡嶺宮悅之贈妾詩曰羅袖動香香不已紅蕖裊裊秋煙裏輕雲嶺上乍搖風嫩柳池邊初拂水詩成皇帝吟諷久之亦有和者妾不記耳此時多遇申天師談道妾嘗侍天師茶藥因閒處叩頭乞藥師云吾不惜但汝無今日之分不久處世如何妾曰朝聞道夕死可矣師因與絳雪丹一粒曰汝服之雖死能大其瓏廣其穴含以真玉踈而有風使魂不蕩冥魄不沉

寂而有物拘制陶出陰陽數百年若遇生人爲
偶便成地仙昭因詰天師形狀卽田山叟之魁
梧也乃大駭曰山叟卽申天師明矣不然何以
委曲使余符今日之事哉

陸贄

詔下山東感泣來謫歸門竇鎖莓苔奉天以後誰
持筆不用當時陸九才

阿買

吟鑒集

三十六

汲古閣

夫子儒宗學古文力將言語婉皇墳符郎晚亦登
高第令姪書何止八分

張建封妾吟盼

妾未成灰鬢已霜啼紅十載唾茸窗香魂若作樓
中燕一世孤飛不肯雙

唐張建封節制武寧門下客皆詞人名士至於
歌舞姝必求知書者吟盼乃徐府奇色也初納
之燕子樓三日樂不輟時白樂天使經徐訪公

吟鑒集

三十七

汲古閣

飲邊出吟盼佐酒樂天贈詩云醉嬌無氣力風
鬟牡丹枝張後別構新樓貯寵之公寔吟盼感
恩誓不他適或有問荅皆以詩有燕子樓集三
百首公猶子仲素於漢中逢樂天口占其詩三
章樓上殘燈伴曉霜獨眠人起合懽牀相思一
夜情多少地角天涯不是長北邙松柏鎖愁煙
燕子樓中思悄然自埋劍履歌塵散紅袖香銷
一十年適看鴻雁岳陽回又覩玄奘遍社來瑤

碧玉簫無意緒任從蛛網任從灰樂天和曰滿
窗風月滿樓霜被冷燈殘拂臥牀燕子樓空霜
月苦秋宵只爲一人長綰翠裙羅襪似煙一回
看著一潸然自從不舞霓裳曲疊在空箱得幾
年今春有客洛陽回曾到尚書家上來見說白
楊堪作柱爭教紅粉不成灰又一絕云黃金不
惜買蛾眉揀得如花三兩枝歌舞教成心力盡
一朝身去不相隨仲素到京覲從祖母出此四

詩示吟吟吟得詩揮涕綴和云自守空閨斂恨
眉形同春後牡丹枝舍人不會人深意訝道泉
臺不去隨不食旬日而卒

秦娘

太守風流寵秦娘歌成樂府屬劉郎一般女子
舉橋住底事無人詠孟光

秦娘本韋尚書家主謳者尚書守吳郡得之命
樂工誨之琵琶使之歌且舞盡其妙携歸京新

吟嘯集

三十八

汲古閣

聲善工於是又捐去故技以新音度曲而秦娘
名往往見稱貴遊間元和初尚書薨秦娘爲斬
州刺史張憑所得憑後坐事謫居武陵卒秦娘
無所歸地荒且遠無有能知其容與藝者故日
抱樂器而哭其聲焦殺而悲劉禹錫聞之爲歌
其事以足樂府云秦娘家本閭門西門前綠水
環金堤有時救成好天氣走上卓橋折花戲風
流太守韋尚書路旁一見停轡旗斗量明珠易

傳意紺幘迎入專城居長鬟如雲衣似霧錦袖

羅薦承輕步舞學驚鴻水榭春歌撩上客蘭堂

暮從郎西入帝城中貴遊簪組香簾櫳低頭緩

視抱明月纖指撥破生春風繁華一旦有銷歇

劍珮無光履聲絕洛陽舊宅生草萊杜陵松柏

蕭蕭衰草食蟲網厚如繭博山爐火傾寒灰斬

州刺史張公子白馬新到銅駝里自言買笑擲

黃金月墮雲中花墜水安知鷗鳥坐隅飛寂寞

吟嘯集

三十九

汲古閣

旅魂招不歸秦嘉鏡有前時結韓壽香消故篋

衣山城少人江水碧斷雁哀猿風雨夕朱絃已

絕無知音雲鬢紅顏私自惜舉目風煙非舊時

夢尋歸路多參差如何將此千行淚更洒西江

斑竹枝

王霞卿

佳人柔翰吐瓊瑰冰雪襟懷此處開試問三鄉和

詩者含羞誰似鄭生來

吟嚶集

四十

汲古閣

進士鄭殷彝旅遊會稽寓唐安寺見粉壁有題
云瑯琊王氏霞卿光啟三年陽春二月登于是
閣臨軒軫恨觀物增悲雖看煥爛之花但比淒
涼之色時有輕綃捧硯小玉觀題詩曰春來引
步暫尋幽愁見風光倚寺樓正好開懷對煙月
雙眉不展自如鈎鄭生和曰題詩仙子此曾遊
應是尋春別鳳樓賴得從來未相識免教錦帳
對銀鈎霞卿乃邑宰韓嵩自京師挈之任所嵩
遇暴寇而卒鄭生欣然謁之時霞卿竟辭以疾
而不見焉但令總角婢子輕綃持詩荅曰君是
煙霄折桂身聖朝方切用儒珍正堪西上文場
戰空向中途泥婦人鄭得詩大慙而退唐會昌
中三鄉有女子題詩于壁曰昔逐良人西入關
良人身歿妾空還謝娘衛女不相待爲雨爲雲
過此山進士陸貞洞王祝劉谷王條李昌鄭王
碩李侑張綺高衢韋冰賈馳十一人和之曰三

鄉畧未聞謁之而不內惡而退者也

胡琴婢勝兒

吳俗祈恩泰伯祠爭圖與馬獻新奇大王三讓周
天下翻愛胡琴寵勝兒

吳泰伯祠在閶門之東每春秋市人相率牲醴
多圖善馬絲輿美女以獻之時金銀行以輕綃
畫侍婢捧胡琴以從其貌勝於舊繪者名其爲
勝兒蓋他獻者無以匹也女巫方舞有進士劉
吟嚶集

四十一

汲古閣

景復送客之金陵置酒于廟東通波館忽欠伸
思寢蓼紫衣冠者言曰讓王奉屈劉生隨至廟
周旋揖讓而坐王語劉生曰適納一胡琴妓藝
精而色麗知吾子善歌故奉邀作胡琴一曲以
寵之生初頗不耐命酌人間酒一杯已醉乃作
歌曰繁絃已停雜吹歇勝兒調弄還娑撥四絃
惝然三五聲喚起邊風駝明月大聲嘈嘈奔湑
湑浪聲波間倒演渤小絃切切怨颼颼鬼哭神

吟藁集

四十二

汲古閣

悲秋慙率倒脫斜挑掣流電春雷直受騰秋鶻
漢妃徒得端正名秦女虛誇有仙骨我聞天寶
十年前涼州未作西戎窟麻衣右袵皆漢民不
省胡塵暫蓬勃太平之末狂胡亂犬豕崩騰恣
唐突玄宗未到萬里橋東洛西京一時沒海內
漢民皆入虜飲恨吞聲空咽嗚時看漢月望漢
天怨氣衝星成碁字國門之西八九鎮高城深
壘閉閑卒河湟咫尺不能收輓粟推車徒兀兀

仇士良

老嬖知難固寵榮晚辭機密保餘生叮嚀莫遣觀
書語傳與闢雛謹奉行

馮道

亡國降臣固位難癡頑老子幾朝官朝梁暮晉渾
閒事更捨殘骸事莽丹

敬新磨

行樂深宮秘莫傳不妨馳騁出遊畋愛民縣令身
當殺耕却君王縱獵田

李自倫

五代兵戈五十春戰爭父子與君臣如何六世同
居者尚有深州李自倫

吟藁集

四十三

汲古閣

五代晉天福中尚書戶部奏深州司功叅軍李
自倫六世同居本州審到鄉老程言等稱自倫
高祖訓訓生榮榮生則則生忠忠生自倫自倫
生光厚六從同不妄救以所居飛見鄉爲孝義
鄉匡聖里爲仁和里准式旌表門閭

趙學究

周師南伐阨清流夜奪滁城第一籌他日黃袍加
馬上可無學究與叅謀

吟雲集

四十四

汲古閣

宋藝祖事周功業未顯會世宗征淮南駐蹕正陽攻壽陽劉仁贍未下而藝祖分兵取滁州距壽州四程皆大山至清流關而止關去州三十里則平川江南李景國力全盛聞世宗至命大將皇甫暉監軍姚鳳提兵十萬守其地藝祖以軍五千與暉遇於清流關路隘敗之暉整全師入憩滁州下令翌日再出藝祖兵再聚關下且虞暉再至詢之村人云有鎮州趙學究多智因微服訪之得關下山背路學究亦遣人前導警師銜枚夜出直抵城下方阻西澗水漲率衆浮水至城下斬關而入暉始聞之旋率親兵環甲與藝祖戰三縱而三擒之遂下滁州執皇甫暉姚鳳以獻世宗乘滁州破竹之勢盡收淮南李景割地稱臣者孫藝祖先擒皇甫暉首得滁州阻固之地故也學究卽韓王普實與藝祖定交於滁州卽辟歸德軍節度推官後爲宋宗臣

李國主

春花秋月滿雕闌便到江南亦夢間近日何嘗事湯沐只將清淚洗朱顏

李煜歸朝後鬱鬱不樂見於詞語在賜第七夕命故妓作樂聞于外太宗怒又傳小樓昨夜又東風併坐之遂被禍龍袞江南錄云李國主小周后隨後主歸朝封鄭國夫人例隨命婦入宮每一入輒數日出必大泣罵後主外間之主多

吟雲集

四十五

汲古閣

宛轉避之又韓玉汝家有李國主歸朝後與金陵舊宮人書云此中日夕只以眼淚洗面

金明池

好笑金明數萬龜鰲池休咎不先知直饒龜祖并龜父亦向苗家卜決疑

宋太祖時或詣司天監苗光裔卜卦苗布策成卦曰當遷徙其人問損人丁否苗曰無害又一人占如前又一人占又問同苗疑之起執其裾

問爲誰其人不得已對曰我金明池龜也前二人吾祖父也今朝廷廣池且及吾穴恐見殺故來問卜幸垂揀苗穉之卽以表聞已而鑿池得龜數十萬下令不得傷一龜盡輦送水中靜心遠云或謂物之靈無如龜故決嫌疑定猶豫必問之龜今禍福休咎龜不自知又決之人人卜之龜龜又卜之人人謂龜靈龜謂人靈人靈乎龜靈乎龜知苗能活我假卜以投苗斯亦龜靈也

吟藁集

四十六

汲古閣

李芳儀

破瓜年紀國除時下嫁寧論供奉卑女子那知如許事大遼官又冊芳儀

芳儀江南國主李景女也納土後住京師初嫁供奉官孫某爲武彊郡監妻生女皆爲遼中聖宗所獲封芳儀生公主一人趙至忠處部自北虜婦朝嘗仕遼爲翰林學士修國史著虜庭雜

記載其事時晁補之爲北都教官覽其書而悲之與顏復長道作芳儀曲云金陵宮殿春霏微江南花發鷓鴣飛風流國主家千口十五吹簫粉黛稀滿堂詩酒皆詞客奪錦揮毫在瑤席後庭一曲風景改枝淚臨江悲故國公獻籍朝未央勅書策第優降王魏俘曾不輸織室供奉一官奔武彊秦淮潮水鍾山樹塞北江南易懷土雙燕清秋夢柏梁吹落天涯猶並羽相隨未

吟藁集

四十七

汲古閣

是斷腸悲黃河應有却還時寧知翻手明朝事咫尺山河不可期倉皇三鼓淖沱岸良人白馬今誰見國亡家破一身存薄命如雲信流轉芳儀加我名字新教歌遺舞不由人珠珠拾翠衣裳好深紅暗盡驚胡塵陰山射虎邊風急嘈雜琵琶酒闌泣無言數遍天河星只有南箕近鄉邑當年十指渡江來十指不知身獨袞中原骨肉又零落黃鵠寄意何當回生男自有四方志

女子那知出門事君不見李陵推髻泣窮邊丈夫漂泊猶堪憐江州廬山真風觀李主有國日施財賄之刖姓氏于石有太寧公主永嘉公主皆李景女不知芳儀者孰是也

王介甫

投老歸耕白下田青苗猶未罷民錢半山春色多桃李無奈花飛怨杜鵑

民嶽

吟嚙集

四十八

汲古閣

良嶽冤延花石綱黎民重見築阿房一場雜劇林靈素忘却開山劉混康

宋元符末掖庭訛言有鬼茅山道士劉混康善捕逐鬼物上聞得出入禁中頗有驗崇恩尤敬事之寵遇無比卽其鄉里建道宮甲宇內祐陵登極之初皇嗣未育混康言京城東北隅地叶堪輿倘形勢少高當有多男之祥始命爲數仞岡早已而後宮占熊不絕上甚喜繇是崇信道

教土木之工與矣一時佞倖逢迎竭國力營之是爲良嶽宣和壬寅成上自爲記命睿思殿應制李質曹組各爲賦以進獨太學生鄧肅上十詩備述花石之擾末句云但願君王安萬姓苑中何日不春風詔屏逐之靖康初李伯紀啟其事薦其才召對賜進士出身後爲右正言著亮直之名肅字志宏南劍人有枌櫚文二十卷詩存集中

吟嚙集

四十九

汲古閣

西湖

故都日日望迴鑾錦繡湖山醉裏看戀著銷金窩子暖能沙忘了兩宮寒

孫何帥錢塘柳永作望海潮詞贈之流播金國完顏亮聞三秋桂子十里荷花遂起投鞭渡江之心時人詩云誰把杭州曲子謳荷香十里桂三秋那知卉木無情物牽動長江萬里愁南渡駐蹕留連歌舞之場遂忘中原悲夫

王婉客

貞烈那堪點虜求玉顏乾沒塞垣秋孤墳若是隣
青冢地下昭君見亦羞

金人遷宋二聖北去王婉客隨駕粘罕見之求
爲子婦婉客車中自刎死虜爲葬之道旁

秦少游女

郎罷膝陰老淚潛黃金誰贖蔡姬還看來山抹微
雲恨直送蛾眉出漢關

吟嚙集

五十

汲古閣

靖康間有女子爲金虜所掠自稱蔡學士女道
中題詩云眼前雖有還鄉路馬上曾無放我情
讀者悽然曾裴父爲作秦女行云妾家世居
淮海淮海文名喧宇內自從貶死古滕州門戶
凋零三十載可憐生長深閨裏耳濡目染知文
字亦嘗強學謝娘詩女子未嫌稱博士年長來
來逢世亂黃頭鮮卑兵入漢妾身亦復墮兵間
往事不堪回首看一身漂蕩逐胡兒被驅不與

犬與雞奔馳萬里向沙漠天長地久無還期北

風蕭蕭易水寒雪花滿地經燕山千杯虜酒愁

中醉一曲琵琶淚裏彈吞聲飲恨從誰訴偶然

信口題詩句眼前有路可還鄉馬上魂迷不知

處詩成吟罷更茫然豈意漢地能流傳當時情

緒亦可念至今聞者爲悲酸憶昔中郎有女子

亦陷虜中垂一紀暮年多幸逢阿瞞厚幣贖之

歸故里惜哉此女不得如終竟老死留穹廡空

吟嚙集

五十一

汲古閣

餘詩話傳悽惻不減胡笳十八拍

秦檜

狡獪何堪作棟梁主和童董保南方軍中一岳先

傾覆難復中原五嶽巔

胡澹菴

街壁君王拜犬戎不如童孺有羞容姦臣二十年

專柄成得先生疏一封

先生名銓字邦衡號澹菴紹興中爲樞密院編

吟雲集

五十二

汲古閣

修官上疏乞斬王倫孫近秦檜三人頭懸之藁街因貶韶州再貶新州朋友如張仲宗王蘆溪以詩詞送行者皆遭貶斥居海外二十年孝宗登極除工部侍郎進解經除龍圖學士初秦檜嘗書其所最憾者三人姓名于格天閣下曰趙鼎李莊簡胡銓泰死而趙已先薨惟胡李無恙故邢衡有詩云閣下大書三姓在海濱猶見兩翁還洪忠宣公皓還自虜中嘗奏上云銓之書

秦許和盟自虜來黨姦膠固孰能開康王不是蘇州種錯說官家也好敦

沈持正

持正名樞紹興中爲詹事時和議成語同列云官家好敦上聞之謫筠州携二鬟去數年歸嫁皆處子安吉尉潘方壽以詩寄曰昔年單騎赴

筠州覓得雙娥伴遠遊去日但知供夜直歸時猶未識春愁禪人尚有香囊愧道士曾聞炭婦羞鑲石心腸延壽藥不風流處却風流乖匡之操持正有焉

蘇雲卿

遁跡園蔬野老間何勞物色到柴關故人尚欠中興業不出東湖免厚顏

吟雲集

五十三

汲古閣

湖鰲疏自給公託師漕聘之微服乃得見詰朝再至則閉關矣敗之惟書與金在不啟封曾蒼山作歌云東湖湖面波渺瀾東湖岸上春土肥先生鉏雲明月曉種來蔬甲今成畦把茅蕭蕭環四壁此身不願人間識乾坤清夷那復知寸心杳緲黃塵隔故人子房今九雲交情不斷江湖濱江西使漕却騎驕故作敲門問字人黃金百鎰賒一幅多謝春風到茅屋君爲使者吾邦

民見君容我更焦服故人與我情重哉君且歸
矣明當來明朝啟扉人不見黃金不動書不開
使者持書三太息封書徑上黃扉側翩翩鶴駟
雲冥冥空向湖山訪行迹向來桐江嚴子陵曾
得故人雙眼青芒鞋却踏京華路太史驚誇說
客星先生得書掉頭去弁此湖光不回顧夢夫
孀婦戴髻鬟亦有老大閨中女蒼山此歌可激
貪鄙張世南宦遊紀聞載宋自適記蘇翁本末

弁雲集

五十四

汲古閣

甚詳宋得翁東湖遺址面挹湖山篋菴仰高章
泉先生名曰灌園菴

岳武穆王

赴復神州指掌間永昌陵側詔師還丹心一片極
霞月猶照中原萬里山

紹興四年五月岳飛復襄陽府唐州六月復清
州七月復鄧州飛爲清遠軍節度使紹興十年
秋飛復趙州至朱仙鎮距東京四十五里詔班

師奏檜主和議召飛赴行在楊沂中劉光世劉
錡皆還鎮自是不復出師矣先是飛言和議非
計檜惡之班師詔下諸將皆賀飛表獨曰求暫
安而解倒垂猶之可也欲長慮而尊中國豈其
然乎又曰身居將闕蹟無補於涖埃口誦詔音
面有慙於軍旅此非誓不與虜俱存之名言也
八月飛罷檜等副使虜之入寇也命飛以兵援
淮西卽日就道張俊貽飛書以前途乏糧爲言

弁雲集

五十五

汲古閣

飛不爲止及張俊自淮西歸朝反言飛逗遛不
進以糧乏爲辭言飛謂山陽不可守沮喪士氣
與檜謀令諫議大夫万俟卨交章劾飛遂罷兵
柄有殺飛之意十一月兀朮以書抵檜曰尔朝
夕以和請而岳飛方爲河北圖必殺飛而後可
和於是檜與俊謀乃誅王俊告張憲謀還飛兵
柄執憲使誣服以爲得飛子雲手書獄成檜繫
飛父子下大理獄万俟卨鞫治誣飛父子致書

于憲今憲檄置使飛還軍且謂其書已焚無可證者又以淮西事詰飛而所賜御札與往來道途日月皆可攷乃收其御札送官以滅迹飛困於考掠亦無辭服罪檜一日手書小紙付獄卽報飛死憲雲戮于市籍其資從家嶺南官屬坐罪者六人大理卿薛仁輔等皆以飛無罪尚俱効罷之宗正寺士儻布衣劉士升訟飛冤皆死之夫朝廷欲議和而有一大帥闇然不肯和

吟嚙集

五十六

汲古閣

言必欲與之俱斃而後已是可置而不問乎故爲當時計不去飛則和議不成當其召飛也飛豈不知此行之必死哉其數千里而來者非赴嘉召也直趨死如歸耳嗚呼飛不肯爲兒女子之死久矣大義明於天地大忠著於無窮則飛之志也飛忠孝出於天性初從駕渡河留妻養母河北陷沒飛遣人求訪凡十八往返而獲迎婦母痼疾藥餌必親嘗遇出師則戒家人謹侍

養母喪既葬廬墓則御札數四強之而後起自自奉甚薄少飲酒能至數斗上嘗戒之曰卿與時到河朔乃可飲遂絕不飲吳玠嘗盛飾名妹以遺之却而不受上欲爲營居第於行都飛辭曰金虜未滅何以家爲其御軍重蒐選謹訓練公賞罰明號令嚴紀律同甘苦爲要知書而待士濟人之貧行師秋毫無犯有取民一縷束芻

吟嚙集

五十七

汲古閣

者立斬之尤善以寡敵衆所至多以奇功號爲賢將宋孝宗乾道中詔鄂州建飛廟曰忠烈理宗寶慶中詔故太師武勝軍節度使鄂王岳飛謚忠穆尋改忠武廬陵劉過改之題六州歌頭詞于廟曰中興諸將誰是萬人英身草莽氣填膺尚如生年少起河朔弓兩石劍三尺定襄漢開統洛洗洞庭北望帝京狼虎依然在何事先烹過舊時營壘荆鄂有遺風憶故將軍淚如傾

當年事知恨苦不奉詔僞邪真臣有罪陛下聖
可鑒臨一片心萬古分茅土終不到舊姦臣人
世猶白日照忽開明交珮冕珪百拜九泉下萬
感君恩看年年三月滿地野花香春國簿迎神改
之天下奇男子平生以氣義撼當世其詞激烈
讀者感焉載金佗編

陳同甫

祈馬徒行氣不群定交十載酒邊文醉中失口江

喻彙集

五十八

汲古閣

南事聊贈先生十萬緡

同甫名亮號龍川始聞辛稼軒名訪之將至門
遇小橋馬三躍而三卻同甫怒拔劍揮馬首推
馬仆地徒步而進稼軒適倚樓見之大驚異遣
人詢之則同甫已及門遂定交稼軒帥淮時同
甫與時落落家甚貧訪稼軒于治所相與談天
下事酒酣稼軒言南北之利害南之可以并北
者如此北之可以并南者如此且言錢塘非帝

王之居斷牛頭之山天下無援兵決西湖之水
滿城皆魚鼈飲罷宿同甫于彘中同甫夜思稼
軒性重寡言醒必思其誤將殺我以滅口遂盜
其駿馬而逃月餘同甫致書于稼軒假十千緡
以濟貧稼軒如其數與之

毛惜惜

當歌對酒是紅妝寧死羞爲賊佐觴州將馬蹄先
鼠竄英雄不減北平王

喻彙集

五十九

汲古閣

毛惜惜高沙營妓也嘉熙間高沙卒榮全據城
叛郡守馬光祖聞變逃匿僅以免全賊召惜惜
佐酒惜惜怒曰汝本朝廷健兒今爲賊吾寧死
不能爲賊行酒全以刀裂其口立命櫛之惜惜
至死不絕聲陳藏一目擊其事有詩云食祿爲
臣無國士捐軀罵賊有官奴可謂天壤間奇事
賈似道

漢室初興用酈生下齊七十有餘城賈生誤宋城

多少論罪當時直一烹

似道宋嘉熙戊戌因其妙賈貴故得赴廷對
已未北兵攻蜀至潭州理宗以似道爲荆湖宣
撫策應大使進兵援鄂似道在鄂爲城下之盟
陰許歲幣故鄂渚退師事定之後目爲已功諱
言前事北使郝經來尋盟似道拘留眞州竟背
前盟似道乃欺理宗詭曰戰勝而所許歲幣又
食前言初以鄂渚功自軍中拜右相庚申入相

吟嚶集

汲古閣

躡拜平章未幾而北使再至荆湖似道又留之
漢陽沌口始則請盟終則背盟似道知之天下
知之獨朝廷不知咸淳丙寅劉整叛丁卯襄陽
圍警報益急似道雖乞巡邊然亦卒不行也癸
酉春襄守呂文煥以城降似道復陳行邊之請
甲戌九月丞相伯顏大會兵于襄樊沿漢江而
下水陸並進用降人爲向导呂文煥舟師襲鄂
州都統趙文義戰死之大兵達于大江下沿江

吟嚶集

六十一

汲古閣

諸郡乙亥正月似道始出師遣督集諸路兵共
十三萬至蕪湖而舒池已降矣二月似道遣宋
京使軍前請和京與北使來要似道自往似道
遣阮忠聰耿元嘉代行及思聰回知事不就皇
怖失據陰備快船爲走計諸軍屯丁家洲大勢
直進我師有反噬之意似道遂許鳴轉官資諸
軍詭曰要官資何用已未申官資何在似道
不能答孫虎臣夜至似道舟中告急泣曰追兵
已迫夏貴亦曰彼衆我寡奏難抵當垂泣而去
似道鳴鑼一聲退軍于珠金沙十三萬兵一時
潰散失督府印似道奔揚州上表自劾太后旨
令淮東帥李廷芝津遣歸里王鑰奏乞下切責
六月歸紹興開城不納王鑰并臺交章言似道
害師誤國之罪方回言似道倖詐貪淫褊驕吝
專忍繆十罪乞賜死乃降三官發州居住言者
不已改送建寧翁合奏建寧未盡講道關里此

吟雲集

六十二

汲古閣

鄉何罪乞將似道遠竄有旨謫授高州團練副使漳州居住下臨安台州簿錄其家朝廷遣鄭虎臣監抑舟次南劍黯淡灘虎臣曰水清甚何不死於此似道曰大皇許我以不死候有詔卽死十月至漳州木綿庵虎臣悉拘其子與妾於別館卽厠上拉其胸殺之殞于巷側或者曰似道以寵妃之弟不學無術處非其據之休休有容之量忌疾之惡橫于胸中好諛惡直進佞退

呂文煥

出戰兵難守亦難不降唯類番殘只將六載無消息太后宮中一問安

吟雲集

六十三

汲古閣

劉整守瀘州與曹世雄有斷橋之功賈似道功賞不明整以瀘州降上急攻緩取進圍襄之策與少保呂文德借地開五市因築城置堡江心築臺立橋以遇南兵乙丑丙寅時出兵哨掠稍振而文德死以文煥代守襄戊辰整以大兵圍之文煥在圍六年備殫其力壬申夏張順等載衣薪力戰至城下死之圍不可解矣樊城破以城降大兵攻郢鄢人以戰艘蔽江不得進文煥

文文山

伶仃海上國家亡吟嘯詩中雪窖香一代英雄惟死耳微君幾欲絕綱常

文山諱天祥字履善寶祐乙卯與弟璧同登廷

喻鑾集

六十四

汲古閣

試理宗擢第一會父革三先生卒還里開慶已未五月臨軒策士除承事郎會書寧海軍節度判官九月江上有變吳潛再相都知董宋臣主議遷幸文山上疏乞斬董宋臣以一人心以安社稷建團甲用人數事書奏不報還里景定庚申會書鎮南軍節度判官乞祠主管仙都觀辛酉除秘書省正字五月殿試考官進投書郎董宋臣覆出爲都知上疏論其惡不報將去除知

喻鑾集

六十五

汲古閣

安撫大使守獨松詣闕陳大計不得見伯顏至阜亭山除樞密使右丞相懇辭奉旨詣北軍講解見伯顏陳大誼留營中不遣次日宰相吳堅賈餘慶以下以國降文山責伯顏留使失信罵其人逆賊引兵陷國求死北營北置兵守之驅與吳堅等赴北至京口亡去七日自通州遵海而南至溫州景炎福安登極以觀文殿學士侍讀召赴行在授通議大夫右丞相樞密使都督

豐收散兵自惠州行朝入覲授少保信國公封
母曾氏魏國夫人引兵至潮陽張元帥弘範以
水陸兵奄至天祥被執服腦子二兩不死越七
日見張元帥天祥踴躍請劍曰此吾死所也張
必欲以禮見天祥曰吾不能跪吾嘗見伯顏阿
朮長揖而已或曰何不拜天祥曰吾爲國死何
拜爾爲張知不能屈遂揖見至厓山張元帥令
作書招張世傑天祥曰我不能祿父母乃教人

吟嘯集

六十六

汲古閣

背父母得乎有死而已不能從也乃作詩復命
云人生自古誰無死留取聲名照汗青張元帥
謂天祥曰國亡矣政使殺身爲忠誰復書之天
祥曰商非不亡夷齊自不食周粟人臣各盡其
心何論書與不書張爲之改容遂拘北船道經
吉州痛憤八日不食不死乃復食至燕與樞密
院官傅羅等語不屈庚辰辛巳壬午在獄作贊
擬臨終時書衣帶間云吾位居將相不能救社

稷正天下軍敗國亡辱爲囚虜當死久矣被報
以來欲引決而無間今天與之機謹南向百拜
以死贊曰孔曰成仁孟云取義惟其義盡所以
仁至讀聖賢書所學何事而今而後庶幾無愧
宋宰相文天祥絕筆壬午歲十二月九日竟受
刑于燕友人張毅甫負公首并骨歸葬之日母
夫人樞同日自廣至人謂忠孝所感天祥年四
十七而歿爲人豐下兩目炯然善談論有忠孝

吟嘯集

六十七

汲古閣

大節自起兵勤王以至皋亭引見議論不屈忠
肝義膽出於至誠聞之莫不興起驅之北行京
口脫去間關萬死繇海道還國赤手起兵經三
年江西之舉大事幾集英雄無用武之地卒以
困敗所居對文筆峯自號文山爲文未嘗屬稿
引筆滔滔不絕尤長於詩有指南吟嘯等集行
於世

張千載

收骨燕山白日寒
杲卿髮尚直
衝冠誰將千載交
遊義著入文山傳裏看

千載字毅甫廬陵文文山友也文山貴顯屢以官辟皆不就文山自廣還至吉州城下千載來見曰丞相赴北某亦往遂以故宋官營求江西省谷之北寓于文山囚所側近日以美食奉之文山知是千載義焉凡留燕三年潛造一橫文山受刑後卽藏其首仍尋訪文山妻歐陽夫人

吟嚙集

六十八

汲古閣

於俘虜中俾出火其屍千載拾骨寘囊并續南歸付其家葬之次日其子夢父文山怒云繩鋸木斷其子心動毅然必啟視之則有繩束其髮當其云云夢尔且髮尔何足計又萬無繩繫理繩見衆服公英爽可畏劉須溪紀其事贊于文山像後曰閒居忽忽萬古咄咄天風慘然如動生髮如何尋約亦念續芻豢其英爽猶累形軀同時之人能不賴此背忌其生今妒其死

鄧中甫

居趙園中欲帝秦連寧蹈海忍爲民當時若逐三閭去幾失文山一故人

中甫名光薦廬陵人宋乙亥冬携家避地于閩次年景炎閩帥趙總卿以書幣辟幹官丁丑四月駕至除宣教郎宗正寺簿冬香山警輩家入山遇土賊一妻四兒四女三妾十三口皆焚死六月改祥興除秘丞兼權禮郎已卯正月除權

吟嚙集

六十九

汲古閣

直學士二月六日國亡投海若再展轉不沉爲北軍鈞致張元帥前令復衣冠爲揖客初自廣回得與文文山同舟唱和有詩集文山爲書并序曰南海集傳于世張元帥館于趙冰壺家教其次子累請爲緇黃不許後得放還廬陵

張太傅

海肉捐軀與主亡
九原留面見先皇
老臣獨有香千兩併燕丹心獻上蒼

吟雲集

七十

汲古閣

世傑本信安歸宋擢承宣使乙亥三月自荆湖入衛京師丙子正月宋秀王與擇奉二王出官航海時獨松告急文天祥兵三萬自平江來守獨松世傑兵五萬諸勳王兵約四十餘萬天祥與世傑密議今兩淮堅壁闔廣全城王師且眾若與之血戰萬一得捷兩淮之兵截其後國事猶可爲也世傑力議出師爲陳宜中沮之先是世傑道過饒州謁舊相江萬里於私第飲醉世

吟雲集

七十一

汲古閣

八月謝洪永任進攻泉州南門不克蒲壽庚陰略畬軍攻城不力王績翁遣人至北軍唆都處趣兵十一月丙申唆都大兵至福州城陷至泉州世傑解圍去祥興衛王立授太傅二月戰于厓山嘗與祥興王約曰萬一事不可爲則老臣必死於戰臣有沉香一株重千餘兩是時當焚其香爲驗香烟及御舟卽遣援兵不然宜速爲之備無墮其計二月六日自曉交戰至午適是

呼

陸君實

六龍海上失乘輿天柱臣難隻手扶應有二妃魂尚在至今何處望蒼梧

君實名秀夫淮安人自維揚募入朝京師宋德

祐丙子正月十三日宋太后命秀王與擇奉二

王昱昂出官航海丞相陳宜中張世傑皆先一日往文嘉蘇劉義楊亮節張全隨駕楊侑二妃從焉丁丑五月初至福州益王立方八歲改元景炎北軍入廣戰于香山海中益王没于潮川官兵欲散君實爲尚書曰度宗皇帝一子尚在將焉實此古人有一旅興者今百官有司具軍亦有萬餘若天道未絕趙祀此豈不可爲國耶

吟嚙集

七十二

汲古閣

乃相與奉衛王昺卽位王俞妃生貌類理宗時有黃龍自海升入改元祥興除右丞相已卯二月北軍大至戰于厓山自曉至午海潮不退兩軍死戰君實知不可爲取舟中物悉沉之仗劍驅其妻子赴水妻挽舟不肯赴水君實曰而去怕我不來登御舟啓王曰國事至此陛下當爲國死太皇后辱已甚陛下不可再辱遂抱王投于海中淮陰龔開爲立傳

謝疊山

鸞鳳麒麟或可羈有兒褻骨遠方歸北行詩上堂堂語絕粒如勝歌採薇

疊山名枋得信州人宋景定甲子江東漕闕校文發策問權奸誤國趙氏必亡忤賈似道貶興國軍特馮夢得知信州恤其家聽其自赴貶所三年遇赦得還似道奇其才欲牢籠之使余安裕諭意枋得不肯阿附景定庚申三月鄂渚兵

吟嚙集

七十三

汲古閣

退似道行打算法欲害諸閫臣時趙葵守洪枋得爲江西倅舉民義科降招軍錢給義兵米枋得曰此不可以累趙宣撫也自償萬楮餘無所償乃上書于似道曰千金而募徙木將取信於市人二卵而并干城豈可聞於隣國乃得免焉賈改爲江東制置募兵援饒州戰于安仁敗績又改于信州軍潰弃家人闕程御史文海錮承旨夢炎交薦力辭不就至元戊子魏參政天祐

執拘北行以詩別妻子明舊曰雪中松柏愈青
青扶植綱常在此行天下豈無龔勝潔人間不
獨伯夷清義高便覺生堪捨禮重方知死甚輕
南八男兒終不屈皇天上帝眼分明道中不食
而卒其子持骨歸塋之

汪紫原

百里兵屯一大藩危言三策動乾坤後來趙氏無
抔土何處松楸葬紫原

吟嚙集

七十四

汲古閣

紫原名立信於襄危之際以書抵賈似道陳三
策一謂內地何所用乎多兵宜盡抽之以過江
可得六十萬百里或二百里置一屯設都統七
千里江面纔三四十屯設大藩府而處以統攝
運棹之緩急上下流相應必無能破吾聯絡之
勢者久之日益兵雖進亦可二謂久拘使者在京
湖何益不如遣使偕行啗以厚利緩其師期
年歲間我江外之藩垣成氣象固且江南之生

兵日益矣三謂此二說不可行惟有準備投拜
其意蓋欲激賈行二策也賈得書大怒曰暗賊
敢爾妄語迄諷臺諫罷之紫原歸金陵不數月
北兵渡江九江以下皆失守乃以端明招討起
公則已無策矣紫原以家囑愛將金明而以金
明子從之過淮時似道出督相遇拊汪背而哭
曰端明端明某不用公遂至此汪曰平章平章
暗賊今日更說不得賈問汪何向汪曰今日江

吟嚙集

七十五

汲古閣

南無一寸乾淨地某去尋一片趙家土上死也
要死得分明後抵高郵竟大慟而絕時人有詩
云厚我藩垣長彼貪不然銜壁小邦男廟堂從
諫算如轉竟用先生策第三

趙震卿妻雍氏

夫死身終作宋臣殺身更有婦成仁男兒盡豎降
旗去女子翻爲守節人

震卿名昂發蜀人也以池州倅攝州事時上流

吟嘯集

七十六

汲古閣

皆失守趙普死不降沿江帥闢叅議官沈圻捧
檄干池趙與飲間泣下慷慨賦詩寄其母弟曰
欲守則無策欲戰則無兵今世爲國死來生爲
弟兄城將陷謂妻雍氏曰爾可出避矣妻曰吾
將安從誓同死耳爾能盡忠吾獨不能爲忠臣
之婦乎昂發大喜具冠裳竄守倖二印及誥命
於案大書十六字曰君不可負臣不可降夫妻
俱死節義成雙遂俱縊死池學之士哭其屍曰
生爲大宋人死爲大宋鬼何以比此心清溪一
泓水

賈瓊妻韓氏

國破家亡泣血吟千年不與妾同沉中流定有富
時淚滴作江聲哭到今

巴陵女子韓氏希孟魏公五世孫嫁爲賈尚書
子瓊婦岳州破被虜之明日以衣帛書詩自投
于江而死詩傳人間哀國亡身虜也末曰借此

清江水葬我全首領皇天如有知定作血面請
願魂化精衛填海使成嶺長興州判官沈某託
親戚劉光履求吳興趙子昂書此詩傳世光履
諾而未言一夕夢一婦人云趣爲我求書庶因
大人君子之筆發揚幽憤趙聞而與之乃爲寫
一通歸之子昂所序如此

葉李

吟嘯集

七十七

汲古閣

墨刑上舍解歸驂解后平章在嶺南却恨當時一
杯酒不曾相酌水綿菴

葉李字亦愚宋京學上舍景定間賈似道當國
李與同舍士蕭至上書詆似道公田闢子不便
專權誤國似道怒族林德夫告李等泥金飾坐
扁不法令獄吏鞠之云只要你做一箇麻糊李
卽吟詩曰如今便做一麻糊也是人間大丈夫
筆裏無時那解有命中有處未應無百千萬世
傳名節二十三年非故吾寄語長安朱紫客盡

心好上帝王書遂遭黜流嶺南乙亥間蒙恩放還時似道被罪南行遇于途李贈以詞云君來路吾歸路來來去去何時住公田闢子竟何如國事當時誰汝誤雷州戶厓州戶人生會有相逢處客中頗恨乏蒸羊聊贈一篇長短句至元中李客燕上書言時相以功至中書右丞因媚權臣爲江西李淦性學上書攻之後卒于燕

鐺夢炎

吟藝集

七十八

汲古閣

狀首登科宰百僚佞言誤國葬南交他朝總復司喉舌主見分明莫解嘲

世祖問趙孟頫曰鐺尚書葉右丞二人優劣何如頫對曰夢炎仕宋時臣甫數歲莫知其詳今幸得與同事天朝夢炎爲人性重厚篤於自信慮甚遠善斷國事有大人之器李所讀之書卽臣所讀之書李所知所能臣亦無不知不能上曰卿意豈以炎賢於李哉夢炎枉宋狀元及

第位至丞相賈似道懷謾誤國罔上不道夢炎徒依阿取容曾無一言以悟主聽李布衣之士乃能伏闕上書請斬賈似道是李賢於夢炎明矣孟頫惶悚頓首謝不敏夢炎知之尋乞休致云

吟藝集

七十九

汲古閣

雖袁直補王史亦稱詩史矣子君自稱西寐史又云情懷鄉人又云云錄之復掩而嘆其玩世自放猶王梅先生云不知何許人心中中肯綮詞語沈惜福進集軍馬冷語予未及見以爲此毛詩及

吟藝集終

吳逸士宋元自銘

逸士宋无字子虛其先固始人曾大父廷瑞宋淳祐中通守涪州祖萬全屢應州解不第咸淳癸酉以兵機干荆湖帥幕甲戌冬阮克己會忠義赴杭與俱至毗陵道卒考國珍持无奔吳家焉先君自場屋頓挫迺銳意韜鈴遂以材畧應樞府辟平江帳前提舉乙亥城附至元辛巳領征東萬戶案牘適病痿无可以身代省府然之俾典書檄五月官

吟嚙集

八十

汲古閣

兵集四明入海舟偕東北向而省左右幕屬各與舟號令不相聞後發者追程昌進得耽羅國蓋前鋒先遭颶風失道而至是七月抵竹島電雨風交作舟不得泊隨驚濤上下觸擊皆碎幸存而漂經高麗諸山復罹沉疴首髮脫盡瘦骨柴立二親見婦泣而掖拜在侍旁書不去手疾未嘗輟吟幼篤信玄道七歲聞誦張陳白丹書信有仙事家嚴命業從事弗違嶠南漠北走萬里不屑寸祿益不以

其道也至元丁亥留江東中丞王公西溪舉茂才以奉親辭四十有所閒遊句曲欲誅茅適親病亟歸年踰知命或者勉以往教乃就人館伸佔畢垂廿載丙子冬扁舟載書歸以疾薄味清齋經年行不用杖已卯八十被褐跣蔬天賜一健日從林下遊家藏書分諸社友餘三蘇文一小帙手抄也壯負氣眠貴富若不經目性良酒處衆多漠然使遇故人抵掌劇談絕倒而後已初侍親西江從歐陽

吟嚙集

八十一

汲古閣

巽急學宏詞延祐甲寅以舉業試士時年耳順矣所著翠寒集吟嚙集壽題集寒急冷語壯歲識中參鄧公子昂趙公海粟馮公鄧稱以逸士馮命曰韻人趙以通吏許非所宜蒙也馮知最晚一見拙藥亟序之復資以錢行室趙氏年十九婦予家儉素孝謹嘗割股灼臂禱其親疾事生送終咸藉其力秋春節時白首祭拜必慟壽七十四先卒有伯道之戚人哀之无生宋景定庚申先子自涪從荆

湖丁卯襄園上下流繹驂髯年輪流西東時雖捨
穰學不忘乙亥世變舊業俱廢遊方遐覽寸陰靡
留谷隱岩棲暮景將迫澳認隨時以微吟自怡幸
保厥躬至于耄年不辱其先百歲後得速骨先人
塚傍見曾高於地下亦幸已夫亦幸已夫銘曰埏
埴爲器而完堅今庸詎知夫成虧之數焉謂生化
皆自然而然今孰爲大空而陶甄曰天與之性本
仁今又何賦命之不辰時既不我偶兮志又不得

吟嚶集

八十二

汲古閣

信道損者益之今故恬爲遁世之畸民倚鬱陶乎
中今有長謠之可寫寧浮沉其身兮羌自遺於林
野哀伯道之獨今夫復何警保厥終於大董今與
造化而推遷還吾有於始無兮返吾算於忽荒俟
時昌明而來今當有徵于逸士之墳

元至正庚辰十一月望甲子日書時八十一歲

予童時嘗聆故老言吾鄉陳必經恒資前哲王
光菴議論爲益一日陳謁王不值見按頭一編
私視之乃朱子虛先生所著吟嚶集退而徧求
士夫家得之他日胥會陳舉其中一二爲言王
失驚曰若何已得吾底蘊耶蓋光菴平素藉之
爲奇談後必經入翰林以博學名海內然予晚
生實猶未之見也及官儀曹圖行先生翠寒詩
吾友凌序班季行袖之來語予曰予知子虛復

吟嚶集

八十三

汲古閣

有吟嚶語乎當併行之季行未幾謝世予亦有
嶺南之命遂携來鏤諸梓噫人稱杜少陵爲詩
史以其詩該古今朝野事實可以備史氏之所
未及載謂之史誠宜然未有自古迄今而一付
之吟詠者且其有諷有刺有抑揚攻擊吊忠貞
如未亡誅奸佞於旣滅可謂得褒貶之大義豈
但資之以生議論也哉觀是集者尚有以知之
成化癸卯朔月朔吳郡後學張習謹識

集終

序

吳古爲都會山水富甲東南長材秀
民間見層出以濟時需獨唐皮日休
陸魯望隱松陵爲詩文相倡酬故吳
之山川自西子嬖娃宮鹿遊胥臺殘
花遺草烟靄雨暄悵鬱千載間皆能
發而化之爲詩余先子昔處是邦嘗

翠寒集

一 施序

汲古閣

往來吳中皮陸之風尚可想見辛卯
秋客燕子虛與予遊甚稔每話具區
山水之勝出所爲詩風流蘊藉膾炙
可喜皆不經人道子虛年未艾有能
詩聲且通史西溪王中丞以茂材舉
之辭不就予觀子虛多自負雖以時
卷舒豈若唐之皮陸真能隱於詩耶

使子虛仕與詩並進大篇長什當有
寫御屏者子虛姓宋舊以晞顏字行
世居晉陵家值兵難遷吳冒朱姓云
元真乙未中秋吳興趙孟頫子昂父
序

翠寒集

二 施序

汲古閣

敘

天詘西北曰無曠古未有有姓而以無爲之名者吳人宋子虛乃以無爲之名斯名也殆自子虛始無是公烏有先生之始乎盧全馬異竝稱一時相與莫逆於是不能無全自全異自異之對待吾欲取某姓而姑名之曰有爲子虛之對待則三千載之

翠寒集

馮序

汲古閣

有姓氏不聞單無之隻字爲之名者徐無鬼魏公子無忌之屬生戰國者無之下必有連綴某字以爲之名未有若宋子虛之無有獨無對之特出苟求其故毋以則春秋之冉有乎或曰以冉有對宋無與盧全對馬異固無以異而以歲月卜之吾東家聖師之闕里則去冉有也惜乎遠矣有無

姑置吾讀子虛所爲詩則求之吳中殆無詘第二指然則五茸三泖之地望不但無能名子虛者併與子虛之詩無之此邦不可無斯人可無其詩乎其烏夜啼公無渡河戰城南公莫舞至妾薄命古硯歌諸篇皆古錦神林鬼塚外帶三分鳳麟洲上飛仙羽翮格力其五言律風調悽惋不勝江

翠寒集

馮序

汲古閣

哀浦忠之情淙如承恩金馬詔失意玉環詞落月今誰弔長庚夜自明雖使太白復生亦應爲之擊節七言律楊柳昏黃晚西月梨花明白夜東風秋千庭院人初下春半園林酒正中五言如乙鳥歸來社辛夷開過春如身黃松上鼠頭白竹間禽七言如桃葉歌殘秣陵酒梨花夢斷景陽鐘五

言如採藥逢毛女焚香對羽人如客愁三
月盡春夢五更初七言如縮地日攜龍作
杖臥雲時約鳳吹笙五言若蜀魄花成血
山魃樹隱身竹枝歌峽夜椰子醉蠻春如
空悲祖龍死但覺鮑魚猩如織女支機穩
山人作枕便異或稱羊化疑應訝虎眠不
須填碧海直欲補青天如勒銘留水寺應

舉業集

馬序
五

汲古閣

供宿江城夏減游方興秋添住岳情標致
極似盛唐諸人而對偶之工興寄之永飄
飄然自拔於王金陵含風鳴綠鄰鄰起弄
日鵝黃裊裊垂北風吹樹勁西日照窗涼
之頂顚其絕句雅淡清潔一字不可易豈
但吳中無子虛之詩乎子虛有韵人之姿
而天壤間知子虛者無幾余知子虛最晚

恨余老無能爲矣姑取其詩集而序之好
事者寫而傳之有味乎其言而時諷誦之
彼嘲韵風弄涼月之客主豈特可標而出
之大門之外雖却數十百驛猶俗氣溷人
也子虛嘗舉茂才於王西溪平生獨刻意
於詩宦情雲薄以故不肯輕就籠絡弊弊
焉追逐時好以取世資其胸中泊然無營

舉業集

馬序
六

汲古閣

殆眼中真無其匹者太湖三萬六千頃寧
當無真識子虛者耶異時白醉吟生七月
能識之無二字是孩提時已識宋子虛之
名矣醉吟晚守姑蘇惜乎子虛不當是時
如子虛當其時持其詩納之白傳則翠寒
之集若不噓而登之白玉之堂他日亦應
俎豆洛社諸人之右寧當碌碌落落吳門

乎雖然今世未嘗無樂天當別有識子虛者其未能如醉吟翁方孩提識之無者勿以語之翠寒其詩集之雅號云延祐庚申冬孟一日海一粟馮子振序

翠寒集

馮序

汲古閣

自序

僕幼游漢沔嘗從歐陽吳先生學先生學治
澆莫窺其涯溪獨於詩少致力焉弱冠客江東識
中齋鄭侍郎于臺鄧與歐陽鄉友也屢以詩屬
和而啓發為多蒙知固深曾未敢呈稿尋以親病
亟歸公亦趣裝廬陵濱行殆見而序之迨吳興
趙翰長品題皆少年時作既方悔悟艾樞造
翠寒集
一
盡至海粟翁印可者合二卷念曰可傳而翁又
割已資相之始刺為今流落人間者是也甲子
適耳順息交却掃衰罷寢卧猶念往昔跋
涉南北觸事命題銜口作語就亡棄去六七年
間所作無幾閒拾殘餘裱成一卷里人江村民復
取書之湖海大匠儻刊正諸章

至元丙子秋吳病叟宋無子虛志于翠寒山隱居

翠寒集

目錄

烏夜啼

自君之出矣_{前二}

公無渡河

戰城南

公莫舞

長門怨

寶劍謠

枯魚過河泣

玉津園集景鐘歌

妾薄命

天馬歌

古硯歌

五雜俎

湖上意

翠寒集

江上意

甘露寺放舶至瓜洲風

汲古閣

作

送鄧侍郎歸江西

李翰林墓_{前二}

長相思

月上人還西湖

次友人春別

答王子長

廢宅

春愁

南峯宴坐僧

訪山中隱者

別惠上人

銅陵五松山中

浦口

山中書事

泰伯廟

三高祠

金陵送倪水西之江陵

成婦言

送葛鍊師遠遊

雲雨

華蓋峯逸人

岳陽夜泊圖

江南思

寄王子長

明皇竝轡圖

贈皖山道士

送謝士良之江東

春閨

送僧還天目

破窗

寄郴陽廖有大

沙門島

漢宮

翠寒集

沙上

牆頭杏花

汲古閣

金陵懷古

墨梅寄因上人_{前二}

長信秋

句曲王尊師

萍

山中僧

唐人四馬卷_{前四}

宮人斜

遊楞伽寺

猿

鶴

遊天姥山

寄題無照西園

寄斷江上人

寄錢翼之

楊州郎事

| | | | | | | | | | | | | | | | | |
|-----|-------|------|-----------|-------------------|-----------|--------|------|-----------|------------|-------------|---------|------|-----------------|-------|-------|----|
| 商人婦 | 玉環病齒圖 | 老農 | 老牛 | 如鏡伐竹架過牆葡萄斷竹插地復生枝葉 | 無題 | 贈竺鍊師 | 翠寒集 | 贈日東僧 | 江南曲 | 送母丘秀才自黔中歸益州 | 郊外晚望 | 寄山中僧 | 墨梅 | 羅噴曲 | 子陵 | 淵明 |
| 琵琶 | 杜工部祠 | 老將 | 老馬 | 無住序曰瑞竹余以詩贈之 | 奇衣曲 | 逆翟山人 | 三 | 江上萬里圖 | 蕃釐觀感瓊花 | 揚州 | 遊三茅華陽諸洞 | 杭州 | 四皓 | 孔明 | 春端 | |
| | | | | | 首二 | | 汲古閣 | | | | 四 | | | | | |
| 漁父 | 馬勝 | 建業懷古 | 秦皇漢武遺跡 | 詠石得天字 | 簡翼之 | 蟬 | 翠寒集 | 送閑思齊浙東帥府掾 | 喜馬伯庸待制扈從還京 | 送陳行之之信州推官 | 寄翰苑所知 | 江上昇泊 | 已亥秋淮南飢客中懷故里朋遊寄之 | 南峯歸雲菴 | 寄眠雲處士 | 水驛 |
| 蘇堤 | 玉津園 | 景靈宮 | 海上自之采至成山覽 | 憶舊寄金陵馮壽之 | 答無住和太初韵見寄 | 送陳衛中之越 | 上馮集賢 | 四 | | | 尋貞白先生舊居 | 子陵祠堂 | 建業間居春思 | 辟支岳道人 | 李陵臺 | |
| | | | | | | | | 汲古閣 | | | | | | | | |

靈岩寺上方 大滌山道士

西湖酒家壁 画枯木

客夜思親 梁隆吉遺馮筆并詩答

以長句 二喬卷

南岳李道士 画雙松圖

明皇臥吹簫圖 僧日觀画蒲萄

喜虛碧自龍虎峰 琵琶亭

雨蓬爲吟友題 昭君曲

虎丘 送金華黃晉卿之諸暨

翠寒集 五 汲古閣

州判官 觀沈氏盆開雙頭蓮戲

作 送宗上人遊金陵

吳中菊花盛開 悼郭祥卿錄判

題玉環聯轡圖 閔張上卿仙遊錄

答無住上人 吳江石橋新成

淵明像 答馬懷秀兄弟見訪

太白扁舟圖 雨夜懷虛碧

清明病中 簡無功

春婦 漁莊爲魏濟民賦

雪夜有懷 竹枝詞

唐宮詞補遺 四 髮白解嘲

大禹祠 青衣洞隱者

西湖所見 貞義女廟

題許山人居 江東客中

秣陵晚眺 田家見

公子家 宮詞 二

姑蘇臺 長卿

席上贈歌者 垂虹亭秋日遺興

翠寒集 六 汲古閣

阿房宮圖 送半都事景陽赴浙東

帥幕 驪網圖

初夏別業 燕

謝僧遺石鎗 荷錢

春日野步書田家 客燕雨懷

寒食 舊內臣家老馬

蚕婦 端石硯

東風 無題 倣李商隱

早鄉田父言 雙陸

秣陵寓居

春病起卽事

孟能靜席上出四物分韵得牙背爬花字詩

成贈

蘭

許山人家

答無功歲暮見寄

翠寒集

七

汲古閣

翠寒集目錄終

翠寒集

烏夜啼

廣平宋無子虛

露華洗天天墮水燭光燒雪半空紫西施夜醉芙蓉洲金絲玉簫咽清秋
蟬鼓鞭月行春雷洞房花夢酣不迴宮中夜夜啼栖鳥美人日日歌吳飲吳王國破歌聲絕鬼火青燐生碧瓦千年壞塚耕狐兔烏鄣紙錢掛枯樹觸骸無語滿眼泥曾見吳王歌舞時烏夜啼啼爲誰身
前歡樂身後悲空留瑟翠寒集

汲古閣

怨傳相思烏夜啼啼別離

自君之出矣

自君之出矣妾不出閨門懷君不敢恨惟有感君思

又

自君之出矣妾自奉尊嫜知君不思妾亦當思故鄉

公無渡河

九龍爭珠戰淵底洪濤萬丈涌山起鱷魚張口奮

靈齒含沙射人毒如矢豈登高山莫涉水公無渡
河公不可止河伯娶婦蛟龍宅公無白璧獻河伯
恐公身爲泣珠客公無渡河公不然憂公老命沉
黃泉公沉黃泉公勿怨天

戰城南

漢兵鏖戰城南窟雪深馬僵漢城沒凍指控絃指
斷折寒膚著鐵膚戰裂軍中七日不火食手殺揮
人吞熱血漢懸千金購首級將士銜枚夜深入天
愁地黑聲啾啾鞍下觸饑相對泣偏裨背負八十
單寒集

汲古閣

創破旗裴屍橫道旁殘卒忍死哭空城露布獨有
都護名

公莫舞

公莫舞公莫舞鴻門王氣歸真主何人睚眦赤龍
子手循玉玦目相語令公莫舞公楚舞劍光射日
白虹吐人發殺機天不與撞斗帳中咳亞父霸業
明朝棄如土

長門怨

金壺咽淚蓮花溢銀箭浮運渴烏泣知更阿監羅

襪水噴對星河玉階立內官唱漏催曉籌芙蓉夢
破燕支愁起來粧罷窺繡戶三十六院殘燭幽連
章風傳鳳吹遠翠華晨幸昭儀館空篋不語心自
語愁長如天恨天短紅衲暖踏楊花雪絳樓閣封
守宮血鸚鵡空猜警蹕聲春寒緊護流蘇結

寶劍謠

缺精蒼玉龍景潛萬丈虹孤電走白日老冰立秋
空提出天地愁八極來清風未逢龍準帝古匣塵
土蒙大蛇當道今若斷秋蓬嗚呼寶劍今亦將遇
單寒集

汲古閣

平英雄

枯魚過河泣

北溟有鯢歟薄崑崙氣吞積石摧禹門過河河水
枯蹤跡因泥塗垂涎向海若能清滴瀉無中流有
魴鯉不貸斗升水巨口走噉噉逆游莫若鮪鯢今
鯢今爾泣何由龍伯知決兩津倒天池澤水橫行
隨鯢所之揚鱗爲謝魴與鯉還有桃花春漲時

玉津園棄景鐘歌

炎精不靈火不德赤熒帝喪英魄羿弓射日日

無光黃金大鑪破釜色天崩七廟移神虛鬼哭長
陵一抔土十二盤傾夜月寒漢銅仙人淚如雨六
龍屈曲眠秋草草根蟪蛄語昏曉紫苔滿地愁古
春東風吹得乾坤老蝸涎烏篆銀泥剝烏喙滿牢
獄左角更殘漏斷聲莫聞凡雞司晨尊錢鐸

妾薄命

雲母屏塚春水蛟女織蟬翼輕比妾妾薄命比君
君薄情紅綳拭鏡□瞻明還疑妾貌非傾城從來
有入戶況復君心不如故故人心尚疑峯九新妾
琴瑟
四
派古閣
那能無故時補天天高填海海深不食蓮葯不知
妾心

天馬歌

天馬天上龍駒生天漢間兩目爽明月蹄削崑崙
山元氣飲沆澁躍步超人寰天上玉帝老不騎饑
食虎豹曉出關滅沒流豈安欬忽紫電頽黃道三
十六萬里日馳過天去復還時平降精渥注中龍
性變化終難攀天馬來瑞何朝化為龍應童謠騶
虞仁獸恥在垓龍亦絕跡歸赤霄風沙豈無大宛

種雖有人極安能超天馬來雲霧開天厩驥裏鳴
龍媒龍媒不鳴鳴驚駘

古視歌

神鳩踏雲補天去遺下一團蒼黑天千年萬年乾
不得長帶盤古青紫烟玉上剖天天化石石內星
精有餘魄璫尤發炯成禹豈海王川后輪玄液帝
青呵霧坤倪濕匣月不開太陰泣破天殘缺無人
補一穴絲絲漏春雨空藏老石磨今古補天何時
與天語

早寒集

五

派古閣

五雜組

五雜組角黍絲往復還借書甌不得已居九夷

五雜組冠冕纓往復還戍卒更不得已困平城

湖上意

晚過鴛鴦浦無心唱採蓮莫嘆蘭桡急爲要趁前

船

江上意

朝來暮還去寒湖不曾住江水亦有情佳期幾番
誤

甘露寺放船至瓜洲風作

天造西來險山迴北固形斷堙纒赤日孤柱擎蒼
溟此地何能限長江或有靈然犀夜照浪飲馬曉
吞星鐵鎖沉寥廓樓船沒杳冥乾坤一衣帶吳楚
兩郵亭擊楫人人倦吹笳處處聽海門沙自白瓜
步草猶青夢墮浮家樂魂遭振柁醒計程秋獵地
間舍暮漁汀倏忽波濤變匆忙網罟亭疾颺移蚌
室暗雨卷龍庭最驚鼉鼉壯給訝樹石腥危檣連
偏仄高岸失玲瓏世事無深測生涯獨未寧愁煩
翠寒集

六

汲古閣

復消釋題詠紀曾經

送鄧侍郎歸江西

光薦

中國衣冠盡孤臣蹈海迴秦思魯連操漢億賈生
才天遠文星隱江平畫鷁催人尋芳草去雁到故
鄉來山色催行櫂波聲送客杯身還蘇武節夢泣
李陵臺水落蛟龍縮城空鼓角哀蒼梧雲浩蕩黃
屋浪崔嵬夜雨江離濕春風杜若開祗令少微動
慎莫應三台

李翰林墓

二首

嗜酒傲明時何因賀監知承恩金馬詔失意玉環
詞名與三閭並身將四皓期匡山有書讀應亦嘆
歸遲

又

一騎紫鯨去空掩謝山墜落月今誰弔長庚夜自
明乾坤沉秀氣江水帶哀聲天上多官府文章不
可輕

長相思

昨夜相逢處朦朧春夢中遠西書不到莫是戍邊
翠寒集

七

汲古閣

東

月上人還西湖

南峯歸度夏舊業在煙霏半夜聞清磬一燈明翠
微雲蘿尋寺遠猿猱見人稀想到經行處天花繞
錫飛

次友人春別

波流雲散碧天空魚雁沉沉信不通楊柳昏黃晚
西月梨花明白夜東風秋千庭院人初下春半園
林酒正中背倚欄杆思往事畫樓魂夢可曾同

答王千長

病後得書頻情知未立身孤燈風雨夜兩處別離
人乙鳥歸來社辛夷開過春如逢元白問莫說爲
詩貧

廢宅

金谷花開得幾春東風吹逐路傍塵蛙鳴私地爲
官地燕認新人是故人珠履賁錢豪客散玉釵乘
傳舞娥羣獸環一鎖歌鐘斷時有鴉聲恐四隣
春愁

翠寒集

八

汲古閣

金雁塵香暗鳳絃紅繩風緊閣秋千園林寂寞無
鶯燕一段春愁是杜鵑

南峯宴坐僧

空岳稿木形入定掩松局鵲供街來菓復看誦罷
經雲霞埋衲重苔蘚上鞋青只有蕉人識曾因採
茯苓

訪山中隱者

遙聞搗藥聲知有幽人家相尋却無路又隔一谿
花

別惠上人

秋歸虎谿月攜錫入雲松又向深山住還聞古寺
鐘出生供野鳥持呪伏潭龍好去東林下吟看五
老峯

銅陵五松山中

蕉聲聞遠林流水隔雲深茅屋在何處桃花無路
尋身黃松上鼠頭白竹間禽應有仙家住避秦來
至今

浦口

翠寒集

九

汲古閣

浦口晚潮來佳期那可待浪急行蘭舟蘋花更難
採

山中書事

學道志雲霄自然塵念拋雨寬琴上線風響樹間
瓢果熟供猿食松高任鶴巢有他陳處士終被華
山招

泰伯廟

古者吾夫子曾稱三讓名後來秦失鹿劉項死相
爭

三高祠

退能合天道隱亦是人豪借問祠前水如今幾個高

金陵送倪水西之江陵

楚江江上暮雲東萬里春波去意濃桃葉歌殘林
陵酒梨花夢斷景陽鐘沅湘水落瓊瑤合巴蜀山
來錦繡重回雁峯前見歸鴈相思何處再相逢

戍婦言

姑嫜有妾奉征戰盍郎行早取封侯去封侯妾亦

翠寒集

十

汲古閣

榮

送葛鍊師遠遊

仙翁去醉碧桃春鶴背風吹萬里身洞裏棋高饒
幾子瓢中詩好寄何人三峯紫翠浮芒屨五岳煙
霞紫葛巾歸日定知能縮地莫教青竹化龍鱗

雲雨

雲雨朝朝暮暮新襄王魂斷楚江春武丁曾有中
宵夢惟覓巖前版築人

華蓋峰逸人

十步九岳壑結茅無四隣山中春雨過水上落花
新採藥逢毛女焚香對羽人時攜一瓢酒醉著去
朝真

岳陽夜泊圖

長憶巴陵山水秋老來看画却成愁箇中無聽猿
啼處若聽猿啼更淚流

江南思

暮雨娥皇廟春風西子城相思行不得更聽鷓鴣
聲

翠寒集

十一

汲古閣

寄王子長

薄宦仍依楚長聞傍酒爐客愁三月盡春夢五更
初吟卷看花掩行牀並竹鋪江湖有佳句知我每
相於

明皇竝轡圖

三郎沉醉玉環隨不上金輿索馬騎老大獨歸南
內裏風流無復並鞍時

贈皖山道士

世人曾不識頭帶樹皮冠閒種藥來賣醉將琴去

彈鶴向仙藥下猿竊玉書看莫服丹砂好恐師生羽翰

送謝士良之江東

謝安遊賞去別酒惜臨分萬里甘爲客三春苦送君風帆欲逆水江樹入空雲若過青山下須題李白墳

春閨

閒画金釵記遠人杜鵑啼血又殘春琵琶絃上無多字近日相思彈不真

早寒集

十二

汲古閣

送僧還天目

銚錫亂峰西藤蘿晝掩扉山藏翠微寺僧向白雲歸梵寂風沉磬禪深雪到天想曾行道處猿鳥共忘機

破牕

鮮畫蟲絲紙半無兩分錢點入樗疎秋風吹得青燈滅螢火飛來照讀書

寄郴陽廖有大

遠宦身安不題書淚幾行千山萬水路一日九迴

陽鷄鳴懷春語蘼蕪入夢香王孫歸未得歸得早還鄉

沙門島

孤嶼壓滄海風濤直下危蛟人依層市魚女祭龍祠月黑犀牛鬪波紅蠕蠕垂登臨有奇觀感慨但言詩

漢宮

武帝昇霞玉殿空金人夜泣月明中三千嬪御無行幸猶費丹砂飼守宮

早寒集

十三

汲古閣

沙上

四望無邊際中浮一片沙人家居釣艇官賦種蒭花清綠紅萬短江清白鳥斜垂流欲東去萬里寄生涯

牆頭杏花

紅杏西隣樹過牆無數花相煩問春色端的屬誰家

金陵懷古

宮觀賣盡兩崩牆首箇秋紅滿夕陽玉樹後庭花

不見北人租地種茴香

墨梅寄因上人 六言

寒枝香在天外疎花影流水中梨雲夜深清夢草
玄筆底春風

又

夢覺霜林墮月眼明野水浮枝橫玉不吹春去斷
繚閒寫相思

長信秋

長信秋來月自圓夜香猶拜玉階前妾今不願君

翠寒集

十四

汲古閣

王寵惟願君王壽萬年

句曲王尊師

不與俗人撲草堂雲白封有時鍊丹去無處覓行
蹤樹暖猴捫蟲花香鹿養茸曾期尸解後終隱大

茅峰

萍

風波長不定浪跡在天涯莫怨身輕薄前生是柳
花

山中僧

雪頂霜眉齒半稀脚踏苔石看雲歸山童掃葉觀
飛起狼籍松花滿衲衣

唐人四馬卷

金銜初脫齒新齊蹄玉無聲赤汗微昨日杏園春
宴罷滿身紅雨帶花歸

又

簇杖回來玉勒閒黃門牽向落花間君王不愛長
楊獵嘶人春風十二閑

又

翠寒集

十五

汲古閣

霜蹄踏月早朝回尾弄紅絲拂紫苔日暖龍池初
洗罷尚方閑進御鞍來

又

太僕新調試錦羈九重日色照連錢春來輿慶池
邊路偏稱宮中軟玉鞭

宮人斜

步搖明月冷無光骨掩春泥草亦芳艷魄不隨紅
粉盡化為蝴蝶舞昭陽

遊楞伽寺

羅逕入蒼鶻鐘聲來翠微招提在何許雲外一僧歸

猿

巴峽聞聲愁斷腸冷泉照影綠陰涼藤蘿亂雨頰兒過樹曬斜陽拾蟲忙獻果去尋幽洞遠攀蘿來撼落花香空山月暗無人見啼人白雲深處藏

鶴

毛骨珊珊白雪清千年世上頂丹成晴飛碧落秋空瀾露立瑤臺夜月明仙鳥雲深歸有信天壇花

翠寒集

十六

汲古閣

落步無聲時來華表何人識依舊綢身上玉京

遊天姥山

欲去不得路自將蘿鳥捫相逢採藥叟偶入落花村晴草鹿眠軟雨潭魚上渾無人動煙火處取晚霞吞

寄題無照西園

近地棲禪室祇園草木薰鞋香花洞雨衣潤石欄雲松吹和琴雜茶煙到樹分遙知道林猿來此誇玄文

寄斷江上人

長江瀉百灘句截斷在瀾片石青松下孤風白日寒空花隨塵落曉月對棋殘誰共清吟癖島屏敲夜闌

寄錢翼之

作賦擬相如何人謫子虛琴彈中散操扇玩右軍書北闕青雲近南冠白髮疎煩君傳遺逸着我入樵漁

揚州卽事

翠寒集

十七

汲古閣

玉壘開方面金湯控上游連營驛騎宅重橋雁行樓墮空虛空發飛橋日夜浮煙生烽燧地草死虎狼秋此處兵威震當時國步憂六年襄郡守三策蓋臣謀大將深圖陷長江萬里休兩淮先按堵孤注獨橫善破竹纔乘勢聞風已置郵乾坤機軸轉海嶽版圖收春變山堂柳波通汴水鷗平坡南下馬遠渡北來舟無復瓊花夢猶餘芍藥愁塵埃何豎子還擁黑貂裘

商人婦

日日湖頭望望夫夫未回無情春水恨祇送別船來

玉環病齒圖

一點春寒入顰眉海棠花下獨顰眉內厨幾日無宣喚不問君王索荔枝

琵琶

一片相思木聲含古塞秋琵琶是誰製長撥別離愁

杜工部祠

翠寒集

十八

汲古閣

老病思明王乾坤人苦吟秋風茅屋句春日杜鵑心詩史孤忠在文星萬古沉祇應憶李白到海去相尋

山中

半嶺松聲樵客分一溪春草鹿成群採芝人入翠微去丹竈石壇空白雲

湘竹杖寄無住

朱向舜妃江廟前得來買客木蘭船老宜泉石惜慵悲吟稱煙霞倚瘦肩冥坐夜和金錫想經行春

卓紫苔穿知師道價神龍護莫謾騰空去九天

老將

殺氣消磨暗鐵衣夜看太白劍無輝舊時麾下誰相問半去封侯半不歸

老馬

瘦蹄生入玉門關病放沙場戰骨閒歸覓殘芻應有淚將軍頭白戍天山

老農

倩搔背痒坐深村愛說前朝賜帛恩縣帖不來尋翠寒集

十九

汲古閣

社長自攤牛契教玄孫

老牛

草繩穿鼻繫柴扉殘喘無人問是非春雨一犁鞭不動夕陽空送牧兒歸

如鏡代竹架過牆葡萄斷竹挿地復生枝葉無住序曰瑞竹余以詩贈之

爲引寒藤延晚翠試裁碧玉動秋根風梢依舊生虛籟龍箨相將添遠綠林月過庭窺斷影茶煙潤色到啼痕湯沐麗藻題遺徧貝葉應多此處緝

無題

花影玲瓏滿繡牀自調綠綺背紅鸞惆悵佳期辜
絃線七條哀怨不成雙

寄衣曲

聞有宮袍賜翻令閨意傷良人在行伍祇待妾衣
裳

又

征衣須早寄遙憶藥砧寒莫訝啼痕少相思淚已

乾

翠寒集

二十

漢古閣

贈竺鍊師

姓疑乾竺古先生霞外幽栖近四明履十星移冠
劍影步虛風引珮環聲紫宮夜喚青鸞降花洞朝
騎白鹿行長使芝童看藥竈爲耽瓊液過蓬瀛鶴
傳仙語歸華表魚寄丹書上赤城怪石醉中拈筆
畫險巖靜裏按圖爭玉桃竊慣慵留種理草尋多
盡識名縮地日攜龍作杖臥雲時約鳳吹笙海邊
定與安期遇關上當逢尹喜迎我本翠寒山道士
相隨便欲採黃精

送瞿山人

聖代客高尙山林隱去休方知堯舜日亦自有巢
由

贈日東僧

肄業重溟外隨緣大夏中錫飛鯨海靜杯渡屢樓
空音信千峰隔華夷一水通秋深故國夢應與迤
川東

江山萬里圖

只尺寒流千萬峰湍聲寂寂暮猿空買船欲泛春

翠寒集

二十一

汲古閣

湖南楚樹吳雲是畫中

江南曲

遙天碧蕩蕩遠草綠情情併作相思海春來一樣
深

蕃釐觀感瓊花

后土祠南喬坤維煥室家國封嚴典禮宮祀尚褒
嘉不是神靈異焉能眷邇遐應須有玉女到此賞
瓊葩麗服從空降明粧倚日斜同揮五雲扇共駐
七香車月姊羞調粉風姨罷散花青童迴絳節金

母屏彤霞故事唐時盛佳名數代誇塵根雖下累
天意在中華雪謨瓏璫巧水銷刻鏤取人間惟獨
爾地上更何加萬繭殊家落群芳避艷邪玫瑰誠
執御芍藥等泥沙運俄驚輟兵強忽肆孽舛訛
難核實真贗遂聳牙雷雨還驚蟄潛藏重發芽旁
枝微舊煨新葉護榮考尤品終蕪沒珍粧逐水涯
兩朝成草莽九廟雜龍蛇古殿蘭旗暗殘爐桂燎
賒舜顏愁想像珠樹絕驕奢寂寞無雙譽徘徊但
自嗟八仙聊免俗消得買欄遮

翠寒集

二十二

汲古閣

送母丘秀才自黔中歸益川

黔南萬里地劍外去寧親蜀魄花成血山魃樹隱
身竹枝歌峽夜椰子醉蠻春歸訪王孫宅彈琴有
故人

郊外晚望

野曠行人少林荒夕照微煙中一聲笛何處牧兒
歸

揚州

紅橋二十四明月照笙歌若是迷樓在遊人應更

多

寄山中僧

名山舊隱巖巒秀精舍蕭閑殿閣虛像禮梅檀千
古佛經翻貝葉五天書獸依草座踟躕跌後禽下花
臺施食餘空翠濕衣機卽果紺泉澄沍漏美菓驚
峰夢遶雲中寺鹿苑身栖物外居清梵夜迴松月
冷孤禪晝起栢煙疎曙鐘寒韻侵虛籟午供春香
入野蕪道念有時憐老病塵緣無計問真如遠公
若許來同社陶令何妨去結廬便向東林傍尊宿

翠寒集

二十三

汲古閣

菩提從此發心初

遊三茅華陽諸洞

冠帶寒星帳剪霞步虛去寶玉農家醉歸却跨青
鸞下衝落碧桃無數花

又

玉葉清香微夜焚紫煙成蓋覆茅君數聲金磬秋
壇霽敲碎遙天一縷雲

又

書滿琅函閉不開雲應霧閣鎖青苔門前白鹿將

慶過定是選秦人引來

又

淡染雲霞五色衣杏壇朝罷對花披洞中養隻千年鶴長被仙人來借騎

墨梅

生意玄煙裏春工毛穎中枝頭兩三莖開不假東風似到孤山下斜枝入眼中分明幾點雪欲折又成空

杭州

翠寒集

二十四

汲古閣

錦繡波翻太液空一池寒雨落芙蓉內前尚有中宮住却聽西蕃寺裏鐘

羅噴曲

玉井荷花碧中藏偶意深綠房千萬的多少可憐

心

四皓

四老本英雄來成羽翼功向今秦重士未必隱山

中

子陵

乾坤罷戰屢漁釣可藏身何事劉文叔猶來覓故人

孔明

有心興漢室不意託孤兒帝昔曾三顧臣今表出

師

淵明

心寄羲皇上生逢晉宋時風流千古意只有杜鵑

知

春歸

翠寒集

二十五

汲古閣

報道春歸去忙來看落紅豈知春不去還在綠陰中

漁父

細草成春服汲湘供晚炊人間風浪險醉裏幾曾

知

馬腰

桃李宮城近偏承雨露恩至今耕種地一半作花

園

蘇堤

漢苑花何處唐陵栢已空相逢大堤柳令我憶綠公

王津園

御愛花無王長生樹幾時青青輦路草盡屬牧羊兄

武穆墳

若論將軍勇神京反掌圖中原數千里可惜葬西湖

祚德廟

翠寒集

十六

汲古閣

祀典當時盛忠曾係趙孤誰知宋祚絕今與廟俱無

景靈宮

孟月祠原廟都人憶故宮當年駕幸處喬木鳥呼風

杭州

山勢猶龍鳳行宮已劫灰北人偏悵望曾見汴京來

建業懷古

離居迫驛道晨往內西門屏營無顧問偶逢路人

言昔有六代宮今爲百姓園阿閣餘故基層城但

頽垣金鋪失嚴邃玉座變荒涼陳昏蚤隨滅隋奢

亟崩奔樂極終復悲替興相覆翻結綺徒構恨臨

春工鎖冤賞頽斃亦無麗華皆不存高塚烏鳥集

沃壤蓬麻繁鴉如拜月魄蝶化尋芳魂草遺舊裙

色花法新啼痕空餘龍津流入魚藻潭猶涵廓

澤在尚感陽和恩孰知涓滴微曾悅萬乘尊坐令

芻蕘賤飲汗其源念彼禾黍地凄然難具論龍

翠寒集

二十七

汲古閣

深乃見辱涕下還成吞

海上自之不至成山覽秦皇漢武遺跡

霧氣沉坤極濤聲撼北溟雲霞五色水丹碧萬重

屏脉絡華夷秀并吞宇宙青石梁橫地戶洞構壓

風霆砰礧紛鳴鼓湍洄疾建瓴提封思霸王巡狩

陟遐垌黔首何多難皇居不少宰山驅麟避數海

塞層遷庭幽薄周荒服鱗蟲畏典刑天吳驚象駕

精衛泣鑒鈴浪激秦巖怒堽崩漢武靈空悲祖龍

死但覺鮑魚腥采藥終驕妄求仙竟杳冥惟聞傳

二世無復享千齡古昔飛騰客能存變化形解交
烏兔隨定翳鳳凰翎玉檢微藏旨金丹別有經東
華司羊曆南岳攷功銘億劫開玄闕三宮護紫局
摩仁斯可冀淫暴詎堪聽致致安期曷虛邀阿母
耕昆池波鼎沸阿閭土花零夜雨地升樹春潮吟
上汀茂陵迷亂草禁苑暗流螢奢侈如飄電危亡
若炳星明君當至治方士或來停火宅休生棘情
河易轉萍願逢清靜化昌運幾時丁

憶舊寄金陵馮壽之

翠寒集

二十八

汲古閣

憶昔江東日離居託孟隣儒家見君好談席偶情
親南斗文昌近西山爽氣新驪珠驚俗眼瓊樹倚
芳晨大雅今重覩奇才豈易倫珊瑚生海網汗血
出天津句滿雞林賈名齊雁塔人傳經心入聖用
筆意疑神射策應先手藏環定後身巨流思待濟
吾道詘當伸落魄傷遲邁倏棲笑隱淪三年爲倦
翼萬里作窮鱗伏枕思霜歸溪憇紫萼鴻稀石
城信魚隔太湖須故宅閒多草空船獨採蘋夜吟
蛩蟋蟀暮景歎麒麟老恐襟期斷悲懷轍跡陳舊

峰還似洛淮水想猶秦勝地登臨數殊鄉夢寐頻
潮吞李白月花動謝安春有興須相覓無聊說自
呻吟疑交契瀾尚覺膽困遠物那堪贈佳音欲
細詢勞歌因奉寄題罷更沾巾

詠石得天字

肢脉臆崙析胚渾混沌先靈分玄島峙秀聚景雲
鮮覆壓風雷驚枝撐宇宙穿峻嶒欹篠簳歷棘聳
蘿煙業業棲危壁磷磷過瘦消雨攻絕眼斷浪擊
彈窩圓筆架珊瑚豎屏圍瑪瑙偏骨攢惺鬼煉脊

翠寒集

二十九

汲古閣

凸老蛟跼劍卓空蒼色予森紫翠顚醜宜鵠鳥豪
剛可利龍泉怪漬潮汶濕頑和地軸連貫當稍映
帶薛荔葉紫纏磊砢蛇身縮崩爭風勢偏辭侵題
字處藤絡倚筇邊碎磔鋪文貝失峰砢碎蓮實深
青乳滴斃潤土花公儼若峨冠者昂如峻士焉磴
危欺木屐磯滑怯苔蘚移恐嵐光動捫巖野蔓牽
衝湍聲類磬謝瀑韻成結硬性辭斤鑿嵌形欠畫
傳鼓歌傷莫續鼎句難難融砥礪誠由著磨礪學
及遷奇希抱璞煉餌詭飛仙寸勢垂千仞鬼胎

結幾年巖暉知產玉峽京見奔川絳女支機穩山人作枕便隕星沉戰域敲火出魚船異或稱羊化疑應訝虎眠龜埋遺碣下麟什古塋前屹立中流壯平施大礎堅懷沙嗟放逐疑魄惜嬋娟德必穹碑紀詞當巨硯研險思經施瀕功擬勒燕然嵩岱歸諸掌蓬瀛寄一拳不涸填碧海直欲補青天

答無住和太初韻見寄

寶地人來少裡陰自晚晴片雲依石澗孤磬出花清竹覓分泉細檀香上繼輕勒銘留水寺應供宿

覃寒集

三十

汲古閣

江城適楚濟喧定歸吳雪滯行雨苔枯凍展廊葉覆閒枰琴爲蛇紋買書因鳥跡評眼高無佛祖詩癖有山兄句妙唐風在心空漢月明晝禪休樹影夜荒雜松聲夏戒遊方興秋添住岳情何時修白業去結嶺殘盟

簡翼之

碧樹綠蕪空亂雲故人何處隔江村舊書在手再三讀新恨從頭又一番竹幘隨行家具活蘭亭摹出典刑存幾時定訪楊雄宅爲問太玄經裏言

送陳衡中之越

見說會稽郡風流如晉時貧惟將母去清不要人知修竹王猷宅春風夏禹祠到官游有暇好寄剡中詩

蟬

高柳夕陽收繁絃奏未休數聲風露飽一殷古今愁涼思知秦樹哀鳴亂渭流年年離別處幾曲送殘秋

上馮集賢

覃寒集

三十一

汲古閣

忠言如海膽如山趣入金門虎豹間玉笋晚班聯鷺序紫檀春殿對龍顏氣凌百辟星辰動賦就三都造化閒豈向長沙淹賈傳淳風會見筆追還

送閔思齊浙東帥府掾

希賢

南越連閭徵東瀛貢百蠻軍營威帥闢記室比官班之子稱時彥群公譽早攀詩壇堪白戰幕府政朱顏橫梁金颺動談兵玉帳開貨通夾舶富民羨國風還夜拆鯨潛海春旗豹隱山攜琴遊有暇草檀酒休慳將佐知書貴勲名待詔頒孟堅詞訟作

留照汗青間

喜馬伯庸待制扈從還京

祖常

嚴譚傳聲入建章漢官趨陛肅駕行駕迴黃道清
塵動人在金鑾白日長承詔晚聞天語近賜衣春
覺聖恩香馬卿賦佩兼忠諫獨許驂乘錫尚方

送陳行之之信州推官

漢守曾慙楊家聲復世綸贊廉推士雅列郡重嘉
賓昭代詳刑識賢僚體聖仁稔儒僻故老徃行念
寬人英幹登時望文華異等倫固宜庸龍渥豈但

翠寒集

三十二

汲古閣

活罷民江左名藩舊風流佐幕新平反須有頌剛
決看如神却鑒初榮養黃香早締姻錦還鄉已蓋
絲戲室俄春自補尋山屐誰親墊雨中拊循恩易
洽煦嫗俗當淳曲動陽關疊樽移祖帳陳未能忘
手握何得更情親美爾丹霄貴悲余白髮貧尚期
金鼎藥猶客素衣塵巖壑將幽賞煙霞欲隱淪交
游千古事離別百年身楚澤寒多風吳波暖見鱗
相思不相見音問莫辭頻

寄翰苑所知

多士當文治明良際盛時騷壇先佩印策陣已褰

旗西極蹄千里南溟翼四垂疾雷天地破崩嶽鬼

神移學過三都賦神超七步詩陰何須大賞鮑謝

只平欺尺璧光難掩華鐘響發運人遊丹桂腐風

噴碧梧枝漢室方虛席枚舉復擅詞數承恩詔見

趨赴重官儀皇閣登清要蒼生息舊疲星辰侵履

舄桃李傍堦墀珂里豪家逐銅駝樂部隨行歌金

驥裏醉舞玉參差杜曲花偏滿蓮壺酒不辭弓闌

射熊館劍倚化龍陵秀彥居同宋軒車出共馳侯

翠寒集

三十三

汲古閣

門相難還寒素獨吁嚕塵榻應容下仙舟可待追
亦慚才莫遠終負志難衰攀附羞羅薦傍徨向路
岐未酬題柱興徒抱練絲悲幽谷音猶遊鹽車力
尚卑泥途淹騷騷駢荆棘困黃鸞曉曉還求友騰驥
却避羈愁吟長欽伴閒夢矮牀知健掖令誰貴乘
桴任所之短章非善頌聊以展吾私

尋貞白先生舊居

百折歷雲嶠千花通水源寒藤垂到地怪石立當
門白壤煉丹赤清池磨劍渾曾來誦經處片雨滴

苔痕

江干暮泊

野色隨墟落江臯煙景饒遠村明晚燒高岸沒春潮
覽鏡芳年去援毫藻思銷琴書苦行役不敢問漁樵

子陵祠堂

一見故人歸去來漁竿不肯博三台漢陵今日無
坏土惟獨先生有釣臺

已亥秋淮南饑客中懷故里朋遊寄之

翠寒集

三十四

汲古閣

行李依吳榜飄蓬更楚鄉山川歲云暮風雨夜何
長此地從兵革斯民復旱蝗薦飢懷賑粟久渴望
攜漿船婦爭遺穗稚童拾棄芒天喪多憂堊征旅
少贏糧豈有灾重併而無戶損傷一年租幸免衆
口飯誰將生晚羞干祿憂時念彼蒼悲歌思請劍
顏墮輒椎林宵枕當寒溜晨梳候曙光牧羊人戢
戢放馬草荒荒木落明秋野江空月照霜城烏頭
併白水樹葉先黃羈客情難遣朋情與不忘投瓊
花院內博塞竹林傷尚恐詩盟淺猶冀吏鞅妨偏

提隨秋段冬簪下滄浪稍遂田園計終須蘿薜藏
松筠親戚輩麋鹿弟兄行春寺尋暄暖晴波泛渺
茫清泉濯足冷紫菊染巾香醉任王侯貴閑辭禮
數忙龐公厭州府陶令樂柴桑酬答幽期愜交游
素願償短章應得附眞賞莫能董頗似岑參句名
因杜甫揚流傳千載後直欲繼前唐

南峰歸雲卷

雲伴老僧居翠微老僧應共白雲飛杖藜西去人
東去日暮僧歸雲亦歸

翠寒集

三十五

汲古閣

建業閒居春思

杜曲芳菲早江城店舍烟雨青榆莢地風白柳花
天愁結丁香上醒餘樂酒前病多遊冶少春事亦
留連

寄眠雲處士

聞說華陽洞人間第八天茅君旌屢降弘景駕常
延地吐黃金氣潭流碧玉泉神丹尤夜發朱草葉
香妍羽客相接鱗洲脉共連山遺秦女藥鋤得
漢朝錢處士懷貞遁長生哭宿緣童頭曾辟穀鶴

相合成仙嘯傲三峰上披研萬化先囊攢五行物
劔握七星權石銚青精飯風爐紫木煙赤松齊遠
囑玄俗並遐肩九轉功將就雙親念復度却攜瓊
笈轉歸枕白雲眠薊子家宵歷壺公訣盡傳路回
蓬島下杖化葛陂邊經案苔侵偏開枰雨滴穿池
留洗瓢水壁挂斷琴結蕙帳狷空怨難聽月自懸
畧存容悵望澗去意潺湲局久基多變衰清鼎又
遷衲衣期異日築室定他年季世嗟早晚幽栖志
獨堅欲隨蒲坐具已辦布行纏學道無如此遊方

翠寒集

三十六

汲古閣

恐未然尚遲甘旨奉更被苦恩牽臆慮精難滿心
憂影或偏辭壇情願掃茶竈手能煎根究嬰兒後
參同混沌前求真不易遇師匠早哀憐

辟支岳道人

髮寒多不剃門雪少曾開瓦鉢幾星半石牀三面
苔緣衣蝨嬾拾避獵鹿長來見說岳頭樹前生手
自栽

水驛

水驛相連曉夜行渾無心記短長亭莫笑楊花道

飄泊人生自有一浮萍

李陵臺

寒風揚塵走沙石朔氣僵人馬辟易五千步辛富
軟萬空拳奮張爭無敵單于趣降聲疾呼道窮矢
盡身為俘歸無面目見天子築臺何顏懷古都義
血不染戰場草草甘北首陰山老空垂遠涕望漢
天難洒茂陵松栢邊

靈巖寺上方

霸業銷沉煙樹濃吳王臺殿楚王宮屢廊人去土

翠寒集

三十七

汲古閣

花碧香逕僧歸秋葉紅颺母射岳風動地蛟精徙
穴霧迷空明朝江郭重回回首寺在翠微蒼靄中

大滌山道士

童顏幾寒暑編葉當衣裳琴古面無漆栢枯身有
香樹精爲老僕石髓作乾糧不語坐松下天風吹
髮涼

西湖酒家壁畫枯木

衡岳喬松道途遠成都古栢山川隔忽驚老樹刺
眼來疑是巖崖壓東壁拗怒風雷龍虎氣盤槽造

化乾坤力陰連滄海一片秋秀奪西湖兩峰色寒
雲冉冉覆畫影凍蘚綠沿借春碧醉翁睨欲掛
衣禪伯經營思慙錫鳥驚下踏枝空猿縈夜過
冥藤及鐵幹銅柯喚不香蒼雪玄煙潤將滴便擬
攀蘿解糾纏何煩平地生荆棘直須掃去曲碌姿
揮作昂霄數千尺

客夜思親

老妻病女去淮西慈母居吳鶴髮衰我獨天涯聽
夜雨寒燈三處照相思

早寒集

三十八

汲古閣

梁隆吉遺馮筆并詩答以長句

吳剛夜入廣寒關生擒老兔出秋月嫦娥泣兩蟾
影孤靈藥不奮玉杵歇桂花凝毫拔蒼綠蜀絲纏
金縷湘竹紫蘭葢笑春風愁蓮花仙冠墜簪玉松
腹點漆光照群藤防揭雪滑欲流樂毅小帖排銀
鈞天馬歷塊無九州夢中忘筆那有花古錐畫地
飛龍蛇竟來尋鋒亦無處但見鳥跡留平沙

二喬卷

國色雙花相並栽周郎分得小枝來漢宮早有君

王見金屋須教一處開

南岳李道士畫雙松圖

道士醉臥天柱峰睥睨石上千年之老松松精相
感入夢寐化作蒼髯雙老龍酒腸空洞生鱗角飛
出兩龍醉不覺須臾霹靂撼五岳豐隆縮手不敢
捉神靈頃刻歸虛無壁上但見雙松圖松耶龍耶
莫能詰棟梁霖雨藏斧筆

明皇臥吹簫圖

珊瑚枕上玉簫橫一曲霓裳萬里行護道九重宮

早寒集

三十九

汲古閣

殿遠幾曾掩得外邊聲

僧日觀畫蒲萄

玉山人蒼壁立胸膈萬斛松煤汁吐作千年古
怪藤猶帶西湖煙雨濕元氣淋漓草木活太陰菌
蠢蟲蛇蟄須索翠霧瘦蛟走晴挾玄珠黑龍泣神
剌鬼刻字崛奇水精火劑光陸離天魔掌來青帝
寶鯨波涌出珊瑚枝墨花酣春馬乳漲醉夢渴想
西涼安風聽秋疑蠡葉語露架夜憶虬柯垂須臾
掩卷何所見月落庭空無影時

喜虛碧自龍虎歸

雨巾風帽別眞師，雲滿天壇駕鶴遲。
雲佩山圖行幾日，棋逢仙客看時多。
丹房芝朮春英長，玉洞煙霞夜夢離。
定有壺公遠相送，瓢中添著幾篇詩。

琵琶亭

聽徹哀絃淚兩行，香山居士未心降。
當年杜老吞聲哭，恨不相逢在曲江。

雨蓬爲吟友題

家分半席並鷗眠，興墮吳頭楚尾天。
機杼曉聲柔翠寒集

翠寒集

四十

汲古閣

樽月簾帷暝色片，帆煙魚龍窟宅同。
春夢雞犬圖書當夜船，咫尺五湖晴景好。
釣竿閒在草堂前。

昭君曲

毡城萬里風雪寒，妾行雖危漢室安。
漢室已安妾終老，妾顏寧慮豈長好。
漢家將相多良策，更選嫔嬙滿宮掖。
單于世世求和親，漢塞自此無風塵。

虎丘

吳晉豪華冷劫灰，竺乾金刹壓崔嵬。
玄黃半夜虎精泄紫翠，一峰蒼背來池水。
暗通浦海入巖扉，寒

枕白雲開輪蹄未散，鬼吟寂萬壑松風僧定回。

送金華黃晉卿之諸暨州判官

清

夫子今衡鑑，斯文屬在茲。
擅場年鼎盛，抱業器瓌奇。
鴟鵂薦嶺頭，角鴳遷奮羽。
儀詞源傾渤，解筆陣環蛟。
螭太極鉤深賦，先儒射策辭。
秋闈前決勝春榜，後名馳激切波。
瀾立鏘鏘物象危，光芒牛斗宿標格。
鳳凰池袍色宮花稱，才華制草宜馬騎。
會杏苑臚唱果丹墀，王事勤州佐官聯。
遍郡麾談經猶寶地，視篆必瓜期。
漸覺要章寵徐看，利澤施治應黃

翠寒集

四十一

汲古閣

霸最民定邵棠思，郢雪聆高調。
郁雲喜近披，晚陪靈運展。
早訪董生帷，梓匠寧辭斲。
枵材忝辱知塵凡，勞點化傳玩。
指瑕疵我，自哀王粲伊誰說。
項斯碧山招未隱，白髮病相欺。
歲晏空江急，風迴落木悲。
雨來孤枕夜，夢別故人時。
留滯飄蓬梗，攀援折桂枝。
願言多善政，尚得播聲時。

觀沈氏盆開雙蓮花戲作

一枝傾國又傾城，笑並香腮百媚生。
湘浦二妃窺寶鏡，星宮雙六下銀泓。
金波影儷嬋娟巧，玉露心

分沉澁清曾向鷺鷥屏上看野花空得合歡名

送宗上人遊金度

別傳

千峰亂水上一榻到應分古像焚香禮衆鐘出定
聞瓶離劔池月錫入林陵雲好去北山住草堂休
勒文

吳中菊花盛開

菊花三百六十種處處名園花不同安得化身千
百億一花看取一吟翁

悼郭祥卿錄刊

麟孫

翠寒集

四十二

汲古閣

燕臺氣集汾陽裔赤驥騰驤彩鳳飛吏執晚淹彭
澤米酒錢春典杜陵衣西山手板情還適東里角
巾身不歸空有遺文落人世朱絃聲絕賞音稀

題玉環聯轡圖

緒袍紅映縷金衣笑並花驄酒力微試問六龍西
幸日有人曾侍翠華歸

閱張上卿仙遊錄

漢祖龍飛日真人豹隱中綸音來蜀北驛傳起江
東聖德深弘教玄門厚植功垂衣軒帝治問道廣

成風獸夢符坤極鴻門連震宮雨敷皇澤意雪應

紫宸衷白玉刊章重黃金範樞雄制詞天藻疊冠

佩露華濃宣室繁釐受高棟敬祀恭嚴齋迎景祚

正念格晨穹宇宙樞機運雷霆寂默通扈驂鑒從

近恩賚上方隆裔演留侯系經開柱史蒙五朝膺

顯渥百辟仰精忠宗威勲封盛師生祿秩崇力辭

君九錫首邁爵三公第宅仙官府逍遙綺皓翁漆

園春未老蓬島藥何窮詔下瑤京鶴神昇絳闕虹

自期冲舉去誰識壽齡終霄駕煙霞遠星壇杖屨

翠寒集

四十三

汲古閣

空圖客曾翰苑遺蹟諶崆峒太上元無象微謚詎
得工獨存清淨化爲國致年豐

答無住上人

隱去看看白髮新草堂資盡僕生塵五陵亦有聞
相識只把黃金笑買春

吳江石橋新成

五色何年補浹寥百弓無地駕瓊瑤老龍千尺臥
寒玉雌霓半空橫彩綽天路行看星象逼江濤怒
息水犀驚騎駭便欲超銀漢直踐台階抱斗杓

潤明像

環堵蕭然瓢屨空不詳姓字一衰翁此身自謂義
皇上却墮人間人畫卷中

答馬懷秀兄弟見訪

移家連晚歲屏跡值春寒舊業遺松逕幽棲遠杏
壇數椽容膝易五斗折腰難有客來排闥無人爲
整冠諷詩稱鮑照臥雪念袁安下里誰余和高山
爾自彈迎門展齒折扶病帶圍寬乍喜交時彥相
尋到冷官隣驚都騎盛僕出草堂看光價連城壁
翠寒集

四十四

汲古閣

風流荏苒蘭老嗟傾益晚貧覓布衣單午甌添茶
具煙衰罷釣竿傳呼聞杜曲榮耀滿江干文雅多
欲艷殷勤少接歡長鯨鉤上掣巨闕匣中蟠筆力
千鈞弩襟懷百丈瀾藉通金馬選詔待紫泥乾樂
毅曾強趙夷吾遂霸桓貴應聯萬石功定服三韓
留取刊彝鼎勲名未汝闕

太白扁舟圖

錦袍煙艇夜郎西酒思金鑾入直時不道相思杜
陵老愁吟落月屋梁詩

兩夜懷虛碧

共有煙霞疾襟期江海分故人年老別寒兩夜深
聞地肺潛通嶽我肩秀拂雲何時負芟去稽首五
千文

清明病中

少年令節醉花前老病花前服藥眠自檢銅人試
榆火午臙燒艾起新煙

簡無功

種種念余髮垂垂懷老禪公卿既無分巾盞欲隨
翠寒集

四十五

汲古閣

綠布襍雲門寺銅瓶雪竇泉他年調水估鼻孔不
煩穿

春歸

釀蜜筒香蜂報衙杏梁泥歇燕成家浮萍斷送春
歸去盡向東流載落花

漁莊爲魏濟民賦

彭澤歸來菊未荒便投簪綬弄滄浪一蓬煙火尊
鱸興軟畝茅茨橘柚香霑迺幾時歌古調蓮條何
處避殘陽釣閒若枕圖書臥應被人稱是墨莊

雪夜有懷

雪壓孤裘醉玉京夜聞歌吹到天明
寒牕病起今頭白始聽春鶯食葉聲

竹枝詞

莫折閨門楊柳條帶將離恨過楓橋
向道春愁不禁蕩蘭舟長放櫓輕搖

唐宮詞補遺

海內昇平服四夷遠邦貢物盡珍奇
近頒手詔俱停罷獨許南方進荔枝

翠寒集

四十六

汲古閣

又

麗朝輕輦駐花邊催喚黃門住靜觀
三十六宮人笑語上前爭索洗兒錢

又

昭陽仙仗五雲中遙聽笙簫起碧空
夜半月明人望幸君王自在廣寒宮

又

宮娥隨駕蜀山迴春日還從內苑來
聞道上皇憂廢食御前休報海棠開

吳白解嘲

吳霜兩鬢早先秋聞道愁多會白頭
溪上鷺絲潭似雪想應無那一身愁

大禹祠

力平水土勢回天功業三千五百年
四海九州皆禹跡獨留陵寢越山邊

青衣洞隱者

清泉自盥沐巾髮不冠巾看盡世間事
爭如林下人嘯雲崑崙谷應坐石鹿麋親
莫棄茅菴去白桃花

翠寒集

四十七

汲古閣

又春

西湖所見

綠闌干護水鱗鱗蘇小門前柳弄春
聽得語聲嬌不見隔簾伴喚賣花人

貞義女廟

貞女浣紗日行人去國悲生前漂母餽
身後謫仙詞白月沉魂在黃金報德遲
如何孟少府到此不題詩

題詩

題許山人居

茸茅栖碧熾梯路上雲危樹影池挂曲泉聲石礙
遲鳥叩九龍藥復拾着殘棋見說仙家伴時來覓
紫芝

江東客中

詩人不是欠生涯野性從前嬾在家冷眼春來元
有分看山看雪看梅花

林陵晚眺

天塹鴻流擁積沙石城虎踞護雄誇山陵青草六
朝地巷陌烏衣百姓家紫蓋黃旗消王氣瓊枝壁

翠寒集

四十八

汲古閣

月弔庭花孤雲更作降幡勢目斷樓船日又斜

田間見

破屋無茅柱脚斜一農頭白病看家年來水滂秋
難持却飭湖塍種藕花

公子家

朱門當道擁高槐拂曉鳴騶散乳鴉紅叱撥驕矜
墮匣黑昆崙點解琵琶姬將銀蠟燒明月大帶金
鈴臥落花不信銅駝荆棘裏百年前是五侯家

宮詞

月照芙蓉水殿秋仙韶一曲奏涼州高皇尚愛梨
園舞宜索當年菊部頭

又

條脫金寒翠袖水半車夢裏聽輶輪聲薰爐宿得沉
香火暖却春纖暖玉笙

姑蘇臺

妖艷分明構禍胎黃金瓊麗更危臺笙歌夜倚東
風醉粉黛春從南國來原草翠連行輩跡野花紅
發舞衣灰豪華肯信今爲沼煙水翻令後世哀

翠寒集

四十九

汲古閣

長卿

一病文園渴思深祗應惆悵爲鳴琴老來減盡瘦
雲氣却賦長門易酒金

席上贈歌者

十足吳綾賞水新一聲歌歇杏梁塵家徒四壁門
如水那得明珠換美人

垂虹亭秋日遺興

滿袖玉皇香紫煙綵霓背上俯晴川紅黃霜樹珊
瑚海黑白雲花玳瑁天玄圃空離樓十二丹墀罷

對字三千吟豪醉蘸吳江水寫與騎鯨李謫仙

阿房宮圖

千門萬戶盡青真六國脂膏四海兵豈但此中非
帝業當時猶更有儒坑

送牟都事景陽赴浙東帥幕

應復

蜀郡方齊魯文翁邁儒賢箕裘承憲業星宿近台
經宇宙汾陽鼎風雲祖遜鞭闔威分海微節制控
閩川餽餉功曾立廉能蹟屢傳儒冠真擢武帥府
重芳年參畫旌麾右馳驅將相前豪揮驚草檄燕
罕寒集

五十

汲古閣

集見華篇吏牘分占授軍機妙轉旋百蠻元震聳
諸校益貞堅訓練群材進鈞陶衆彥遷柳營兵鎮
肅運幕綏光鮮除內恩終許安邊詔必憐酒客山
簡醉騎思葛強聯日月新堯曆車書舊漢天楊雄
兼賦頌嘉什到甘泉

驛綱圖

劍閣清塵犯屬車綱羸馱得荔枝無却嫌畫史才
情少不作承平舞馬圖

初夏別業

別墅清深無俗人蛛絲曉戶網遊塵綠陰鏤日新

歡夏紅雨壓花故惱春病去情懷逢酒惡困來天
氣與茶親壁間烏帽長閒却肯學陶家戴漉巾

燕

街得香泥去花間日午時玉人方睡起莫訝卷簾
遲

謝僧遺石鎗

遠寄奇鎗紫玉形寒翁歡喜欲鐫銘茅峰道士傳
茶訣林屋山人送水經崖瀑松風添瑟縮地爐槐
罕寒集

五十一

汲古閣

火共青茱矮瓶未整長鏡健且傍雲根飽茯苓

荷錢

拾來虛費藕絲穿暴富池塘積萬千人世不平如
買得夏天那有益鷗眠

春日野步書田家

翳日橙陰翠幄遮封園高下夾枰斜陂塘幾曲深
淺水桃李一溪紅白花楨尾自跳魚放子綠頭相
並鴨眠沙春郊景物堪圖寫輸與煙樵雨牧家

客燕兩懷

郡門飛雨布袍泥遊子魂銷幾夢歸賦有聲華羞
狗監淚無氣繫笑牛衣客愁萬斛添杯量春瘦三
分減帶圍不似江南煙艇小柳花如雪荻魚肥

寒食

十日花時九雨風年年百五病愁中春寒不禁香
篝火紅蠟青煙憶漢宮

舊內臣家老馬

罷直奚官雪滿腮少年曾扈上之回金砧戍削蹄
多裂玉秣辛酸齒半摧首舊地開春草遍葡萄宮
翠寒集

五十二

汲古閣

廢野花開病嘶破檻秋風夜猶憶先朝較獵來

盤婦

搔得新絲白將來織素練自慙非錦綺尙被舞人
嫌

端石硯

千年岳璞斬新硯一片琳腰截紫青雲漢帶星來
玉匣墨池蒸雨出滄溟煙開霧歛水晶彩海靜江
澄地典刑要與陶泓作佳傳老磨松液寫黃庭

東風

東風吹綠上汀洲染出江南一片愁長到春來問
芳草不知何地可忘憂

無題傷李商隱

粧淡顰深凭綺疏小郎新拜執金吾絃中言語分
明怨網上腰肢準擬扶翠履驚寒備闔紅牙馬
暖罷樽蒲無人商略心頭事潛向花間卜紫姑

早鄉田父言

疲牛病喘餓桑間碌碌閒眠麥地乾殘稅驅符兒
子去豆畦却倩草人看

翠寒集

五十三

汲古閣

雙陸

金樓紋桑斲局堅紅雲倒浸一池蓮星環紫極無
多點月印銀潢有兩弦行采砧聲鳴素練計籌花
片落牙錢箇人慣受單棲苦長爲歸遲訝綺筵

秣陵寓居

荒園日日涉蓬蒿破屋年年益把茅向石側生花
倚勢綠牆直上豈攀高歸兮春草蕪三徑老矣松
風有二毛莫笑家貧拙於事長髯能壓柞頭梢

春病起卽事

壯懷玉具劍空攜老去金門獻賦遲服藥身軀多
病日養花天氣半陰時愁鄉塵積瑤琴徽夢境寒
生翠被池春事幾何公事急可憐蝴蝶掛蛛絲

成贈

孟能靜席上出四物分韻得牙背爬花字詩
天女纖纖罷散花嬰兒一掌玉藏瑕寒生鈎弋兩
三指春屈柔莢四五芽骸垢有瘡膚起粟臂風無
力手長麻老夫技癢頗消遣休忤仙姑打蔡家

蘭

翠寒集

五十四

汲古閣

分向湘山伴野蒿偶并香草入離騷清名梅出群
芳上不入離騷更自高

許山人家

桐君種藥隱衡阜竹祖生孫共養高茶脚碧雲凝
午枕酒聲紅雨滴春槽休糧貌古添清瘦餌米身
輕長綠毛仙詔未頒遲拔宅家資猶戀一溪桃

答無功歲暮見寄

豆楷灰動擁爐天品字煨殘骨拙煙詩草病多刪
枕上眠花書久廢燈前老依蕭寺僧留宿相對蒲

團夜不眠筋力漸衰餘習在夢中去趁暗門船
書趙集賢詩翰後

九天宮闕鬱嵯峨公昔騎龍上大羅文在玉堂多
煥爛泪經銅狄一滂沱原陵禾黍悲鄴鎬人物風
流繼永和今日吳賦拜遺墨只堪哀怨不堪歌

司馬園叙生平警向如人家寒食月花影千
時天又如得如如添健健忘年少似憶良
朋云：即今郊島操觚然不免斷報頤而六
一字既饒馮海粟子虛詩序括出若干換新

翠寒集

五十五

汲古閣

承驚人不豫表聖聖氣寧安全集讀之淚、
如瓶歲煉年左然出之甚易質之而家老姬
庶尔解頤丘前每唐人吳元人不善也烟
南毛晉識

翠寒集

終

倪雲林先生詩集目錄

卷之一

四言

義興異夢篇

至正十年十月廿三日余以事來荆溪重
居寺主邀余寓其寺之東院凡四閱月
待遇如一日余將歸乃命大覺懺除垢
業使悉清淨乃爲寫寺南山画已因画
說偈

雲林詩集

目錄

汲古閣

題画上

五言古詩

春日雲林齋居

次韻懷張外史

雨中寄孟集

聽袁子方彈琴

贈天寧福上人

十一月十七日過與之洛澗山居留宿忽

大雪作及明起視戶外巖岫如玉琢削

竹樹壓倒逕無行踪飄瞥竟日至暮未
已雪深尺餘因賦詩園別

爲方厓画山就題

奉謝張天民先生

夜泊芙蓉洲走筆寄張鍊師

蕭閒道館聽袁南宮彈琴是日風雨蕭然

有感而作

送高太守之秦郵

蕭閒館夜坐

雲林詩集

目錄

汲古閣

和荅吳寅夫對雨見懷

走筆次陶逢韻送葉參謀歸金華

雙寺精舍新秋追和戎昱長安秋夕

偶成

次韻曹都水

贈錢鍊師

送甘允北上京師

寄段吉甫

送章鍊師并寄鄭有道

玄文館讀書 有引

述懷

題驪山圖

蛛絲網落花

冬日窗上水影

雪泉爲王光大賦

丙子歲十月八日夜泊閬門將還溪上有

懷友仁陸徵君

聽袁員外彈琴一首 有引

雲林詩集

目錄

汲古閣

早春對雨寄懷張外史

懷寄強行之常州學官

三月六日同李徵士遊禪悅僧舍禮上人

出柯博士所賦詩以示僕而博士君歿

已二年展誦爲之懷斷因次第其韻於

後

戊寅十二月丹丘柯博士過林下賦詩次

韻酬答

己卯正月十八日與申屠彥德遊虎丘得

客字

古詩二首奉送友仁賢良之京師

江陰袁仲徵作軒名貫林日夕嘯咏其下

至正十二年二月廿四日訪余南蘭陵

寓舍徵僕賦詩遂走筆成書不能盡道

軒中清事也

杜真人聽松軒

擬陰常侍一首奉寄劉祕監趙員外

玉壺中揀瑞香水仙梅花戲咏一首

雲林詩集

目錄

汲古閣

秋夜賦

述懷

泊舟一首

贈王光大

次韻答友生

次韻姑蘇錢塘懷古六首

贈惟寅

送惟寅

貞松白雪軒分韻賦 有引

對春樹

送致用游閣

送馬生

寄楊廉夫

寄李隱者

寄韓介石

次韻呈張德常

朱火

黃本中書齋爲寫寄傲窗圖

雲林詩集

目錄

汲古閣

爲徐有常畫湖別墅

寄穹窿主者

題原道西溪草堂

煮石山房

画竹贈以中

題墨竹送顧克善府判之高郵

入郭

聽錢文則彈琴

題画贈岳道士

贈王仲和

訓張德機見贈

贈張士行

贈友生

九日過彥行用韻一首

又賦

画竹贈徐李明

對酒

贈野處民

雲林詩集

目錄

汲古閣

龍門茶屋圖

靈鶴辭

画贈呂志學

画竹贈志學

荅張鍊師

画竹寄友人

陸德中新雨有感

臥病

次韻全希言

次韻張伯琦

酬友生

贈陸有恒

尋友人不遇

啄木

次張仲舉韻

薛常州讓田詩

贈友

潘公鳴皋軒

雲林詩集

目錄

汲古閣

西老圖

爲張來儀賦匡山讀書處

吾友陸友仁甫舊得古銅印一紐以示余

辨之文曰陸定之印以名其子而字之

曰仲安友仁旣沒仲安求爲賦焉

惻惻行

有引

瞻雲軒

有引

張尊師祠醮感致瑞鶴

題趙若巖龍山精舍

池蓮詠

送陳惟允之金陵

徐氏南園對雨

題畫贈九成

早春對雨寄張外史

正月廿五日賦

貽張玄度林宗道

次韻別鄭明德

重改春日雲林齋居

雲林詩集

目錄

汲古閣

卷之二

七言古詩

送徐君玉

寄張徐二秀才

十二月七日岳季堅夜坐走筆書贈

爲曹僉事兩溪山春晚圖因題

奉道曹文貞公墓道奉先亭

古意一首次韻答曹德昭

歲已酉八月十四日寓甫里之野人居劉

君元暉邀余酌酒快雪齋中對月理詠

因賦長句

劉君元暉八月十四日邀余玩月快雪齋

中命余詩因賦

苦雨行

延陵道

餘不溪詞二首

有引

醉題許生敗壁

陸隱者禱雪獲應

雲林詩集

目錄

汲古閣

醉歌行酬李徵君春日過草堂賦贈

有引

送潭州魯總管

題曹雲西画松石

趙千里扇上寫山用鄭山人韻題

鄭有道隱居果鴻山因寄

題柯敬仲竹

江南曲

賦耕雲

泥滄浪

對梓樹花

恒德堂

画竹

贈季丙卿

題王元用秋水軒

賦清隱閣

題画

画竹贈王允剛

次韻鶴詩

雲林詩集

目錄

汲古閣

寫墨竹贈顧友善

賦琴齋硯

康素子雜言一首

画寄王雲浦

趙榮祿馬圖

贈丁醫士

寄徐元度

送錢成大赴淮南

奉寄沈理問

蟬竦一首

題畫贈呂彥貞

賦許君震杏林小隱

郭文顯善推人禍福神驗賦贈

姚節婦詩

李徵君將還揚州因言沈郎官吳中賦此

以寄

送潘生適越

秋鶴軒

雲林詩集

目錄
十一

汲古閣

送顧生歸四明

題陳氏齋壁

宿薩判官家聽琴

十一月廿三日率性德原共載過林下而

余適不在遂返棹竟還明日詩來因次

韻重邀之

至正十三年三月四日同章鍊師過張先

生山齋壁間見柯敬仲墨竹因懷其人

其詩文書畫鑒賞古跡皆自許爲當代

所少狂逸有海岳之風但目力稍短

耳今日乃可得耶

贈陸子華

贈顧定之

贈丘氏兄弟及周生

贈陶得和製墨

丙午十一月十九日避卻上丁未十二月

十六日始去此至陳溪分湖間矣因寫

喬柯竹石并詩

雲林詩集

目錄
十二

汲古閣

卷之三

五言律詩

與張貞居雲林堂宴集分韻得春字

用虞道園韻奉贈謝長源

題張德常良常草堂二首

贈王生蒙泉

俞子中見過

賦平野

對雨次張貞居韻

奉荅明卿先生

題張氏藜竹軒

遊善權洞

贈簡上人

友人期過寺中不至

義興吳國良用桐烟製墨黑而有光膠法

又得其傳將遊吳中以求售輒賦詩以

速其行云

贈墨生

雲林詩集

目錄
十三

汲古閣

題方厓墨蘭

送徐元度還江西

秋日贈張茂實

悼朱高士

雲槎軒

寄王叔明

悼項山清上人

賦德機徵君荆南精舍圖

追次唐綦毋潛宿龍興寺詩韻寄方厓

又贈道益

又贈道益并似陸明本

送宗天章歸廬山

贈公遠

贈道士王宗晉

贈剡九成

邀張彥高

用韻重寄

寄張德常

雲林詩集

目錄
十四

汲古閣

三月十日義興王子明送竹籜賦詩

高進道水竹居

張天民溪亭

送王叔明

積雨

賦雪蓬

孤雲用王叔明韻

二月十六日賦

寫山陰丘綏圖寄趙士瞻

賦雪舟

題李遵道山居圖

寫秋林遠岫圖贈約齋因題

次韻酬荅謝參軍王長史二首

贈友生

題画

荒村

七月十四日對雨一首

寄虞子賢

雲林詩集

贈沈文舉

爲文舉画御山圖因題

己酉八月廿三日雨至廿六日乃開霽賦

五言呈德常

徐伯樞婦耘軒

用蔡齋韻張韓二君

賦謝王葵齋

次韻酬蔡齋見詒二首

画竹寄王葵齋

聽雨

画寄王雲浦

雨几

題丘氏壁

三芳圖

画江天晚色贈志學

桂花

荅雲浦

題墨竹贈李文遠

雲林詩集

送僧

垂虹亭

三月四日邂逅德方郎官九成豫史於荆

溪之上相從及旬而別因九成徵余画

并賦詩爲贈

又題画贈九成

算春期潘徵君不至

寄徐仲清

送李徵君遊荆溪因寄王司丞

目錄
十五

汲古閣

目錄
十六

汲古閣

題画贈張玄度

爲唐景玉画丘壑圖并賦

稽山草堂爲韓致因賦

五雲書屋

画竹贈王光大

題漁樵友卷

題画贈王仲和

荅光大

画竹寄張天民

雲林詩集

題元朴上人壁

目錄
十七

汲古閣

挽張德常

寄章心遠

寄張景昭

寄東白上人

画吳松山色贈潘以仁

贈友

贈陸隱君

卷之四

七言律詩

北里

山園

林下

林下遺興

春日

二月十日玄文館聽雨

對雨寄張伯雨

雪後過陳子貞隱居

雲林詩集

目錄
十八

汲古閣

吳門賦謝陸繼之黃柑紫蟹之貺

送甘允從

送徐元度

寄鄭徵士

荆溪卽事

奉懷張外史

次韻薩天錫寄張外史

送張外史還山

次韻陳子貞見示

寄鄒九成

顧仲贊來聞徐生病差

雨後

以龍尾硯寄錢徵士

鶴溪爲張天民賦

聽秋軒

次韻重居寺壁間柯博士舊題

初書記以詩來別且諄諄開諭深見方外

之情因走筆次韻奉謝併期面別

雲林詩集

目錄
十九

汲古閣

鄭明德新居

悼項山清上人

晨起一首寄丹丘

寄張貞居

送貞居還山

再用韻寄貞居及柳太常鄭有道

次韻鄒九成見寄

題米南宮石刻遺像

賦居延王孫德新小隱軒

送浙憲掾劉彥文并簡張貞居

寄吳孟思并懷貞居

寄王叔明

戲題嚴錄事所集書圖藏

薩仲明爲丞相府掾時僑居京師名其軒

曰半野後買宅延陵亦揭是名於軒因

兩宿其下遂爲賦此

次韻和德原率性所賦十二月四日雪

贈葛子熙

雲林詩集

目錄
二十

汲古閣

題荆南精舍圖

賦德機荆南精舍圖

贈別益以道書記

辛亥六月三日寓質性源禪房爲寫竹梢

因賦三首

送寶南琛往住荆溪碧雲寺兼柬方厓

八月三日與劉道益連床夜話風雨淒然

五日開齋道益賦詩見貽次韻一首

俊仲明以詩見示次韻

別彥貞

畱別王叔明

別張玄度

挽鶴溪張先生

送張以中繇宜興歸金壇

西野對雨清坐有懷明本彥準并呈道益

過蘭陵畱宿蔣達善家

甘允從來過溪上將還收寧賦此奉送

送盛道士遊浙東

雲林詩集

目錄
二十一

汲古閣

送倪中愷入都

春日送別余一秀才

賦王真人胎仙樓

奉和虞學士寄張外史

奉和苦雨

奉和虞學士賦上清劉真人四像

再和前韻

寄曹德昭

再寄

春日試筆

送簡禪師易道

題曹伯高爲曹尚書之子卜居詩卷

雲泉小隱爲張德機賦

送盧錄判之建寧

寄張天民

贈張景昭

寄陸靜遠

題趙榮祿墨竹

雲林詩集

目錄
二十二

汲古閣

李文遠製墨次吳寅夫韻

張貞居有詩東梁鴻山楊君次韻

用王叔明韻題画

居竹軒

送芳祖二上人參禮育王寺光公

宴吳氏樓居

岳王墓

九日

送張鍊師遊七閩

首夏卽興呈貞居

杭人有傳余死者貞居聞之愴然因賦此

以寄二首

奉次張伯雨潘子素酬和韻

再和有引

送盛高霞

寄高霞

宿清流堂

贈君震

雲林詩集

目錄
二十三

汲古閣

贈張楨

題畫貽王光大二首

寄白石

寄張德常

送德常同知

次韻奉荅德常別駕初夏見懷一首

題張以中野亭

贈惟寅

題孫氏雲林小隱

陽春堂

送杭州謝總管

上巳日感懷

蕭從善集其師張外史詩爲賦一首

贈張玄度時方喪內

三月廿二日雨懷荆溪勝遊寄原道

二月晦日聽劉伯谷彈琴

次韻送梁生讀書沈庄

酬友生

雲林詩集

目錄
二十四

汲古閣

次韻思復送元白上人往中竺

寄錢伯行

次韻張榮祿追和楊別駕賦王番陽東湖

勝遊四首用呈雲浦耕雲二月公

桑柘

謝伯理東還訪之不遇次韻因賦

喜謝仲野見過

丙午十一月十九日避渚上丁未十二月

十六日始去此至陳溪分湖間矣

寄錢伯行

寄王成夫

寄陸明本索酒

乙未歲余年適五十幼志千學皓首無成

因誦咎人知非之言慨然承歎設賦長

句

贈王文靜

在同里懷元用

次韻答元用

雲林詩集

次朱秉中韻

贈張玄度

題本中峰觀蓮像

寄熙本明二首

用王子明韻

寄盧士行

送徐子素

題画送僧

綠波軒

又題

次韻寓齋秋懷三首

追和虞道園送張伯雨入茅山詩韻

東林隱所次韻

寄張府判

有引

夜宿張判府環綠軒贈玄度

呈良常安遇賢伯仲

三月一日自松陵過華亭

再用前韻呈錢思復

雲林詩集

再用韻呈諸公

贈劉伯庸

贈別姚子章都事

四月廿八日蓬屋題

子章號夢菴走筆題

贈友生

次韻答王彝齋見贈

寄朱府判

和朱秉中二首

目錄
二十五

汲古閣

目錄
二十六

汲古閣

題王敬之屋壁

贈周校書

過桐里

寄陳余二校書

贈別榮子仁

次韻邵生

贈姚掾史

別韋鍊師

寄養正

雲林詩集

目錄
二十七

汲古閣

贈岳松澗

次韻屋漏

送張貞居遊靈常洞兼簡王晉齋

陸文玉見過

送諸從事之越中

送僧遊天台次張外史韻

過許生茅屋看竹

送葉道士東歸分得懸字韻

送柳道傳東歸

寄開元長老兼呈鄭明德

贈道士李嘯虛

失鶴

送韋鍊師入京

贈楊大同

江上遇楊德朋

寄德朋

寄友

馬國瑞東臯軒

雲林詩集

目錄
二十八

汲古閣

次韻通書記同過鄭先生舊宅

清明

溪山勝槩樓

和華以愚韻兼題所西春山高士圖

寄王明卿

送霞外師過磧沙寺因寄鄭博士穀長老

次韻錢忠復見貽

贈墨生吳善

風雨

宿普度僧舍

寄周履道

曲彥遠寄茗異賦此道謝且求致梨栗木

瓜

寄徐季明

三月廿二日雨懷荆溪舊遊寄原道

乙巳三月七日清明風雨憤憤因成長句

次韻贈林泉民張孟辰

故吾一首

雲林詩集

目錄二十九

汲古閣

寄顧仲瑛

病中懷先友華陽外史用韻一首

兩中在林氏賦贈徐生

寄陳庶子

婦錫麓

送葉道士再用懸字韻二首

學書

贈范堦

題鄧氏扇上

二月二十日大風

寫画贈潘仁仲醫師

贈沈生賈墨

有引

卷之五

五言絕句

題臨水蘭

二月廿二日潘子素王叔明來慰藉臨別

爲寫水傍樹林圖

題画與溥泉

雲林詩集

目錄三十

汲古閣

玄洲倡和十首繼趙魏公張外史作

菌山

羅姑洞

霞駕海

鶴臺

桐葉源

玄洲精舍

紫軒

隱居松

玉像龕

題自画

夜作古木怪石因題

雨竹

竹石圖

寄友

題画

菜圃

題秋亭曉色圖

雲林詩集

目錄
三十一

汲古閣

春江獨釣圖

墨竹

六言絕句

題良常草堂圖

題画

田舍二首

爲曾高士画湖山舊隱

南村草堂

雲溪佳處

題竹圖

題画

己酉八月廿六日漫題

題溪山雪霽圖贈張以中

題画六首

燕乳一首

画竹

贈潘仁仲

卷之六

雲林詩集

目錄
三十二

汲古閣

七言絕句

村居

絕句四首次九成韻

絕句三首

画贈馮文仲

寄安遇

題玄會菴壁間

追和戎昱寄許鍊師

雙井院前小立

雨晴

王季野示余米元章詩卷因次韻三首

題竹樹圖二首

次韻曹都水二首

惠麓小隱

次韻春兩四首

水仙花

絕句

拜石圖

雲林詩集

目錄
三十三

汲古閣

賦宜遠樓

別潘先輩

懷曹都水

贈墨生吳善

宿玄文館

奉荅范徵君雲林見懷

三月五日爲吳溥泉画窠石平遠并詩

爲原道題画

題張以中画二首

吳采鸞像

用陳子員韻題画

舟過梁溪

宿義興先太初上人房二首

雪中折枇杷花寄吳寅夫

雪不止重寄

爲吳處士画喬林礪石

張外史素不善画醉墨戲寫張洞奇石頗

一種逸韻德明裝演成卷走筆爲賦

雲林詩集

目錄
三十四

汲古閣

重送初上人參禮光公二首

對雨遣懷

寄友

次韻題高房山画卷

題趙榮祿楷痒馬圖次陳先生韻

竹枝詞八首

有引

題雲林小景圖

後數年復用韻題

題画

題來禽筠石圖送高霞還玄元館

寄德常別駕三首

題画

題陳仲美画次張貞居韻二首

連雨

吳中

爲堯原道題竹木圖

九日登華氏溪亭

寄曹都水

雲林詩集

目錄
二十五

三月廿日題所寓屋壁

鄰牆桂花盛開

六月五日偶成

題寂照蔣君遺像二首

正月廿六日漫題

二月十五日雨作

雅宜山詩

有引

送徐仲清還毘陵二首

六月十一吉祥菴題

二日又題

十三日雨窗排悶二首

十六日雨晴

七月二十八日過丘氏林居秋風驟然

至算大作終夜不息因成小詩

松陵一首

二月六日南園四首

秋客軒四首

松雪馬圖爲原道題

雲林詩集

目錄
三十六

題墨萱

二月十九日夜風雨凄然南渚旅寓篝燈

與端叔共坐因念兵戈滿地深動故山

之思遂賦

題曹雲西画

鵝次韻題二首

雜賦絕句五首

贈通上人二首

題画竹

汲古閣

題李光祿墨竹

題宋仲溫竹枝

荅陳謝二參軍王長中五首

題画與強仲端

題靈巖寺壁

船中

題墨竹

爲德常寫竹枝

拜石圖爲王文靜題二首

雲林詩集

目錄
三十七

画竹與張元實

寄張德常

吳仲圭山水

題画贈崔子文

睡起

戲贈大雲

題画竹

王叔明画

因廬山甫便寄曹德

李伯特画

画竹

商學士画次張外史韻

贈金纈翁製爪簪

環綠軒

題画贈原道

與錢伯行宿樓雲堂

人我二首

爲仲章寫竹石

雲林詩集

目錄
三十八

次張師道韻

題画

柯丹丘梅竹

用潛子素韻題柯敬仲墨竹二首

題画十一首

寄陸鍊師

寄張處士

題幽篁古木圖爲文靜徵君賦

題李遵道枯木竹石

寄人

題圖竹贈西溪處士

贈曹德昭

題圖贈單君

贈沈掾

寄王簿

順逆

次韻題黃子久畫

烟鶴軒二首

雲林詩集

目錄
三十九

贈張德常二首

汲古閣

客舍詠牽牛花

調玄度

清明後題

再用前韻呈錢思復

再用韻

鶴盈軒西芍藥欲紅矣戲成絕句奉呈雪

林隱君求折二枝

聞鴨鳴

四月七日雨

追和蘇文忠墨蹟卷中詩韻八首

別陸氏女

題圖

六月九日過以中野亭賦

雨後

題圖贈王允同

江上

二王遊騎圖

雲林詩集

目錄
四十

謝筆

聞竹枝歌因效其聲二首

高尚書圖竹

看花仕女圖

剖瓜士女圖

王都事家聽周子奇吹笙

趙魏公蘭

管夫人圖竹

樹石小景

汲古閣

墨梅

題雜圖五首

題圖二首

寄人

懷呂君

寄人

烟雨

仲穆馬圖

墨水仙

雲林詩集

目錄
四十一

汲古閣

絕句二首

十月

贈玄客

松澗圖

寄友生

題陳惟允畫

春雨

寄王叔明

寄韓伯清

題趙承旨墨竹用張外史韻

晚照軒偶題二首

醉後贈張德機五首

贈僧

題張元播扇

題畫

一畝竹贈申彥學二首

青山

原上人

雲林詩集

目錄
四十二

汲古閣

題木石贈丘志

贈伯清

題畫

偶成

荆溪秋色圖爲卜養亭題

爲潘仁仲寫梧竹草亭

羔羊一首

己酉元日題徐氏南園壁

六日題

章堯草堂圖

題彥貞屋壁

絕句

題画次韻二首

正月八日宿禪悅僧舍題趙榮祿馬圖

画贈王生

題画

題画贈盧山甫

白石先生古貌古心輕財而重義實生於

雲林詩集

目錄
四十三

汲古閣

吾後之師令人寤寐不能忘但幽居默

如潛逃則殊令人憤憤耳昨茸辱醉中

詞翰讀之洒然也因次韻二首希一笑

柯丹丘梅竹

絕句

題画

松雪馬圖

贈潘仁仲

題画竹

附錄

雜著

鶴溪先生画像贊

趙士瞻小像贊

陳天倪處士画像贊

王季野画像贊

良常張先生画像贊

謝仲野詩序

陳惟寅餞屋疏

雲林詩集

目錄
四十四

汲古閣

題良常草堂疏

題画

懶遊窩記

書画竹

跋環慶王氏所藏趙榮祿六帖

忠靖王廟迎享送神詩有序

樂府

清平樂在荆溪作

凭欄人贈吳國良

人月圓二首

太常引傷逝

殿前歡

水仙子

折桂令擬張鳴善

又辛亥過陸庄

水仙子因觀花間集作

江城子感舊

柳梢青贈妓小瑯英

雲林詩集

目錄
四十五

南鄉子東林橋雨逢夢歸

太常引壽彝齋

鵲橋仙

鷓鴣天

如夢令

踏莎行

小桃紅二首

憶秦娥二首

江城子

蝶戀花

題雲林詩集後

題雲林先生小像

故元處士倪雲林先生旅葬誌銘

故元處士雲林先生墓誌銘

雲林詩集

目錄
四十六

汲古閣

雲林詩集目錄

終

倪雲林先生詩集卷之一

海虞毛晉子晉父訂

四言

義興異夢篇

辛卯之歲寅月壬戌我寢未興戶闔于室爰夢鬼
物黠淡慘慄或禽而角或獸而飛夔足駿奔豕形
人立往來離合飛搏跳擲紛攘千態怪技百出于
茲泊然抱冲守一廓如太虛雲斂無迹晨鷄既鳴
冠櫛斯畢涉庭而咏已化奚恤春風惟振亮月在
雲林詩集 一 卷之一 汲古閣

此群溺

至正十年十月廿三日余以事來荆溪重居

寺主邀余寓其寺之東院凡四閱月待遇

如一日余將歸廼命大覺懺除垢業使悉

清淨乃爲寫寺南山畫已因畫說偈

我行域中求理勝最遺其愛憎出乎内外去來住
止夫豈有礙依桑或宿御風亦邁雲行水流游戲

自在乃幻岩居現於室內照胸中山歷歷不昧如
波底月光燭盼睽如鏡中燈是火非詒根塵未淨
自相翳晦耳目所移有若盲瞶心想之微蟻穴堤
壞慨然一笑了此幻界

題画上

義興之山維水瀾瀾載遊載咏操觚挾几聊樂一
日百歲奚俟

五言古詩

春日雲林齋居

雲林詩集

卷之一

汲古閣

池泉春漲深逕苔夕陰滿颿咏紫霞篇馳情華陽
館晴嵐拂書幌飛花浮茗盃階下松粉黃窓間雲
氣暖石梁蘿葛垂翳翳行踪斷非與世相違真栖
久忘返

次韻懷張外史

緬懷蕭間館乃在華陽天燒香當陽谷濯纓向清
泉眞靈浮空至樓觀與雲連彈琴明月下飄飄舞
胎仙

雨中寄孟集

英英西山雲翳翳終日雨清池散圖文空林絕行
屢野性夙所賦好懷誰共語燒香對長松相與成
賓主

聽袁子方彈琴

蕙帳凝夕清高堂流月明芳琴發綺席列坐散煩
纓迴翔別鵲意縹緲孤鶯鳴一寫水霜操掩抑奇
餘情

贈天寧福上人

荆溪霜落後銅官日出初自櫛頭上髮更理篋中
雲林詩集

卷之一

汲古閣

書上人從定起咏言方繞除邂逅發微笑幻身同
太虛

十一月十七日過與之洛澗山居留宿忽大

雪作及明起視戶外巖岫如玉琢削竹樹

壓倒還無行踪飄瞥竟日至暮未已雪深

尺餘因賦詩留別

世途縈在再歲晏不知歸密雪竹林夜挑燈共掩
扉蕭條塵慮淨諷咏玄言微遇此巖中賞心事悵
多違

爲方厓画山就題

摩詰画山時見山不見画松雪自纏絡飛鳥亦閒
暇我初學揮染見物皆画似郊行及城遊物物歸
画笥爲問方厓師孰假孰爲眞墨池挹涓滴萬我
無邊春

奉謝張天民先生

鳴鴈將北歸裴回舊栖處江湖春水多欲去仍回
顧稻粱豈余謀繒繳非所慮猶爲氣機使暄冷逐
來去寥寥天宇寬彼此同一寓風萍無定踪易散
雲林詩集

卷之一

汲古閣

聊爲聚君看網中魚在茲猶相照

夜泊芙蓉洲走筆寄張鍊師

芙蓉猶滿渚疎桐已頌霜泊舟菰蒲中吳山隱微
陽因懷靜默士竹林闕玄房煮茗汲寒燭燒丹生
夜光憶與鄭郊輩閒咏步修廊時子有所適顧瞻
重荷祥庭下生苔蘚闢閭繙詩章奕勢鄭老勝酒
榼郊生將雅歌雜談諧列坐飛羽觴子歸日已晚
棗栗亦傾筐揮手輒謝別算宿荒城傍遲明趨所
期待子鄭公堂晨往送至昏企望徒悵悵乃嗟仙

眞取固非世所望惻惻理歸棹泛泛秋浦長還尋
甫里陸更醉山陰王素冠斯馳贈喜知終未忘余
茲將遠適旅泊猶彷徨微風動虛碧初月照石梁
曠望對清景賦詩托陳郎茯苓思同煮夜雨共匡
床

蕭開道館聽袁南宮彈琴是日風雨蕭然有

感而作

玉琴轉清亮風雨更飄飄疎桐陰高館朱槿輝芳
條生物易可退撫事發長謔弱齡陪清譙櫛髮想
雲林詩集

卷之一

汲古閣

垂髫相見日以老離居夢且遙秋江眇雲水去鶴
影搖搖

送高太守之秦郵

秦漢置牧守猶古之侯伯封建而郡縣仁政固不
易漢宜知所本留意二千石慎哉高侯車願循古
轍迹

蕭開館夜坐

隱几忽不寐竹露下泠泠青燈灺斜月薄帷張寒
颺躁煩息中動希靜無外聆宵然玄虛際詎知有

身形

和荅吳寅夫對雨見懷

溽雲變陰晦零雨隨風濤的皪集蓮池飄飄洒蘭
舉朱絲緩瑤瑟綠錢生寶刀撫事增慷慨端居倦
遊遨處世每慚柳懷人徒詠陶脫質愛靈藥閒情
宜弱豪

走筆次陶蓬韻送葉參謀歸金華

手把玉芙蓉青天騎白龍出入人間世飛鴻踏雪
踪瑤草聚可拾群峰森玉立璧月挂天南離離星
雲林詩集

卷之一

汲古閣

斗溼君昔在山時玉輻山有輝因同白雲出更與
白雲歸白雲無定處豈只山中住河漢共紫紆經
天復東注金華牧羊人游戲不生嗔笑拂岩前石
行看海底塵手調白羽箭隨彼磨銅硯一語不投
機啼歎寧再見士豈始隗乎全趙匪相如項王疑
亞父竟爾龍爲魚擾擾何時已百年聊寄耳良也
報仇婦言從赤松子去山今幾年還山大學仙天
台司馬宅雲氣近相連

雙寺精舍新秋追和戎昱長安秋夕

秋暑晚差涼
苦餘眠獨早
清風振庭柯
寒蛩吟露草
晨興面流水
西望吳門道
不知人事劇
但見青山好

偶成

積雨不爲休
蕭條使人愁
哀吟四壁靜
病臥百虫秋
開門望原野
江湖萍交流
誰能載美酒
爲我散煩憂

次韻曹都水

杜陵布衣翁
許身稷禹行
賦詩原正始
感事多哀

雲林詩集

卷之一
七

汲古閣

傷煙煌萬丈
焰爍爍數仞
墻君能仰餘輝
假日高升堂
弛擔息荒途
日暮將安之
挾彈狂遊子
聞鷄輕薄兒
衆方巴人唱
獨歌陽春詩
天門何嚴邃
綠窗愚采思

贈錢鍊師

鍊師好神仙
望拜金母臺
疊疊應玄運
煌煌秀靈芝
天風流瓊響
夕露調玉盃
鳳栖池上竹
雨添塔下苔
時見兩青鳥
碧海傳書來
感此忽自笑
飄然遺氛埃

送甘允北上京師

翔鴻縱高姿
流水去不息
枉道別友生
揚舲望京國
婉孌前途想
蕭條餘景匿
神京衣冠會
左右金陽宅
驅馬流星繁
垂軒春霧集
嘉子玉質朗
早通金閨籍
行達明主顧
入補詞臣職
束帶向晨趨
陪識終日晏
芳年易爲晚
所願崇令德
英英白雲飛
渺渺青山隔
秋風應節起
萬里思親客
遲子返舊居
街孟數相覲

寄段吉甫

雲林詩集

卷之一
八

汲古閣

昔者段干木
踰垣避其君
冥翳巖穴間
清風扇炎氛
德綿百世下
吉甫賢且文
神鸞養奇采
芳芷結幽芬
回視當世士
鷄鶩正紛紜
區區事寧斂
子獨介不群
含瑟作而嘆
此道誰復云

送章鍊師并寄鄭有道

良覲忽云阻
桐花今亦繁
落日滿洲渚
揚舲念孤騫
因懷息機叟
蘊真從灌園
晨掃石上雲
佇子接清言

玄文館讀書

玄中真師在錫山東郭門立靜舍號玄文

館幽處敞朗可以閒處至順壬申歲六月

余處是兼旬謝絕塵事游心澹泊清晨

沐竟遂終日與古書古人相對形忘道接

脩然自得也又西神山下有好流水而味

甚甘冽與常水異館去西神山遠不出五

里故得朝夕取水以資茗荈之事居茲館

讀書研道之暇時飲水自樂焉乃賦詩曰

真館何沉沉寥廓神明居陽庭翫宏敞丹林鬱扶

雲林詩集

卷之一

汲古閣

疎曉言茲遊息脫屣榮利區檐楹初日麗池臺涼

雨餘焚香破幽寐飲水聊舒徐潛心觀道妙諷咏

古人書懷澄神自怡意愜理無遺誰云黃唐遠泊

然天地初廻首撫八荒紛攬蚍蜉如願從逍遙遊

何許崑崙墟

述懷

讀書衡茅下秋深黃葉多原上見遠山被褐起行

歌依依墟里間農叟荷篠過華林散清月寒水澹

無波遐哉棲遁情身外豈有它人生行樂耳富貴

將如何

題驪山圖

披瀝上林苑洗馬昆明池霜威肅笳鼓雲氣圓車

旗馬班陳賦咏銜霍綏蠻夷王風旣未遠文明方

在茲逶迤香漢上鳳皇尚來儀

蛛絲網落花

落花綴蛛網蜀錦一規紅旣映綺疏外復照碧池

中含悽戀餘景散魄曳微風昔人問榮穢詎識本

俱空

雲林詩集

卷之一

汲古閣

冬日窓上水影

日池浮湛澹霞燭上榮迴敷腴三素雲照耀青蓮

臺高流輝自下含漪斂復開尸坐以默觀靜極自

春回

雪泉爲王光大賦

高齋面絕壁林密逕難尋風落松上雪零亂幽澗

陰皓潔映鶴望清閒和瑤琴閒咏以自樂聊用忘

華簪

丙子歲十月八日夜泊閩門將還溪上有懷

友仁陸徵君

明發辭吳會移舟夜淹泊空宇垂繁星微雲暝前
郭沉沉抱中素悄悄傷離索歸掃松逕苔遲君踐
幽約

聽袁員外彈琴一首有引

至正四年十一月袁員外來林下爲留兼
旬臘月十七日快雪初消庭無來迹與僕
靜坐因取琴鼓之古音蕭寥如茂松之勁
風春澗之流水員外時年八十有二顏貌

雲林詩集

卷之一
十一

汲古閣

筋力未如四五十許人爲言甫弱冠遭逢
盛明初宰富塗過九華山道逢神人與粟
食之後數數見夢寐間若冥感玄遇者員
外韜羅蘊真仕祿以自給不爲人所知豈
郭恕先之流歟爲賦五言一首

郎官調綠綺谷雪賞初晴兩忘絃與手流泉松吹
聲問言踰八十云嘗見河清挂帆望九華神人歛
相迎啖以海上棗歡愛若平生玄遇寧復得惜哉
遺姓名

早春對雨寄懷張外史

林臥苦泥雨憂來不可絕掀帷望天際春風吹木
末飛蘿散成霧細草綠如髮念子獨高世南山修
隱談撫弄無絃琴招邀青天月神安形不凋跡高
行自縈思之不可見飢渴何絳歌願爲鸞鵲翔南
遊拂松雪

懷寄強行之常州學官

君在西溪上年年楊柳春提壺坐柳下邀我見情
真青葉已垂帶白花還覆蘋別來今見柳思爾采
雲林詩集

卷之一
十二

汲古閣

芳芹

三月六日同李徵士遊禪悅僧舍禮上人出
柯博士所賦詩以示僕而博士君歿已二
年展誦爲之悽斷因次第其韻於後

佛生七佛後乃知青出藍寒月留孤光世人徒指
談嗟余墮徂網朝暮逐四三悲嘆明鏡塵何絳思
禪龕

戊寅十二月丹丘柯博士過林下賦詩次韻

酬答

積雪被長坂臥病守中林山川雖云阻舟楫肯見
尋傾蓋何必舊相知亦已深驚風飄枯條清池昌
重陰聯翩雙黃鵠飛鳴綠水潯顧望思鬱紆裴徊
發悲吟願言齊羽翮金石固其心歡樂何絲替黃
髮期滿簪

乙卯正月十八日與申屠彥德遊虎丘得客
字

余適偶入城本是山中客舟經二王宅弔古覽陳
迹松陰始亭午嵐氣忽歛夕欲去仍裴徊題詩滿
雲林詩集

卷之一
十三

汲古閣

苔石

古詩二首奉送友仁賢良之京師

春風吹蘭蒞佳人將遠遊遠遊何當還神京鬱雲
浮瞻言英邁志飛轡不可留豈無金閨彥與子結
綢繆河山風氣雄江水日夜流遙瞻雲中鴈庶以
慰離憂

吳山朝霽外開門春雨餘超忽孤帆遠天末浮雲
舒君今北闕遊我栖南山蘆荷鋤事耕作閉戶詠
詩書高林鳴禽曙青苔行迹疎還期茅簷下一枉

故人車

江陰袁仲微作軒名質林日夕嘯咏其下至
正十二年二月廿四日訪余南蘭陵寓舍
微僕賦詩遂走筆成書不能盡道軒中清
事也

風生質舊谷雲迷渭水原蕭蕭春雨後翳翳清陰
繁憶昔文使君燒筍具盤殮彭城詩適至大笑飯
爲噴風流成異代寂寞今誰論夫君暨陽隱字微
其姓袁二仲接俠遊子猷時到門冠同薩縣製坐
雲林詩集

卷之一
十四

汲古閣

對宜城尊翠羽共栖託鳳雛亦孤鶩載誦偃竹記
忽若聞清言邈哉古人迹尚友不可緩

杜真人聽松軒

計籌白石頂聞有丹丘生和玉飲晨露暮林食絳
英止鶴眠松警螢火照書明爲善得仙道儵然不
近名

擬陰常侍一首奉寄劉祕監趙員外

幽并游俠地都城百雉連河漢瞻疑近雲霓信是
仙機分霞欲曙花將月共妍攜豪傾溱思獻賦足

爲傳還知跨鳥鵲夜宿絳雲邊

玉壺中插瑞香水仙梅花戲咏一首

寒梅標素艷幽卉弄妍姿團團紫綺樹共耀青陽
時折英欲遺遠但恐傷華滋置之玉壺水芳馨消
歇遲

秋夜賦

清漏下數刻疎鐘仍獨聞零露薄夕影端居澄俗
氛恬淡斯寡欲榮名非所欣樂矣咏王風忘年棲
白雲

雲林詩集

卷之一
十五

汲古閣

述懷

嗟余幼失怙教養自大兄厲志務爲學守義思居
貞閉戶讀書史出門求友生放筆作詞賦覽時多
論評白眼視俗物清言屈時英貴富烏足道所思
垂令名大兄忽捐館母氏繼淪傾慟哭肺肝裂練
祥寒暑并釣耕奉生母公私日侵凌龜勉二十載
人事浩縱橫輸租膏血盡役官憂病嬰龜勉事污
俗紛攘心獨驚罄折拜胥吏戴星候公庭昔日春
草暉今如雪中萌寧不思引去輟馬起深情實恐

貽親憂夫何遠道行遺業忍卽棄吞聲還力耕非
爲螻蟻計興已浮滄溟雲龍蛇噬不復辨渭涇
邈遶岩澗阿靈芝燁紫草有志而弗遂悲歌歲崢
嶸冶長在縲絏仲尼猶亟稱嵇康肆宏放刑脩固
其微被褐以懷玉天爵非外榮賤辱行豈玷表襮
徒自矜蘭生蕭艾中未嘗損芳馨

泊舟一首

泊舟嘉樹下開牖碧江潯慨然念黃落景憩惜清
陰多暇觀魚鳥客與一登臨蛻迹塵喧久欲寡天
雲林詩集

卷之一
十六

汲古閣

機深

贈王光大

春服始輕體嘉樹欲垂陰夫椒結秀色江流涵碧
深晴絲正高下好鳥亦嚶吟豈無伐木詩怡此風
雩心

次韻荅友生

處世若過客踽踽行道孤願友吉德士邈焉如鳳
雛人而無恒心未易爲醫巫往者不可作玉匣埋
珠襦枳棘何榛榛上有鷦臬呼維桐鷺栖止來匪

應時需卓犖千里馬壯氣塞九衢驚駘豈其偶
齷齪當鹽車龍可豢而致魚鮪固充厨未聞商山翁
受屢稅以租俗人難與言長吟野踟躕青松在澗
壑坐閱霜柳枯所嗟鄭亂雅復惡紫奪朱至道安
可言多金豈徵符忽爲覺楚者樵悴悲路隅單瓢
咏王風耿耿心勤劬

次韻姑蘇錢塘懷古

西子承吳寵餘踪見古臺空遺昔時月無復昔人
來臺邊越兵路幾見起兵埃

雲林詩集

卷之一
十七

汲古閣

釀酒劒池水玉壺清若無揮盃送落月山鬼共歌
呼松間燈如漆白骨漫寒蕪

耕鑿古隧穿乃吳桓王墓金鴈隨冷風黃腸畢呈
露悲歌異今昔踟躕緩端步

仙人悲世換宴景在清都寒暑自來往英雄生釣
屠錢塘江畔柳風雨夜啼烏

江山國破後弔古一經行輦路苔花碧御溝菰葉
生古跡今寧有新城江上橫

南山靈石澗翠壁掩松關張君已厭世棄螭迹不

還羅磴餘幽躅今復誰躋攀

贈惟寅

隱几方熟睡故人來扣扉一笑無言說清坐澹忘
機衣上松蘿雨袖中南澗薇知爾山中來山中無
是非三十不要妻四十不出仕消搖岩岫間翳名
以自肆何曾問理亂豈復陳美刺高懷如漢陰終
老無機事

送惟寅

春江烟靄綠遠樹明清旭歸鴈影斜斜鳴聲斷復
雲林詩集

卷之一
十八

汲古閣

續陳君挂帆去似與鴈相逐水際白雲度山中甘
雨足安得從耦耕柴門藝松菊去去且入城懷抱
向誰傾姚公有古道虛衷多遠情俾爾遂高隱狂
歌樂幽貞

貞松白雪軒分韻賦

至正二十三年正月廿日句吳倪瓚與某
某會於貞松白雪軒其地林石奇勝窗牖
明紫軒中主人又好文尚古有文武材欬
坐設酒饌相與嘯咏以小謝雲中辨江樹

分韻各賦讀得辨字

境靜塵慮清雨餘山光變池館闕虛閒琴酌申縫
綈蔚哉春木榮惹我飛翮倦石間有題字苔蝕已
難辨

對春樹

端憂對春樹影落身上衣美人手所成初縫願無
違步庭悲往躑瞻景惜餘暉芳襟沾露溼蘭佩委
風微疑思自的染澤尚依依晨鷄催夢短夜鶯
逐魂飛歡愛自茲畢憔悴損容輝

雲林詩集

卷之一
十九

汲古閣

送致用游閩

韓家禹穴來語我長生訣偶坐聽春雨雨止即言
別乃知茅君山貞居相往還山經許寄我依依師
友間貞居登真久識子十年後挈箱出遺文猶作
蛟鼉吼子去遊七閩漁浦桃花春白鷗飛送爾停
桡採綠蘋慢亭幾日到言笑遂無因憑將棹歌去
歌向武夷君

送馬生

送子淮南行繫舟江岸柳翠影舞晴烟落我盃中

酒舉杯向落日春水浮天碧時見白鷗飛雪花翻
綺席應笑披羊裘獨釣江邊石

寄楊廉夫

吳松江水春汀洲多綠蘋彈琴吹鐵篴中有古衣
巾我欲載美酒長歌東問津漁舟狎鷗鳥花下訪
秦人

寄李隱者

南汀新月色照見水中蘋便欲乘清影緣源訪隱
淪君住錫山湖綠酒松花春夢披寒雪去疑是剡
雲林詩集

卷之一
二十

汲古閣

溪濱

寄韓介石

江上雨雲歇夕陽歌吹濛朱絃彈綠綺令我憶韓
衆魚戲弱藻下鳥飛明鏡中夢乘清浦月直過雪
溪東

次韻呈張德常

陶公典寓酒社老愁亦酌豪傑千載人處世何磊
落吐詞蔚忠義安貧務簡約嗟哉嚇腐鳥邈矣鳴
皋鶴

朱火

朱火日方永涼風拂琴絲麋鹿遊臺苑燕雀悲火
帷湯然京輔地無復漢官儀衆芳日蕪穢陰凝方
白茲

黃本中書齋爲寫寄傲窓圖

庭樹綠交陰時鳥語清綿春竹羅逕笋夏花數沼
蓮慨然三季後契彼義農前古井汲修綆空齋經
素絃長歌歸去來悟悅陶公賢終尋桃花嶺息景
窮幽玄

雲林詩集

卷之一
二十一

汲古閣

爲徐有常畫萊湖別墅

萊湖水淪連松陵在其西望見吳門山波上翠眉
低白蘋脫風起寒烟遠樹齊水蕉籠筆格露柳單
金堤居貞寧汲汲旅泊自栖栖屏處觀魚鳥風雨
夜烏啼

寄穹窿主者

山雲淡縱橫幽鳥跋上下寂寥非世欣自足怡靜
者平生臥遊趣屋壁何勞回還期煮茯苓地爐同
夜話

題原道西溪草堂

春水孤村迴荆溪畫西晚日鳴榔起山雨竹雞
啼櫻桃花已落蘼蕪綠未齊酒船尋賃監早晚到
幽栖

煮石山房

汲澗煮白石雲栖南澗隈敲石發新火荆薪藉餘
灰坐候升降理靜觀寒燠媒遂忘石鼎沸乍疑山
雨來丹成同此術鶴化詎能猜我亦食金液清淺
笑蓬萊

雲林詩集

卷之一
二十二

汲古閣

畫竹贈以中

吾友張以中少年如老翁因過修竹裏邀我碧巖
東琥珀松醪醲玻瓈茗碗紅子端今已矣千載事
同風

題墨竹送顧克善府判之高郵

高郵古淮甸世產不乏賢顧君往佐郡才華當妙
年歌詩隱金石八音以相宜侈哉錦囊句雅甚朱
絲絃而此艱虞際撫事一愴然飢者易爲食君能
念顛連何以贈子行墨君雙節堅

入郭

我初來城郭新綠餘薔薇今我既出郭秋蓮落紅
衣郊居豈爲是市隱勿云非去去將何從西山行
路微塵坐吟海游潛四月餘賦婦亦無家塊處
蝸牛廬身世一逆旅成虧紛疾徐反身內自觀此
心同太虛

聽錢文則彈琴

牛鳴野郭中雞登山木上黃鍾雜姑洗春客以清
亮別鵲算鳴飛流水春演漾愛爾絃手忘令我形
雲林詩集

卷之一
二十三

汲古閣

神暢憶昔擅能事宋袁余所向錢君生獨後超軼
絕塵鞅操琴晚聞道月斧揮天匠杳如清廟瑟朱
絃聽歎唱古道久寂寥古音亦淪喪促軫淚沾纓
歌詩重悲悵

題画贈岳道士

義興岳道士野鶴如長身我知彌明徒不是侯喜
倫結喉吟肩聳鐵脊霜髯新手中石碁子頭上漉
酒巾久居離墨山自謂無懷民喪亂不經意松陵
留十旬香雲作輿衛長松爲主賓既滋數畦菊復

種二畝芹樂哉以忘死道富寧憂貧爲我具舟楫
相期桃花春

贈王仲和

荒城夜風雨草木曉離披桂馥逗虛牖苔文滋硯
池弄翰聊寄逸永日以自怡且盡一日樂明朝非
所知

訓張德機見贈

嘉澤枉我前令人意也消展詠當前除清陰起涼
颺出何去巖穴隱何逃市朝仙師赤城霞旦旦存
雲林詩集

卷之一
二十四

汲古閣

神標

贈張士行

雲門有逸客非仕亦非隱玉井千尺泉此士難汲
引結交雲林叟不顧俗嘲哂我拙唯任真子德常
戒謹相知既有素力學仰顏閔久別見顏色英資
固天稟欲疎不能忘欲覈不可近

贈友生

春林積雨晴江渚烟波綠各易語綿蠻澗泉聲斷
續羅運無來踪空山聞伐木時援清琴坐還同白

雲宿

九日過彥行用韻一首

蕩舟烟景晚舉盃當素秋黃花忽在眼白髮乃滿頭
臨流發悲嘆援琴歌楚調罷席更淹留明月波間照何事鹿皮翁逃名隱屠釣

又賦

九日喜初晴登高向何處山色見微茫波光淡客與鼓櫓逐輕鷗看雲覓新句適值無懷民相對澄神慮

雲林詩集

卷之一
二十五

汲古閣

画竹贈徐李明

梓樹陰當戶時聞好鳥鳴獨攜一壺酒展席坐前楹
招邀白鶴侶吹弄紫鸞笙杳杳日景晚紛紛飛絮輕風翻竹影亂明月已東生

對酒

題詩石壁上把酒長松間遠水白雲度晴天孤鶴還虛亭映苔竹聊此息躋攀坐久日已夕春鳥聲聞隔

贈野處民

水聲轉屋西山翠浮屋東床前苔滋雨門外松吟風
怡然無外慮心廣神爲充曲肱以飲水至樂在其中
擊壤歌往古寧知事王公

龍門茶屋圖

龍門秋月影茶屋白雲泉不與世人賞瑤草自年年
上有天池水松風舞淪淪何當躡飛鳧去采池中蓮

靈鶴辭

陶公職仙署子良亦冥通所修楊許業存思在祝雲
林詩集

卷之一
二十六

汲古閣

融周卿宅丹元末胤仰仙宗神明接祈禱虛夷恒
格恭飛霞煥玉檢流響徹金宮白鶴翔香烟僊僊載冷風舞影綠雲上
命侶青田中晨去瑤草春暮歸海塵濛眞靈忽降室羽車儼浮空步虛酌明水
逶迤清夜終

画贈呂志學

江雲昏絕巘汀樹猶斜陽獨立霜柳下渺然懷故鄉
歸來茅屋底篝燈寫微茫

画竹贈志學

綠竹飽霜雪歲寒無往容風至天然笑復愛夏陰
濃寒暑不能移德比柏與松豈若桃李榮春花但
丰茸

各張鍊師

安居已度夏臥病乃經秋朝菌悲影短風萍歎波
浮寸田勤自治德宅可歸休慎勿與時競心境似
虛舟

畫竹寄友人

先春競桃李凌陽歎蒲柳謝君靜者徒種竹安所
雲林詩集

卷之一
二十七

汲古閣

守亭亭清淨心鬱鬱霜雪後賦詩寄遠懷此君真
可久

陸德中祈雨有感

辟穀清虛久晨窓食絳霞濯神咸池水宴景丹元
家憂國悲民瘼旱郊起雷車枯魚出涸轍稿苗生
稻花我住清江渚種片遶江沙忽乘蓮葉杯賤我
仙掌茶擬訪安期生爲覓棗如瓜

臥病

早憂命觴竿幕下忽經旬止酒卻腥腐端居謝喧

壓麓絨除內滯清虛以怡神江雲載飛雨飄飄酒
衣巾矯首詠玄虛精思候仙真道園遊恬淡心兵
息狂狷冷然風濤靜鼓柅銀河津戒哉貪饕子病
源果何因

次韻全希言

臥病久不憚微瘳起行吟逕苦無來迹出門江水
深懷我平生友金蘭契同心欲共一尊酒道遠力
不任有客聞我戶晤言樂中林飄蕭綠髮仙亦見
雪清簪取琴與子彈悠悠山水音能成伐木詩歌
雲林詩集

卷之一
二十八

汲古閣

以慰所欽

次韻張伯琦

長嘆悲人寰彈琴想天際夏殷禮相因孰謂周可
繼大道久榛蕪高才日凌替遺書歎不泯授受豈
有二邵孟道性善宅路喻仁義後生事言說慨彼
涕沾袂允矣二三子仰鑽互立志松柏受命獨歲
寒鬱蒼翠誰歎無媿作風駕尋吾契

酬友生

擁褐南榮下晨暉煖似春忽思王子晉醉著白綸

巾游宴無冬夏清狂忘主賓能持麋鹿脯寄與不
羈人

贈陸有恒

學行美德業孝弟爲本根朝益以算習夏清而冬
溫無逸勤稼穡幹蠱持戶門勿爲習俗流必念古
義敦謹身尚節儉從善報蘭蓀堯舜雖有子朱均
乃淫昏魯繇何頑凶子也大聖尊運固生汙泥木
可爲機樽簡編蠹蟬出各有至理存惟人異禽獸
暴棄淫其源惟學必繇本根深見枝蕃于何繡簪
雲林詩集 卷之一 汲古閣
二十九

尋友人不遇

洲渚多落英汭流尋遠山輕舟載美酒搖蕩綠波
間俯詠拾瑤草遐思隘塵寰緣忽失遇悵望遂
空還

咏木

何處啄木鳥飛止于喬林微形亦以勞終日聞其
音所願木向茂不使蠹日侵吁嗟人之徒曾不如

鳥心

次張仲舉韻

秧疇時已遍午飮休中林忽聞輶車至攬衣欣慨
深遂尋修竹下共憩西澗陰汲泉以煮茗遐哉遺
世心

許常州讓田詩

延陵古吳地泰伯有遺風仁讓自家國士民知孝
忠春暉草心碧日莒荊花紅爲感使君政嗟時誰
與同

雲林詩集

卷之一
三十

汲古閣

贈友

父子相師友周南義理門阿翁如玉鬻賢祠似春
溫舍後自生笋堂陰亦樹萱西山近在望靜默以
忘言

潘公鳴皋軒

白鶴粟靈質翩翩有奇姿海月比高潔岩雲共遠
邇池上芻蒲花春烟紫綵綵飛鳴聊飲啄乘風來
下之我登鳴皋軒遂賦鳴皋詩安得赤玉舄鶴上
吹笙差

西老圖

予古歎流俗高人陳太丘開窓玩蘭雪邀我畫瀛洲池上賦清林間遠遊悠然遂永日下榻更淹留

爲張來儀賦匡山讀書處

廬山鬱岌岌上有香爐峰影落碧天外翠玉琢芙蓉牽蘿讀書處雲磴無行踪猶遺石苔苔花開紫茸茸愁心飛春雪寶劍沉雙龍應化蘇耽鶴歸棲千歲松仙岩採芝更久別倘相逢

雲林詩集

卷之一
三十一

汲古閣

吾友陸友仁甫舊得古銅印一紐以示余辨之文曰陸定之印以名其子而字之曰仲

安友仁既沒仲安求爲賦焉

吾友伯仁甫覽古閱世盲示我古印章始得自幽并辨之曰定之釋義爲爾名既名字曰安最哉在敬誠仁甫今則亾緬懷涕沾纓繫昔黃太史結交漢米生手持玉刻文螭紐交縱橫上有元耶字印列與弗輕殷勤字其兒祖武冀可繩久矣學業懋繼述暉芳英書画比二王價重十連城高齋思仰

止景行爾其行

惻惻行

三月十五日陸玄素將從梁鴻山歸吳松之上是夕坐至夜分始別余入舟賦此追至梁鴻山寄之以定及冬重來之約

惻惻復惻惻憂思從中發感子遠來訪畏子遽言別不有同心人何以慰孤寂矧茲春夏交蕭艾盈路側江水亦浩漾風帆還飄突行將阻攜手轉覺意忽忽交好匪在今高誼敦自昔人生寧無別所

雲林詩集

卷之一
三十二

汲古閣

悲歲時易坐嘆辛夷紫還傷蕙草碧僕夫竊相告怪我悲憤塞山中梁鴻栖江上陸機宅井曰今蕪穢鶴唳亦寂寂余往經其壩徘徊但陳迹天地真旅舍身世等行客汎汎何所損皎皎奚自益修短諒同歸數面聊懽懽

瞻雲軒

金君伯祥名其先君墓左之室曰瞻雲軒蓋以寓夫孝思油然而義也若夫父祖之魂氣精神其脗合感通之妙齋思則如見

敬祭則來格開牖則天光臨鑿池而泉脉

動洋洋乎如在其上如在其左右者雲豈

足爲喻哉於是廣其義而爲之詩曰

白雲起石上迅逸如迸泉汎演乎林莽飄飄乎山川飛霞共聯絡凱風與周旋開軒滌遐想我思何綿綿顧瞻忽在茲亦復停披焉卷舒無定理變幻徒繁纒與念松下塵若承鶴上仙空花結浮翳百態交我前戚欣從妄起心膺口口然當識太虛體勿隨形影遷

雲林詩集

卷之一
三十三

汲古閣

張尊師祠醮感致瑞鶴

我識白雲君尚友赤松子仙署闔清嚴社公隨役使步虛禮初日飛神謁鈞天時有五白鶴飛飛遶香烟手栽千樹桃風吹却灰盡避世星壇西深竹間清磬候來密霧集忽逐冷風還窓裏遺瑤瑟空中鐃珮環

題趙岩巖龍山精舍

我生倦馳駕無機如漢陰重遊古蘭若對山開我襟風流李謫仙賞靜諧風心琅然哦新詩如聞大

雅音回首石林晚白雲花雨深

池蓮詠

迴翔波間風的歷葉上露清池結素彩華月映微步雲陰花房斂雨歇芳氣度欲去拾明璫踟躕惜遲算

送陳惟允之金陵

雪消江水綠花發冶城春白下烏衣處輕舟去問津指日望京國行歌非隱淪好及三釜養歸來以榮親

雲林詩集

卷之一
三十四

汲古閣

徐氏南園對雨

櫻桃花欲落風雨草悽迷忽憶鄰園日竹林通磻西弱蔓滋野援蘭葉長芳畦念我當時友蒿萊沒舊溪

題畫贈九成

至正十二年三月八日冒風雨過九成荆溪舟中劉德方郎官方舟烟渚留宿談詩明日快晴移舟綠水岸下相與嘯咏仰睇南山遙瞻飛雲夾岸桃柳相刷如散綺霞

掇芳芹而薦藟瀉山瓢而樂志九成出片

紙命画眼前景物紙惡筆凡固欲聘其逸

思大乏騏驥康莊也歐陽公每每云筆硯

精良人主一樂書画同理余亦云焉特舟

中章鍊師岳隱者對奕吳老生吹洞簫

故人郊掾史邀我宿溪船把酒風雨至論詩烟渚

前晨興就清盥息逸愛春天復遇武陵守共尋花

滿川

早春對雨寄張外史

雲林詩集

卷之一
三十五

汲古閣

林臥對雲雨憂來不可絕褰帷望庭際春風動林

樾飛蘿散成霧烟草綠如髮不見高世人飢渴何

絲歌神鸞戲玄圃巨鱗偃溟渤爾亦碧巖中通形

修隱訣燒香庭竹淨洗研池苔滑取瑟和流泉操

瓢酌明月跡高行亦苦水蘂忘芳潔何當往相尋

拂石柄松雪

正月廿五日賦

春岸生蘼蕪春風生蘭茝夢見平生歡美人今何

在丹竈玄以白忽忽容髯改憂來誰能整憂來誰

與解

貽張玄度林宗道

七月廿四日風雨寂寥與玄度集宗道南

窓具酒肴宴談遂以永日因賦

蕭條風雨秋沈寂窓牖晚故人山中來杯酒意勤

懇斂眉念乖濶握手話情悃千載鶴怨悲九時蓬

萊尊市脯良不易枯魚雜乾饌浮雲幾番覆人事

匪余付得特寧足誇失勢焉用憤荆溪丘貉多松

水饒芝菌結茅駕厓广雲棲且安穩夏清冬與燠

雲林詩集

卷之一
三十六

汲古閣

何事鍾與奮遂逐闌闌游戚戚塵俗混張子遠古

學林君業務本達人解其會畧近宜志遠鍾氏曷

仇稽司馬亦藉沅鹿遊姑胥臺易下長洲苑麻姑

固狡獪蓬萊歎清淺七秩吾已老一簣君宜勉後

會未可卜作詩陳繡襦

次韻別鄭明德

思君阻言笑三歲同一日既見令人怒不見令人

憶揮觴縱謔浪抗論彈今昔世方雜涇渭已乃忘

得失饒涎飮甘美醉眼亂朱碧少達人眼青每遇

俗眼白不隨世混混自喜心得得講學日光輝
性久循率不意吳市門尚復有此客茅齋素壁上
佳句手自摘楓林已搖落海菴尚未折吁嗟歲云
暮感歎終日夕殘生能幾面念此氣填臆富貴真
可羞功名竟何物世事蟹登新危幾復著履翁乎
善自守 體保寧 去去勿重陳且復泥玉石

重改春日雲林齋居

臨池春流駛掃地入陰滿止襟味道言超遙坐溪
館嵐嶺常書扇頰襟一舒散靡靡松花黃逐逐雲
雲林詩集

卷之二十七

汲古閣

氣暖石梁青苔合於焉人迹斷故非與世疎冥栖
遂忘返

倪雲林先生詩集卷之一

終

倪雲林先生詩集卷之二

七言古詩

送徐君玉

閩江之水深漣漪隔江名園多荔枝閩中女兒天
下白越波飛縈逐鳬鷺棹歌清綿州渚闊蕩葉落
日令人悲蠻煙怪雨忽冥密蔞芽蒲葉相參差此
中勝事不爲少徐郎遠遊牽我思

寄張徐二秀才

東膠山麓繚修阻春水鳴渠竹滿園玄真棲遁樂
雲林詩集

卷之二

汲古閣

耕釣徐孺風流存子孫適我騎犢詣其處荷尔作
黍留清言夜闌把燭竟歸卧煙草蜨飛勞夢魂

十二月七日岳季堅夜坐走筆書贈

僧扉共臥風雨夕岳生清真何太顛持家有弟足
自慰無錢沽酒殊可憐梅蕊衝寒愁欲破燈花惱
人故生妍孰知旅枕作孤夢周處廟前行買船
爲曹食事畫溪山春曉圖因題

荆溪之水深漣漪溪上晴嵐紫翠圍連舸載書烟
渚泊提壺入林春蕨肥身遠雲霄作幽夢手栽花

竹暎竹扉磯頭雪影多鷗鷺也著狂夫一浣衣

奉道曹文貞公墓道奉先亭

奉先亭子山之陰雲氣低回何處尋烏啼隧道風
林靜薜剝龜趺雨漚深故老猶言前日事鯨生沒
感二毛侵河山流峙英靈在世事紛紛一短吟

古意一首次韻荅曹德昭

齊王好竿客鼓瑟操瑟何以干齊門古人結交多
豪傑况爾封君之子孫王國陳詩終大雅楚俗尚
鬼悲招魂相思日暮不可見鴻飛冥冥目力昏

雲林詩集

卷之二

汲古閣

歲已酉八月十四日寓甫里之野人居劉君

元暉邀余酌酒快雪齋中對月理詠因賦

長句

涼月紛紛疑積雪凝暉散彩白於銀此時獨酌開
軒坐便欲剗溪尋隱淪爾營茅齋名快雪我醉行
吟踏秋月河漢無聲風露寒心境泠然一潔口

劉君元暉八月十四日邀余玩月快雪齋中

命余詩因賦

卷簾見月形神清疑是山陰夜雪明長歌欲覓剗

溪戴恨然停杯遠恨生爾營茅齋名快雪邀我吹
笙弄明月明星如銀浮翳消垂露成帷桂花發酒
波蕩漾天河傾笙聲嫋嫋秋風咽古人與我不並
世鶴思鷗情迥愁絕

苦雨行

孟秋苦雨稻禾死天地晦冥龍怒噴南隣老翁臥
不起漏屋溼薪愁殺人自云今年八十剗力農一
生茲始病兩逢赤旱三遇水租稅何曾應王命吾
今寧免身為魚死當其時良可吁

雲林詩集

卷之二

汲古閣

延陵道

延陵道去國千有餘里民風質直咎季子攸居叢
與其屬邑過百里而遠麗于南隅民當西晉有周
處肆勇鬪狠於鄉閭人皆以爲患父老揚言其非
一朝發憤易行忠孝俱其歿已千載民今仰而祠
茲亦余之隣邑也春服始成來游而來娛式逢劉
公揚驍踞酌山之泉淪渚蒲相率莫拜步趨稽
如歎咏而去方舟載塗錫山之陽其水舒舒山氣
磅礴而敷腴上升爲雲雨彌滿乎九區厭土沃若

君子于以田畝公度中流揚揚其旗載提燕注原
茲古初睦此平墟實太伯所都夫子所謂至德也
已矣吁嗟邇流百世下聞其讓者尚敦乎薄夫

餘不溪詞

開玄館在餘不溪濱距溪無百步上清王
真人所立溪流冬夏盈演玉光澄映與他
水特異故爲名焉庚午歲春因市藥過浙
江趣便道將歸梅里俯斯水而悅之泝流
閒吟鹽澤平津餽瞻壤宇近在東麓遂舍

雲林詩集

卷之二

汲古閣

舟造其下真人爲出酒脯燕囁嚅意旨
乃返悠悠徂歲忽已十有七寒暑矣余既
爲農畝畝身依稼穡復邇政繁奔走州里
欲爲晉遊其可得乎鍊師高壽物表閒情
夷朗周覽宇內將還真館余因仿儼瞻晉
之所覩極道山之清婉追賦短章以饒斯
別若夫超踪瀾濁逍遙玄邁益深志於是
矣覽而咏言能無動悲慨乎

餘不溪水綠生蘋放舟演漾當青春舟隨鵲影忽

行遠洞口桃花飛接人雲松蔽虧烟蘿席嚴在溪
東之石壁羽人垂衣坐鼓簧饋我晨食芝菌香從
茲更發洞庭渚濯髮風池臨故鄉

餘不溪水涵綠寶微風吹波壓龍鱗看山蕩槳不
知遠兩岸桃花飛接人溪廻路轉松風急竹林華
房霞氣溼忽逢道士頤而長疑是韓國張子房相
斯飄拂紫烟裏下攬滄溟浮玉觴

醉題許生敗壁

生有破屋山西村風雨不出臥衡門蒙書其間讀

雲林詩集

卷之一

汲古閣

且溫客來輟書就琴樽朱冥古道安可論

陸隱者禱雪獲應

紇于山頭黃草枯年年雪花大如掌春風草綠牛
羊蕃誰爲祈禳復誰賞南雪錄來到地消今年冬
暖知爲口民問禱雪誠希有旱禱桑林聞咎謠

醉歌行次韻酬李徵君春日過草堂賦贈

曾聞杜陵之茅屋汀花冥冥汀樹綠舊題新詠蒼
年華種木行椒繞山麓石床丹竈青琅玕春渠流
水夜潺湲當年寶劍淪黃土空餘山月照波間今

我不樂懷往古短世紛紛誰比數花下欣逢李白
來山鳥溪童亦歌舞酒酣長嘯五情熱軒冕何榮
樂噉說邈然抗節餓首陽何異伴狂抱貞潔君歌
已竟歌我詩賢愚榮頓百年期少文豈愛壁間畫
老疾俱來難命駕仰視翕忽浮雲馳安得乘螭與
雲化楊花繁夢滿晴天迸凝春雷驚醉眠李侯神
清色不動手敲茶雪落輕烟相逢爲樂賦草草竟
欲攜君臥烟島城郭秋風白鶴飛海上餐霞不知
老

雲林詩集

卷之二

汲古閣

杜陵管年有茅屋浣花溪邊錦江曲古人不見春
風來桃李無言自山麓石床薛潤青先乾決渠流
水夜潺湲可憐寶劍埋黃土空餘山月照波間今
我不樂空懷古短世長年誰比數花下那知李白
來山鳥恣歌童亦舞酒酣大咲五情熱作相形求
築岩說夷齊相逝居首陽逍遙米薇飽芳潔勿歌
虞夏神農詩賢愚等是百年期魯連恥秦亦蹈海
咲爾局促商山芝少文壁間對圖畫莫待老來誰
命駕仰看翕忽浮雲馳安得乘螭與之化漠漠楊

花繁遠天迸輕晴雷驚醉眠李侯神爽色不動手
中茶雪落輕烟逢君此樂誠草草便欲攜君臥烟
島海上千年白鶴飛世人胡爲而自老

送潭州魯總管

翩翩文鷁飛渡淮歲稔五米下天階西晴昨夜雨
初遍田父謳歌有好懷湘潭山色隨輕轂談笑來
爲此州牧隔岸桐林散綺霞三月洞庭春水綠

題曹雲西畫松石

雲西老人子曹子畫手遠師韋與李衡門畫掩春
雲林詩集

卷之二

汲古閣

長閒搖毫動筆長風起葉藏戈法枝如籜蒼石庚
庚橫玉理庭前落月清長松影落吳松半江水

趙千里扇上寫山用鄭山人韻題

誰見解衣作盤礴卷懷雲烟歸掌握春雨冥冥江
水波竹間日暮衣裳薄雲落王孫翰墨餘越王臺
殿久荒蕪要知人好畫亦好愛比當年屋上烏

鄭有道隱居梁鴻山因寄

伯鸞近在東山隱室無孟光唯兩兒草堂資煩王
錄事庭社緣依遠法師迎我埽除松下雪因君起

寫壁間詩便知從子遂真隱深谷紫芝堪療飢

題柯敬仲竹

誰能寫竹復盡善高趙之後文與蘇檢韻蕭蕭人
品係篆籀渾渾書法俱奎章博士生最晚耽詩愛
畫同所趨興來揮灑出新意孰謂高趙先乎吾

江南曲

春風顚春雨急清泪泓泓江水溼落花辭枝悔何
及絲桐哀鳴亂朱碧嗟胡爲客去鄉邑相如家徒
四壁立柳花入水化綠萍江波搖蕩心怔忡

雲林詩集

卷之二

汲古閣

賦耕雲

大茅峯前萬頃雲烟耕雨溉曉網繼也知神物無
根蒂誰種空山誰與耘愛君茅屋當南便閒看陰
晴玩其變白鶴眠松夜夜歸朝逐孤雲如匹練

汎滄浪

滄浪可濯纓春雨看潮生斷得木蘭漿欲向桃源
行桃花源裏秦人住花發綺霞明處處何用文章
寄武陵時有漁郎自來去

對梓樹花

去年梓樹花開時美人明璫坐羅帷今年梓樹花
如雪美人死別已七月梓花如雪不忍看沉吟懷
忠淚闌干鳴鳩乳燕共悲咽柳絲風急烟漫漫

恒德堂

虛林間居養黃寧隱几逍遙遊玉京怡然樂康息
天懸良醫良相仙道并厥施同仁其名沒身身
存故長生龍虎珥符鳳皇翎出入紫清一
念不已三千齡子能神視廬山斯見天地
情氣專志一德乃恒

雲林詩集

卷之二

汲古閣

畫竹

吾友王翁字元舉喚我濡豪畫綠楮喬柯修竹蒼
蘚石霜葉風梢碧滋兩湖州仙去三百禩坡翁高
絕孰與侶黃華父子亦閒出氣粗惜產旃裘所本
朝高趙妙一世蔑視子端少稱許藹立黃岩筆墨
間瑞鶴神鸞競翔翥二公去後無復有谷鳥林鳥
誰指數奎章博士丹丘生未若貞嶠能濡吻道園
歌咏譽丹丘坡曉畫法難爲語常形常理要玄解
品藻固已英靈聚少陵歌詩雄百代知畫曉書真

謾與坡深書畫詩更妙味永甘香試馳咀嗟余生
後愛詩畫所恨遨遊不從汝王翁好古已成癖說
史談詩身欲羽吳江遇我涕縱橫飯我羹芹一炊
黍晚持此卷索塗林醜婦爲彈走隣女此詩此畫
君勿咲焚棄筆硯當傳祖

贈季丙卿

季子蕭條千古心斷碑荒冢在江陰行人過客寧
知此春兩年年江水深家園正近延陵郭世遠義
風猶未薄獨識寒窗不派孫種杏成林惟賣藥
雲林詩集

題王元用秋水軒

秋水如玉涵綠蒲玉壺美酒清若無佳人倚窗調
錦瑟文君勸飲坐當爐昔年種柳遠漢南樹今搖
落人何堪惟有年年秋水至翠烟石黛漾晴嵐開
軒清映臨秋水斜日荷花淡相倚凌波微步襪生
塵交甫凝情珮還委

賦清隱閣

爾營草閣名清隱膏在輕鷗遠水邊春池寬句政
忠爾拄杖敲門忽繫船共賞奇文哦庾信更誇草

聖法張顛到此自忘歸興逸研雲歸爲古苔篇
題畫

橘窗春夜雨潄潄剪燭裁詩畫碧山遶水定侵林
下路蕙花委砌石苔斑夢乘艇子清江闊坐聽橈
聲暗相撥未必漁翁似我聞棹歌不待鳴鳩聒

畫竹贈王允剛

子猷借地種修筠何可一日無此君葉龍書席搖
翠雨陰結香爐屯綠雲聞孫住近吳江渚二仲邀
遊如蔣詡黃酒邀余寫竹枝隔竹庖人夜深語
雲林詩集

次韻鶴詩

丹鳳威凝何處藏翳茲天孫雲錦裳晏然長鳴引
圓吭晨飛峨峨暮良常玉笙寥寥琅琅千年仙
驥時啼翔步苔飲泉下趨蹌忽然不返歲月長尔
居鷄羣獨仿徨羽衣猶白未老蒼清都霄臺應已
忘啄腥吞腐塵土鄉棄軒豈復思華陽樊籠未離
勿張皇

寫墨竹贈顧友善

顧伯未派隱君子林居江濱古東里潔身潔行讀

書史思友天下之善士綠竹猗猗蔚材美獨立不懼羣不倚長吟揮毫爲君起寫其形模惟肖似諒哉直清可以比

賦翠濤硯

岳翁嘗寶翠濤石今我還珍翠濤硯翠濤云生紋紋雲章龍文發奇變米章硯山徒自惜此硯顛應未曾見我初避亂失神物玉蟾滴淚空悽戀珠還合浦乃有時洗滌摩挲冰玉姿書舟輕迅逐鳬驚喜出火宅臨清漪松雲磨香泮毛錐天影江波雲林詩集

口碧滋一咏新詩開我君

康素子雜言一首

道德五千言玄之而又玄谷神不死曰玄牝用之不勤以綿綿太原道士康素子口講此書手畫指猶龍之後有蒙莊迴薄宇宙有根抵胡蝶栩栩觀物化濠魚洋洋樂何似壺丘弟子御風遊遊仍有待曷足恃尻輪神馬鴻濛外恍惚杳冥隨所止化人之居隣太清十二重樓臨五城千劫謂如一食頃不起于座空飛行王喬鶴上吹玉笙食棗東海

安期生雲車霓輦到平地渴飲懸河又爲傾大茅登雲二弟迎紫虛永和傳玉經揚曦以授許長史玉斧清映道初成員白子微如日爛千巖萬壑春冥冥葛玄祭鍊匡廬頂淵雷一聲眠鶴醒道陵章奏陽平治子孫繩繩祖武繼重陽晚出金末齋全真尔名欽世世仰瞻在咎老莊列近比肝膽遠胡越要知道不出智勇疾似秋空鷹一撇素平素乎尔隣乎道德而不孤凡夫皆具仙真體一扇仁風病卽蘇

雲林詩集

畫寄王雲浦

卷之二

汲古閣

吳松江水漾春波江上歸舟登棹歌邀我江亭醉三日鳳笙鸞吹拂雲和紛紛省署僚官職老我澄懷倦遊歷看君骨相自有仙故作長松挂青壁

趙榮祿馬圖

嘗聞唐開元時畫馬曹將軍妙合變化神粉紵少陵爲作歌其詞謫如雲又聞宋元祐之中李龍眠畫法奄出將軍前蘇黃二子誇神駿險語驚飛蛟蟄困國朝天馬來西極振鬣驚駘爲碎易玉堂學

士寫真龍筆陣長驅萬人敵學士歌詩清且腴當時作者數楊虞畫成題咏兩奇絕價比連城明月珠吁嗟天馬天一陶寶繪於今亡已夫學士多師內廐馬得法豈在曹李下俗工未解知神妙此日罷驚遍區夏好事不傳亦苦心誰爲幽賞伯牙琴獨悲蘭亭賣紙隨零雨轉覺臨寫紛紛費毫楮

贈丁醫士

泊舟風雨芙蓉城江上君山雲錦屏我來已是千年後館主子孫猶識丁丁君手鍊不死藥芙蓉仙雲林詩集

卷之二
十四

汲古閣

人久相約孤鯨七十老無家種杏春林看落花

寄徐元度

二月苦雨晝如晦閉戶獨眠無所爲黃鳥翻飛乍依竹櫻桃爛熳開滿枝起覓杜康欲自慰坐無徐孺令人悲春帆早晚江西去東湖宅前舟可維

送錢成大赴淮南

桐柏山高淮水闊道塗悠悠心忽忽大藩作鎮據兩淮公侯干城孰予越帶雨春潮送驍聲淮山千里青相迎隱居行義今寥落到邑煩君訪董生

奉寄沈理問

紫霞虛皇之上清迢迢十二樓五城烟霧窗扉烏爲使霞綃衣裳翠織成雲旂翠旂集真侶清露如鉛籠玉宇回看人世萬蚍蜉擾擾泥塗困雲雨騁驥繁足鳴何飢黃鵠哉翮不得飛杜鵑哀號鷓鴣泣苦竹嶺頭無月輝可憐仙凡一座隔哀樂紛紛殊不極人間亦有學仙人神巫傲傲舞瑞席精靈翕忽虹影長鵬湛桂酒羞飄香雲情蜷局難爲駐世味膾脰不足嘗仙人舊亦人間住棄雲往列仙雲林詩集

卷之二
十五

汲古閣

曹署願從帝所話悲辛明良畱心乃奇遇我聞天道自循環福善歆淫帝所關令威亦成歸來願豈遂忘情出兩關

端竦一首

歲已亥春仲月之六日自寅迄酉震雷且雪甲辰暮冬日癸卯端竦見爲震厥飛龍拔雷震落景皎出月老夫頻年熟災異夏凄其風冬乃熱晝霧暝如夜淫雨十旬浹疲晨不使憩殘喘志士不得安爨穴國之祲沴古亦有十月震電天或隕石或雨

血人君修德灾可弭桑生于朝赫王業方今滔滔
天下墊鋒鏑四起羣豪傑孰能拯亂以爲治嗜仁
而不虐吁嗟斯民命矣夫荼毒殘傷亦何辜

題畫贈呂彥貞

江上秋雨晴泊舟烟水汀孤吟誰和予悠悠聽姑
鳴故人邀我畱三宿豆畦蘿逕居幽歇松醪陸續
酌山瓢燈影縱橫爲風竹水光雲氣共悠悠鶴思
鷗情樂此畱無碍無衣悲歌憐三沐三疊歎伊優
君自息機江上住我且沿洞從此去圖記新詩草
雲林詩集 卷之二 十六 汲古閣

草裁眼底流光水東注

賦許君震杏林小隱

江上春雨歇喬柯散繁花開樽藉莓苔共醉仙人
家霽景麗華彩微波搖絳霞東風夜來急吹雪滿
江沙明朝杏熟虎爲守郊原綠遍聞鳴蛙

郭文顯善推人禍福神驗賦贈

昔者馬季主賣卜如有神郭君言禍福奇中季之
倫顧我年衰野而躑尚復紛紛嬰世網爲卜明年
春水生欲問桃源刺瀛勝

姚節婦詩

節婦復節婦處心良獨苦苟不義以生寧從義而
死荆南流水石齒齒冠屨辱形虧宛清泚妾可死不
可辱夫從父生死攜女婦兮婦兮死所安使我感
激涕洟瀾古今出處多射利妾身事國爲貪奸靡
王易主意未殫身沒令名生美官嗚呼史臣直筆
古來少孤臣直節尤艱

寄

李徵君將還揚州因言沈郎官吳中賦此以

雲林詩集

卷之二 十七

汲古閣

二月桃始華淮南客還家塔前疎雨落堂上春衣
薄爲言沈約在吳中玉壺青絲酒如空春風相過
蕙草綠芳菲滿堂樂未終

送潘生適越

鏡湖春水綠云云兩岸楊花飛白雲落日繫舟微
雨歌一壺濁酒飯香片嘉尔盛名年少得筆精墨
妙比羊欣日長高臥無餘事應有人書白練裙

秋鶴軒

開軒北郭名秋鶴鶴影翩翩向家廓不見千年丁

令感悲嗟城郭是耶非紛紛霜葉飄庭樹苔色荒
陰翳烟霧草徑逶迤深樹中時有山僧自來去

送顧生歸四明

江上買舟歸四明竹枝嫋嫋秋風生好營三釜爲
親養此去千里飛雲情木稼登場候鴈至霖雨如
晦晨鷄鳴舒王舊日宰邑處苔石縱橫湮姓名

題陳氏齋壁

愛爾茆齋少塵雜時來下帷清晝眠風流政使書
裙去嬾情惟知坦腹便林間病鶴尚俛啄池上山

雲林詩集

卷之二

汲古閣

鷄徒自憐何爲當年種桃者移家偶脫區中緣

宿薩判官家聽琴

薩公能琴賢且文城闌一遇何權折高堂埽榻新
雨霽爲鼓瀟湘之水雲竹林蕭瑟風嫋嫋山日掩
靄波云曲終推琴意愈淡忍卽別去隨飛致

十一月廿三日率性德原共載過林下而余
適不在遂返棹竟還明日詩來因次韻重
邀之

雲林風雪德不孤指顧可求塗豈迂兩忘主賓政

自好一以禮法何其拘我方飄忽念歲月君乃疎
豁笑人奴再爲理棹急相就放筆看寫狂遊圖

至正十三年三月四日同章鍊師過張先生

山齋壁間見柯敬仲墨竹因懷其人其詩
文書畫鑒賞古跡皆自許爲當代所少狂
逸有高海岳之風但目力稍短耳今日乃

可得耶

柯公鑒書奎章閣吟詩作畫亦不惡圖書寶玉尊
鼎碑文彩珊瑚光錯落自許才名今獨步身後遺

雲林詩集

卷之二

汲古閣

名將誰託蕭蕭烟雨一枝寒呼爾同遊如可作

贈陸子華

爲愛渰西春水綠三年不來今乃復如來不三宿
桑下子華留我經旬宿東隣唯有沈休文文字詩
篇與討論時時亦復具鷄黍未能厭飫嘉盤飧爲
君吐出無味句歎爾網魚共濡煦不作卑卑兒女
情仰天大笑飄然去

贈顧定之

輕薄紛紛新少年論詩作賦如湧泉爲雲爲雨手

番覆背面傾擠當面憐阿翁七十仍踰四與我同心生竝世高臥白雲發絳霞草堂門對靈巖寺

贈丘氏兄弟及周生

岑參兄弟皆好奇二丘那復論東西欸門有竹我初到置酒投轄烏欲棲塔壁寫圖觀落墨瀟片留坐綴新題東風甚與周郎便桃李陰陰畫滿蹊

贈陶得和製墨

麋膠萬杵搗玄霜螺製初成龍井庄悟得廷珪張遇法古松煙細色蒼蒼桐花煙出潘衡後依舊升

雲林詩集

卷之二

汲古閣

龍柳枝瘦盡看陶法妙非常一點濃雲瓊栢透

丙午十一月十九日避渚上丁未十二月十

六日始去此至陳溪分湖間矣因寫詩柯

竹石并詩

渚渚淹留再煥寒移居何處卜林壑可憐產不能恒業聊復心隨所遇安船底流漸微浙浙葦間初日已團團故人存沒應難訪愁裏題詩強自寬

倪雲林先生詩集卷第二

倪雲林先生詩集卷之三

五言律詩

與張貞居雲林堂宴集分韻得春字

青苔桐庭除曠然無俗塵依微樵逕接曲密農圃隣鳴禽已變夏疎花尚駐春坐對盈樽酒欣從心所親

用虞道園韻奉贈謝長源

公子太傅裔好於湖上居卷簾微雨裏岸曠晚風餘古刻秦斯篆玄經許採書何當尋好事鼓枻及

雲林詩集

卷之三

汲古閣

秋初

題張德常良常草堂二首

一室良常洞幽深古大茅風瓢元自寂畦甕不知勞歌出逢騎虎初來學種桃還應白雲裏遲子共遊遨

翠壁隣丹竈青楓背草堂琴書聊卒歲麋鹿自成行澗水流盂滑飛花入座香能無問津者及此繫舟航

贈王生蒙泉

曉鏡拂秋水晴簷度白雲青春去浩浩豔落紛紛道在形神豫心由瞭眊分君其慎語默世事皆余聞

俞子中見過

積雨衆芳歇新晴生綠陰獸眠方不愜多子復相尋鳴鹿在春野啼鶯聞遠林余懷良已罄咏嘯罷清琴

賦平野

見話幽人屋荒城落日邊川途漫漫浩烟樹靄芊

雲林詩集

卷之三

汲古閣

平野稻初收碧江魚上釣鮮何富剩沽酒直到爾

門前

對雨次張貞居韻

戶庭來遊絕園林飛雨滋芳氣初襲惠園文復散池裁書恐沾溼對溜謾懷思清溪已可汎方舟幸及茲

奉荅明卿先生

林靄去鶴唳孤烟原上村襖澗綠雲滿換幘晴景暄處和斯遺隘抱冲自寡言君亦因窮節聚溺何

當援

題張氏萊竹軒

高軒自虛曠幽竹亦叅生苔石寒依玉風泉夜奏笙治冠輕一音醞酒綠因名好折青鸞尾仙壇掃月明

遊善權洞

來窺善權洞一上李公樓水映巖前引雲旌松際浮然石長不夜垂釣只虛舟欲讀吳朝刻真成冒雪遊

雲林詩集

卷之三

汲古閣

贈簡上人

初公經閣裏復過簡禪師好飲茅君酒狂吟杜牧詩錢唐江上去楊柳花飛時帆影青山隔依依夢見之

友人期過寺中不至

山寺擁爐夜風聲如怒濤獨吟何水部還思王騎曹曠達余所羨阻別心增勞來茲慰幽寂輕舟幸卽操

義興吳國良用桐烟製墨黑而有光膠法又

得其傳將遊吳中以求售輒賦詩以速其行云

生任荆溪上桐花收夕烟墨成羣玉祕囊售百金傳孰謂奚珪勝徒稱潘谷仙老松端媿汝桐法更清妍

贈墨生

巖谷春風起桐花落澗紅隔水輕烟發收煤石匱中豹囊祕玄玉鵝池生白虹湯生法潘谷千載事同風

雲林詩集

卷之三

汲古閣

題方厓墨蘭

蕭散重居寺春風蕙草生幽林蒼蘚地綠葉紫瑯莖早悟聞思入終由幻化成虛空描不盡明月照敦榮

送徐元度還江西

悠悠西江水綿綿江上山借問離羣鶴孤飛幾時還白雪亦忌潔青雲安可攀時時王子晉吹笙向人間

秋日贈張茂實

久客東海上秋風吹練裙放言愛莊叟咲癖如陸雲采藥清晨出哦詩靜夜聞滄浪可濯足吾與爾爲羣

悼朱高士

秋日高人近微霜蕙草摧蒼羣空碧沼鶴影自層臺應御冷風出疑隨密霧來杉松暮蕭瑟撫事有餘哀

雪槎軒

已比溝中斷空思海上浮隨雲秋汎汎貫月夜悠悠

雲林詩集

卷之三

汲古閣

悠無路通河漢憑誰問女牛漂搖非有待吾道付滄洲

寄王叔明

能詩何水部愛石米南宮允矣英才最居然外祖風釣絲烟霧外船影畫圖中他日千金積陶朱術偶同

悼項山清上人

幽曠山中樂飄飄物外踪梵餘閑憩石定起獨哦松花落春衣靜雲垂澗戶重依依種蓮處林暝只

聞鐘

賦德機徵君荆南精舍圖

結廬溪水南勝事足幽探夏果足山雨春衣染夕嵐石欹招鶴磴門俯射蛟潭日日棠歸夢蕭條雪滿簪

追次唐綦毋潛宿龍興寺詩韻寄方匡

無家何處歸南渚有禪扉湘簾間秋水池蓮墜羽衣硯池滋黠黠竹露淨微微秋蕪情如客攬君去槩飛

雲林詩集

卷之三

汲古閣

贈道益

昔者劉高士匡山曾結廬插蘿培杞菊克棟著圖青鶴影秋雲外蛩吟夜雨餘茂深繩祖武息景在林居

又贈道益并似陸明本

作賦雲間陸能詩鄴下劉悲秋多遠思振柁作清遊竹冷侵衣屢窗虛見女牛燈前一盃酒漂泊更維舟

送宗天章歸廬山

屏風茅九疊歸伴鶴巢松五老峰前路東林寺裏鐘宗雷憂入社陶謝并遺踪我亦名山隱他年何處逢

贈公遠

霜葉落欲盡晚山看更青躡將沙際屐坐久水邊亭俛仰已如夢漂搖同泛萍稻梁非所戀黃鵠思冥冥

寄道士王宗晉

王君舊隱地聞更結茅茨鶴筆春裁芋霧羣雪泛雲林詩集

卷之三

汲古閣

池時歌綠水曲不負碧山期夜雨生春草令人起夢思

寄刻九成

州府今爲橡風埃多厚顏香片渾滿澗去鶴未巢山思逐春雲亂心隨野水閒章君應話我樽散碧巖間

邀張彥高

清風入庭戶野客意悠哉一與佳人別階前生綠苔鬱鬱松陰晚悄悄竹扉開我有盈樽酒慙稱待

君來

用韻重寄

山齋秋聽雨高卧興悠哉鹿飲荒池水蝸耕石逕
苔寶瑟芳塵滿臨尊詎忍開長吟我有待躡屩子
能來

寄張德常

卜宅近溪西雲烟只尺迷晝眠同野鶴晨懶候林
雞舊種松三逕春栽菊滿畦來禽與青李囊致不
封題

雲林詩集

卷之三

汲古閣

三月十日義興王子明送竹菌賦詩

竹下拾烟菌筠籃初送將亭亭似三秀楚楚異衆
芳猶帶雨露氣更懷泉石鄉此日山中客笋蕨得
新嘗

高進道水竹居

我愛高隱士移家水竹邊白雲行鏡裏翠雨落階
前獨坐敷書席相過趁釣船何當重來此爲醉酒
如川

張天民溪亭

晝畫溪亭月當窗影更妍朱絃彈淥水細柳舞春
烟杜牧何年宅山僧栖夜禪張公一杯酒歌醉羲
皇前

送王叔明

連榻卧聽雨劇談清更真少年英邁氣求子不多
人仕祿豈云貴貝琛非所珍當希陋巷者樂道不
知貧

積雨

積雨生朝菌微風墮碧蓮勢池汲書水鶴帳理琴
雲林詩集

卷之三

汲古閣

絃展躡苔衣破窗承樹影圓空林無與語長夏曲
肱眠

賦雪蓬

手把玉塵尾身披素綺裘梨花繁夜月柳絮入虛
舟不作饑鶩咏其如載酒遊因懷鄒溪與烟水暮
悠悠

孤雲用王叔明韻

烟浦寒汀雨吳山楚水春絕無凝滯跡本是不羈
人鸛鶴同栖息蛟龍任屈伸自嗟猶有累斯世有

吾身

二月十六日賦

白鶴烟霧遠滄洲雲海寬
藤蕪細雨溼桃李春風
寒沉憂鬱不解離緒杳
無端還憶郊園集羣醜共
清歡

寫山陰丘壑圖寄趙士瞻

吾愛趙徵士清才能逸羣
昔營山陰宅今在吳松
濱月牖自理詠春羹偏美
片遠懷松上鶴寫寄嶺
頭雲

雲林詩集

卷之三

汲古閣

賦雪舟

一舸星河渚空明玉氣浮
懷仙李太白訪遠王子
猷月明如可掇曙光疑欲
流銀屏雲母障夢爲笙
鶴遊

題李遵道山居圖

披圖慘不樂日暮眇余思
坐石看雲處空齋對榻
時世途悲在再墨氣尚淋
漓惆悵騎鯨客于今豈
有之

寫秋林遠岫圖贈約齋因題

五言韋刺史此地數曾遊
無復綠陰靜空悲紅樹
秋市聲晨浩浩雲影暮
悠悠徵士冲襟勝邀余共
茗甌

次韻酬荅謝參軍王長史二首

岩薨太華隱婉戀東山情
學本猶龍老詩工阮步兵
心期流水遠世事浮雲輕
公府饒才彥琅琅玉雪明

示病維摩室端居無俗情
清齋久絕飲白首不論
兵露壁蛩吟切風林鶴骨
輕何時王內史相見眼
雲林詩集

卷之三

汲古閣

增明

贈友生

故人于靜遠訪我到南湖
作黍蔬親淪開筵酒屢
沽臨流同嘯咏剪燭尚歌
呼長夜清無寐還爲風
竹圖

題畫

甫里林居靜江湖遠浸山
漁舟衝雨出巢鶴帶雲
還漉酒松肪滑數箇楮雪
閒春風一來過似泊武陵
灣

荒村

踽踽荒村客悠悠遠道情竹梧秋雨碧荷芰晚波
明穴鼠能人拱池鷺類鶴鳴蕭條阮遙集幾展了
餘生

七月十四日對雨一首

雨簷驚瀉瀑江漲忽通渠古砌羅秋草荒畦緩曉
蔬稍開雲表月還掩篋中書欲話幽貞意忘言已
久如

寄虞子賢

雲林詩集

卷之三
十二

汲古閣

天濶海漫漫崑山望眼寬桃源迷晉世松樹受秦
官兩薛鹿迹遍霜梧鷺影寒封題數行字聊問竹
平安

贈沈文舉

波光浮草閣苔色上春衣楊柳鶯啼遠櫻桃鳥啄
稀榮名非所慕登覽竟忘歸渾水宜修禊重來坐
釣磯

爲文舉畫渾山圖因題

華亭西畔路來訪舊時踪月浸牛江水蓮開九朵

峰酒盃時可把林叟或相從興盡冷然去雲濤起
松松

已酉八月廿三日雨至廿六日乃開霽賦五

言呈德常

積雨琴絲緩沿階綠苔滋泥途方汨沒茅屋且棲
遲酒向隣家買盃盃從野老持便應從此去海上候
安期

徐伯樞歸耘軒

歸耘向何處近在東膠山白雲宿虛牖釣艇宵荒
雲林詩集

卷之三
十三

汲古閣

灣潭琴送落月濯纓弄潺湲寸田勿根莠所願勤
治艾

用彝齋韻贈張韓二君

張仲情何厚韓康誼亦深賦詩論宿好聚首笑初
心阮籍唯須酒陶潛不解琴與君忘爾汝蕭散鶴
鳴陰

賦謝王彝齋

不面纔經宿題書細作行心親情戀戀事往意茫
茫酒榼浮松蘂羊腔截玉肪歌詩報佳貺期此共

徜徉

次韻酬彝齋見詒二首

秋氣入幽居
塔前樹影疎
筋骸渾懶惰
服食轉清虛
薄晚魚潛渚
新晴溜繞除
茯苓期共煮
悵望苦吟餘

荆溪丘經遠
暇日得躋攀
野客時相遇
高人意自閒
敲門看修竹
卜宅近青山
勝事今寧有
幽吟一解顏

畫竹寄王彝齋

雲林詩集

卷之三
十四

汲古閣

荆南山色裏
翠竹密綠溪
冉冉春烟薄
冥冥暮雨迷
夢長蝴蝶化
行遠鷓鴣啼
舊日栽桃李
清陰自滿蹊

聽雨

樓上看春雨
玉笙悲遠天
辛夷紅點筆
芳草綠搖烟
冉冉侵書幌
冥冥溼釣船
新愁嫌點滴
元不到鷗邊

畫寄王雲浦

蕭散賢公子
衙門似水清
花間青鳥過
砌下綠苔

生山色排簷入江波
照眼明開圖想幽境欲爲寫閒情

雨几

雨几唯生睡
村醪不解愁
泥塗深溺象
身世渺浮漚
遲草紛披溼
林扉慘淡秋
何人富春渚
五月披羊裘

題丘氏壁

我愛丘君宅
蕭然隱者風
石邊蒙細篠
井上植高桐
墨沼鷺羣白
雲窗葉盡紅
咏歌富上已
修禊樂融融

卷之三
十五

汲古閣

融融

三芳圖

丹桂月光落
倚闌琴調清
歌吟秋鶴瘦
相對夜江橫
芳烈誰先後
才華孰重輕
道心安有染
無物惱閒情

畫江天晚色贈志學

不見呂君久
題詩懷不忘
風聲渾落葉
山影半斜陽
獨鶴來遲算
孤帆出渺茫
爲圖秋色去
爾寄讀書堂

桂花

桂花留晚色，簾影淡秋光。靡靡風還落，菲菲夜未央。
玉繩低缺月，金鴨罷焚香。忽起故園想，冷然歸夢長。

苔雲浦

尋真狎隱淪，息景絕風塵。屈子能安義，陶公每任真。
真山中宜餌木，江上憶羹蓴。亦欲從栖遜，柴車爲爾巾。

題墨竹贈李文遠

雲林詩集

卷之三
十六

汲古閣

義興李文遠墨法似潘衡，麝角膠偏勝桐花烟。更清紫雲腴，泛泛玄璧理。庚庚安得龍香劑，霜枝寫月明。

送僧

聞說四明道，山川似若耶。去依阿育塔，還宿梵王家。
望井封殘雪，江船乘晚沙。光公強健否，持底作生涯。

垂虹亭

虛閣春城外，澄湖暮雨邊。飛雲忽入戶，去鳥欲窮

天。林屋青西眺，吳松碧左連。登臨感時物，快吸酒如川。

三月四日解返德方郎官九成掾史於荆溪之上，相從及旬而別，因九成徵余畫并賦詩爲贈。

詩爲贈

刻掾學阮掾，宛然西晉風。百年聊復爾，三語將無同。
載酒來溪上看山人，刻中孤帆逐雲影。烟雨滿春空。

又題畫贈九成

雲林詩集

卷之三
十七

汲古閣

吳山春雨，淨江渚。暮潮半解，纔欣初霽。開帆已到城，刻君有高超。樽酒慰閒情，醉吐真丘。經毫端一咲成。

暮春期潘徵君不至

風林驚宿雨，澗戶落殘花。芳月忽已晚，幽期良恐賒。
黃鸝念求友，鸚鵡呼煮茶。猶候犢車至，心親寧憚遐。

寄徐仲清

巖谷採靈藥，蕭條栖遁情。白雲簷下宿，海鶴階前

鳴燕俎登春蘭晨飧脯竹萌詩憑五瀉水好過蘭陵城

送李微君遊荆溪因寄王司丞

何處尋狂客故人王子猷花落庭前樹風吹溪上舟紫筍生春雨綠蘋滿芳洲心隨酒船發悵望不能休

題畫贈張玄度

蕭條江渚上舟機晚相過卷幔吟青嶂臨流寫白鷺壯心千里馬歸夢五湖波圍石荒筠翳風前悅雲林詩集

卷之三
十八

汲古閣

浩歌

玄度文學好學工詞翰藹然如虹之氣真江南澤中千里駒也十二月十四日侍乃翁訪僕江渚相與話舊踟躕深動故園之感因想像喬木佳石翳沒於荒筠草蔓之中遂寫此意并賦詩以贈焉

爲唐景玉畫丘壑圖并賦

丹經留玉斧眞籙佩青童蛇迹氛埃外怡情岩穴中吹笙縹緲月理詠舞雩風欲畫玄洲揮毫清

與同

稽山草堂爲韓致因賦

稽山讀書處應近賀公湖明月懸巖鏡汀花落酒壺賣藥入城市扁舟在菰蒲逃名向深僻君豈伯休徒

五雲書屋

幽深隱者宅迢遞少微山賀公鏡湖曲李白棹歌還雨几研苔碧風軒江竹斑韓衆近何似晏景白雲間

雲林詩集

卷之三
十九

汲古閣

畫竹贈王光大

荆溪王隱士相見每從容借地仍栽竹巢雲獨傍松青苔盤石淨嘉樹綠陰重約我同栖遁嵩高羊幾峰

題漁樵友卷

釣水復樵山逃名宇宙間一篙春水淨半畝落花閒鷗易時親狎松雲共往還厭聞塵世事緬邈不相關

題畫贈王仲和

曾住南湖宅于今已十年
幾筠還自翳喬木故依然
雨雜鳴渠湧雲連煮米烟
何時重相過爛醉得佳眠

南湖陸玄素高士幽居今王君仲和居之
水木清華戶庭幽邃余嘗寓其家四年
儵然忘世慮也仲和以此幀索畫竹石畫已并詩其上以寫
倦倦之懷玄素仲和外舅也故尤感余故人之思
乙巳初月十七日

荅光大

雲林詩集

卷之三
二十三

汲古閣

空谷枉嘉藻幽吟當廩秋詩鏗清廟瑟書聳屈盧
予學業余多愧才華子猷優飛鸞天外羽斯世邈難儔

畫竹寄張天民

良常南洞口間有掃塵齋竹影春當戶泉聲夜遶
堦自矜霜兔健安有魯魚乖截得青鸞尾因風寄好懷

題元朴上人壁

蕭條江上寺迢遞白雲橫坐待高僧久時聞落葉

聲臨夷懷往事張翰有餘情獨掉扁舟去門前潮
未生

挽張德常

孝弟由天性清貞有祖風宦遊江郭遠歸隱曲林
通嗜古真成癖歌詩信已工有才悲賈傅荏苒百
年中

寄張心遠

江海章高士相違已半年青山雲冉冉白鶴影翩翩
坐看神龍抃行吟秋水邊何當拾瑤草遲子華
雲林詩集

卷之三
二十一

汲古閣

山巔

寄張景昭

烟渚落日後風林清嘯餘輕舟下天際高人遺素
書笋脯炊菰米松醪薦菊茱子有林銓趣江海一
胥疎

寄東白上人

楓林散霞綺湖水淡秋烟忽憶北麻溪初春掉酒
船羽客借鱸具高僧醉樓禪何時來甫里痛飲

前

晝吳松山色贈潘以仁

吳松春水綠搖蕩半江雲嵐翠窗前落松聲清際
聞潘郎狂嗜古客我醉書裙鼓柁他年去相從遠
俗氛

贈友

父子相師友周南義理門阿翁如玉潔賢嗣似春
溫舍後自生笋堂陰亦樹萱西山近在望靜默以
忘言

贈陸隱君

雲林詩集

卷之三
二十二

汲古閣

甫里高人後風流有裔孫愛山仍愛畫甯饌復甯
樽每看雲眠石因尋竹欵門今朝嵐翠溼應是雨
翻盆

倪雲林先生詩集卷之三

倪雲林先生詩集卷之四

七言律詩

北里

舍北舍南來往少自無人覓野夫家鳩鳴桑上還
催種人語烟中始焙茶池水雲籠芳草氣井床露
淨碧桐花棘衣挂石生幽夢睡起行吟到日斜

山園

春水鳬鷖野外堂山園細路橘花香栖栖身世書
盈匱漠漠風烟酒一觴豈謂任真無禮法也須從
雲林詩集

卷之四
一

汲古閣

俗者冠裳不營產業人應咲竹本桃栽已就行

林下

林深何處尋行逕披草時過野老家練練澄波晴
偃月蜿蜒小塢曲藏蛇孤帆賣藥來勾曲獨木爲
橋似若耶高卧閉門成懶癖蒼苔從滿石樽窪

林下遺興

眼見藤梢已過牆手拈書卷復堆床閒臨水檻親
魚鳥欲出柴門畏虎狼冠製不嫌龜殼小衣裾新
剪鶴翎長從來任拙唯疎懶一月秋陰不下堂

春日

閉門積雨生幽草歎息櫻桃爛熳開春淺不知寒
食近水深唯有白鷗來即看垂柳侵磯石已有飛
花拂酒盃今日新晴見山色還須拄杖踏青苔

二月十日玄文館聽雨

卧聽夜雨鳴高屋忽憶陂塘春水生何意遠林饑
獨鶴若爲幽谷滯流鶯成叢拘杞還堪采滿樹櫻
桃空復情二月江頭風浪急無機鷗鳥亦頻驚

對雨寄張伯雨

雲林詩集

卷之四

汲古閣

把酒獨臨溪上雨林深地僻少相過忽與天際真
人想欲乞山陰道士鶯坐久研苔侵袖碧書成簷
滴沒塔多悠然靜寄東軒下日莫徘徊聊短歌

雪後過陳子貞隱居

陶公卜宅南村裏快雪初晴思一遊樹辨微茫來
獨鶴檣搖欹側散輕鷗墨池繞溜春水滿鹿榻繡
書夕照收相見惘然如有失掉頭吟咏出林丘

吳門賦謝陸繼之黃柑紫蟹之貺

闔閭城外皆春水斜日維舟方醉眠攜手故人驚

夢裏送書飛雁落尊前黃柑開裹煩相贈紫蟹傾
筐也可憐憶爾默居湖上宅晴窗奇石翠生烟

送井允從

來尋墨沼雲林下共愛女蘿懸石床喚人鸚鵡語
猶澁當戶枇杷子半黃奉橘定應題百顆籠鶯卽
欲寫千行蘭亭書法人間少好去山陰覓野航

送徐元度

荷鍾空林春雨餘艤舟江岸燕飛初去尋天上仙
人珮宜顧山中隱者居霜月四更提劒舞田園二

雲林詩集

卷之四

汲古閣

頃帶經鋤蘭榮柳密南檐下佇子雲間枉尺書

寄鄭徵士

谷口子真今最賢久別鸞鸞夢相牽好營林田多
釀酒欲買茅屋尚無錢久病每書除藥券客來唯
候煮茶烟闔閭城東有艇子憶爾青燈相對眠

荆溪卽事

銅官之山溪水南周處廟前多夕嵐看卷雲帆歌
白紵勸嘗春酒破黃柑長林獸往誰能覓幽事相
關性所耽苦欲避喧那畏虎倘從地主結松龕

奉懷張外史

陰壑慘慘綠苔生碧雲亭亭多遠情
松杉鶴去轉蕭瑟洲渚花落自蹤橫
從君下榻住十日看我敲枹出層城
洞口菌巢無恙否定應閉閣著書成

次韻薩天錫寄張外史

谷口路微山木合濕衣空翠不曾晴
饑猿板檻爲人立寒犬號林如豹聲
小閣秋清聽雨臥長空日出採芝行道
心得失已無夢沐髮朝真候五更

送張外史還山

雲林詩集

卷之四

汲古閣

道士朝乘白鶴還樓臺金碧鎖空山
半天花雨飛幢節萬壑松風雜珮環
丹井夜寒光剌剌石壇春靜薜蘿斑
斑飄然便擬從君隱分我玄洲一半閒

次韻陳子貞見示

漠漠寒烟墟落際猶餘東雪鎖荒榛
行隨雲谷采樵者飯供松龕學道人
未必杜陵潭懶慢可憐逸少轉清真
酒船好纔溪頭石花鳥相娛行及春

寄鄭九成

芙蓉洲渚映江波落日維舟發棹歌
坐久不知初

月墮居謀何處白雲多批糠富貴知吾否
簿領風埃奈子何几格香材倘持寄熏爐
茶鼎樂漁簑

顧仲贊來間徐生病差

室裏維摩病已瘳竹爐藥鼎雨聲秋
一畦杞菊爲供具滿壁江山入卧遊
舟外鷗波情浩蕩窻間蝶夢思綢繆
虎頭衰絕從談謔煮茗聊爲半日留

雨後

雨後循除泉亂流落花時節綠陰稠
石尊貯酒供杯飲素壁圖書入卧遊
翳日長林藏伏虎際天春

雲林詩集

卷之四

汲古閣

水若輕鷗幽居四月饒櫻笋醉裏題詩一散愁

以龍尾硯寄錢徵士

龍尾誰嗟古硯池庚庚玄壁隱風漪
知君筆力能扛鼎愛我雲腴欲產芝
投贈寧論百金直咏懷更賦五言詩
唯應洗濯寒泉潔靜試松煤獨下帷

鶴溪爲張天民賦

溪西松影高千尺白鶴時時眠上頭
風雨不驚鷗鶩宿雲霄應與鳳鸞遊
明窻筆格珊瑚樹新釀松花瑪瑙甌
露下鳴皋聲聞遠幽人空谷獨相求

聽秋軒

聽秋軒裏聽秋雨。定起山僧坐翠微。隱隱烟濤搖
夜席。濛濛花雨著人衣。驟如崖瀑衝雲落。婉似湘
靈鼓瑟希。六用根塵今已淨。松篁陰下共香霏。

次韻重居寺壁間柯博士舊題

初月五日春意動。遠水蕩漾情如何。鏡中羞見白
髮短。柳上愁看青眼多。起拂綠琴歌楚調。爲留明
月挂松蘿。弭棹溪南一杯酒。它年浪迹倘重過。

初書記以詩來別。且諄諄開論。深見方外之

雲林詩集

卷之四

汲古閣

情因走筆次韻奉謝併期而別

從知四大皆假合。順境逆途非樂憂。夢中妄想驚
得鹿。海上忘機思狎鷗。舉世何人到彼岸。猷君知
我似虛舟。詩來說法能開論。頑礦無情也點頭。

鄭明德新居

就居吳市仍栽竹。挂榻高齋猷待余。風引香烟金
鵲尾。雨添書水玉蟾蜍。仲舉未應治一室。更生何
用博羣書。繞床阿堵那嫌俗。每罄金錢一飯餘。

悼頂山清上人

孟渡前溪見水源。偶來佩芷服蘭蓀。香臺猶帶山
窻影。經卷長依松樹根。雲起晴峯還有觸。雪消春
野不留痕。脩然我已忘言說。翠竹黃花自滿園。

晨起一首寄丹丘

竹窗晨起聞幽鳥。深巷絕無車馬喧。多病馬卿非
不遇。歸田陶令自忘言。牆陰薯蕷苗茁茁。雨裏櫻
桃花正繁。二月陰寒少晴日。坐看春水上柴門。

寄張貞居

不但入城踪跡少。南隣野老見猶稀。狂歌鳴鳳聊

雲林詩集

卷之四

汲古閣

自慰舊學屠龍良。已非蒼蘚渾封麋鹿逕。白雲新
補薜蘿衣。羊君筆札誰能寄。欲讀靈文一扣扉。

送貞居還山

日暮書傳青鳥使。華林瑤草待君歸。挾舟婉婉雙
龍出。背雨寥寥一鶴飛。秋水琢成蒼玉珮。朝霞補
作紫烟衣。山中長史來相覓。應借窗間白羽揮。

再用韻寄貞居及柳太常鄭有道

華陽外史從幽討。谷口高人亦賦歸。歸憶愚溪對
山坐。何時菡闥看鴻飛。荒荒旭日晞玄髮。滴滴流

泉浣素衣寂寞松窗懸榻處塵生塵尾不堪揮

次韻鄒九成見寄

郭外青山舊結廬微茫野逕望中無殘生竟抱烟霞癖好事猶傳海岳圖夜壁松風懸雅樂秋池菊水酌商飭倘從世外求玄賞好趁輕舟看浴鳬

題米南宮石刻遺像

米公遺像刻堅珉猶在荒烟野水濱絕歎暮苔迷慘淡細看風骨尚嶙峋山中仙塚芝應長海內清詩語最新地僻無人打碑賣每懷英爽一傷神

雲林詩集

卷之四

汲古閣

賦居延王孫德新小隱軒

志隱寧須分小大不論塵市與山林橋中之樂固不淺壺裏有春藏更深奕戲自能忘世事酒尊聊用散冲襟辛耕岩築荷無過豈有朝堂論道心

送浙憲掾劉彥文并簡張貞居

落日采蘋溪水綠目追帆影先飛鴻寄書爲覓仙人隱種杏今居丹井東遠道悠悠宵入夢晴波洵洵畫多風鳴珂使者清無事爾得優游羣掾中

寄吳孟思并懷貞居

江海風流吳孟思十年不見髮成絲舊同野老松花供今寄仙君石室碑秋日滿船初晒藥晴雲浮水獨臨池南山樹裏孤棲鶴爾去何當一問之

寄王叔明

幾夢山陰王右軍筆精墨妙最能文每將竹影撫秋月更愛山居寫白雲祕笈封題饒古迹雅懷蕭散逸人羣今年七夕聞多事曝書繕書到夕曛

戲題嚴錄事所集書畫數

兩館書逢嚴錄事手持書畫索題詩金題玉牒齊

雲林詩集

卷之四

汲古閣

梁迹摹刻厓鏤秦漢碑把玩始驚繁卷軸品量還愧拙言詞古人冷淡今誰尚謾茸殘編慰所思

薩仲明爲丞相府掾時僦居京師名其軒曰

半野後買宅延陵亦揭是名於軒因兩宿

其下遂爲賦此

何意開軒名半野身存魏闕思江湖斜侵瓜圃通花藥稍傍薇垣近竹梧千里秋風催斫鱸九霄晨露泫飛鳬如今別買荒城宅自掃風林候野夫

次韻和德原率性所賦十二月四日雪

海宇希微隱一毫行舟水膠夕停篙愁看寂寂雙
峰並細數林林亂石高豈有風塵勞白羽謾思文
采照宮袍雪融二月溪流合洞口誰尋千樹桃

贈葛子熙

打碑直入長安道養母還歸白馬峰聞道陰崖
積雪將尋隱地看長松晴窗弄翰山僧對寒澗行
樵野鹿逢爲問山中危太朴到州應與子相逢

題荆南精舍圖

誰畫荆南精舍圖雲嵐翠墨模糊林間野鹿時

雲林詩集

卷之四

汲古閣

相逐洞口山猿不受呼尚有流泉悲夜雨已迷幽
逕入寒蕪痴人莫彈西飛鶴雲外仙君恐姓蘇

賦德機荆南精舍圖

溪上田園定有無愁將歸思畫成圖春林寂寂花
開落風牖冷冷鬼嘯呼尚有流泉悲夜雨已荒幽
逕入寒蕪何當一舉同黃鶴未覺山川路舊紆

贈別益以道書記

一咲相逢豈有期因懷西崦話移時李公祠畔空
餘月陸子泉頭舊有詩旅思悽悽非中酒人情落

落似殘棋雲濤眼底三生夢鷗影秋汀又語離

辛亥六月三日寓寶性源禪房爲寫竹稍因

賦

開門便肯留人宿不夜長然禮佛燈君已風流如
惠遠我聊吟嘯答孫登來依長夏安居者莫厭無
家有髮僧清夜哦詩江月白琅玕節下影翳翳

此身已悟幻泡影淨性元如日月燈衣裏繁珠非
不得波間有筏要人登狂馳尚覓安心法玄解寧
爲縛律僧曲几蒲團無病惱松蘿垂戶綠鬚髥

雲林詩集

卷之四

汲古閣

殘生已薄崦嵫景猶護餘光似曉燈縣圃雨雲元
不隔華嚴樓閣也須登夢歸金蘭山前路飯仰白
雲窗裏僧獨鶴步庭閒鶴影西風吹髮雪鬚髥

送寶南琛往住荆溪碧雲寺兼東方屋

碧雲林經香重重此去風流似簡公春葉碓閒瀟
瀟下空山蚤響月明中結茅擬候芝三秀眠鹿處
遺地一弓閑道重居開竹牖待予艇子過溪東

八月三日與劉道益連床夜話風雨凄然五

日開霽道益賦詩見貽次韻一首

扁舟小泊菰蒲雨玄論都消身意塵空寂室中無
侍者蕭條雲外不羈人酒盃畏病不復舉燈火新
涼差可親嫋嫋秋風振庭樹綠波芳草似初春

俊仲明以詩見示次韻

南湖流水綠泱泱野鶴同栖秋夜長短世應須幾
緬屐懷人可但九迴腸驚風零亂芭蕉影冷雨淒
迷苗苗香高尚劉君此栖遁疑之百世有餘光

別彥貞

空齋風雨話連宵歸夢不知山水遙鶴遠城荒嗟

雲林詩集

卷之四

汲古閣

寂寂香霏鬢影共蕭蕭市中乳虎人三語燈下寒
蕕酒一瓢無念百年聊樂爾海鷗飛去定難招

留別王叔明

秋蛩唧唧雨蕭蕭梧韻陶泓伴次寥此去不能期
後會清言聊以永今朝溼雲窗裏初溫酒白易汀
前又晚潮故國何人賦招隱桂花零落更停橈

別張玄度

歸去荆溪丘壑多松陵浦口復來過清風明月許
玄度泛宅浮家張志和夜雨燈檠歌陸續秋林樹

子落粉纈相逢相別嗟遲算人事多乖奈若何
挽鶴溪張先生

子述孫承久熾昌荇饒多施活人方句金壇下昆
常洞白鶴溪邊世壽堂孔壁遺書覩古學祇園法
藏溢神光乘雲咲謝人間世九秩逍遙返帝鄉
送張以中由宜興歸金壇

亂後歸來事事非子長遊歷壯心違陶公館裏憐
仙友杜牧堤邊戀落暉松下白雲初起石草間夕
露已沾衣君今尚有歸耕地願我將從何處歸
雲林詩集

卷之四

汲古閣

西野對雨清坐有懷明本彥準并呈道益
怪雨顛風裂菱荷鴨飛歷亂水驚波便須掃地焚
香坐豈有高人載酒過笠澤至今能養鴨山陰何
處覓龍鶯重陰忽霽猶斜日惆悵思君奈若何

過蘭陵留宿蔣達善家

蔣翊初開竹下邇野夫聊乘溪上舟珍簾敷床夏
水薄湘簾受風春浪浮圍棋終日對急雨解帶六
月如高秋可憐相口便傾倒就宿爲君少淹留
并允從來過溪上將還汝寧賦此奉送

野夫住近青山郭左右雲林無市聲忽有故人騎
馬至卽呼稚子出門迎虛窗圖史少開笈細雨滄
浪同濯纓乍別林居無所賴裁詩相憶字欽傾

送盛道士遊浙東

浙東山水隔層雲雪霽千峰曉不分蕭瑟松林疑
鶴語縱橫苔石見羊羣昔聞陽洞啓神祕中有仙
人留玉文美爾尋真不辭遠好隨烟霧把飛裙

送倪中愷入都

酌酒送君遊上京風帆回首闔閭城烟消南國梅

雲林詩集

卷之四

汲古閣

花發水泮長河春水生太史奏雲龍五色伶倫吹
律鳳雙鳴仰觀禮樂薨龍盛好播聲詩頌治平

春日送別余一秀才

翼翼高帆開遠天綠波芳草隨烟綿春林風雨集
憂思茅屋琴書移晷眠文采由來使信少草聖近
誇張旭顚百年聚散如落葉行客居人俱可憐

賦王真人胎仙樓

紫閣崑崙秘玉文攝天迎日禮神君河汾風吹來
未泯城郭鶴歸今復聞貪看飛裙舞綵綵遙伶風

馭散繽紛世人政若塵眯目指點虛無疑白雲

奉和虞學士寄張外史

華陽上館誰曾到知有高人避世深當戶春雲圍
紫蓋洗空花雨散青林丹臺篆迹龍蛇動經閣松
聲鸛鶴吟念子離居消息遠幾將書札寄遙岑

奉和苦雨

冥冥秋雨溺田禾日日奔雷吼怒鼉十里荒涼黃
犢草五湖浩蕩白鷗波直應天地移龍穴未覺階
除失蟻窠君子憂民重興感吁嗟天意欲如何

雲林詩集

卷之四

汲古閣

奉和虞學士賦上清劉真人畫像

君向積金峰頂任長年高卧聽松風蓬萊雲近瞻
天闕劔珮春明下漢宮歸去長謠紫芝曲翩然遠
挹黃眉翁標名合在諸天上何事置身岩壑中

再和前韻

焚香坐石孤峰月飛珮朝天萬壑風遶爾空歌傳
碧落飄然流響振金宮神君教服玄霜劑聖王能
延綠髮翁共道乘鸞去無迹祥雲繚繞畫圖中

寄曹德昭

苦憶建溪人姓曹五湖春水雲山高丹厓青林紫
步障蜀錦越羅金錯刀已知雅頌擣廟瑟無復謳
吟悲楚騷伏生衰朽見鵬化顧同斥鴳巢蓬蒿

再寄

荆溪山水最清遠結屋溪邊住幾年澗底松栢何
處鶴山中茶焙隔林烟清談況有王戎勝閉戶仍
聞孫敬賢詩卷何當時寄我長篇短句使人傳

春日試筆

喜看新酒似鶯黃已有春風拂草堂二月江南初

雲林詩集

卷之四
十六

汲古閣

破柳扁舟晚下歌鳴榔苔生不碍山人屐花發應
連野老墻美酒已拚千日醉莫將時事攪愁腸

送簡禪師易道

蓮花峰下簡禪師半醉狂吟索賦詩榻上諸僧禪
定後水邊高閣算鐘時不堪雨柳繁春夢且看書
燈照夜棋苦羨雲栖松上鶴吾生漂泊竟何之

題曹伯高爲曹尚書之子卜居詩卷

清貧我早識尚書身沒韓公爲結廬可但家聲今
不替也趨禁直未全疎窗臨墨沼揚雄宅郭暎雲

林謝眺居共愛諸郎遊息地風雲閒咏暮春初

雲泉小隱爲張德機賦

朝夕輕鷗傍釣磯好山自不與人違琴尊花圃春
酣後童冠風雪晚吟歸清卧半間僧人定流侵三
運客來稀却憐服食清虛甚黃歇松花煮療饑

送盧錄判之建寧

清溪九曲遊人少想見官河一水分理楫初辭李
子邑到州好訪考亭文簿書閒暇對春雨齋舍蕭
條栖白雲洗我明年塵土足扁舟亦覓武夷君

雲林詩集

卷之四
十七

汲古閣

寄張天明

清溪演漾綠生蘋溪上軒楹發興新只欠竹陰垂
北牖儘多山色近南津湖魚入饌長留客沙鳥緣
堦不畏人媿我萍踪此淹泊片雲回首一傷神

贈張景昭

張卿自道古遺民世外尋真狎隱淪虛閣松聲杳
笙簫小山桂樹絕風塵晨朝絳闕存三景夜掃青
壇禮七真末俗頑仙非所取清才如子不多人

寄陸靜遠

積雨雲林生薜蘿墨池新漲浴羣鶩每懷笠澤從
漁釣更擬滄浪聽棹歌蓮葉滿湖雲掩冉橘花垂
戶雪婆娑布帆十幅秋風裏即買吳船載酒過

題趙榮祿墨竹

綠江修竹巧臨模慘淡松烟忽若無亂葉寫空分
向背寒流篆石共縈紆春渚雲迷思鼓瑟青厓月
落聽啼鳥誰憐文采風流意謾賞丹青沒骨圖

李文遠製墨次吳寅夫韻

潘衡墨法老坡傳承晏昆仍又幾年歎依山室燒

雲林詩集

卷之四

汲古閣

桐子贈與仙人寫內篇石竈霞光存活火夜帷雲
影炫晴烟要知文字遺不朽猶向詩中咏墨仙

張貞居有詩東梁鴻山楊君次韻

鴻山一向受朝曦戶牖風光晝吐吞梁婦終甘隱
吳市戴琴遂不過王門弦歌寂寂虛千載井臼依
依自一村掃雪歌尋楊處士蕭條古道與誰論

用王叔明韻題畫

王郎筆力追前輩海岳新圖入卧遊歇鶴眠松猶
警露孤猿挂樹忽驚秋陶潛宅畔五株柳范蠡湖

中一葉舟同衰荻岑期歲算殘生此外更何求

居竹軒

翠竹如雲江水春結茅依竹住江濱階前迸笋從
侵逕雨後垂陰欲覆隣映葉黃鸝還自語傍人白
鶴亦能馴遙知靜者忘聲色滿屋清風未覺貧

送芳祖二上人參禮育王寺光公

四明之山林麓幽育王塔前神光流湯休賦詩數
寂寞達公結社憶風流貝葉經文白業進曇花樓
閣青春幽易屢上堂禮足已香烟雲霧共悠悠

雲林詩集

卷之四

汲古閣

宴吳氏樓居

雲松之樓高入雲松頂風聲十里聞瓊盃綺食行
春雨翠幔朱簾捲夕曛宴遊適當山擁榻醉卧莫
遣人書裙西飛白鶴東歸去回首巢居謝俗氛

岳王墓

奸任忠誅轉繆悠鄂王功業浩難收出師未久班
師急相國翻爲敵國謀廢壘河山猶帶憤悲風蘭
蕙總驚秋異代行人一洒淚荒墳落日重回頭

九日

自歎不能孤九日一壺濁酒對西山遙憐玉樹秋風裏靜看冥鴻落日間草木蕭蕭雲更碧山川漠漠鳥飛還長途誰是陶彭澤被褐行吟意自閒

送張鍊師遊七閩

高士不羈如野鶴忽思閩海重經過舟前春水它鄉遠雪後晴山何處多艤艖卧雲芳草細鈎轉啼樹野烟和武陵九曲最清絕落日采蘋聞棹歌

首夏卽興呈貞居

驚鴨如雲散碧波來禽青李壓枝低深林汲澗常雲林詩集

卷之四

汲古閣

聞虎清晝焚香歇下帷路出城東無十里燕來堂上不多時可憐稚笋都成竹忽見春蠶已吐絲

杭人有傳余死者貞居聞之愴然因賦此以

寄

果園橋熟誰分餉茅屋詩成嬾寄將衰謝皆傳余已死迂疎真與世相忘夜分風雨雞鳴急天闊江湖雁影長寥落百年能幾面論文猶及重銜觴霧隱空山秋已深茅齋酒熟向誰斟菊花楓葉愁相並澗水松風伴歌吟洗耳不堪聞俗語醉眠且

復罷清琴遙知對月深予憶忍不題詩慰子心

奉次張伯雨潘子素醉唱韻

團團桂樹覆巖阿茅屋歸來雪一窩高卧丘園奇氣在倦遊江海故人多楚山白雁遵寒渚練水長魚出素波去去南州書問少寂寥誰和紫芝歌

再和

至元三年丁丑歲十一月廿日子素徵君

與允從郎官共載過元度許泊舟新塘之

上寄示去年子素徵君與僕酬倡詩去年

雲林詩集

卷之四

汲古閣

二君畱林下實長至日也而明日亦適長

至忽然隔歲感之興懷貞居在餘杭北郭

結樓居之號茅嶺行窩余久欲往觀而未

能也且貞居復有來此之約因走筆重次

韻一首

已向雲林開別墅兼聞茅嶺有行窩提魚就煮興不淺看竹頻來意更多梅隔雪晴紅綴萼墨池水暖綠生波憑知潘令閒居賦不比陰山勸勒歌

送盛高霞

霜髮飄飄鶴上仙相逢遼海幾何年
種桃遂有劉郎賦鼓瑟寧知曾點賢
華表不歸塵汨汨吹蕭何處月
娟娟嗟余百歲強過半欲借玄窗靜學禪

寄高霞

不見情親踰一載素書到手淚滂沱
仙人蛇骨煩重瘞去鶴思歸忍再過
墓左碑隨烟燼冷手栽松斲斧斤多
知君欲話悲辛意慟哭爭如後會何

宿清流堂

衍慶院中無市聲清流堂上晚風清
一派濁涇從雲林詩集

卷之四

汲古閣

污染百難白月見空明我性非澄本
爾淨外塵徒擾元不驚恒公宴坐清涼海
還許遊人來濯纓

贈君震

連愛尋山復好仙鶴歸城郭幾何年
靈芝每拔歲前秀秘訣還從肘後懸
松月半空垂羽蓋風湍一竅寫鵬絃
擬開精舍當懸酒唯與丹陽許叔玄

贈張植

憶昨州民饋餼初兵戈阻絕飽艱虞
忽驚歸路千荊棘莫致南溪雙鯉魚
別浦秋蓮明泛泛寒廳夜

雨落踈踈青衫從事將軍幙已覺門多長者車

題畫貽王光大

荆南山色隱晴湖暖翠當窗不用圖
避世移家今十載盛書連舸泊三吳
可憐畫卷撩歸夢依舊香奩傍藥爐
珍重故人王架閣筆能扛鼎要人扶
荆南山色青如染卜築正當溪水南
浪舞漁舟鷗泛泛雪消沙渚柳參差
涼軒楓葉晴雲綴秋蒲荷花落日酣
舊宅不歸幽夢遠吳松聊結小禪龕

寄白石

雲林詩集

卷之四

汲古閣

僦屋淪盟也任渠爭巢野鵲厭鳩居
人情轉劇空懷土家具無多莫借車
踽踽獨行良不易紛紛薄俗竟何如
波瀾翻覆從千變道眼遐觀熱惱除

寄張德常

身世蕭蕭一羽輕白螺盃裏酌滄瀛
逍遙自足忘鵬鷁漫漫何須記姓名
石鼎煮雲聽澗雨玉笙吹月和松聲
憑君爲問張公子曾到良常夢亦清

送德常同知

聞道之官嘉定去載書連舸泊江濱
城樓近瞰吳

松月瑛館微霑滄海雲密于風流常宰邑張翰識
達更能文亦欲東觀釣鯨手棹歌秋赴白鷗羣

次韻奉荅德常別駕初夏見懷一首

隔浦鷓鴣鳴似打衙雲濤城郭夕陽斜汀前露冷魚
鱗屋窗裏烟輕蟬蛩紗沛澤風雷時遠几談空衣
袂不沾花欲分香飯能來否菩薩如今只在家

題張以中野亭

人境曠無車馬雜軒楹只在第三橋開門草色侵
書幌隔水松聲和玉簫一榻雲山供夏草滿江烟
雲林詩集

卷之四
二十四

汲古閣

兩看春潮君能擷取飛霞珮天際真人近可招

贈惟寅

陳君惟寅天倪先生令子也天倪爲黃清
權高士之甥清介孤峭甚似其舅讀書鼓
琴不慕榮進澹泊無欲以終其身惟寅能
守其家法者也世故險巇安貧自樂窮經
學古教授鄉里色養得親之權心友愛盡
弟妹之和樂綴葺詩文于以自娛余嘗愛
其藻麗不羣蕭然有出塵之想聊摘鄙語

用數才華暮春之辰忽過江渚復示新製
相與諷詠因成長句以歸美焉

不見陳君動隔年暮春孤坐此江邊政憂江閩多
風雨却喜君來共簡編諷詠新詩非偶爾艱虞遠
別更凄然看花相約重□過已放柳條維酒船

題孫氏雪林小隱

天地飄飄一短蓬小窗虛白地爐紅脩然忽起梨
雲夢不定仍因柳絮風鶴影離徒簷上下鹿迹散
漫屋西東杜門我自無干請開爲芭蕉入畫中

雲林詩集

卷之四
二十五

汲古閣

陽春堂

陽春堂下春波綠臘雪初消蕙草青未覺避喧離
世俗也知習靜愛郊坰欲爲野逕孤琴約盡醉華
筵雙玉瓶見說陶朱有遠趣長松傾蓋碧亭亭

送杭州謝總管

南省迢遙阻北京張公開府任豪英守臣視爵等
侯伯僕射親民如父兄錢廟有碑刊夜雨岳墳無
樹著秋聲好將飲食濡飢渴何待三年報政成

上巳日感懷

石梁破屋路欹斜，似華陽道士家。漠漠春雲飛別鶴，潺潺夜雨雜鳴蛙。閒看稚子餽書葉，時有隣翁汲井花。日暮傷心江水綠，共舟人已蹕飛霞。

蕭從善集其師張外史詩爲賦一首

葛翁臺上緒經處，陸子泉頭試茗時。石記只留金菌闕，宮銘猶樹玉津池。晚探風雅還心醉，謾說曹劉是我師。鱗角鳳毛動採拾，却愁雷電取無遺。

贈張玄度時方喪內

吳松江木似荆溪，九點烟嵐落日西。寂寂郊園寒

雲林詩集

卷之四
二十六

汲古閣

食過蕭蕭風雨竹，雞啼蕙花委砌心。應折芳草歸途意，轉迷曾得管連消息否。春潮隨雨到長堤。

三月廿二日雨懷荆溪勝遊寄原道

我昔繫舟尋杜牧，荆溪流水落川光。春茶已放仙人掌，靈蘚潭侵玉女床。酒闌更踏花間月，舞罷猶彈陌上桑。此日狂遊忘且暮，十年回首意茫茫。

二月晦日聽劉伯容彈琴

遠思翩翩屬五湖，一盃濁酒咏唐虞。清琴忽作金石弄，佳士今猶山澤臞。飛絮遊絲颺風日，瀑流松

吹酒中。襦羣龍汨溺淫哇久，古樂蕭條古道迂。次韻送梁生讀書沈庄

上蔡梁君諸系蕃，爰勛業舊諸孫。廬山傍斗可攬秀，大江自岷初發源。夜誦庭柯雜琴響，春羹汀藻帶潮痕。休文舊宅宜終隱，歸近南湖祇樹園。酬友生

泖水山光照屋廬，每思清令賦閒居。客愁不解連三月，詩贈全勝枉尺書。醉墨不妨拈秃筆，狂吟時復近前除。亂離自嘆摧頽甚，晝寢毋喚老宰予。

雲林詩集

卷之四
二十七

汲古閣

次韻思復送元白上人往中竺

求法高僧何處去，向中天竺最高峰。飛鷹欲沒天低樹，杖錫應投湖外鐘。半席白雲臨碧澗，四更落月掛長松。定回依約三千歲，若見拈花紹遠宗。

寄錢伯行

斑斑苔砌蕙花消，忽忽美人山水遙。夢得池塘春草句，望殘烟日晚江潮。汀雲沙鳥時同宿，野飯芹羹或見招。酒掃南湖石上月，爲爾清影吹簫簫。

次韻張榮祿追和楊別駕賦王番陽東湖勝

遊四首用呈雲浦耕雲二月公

祇今誰是番陽守別駕題詩凡幾春僚屬得才青
瑣舊兒童騎竹白頭新當筵意欲凌雲外今日人
誰問水濱陳迹家家風景切桃源何處覓遺民
賓客從來逸興多雨深春渚綠增波笙簫載月迴
鸞鶴雲錦飛裙纖菱荷短世悠悠大槐國餘哀嫺
嫺竹枝歌湖山寥落行人老翠影蒼烟寒蕩磨
散亂足驚發棹謳波明雲淨宛如秋酒盃青落垂
楊影塵尾風生杜若洲匣裏鳴琴俄復掩盃中覆
雲林詩集

卷之四
二十八

汲古閣

桑柘

桑柘蕭條半草萊百年人事哽悲摧沙丘漂母寧
復有故國王孫誰見哀歌吹淒涼銅雀妓世途在
苒霜城災遠知敕勒穹廬野日夕牛羊欲下來

謝伯理東還訪之不遇次韻因賦

謝朓宅前山黛濃山雲飛墮墨池中攜家又作它
鄉夢歸棹還隨落葉風鶴入暝烟愁浩渺鷗浮遠
水思清空尋君不遇成惆悵江草青青岸蓼紅

喜謝仲野見過

階下櫻桃已著花窗前野客厭思家故人攜手踏
江路拄杖敲門驚夢華華藉草悲歌聲激烈停杯寫
竹字欹斜新蒲細柳依依綠西北浮雲望眼遮

丙午十一月十九日避郡上丁未十二月十

六日始去此至陳溪分湖間矣

雲林詩集

卷之四
二十九

汲古閣

泖渚淹留再煥寒移居何處卜林巒可憐產不能
恒業聊復心隨所遇安船底流漸微浙浙葦間初
日已團圓故人存沒應難訪愁裏題詩強自寬

寄錢伯行

春雨斑斑長菊苗坐伶仃砌蕙花消此時行運泉
浸溼閉戶哦詩江動搖政爾清虛忘世傲不妨貧
賤使人驕下帷寂寞錢徵士艇子看花許我邀

寄王成夫

茂深閉閣歇焚香那識窮愁客異鄉坐拂朱絃彈

綠水狂攜紅袖決清觴春池雨後泉應滿庭樹雲
移影更長月燭靈帷非子樂五湖烟景屬漁郎

寄陸明本索酒

楊柳低昂蕙草青西庄風景似華亭日修長史登
真訣夜誦虛皇內景經玉牒初標紫臺籍石苔應
長新宮銘自慙服食清虛甚爲覓松肪釀百瓶

乙未歲余年適五十切志於學皓首無成因
誦昔人知非之言慨然承歎設賦長句

陰風二月柳依依隱映湖南白板扉旅泊無成還

雲林詩集

卷之四

汲古閣

自嘆吾生如寄欲何歸美人竟與春鴻遠短髮忽
如霜藻穢五十知非良有以重嗟學與寸心違

贈王文靜

靜寄軒中酒一尊陶然醉裏別乾坤碧桃花已當
窗發翠竹陰須映戶繁在青春光逐風雨婆娑歲
晚樂丘園詵詵更祝蠡斯羽若欲宜男賸種萱

在同里懷元用

一水東西雲窮窺幾家楊柳木芙蓉齋居幽閒無
人到展齒經行破薛封密竹窗虛秋半雨楓林寺

遠日沈鐘寄詩爲道長相憶想亦依依念去踪
次韻荅元用

野水浮鷗不世情烟濤漂泊羽毛輕雲移短棹無
幾久雪點青山照眼明甫里宅邊逢酒熟吳松江
上看潮生夫君爲話征途苦惆悵令人意不平

次朱秉中韻

易啼花落水西潯幾日門前春水深丈室自寬千
戶邑一經已富滿籬金樽散餘年猶嗜酒夢回遠
道歌驚心桃源亦有秦人在落日漁舟何處尋

雲林詩集

卷之四

汲古閣

贈張玄度

一年不見張玄度秋夜吳城忽爾逢清似石湖梅
上月瘦於蘆阜瀑邊松白冠緇布前朝服短髮長
齋舊日容音者交朋淪落盡埋憂爲樂且遊從

題本中峰觀蓮像

東南唱道據禪林諷咏蓮心契本心善矣不塵仍
不染美哉如玉復如金三周妙法香闌囑十丈開
花玉井岑今日仰師猶古佛風波回首一長吟

寄熙本明

在山無事入城中每問歸樵得信通松室夜燈禪
影瘦石潭秋水道心空幽扉默掩林間雨疎磬遙
傳谷口風幾度行吟欲相覓亂流深澗隔西東
白首遙知得道餘不聞詩思近何如高齋夜雪同
誰語古木寒山獨自居夢裏只尋行去路愁時聊
讀寄來書夕陽溪上多飛鳥若個能看影是虛

用王子明韻

從俗浮沈多厚顏醉筵舞袖作弓彎雖羅就是逃
三窟豹管能窺見一斑縱酒已拚時共棄歌詩猶
雲林詩集

卷之四
三十二

汲古閣

與世相關宋薇岩穴聊終隱林下閒雲自往還

寄盧士行

閨閣浦口路依微笠澤汀邊白板扉照夜風燈入
獨宿打窗江雨鶴相依畏途豈有新知樂老境空
思故里歸擬問桃花泛春水船頭浪暖鰕魚肥

送徐子素

山館留君才一月梅花無數倚霜晴垂簾幽閣聞
雲影貯火茶爐作雨聲深竹每客馴鹿卧青山時
與道人行歸舟載得梁溪雪惆悵隣雞月四更

題畫送僧

不到荆溪三十秋南津溪水亦東流用公住近金
鸞嶺魏族猶隣白虎丘楓葉爛斑霜落後竹枝蕭
瑟清遠頭歸逢古德方厓吏爲話談玄舊日遊
用大機吳人也住宜興保安寺壬子九月十九
日將還山戲寫秋樹筠石井詩以贈之且以呈
方厓禪伯云

綠波軒

綠波佳思復如何塔下清陰芳草多欄醉哦詩絃
雲林詩集

卷之四
三十三

汲古閣

寶瑟閒眠欹枕慢烟蘿莫將華髮臨明鏡還寫黃
庭換白鷺剪取吳松雲錦麗天孫機杼隔明河

又題

旅況淒涼似夢中孤舟江上白蘋風蕭條病起三
家墅憔悴天涯一禿翁蘆底鷓鴣歎鵬飛雷鳴瓦
缶棄黃鐘憂來直欲窮牛渚河漢迢迢君漢通

次韻寓齋秋懷

渚蒲岸柳望秋零桂樹懸香月影清瑩水浮舟歸
未得酒盃到手句還成雲松眠鶴夢方遠露草寒

蟹鳴不平南郭先生玄默久猶將諷咏寄閒情
問我歸期未有程秋光羈思共淒清雪鬪鴻迹應
如幻墮仰龜毛豈有成破屋逃亡寒燐起故宮基
構綠蕪平試聽鳴咽長溝水水本無情似有情
息歸江漢濯塵纓況乃秋高氣凜清滿壁山圖初
睡起一簾烟雨又詩成遠樹阡阡烟鶴唳飛驚點
點暮潮平屏風九疊淙松瀑擬畢餘生棲遁情
追和虞道園送張伯雨入茅山詩韻

外史棲真何處尋洞天源上草苔深星壇蘿後雲

雲林詩集

卷之四
三十四

汲古閣

封徑仙驥歸來風滿林丹竈石幢遺住迹寒松流水續幽吟虞書傳寶人間世爲有清詩寄碧岑

東林隱所次韻

寢扉桃李畫陰陰耕鑿居人有遠心一夜池塘春草綠孤村風雨落花深不喚遊老羣爭席時有遊魚出聽琴白髮多情陸徵士松間石上續幽吟

寄張府判

德常明公舊有良常草堂在金壇華陽之天良常亦華陽洞名揭曼碩張仲舉諸學

士膏賦詩紀勝其後德常宦遊無定居政績彰彰顯者今爲松江府判官因士友潛以仁之便輒賦七言一首奉寄陰陽冥陽宜少畱意閒居尚可爲之況身有職任而值飢者易爲食之時乎仙官分置洞宮亦如世間局任者矣吾德常兄固知之也詩中因寓斯意云鐵崖翁見之必大咲也令奕似來侍併爲致意

樽散張侯意久疎齋厨服食轉清虛童初府署標

雲林詩集

卷之四
三十五

汲古閣

名後碧落仙官投簪餘海上空濛歸化鶴人間繁劇莫如駕吳松江水浮青玉聊此食霞駐羽車

夜宿張判府環綠軒贈玄度

戊申十月十八夜環綠軒中借榻眠舞影霜筠風細細第窗素練月娟娟此生寄迹雁遵渚何處窮源漁刺船染筆題詩更秉燭語深香冷思淒然

呈良常安遇賢伯仲

無家已老復何歸碧樹團團尚夕暉清越風湍帝子瑟縱橫隴畝僧伽衣世波汨溺毋涵我節序炎

涼且息機白鳥汀前坐久泉侵野逕暮候微
松篁竟失五車書梅里燒焚舊屋感衰年悲吟歎
羅隱盛時作賦羨相如伊優航僻復何似臙腫支
離聊與居日月秋風白蘋老門前江水接空虛

三月一日自松陵過華亭

竹西鶯語太丁寧斜日山光澹翠屏春與繁花俱
欲謝病如中酒不能醒鷗明野水孤帆影鶴沒長
天遠樹青舟楫何堪更畱滯更窮幽賞過華亭

再用前韻呈錢思復

雲林詩集

卷之四
三十六

汲古閣

霞食雲卧養黃寧玉笈幽文護石屏一榻松濤金
石弄半鐫茶雪夢魂醒瓏玲秦室生虛白縹緲空
歌自始青不見仙風雲上過羽車芝蓋曉亭亭

再用韻呈諸公

北窗高卧自清寧烟霧衣裳雲錦屏舉世無知心
自得衆人皆醉我何醒黃熊號野兵埃黑白骨生
苦鬼燐青舊宅荒蕪時入夢墨池誰訪子雲亭

贈劉伯庸

前朝丞相劉忠肅尚有雲仍能鼓琴聽者三沐以

三疊善哉如玉復如金久淫鄭衛亂吾耳忽復古
初之雅音我思古人禁忿欲用此養正而釣深

贈別姚子章都事

不見高人十五年相看兩鬢各皤然酒溫鶯語頻
三請樞熟鸞筐已四眠舞袖醉傲明月下歸心飛
度白鷗前練溪尚見韓徵士好示新圖竹色娟

四月廿八日蓬屋題

江湖風雨夢頻驚舟楫沿洞莫計程不幸乃今成
大幸有生真亦似無生郊生自足賢賓主岑氏誰

雲林詩集

卷之四
三十七

汲古閣

言好弟兄世故愛憎從毀譽一杯聊復暢幽情

子章號夢庵走筆題

夢庵春夢幾時醒隱約江湖且寓形愁見亂離心
忽忽迹疎親友淚熒熒松陵遇我才經宿浙水歸
舟且暫停蕉鹿紛紛何得失霞明烟外數峰青

贈友生

江頭二月雨垂垂起濯塵纓水滿池賀監宅前重
載酒碎疆園裏更題詩川塗幽邃鴻歸遠窗戶虛
寒燕到遲忽見故人王架閣夜闌秉燭話余思

次韻荅王彝齋見贈

客居北渚靜窺臨，霜蕙蕭蕭雪滿簪。玉石在山聊混璞，金蘭惟子久同心。每懷往事悲今事，莫棄分陰惜寸陰。自咲螭廬無長物，窗前陶器與單衾。

寄朱府判

明月娟娟夜二更，挑燈孤坐不勝情。尊前舊恨多年積，枕上新愁何處生。已作閒雲孤鶴去，不堪隨柳傍花行。使君爲省春田出，可念憂時老釣耕。

和朱秉中二首

雲林詩集

卷之四
三十八

汲古閣

僦居茅屋碧江濤，花落空堦一尺深。山簡由來狂愛酒，管寧不復顧鉏金。長鯨吸浪成何事，老鶴鳴卑見遠心。中歲畏從親友別，自憐華髮已侵尋。白板扉開江水濤，雨餘堦下綠苔深。愚人自實應非石，同舍緣知不盜金。天地瘡痍誰復憫，江湖羈旅我同心。故山日日生歸夢，翠竹青松自百尋。

題王敬之屋壁

我來陸庄如故鄉，故鄉風景日淒涼。解憂幸有盈樽酒，慰眼新栽百畝秧。滿葉清波開濯足，荷花斜

日起鳴榔當年李白成何事，白髮綠愁萬丈長。

贈周投書

中年習靜松江渚，回首塵埃多厚顏。富貴不如長處賤，奔馳何似得心閒。參天竹樹存貞碧，動地波瀾任往還。輸與荆溪周處士，避人探道掩松關。

過桐里

依稀桐里接松陵，綠玉青瑤繚復縈。爲咏江城秋草色，獸行烟渚暮鐘聲。黃香宅裏畱三宿，甫里門前過幾程。借書市藥時來往，不向居人道姓名。

雲林詩集

卷之四
三十九

汲古閣

寄陳余二投書

吳松江水碧云云，忽憶陳余兩隱君。酒艇時搖夜濤月，書幃影亂暗窗雲。一貧老我長爲客，二陸英賢已著文。何事兩君唯寂寞，清言況不使予聞。

贈別榮子仁

退食從容下玉除，當年史館燦成書。藝場馳騁客賓戲，筆陣縱橫賦子虛。松水娛情經亂後，圖書連舸度江初。君來愧我無供給，一勺寒泉薦菊蔬。

次韻邵生

已從鷗鳥狎雲深老我無機似漢陰采采菊花猶
滿地蕭蕭霜髮不勝簪南遊阻絕傷多壘北望艱
危折寸心好在吳松江水上青猿啼處有楓林

贈姚孫史

相府共推三語掾卜居曾占九龍峰美髯不獨如
靈運佳句仍兼似鮑溶我有茅齋當絕壁時看晴
雪落長松因君喚起故園夢彷彿三生石上逢

別章鍊師

方舟共濟春江闊訪我寒烟菰葦中鼓柁斜衝
雲林詩集

卷之四
四十

汲古閣

葉雨釣簾半怯杏花風仙人壇上芝應碧玉女窗
中桃未紅擬趁輕帆數來往縹壺不惜酒如空

寄養正

得君佳句清如玉秋色驚人換物華老境侵尋真
有感故園隔絕更與嗟女蘿綠遍牽茅屋烏相紅
明映落霞欲酌一尊澆磊塊幾時遽子過田家

贈岳松澗

曾訪神仙五粒松澗泉流潤白雲封林間蘿葛交
青影石上萑蒲開紫茸煮石有方畱祕訣采花何

處覓行踪岳君別我三千歲晚戲滄洲又汝逢

次韻屋漏

寂寞江天暮色懸重陰愁絕卷塵編走看破壁雨
沉寃思卧蘆花雪滿船風捲阜堤高樹拔泉翻野
援藥苗延青山天矯浮雲外自愛新秋爽氣鮮

送張貞居遊靈常洞兼簡王晉齋

荆溪山水闢靈宮子晉笙簧駐碧峰午夜月明風
滿帳千厓人靜鶴眠松綠知瑤草春來長應有仙
人洞口逢莫爲青螺翁久住歸時騎取葛陵龍

雲林詩集

卷之四
四十一

汲古閣

陸文玉見過

荆溪二月春風惡燈火論交夜對床白鶴遶壇初
露下碧梧滿地忽霜黃卜商失子人誰弔阮籍窮
途只自傷政使陸郎能慰藉賦詩懷舊更淒涼

送諸從事之越中

郡廳草色映青衫從事風流雪滿簪最愛長官能
化俗也知僚佐願停驂右軍宅裏尋苔石賀監湖
邊咏夕嵐它日從君覓佳果來禽青李不須函

送僧遊天台次張外史韻

四明山水名天下師去那知客路遙雪霽驚鷹騰
宿養月明寒鵲集疎條坐尋雲頂千峰石歸趁江
頭八月潮說與住山光老子送賓也合過溪橋

過許生茅屋看竹

舟過山西已夕曛許生茅屋遠人羣鑿池數尺通
野水開牖一規畱白雲煮藥烟輕衝窻出碓茶聲
遠隔溪間可憐也有王猷與塔下新移廿此君

送葉道士東歸分得懸字韻

憶爾心如旌旆懸相逢渚渚欲華顛窮冬風景吾
雲林詩集

卷之四
四十二

汲古閣

衰矣落日烟濤思渺然八咏樓前思舊宅三高祠
下覓歸船樓幽定洗塵喧耳剌吸東陽一斛泉

送柳道傳東歸

賦詩南澗寫烏絲霽霽停雲去後思鄉國動成經
歲別江湖復與故人辭溪船斫脰雲生柁松室聞
猿月滿枝他日重尋言子宅咏歌唯許暮春時

寄開元長老兼呈鄭明德

已公令我詩興生堂下綠苔無俗情天女下試寶
花墜幽生相逢青眼橫布金已住長老宅乞食應

憐王舍城何當棹歌一來過同載唯許鄭康成
贈道士李嘯虛

龍虎岩前李鍊師幾時飛鳥洞庭睡晴天白鶴興
閒遠秋水蒼龍光陸離山中杏熟從收穀塔下芝
生看弈棋邂逅樓船海上便還應與爾道相知

失鶴

啄粟巢松奉華峰直將天地作樊籠不聞丁令歸
華表應馭王喬入太空行迹縱橫苔石上寒棲依
舊竹林中清齋我亦厭腥腐長歎思乘萬里風
雲林詩集

卷之四
四十三

汲古閣

送章鍊師入京

五鶴翩翩朝帝京青童遙侍玉皇君倚天樓觀金
銀氣蔽日旌旗錦繡文夜禱洞庭薦明水春陪遊
輦望祥雲何人得似愚溪子高舉凌風思不羣

贈楊大同

石魚峰下子危子出有楊義陪勝遊斜日碧山梁
苑暮清風白拂冶亭秋松肪和飲三危露桂棹同
乘萬里流擬酌春醪相慰藉梅花欲發聽鳴鶻

江上遇楊德明

吳松江上米家船邂逅謁蒙舊宅前政似燕鴻交
泛泛聊憑緒賴度年年槽床滴雨誰沽酒破衲蒙
頭獨坐禪莫學山僧空載月主人情重更畱連

寄德朋

故人欲問梁鴻宅遺迹猶應杵臼存楓葉菊花秋
瑟瑟荒園廢圃雨昏昏農人掩舍春明野縣吏催
租夜打門唯有德朋多遠思賦詩刻燭酒重溫

寄友

幽窗談笑話平生三十年前幾變更白髮滿頭今

雲林詩集

卷之四
四十四

汲古閣

已老青山排闥故多情桃花灼灼應無語春雨蕭
蕭尚未晴明日扁舟攜好酒南山笋蕨正堪烹

馬國瑞東阜軒

未羨熱名馬伏波少游鄉里樂婆娑輕舟陌上山
堪數細雨籬邊菊未落浩蕩五湖鷗夢遠蕭寥萬
里鶻情多寒廳時有幽人宿月燭高懷慢綠蘿

次韻通書記同過鄭先生舊宅

女蘿垂綠翳衡門野水通池沒舊痕有遺忘情觀
物化清言如在想人存淒涼江海空茅宇憐淡烟

埃委石尊一奠山泉薦芹藻古心寂寞竟誰論

清明

江雲籠雨白烟生愁眼看花淚溼纓可惜紅英滿
芳草又經上巳復清明漂漂羈旅燕鴻迹昵昵愁
思兒女情老鶴莫教塵土浣碧岩松下紫芝榮

溪山勝槩樓

樓下清溪夏亦寒溪頭箇箇白鷗閒風回綠卷平
堤水林缺青分隔岸山若士振衣千仞表何人泛
宅五湖間絕憐與子同清賞定何雲霄共往還

雲林詩集

卷之四
四十五

汲古閣

和華以愚韻兼題所畫春山高士圖

扁舟溪上數來過白髮殘春奈我何柳絮如烟迷
曉浦杏花飛雪點春波林扉有客園丘磬石室何
人帶女蘿欲和華山高隱曲羈愁悵斷不成歌

寄王明卿

不見孝廉踰十年高人風節自居然數間茅屋無
人補一榻寒雲只獨眠酒棹時須栗里菊茶烟還
煮惠山泉衡門不出樓遲久坐有孫登彈一絃
送霞外師過磧沙寺因寄鄭博士教長老

湖水東邊磧砂寺繙經室裏看爭棋食鴈沙鳥巢
當戶坐愛汀雲影入帷惠達何修爲律縛康成終
老只書痴寄語山靈莫疑怪松陰好護中興碑

次韻錢思復見貽

文章傳法似傳燈治病宜求三折肱退食君休大
槐園安居我學小乘僧業勦已有朋來樂步關龍
無祖武繩欲罕一壺相慰藉春船月色待君乘

贈墨生吳善

吳生製墨變潘法任近義興山郭中洗玉巧當前

雲林詩集

卷之四
四十六

汲古閣

澗水采花還覓古時桐照夜虹光燈隱壁拂雲鷺

尾谷生風長年圭壁富潤屋我善養生那有窮

風雨

風雨蕭條歌慨慷忽思往事已微茫山人酒勸花
間月秦女箏彈陌上桑燈影半窗千里夢泥塗一
日九回腸此生傳舍無非寓謾認他鄉是故鄉

宿普度僧舍

悲涼華屋總荒墟人事乖張已久如兩部草池蛙
鼓吹一襟桐露鷄埕除狂遊且盡餘生酒宿習病

存半炳書初日輕烟檀歌去江潭柳影亦蕭疎
寄周履道

兼旬不見周徵士落月空梁夢見之久狎海鷗聊
避俗虛言市虎竟成疑尊前節序梅將玉鏡裏形
容鬢已絲日暮烟濤隔城郭蕭條南渚一吟詩

曲彥遠寄茗畧賦此道謝且求致梨栗木瓜
遠屋青山謝朓居木瓜梨栗種扶疎不妨暇日騎
官馬自喜清時少簿書九月授衣霜欲落百年回
首雁飛初猶憐踽踽空山客茗畧封題達慰子

雲林詩集

卷之四
四十七

汲古閣

寄徐李明

海虞山下徐公宅修竹長松左右栽陳榻待君時
一下顧園有客莫驅回至今清夢依依在欲寄新
詩草草裁自是漫郎嫌俗子也應魚石有蒼苔

三月廿二日雨懷荆溪舊遊寄原道

憶昔荆溪棹酒船綠波搖蕩女蘿烟春茶未放仙
人掌雨藏先舒稚子拳岩間石上尋遺迹作賦題
詩多昔賢今日空齋獨對雨幽懷猶夢白雲邊

乙巳三月七日清明風雨憤憤因成長句

春風多雨少曾晴愁眼看花淚欲傾抱膝長吟酬短世傷心上已復清明亂離漂泊竟終老去任彼此難爲情孤生弔影吾與我這水滄浪堪濯纓

次韻贈林泉民張孟辰

三逕誰尋二仲蹤一丘之木紫溪翁思尊張翰有清識閉閣茂深多祖風午夢池塘春草綠輕陰窗戶落花紅應懷錫谷林泉勝山色依微在望中

故吾一首

縹緲青山日欲晡瀟瀟秋水與何孤鶴歸城郭生雲林詩集

卷之四
四十八

汲古閣

新夢塵掩圖書尚故吾南畝藝苗傷碩鼠北窗聽澗聽啼鳥醉歸倘乞封侯地便復移家傍酒壚

寄顧仲瑛

江海秋風日夜涼蟲鳴絡緯尚練裳民生惴惴瘡痍甚旅泛依依道路長衰柳半欹湖水碧濁醪猶趁菊花黃知君習靜觀諸妄林下清齋理藥囊

病中懷先友華陽外史用韻一首

憶昔時雍四海寧華陽外史住南屏春愁黯黯懷仙卧幽鳥關關喚夢醒塞雁歸時鶯出谷園花落

盡柳紫青傷心南北數千里無復沙墩長短亭

雨中在林氏賦贈徐生

終朝風雨洗炎歊隱几無言思次寥已絕鳴蟬咽衰柳空吟翡翠集蘭茗嘉魚坊裏多名酒碧風橋邊欲晚潮二子林徐有高致爲陳筆墨遠相招

寄陳庶子

高行昔聞陳太丘雲行好在思遠遊丹砂擬訪葛洪井湖水堪乘范蠡舟爐銀欲變頭先白田林可離行歸休且排憂憤澄神慮秦刀已覺無全牛

雲林詩集

卷之四
四十九

汲古閣

歸錫麓

未訪西岩墨沼泉東家兒女笑相牽莫話艱難長旅食敢忘蕭散送餘年穉樞雲黃秋雨後芙蓉霜落渚鷗邊歸來何異遶東鵝荒塚纍纍思惘然

送葉道士再用懸字韻二首

愁心黯對夕陽懸忽見高標喜欲顛似與人民千歲隔更詢耆舊一悽然青燈綠酒看成醉祕籙珍圖自滿船歸去還臨劔池月定應歌此酌山泉君到茅簷雨滿懸采芝期我碧山顛掀髯一咲非

從爾隔世重逢豈偶然沙渚展聲歸渚客晚潮帆
影下江船爲予一話艱危際雙淚沾衣似迸泉

學書

幾叢枸杞護藩籬一逕莓苔卧鹿麋獨許陶泓爲
□友更呼毛穎伴幽棲野葛家雞成品第來禽青
李入書題臨池自歎清狂甚直好還同鐵柳稽

贈范堦

范公文杏園西宅喧寂一塵渾與宜鼓琴深林調
清越讀書稚子聲吾伊簾旌不動香如霧硯席生

雲林詩集

卷之四
五十一

汲古閣

涼雨散絲欲飲寒泉錫麓洞暫違清賞一題詩

題鄧氏扇上

鄧家層軒畱十日陸郎酒船來百回萼華驢騎亦
已甚水晚雪碗何爲哉江雲飄飄委坐席岸柳垂
垂落酒杯飲酣戲寫齊統扇山河微影月徘徊

二月二十日大風

南渚春風二月狂任船濯足□鳴榔烟邊去島暮
山碧衣上飛花春雨香□□□□□□□□□□
□□□□遠懷不作悠悠語忍驢飛鳥返故鄉

寫圖贈潘仁仲醫師

屋角東風多杏花小軒容膝度年華金梭躍水池
魚戲彩鳳棲林澗竹斜臺臺清談霏玉屑蕭蕭白
髮岸烏紗于今不二韓康價市上懸壺未足誇

贈沈生賣墨

沈學翁隱居吳市燒墨以自給所謂不汲
汲於貴富不戚戚於貧賤者也烟細而膠
清黑若點漆近世不易得矣因賦贈焉

雲林詩集

卷之四
五十一

汲古閣

玄玉龍文刀利淬寒泉山屏唯珍白鷲帖雲窗誰
錄古苔篇愛爾治生吳市隱收煤□室數燈然

倪雲林先生詩集卷之四 終

倪雲林先生詩集卷之五

五言絕句

題臨水蘭

蘭生幽谷中倒影還自照無人作妍媸春風發微
笑

二月廿二日潘子素王叔明來慰藉臨別爲

寫水傍樹林圖

積雨開新霽汀洲生綠蘋臨流望遠岫歸思忽如
雲

雲林詩集

卷之五

汲古閣

題畫與薄泉

息景憩烟霞澄懷卧丘經久遲蘇仙君莫驚松上
鶴

玄洲倡和十首繼趙魏公張外史作

奕奕三素雲團團如車蓋下有採芝仙遊神與天

會

右菡山

玉晨啓玄扉靈篇受飛仙鍊景返洞宮保真億萬
年

右羅姑洞

混淪青瑤流煥爛雲錦光飛軒駕神君宛在句山
陽

右霞駕海

胎仙集丹臺真宰降玄居翕忽神飈散燒香禮太
虛

右鶴臺

密葉蔭方壇珍林青深谷華源遠莫窮時有幽人
宿

雲林詩集

卷之五

汲古閣

右桐葉源

步虛朝東華高嘯追遠遊玄館授妙道逍遙宴神
州

右玄洲精舍

虛林想遺躅壇館廢仍存落葉藏丹竈清晨雲氣
溫

右紫軒

蒼雲乘白鶴傳說手栽松山室清眠夜千巖聞勁
風

右隱居松

玉標明霞秀靈烝混合成流光映金宮靈旆招萬靈

右玉像龕

題自畫

東海有病夫自云繆且迂書壁寫絹楮豈其狂之餘

青林藏曲密達水間微茫飛鷲浴鳬處人家半夕

陽

雲林詩集

卷之五

汲古閣

夜作古木怪石因題

夜遊西園渚初月光炯炯徒倚巖石下愛此林木

影

雨竹

雨過瀟湘渚風生渭水波暮窗揮醉墨翠霧溼烟

蘿

竹石圖

雨過黃陵廟風生湘水波當時卸帆處苔石倚荷

柯

奇友

風雨暮蕭蕭高人共寂寥何時截湘玉踏月夜吹

簫

題畫

荆溪山水勝不到十年餘蔣氏遺基上寒藤學草

書

菜圃

食菜雖云美茶苦薺自甘猶勝高陽徒羶葷自飫

酣

雲林詩集

卷之五

汲古閣

題秋亭曉色圖

園林夏雨歇旭日照蒼苔誰見竹亭裏孤坐與悠

哉

春江歇釣圖

春洲菰蔣綠江水似空虛望山以高咏意釣不在

魚

墨竹

明月臨書幌疎篁舞翠鸞吟苔石上霜葉媚天

寒

六言絕句

題良常草堂圖

結屋正臨流水開門巧對長松爲待神芝三秀移

居華蓋西峰

題畫

舟泊溪流曲曲鳥啼烟樹重重獸息白鶴遺址好

居五老雲峰

田舍

映水五株楊柳當窗一樹櫻桃灑埽石間蘿月吟

雲林詩集

卷之五

汲古閣

哦琴裏松濤

山鳥下窺窗牖春風時過柴門避世何須鄭谷作

書已絕巨源

爲曾高士畫湖山舊隱

厭聽殘春風雨卷簾坐看青山波上鷗浮天遠林

間鶴帶雲還

南村草堂

雲溶溶兮覆渚波剌剌兮侵扉魚羣泳而自樂狎

鷗馴以不飛

雲溪佳處

誰寬雲溪佳處渚花汀竹迷藏去鶴原邊倚杖浮

鷗波上鳴榔

題竹圖

黃陵廟前雨過邯鄲谷口風生愛殺山人清致縱

橫淡寫秋聲

題畫

暮畫溪頭喚渡銅官山下尋僧水榭汀橋曲曲風

林雲磴層層

雲林詩集

卷之五

汲古閣

已酉八月廿六日謾題

田父聊同爾汝狂夫從問如何昔日揮金豪俠今

朝苦行頭佗

題溪山雪霽圖贈張以中

水影山容黯淡雲林細篠蕭疎誰見重居寺裏雪

晴沙際吟餘

題畫

雨過黃陵廟下雲生玉女井邊野雉雄鳴斜日鷗

鴟啼破林烟

月下參差雙玉燈前蕭散孤鴻寄興只消毫楮寫
懷不用絲桐

竹上誰彈清淚如鉛春雨斑斑滿眼湘江波浪望

窮白鳥飛還

高樹長松共晚蒼筠野石同貞珍重王家公子翽

翽白鶴神清

高柳喬柯小閣水光山色衡門未老作閒居賦無

錢對北海樽

孝侯廟前雨過懸畫溪頭日曛舊迹如今夢裏春

雲林詩集

卷之五
七

汲古閣

風愁亂行雲

燕乳一首

燕乳雛成竟去鸞悲影雙難雙借問榮歸故里何

如高卧北窗

畫竹

珍重黃華父子遺風得似洋州松雪于今實實房

山去後休休

我愛焦君味道筆端點綴清新規模虎兒早歲未

窺北苑入神

贈潘仁仲

瓶內花簪白萼庭中池養金魚馴虎只憑丹竈活
人惟畱素書

雲林詩集

卷之五
八

汲古閣

倪雲林先生詩集卷之五 終

倪雲林先生詩集卷之六

七言絕句

村居

疎疎梅雨橘花香
寂寂桐陰研席涼
怪底林間金彈子
枇杷都熟不知嘗

絕句四首次陶九成韻

我別故人無十日
衝烟艇子又重來
門前積雨生幽草
牆上春雲覆綠苔

斷送一生幕局裏
破除萬事酒盃中
清虛事業無雲林詩集

雲林詩集

卷之六

汲古閣

人解聽雨移時又聽風

沒逕春泥不出門
山烟江霧畫長昏
糟床聲雜茅簷雨
破却陰寒酒自溫

鄉子論詩莫北空
晤言千里意常同
待晴紫陌堪

策手行咏山光水影中

至正十四年二月廿五日雨鄰君九成賦絕句

四首云杏花簾幙看春雨
深巷無人騎馬來
獨有倪寬能憶我
黃昏躡屐到蒼苔
春色三分都有幾
二分已在雨聲中
牆東兩箇桃花樹
恨殺

有幾二分已在雨聲中
牆東兩箇桃花樹恨殺

朝來一番風
十日春寒早
閉門風風雨
雨怕黃昏小
齋坐對黃金鴨
寂寞沉香火
自溫春寒時

節病頭風惆悵年華逝
水同世事總如春夢裏

雨聲渾在杏花中
倪瓚留宿高齋篝燈爲寫春

林遠岫圖并次韻四詩
題画上時夜漏下三刻

矣佩韋齋中書

絕句三首

秋水清虛似泚糕
此生汨沒似無涯
蕭間堂上收書坐
八月芙蓉始著花

雲林詩集

雲林詩集

卷之六

汲古閣

芙蓉花下坐
鳴琴疑在湘江斑
竹林翠節寬旌烟

雨溼秋來江水不知深

岳生孫子最清顛
袁老彈琴和澗泉
一簣松枏初

釀得臍將醉
爾竹林前

畫贈馮文仲

知君近住西湖曲
湖水淪連似輞川
窓下青松高

百尺時時落雪滿琴絃

寄安遇

隣家借得酒盈罍
薄飯留君午不羹
僧夏安居餘

半月重來相與說無生

題玄會菴壁間

風雨繁愁夢不醒
紫薇花發渚南亭
望中迢遞孤烟起
白鳥飛來旅蔣青

追和戎昱寄許鍊師

雲霧軒窓倚半空
少霞銘處識新宮
遙看一片秋色
鶴影徘徊明月中

雙井院前小立

山色微茫好放船
秋葉野水夕陽邊
西風更洒菰花
雲林詩集

卷之六

汲古閣

蒲雨美爾沙鷗自在眠

雨晴

江上白蘋風起波
冷紋繁碧算烟和
織成一幅寫
蕩錦零落紅衣遠恨多

王季野示余米元章詩卷因次韻

喟然點也宜吾與
不利虞兮奈若何
鴻鴈不來風
嫋嫋庭前樹子落杪羅

吳松江只蒲萄綠
金井峰仍縹緲青
說與弋人何
暮我高飛鴻鵠杳冥冥

大桃湖水生白烟
長物都除絕世緣
笙鶴不爲啼
鶴怨王生真是勝丁仙

題竹樹圖

海中鐵網珊瑚樹
石上銀鈎翡翠梢
烏夜亂啼江
月白檀欒飛影下窓坳

江邊樹影墨模糊
江上青山日欲晡
野息悵然無
晤語時來臨水照眉鬚

次韻曹都水

水晶茶經手自箋
夜燒綠竹煮山泉
莫留樵客看
雲林詩集

卷之六

汲古閣

棋局持斧歸來幾歲年

蕭閒館裏挑燈宿
山窗重敷六尺床
隱几蕭條聽
夜雨竹林烟幕煮茶香

惠麓小隱

錫麓洞前開竹扉
孟公舊築草堂基
已倩王維圖
別業更從裴迪賦新詩

次韻春雨

鸚啼花落罷琴尊
山郭鳴鐘霽已昏
莫嗔野鹿當
蘿逕只有春風到華門

青林微雨見東臯
桑柘陰飛百夢勞
可憐柳絮浮春水
無復紫空百尺高

黯黯春雲映戶輕
綠絲斜日忽開晴
依稀野逕泉侵盡
風落桐花遠思生

桐葉題詩憶君處
望春惆悵夕陽沉
憂來蝶夢飛烟草
黃髮蕭蕭曾不簪

水仙花

曉夢盈盈湘水春
翠虬白鳳照江濱
香魂莫逐冷風散
擬學黃初賦洛神

雲林詩集

卷之六

汲古閣

絕句

醉喚吳姬舞蹈筵
風欄花陣亦回旋
愁生細雨寒烟外
詩在青蘋白鳥邊

拜石圖

米章愛硯復愛石
探瑰探抉久爲癖
石兄足拜自寫圖
乃知顛名不虛得

賦宜遠樓

宜遠樓前春可憐
數峰依約亂流邊
若爲倚劍崆峒峒
外回望齊州九點烟

別潘先輩

君來烟草正淒迷
君去溪頭柳葉齊
挂席中流竟東上
莫重回首向荆溪

懷曹都水

荆蠻野褐最清癯
伯與高人話別離
記得解攜雙樹下
風帆日短淚垂垂

贈墨生吳善

銅官山下白雲亭
澗底長松長茯苓
傳得潘生燒墨法
墨成持贈寫丹經

雲林詩集

卷之六

汲古閣

宿玄文館

玄館清虛五月秋
疎簾珍簟看瀛洲
窓前種得青桐樹
時有鳳凰棲上頭

奉荅范徵君雲林見懷

想見雨池春溜滿
唯應閒院綠苔生
落盡櫻桃杏花發
輕舟歸去看春耕

三月五日爲吳溥泉畫寒石平遠并詩

地僻林深無過客
松門元自不曾關
展將一幅溪藤滑
寫得溪陰數點山

爲原道題画

二月東風溪水綠
幽林修竹影參差
杖藜日夕溪西路
魚鳥相娛只自知

題張以中画

密雪初晴僧舍深
地爐活火酒時斟
張家公子清狂甚
冒冷看山意不禁

今日披圖感慨深
與君對酒若爲斟
重居寺裏松杉合
劫火兵灰已不禁

吳采鸞像

雲林詩集

卷之六

汲古閣

誰見文簫逐采鸞
碧山蘿月五更寒
猶遺寫韻軒中迹
留得風流後世看

用陳子貞韻題画

仙居乃在惠山東
悟者方知色是空
却坐西巖雙樹下
玉笙雲裏度清風

舟過梁溪

蕩槳清溪欲盡頭
亂山出沒算雲稠
便當濯足聊停棹
何處飛來雙白鷗

宿義興先太初上人房

初公樓上雨蕭蕭
楊柳垂烟隔岸搖
何處舟人棹歌發
山長水遠望蘭桡

周將軍祠隔水近
岳郭五廟亦東隣
百年故事誰記憶
風雨清明愁殺人

雪中折枇杷花寄吳寅夫

雪中自折枇杷花
走寄城南處士家
明日雪晴定相過
兩株松下煮春茶

雪不止重寄

清夜焚香生遠心
空齋對雪獨鳴琴
數日雪消寒雲林詩集

卷之六

汲古閣

已過一壺花裏聽春禽

爲吳處士画喬林欄石

山家日出無行踪
雪樹烟蘿遠且重
不見鹿眠磐石上
提壺自挂一長松

張外史素不善画
醉墨戲寫張洞奇
石頗一種逸韻德明裝演成卷走筆爲賦

書画不論工與拙
顏公米帖豈圖傳
君看外史寫奇石
醉墨依稀似米顛

重送初上人參禮光公二首

西崦欣逢初上人妙年藻思如春雲育王塔前禮
佛竟應修白業益精勤

阿育王塔舍利存山氣無雪春冬溫蓮花臺近多
羅樹中有人談十二門

對雨遣懷

數日枇杷花落盡可憐春事到櫻桃聽風聽雨眠
三日排遣新愁付濁醪

寄友

二月江水青接天楊柳隔江搖綠烟一夜愁心似

雲林詩集

卷之六

汲古閣

春雪隨風舞影落君前

次韻題高房山圖卷

屋邊昨夜春風起蔣芽荇葉生春水睡醒獨坐無
人聲歷歷青山水光裏

題趙榮祿指痒馬圖次陳先生生韻

韓幹真龍下筆肥銀鞍羅帕落青絲春風碧野和
烟放誰見林間指痒時

竹枝詞

會稽楊廉夫邀余同賦西湖竹枝歌余嘗

暮春登瀨湖諸山而眺覽見其浦溆沿洄

雲氣出沒慨然有感於中欲托之音調以

聲其悲歎久未能成章也因觀斯作爲之

心動言宜爲詞凡八首皆道眼前不求工

也

錢王墓田松柏稀岳王祠堂在湖西西冷橋邊草

春綠飛來峰頭烏夜啼

湖邊兒女十五餘烏紗約髮淺粧梳却怪爹娘作

蠻語能唱新聲獨當爐

雲林詩集

卷之六

汲古閣

湖邊女兒紅粉粧不學羅敷春采桑學成飛燕春

風舞嫁與燕山遊冶郎

心許嫁郎郎不歸不及江湖不失期踏盡白蓮根

無藕打破蜘蛛網費絲

阿翁聞說國興亡記得錢王與岳王日暮狂風吹

柳折滿湖烟雨綠茫茫

春愁如雪不能消又見清明賣柳條傷心玉照堂

前月空照錢塘夜夜潮

嗚嗚歸鴈度春江明月清波鴈影雙化作斜行筆

上宇長潭幽恨隔紗窓

辨髮女兒住湖邊能唱胡歌舞踏筵羅綺薰香回
紇語白氍毹頭如白烟

題雲林小景圖

赤城霞映神芝秀洞裏桃花不記春何事却將山
水脚鍾陵市上踏紅塵

後數年復用韻題

憶昔舟歸雪浦濱松林瑤草欲生春閒拈遶筆圖
清思今日披圖似隔塵

雲林詩集

卷之六
十一

汲古閣

題画

青山矗矗水舒舒相見郊原霽雨初絕似三高亭
上室人家依約樹扶疎

題來禽釣石圖送高霞還玄元館

烟雨蕭蕭墨未乾幽禽枝上語春寒玄元館裏多
釣石飯飽臨池自在看

寄德常別駕

長洲東去有僧居狂士來遊雪初欲覓故人張
別駕清貧猶苦出無車

愛爾作官清海濱海濱嶺雪白如銀已占薤麥明
年喜漸有衣襦富昔民

麋食精豐養士多村童野老亦謳歌可無振厲新
科格選試能平定不頗

題画

樓閣參差霞綺開峰巒重複水縈迴赤欄橋外垂
楊下步月吹笙向此來

題陳仲美画次張貞居韻

杜老茅堂倚石根往來西議與東屯一庭秋雨青
雲林詩集

卷之六
十二

汲古閣

苔色自起鈎簾盡綠尊

斜日春風吹綵絲披圖弄翰學兒嬉釣竿拂著珊
瑚樹張祐題詩我所師

連雨

三月雨聲連子月五湖舟楫住南湖春愁黯黯如
中酒捲地狂風撼不蘇

吳中

望中烟草古長洲不見當時麋鹿遊滿目越來溪
上水流將春夢過杭州

爲蹇原道題竹木圖

疎篁古木都成老石澗莓苔亦有花排闥不須干
日酒聊將小筆圖龍蛇

九日登華氏溪亭

茱萸黃菊稍斑斑野水蒼煙草莽間送客歸來逢
九日華家亭上獨看山

寄曹都水

溪南山影碧叢叢水閣風林處處同周處廟前新
漲濶數聲柔舫月明中

雲林詩集

卷之六
十三

汲古閣

三月廿日題所寓屋壁

梓樹花開破屋東隣牆花信幾番風閉門睡起兼
旬雨春事依依是夢中

隣牆桂花盛開

扶疎桂樹隔隣牆時有飛花到石床起近南簷看
月色不須更炷水沉香

六月五日偶成

坐看青苔欲上衣一池春水露餘暉荒村盡日無
車馬時有殘雲伴鶴歸

題寂照蔣君遺像

幻形夢境是耶非縹緲風鬟雲霧衣一片松間秋
月色夜深惟有鶴來歸
梅花夜月耿冰魂江竹秋風洒淚痕天外飛鷺惟
見影忍教埋玉在荒村

君姓蔣氏諱圖明字寂照暨陽人也年二十一
歸于我勤儉睦雍鄉里稱其孝敬歲癸巳奉姑
望家避地江渚又一年不事膏沐游心恬淡時
年四十有七矣如是者十一年癸卯九月十五

雲林詩集

卷之六
十四

汲古閣

日微示疾十八日清晨儵然而逝甲辰正月廿

四日題

正月廿六日漫題

柳雲汀樹晚離離飲罷人歸野渡遲睡起香銷金
鵲尾獨聽疎雨打窗時

二月十五日雨作

風軒紅杏散餘霞堤草青青桃欲花寒食清明看
又近滿川烟雨亂鳴蛙

雅宜山詩

雅宜山舊名娜如山蓋虞道園所命名然

未若娜如之名近古也施君宜之先隴在

其處索余賦詩因爲竹枝歌二首遺之以

復其舊焉

娜如山頭松柏青閨城外短長亭來山未久入

城去駐馬回看雲錦屏

娜如山頭日欲西採香逕裏竹雞啼南朝千古繁

華地麋鹿蒿來望眼迷

送徐仲清還毘陵

雲林詩集

卷之六
十五

汲古閣

昔年守義抗天兵季子遺風尚足徵牧守荒淫嗟

末代荒墟榛棘竟誰懲

有道楊公此駐車遺言百世惑能祛道鄉忠義埋

黃壤牛斗龍光尚曄如

六月十一日吉祥菴題

僧夏安居我息機清風日爲掃柴扉身形已似松

梢鶴還有悲歌續令威

二日又題

隨宜喧寂了殘生飯飽悠悠曳履行日落吳松半

江影莫將欣厭惱閒情

十三日雨窗排悶

俗患不侵忍辱鎧道力可勝紛華兵明月無心含

萬象浮雲初不污圓澄

雨聲蕭瑟似秋塘淡泊紅蕖滿意香火宅任渠生

熱惱汪汪法海自清涼

十六日雨晴

道畔豈患粥村罄德獵何憂肉食無底事甘食希

厚味曲肱飲水色數腴

雲林詩集

卷之六
十六

汲古閣

七月二十八日過丘氏林居秋風騷騷然至

算大作終夜不息因成小詩

西風楊柳算騷騷零落江雲起怒濤坐看荷花都

落盡倚窗孤咏楚天高

松陵一首

松陵原上望長洲綠玉平鋪江水流好取釀爲千

日酒大瓢酌月散煩憂

二月六日南園四首

雨裏櫻桃兩樹開北風吹盡臘前梅荒筠隔隩無

多柳細草汀洲併是苦

正月已闌烟雨寒泊舟東渚聽風湍山長水遠身

飛急不是離人也算酸

春月寒逾臘月寒盲風怪雨泊江干天工自不爲

人料一種春光有幾般

有子政如無子同異居邈若馬牛風人間何物爲

眞實身世悠悠泡影中

秋客軒

乍見芙蓉開滿樹更憐楊柳綠含風秋容好處無

雲林詩集

卷之六
十七

汲古閣

人會都在溟濛烟雨中

碧花翠蔓引牽牛叢竹黃葵意更幽不用田疇三

日雨已輪擺極十分秋

靈壁欹危四五峰枇杷細弱未成叢橫籬西面雲

千畝牛背時聞一笛風

村氓報本妙蓮華供佛燒香汲井花獨有橋東白

石叟依然傾酒食蝦蟆

松雪馬圖爲原道題

渥洼龍種思翩翩來自元貞大德年今日鷗波道

墨在展圖題咏一悽然

題墨萱

落盡幽花出一枝愛兒男草近清池水仙唯數舞

齊趨夏卉芳妍爾更奇

二月十九日夜風雨淒然南渚旅寓篝燈與

端叔共坐因念兵戈滿地深動故山之思

遂賦

春雨春風滿眼花夢中千里客還家白鷗飛去江

波綠誰抹西園數雨茶

雲林詩集

卷之六
十八

汲古閣

題曹雲西畫

吳松江水碧於藍怪石喬柯在渚南鼓枻長吟採

蘋去新晴風日更清酣

鵝次韻題

泛雪翻雲未足佳樓萍咲得戲江沙舉群此日籠

歸去識得能書內史家

草青莎軟算烟和點綴春江愛白鵝不似貪鰲誇

厭厭萬錢日食未嫌多

眞迹黃庭世所珍當時聊復送鵝群寧知雪後改

城者使亂軍聲用進軍

雜賦絕句

恢公妙得華光法月影縱橫白尚玄雷取禪門三

昧法松滋楮穎過年年

空江水冷珮珊珊去國千年始一還身似吹笙王

子晉夜騎白鶴過緱山

一色清江四面同樓居如在圖中主人欲刻肯

山記須得環滁老醉翁

曾傍江流築釣磯朱門華屋事都非身如王謝堂

雲林詩集

卷之六
十九

汲古閣

前燕歲歲猶過白板扉

痛飲酣歌未是狂有岐何處覓山羊芹莢木煎茅

君酒更醉人間一萬場

贈通上人

惠遠深心白蓮社湯休麗句碧雲篇懺摩不懈香

燈供般若仍通文字禪

雨後春池芹細細月明寒渚竹娟娟東林門外聞

鐘返只有陶公妙入玄

題画竹

本朝画竹高趙李慚愧後來無寸長下筆能形蕭
散趣要須胸次有貫嘗

題李光祿墨竹

雲氣翛翛青鳳翎湘江鼓瑟倩湘靈壁張此画驚

奇絕醉倒茅君雙玉瓶

題宋仲溫竹枝

画竹清修數宋君春風春雨洗黃塵小窗夜月留

清影想見虛心不俗人

荅陳謝二參軍王長史

雲林詩集

卷之六
二十

汲古閣

世故紛紛自糾纏南山修竹老風烟陳公懷抱政

如此清影蕭蕭月滿川

謝公好義今猶初不可親覈不能疎松陵父老猶

德爾援若功多自不居

經年不見王內史秋夜有懷如此何澄不爲清挽

不濁汪汪萬頃玉湖波

蕭蕭短髮不須冠何處繫舟雲水寬西塞山前夕

陽裏芙蓉青墮水精盤

百年苦樂孰深知何可旬月無我詩從渠推罵與

爭席不廢鶴鷄巢一枝

題画與張仲端

日暮移舟何處泊
强家亭子水西頭
思山只在綳簾外
雨後幽泉想亂流

題靈巖寺壁

我到靈巖古寺中
雲烟樓閣鬱重重
今朝醉倒山前石
留取綸巾挂偃松

船中

野水荒烟寂寞濱
萋萋芳草也知春
五湖雲浪浮雲林詩集

天白好道輕鷗狎
隱淪

題墨竹

燈下蕭蕭玉一枝
吳松欲雪暮寒時
憑君爲把青鸞尾
大掃陰雲息怨咨

爲德常寫竹枝

張公宅裏挑燈話
對影依依夢寐同
坐到夜深喧境寂
庭前疎竹起秋風

拜石圖爲王文靜題

米顛嗜古命宜輕
玄寶厓珍禍患并
盪沐閱書私

太尉可憐詔佞小人情

清文絕俗盛名譽
不記坡翁獎拔初
得筆無如蔡元度
却言蘇軾劣於書

画竹與張元實

舞翁中歲得麟兒
漆點雙瞳玉作頤
可惜空齋無楮額
爲拈秃筆掃風枝

寄張德常

聞道淮安之任去
尊君今住叔家來
城又鼓吳松桺
好過苔磯弄釣車

雲林詩集

吳仲圭山水

道人家住梅花村
窗下松醪滿石尊
醉後揮毫寫山色
嵐飛雲氣淡無痕

題画贈崔子文

性癖居幽每起遲
一來溪口意淒迷
林亭曉色蒼茫裏
日送風帆過水西

睡起

睡起晴雲滿澗阿
牛羊日夕下南坡
浮生富貴真無用
政似紛紛蟻一柯

戲贈大雲

不問羊車與鹿車無三無二一乘耶何勞贊歎并
言說心悟方能轉法華

題画竹

嫋嫋風枝墨未乾美人湘水逐笙鸞恍然一枕遊
仙夢清影縱橫山月寒

王叔明画

筆精墨妙王右軍澄懷臥遊宗少文王侯筆力能
扛鼎五百年來無此君

雲林詩集

卷之六
二十三

汲古閣

因廬山甫便寄曹德

使者停車溪水西借栽綠竹就幽棲玉川野客尋
津去悵望孤帆意轉迷

李伯時画

飛仙遊騎龍眠面貌得形模也自奇句曲真人親
鑒定不須言下更題詩

画竹

蟠虬舞鳳寒雲冷挾以明蟾光炯炯世人只解說
洋州小坡筆力能扛鼎

商學士画次張外史韻

獨棹扁舟引興長疎林遠岫見微茫商侯画筆張
仙句可比豐城寶劍光

贈金嶺翁製爪筓

聞君有漏與無漏木杓爪筓都一般欲覓嶺翁安
樂法無生話子說團樂

環綠軒

環綠軒中古逸民瑟琴圖史硯爲隣欲知此地多
生意試看窗前景色新

雲林詩集

卷之六
二十四

汲古閣

題画贈原道

雪後園林梅已花西風吹起鴈行斜溪山寂寂無
人迹好問林逋處士家

與錢伯行宿棲雲堂

小龍江上棲雲室望見石湖湖盡山來與錢翁住
三日白雲妍暖滿中間

人我二首

人以秋毫軒輊我我心澹然如碧淵何期失脚墮
塵網談笑區中飽世緣

醉中了了夢中醒好語狂言不用聽莫起黑風飄
鬼國長教明月照中庭

爲仲章寫竹石

沈君好古嗜尤淡奇石幽篁心所欣爲寫雲林齋
下景月明春露溼衣巾

次張師道韻

我愛張君真樂易樵談農語接權欣每思靈石山
前住六尺藤床一幅巾

題画

雲林詩集

卷之六
二十五

汲古閣

南望銅官曉色新三株松下一茅亭何當濯足臨

前澗坐石閒書相鶴經

坦腹江亭枕束書澄清江水自空虛修篁古木悠

悠思何處青山可卜居

怪石足當米老拜修竹定是王猷栽磊落瓊瑰雨

洗出團樂清影月移來

怪石雨餘苔蘚滋月明鸛尾影參差春風忽過庭

前樹會見清陰覆墨池

柯丹丘梅竹

竹裏梅花淡泊香映空流水斷人腸春風夜月無
踪迹化鶴誰教返故鄉

用潘子素韻題柯敬仲墨竹

古木幽篁春淡淡斜風細雨石蒼蒼何人識得黃
花老弄翰同掃粉墨囊

吳松江水似荆溪只欠山光落酒卮古木幽篁無

限思西風吹翼影絲絲

題画

琅玕節下起秋風葉葉蕭蕭烟雨中贈子仙壇翠

雲林詩集

卷之六
二十六

汲古閣

驚掃杏林春掃落花紅

逸筆縱橫意到成燒香弄翰了餘生窗前竹樹依

苔石寒雨蕭條待晚晴

野店枯槎何處園千花羞澁不成妍竹枝嫋嫋春

石惡臥看啼鴻水拍天

落落長松生夏寒莓苔樗散共盤桓王謝家庭多

玉樹依然猶是晉衣冠

雨後池塘竹色新鈎簾翠霧溼衣巾爲君寫出團

樂影喜比他鄉見似人

斑斑石上辭紋新陰落先生烏角巾
猊得兩杖初雨後可憐清興屬幽人

爲寫新稻十丈長空庭落月影蒼蒼
王君胸次水霜侵剪燭談詩夜未央

舟過松陵甫里邊幽篁古木尚蒼然
何人得似王徵士靜看輕鷗渚際眠

逢著鄉人朱伯亮朱絃披拂共南薰
研池雨過添新漲特爲濡毫寫墨君

右臨青嶂左澄江未覺羲皇遠北窗安得芋君酒

雲林詩集

卷之六
二十七

汲古閣

斟酌幽人許致玉瓶雙

喬木叢篁倚苔石故家遺業總成灰
二喬憶嫁周公瑾尚有枝孫氣不衰

寄陸鍊師

忽憶南湖陸鍊師若爲湖上住多時
明朝擬望仙帆至好買松蘿作贈絲

寄張處士

江邊楊柳綠絲烟影落清波萬里天
處士時時驚曉夢門前椎鼓發鹽船

題幽篁古木圖爲文靜徵君賦

環慶堂前翠竹多雨苔侵石樹交柯
不遊菴西溪頭路奈此春宵月色何

題李遵道枯木竹石

我識黃巖李使君墨池詞氣霽如雲
莫言但得丹青譽曾有人書白練裙

寄人

無室無家老更顛草木食度年年開
春若問桃花宿先到俞君舊宅前

雲林詩集

卷之六
二十八

汲古閣

題画竹贈西溪處士

雪葉霜枝耐歲寒
拂風沐雨不成歡
百年強健且行樂
西取清溪作釣竿

題曹德昭

谷口桐林落絳霞
仙帆初泊野人家
蕭關館裏青苔合
看到堦前芍藥花

題画贈單君

單君子達荆溪住不到荆溪已十秋
古木幽篁白石路每經行處思悠悠

贈沈揆

蕭蕭白髮沈休文問舍求田江水濱此夕一杯成
酩酊淋漓醉墨氣如雲

寄王簿

客愁醉似未招魂老去情懷孰與論詩寄句客王
主簿憶從白壁達天門

太白嘗從金陵沂流過白壁山翫月達天門賦
詩寄句客王主簿

順逆

雲林詩集

卷之六
二十九

汲古閣

順逆推移莫愛嗔白雲終不染緇塵世情如火心
如水屋裏須教有主人

次韻題黃子久畫

白鷗飛處碧山明思入雲松第幾層能圖大癡黃
老子與人無愛亦無憎

烟鶴軒二首

林宗道新闢小軒南望平蕪烟樹眇然有
千里之意因名之曰烟鶴蓋取韋刺史遠
水烟鶴喚詩語爲賦二小詩著軒中

烟鶴軒前枕石眠一聲清淚落江烟攬衣起望行
雲急遠思憑虛忽欲仙

楓落吳江雲雨空曳然鳴鶴紫烟中坐看雪影橫
江去明滅寒流夕照紅

贈張德常

老疾吟哦張判官僦居江海覺心寬好乘黃鶴風
埃表萬里雲霄一羽翰

醒醒疲馬飲餘鞭苦喘汗駕鹽車麒麟已老終
超逸不受金羈去玉除

雲林詩集

卷之六
三十

汲古閣

客舍咏牽牛花

小盤承露淨鉛華玉露依稀染碧霞弱質幽姿娛
我老傍人離落蔓秋花

調玄度

江渚荷花落日紅畫簷欄檻納涼風何人得似張
公子詩在烟波眺望中

清明後題

野棠花落又清明楊柳青青人耦耕春物闌珊成
底事半江疎雨算潮平

再用前韻呈錢思復

目斷青山白鳥明，姑蘇城下有人耕。
越來溪水流遺恨，鳴咽聲中似不平。

再用韻

春泥滑滑算霞明，苔滿石田那可耕。
眼底紛拏詩可遣，胸中崢嶸酒能平。

鶴盈軒西芍藥欲紅矣，戲成絕句奉呈雪林

隱君求折一枝

堦前紅藥無人摘，衫翠籠烟溪水南。
爲折一枝和

雲林詩集

卷之六
三十一

汲古閣

瑞露小窗卮酒咏春酺

聞鴨鳴

林影曉曉鴨鳴，歐陽詩句最關情。
畫簷宮燭朝儀早，欹枕船窗憶太平。

四月七日雨

水宿風行冬復春，汀花汀草思紛紛。
泊舟無賴終宵雨，夢入蒼梧萬里雲。

追和蘇文忠墨蹟卷中詩韻

脉脉遠山螺翠橫，盈盈秋水眼波明。
西北風帆江

路永片雲不度，若爲情

雨挾江潮來浦口，霜凋木葉見山尖。
寒波曾照飛鴻影，旋雪朝朝與恨添。

風雨翻江夢裏驚，忽思風駛絳霄翎。
世間那得麻姑爪，痒處爬搔憶蔡經。

湖邊窗戶倚青紅，此日應非舊日同。
太守與賓行樂地，斷碑荒蘚臥秋風。

奎章閣下掌經綸，清淺蓬萊又幾春。
三十六宮秋寂寂，金盤冷露泣仙人。

雲林詩集

卷之六
三十二

汲古閣

蔡公閣嶠雙龍壁，蘇子儋州萬里船。
何似歸田虞

闍老，醉吟清浦月娟娟。

嗜酒狂吟禿髮翁，華陽壇館百花風。
晚年傳得登真訣，歸臥南山澗谷中。

窗裏晚山眉翠重，汀前秋水眼波明。
白鷗飛處循

歸路，眇眇新愁故國情。

別陸氏女

去住情餘兩可哀，天公與我已安排。
前途恐有寬閒地，未信狂夫事亦乖。

題画

海鷗何處更相疑
野老如今久息機
旅泊一蓬南渚上
雲濤烟樹影依依

六月九日過以中野亭賦

豆苗引蔓已過簷
荇葉團團菱葉尖
野亭中間坐至晚
窗前竹影月纖纖

雨後

雨後空林生白烟
山中處處有流泉
因尋陸羽幽棲處
獨聽鐘聲思惘然

雲林詩集

卷之六
三十三

汲古閣

題画贈王允同

湛湛綠波春雨裏
娟娟翠竹曉風前
此中著得玄真子
一棹夷猶獨醉眠

桐露軒前月滿窗
竹聲樹影落春江
青苔石逕無人跡
坐待啼來白鷺雙

江上

石侵春雨林間蘚
竹帶沙汀日暮烟
江上清陰隨月落
船頭白鳥傍人眠

二王遊騎圖

每憶開元全盛時
二王遊騎日追隨
鵝原上雙兄弟
挾彈荒郊想鳳池

謝筆

陶泓思渴待陳玄
對楮先生意未宣
何似中書二君至
明窗脫帽一欣然

聞竹枝歌因效其聲

銅山湖影接松江
橘葉青青柿葉黃
要寫新詩寄音信
西風斷鴈不成行

江流不住楚山青
船到潯陽幾日程
不忍寄將雙雲林詩集

卷之六
三十四

汲古閣

淚去門前潮落又潮生

高尚書画竹

石室風流繼老蘇
黃華父子亦敷腴
吳興筆法鍾山齋
只有高髯不讓渠

看花仕女圖

画圖常識春風面
雲霧衣裳震楚裁
爲問人間春幾許
石欄西畔牡丹開

剖瓜仕女圖

月彎削破翠團圓
六月人間風露寒
誰覓東陵故

侯去但知華屋薦金盤

王都事家聽周子奇吹笙

隔水吹笙引鳳鳴十三聲外柳風清風流自有王子晉
酌取清醪吸月明

趙魏公蘭

天上宣和落墨花
麝齋松雪擅名家
遙看召雪山如玉
雪後春風自茁芽

管夫人画竹

夫人香骨爲黃土
紙上蕭蕭墨色新
悽斷鷗波亭

雲林詩集

卷之六
三十五

汲古閣

子上鏡臺驚影暗凝塵

樹石小景

嘉樹幽篁澗石隈
當年曾此好懷開
如今寂寞空山裏
誰復緘情折野梅

墨梅

幽蘭芳蕙相伯仲
江梅山礬難弟兄
室裏上人初定起
靜看明月寫教榮

題雜画

白雲孤鶴莫知還
船泊錢塘看越山
珍重今朝重

展卷吟詩作賦北窗間

新柳春柯未著鴉
短籬茅屋野僧家
放舟不怕歸來晚
白水田畦已有蛙

小坡曾寫雞棲石
猶在荆溪山寺中
幾欲覓摹潭忘却
可憐零落墜秋風

松瀑飛流到枕邊
道人清坐不須弦
王君筆力能扛鼎
用意何曾讓鄭虔

庭樹霜黃尚有陰
午窗危坐自鳴琴
問誰得似沈夫子
北牖義皇有此心

雲林詩集

卷之六
三十六

汲古閣

題画

荷葉田田柳弄陰
菰蒲短短逕苔深
易飛魚躍皆天趣
靜裏游觀一賞心

一代舒王不數人
曾哦雪竹與松筠
雲林野思生幽夢
睡起濡毫一寫真

寄人

楊柳春風未放黃
晴天孤鴈不成行
忽思小謝生幽夢
芳草池塘路亦荒

懷呂君

三年不見呂高士清夜時時夢見之安得長風生
羽飛與君濯髮向咸池

寄人

秋光明可截并刀一隼橫空厲羽毛猶憶南汀紫
手處斷雲殘日下亭草

烟雨

烟雨空濛遠樹齊人家樹底自成蹊只應三月吳
松尾渚際維舟聽竹雞

仲穆馬圖

雲林詩集

卷之六
三十七

汲古閣

花門舊進青驄馬天水王孫貌得真溪上猶遺光
祿宅海寧何以久風塵

墨水仙

宋諸王孫釋大雲清詩多爲雪精神誰言一點金
壺墨解寄湘江萬里春

絕句

要識清虛甘寂寞何如快活地中仙千巖萬壑松
窗裏爛醉吟哦石上眠

睡起晴雲滿湖阿牛羊向夕下平坡浮雲富貴真

何用政似紛紛蟻一柯

十月

十月江南未限霜青楓欲赤碧梧黃停橈坐對西
山晚新鴈題書已著行

贈玄客

枯柳疎條棲鳥稀婦人稚子候簷扉政如十月江
南岸落日西山翠影微

松澗圖

青松澗底結婁陰老大還無用世心張洞西邊煮
雲林詩集

卷之六
三十八

汲古閣

藥竈山靈虛閉白雲深

寄友生

周君讀書離墨山中臥看白雲閒翻然遂逐雲
歸去松下草堂深閉關

題陳惟允圖

韓公曾聽穎師琴山水蕭條太古音不作王門操
瑟立溪山高隱竟何心

春雨

春雨蕭條獨掩扉庭柯逕篠綠依依莫思南浦停

舟處烟柳垂陰滿釣磯

寄王叔明

野飯魚羹何處無不將身作係官奴陶朱范蠡逃
名姓那似烟波一釣徒

寄韓伯清

何處田廬業可租金堂玉室夢全無爲謀蔬藥樵
漁地好在何山碧落湖

題趙承旨墨竹用張外史韻

籊籊生綃寫竹竿愁看春雨滿空壇風流誰識當
雲林詩集

卷之六
三十九

汲古閣

時意萬里鷗波烟景寒

晚照軒偶題

南湖春水碧於天夢作沙鷗狎釣船綠樹拂簷風
雨急覺來依舊北窗眠

簷前幽鳥自相呼池上紅蕖映綠蒲五月夜涼如

八月一窗風雨夢南湖

醉後贈張德機

允同日夕能求画斬酒藏余更惜香獨有館中張
博士誇余弄翰不尋常

博士今宵不用誇竹枝嫋嫋趁風斜莫煩更把官
奴燭且與狂吟野老家

西家飲酒不盡歡東家燈下坐團樂我儂自有一

壺酒不怕先生酒量寬

空折花枝插滿盆清吟清坐想盤殮主人欲勸松

肪釀謾道糟床尚苦渾

誰醒宜城竹葉春竹枝空画損精神詩成不壓乾

喉吻誰道傷多酒入唇

贈僧

雲林詩集

卷之六
四十

汲古閣

清流堂上無塵事奇石修篁映梵書長日粥魚齋

鼓罷竹窗虛寂坐如如

題張元播扇

聽雨樓中也自涼閒停筆視靜焚香君來爲煮積

山茗自洗水甌仔細嘗

題画

湖水清空好放船青山依約白鷗邊忽思周處祠

前路古木荒烟一惘然

画竹贈申彥學

吳松江水似清湘烟雨孤蓬道路長寫出無聲斷
腸句鵲鵲啼處竹蒼蒼

阿儂渡江畏風波聽渠聲唱竹枝歌淇園青青淇
水綠不似瀟湘烟雨多

青山

夕陽渡口見青山誰識其中有此閒我本爲樵北
山北賣新持斧到人間

原上人

上人住近西山麓左右泉聲喬木深拄杖逍遙扣
雲林詩集

卷之六
四十一

汲古閣

門去臨池濡墨寫春陰

題木石贈丘志

古木幽篁丘氏宅江波落日妙蓮庄泊舟風雨閉
三月臥看鳬鷺十里塘

贈伯清

市上休疑張伯清藥無二價制顏齡何當掃雪居
幽谷與我松根採茯苓

題画

長江秋色渺無邊鴻鴈來時水拍天七十二灣明

月夜荻花楓葉覆漁船

偶成

紫燕低飛不動塵黃鸝嬌小未勝春東風綠遍門
前草茸雨寒烟愁殺人

荆溪秋色圖爲卜震亨題

畫溪溪頭秋水明上人逆筆思縱橫雲山多少玄
暉句不道毫端画得成

爲潘仁仲寫梧竹草亭

翠竹蕭蕭倚碧梧一亭聊以賦閒居浮杯樂飲思
雲林詩集

卷之六
四十二

汲古閣

清岳藻思春江濯錦如

羔羊一首

羔羊跪乳猶有別林鳥返哺能無違彼哉微物具
至理感爾太息淚沾衣

己酉元日題徐氏南園壁

九日塵污一日清南園池水濯冠纓早卑燕雀難
喻大自展培風九萬程

六日題

寄居丘氏小偷閒盡室逃公夜向蘭縣吏捉人空

里巷挈家如出鬼門關

韋羌草堂圖

韋羌山中草堂靜白日讀書還打眠買船欲啼不可去飛鴻渺渺碧雲邊

題彥貞屋壁

王子五月廿七日呂君隱所余又來輕舟短棹向何處只傍清波不染埃

絕句

枕幃柳席使安舒借我飛裙意有餘更借裙拖三

雲林詩集

卷之六
四十三

汲古閣

百日高秋還子有佳書

題画次韻

義獻才情似水清暑窗葵扇與桃笙中州父子黃華老信是前賢畏後生

中州人物獨黃華父子詩画逸出禮表之表爲

可尚也觀澹游此卷筆意蕭然有蔡天啟風流

蓋高尚書之所祖述而能冰寒於水者於卷後

有歐陽永旨所賦詩不揆因次第其韻丙午六

月晦日

偶寓桃城江上村水如蛟舞石如龜清風明月許元度爲余傾倒綠波軒

後二十三年爲戊申歲元度張君得此特以示

僕披卷如夢寐間也因援筆次外史詩韻詩已

爲之泫然外史已仙去張榮祿繼禪師不見數

十年存亡不能知尤令人悽斷也九月十一日

題

正月八日宿禪悅僧舍題蘆柴祿馬圖

小僧院裏無塵事夜雨燈前興不孤寥寥說竟無

雲林詩集

卷之六
四十四

汲古閣

生話更覽王孫駿馬圖

二画贈王生

白沙岸下幽人宅翠竹林中賣酒家好事江干王

處士客來爲黍酒仍餘

題画

笠澤依稀雪意寒澄懷軒裏酒杯乾簪燈染筆三

更後遠岫疎林亦耐看

題画贈盧山甫

盧君絕似米顚子品画評詩也自佳我画亦憎月

汗汚手爲裝緝挂高齋

白石先生古貌古心輕財而重義實生於吾

後之師令人寤寐不能忘但幽居默如潛

逃則殊令人憤憤耳昨算辱醉中詞翰讀

之洒然也因次韻希一笑

深感分嘗酒數罍醋雞聞勝駝蹄羹轟轟烈烈男

兒事莫使磨拖過此生

空宇寥寥秋燕巢笑談誰與共遊遨南隣雖有幽

貞士默默深潛如避逃

雲林詩集

卷之六
四十五

汲古閣

柯丹丘梅竹

山川搖落夜漫漫老木幽篁巧耐寒西裏陳侯有

佳句皎如明月映琅玕

絕句

七月三日快哉風野亭不厭酒杯空况有尊前沈

腰瘦何妨醉倒田家翁

密雪時晴照日初東窗竹影寫扶疎也知江渚張

高士衲被敦敦偃仰餘

七月九日一杯酒吾友王君將遠遊况有呂家張

處士逍遙江渚狎輕鷗

題画

絕憶丹陽蔡天啟秋深淡墨意縱橫陳君筆力能

扛鼎可見前賢畏後生

松雪馬圖

舊寫天閑八尺龍鷗波瀾墨水晶宮紛紛世俗爭

模倣兒子門生亦禿翁

贈潘仁仲

良相良醫意活人得仁要亦在求仁能調脾肺心

雲林詩集

卷之六
四十六

汲古閣

肝腎不出酸鹹甘苦辛

題画竹

三家市上沽村酒亥夜明燈初自商官奴把燭我

所無幽篁亂寫非風柳

倪雲林先生詩集卷之六

終

倪雲林先生詩集附錄

雜著

鶴溪先生画像贊

家庭教子佩學詩學禮之言巖穴置身有憂國憂民之色是知克仁而壽能文而德也

趙士瞻小像贊

處乎寂寞之濱乃有悅豫之色將儕於列仙濯於山澤我知之矣豈登山臨水以忘歸貧賤不足爲其憂富貴不足爲其懽者非耶

雲林詩集

附錄

汲古閣

陳天倪處士画像贊

其介特孤峭非松瀑之甥而能然歟其好學能文蓋嘗從遊於草廬棲遲衡門之下鼓瑟動操之間令衆山響與之俱童冠風雪以開咏逮乎暮春之初

王季野画像贊

粹然春溫者猶有若翁素履之德容也凜乎秋清者得乎湘纍楚騷之遺風也與時上下人莫知其所存乎中也匪以吾義言將曷從也喬木鶯鳴雲

山鶴飛輕薄紛紛吾何是非登山臨水聊消搖以忘歸

良常張先生画像贊

誦詩讀書佩先師之格言登山臨水得曠土之樂全非仕非隱其幾其天雲不雨而常潤玉雖工而匪鐫其據於儒依於老逃於禪者歟

錢塘王生思善西德常時年四十二矣東海倪生贊之曰云云德常高情虛夷意度閒雅顧非顧長康之丘壑置身曹將軍之凌烟潤色又那

雲林詩集

附錄

汲古閣

緣得其氣韻耶王生蓋亦見其善者幾耳今日因過德常草堂出此圖求贊且欲作樹石其旁乃先綴數語像上樹石俟他日補爲之

謝仲野詩序

詩以而爲騷至漢爲五言吟咏得性情之正者其惟淵明乎韋柳冲淡蕭散皆得陶之旨趣下此則王摩詰矣何則富麗窮苦之詞易工幽深閒遠之語難造至若李杜韓蘇固已烜赫焜煌出入今古踰前而絕後投其情性有正始之遺風則間然矣

延陵謝君仲野居亂世而有怡愉之色隱居教授以樂其志家無瓶粟歌詩不爲愁苦無聊之言樂輸吐詞必以陶韋爲准則已西春攜所賦詩百首示余於空谷無足音之地余爲謠咏永日飯瓦釜之粥糜糠茅簷之初日怡然不知有甲兵之塵形骸之累也余疑仲野爲有道者非歟其得於義熙者多矣

陳惟寅敝屋疏

陳惟寅甫與弟惟允閒居養親棲隱吳市不耻貧

雲林詩集

附錄

汲古閣

賤不樂仕進熙怡恬淡與物無迂雖過朱門如遊蓬戶也世本蜀人其大父居五老峰下父天倪先生因遊吳愛錫麓洞有好流水家於惠山之陽久之有少曰同舍生趙從事招往館于其家遂復留吳市焉兵後棲棲無定居江右同邑人倪介之爲之敝屋使得以安菽水之奉而敝屋之資則非一人所辦饒君素清苦又不欲以外事累人也僕遂爲之一言世豈無急人之急憂人之憂解衣推食捐廩借宅豪傑侗儻如古之人者哉老杜所謂安

得大廈千萬間大庇天下寒士俱歡顏者請爲諸君誦之至正壬寅十二月九日倪瓚言

題良常草堂疏 捐捨趙榮祿正書一卷

昔王錄事寄少陵之資近代趙文敏千岳氏之助皆有實效不事虛文今德常欲構草堂所求者柯張杜三君或宿諾而寒盟或解嘲以調笑邇求其實則罔所知數年之間三君已矣草堂適成載覽標題重增嗟悼捐予珍祕永鎮所居

題画

雲林詩集

附錄

汲古閣

至正辛丑十二月廿四日德常明公自吳城將還嘉定道出雨里楸桤相就語俯仰十霜恍若隔世爲留信宿夜關更秉燭相對如夢寐者甚似爲僕發也明日微雪作寒戶無來迹獨與明公逍遙渚際隔江遙望天平靈巖諸山在荒烟遠靄中濃纖出沒依約如画渚上疎林枯柳似我客髮蕭蕭可憐生不能滿百其所以異於草木者猶情好耳年逾五十日覺死生恁能不爲之撫舊事而縱遠情乎明公復命画江濱寂寞之意并書相與乖離

感慨之情悰 德常今爲嘉定同知於民有惠政
卽昔日之良常山人也朱陽館主蕭開仙卿倪瓚
言

懶遊窩記

昔司馬子長遊涉萬里壯麗奇偉之觀前賢往聖
之迹有以泄其懷古感今憤懣鬱律之氣史記之
書旣成藏之名山以俟後聖君子也宗少文壯歲
好遊晚以所歷名山畫屋壁曰老疾俱至名山
恐難徧觀唯澄懷觀道臥以遊之子長雄奇之文
雲林詩集 附錄 汲古閣

少文神妙之画善而猶有待又烏觀神馬車輪與
造物遊鴻濛之外者哉若夫登化人之居遊華胥
之國是皆神遇豈復有待乎金君安素高臥林居
慕楊許得尸解上道乃怡神葆和內視密吟煥標
霞之孤映朗性月之歇照因名其齋居懶遊焉噫
尸居而龍見不出戶知天下善行無轍迹蓋神遊
無方非拘拘局於區域逐逐困於車塵馬足之間
安素仙仙乎道矣王方平嘗與麻姑言比不來人
間五百年蓬萊作清淺流海中行復揚塵耳熟耶

耶之黃梁啼華表之白鶴人間紛紛如絮時一飛
神遊吟吾固知安素不與悠悠世人同一悲慨也

書画竹

以中每愛余画竹余之竹聊以寫胸中逸氣耳豈
復較其似與非葉之繁與疎枝之斜與直哉或塗
抹久之他人視以爲麻爲蘆僕亦不能強辨爲竹
眞沒奈覽者何但不知以中視爲何物耳

跋環慶王氏所藏趙榮祿六帖

右趙榮祿與覺軒先生手簡其六紙有以知交誼
雲林詩集 附錄 汲古閣

之深家世之舊也先生學行純正爲宋琅琊王仲
寶之後仕至蘭谿州判官今獲觀於其孫光大之
龔齋老成典刑不可復見矣尚賴翰墨文章有以
想其風流哉庚子二月十日倪瓚題

忠靖王廟迎享送神詩有序

至順元年春吳楚薦饑天災流行連數郡道殣相
望沴氣薰襲爲瘡爲札錫之民咸被漸染大小惴
惴無所請命邦之遺老相與言吾邦西山之陽有
嶽祠祠有明神焉曰忠靖王胙爵東平生能奮忠

死有遺烈赫聲耀靈福我錫民自有年矣在昔季
宋大疫用禱於神變沴爲祥德載歌咏民病亟矣
宜從故事乃合群謀顯衆感卒從祠下鏡鼓鏜鉦
旗纛曉雷導駢駕以臨城南香雲漲空老稚奔走
衆心推誠祈祀惟謹惟神顧歆來格來享若沐神
水若濯冷風颭攘妖氛民疾用瘳丕殫神化無遠
弗暨隣邑之民祈者踵接環句吳四封所活幾萬
人焉是神有大造於吾民也禮神能禦大菑捍大
患者則祀之矧威烈若是宜尸祝而社稷之舊

雲林詩集

附錄

汲古閣

祠焜於火未幾民更興復其制瓊嘗以母病致禱
立愈因作迎享送神辭二章刻諸山阿俾鋤以祀
之辭曰

靈皇皇兮岱宗神之來兮駕蜚龍赫蒼顏兮朱髮
如大紛羽衛兮岳祗業峨青霓旌兮白雲震降大
荒兮祓不祥毆野仲兮逐游光惠我民兮神樂康
羅帳兮雲幄湛寒泉兮瑟蘭兮舞懷寢兮歛參差
薦芳馨兮神享之靈娛娛兮奈何樹紫壇兮山之
阿匪斯兮福斯上沐神休兮千萬古

神之去今驟雲螭風刺兮吹靈旗悅臨風兮延佇
悵神游兮難駐神游兮翩翩撫一氣兮周八埏朝
騰駕兮西神夕弭節兮東魯噫神往兮莫我顧民
有顧今載福斯祐折瓊花兮遲神歸歲復歲兮神
宰我遘石菱菱兮流水壽我民兮報祀無已

樂府

清平樂在荆溪作

汀烟溪樹總是傷心處望斷溪流東北注夢逐孤
雲歸去山花野鳥初春漁郎樵叟南津誰識摧顏
雲林詩集

附錄

汲古閣

老子醉人推屬從噴

凭欄人贈吳良國

客有吳郎吹洞簫明月沉江春霧曉湘靈不可招
水雲中環珮搖

八月圓

傷心莫問前朝事重上越王臺鷓鴣啼處東風草
綠殘照花開悵然孤嘯青山故國喬木蒼苔當時
明月依依素影何處飛來

又

驚回一枕當年夢漁唱起南津
四屏雲嶂池塘春草無限消魂
舊家應在梧桐覆井楊柳藏門
閒身空老孤蓬聽雨燈火江村

太常引傷逝

門前楊柳密藏鴉春事到桐花
敲火試新茶想月珮雲衣故家
苔生兩館塵凝錦瑟寂寞聽鳴
蛙芳草際天涯蝶栩栩春暉夢
華

殿前歡

搢啼紅杏花消息雨聲中
十年一覺揚州夢春水

雲林詩集

附錄
九

汲古閣

如空鴈波寒寫去踪離愁重
南浦行雲送水弦玉柱彈怨東風

水仙子

東風花外小紅樓南浦山橫
眉黛愁春寒不管花枝瘦無情
水自流鶯間燕語嬌柔驚回幽
夢難尋舊遊落日廉鈎

吹簫聲斷更登樓獨自凭欄
獨自愁斜陽綠慘紅消瘦長江
日際流百般嬌千種溫柔金樓
曲新聲低按碧油車名園共遊
絳綃裙羅襪如鈎

折桂令擬張鳴善

草茫茫秦漢陵闕世代興亡
却更似月影圓缺山人家堆按
圖書當窗松桂滿地薇蕨侯門
深何須刺謁白雲自可怡悅到
如今世事難說天地間不見一
箇英雄不見一箇豪傑

又辛亥過陸庄

片帆輕水遠山長鴻鴈將來
菊蕊初黃碧海鯨鯢蘭荇翡翠
風露驚鷺問音信何人的當想
情懷舊日風光楊柳池塘隨處
凋零無限思量

雲林詩集

附錄
十

汲古閣

水仙子因觀花間集作

香腮玉膩鬢蟬輕翡翠釵梁
碧燕橫新粧懶步紅芳逕小
重山空画屏繡簾風暖春醒
烟草粘飛絮蛛絲罥落英無限
傷情

江城子感舊

窗前翠影溼芭蕉雨蕭蕭思
無聊夢入故園山水碧迢迢
依舊當年行樂地香逕香綠苔
饒沉香火底坐吹簫憶妖嬈想
風標同步芙蓉花畔赤欄橋漁
唱一聲驚夢覺無見處不堪招

柳梢青贈妓小瑤英

樓上玉笙吹徹白露冷飛瑤珎玦黛淺含顰香殘
棲夢子規啼月揚州往事荒涼有多少愁繁思結
燕語空梁鷗盟寒渚画欄飄雪

南鄉子東林橋雨蓬夢歸

蓬上雨潺潺蓬底幽人夢故山礧戶林扉元不開
蕭閒只有飛雲可往還波冷玉珊珊一經松風引
珎環咏得池塘春草句更闌行盡千峰半霎閒

太常引壽彝齋

雲林詩集

附錄
十一

汲古閣

柳陰濯足水侵磯香度野薔薇芳草綠淒淒問何
事王孫未歸一壺濁酒一聲清唱簾幙燕雙飛風
暖試輕衣介眉壽遙瞻翠微

鵲橋仙

富豪休恃英雄休使一旦繁華如洗鵲巢何事借
鳩居數載主三易矣東家烟起西家烟起無復碧
暈朱啟我來重宿半間雲舊製唯餘此耳

鷓鴣天

笠澤沿回十五年親知情義日堪憐偷兒三顧吾

何有俗士群譏自省愈聊復爾豈其然田翁輕慢
牧童顧乃知造物深相與急使江湖掉去船

如夢令

削跡松陵華寓藏窗白雲深處造物已安排萬事
何須先慮歸去歸去海鶴山猿同住

踏莎行

春渚芹蒲秋郊梨棗東風沃野收紅稻簷前炙背
媚晴陽天涯轉瞬淒芳草暮望漁村陶朱烟島高
風峻節如今掃黃雞啄黍濁醪香開門迎笑東隣
雲林詩集
附錄
十二
汲古閣

老

小桃紅

陸庄風景又蕭條堪嘆還堪笑世事茫茫更誰料
訪漁樵後庭玉樹當時調可憐商女不知亡國吹
向紫鸞簫

一江秋水淡寒烟水影明如練眼底離愁數行鴈
寫晴天白蘋紅蓼參差見吳歌蕩槳一聲哀怨驚
起鷺鷥眠

五湖烟水未歸身天地雙蓬髮白酒新菊會隣近

主酬賀百年世事與公運青山數家漁舟一葉聊
且避風塵

憶秦娥

昨日宵賦憶秦娥一首以介石齋前木犀
盛開俾具一卮酒無使花神笑人寂寞蓋
以風雨傷懷耳茲重改呈又作一首共寫
呈二君却不可默然也

扶疎玉蟾宮樹影闌干曲一襟香露幾枝金粟
娥鏡掩秋雲綠無端風雨聲相續不須澄霽爲
酤

雲林詩集

附錄
十三

汲古閣

醺醺

參差玉笙聲算起瑤臺曲輕風香浸夜涼肌粟黃
雲巧綴飛霞綠清吟未斷秋霖續恐孤花意倒尊
中醉

江城子

滿城風雨近重陽溼秋光暗橫塘蕭瑟汀蒲岸柳
送淒涼親舊登高前日夢松菊逕也應荒堪將何
物比愁長綠泱泱遶秋江流到天涯盤屈九回腸
烟外青蘋飛白鳥歸路阻思微茫

蝶戀花

夜永愁人偏起早客鬢蕭蕭鏡裏看枯槁雨葉鋪
庭風爲掃閒門寂寞生秋草行路難行悲遠道
說著客行真箇令人惱久客還家貧亦好無家護
自傷懷抱

壬子九月廿五日訪照菴高士蘭飲因書近詞
求是正之益

題雲林詩集後

鮑謝才情世不多手封詩卷寄江波宅邊東海鯨

雲林詩集

附錄
十四

汲古閣

魚窟好著輕舟一釣蓑

虞集伯生

題雲林先生小像

才之英德之精坐松石儼像形噫安得斯人兮復
生

天師張

故元處士倪雲林先生旅葬誌銘

雲林姓倪諱瓚字元鎮所居雲林故號雲林先生其家常州無錫富家至正初兵未動鬻其家田產不事富家事作詩人竊笑其爲慙兵動諸富家剝削費田產人始賞其有見性好漿盞預易水數十次冠服著時數十次拂振齋閣前後樹石嘗洗拭見俗士避去如恐免從王文友讀書文友死殮葬不計所費一如其所親交張伯雨後伯雨至其家會鬻田產得錢千百緡念伯雨老不載至推與雲林詩集——

附錄
十五

汲古閣

不聞一緡盛年清名在館閣晚當至正末飄流中作詩益自喜其詩信口率與唐人語合年七十四旅葬江陰習禮子二孟民孟羽孟民早卒女三其詩散逸人咸惜之

銘曰捐所優心何求吁嗟乎其爲安所繇身何投吁嗟乎其時獨所修名何留吁嗟乎其詩

長樂王賓撰

故元處士雲林先生墓誌銘

雲林倪瓚字元鎮元處士也處士之志業未及展于時而有可以傳于世誦其詩知其爲處士而已蓋自詩法既變而以清新尚莫克究古雅處士之詩不求工而自理致冲淡蕭散尤負氣節見於國朝風雅而與虞范諸先輩埒今板行於世故弗論若處士之世系固不可無述也按倪之先漢御史寬之裔也十世祖碩仕西夏宋景祐使中朝畱不遣徙居淮甸占籍都梁爲特著姓建炎初五世祖雲林詩集——

附錄
十六

汲古閣

益挈其家渡江而南至常州無錫僑梅里之祗陀愛其地勝俗淳遂定居焉厥後族屬寢盛貴雄於鄉高祖似曾大父淞皆厚德長者隱而弗耀大父椿父炳動於治生不墜益隆母蔣氏而處士嚴出也生而俊爽稍長強學好修性雅潔敦行孝弟而克恭於兄相其樹立率子弟以田廬生產悉有程度有餘財未嘗資以爲僂俗紛華事其師輩昌王仁輔老而無嗣奉養以終其身歿爲制服執喪而葬焉若宦遊其鄉客死不能歸櫬者則割山地以

安厝之見義則爲不以兒婦人語解尊官顯人樂與之交於宗族故舊煦煦有恩尤喜周人之慧神精朗朗如秋月之瑩意氣霽霽如春陽之和胡摩豪習未嘗爲統綺子弟態談辯絕人疊疊不倦好客之名聞於四方名傳碩師方外大老咸知愛重所居有闢名清閨幽迥絕塵中有書數千卷悉手所較定經史諸子釋老岐黃紀勝之書盡日成誦古鼎彝名琴陳列左右松桂蘭竹香菊之屬敷紆繚繞而其外則喬木修篁蔚然深秀故自號雲林

雲林詩集

附錄
十七

汲古閣

每雨止風收杖屨自隨逍遙容與詠歌以娛望之者識其爲世外人客至輒笑語間連竟夕乃已平生無他好詭惟嗜蓄古法書名画持以售者歸其直累百金無所靳雅趣吟興每發揮於縑素間蒼勁妍潤尤得清致奉幣贊求之者無虛日晚益務恬退棄散無所積屏慮釋累冠野服浮遊湖山間以遂肥遁氣采愈高不爲諂曲以事上官足跡不涉貴人之門與世浮沉耻於衒暴清而不汚將依隱焉世氣頗靜復往來城市泥跡編民沉晦免

禍介特之操傲然不踰年既老而耳益聰目益明飲啖步履不異壯時氣貌充然其所養可知矣處士所著有稿句曲張天雨錢塘俞和愛之爲書成帙藏于家洪武甲寅十一月十一日甲子以疾卒享年七十有四娶蔣氏先處士七年卒子二長洗孟民字也次孟羽號逸女三長適徐瓊次適陸頤幼爲母舅蔣氏女孫男女若干人既以某年某月日奉柩葬于無錫芙蓉山祖塋之下而刻石識歲月且遵治命來徵銘余辱游于處士甚久處士

雲林詩集

附錄
十八

汲古閣

來吳嘗主余家山肴野簋促席道故舊間規其所偏未嘗溫見或吟詩作画縱步徜徉今年秋仲雷詩爲別而孰知遂成永訣乎余少處士七歲而將衰行將與草木俱腐何足以任其托乎雖然詎可恣然亾言乎輒舉其槩爲銘以畀之聊以紓余哀云耳

銘曰受才之美有其時曷賈弗售卒不施依隱玩世與時違安常處順全吾歸齋不使祿昌藏詩寢言歌之其聲希沒而不朽惟在茲

拙逸老人周南老撰

余向梓里林處多所則凡其母兄師友間其親故若
子已見其品望但為悲懷倍之懷所謂公之子
上以書不錄其者不讀其訪之能令人泣下淚襟
此因以梓里為千室門多張子宜陽句在棠子錄
點孫時時風竹韻詩佳不謂知此其述懷詩二
十六韻殆即雲林子自傳云海雲毛夢溪

雲林詩集

附錄
十九

汲古閣

雲林詩集卷末

倪雲林集外詩

海虞 毛晉子晉 同訂
馮武實伯

四言

至正乙未素衣詩

素衣內自省也督輪官租羈繫憂憤思棄田
廬飲裳宵題焉

素衣涅今在彼公庭載傷迫隘中心怔忡彼苛者
虎胡恤爾氓視氓如狻牢辟尤詭譎以自持省焉
雲林集外詩 汲古閣

內疚雖曰先業念母遺失守而不遷致此幽鬱身
辱親殆孝達義屈窮窮荒塗行邁靡通離離鳴鳳
世莫之逢夕風淒淒曷其有旦吁嗟民生實罹百
患先師遺訓豈或敢忘輒詠稱賢樂道無殃子獨
何為悽其悲傷空谷有芝芻宛且廓爰宅希靜菽
水和樂載弋載釣我心不作安以致養窮簞忘憂
修我初服息焉優游

徐良夫耕漁軒

鄧山之下其水舒舒林廬田園君子攸居載耕載

漁爰讀我書唐虞綢繆愴矣其悲棲遲衡門聊得
我娛敬慎誠篤德門三二四勿是事三益斯萃彼
弱于利我以吾義彼自暴棄我以無智匪今之同
惟古是嗜虛邪消捏隱約斯世

雲林集外詩

五言古詩

韓伯休

韓康抱澗靜匿影以逃名亦有梁伯鸞五噫出漢
京諒哉古賢達道與人俱貞不以身徇物物固莫
之櫻胡爲貴日前狗苟且蠅營粗計一時得不禍
害乃生爾其繩祖武景行尚勉行

畧上人松月軒

虛牖宿閒雲長松掛明月道人初定起淨境無炎
熱手持青鸞帚衣掃石上雪冷然滌心塵寂照光
雲林集外詩

三

不減

和拙逸先生閒居韻

芻豢非所悅甘我藜藿味無辱奚必榮知足方可
慰客行值炎天嘉木子來壑禁汝忿忿心養此浩
然氣見義思必爲舊若泉臧沸學焉苟無成斯亦
不足畏

道翁先生取予棄筆戲成五言因次韻

生與硯爲鄰惟知楮穎珍饑寒雜吟嘯那用憂空
困天矯鍾王跡道媚骨肉勻澄懷靜臨寫時時見

天真

遜學辭親秋暑將事于役因寓幽獨寒松園

并詩以遺之亦若招隱之意云耳

秋暑多病鳴征夫怨行路瑟瑟幽澗松清陰滿庭
戶風聲雜湍激古音奏韶護張幄儼停雲垂帷繁
繁露諒哉如金玉周子美無度息景毋狂馳笑言
以胥聒

拙逸先生賦古意見招次韻奉答

楚狂昔悲歌風兮何德喪行邁心搖搖薜青麥離

雲林集外詩

四

離雨雲嘆輕薄交道傷嶮巇鵲志自遠燕雀棲
其卑風吹枳棘蓼月照琅玕枝姦惡與賢智邪正
亦易推忠本由恕立義豈爲利移矚子分瞭眊履
蹈知醇疵折柳以樊圃狂夫尚睢睢不以禮自防
言動輕乖宜友焉不以道異端固紛披君看枯魚
泣魴鰓慎所之

宿王耕雲山居

城市厭煩煥江山玩清遠盤濯臨石湖吟嘯望雲
巖范公游集地登陟屨情遣悵悵靡遺構鬱鬱猶

荒苑仙人王子晉抱道雲舒卷風吹翔河汾鶴巢
木棲偃涼風縱逸棹溪水清泠泠何當采靈芝忘
年從嵇阮

吳松山色圖

吳松春水綠搖蕩半江雲嵐翠窓前落松聲渚際
聞潘郎狂嗜古容我醉書帟鼓柁他年去相從遠
俗氛

題畫

惟寅友兄雅志林壑遠寄佳紙命僕寫圖賦

雲林集外詩

五

詩因作此以寄歲已亥五月八日

齋居誰爲友毛穎與陶泓有客附書至云是楷先
生潔白中含素柔滑表至精愛此風林意更起丘
壑情寫圖以間詠不在象與聲

題吳仲圭畫次韻

元初真士嘗居嘉禾紫虛觀好與吳仲圭隱
君遊故得其詩畫爲多今年十月子始識
之初卽出示此幀命僕賦詩因走筆次吳
隱君詩韻題于上隱君自號梅花道人云

鷺湖在嘉禾湖水春浩蕩家住梅花村夢遶白雲
鄉染翰自清逸歌詩更悠長緬彼園中人看君杖
枕榔

畫竹

至正己巳五月三日過開元精舍希遠首座
爲設湯餅煮茗焚香相餉明日將還穹窿
寺因寫竹枝賦詩贈別

僧夏已安居還山寺在郭初心了玄解自不爲律
縛渡水獨浮杯采苓時負纓余亦漫浪人枵然慚
雲林集外詩

六

獲落

余自與庸叔別後不相見近十載矣今年冬
邂逅吳下班荆道舊殆若隔世因寫霜林
遠岫圖并賦詩以贈

賀公雅吳語嘗誦少陵詩遠孫有古風隱居淮水
湄開牖望青山尋真歌紫芝鏡湖似清淮烟濤春
渺瀰何當棹酒船與爾相娛嬉永言以鼓瑟獻酬
斟酌之伊昔龍眠莊山水含清暉松桂蔚佳色田
疇足耘耔結茆飯松朮忘年樂熙熙贈此以爲好

同心勿乖違

寄叔方

乖阻方徂秋忽然已改年樓前櫻桃花開落春風
顛木船到家日雨砌溜涓涓綠酒仍滿眼素琴久
無絃呼我共斟酌歡劇更惘然處窮則已固言達
誰當先俯仰嘆鳶魚浮沉各天淵慎勿傷本性木
雕而土挺鸞翔安可挽青雲氣翩翩猶羨羲皇人
清風北窓眠

寄良夫契友

雲林集外詩

七

昔者安豐董朝耕暮讀書親樂以妻順山樵而水
漁徐子慕古義林臥獨端居彈琴咏王風宵然觀
化初月窓淡疎竹踟躕當久如

荅徐良夫

八月七日偕耕雲叟訪耕漁隱者風雨寂寥
中爲留三日日有圖書筆硯之樂九日耕
隱賦詩見贈次韻奉荅

雲臥雨聲集庭樹颯以秋身同孤飛鷁心若不繫
舟燕俎登松菌匏尊斟瀾流蘭芳日凋悴吾生行

歸休不作蟻蟻夢遊神鳳麟洲青山澹相對白髮
忽滿頭仙去雲冉冉鳳鳴竹脩脩諒哉伐木詩曷
嚶尚相求居吳二十載未及茲山遊君才如鮑謝
摘辭亦云優歎然敬愛客能不爲爾留桑土夙所
徹戶牖何綢繆地無車馬塵路轉巖穴幽既晴引
飛屨回望林間樓

廿二日贈別耕雲

王君瑚璉器清鑒涵水鏡忍窮如錢石居易安義
命風兮出非時不與凡鳥並勤夢世勲冒忠孝本
雲林集外詩

八

天性白圭絕微瑕朱絃駭羣聽任直唯疾護亂雅
猶惡鄭悄悄慍迫隘咄咄恥奔競西壠松桂林白
雲森相映巖僧同棲止林叟含嘯咏於時無美刺
托物善比興藹然顏淵樂陋彼原憲病瓊乎知非
久慧也安心竟怡性壽而康克戰道斯勝蕙草秋
更綠松聲寒愈勁何當歲玄洲相期適遐邇

廿三日聞耕雲至北村將來此

自予來南邨忽忽數日矣犬豕混人目鳥鵲聒人
耳不見佳友生如逃空谷底足音聞蹇然云胡而

不喜

曹君達卿婁江西渚隱君子也自號古民息
景燕處以禮義悅心亦不求知於人今年
七十三而耳目聰明體力強健有三男子
皆能愉婉其容色以爲養又信而智古之
樂以悅生優游以佚老者吾昔聞而今見
之矣耕學東命爲之詩

隱處婁江渚迢迢古逸民首石作牀坐青山爲主
賓商巖黃綺輩北牖羲皇人漁郎問津去源上桃
雲林集外詩

九

花春

蓮廬詩

蓮廬子葵質子賢也

有逸人居長洲東荒寒寂寞之濱結茅以偃
息其中名之曰蓮廬且曰人世等過客天
地一蓮廬耳吾觀昔之富貴利達者其綺
衣玉食朱戶翠箔轉瞬化爲荒烟蕩爲冷
風其骨未寒其子若孫已號寒啼饑於塗
矣生死窮達之境利衰毀譽之場自其拘
者觀之蓋有不勝悲者自其達者觀之殆

不直一策也何則此身亦非吾之所有况
身外事哉莊周氏之達生死齊物我是避
乎物之外者豈以一芥蒂於胃中莊周我
所師也寧爲喜晝悲夜貪榮無喪哉予嘗
友其人而今聞其言如此蓋可嘉也庚戌
歲冬予凡一宿遽廬賦贈

天地一遽廬生死猶旦暮奈何世中人逐逐不返
顧此身非我有易晡等朝露世短謀則長嗟哉勞
調度彼云財斯聚我以道爲富坐知天下曠視我
雲林集外詩

不出戶榮公且行歌帶索何必惡

癸丑八月訪耕雲高士於西巖因寓耕雲軒

圖又爲之詩

芝田未耕閒石廩山雲滿渚際荷衣翻巖前蘿帶
緩垂露藹輕帷芳池沃清盥霞食非腥腐物化自
修短空園未足憂服食滋楨幹

題高士圖

僵臥雪塞戶汝南表邵公冠蓋洛陽令掃雪見高
風冷竈不生烟虛坐久塵蒙投謁非吾事舍君其

誰從

雲林集外詩

十一

七言古詩

古劍行

雍公孫子氣甚清示我楊顓古劍行劍峯詩律兩
奇絕秋遠光彩玉庚庚楊顓健筆老縱橫是亦鐵
中之錚錚吐詞鬱律鳴不平鳳皇來爲盛世鳴一
代惟數虞翁生余也學書學劍既老何由而成名

和周正道拔時髦韻

何處林間搭鳳毛鳳兮歲蕤潛九苞空林春風露
梢梢雉雛不聞鶴鳴皋雲中金支紛翠翹龍鸞天
雲林集外詩

十二

矯羣仙翔網羅張弛野喧囂羣飛畢命悶遁逃隕
身折翮隨所遭母啄我鰥傾我巢鳳兮麟兮遠莫
招腥風血毛灑林郊隼鵠飛擊當絳霄西飛鵬鴻
東伯勞旭日鳴雁聲嗷嗷鬼車鵠鵠鳴鵠風雨
如晦聞嗽號時乎時乎孰如嘲吁嗟清濁寧混淆
拔乎其萃皆時髦

春草堂

是日袁君子英同集軒中

春草軒中隱凡坐中有袁髯聞似我欲浮清海狎
羣鷗擬向鴟夷借輕舸二月水煖河豚肥子苦留

我我懷歸半鎔雪浪薰香茗掃榻蕭條共掩扉
煤鹽紙高梁筆寶繪珍題品神逸洗滌古玉龍眠
池臨榻奇蹤淨名室紅蘊捲碧春歸酣檳榔蓼葉
嚼香甘夜闌更鼓湘妃瑟笙磬同音詠雅南別君
此去何草草山爲迴旋海爲倒令威白鶴會重來
世人胡爲易衰老

至正丁酉十一月五日余友陳兄惟允過余

放寓鼓楚詞一再行因寓墨君并走筆賦

長句以贈時漏下二刻矣筆硯荒落自愧

雲林集外詩

十三

草草惟允當有以教我耶

陳郎鼓琴初月明能對楚人作楚聲江風動地波
撼席蘆雪撲帳雲棲薨每驚迷道意慘愴忽此聚
首心怔營賦詩寫圖以爲贈比竹貞德琴亮清
寓松江山色并詩贈子俊茂才

窮冬舟過吳淞渚千里交歡少嵇呂范張一室小
如壺雞黍時時慰羈旅阿兄彈琴送飛鴻讀書頗
有沉潜功阿弟煮茶敲石火滿江春雨聽松風圖
書四壁醒愁睡隱几略然忘世慮扁舟一葉五湖

遊身與閒雲共來去三月六日天氣清爲爾咏出詩無聲袖有青銅錢二百爲余沽酒作魚羹

壬子九月望日過孤雲大士寶淨精舍留宿

十九日爲寓林亭遠岫圖并賦

敬亭山色青如染妙德端居在西峰片雲出岫本無心佛石繁林晴冉冉江西帆影又江南笑看羣狙芋四三道過化城聊暫止更營寶淨小禪龕

題張外史剪韭亭

外史詞華耿霜月劒花秋坐鵬鵠膏皎然光談照

雲林集外詩

十四

綠水不假雕琢慚鉛刀雅音自出性情正庸工徒爲血汗勞若人逝矣不復作稂莠雨深那可蔣

題畫雅宜山齋圖

靈巖對直雅宜山穹林巨石憶蒼灣若翁遁跡在其麓有子讀書常閉關松根茯苓煮可搗林下慈烏去復還寫圖愛此錦步障白雲紅杏春闌斑

戲贈東方生

國士腰間玉虎盧猛將手中金僕姑英雄往往出屠釣輕薄紛紛能詭諛寶劒生塵無所用黃流明

月若爲汚楊雄枉儼相如賦今日論兵重武夫

雲林集外詩

十五

長短句

泉南義士行

泉南兩義士異姓乃同心同心而同居利夫能斷
金不見橫海虹夢見海畔路夢隨春雪舞迴風思
逐奔湍向東注婁江之水云云其波方舟容與適
啼以歌落葉不息飄揚無蹤大風雲飛嗟彼斷蓬
人生乖離式與此同翩翩者鴻飛鳴相隨靡彼儉
人我心實悲兄弟戕賊室家瘡痍背義就利曾弗
之思兩士相尚以義其誰似之

雲林集外詩

十六

富貴咏

富貴詭於人易若貧肆志何從得此言問之尊連
子鴻飛冥冥天爲低下視俛啄何卑微去去烟蘿
碧巖裏瀑流千尺洗塵衣

食無肉

食無肉今出無車旅無依今歸無家秋風嫋嫋江
漢槎遠波落日明荷花枳棘蔓蔓道云賒飛蓬蕭
颯雙鬢華夜有吟蛩晨有鳴蛙玉琴在匣但聞潄
哇龍劍掛勝幽還吾生有涯知無涯世迫隘今紛

浮華思從句漏求丹砂忍食安期棗如瓜高臥白
雲食絳霞

趙善長氏妙於繪事以荆關法爲遜學周君

畫天香深處圖復賦此篇

周君洵美王色溫有宋尚書之子孫尚書第宅古
閭國秋風老桂蒼雲也有子五人總拳桂孝友才
華真忠義周君今住讓王城湓流綿延俄八世載
懷先世發咏歌月明珠樹梨交柯白榆歷歷不可
數手援北斗酌天河尚書父及子騎箕入霄漢迺

雲林集外詩

十七

波遂回風翕忽驚世換清芬沾灑後人多翠靄金
葩影零亂鳳歌我亦楚狂人吳市經遊幾度春泛
泛去來舟不繫狎鷗去忽難親天香深處留茶
屋爲愛珍圖思超俗好繩祖武揚德馨公侯之始
爾其復

次遜學廣文舟出金焦山韻

眼前金芙蓉一朵迎人青焦山岌嶬蒼石稜長江
無波素練平蛟鼉出沒魚龍變化翕忽徙南溟絳
霞晴虹映朝日光彩激射雲錦屏指點齊州瞰吳

楚欽噓萬里吞爲吐江水潺湲橫汨流古人去我
今幾秋有子仲謀才不世多情庾亮晚登樓邇流
轉柁鳴津鼓歷亂沙鷗起檣櫓當時行樂恣經過
舉酒觀魚登網罟海若決水不滿酌任公釣鰲且
胥俎掉譚清綿斷復續瑤草琅玕動盈鞠豈意一
朝憂患生夫君處南予處北江流東去不西迴爾
亦胡爲乎嗟哉寒峰長吟送落景砌蛩悲切助予
哀仙人王子喬吹笙駕風雲招邀女媧補天手鍊
石看作五色文

雲林集外詩

十八

題虞勝伯畫仙臺高士圖

仙臺有高士閑在最高峯濯足五湖水結巢千歲
松霞屏雲扇闕丹絳落花如雪吹微濛醉顏高卧
日瞳矐飛鳧蹴踏金芙蓉紫芝肩宇王鍊客往來
倏忽其猶龍誰能貌此世外眼青城山人仙臺翁
運筆直與天同功倪生作詩以詠歎凌躋倒景他
日期相從

送友之紹興

賀監宅前路荷花今亦無空餘湖上月照見水中

蒲送爾作官幽絕處錢唐江頭飛柳絮廳署歸堤
滿夕嵐惟有沙鷗自來去

雲林集外詩

十九

五言律詩

八月十五夜湖上翫月

平湖秋似練，寒月白於銀。
泫衣上露青，青水裏蘋歡。
言一杯酒聊樂百年身，
茲夕對澄景，况值高懷人。

過惠山

重過湛公宅，因嘗陸子泉。
佛香松葉裹僧飯，石巖前市駿唯憐馬池荒。
憶種蓮清心有妙，契塵事久終捐。

雲林集外詩

寓法藏禪寺

二十

風雨入城府，禪扉三日留。
清齋聊天翰，曉浴更梳頭。
石鉢香烟細，經幢樹影稠。
移舟未審霽，少泊聽鳴鳩。

浦城春色圖寫贈遜學

七閩嵐翠合，山色浦城高。
春靄浮青壁，晴隲醉碧桃。
吟猿濤水客，飛瀑亂松濤。
夢入千峯裏，雲霄一羽毛。

聞鶯送別鄭徵士

春日陽關道，榮聲滿上林。
來從金谷曉，飛度玉樓陰。
柳嫩難分色，歌停稍辨音。
明朝空解語，人去落花深。

新涼戲呈甘白

閒靜幽人宅，蕭條樂國亭。
炎暑淡旬劇，蓮山當戶青。
涼生猶病瘥，愁解如酒醒。
臥看風篁影，落月滿階庭。

贈郭本齋

高人郭本齋，輕舟東渡淮。
賣藥不二價，向人多好懷。

雲林集外詩

二十一

懷世方憂聘死我，豈與時乖欲覓金。
光草相期弱水涯。

同贈耕雲

戰樞泊清陂，禪居獨下帷。
軒扉雨寒落，草木晚離披。
野老無機事，江鷗更不疑。
虛舟身世遠，萍葉任飄吹。

贈陳維寅有跋

十二月九日夜與維寅友契篝燈清話而門外北風號寒霜月滿地牕戶間寂樹影零

亂吾二八或語或默寤寐千載世間榮辱
悠悠之語不以汚吾齒舌也人言我迂謬
今固自若素履本如此豈以人言易吾操
哉維寅言歸因賦詩并書此爲贈慎勿以
示顯貴者必大笑以爲謬語也十三日裴
書于蝸牛廬中歲壬寅

陳君有古道夜話赴幽期翳翳燈吐焰家家月入
帷冰斲醺酒味霜氣折琴絲明月吳門道寒曉獨
爾思

雲林集外詩

二十二

六月六日盧氏客樓對雨一首呈維寅

無家隨地客小閣看雲眠涉夏雨寒甚似秋風颯
然舞鸞悲鏡影飛雁落箏絃好轉船頭去江湖萬
里天

題郭天錫畫

天錫操卽與予交卽久死別忽忽二十餘載
念之悵悵如何可言錫山弓河上玄元道
館錫麓玄丘精舍其畫壁卽多今或爲軍
旅之居或爲狐兔之窟顏垣遺址風景亦

異雖予之故鄉乃若異鄉矣不歸吾土亦
已十年因勝伯微君攜此卷相示爲之展
玩感慨并敘述其疇昔相與之所以然者
其中有不能自已也捉筆凄然久之至正
二十三年歲在癸卯十二月十日夜笠澤
蝸牛廬中寫

郭髯余所愛詩畫總名家水際三叉路毫端五色
霞米顛船每泊陶令酒能賒猶憶相過處清吟夜
煮茶

雲林集外詩

二十三

十一月一日燈下戲寫竹石霜柯并題

久客令人厭爲生只自憐每書空咄咄聊偃腹便
便野竹寒烟外霜柯夕照邊五湖風月迥好在轉
漁船

惟兄契友工爲詩謂而圍棋鼓琴無一不造

其妙雖游名公卿間無意於仕進故爲竹

枝奉贈又賦此詩

岷江陳秀士樓隱閭閻城覓句仍工畫看山不愛
名棋枰消永日琴調寄閒情摩挲鬚髯美春苗紫

過鏡

寄友

吳淞江上宅青翠映丹楓欲覓幽人去過憐雅好
同衾圖藏顧陸連社憶雷宗開道秋風夜清寒寫
澗松

八月廿日爲叔平畫紫芝山房圖并賦

山房臨碧海燁燁紫芝榮雲上飛鳧舄月中聞鳳
笙水烟生石竈竹雪灑菰蘆誰見陳高士希夷善
養生

雲林集外詩

二十四

有立微君名其齋曰端居室讀書學道咏歌

先王之遺風於其中爲之題贈

五畝幽人宅端居思沈冥圖書克棟積心跡去人
遙卷幔松風入當堦蘭雪飄善求顏子意陋巷樂
簞瓢

徐長夫耕漁軒

僕來軒中自七日至此凡四日矣風雨乍晴
神情開朗又與耕雲耕漁笑言娛樂如行
玉山中文采自足照映人也喜而賦此詩

溪水東西合山家高下居琴書忘產業踪跡隱
漁積雨客留宿新晴人趁墟厭喧來洗耳清泚
前除

至正癸亥秋七月三日乘雨至西園因爲此

圖賦詩以紀勝遊

卜宅清溪上烹茶秋樹根書堂微雨霽石榻古苔
痕松葉飄琴薦荷香草酒鐏邵公敦古道幽尚竟
誰論

宿樂園林居

雲林集外詩

二十五

予來城郭而暑氣熾甚偶憩甘白先生之樂

園林居不覺數日相與蔭茂樹臨清池誦

義文之象又彈有虞之南風遂以永日忽

忽已淹留久如開成此詩以寓笑樂耳甲

寅六月十六日

暮投齋館靜城郭似山林落月半床影涼風孤鶴
音汀雲榮遠夢桐露濕清琴喧卑靜塵慮蕭瑟動
長吟

爲耕雲賦山居

高木垂帷密清池拭鏡明
畫書華宇古風纖浪紋
輕悄悄悲秋意悠悠惜別情
古人雖已矣得失未須驚

示友人

子處窮愁際我居憂患中
食餐如鬼國喜怒屬狙
公莫笑淮陰俛誰同鮑叔
風雪汀留雁迹飛舞任
西東

題梅花道人墨菜詩卷

肉食固多鄙菜烹元自癯
晚畦含露氣夜雨焚雲
雲林集外詩

二十六

腹春醪時一進林筍與之俱
游戲入三昧披圖聊
我娛

七言律詩

擬賦岳鄂王墓二首

第一首與本集不同因重錄

森任忠誅轉謬悠鄂王固豈爲身謀中興可聖賢
成業南渡何心報虜雖廢壘山河猶帶憤悲風
蕙總驚秋莫言當日民遘災更使他年過客愁
丹楓落日隱荒祠蕭瑟清秋志士悲復國豈期誰
賣國出師何遽詔班師少康一族應無計李牧多
功徒爾爲汨汨江流寓餘恨可憐宋祚亦終移
盧公武甫當世衰道卷之際獨能學行偉然

雲林集外詩

二十七

不但賢於流俗而遂已不愠人之不知嗜
古金石刻辭汲汲若饑渴隱居婁江之鹿
城澹泊無營若將終其身焉命予賦鹿城
隱居詩因賦

避俗龐公隱鹿門鹿門靜亦絕塵喧釣綠水北菰
蒲渚隴俯江南桑柘郵書畫字殘繡汗簡石魚名
古刻窪尊地偏舟楫稀來往獨有烟潮到岸痕
和甘白先生樂園林居二首甲寅六月五日
開開幽鳥綠陰濃林鳩陂池曲曲通荷雨逗涼侵

北牖汀雲度水迅南風清琴詠雅寧諧俗濁混
愁似有功聞道秋來偏起早一簾晨露引高桐
竹裏齋厨柳下渠幽林風景自應殊家無甌石惟
憂道鄰斷炊烟急索租山水幾湯聊足樂雨雲翻
覆豈吾徒遙遙栩栩天涯夢楚水湘雲叫鷓鴣

十六日夜聽甘白彈琴

溥溥夕露淨衣巾虛牖琴聲向夜分變雅變風由
正始江濤江雨洗炎氛烟中雉雛登春木石上猿
吟隔嶺雲山意寂寥知者少匣藏無使世人聞
雲林集外詩 二十九

廿八日又一首

白蘋風起日初沉露坐鳴琴望碧岑七月炎燭已
流火一聲冰玉落空林胡沙幽結嬋娟恨飛佩空
遺縹緲音清景娛人羣動寂冷然真足洗予心

貞壽堂爲吳縣尹楊篆作

貞壽堂前風日遲天天寸草春暉兒分事育心
無作母氏康寧志不違後日腰懸季子印只今身
着老萊衣熙然鶴髮照綠酒金鴨火溫香霽微

因儒者董惟明至荆溪輒寫贈別士元鄉契

一詩以呈匡翁知已承數念及恐欲知近
況何如耳

古德乖違已數年相逢吳莊話迤邐水魚晨粥同
僧赴仙掌春茶破悶煎採藥童歸隨貨市眠松老
鶴伴棲禪語離更問余何適思屬江雲浦月邊

兩往候見皆不得面賦此奉寄以寫我心須
稍涼再謁耳贊上惟實高士

兩到幽居不一逢青苔行逕白雲封敲門自看池
上竹悲嘯更倚風前松足疲塵土三伏日思屬雲

雲林集外詩

二十九

屏九疊峯解帶倚陰翳孤寂暮歸林下已鳴鐘

野舟西堂吾鄉之英才也辛酉冬仲邂逅於
簡邨蘭若爲寫江山夕照圖并詩以贈野

舟又號牧菴故云耳

鵬搏鯨化未迨遙大呂黃鐘久寂寥燕處丘園真
足樂貪愚海賈定難招能禪豈復沉空寂善牧寧
當犯稼苗逢着吾鄉閒老子地爐連榻話連宵

題陳虛君畫

虛碧真人物外遊尚遺餘跡雪鴻洲城荒鶴恐無

窮恨雨駭風驚滿眼愁紅樹青山樓石馬碧花翠
蔓引牽牛我來彷彿三千歲清溪蓬萊幾度秋

八月二日雨涼寄道翁

飄飄江雨沃秋陽翥翼幽禽葉底涼庭砌苔滋連
竹淨陂塘荷氣勝花香結茅何處足松水歸夢遠
林餘欄岡惆悵同心阻携手掩扉山室聽鳴蟬

留別道翁二首

一室蕭閒無市聲浦雲沙鳥到塔庭朋來直諒惟
三益心醉離騷與六經曠世有懷頭已白經年不
雲林集外詩

三十

見眼猶青江村又作思君夢睡起長吟月滿汀
綠雲幽思接飛孫與子乘違更覺陶門掩候垂秋
寂寂窓鳴風柳夕騷騷滄江波外孤帆舉太華峯
顛一竿高歸去青首黃葉落托鄰燕牧共遊遨

題顧定之爲周正道寫質簫圖

蕭蕭瑟瑟一林風寫與城東拙逸翁石室先生仙
去遠虎頭孫子獨稱雄霜毫淡墨陰晴外曙月寒
牕夢寐中對月懷人一悲慨雪泥蹤跡似飛鴻

和拙逸翁謝惠紙扇之作

楮筵輕於一葉桐淒淒懷袖灑溪風吟搖楊柳春
烟綠醉障荷花落日紅疑是片雲飛忽忽修成寶
月樣偏同美人半掩歌唇小翠簫清眸莫惱公

次拙逸更立春韻

雪泥踪跡數飛鴻逐逐馬牛千里風去日年光悲
少壯中星時節自西東園梅破臘花渾白詩老達
春語更工獨有無家霜鬢客寒廳咄咄坐書空

題周遜學天香深處卷

城柝啼烏風滿裳月明琪樹影侵墻霏微露下琴
雲林集外詩

三十一

尊淨鬱勃胷中書傳香山隔浦城迷去雁草荒吳
花泣寒蟬黃雲堆迥無行跡幽思迢迢夢故鄉

次遜學道經錫麓懷外家韻

九龍峯色葉蒼茫雲臥西溪夢洛陽陽漸草堂泉
石在春申祠宇草苔荒千年仁術傳鄒孟萬里風
烟壯帝鄉欲覓外家成惆悵船窓風雨灑微涼

一菴大士舊雖識未深相知庚子二月十四

日復訪之於壽明郎留三宿挹其風標聽
其言論始知古德師也余恐其總忍拯溺

之心過甚未卽深僻幽閒之地乃寓竹梢
并賦以減之云爾十六日懶瓚和南

壽明寺裏連宵話震澤汀前永日留雨葉風梢愁
寂寂陶泓毛穎思悠悠蓬萊真道仙人遠兜率還
同大士遊乞子玉窓清鳳尾能從歸掃白雲不

壬子正月廿三日邂逅芝年講主於婁江朱
氏之芥舟軒中芝年熟天台三教旨嚴菩
薩之戒儀七遮既淨一乘斯悟與語久之
歛衽敬歎因寓圖賦詩以贈

雲林集外詩

三十二

優鉢曇花不世開道人定起北巖隈遠山迢遞窓
中綠垂柳低昂水次栽大室淨名禪不二三生園
澤夢應迴開雲野鶴時相遇草草新詩爲爾裁

七月六日雨宿雲岫幽居文伯賢郎以紙索
畫因寓秋亭嘉樹園并詩以贈

風雨蕭條晚作涼兩株嘉樹近南廳結廬人境無
來轍寓跡醉鄉真樂邦南渚殘雲宿虛牖西山清
影落秋江臨流染翰摹幽意忽有衝烟白鶴雙

留別勝伯徵君

清修卓行虞徵士食粥三年致母喪詩學道園能
入室術傳洪谷早升堂獨高落落松筠節不逐悠
悠鷁鷺行此日別君江海去波光鷗影思微茫

寄惟允

我別陳公才五霜未應髮白視茫茫何暇夜雨懷
無已冠着方山似季常夏沼已浮蓮菰君春衣猶
怯樹陰涼久知服食清虛甚更試山翁煮石方

題安處齋

湖上齋居外史家淡烟疎柳望中賒安時爲善年

雲林集外詩

三十三

年樂處士謀身事事佳竹葉夜香缸面酒菊苗春
點磨頭茶幽棲不作紅塵客遮莫寒江捲浪花

送虞勝伯之雲間求先世遺書

虞勝伯徵君隱居行義家甫里番二十年不
以姓名求知於時之聞人道園先生其從
叔祖也先世雍公遺文道園先生欲求而
不可得勝伯必欲以意購取之可謂有志
而不忘其所自矣聞此書藏松江俞子中
推官宅推官沒已久而子俊州尹其弟能

假以歸豚伯非仁人義士之存心乎州尹
吾故人也因書以爲之請陶蓬大尹見之
當有以教我

州谷云云逝水波雍公勛業未消磨况當異代求
文字尚有聞孫校舛訛京國不聞收汗馬草萊終
見沒銅駝誰陳聖主賢臣頌奈爾陰山勅勒歌

上平章班師

金章紫綬出南荒戎馬旌旗擁道傍奇計素開陳
曲逆元勲今見郭汾陽國風自古周南盛天運由

雲林集外詩

三十四

來漢道昌妖賊已隨征戰盡早歸丹闕奉清光

次韻禽陳叔方早春見懷

隔江山翠晚依微隱映江邊白板扉事往倏倏驚
歲改老來念念覺前非已看庭草侵行徑漸有汀
花拂釣磯慚媿詩篇慰幽獨白頭從此莫乖違
清夜哦詩手自書也應把燭倩官奴瘦牛犂確荒
田隴肥馬蹠蹠笑瓠壺且釀松花江水碧更分煎
木嶺雲腴人間誰覓玄真子春雨扁舟釣綠蒲

贈周校書

中元習靜松江渚回首塵埃多厚顏富貴不如長
處賤奔馳何似得心閒奈天竹樹存貞碧動地波
瀾任往還輪與荆溪周處士避人探道掩松關
壬子七月一日留昌言高尚書堂寫圖賦贈
七月一日風雨集桐里湖邊吹夕涼柳葉聲烟籠
翡翠荷花濺泪濕鴛鴦却疑身在瀟湘渚且著丹
停雲錦鄉願我自非徐孺子陳蕃下榻更銜觴

送朱善良

之子才華足起予迥如明月麗清渠方誇道韞哦

雲林集外詩

三十五

春雪已見梁鴻挽鹿車榕葉擁厓山店遠海濤喧
枕夜城虛明年好鼓澄江桡歸奉江波雙鯉魚

老唐有詩見寄謂冷淡無錢覓卽欲返棹豈

知不冷淡而冷淡中有溫甘者存焉

春風春雨不勝寒江路無泥雨卽乾千樹梅花明
屋裏一痕山翠出林端高情不許庸人識俗眼何
從妙畫看若對陶公談世利唐翁可謂冰猴冠

易尚賢赴鮑郎場司丞次王叔明韻

江山寥落白雲飛城郭烟溝獨鶴歸碧落輕帆來

縹緲夕陽遠樹見依微熬波霜雪長艱苦富國魚
塩果是非猶歎蝸牛廬底客焜黃時節尚蕭衣

白馬寺通長老修圓覺期化緣

惠遠深心白蓮社湯休麗句碧雲篇懺摩不懈香
燈供般若仍通文字禪雨後春池芹網細月明寒
渚竹娟娟東林門外聞鐘返惟有陶公妙入玄

至正九年八月十六日計籌山呂尊師訪予

蕭閒館爲予言顧仲瑛後君玉山隱居之
勝輒想象賦長句以寄他日尚同袁南宮

雲林集外詩

三十六

携琴嘯咏竹間也

解道玉山佳絕處山中惟有呂尊師已招一鶴來
庭樹更養羣鵝戲墨池松風自奏無絃曲桐葉新
題寄遠詩若許王獻性狂癖徑來看竹到階墀

八月廿三日留南宮岳山人飲明日岳山人

過玉山南宮老矣不知復幾聚首觀花聽

琴情不能堪因賦蕪東玉山

芙蓉著花已爛熳濁酒彈琴聊少停數聲別鶴隔
江渚一醉秋風空王瓶况當賓客欲行邁忍使風

雨郎飄零條撥英重惆悵但願花下長不醒

彥植繼和復答

鳥啼花落水西潯春水侵門雨尚深破屋猶寬千
戶邑遺經真富一簾金殘年樛散仍憂國短髮絲
喬獨苦心可以桃源樂身去漁舟何處得重尋
風生水國畫多陰錯莫遲回意自深叔今封馬
鬣冢鐘期誰範裴蹄金一官政不爲人役七字真
能慰我心乳燕鳴鳩更無賴片時春夢不堪尋

因吳國良過玉山草堂賦詩奉寄

雲林集外詩

三十七

玉山樹色隱朝陽更著魚莊近草堂何處唱歌聲
欸乃隔雲濯足向滄浪琤差每送青絲絡佳句多
投古錦囊幾問掉船尋好事辟疆園圃定非常

昔張外史有古銅洗種小蕉白石上置洗中

名之曰蕉池積雪軒西園老人追和張劉

二君詩書掛軒中余亦爲之次韻

雪中芭蕉見圖畫蕉池積雪終凋零風翻窓裏浪
花白雨壓牀頭雲葉青詩人超軼有遠思造物變
幻難逃形爾亦林居喜幽事晚泥石溜攜銅瓶

題良夫遂幽軒

來訪幽居秋滿林塵喧
竟可散煩襟風迴研沼搖
山影夜靜寒蛩和客吟
危磴白雲侵野屐高桐清
露濕龍琴蕭然不作人間夢
老鶴眠松萬里心

贈茅山陳太虛

三菲山色隱晴空
君住華陽第幾峯陰礪石
罽懸蟠螭曉雲氣結芙蓉
南遊白拂疑塵久西去青
牛何處逢歲晚棲息足
松水遲予飛鶴住相從

題朱澤民爲良夫作耕漁軒圖

雲林集外詩

二十八

寂寂溪山向碧湖
輕舟烟雨釣菰蒲
晚耕崑崙看雲起夕偃林間到日
瞞漢書自可掛牛角阮杖何妨挑酒壺
江稻西風鱸膾美
依依蓴食待樊蘇

和正道哭外孫張汶二首

幼能爲學日劬書
一病薰旬遂墮軀已怪飛來坐
隅鴈俄驚鴈此渥注駒空閒夜雨青
燈曉庭下微霜碧樹枯
谷鳥呼兒聲慘惻傷心慈母體爲痛
富貴青天柄誰操造物無情偶自遭
病葉辭柯驚宿雨殘燈照室歛餘膏
外翁携幼情如失慈母思

兒夢亦勞忍聽風前泣
幽咽城樓吹角月當壕
送賴善卿采詩

陳詩昔在周盛日刪詩已是哀
周餘祖述就能加四始研窮我已後
諸儒嗟子用意亦勤厚聽音知政非迂
踈願排閭閻獻采錄坐變四海如唐虞

題本立中上人雲山望松圖

西望雲山何處亭
鶴歸松枯秋冥冥
上人不廢夢我句山室
長書貝葉經未應佛法外孝弟定感仙
手鐫碑銘過家上冢世代隔慟哭亭前蘿月青

雲林集外詩

三十九

次孟辨見寄蕪東立中蘊中二大士

江水空青好卜居
會衝春雨過平湖
雲山欲覓無聲句
花果誇傳沒骨圖
莫倚陸機曾入洛
最憐張翰獨思吳
本瓊二士平安否
應共清吟對酒壺

贈述首座

述也嘗爲第一座
袈裟曾染苾芻尼
烏鶯翔舞隨施食
龍象森嚴聽白椎
歸錫湖崩沙際路
長食并茁岸邊籬
何當就子西汀樹
著我輕舟一暫維

九日田舍小酌

身世浮沉如漏舟，師亡道喪獨悲秋。蛩寒尚復吟秋草，狐死猶能正首丘。強理舊書聊自慰，忽呼家釀與沈愁。不堪黃菊生佳色，悵望雲山憶勝遊。

和默菴遊林屋二首

聞道尋真林屋洞，歸來笠澤路應賒。未須勸賜鑑湖水，所憶傳經許祿家。蒸木烟侵雲去逸，歸樵路逼澗崩斜。只恐武陵迷去向，移船處處遍桃花。君向山中餌絳霞，行經丘壑路忘賒。仙公久住金庭館，秘訣應留玉斧家。湖上帆將青影度，烟中鳥盡林巢外詩

四十

趁夕陽斜亦欲維舟，候春水華林相約采松花。

題竹

歎息真成汗漫遊，經春歷夏又嗟秋。林居已是能鳴士，顧我寧非不繫舟。江渚出吟聊自適，竹梢清淚浩難收。王孫莫道歸來好，芳草天涯恨未休。

三月廿日遊海雲蘭若寫竹石古槎

春盡湖濱偶獨來，高僧煮茗話和諧。烏啼花落忽如夢，水影苔文渾上階。坐水遠遊悲世慮，閒將聊遣愁懷。竹林生筍還相別，人事睽離亦易乖。

十三日晚步長輔南園

晚步南園秋滿林，蒼苔斜日一登臨。清池風度搖山影，陰砌蛩悲和客吟。窓下玉琴桐露濕，竹間幽徑野泉侵。雲樓不作人間夢，白鶴眠松萬里心。

贈友

開元道士來相訪，索寫雲林春霽圖。別我梁谿已二載，去濯滄浪遊五湖。滿目波容蘸山黛，撩人柳眼亂花須。避喧政欲尋耕釣，源上桃花無處無。洪武甲寅中秋夜寓姻鄉氏病中咏懷

雲林集外詩

四十一

經旬臥病掩山扉，巖穴潛神似伏龜。身世浮雲度流水，生涯煮豆爨枯萁。紅蘊捲碧應無分，白髮悲秋不自支。莫負尊前今夜月，長吟桂影一伸眉。

西神山行

載錫山志

昔在九龍雲霧中，泉邊蠟屐遍行踪。南樓明月看時好，西澗故人行處逢。亂後不聽鶯鷓鴣夢，回猶憶下堂鍾。休兵即欲幽棲去，見說禪房勝可容。

贈別仲溫高士

至元乙巳三月廿四日仲溫高士與沈文舉

共載訪余笠澤東渚之蝸牛廬中相從過

玉明宅煮茶留坐遂以永日吹笙鼓琴於

水光林影間但恨吾子儀遠在數十里外

不得同此集也廿五日仲溫別余他之漫

成長句以寓余懷

三月將闌春欲夏循簷共看辛夷花階前淪茗香

照色坐上吹笙清不諱柱杖偶過公子宅班荆宛

似山人家宋王才情何可得肯拋塵土踏江沙

蒼克用次叔勝先生韵

雲林集外詩

四十二

朱絃流水寫微音古意寥寥何處尋道力已消金

鎖淨禪那曾住嶺雲深猿猱攫初何怪風雨飄

無忿愆心說與先生憫恨恨牛山何日見成林

重改次韵奉荅

朱絃流水寫微音古意蕭寥尚可尋道業已消金

鎖淨禪那曾住嶺雲深猿猱攫初何怪風雨飄

搖不動心笑爾自戕成濯濯牛山何日見喬林

五言絕句

寓竹枝爲子中陳君

子中高世士脫帽着黃冠久勵冰霜操虛心共歲

寒

題鶴

海月生殘夜遠天入暮秋安期應有待清暖起玄

洲

題畫鶴

白鶴何僂僂翠石亦岌岌風日媚幽芳春禽飛相

雲林集外詩

四十三

及

題王叔明小畫

餘不溪上路不到已三年范蠡扁舟小披圖思惘

然

題夏圭統扇圖

孰識琴中趣山拔水深深馬史妙於畫無言會古

音

題畫

筆鋒雖小劣景物亦清新蕭瑟風林晚江湖有逸

民

杳杳碧山岑
森森灌木陰
幽亭足清眺
臨風聊鼓琴

江城秋雨後
竹石曉蒼蒼
聊以規摹此
留看宿鳳凰

荆溪

荆溪清遠地
水秀石幽貞
誰識懷歸者
終朝憤憤情

題畫贈彥貞

雲林集外詩

四十四

翠竹並奇石
蒼蒼留古柯
明窓坐相對
試問興如何

遠山清欲滴
疎林淡生烟
春潮晚來急
維定渡頭船

贈別仲溫高士

宋公天下士
畫竹能鼓琴
來我北渚下
相從論古心

六言絕句

壬子十一月五日余過牧軒于吳門客邸求
寫贈安素高士并賦

石澗苔痕雨過竹陰樹影雲深聞道安素齋中能
客狂客孤吟

至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門聞寂
寞人山色依稀

東吳十詠

雲林集外詩

四十五

望洞庭

一望洞庭秋水相逢南浦孤蓬江干有興驂客閒
居久約漁翁

泛石湖

遙接太湖惘然尚留赤壁圖景越來溪水東西香
雪寒梅飄影

遊靈巖寺

此山勝景玄賞舊遊今日皆非籃輿林間烟暝
柯谷口忘歸

登姑胥山

吳王館娃西子兩情斷送長流麋鹿淚沾荒草故人汗漫重游

泊橫塘

山寺微茫深渡寒烟蒼莽橫塘杖梢自挑村酒船頭猶夢漁郎

懷甫里

筇行依依故里石刊翰墨模糊麗公力田二頃拾遺扁舟五湖

雲林集外詩

四十六

過盤門

將軍南過吳國魚龍跳下江潮無限吁嗟神跡怕聞淒涼洞簫

過獨墅

短棹微風窈窕片帆落日橫斜舍傍誰開酒肆牛疲知是田家

過車坊漾

蕩舟滄波萬頃搖櫓白鷗渚傍不知新月東起回頭過盡東方

歸閬間浦

極目烟江盡頭屈指搖城渡口世人不理曲肱自餉黃雞白酒

畫竹

珍重黃華父子遺風得似洋州松雪于今寒窸房山去後休休

雲林集外詩

四十七

七言絕句

聽琴

久淪鄭衛亂吾耳忽復古初之雅音我思古人崇
德欲用此養正而釣深

題周遜學天根月窟軒

手攀月窟躡天根已識乾坤卽此身安樂窩中方
寸地浩然三十六宮春

正月四日夜風雨拙逸齋賦

荒烟漠漠古長洲倦客悲吟歎滯留風雨打窓歸
雲林集外詩

夢短一尊聊作醉鄉遊

四十八

爲蒙菴題吳仲圭竹枝便面

十年嘗服今年較障眼前葵始暫離執扇僂藏無
素盞三收吳吏君筠枝

竹樹小閣

竹影縱橫寫月明青苔石下聽鳴篴我來彷彿三
生路琪樹秋風夢亦驚

題畫贈均玉

笠澤汀前竹樹稠白頭垂釣蓀花秋有時乘興入

城府獨放扁舟任去留

西湖竹枝詞

愁水愁風人不歸昨夜水沒釣魚磯踏盡蓮根苦
無藕着多柳絮不成衣

桐樹原栽金井西月明照見影離離不比蘇公堤
上柳烏鴉飛去鷓鴣啼

題日本僧畫

五老西來第幾峯道人定起對長松掛帆東海還
歸去貌得香爐雲氣濃

雲林集外詩

四十九

題畫

何處青山落照邊隔林零亂走寒泉山如十月江
南草閒倚荒邨泊釣船

題竹

舟過甫里夕陽微相見故人潘仲輝爲寫石煙青
鳳尾不知雲落已沾衣

次潘輿齋韻題丹丘墨竹

柯公自比米顛子文采照耀青琅玕只今耆舊凋
零盡剩得潘君瘦影寒

題鄭所南蘭

秋風蘭蕙化爲茅南國淒涼氣已消只有所南心
不改淚泉和墨寫離騷

已酉十月八日訪伯疑文學寫圖以贈

江水清空霜葉稀竹深依約有慈扉留連竟日忘
羈思閒與休文詠落暉

寄良常

不到荆溪二十年舊冬十月擬同船夏秋好遺漁
童至定去靈常古洞前

雲林集外詩

五十

四月訪衡齋高士

不來新里四經年首夏清和又繫船并脯松醪三
日醉西山在望已醒然

題芭蕉仕女

鳳釵斜壓髻雲低望斷羊車意欲迷幾葉芭蕉共
憔悴秋聲近在玉階西

歲庚子十一月廿日邂逅雲岡道師於長洲

邑東之衍慶院以此紙命寫竹石并賦詩
而紙筆皆不佳漫爾作此愧不能工道師

憫世憂國以道德爲己任汨汨城邑之中
不以爲苦不肯自起於風埃之表也故未
句諷之

天妃廟裏曾遊處怪石蒼皇漫雨苔今日江湖重
回首卜居南嶺白雲隈

四月廿日過江渚茅屋雜興四絕句錄呈雲

浦明公以代對面

百年風雨幾興亡睡起西山尚夕陽四月維舟向
茆屋一庭春草獨焚香

雲林集外詩

五十一

燕子低回掠地飛海鷗來去水侵扉中流雲度他

山影落日帆從何處歸

燕雀生成喜近人家殘屋破去毆毆可人惟有閒

庭草蓬戶朱門一樣春

姑蘇城郭草茫茫城外腥風舊戰場花落空垣車

馬絕獨餘梁燕說興亡

畫竹

苦憶能詩梁上人明窓竹几淨無塵爲君戲寫團
團影多入湘江野水濱

題畫

落月團圓照屋梁能仁寺裏白雲鄉只今却笑蒼
中叟竹樹小山疑雪霜
幽篁古木杯餘畫贈與松陵沈仲良今夜泊舟依
古柳一篷疎雨夢清湘

蘭亭

辨說蘭亭猶聚訟精良此刻更何疑辨才囑付昭
陵後玉匣爲塵世祚移

古木竹石

雲林集外詩

五十二

劍光出匣耿秋連磨礪崢嶸濯澗泉又是一番風
雨過青楓月下竹娟娟

題張遜鈞勒竹

霜松雪竹當時見筆底猶存歲晏姿文采百年成
異物西風吹淚鬢絲絲
髯張用意鏡鈞鎖書法不凡詩亦工清苦何憂貧
到骨筆端時有古人風

題畫

服食清虛帶瘦容菖蒲花發紫茸茸滌煩礪上營

卯屋千仞巖巒一箇松

畫竹次鄭元祐韻

曾向清湘斬釣竿蒼蒼烟景暮江寒遠山一脈西
來意付與高人面壁看

筠石香松

蕭蕭風雨黍秋寒把筆臨摹強自寬尚賴會君相
慰藉松肪并脯勸加餐

已酉二月廿一日爲清明日風雨凄然舟泊

東林西許步過伯葵徵君高齋焚香淪茗

雲林集外詩

五十三

出示燕文貴秋山蕭寺圖展玩良久因寫

是日所賦絕句其上

野棠花落過清明春事匆匆夢裏驚倚棹微吟沙
際路半江烟雨暮潮生

壬寅仲冬寫竹枝贈潘文復詩其上

赤壁磯頭萬里秋月明寒竹思悠悠二喬消息今
何似尚憶風流人姓周

辛亥秋寫竹梢并詩奉贈次宋徵士

今朝姚合吟詩句道我休糧帶瘦容寫贈湘江青

鳳尾相期往宿最高峯

至正三年癸未歲八月望日進道過余林下

爲言僦居蘇州城東有水竹之勝因想像

圖此并賦詩其上

僦得城東二畝居水光竹色照羣書長起開軒驚
宿鳥詩成洗研沒游魚

樹石

已過上巳與清明風雨數朝今日晴修竹春柯苦
石畔一杯聊爲故人傾

雲林集外詩

五十四

辛亥春寓松亭園并詩贈德嘉高士

莘亭郭裏陳高士三泖九峯時一遊欲結松亭看
雲氣更招鳴鶴友浮丘

從善道契過笠澤以士雍高士此紙求寫竹

枝畫已并賦

隱士河陰半畝宮錡山湖裏泊烟篷秋來鱸膾專
羹美亦欲東乘萬里風

至正十三年二月晦日爲公遠茂才寫古木

竹石并賦

甫里宅邊曾繫舟滄江白鳥思悠悠憶得岸南雙
樹子兩餘青竹上牽牛

四月十七日寫筠石春樹并詩以贈叔平道

契

芝室丹房苔石清荒筠春樹影縱橫他時夜雨尋
幽約筍脯芹羞酒滿罍

乙未歲四月廿日過仲寶隱君宅因賦題松

泉畫幀

洞雨松風解宿醒虎頭宅裏坐忘形清詞擊筑聊

雲林集外詩

五十五

永日更倒君家雙玉瓶

題衛明絃洛神圖

微波微步穠生塵誰見當時窈窕身能賦已輪曹

子建善圖惟數衛山人

辛亥二月廿九日留莘亭南里潘君以仁宅

因懷去年此日與心遠同在餘不溪開玄

仙館

蕭蕭風竹和幽吟二月江郊春雨深東去山中此

時節隔溪桃李正陰陰

寫時稍并詩贈日章貞士

雨後空庭秋月明一枝窈影墨縱橫沈君雅有臨池興蕭蕭濡毫竟自清

國寶照唐有平野軒在揚州城郭中今寓吳十許年矣至正丙午九月十一日在開元寺爲寓此圖并詩以贈

雪筠霜水影泰差平野風烟望遠時回首十年吳苑夢楊州依約髻成絲

昨日承蔬笋不托之供獲清言永日別後與

雲林集外詩

五十六

元舉叔陽携琴過普陀精舍相與盤礴林影水光中而令子來始知從者散髮韓墅橋急遠一介往候則從者與盡已返矣經宿不面旦來雷雨大作想惟動靜輕安昨見尊俎間韭芥蒿菜之屬秀色粲然今日得雨必是苗芽怒長更佳也况蒙許送久伺不見至戲作小詩促之

韭芥抽苗鋪翠玉曉經雷雨更敷腴莫嗔措大眼孔小乞取先生一餉餘

七日訪徐良輔十三日至七寶泉上及暮舟

還畊雲軒

來看城西十月山桂花風起碧巖間扁舟夜過溪東宿七寶泉頭日暮還桂樹窓閒卧看雲風吹花落紫綸巾偶來山解餌蒼水又向江波采白蘋

中秋月下歡飲

鳴鳳岡頭秋月明一樽能爲故人傾月林滿地青蘋影琪樹飄香露氣清

雲林集外詩

五十七

中秋夜月明勝常年良夫與景和携酒至畊雲軒酣飲及二更乃就寢十六日夜陰雲半天宇月光或隱或見十七日夜月已不如中秋月色朗澈十八日暮兩作至十九日不止因賦

八月山居秋廓廓西風逗冷侵疎箔鳥銜青影暮飛還細雨空庭桂花落

題坦率子畫

何處溪山好卜居武夷不住卽匡廬蓬萊幾率元

非遠雲錦箱中貝葉書

寓竹枝贈成之隱君

鏡嶺樓前江雨晴一枝修竹近檐楹酒酣更待纖

纖月噴薄簫聲似玉笙

寓竹石贈錢自銘

瑤芳樓下曾留宿因見明琅舊日圖錢起能詩多

逸思爲渠吟鸞不能孤

貞居道士往常熟山中訪王君章高士子因

寓梧竹秀石奉仲素孝廉

雲林集外詩

五十八

青桐陰下一株石迴棹來看雪未消展圖彷彿雲

林影肯向燈前玩楚腰

題朱澤民小景

朱君詩畫今稱絕片一斷纖人寶藏小筆松巖聊

爾爾道寧格律晚堂堂

畫

湖道流泉曲曲通白雲窓牖護簾櫳汀花如雪歸

舟晚南渚幽人未易逢

題趙彥徵小畫

文敏公孫清且賢陶泓指穎過年年子由命也成
茹醯坐對滬波一惘然

登天平

天平爛熳遊三日林下狂吟石上眠浩蕩春風芳
草綠梅花雪滿白雲泉

病中九日懷山園三首

江邨九月木樨風不與山園景物同還憶澗西行
采菊茱萸交綴入杯紅

病骨峻嶒山影瘦敦敦擁褐坐忘言當年親舊携

雲林集外詩

五十九

壺處應有寒泉滿石罇

登高多在九龍山湖水蒼茫白鳥還醉拂松蘿臨

石溜黃花楓葉莫斑斑

題曹幼文雲林圖

窪盆軒在雲林齋啜茗幽吟見雅懷一閱舊圖如
隔世世奚遺我老形骸

自題畫

山郭幽居正向陽喬林古木鬱蒼蒼刻藤百幅誰
能畫爲埽亂枝蔽日長

薦春山嵐靄贈仲章沈君次張伯雨韻

露草雨苔青不乾
牀頭澗水夏生寒
傳經長史揮毫處
只作當時舊宅看

江渚茅屋雜興四絕奉寄雲浦理問燕似良

夫隱士

我自無心何慢勤
愛憎加我亦從人
青山不改如如體
雪後陽生依舊春
五月陰風特地寒
閭閻浦口怯衣單
飢啼野哭浮邨落
我本無愁也麼冷

雲林集外詩

六十

虞趙缸光貫壁奎
碧梧端合鳳來棲
春泥滑滑江天永
更著荒榛叫竹雞

眼底繁華一旦空
寥寥南北馬牛風
鴻飛不與人間事
山自白雲江自東

題高彥敬山水圖

房山青影浸湖波
綠玉蒼烟冷蕩磨
寶墨環圖入世清
水中照見百東坡

中秋偕徐良夫飲畊雲山居

酒渴茶癡沁露涼
石牀雲臥冷侵裳
團團碧樹懸

金粟月午風清夢寐香

烟雨中過石湖

烟雨山前度石湖
一奩秋影玉平鋪
何須更剪松江水
好染空青畫作圖

姑蘇城外短長橋
烟雨空濛又晚潮
載酒曾經此行樂
醉乘江月臥吹簫

愁不能醒已白頭
滄江波上狎輕鷗
鷗情與老初無染
一葉輕軀總是愁

懷畊漁大隱

雲林集外詩

六十一

山谷真堪埋百憂
月窟桂樹思綢繆
荷花浦口見山色
寄書汝亦憶儂不

八月廿一日出風岡

江上來尋西郭山
山人留我白雲間
風飄雲去他山雨
雲本無心亦未閒

寫竹梢寄畊雲

一枝秋玉迴吟風
寫入吳箋意逾工
遠寄君山王錄事
獨行何用爰途窮

采薇

采薇巖岫宿層雲
追隨悲爲世俗隣
鄒鳩銅山竟何似
金留未必不戡身

阿房宮

阿房遺址碧山根
菹醢生民又幾秦
積恨不消秋草綠
行人指點話悲辛

訪古道首座因見呂志學詩篇

我愛學公名古道
于今古道久寥寥
淨名室裏無塵事
一見令人意也消

不見呂髯幾十年
想應兩鬢也皤然
何當共住維

雲林集外詩

摩室剪燭哦詩聽兩眠

六十二

寫畫贈馬彥敬

高房山尚書清節雅尚爲本朝名臣諱克恭

字彥敬馬先生亦其國人亦字彥敬蓋司

馬慕蘭之意也今既爲作山居圖又詩以

贈之

清節尚書高彥敬馬翁同字亦懷貞漢廷詞賦相

如最司馬依依慕蘭情

題顧定之竹

顧畫王詩兩奇絕
風霜凜凜香清節
師子林中古佛心
允矣無生亦無滅

建雨

二月雨聲從子月
三江舟楫住吳江
春愁不醒如中酒
浪着狂風撼客旌

畫溪山春霽圖

水影山光翠蕩磨
春風波上聽漁歌
垂垂烟柳籠南岸
好着輕舟一釣簑

余梓行雲林詩已二十有三年矣
臨嗜其書

雲林集外詩

六十三

汲古閣

書又不可多得
要懸一幅橫一卷或從收藏

家及舟房樺榻見尺楮寸縑必鈔入携囊以

歸總貯一筠籠中藏諸客室今籠已盈溢矣

秋日菱開托館甥馮實伯手錄成編與酣未

已又檢毘陵錫山經水誌旁及隣邦雜記

又得如干晉頤曰雲林集外詩附于前刻之

後余前刻時馮甥纔七齡就外傳今季已立

工詩賦嗜古過於余頭顱如雪病狀日增

無力秋晷不勝老大之慨隱湖毛晉

南邨詩集目錄

卷之一

永思堂詩爲董仲資作

鏡歌鼓吹曲二章

擬古用陸國隱韻三首

郊居次韻張善初

閨鶴次韻顧語谿

洪武癸丑八月二日與諸暨趙用賓黃漢章

趙自立江陰孫大雅大年丘宗岱程傳可

南邨詩集

目錄

汲古閣

同遊鍾山分韻得落字

遊查山分韻得日字

戊寅正月四日紀實

乙卯入日

聽輔師彈南薰

紀行

秋懷次戴景仁韻

雜詩

酷暑謠

折楊柳送夏西疇謫居大梁

算春謠奉和正齋承旨韻

題趙魏公秋林曉行圖

風

題李州銘所藏毛澤民山水

題江山萬里圖

送李孝廉至剛之京

中秋不見月歌

聽琴行

南邨詩集

目錄

汲古閣

曹氏園池行

過太湖

過臙脂河

雲莊畊樂三十韻爲升遠賦

題沈繼先東林小隱

題雪上張元之溪居卷

卷之二

南邨雜賦十首

南邨後雜賦十首

元日試筆次張泉民讀書莊雜興八首

次姚憲金原禮韻簡明上人古鏡六首

曹雪林夜宿草堂有詩因次韻

對雨

元宵

游查山

役役

次郁純之韻

夢游華頂峰題詩于壁

南邨詩集

目錄

汲古閣

詠佳人效香奩

著擁執徐之歲三月望後一日率僮僕抵鍾

賈山采薪供養至四月朔歸每日陰雨

寄夏原舟時從軍瀋陽

寄題性源上人清影軒

丙子元日

中秋不見月

十六夜詠月次韻

中秋夜陰

十六夜獨酌

十七夜傷感

過蕭塘市

閱畊

龍鍾

濯足

歸途徐邨阻風

簡顧秀才

西湖紀興

南邨詩集

目錄

汲古閣

五里塘

南邨對雨

和鄭南榮韻

癸亥元日

元夕

過顧城湖

已卯中秋

中秋

辛巳中秋

九月朔日庭前白菊開花

丙寅中秋

十二月望後一日輪粟金山衛

十月十一日夜夢中賦詩一首既覺忘前四

句枕上足成之

十月廿六日喜雪分韻得同字

庚辰元日

九月四日遣愁

哭王黃鶴

南郭詩集

目錄

汲古閣

乙丑十月廿八日得鄉人林序班公輔寄聲

報舍弟聲臣沒於道未知月日地所二首

哭馬平主簿夏原威

挽陸北岩敘論

挽趙雲居先生二首

送何伯溫還鳳陽

開爐日有感是日始見霜

挽張雲莊宗禮三首

洪武癸酉正旦雨明日雨中夜雷電又明日

雨四日陰晦嚴寒西北風大作口號

九日雨

二月六日雪

庚午七月三日大風雨視丁卯歲爲尤甚獨

松江若此他郡無有也

六月廿九日喜雨

二月朔夜中雷始發聲三日寒載嚴雪大作

七月三十日雨

洪武丁卯臘月癸亥雪

南郭詩集

目錄

汲古閣

臘月初二夜雪

十二月十三夜雪

正月十二日雪

至日聽雨

甲子又晴

元宵雨

連日積雪嚴寒曉起見雪臘月十一日也

九月廿七日

和董良史憲僉西郊草堂雜興八首

次韻寧熙中上人如蘇紀遊十首

華山阻雨

喜晴

山行偶興

遊天池

遊靈巖

遊天平

遊南峰寺

沈一菴山居

南邨詩集

目錄

汲古閣

宿觀音寺

尋僧不遇

張建寧賦詩見寄次韻四首

次韻答張林泉五首

次韻答陳祠部景祺三首

新春風雨次陸北岩韻三首

次韻答山泉上人曠

次陸北岩韻二首

嚴寒次秉隱德上人韻二首

登千山次林泉徵士韻二首

周萬竹知紹興府日其家梅花盛開西賓張

林泉作詩寄之及簡越上諸友因次韻二

首

次胡安州韻

萬山遺叟以所作中秋重九二詩見示諸公

和之已多勉強效顰二首

五月菊

次夏西疇韻

南邨詩集

目錄

汲古閣

題德如海上人聽松軒

寄題陳孟文叢碧軒

小游仙詞雪後一日甲子作

借韻答清谿邵先生

借韻答宗高王架閣

借韻答牧菴上人謙暨無心野人

七夕次萬山韻

登超果寺一覽樓次林泉民韻

次韻答邵清谿先生

雪次陸靜菴韻

胡萬山脚氣陸北岩遺詩問訊因次其韻

感懷次韻

中秋翫月次胡萬山韻

次張林泉韻

次韻荅胡別駕

正月二十有六日余與邵青谿張林泉會胡

萬山夏雪襄俞山月高彦武張賓暢于余

北踰嶺而南訪陳孟剛席上分韻得船字

南邨詩集

目錄

汲古閣

題張惟德清逸軒詩卷

過沈汝舟故居次范宏遠韻

次萬山韻

卷之三

曉起

題王筠菴水邨山居二首

錄宋宮人語

對月

熟食日有懷

西湖晚步題湖山堂

長安市

九日

獨坐簡趙彥徵

曉發松江

次邵冠軍客中見寄韻

皆夢軒爲陳汝嘉賦

偶成簡錢曲江

寄贈葉子潑

南邨詩集

目錄

汲古閣

次謝士英韻

春雨初晴沈野亭見訪

次夏士良戶侯韻

秋懷次夏停雲韻

送陳平仲

讀史次謝元素韻

樂靜草堂爲衛叔靜賦

次韻荅楊廉夫先生

夜坐

梅花陽

守歲次謝高紫韻

機山懷古次趙廷采韻

長至日林泉偕雪林踰鳳岡訪友聯句次其

韻

催梅爲雪林作

代梅答

大景訥菴韻送廷采

先照樓爲玉無瑕上人題

南郭詩集

目錄
十一

汲古閣

聽雪爲孫以貞賦

八月十五夜玩月次韻

次胡別駕韻寄李儀曹至剛

小園卽事次胡廣文若思韻

緋桃次韻同前

萬竹林爲鶴砂子廷立賦

九日次韻

張林泉九日寄詩次韻答之

新寒寫懷次韻

壬申十二月廿九日林泉抱拙伯仲萬山別

駕同宿三昧軒得何字

立春次韻

雨窗會飲分韻得雞字

和琴清萬山五日雨窗酌酒賦詩韻

夏原舟寄詩求謨其先子墓銘次韻答之

贈良介菴上人

化城寺悟本心上人有軒修竹中今寺與軒

幻爲劫灰甕錫游方自號竹軒志不忘也

南郭詩集

目錄
十二

汲古閣

送潘貢士魯瑛

送人才殷惟中

甲戌元日次韻

送呂仲徵知縣之官武平

題顏近仁清風卷

題朱文儀松軒清賞卷

贈樂安居士張彥載

題王孟京先生采芝生卷

賞牡丹次蕭古齋韻

次韻送張處善歸楓谿

代賦借鶴

中秋對月有感

又大水雪翁韻

送萬用謙歸豫章

題程景泉空空室

雪中偶成次書莊叟韻

和山翁寒夜竹所宴集韻

立春次韻

南郭詩集

目錄
十三

除夜次韻

丙子元日次韻

算春分韻得青字

水田畊隱爲林彥祥賦

次韻自述

九日次韻

平湖爲山陰鏡上人賦

次曹雪林見寄韻

千山訪曹雪林劉深雲周雲陽看菊花雲莊

有詩次其韻

並頭鸚頂紅菊次雲樵韻

黃白二色菊

次林泉韻簡雲莊

丁丑元日分韻得生字

謁貞烈廟

過石臼湖

三月朔日入都門

二日早朝

南郭詩集

目錄
十四

到家

過鳳山錦溪橋

白醉樓爲范文鉉賦

送王思廣還常德衡

蓮月軒在華亭東林寺爲矩菴方上人賦

寒碧軒爲玉岩璉上人賦

洪武三十一年閏五月初十日亥時大行皇

帝崩十六日皇太孫卽位十八日大赦天

下改明年爲建文感而恭賦

間畔

中秋夜對月

乙卯元日

題唐涿州橫雲草堂

城市山林爲孫子華賦

送上海知縣司公守道赴召

送人才何公遠

題靖州衛陳指揮凌雲堂

次胡萬山韻答陳祠部

南邨詩集

目錄
十五

汲古閣

題沈宗文竹梧軒

送俞知縣嘉言之魯山

送友之官

送李給事中行恕服闋之京師

五日次萬山韻

景辰張先生較文福建歸林公崇高回閩溪

放權圖賦詩其上以餞因次韻就題

松齋爲玉峰秀上人賦

錢簫爲張以道散人賦

題許彥清松鶴軒

臘月廿七日雪

送教諭沙允恭赴禮部試易經

送夏西嘯還寧夏

送道士葉道心遊武當

送陳子章赴王家渡館所

送戴叔溫赴京

送廷采還黃鶴山中三首

送邵升遠應聘之京

南邨詩集

目錄
十六

汲古閣

送張有秩御史制閩如京師

送錢敎叔歲貢赴禮部

送薛應翔人才之京

送徐思勉應聘書誥敕

送曹士望應聘書誥敕

送貢士蔣時俊之京

送張宗武

贈絕下金谷祥

志喜

次天淵韻二首

邵弘遠用陳祠部韻賦詩見寄和以荅之

送鄉貢進士錢宗善餘慶溪時緯仲文吳克

滑綱赴京會試

和張賓賜西疇汎舟韻二首

故社士姚文實輓詩

哭趙廷采儼

悼周通玄鍊師

臘月癸亥立春喜晴三首

南邨詩集

目錄
十七

汲古閣

己巳七夕立秋次胡萬山韻

白露日桂花開次張一高韻

洪武庚午正月七日雪

十日喜晴

七月廿四日喜雨口號

八月初二日喜雨次林秉彝韻

十一月廿七日雪賦禁體詩一首明日小寒

七月十四日書事

卷之四

題墨竹

題統扇折枝竹

題圖榮

題飛鳴宿食百鴈圖

題林亭高士圖

題落花游魚

題王黃鶴竹石便面

趙海寧長松高士圖

茸春雜興次顧君舉韻

南邨詩集

目錄
十八

汲古閣

趙待制山水

侯仲冶風雨婦莊圖

清曉過南屏

宮詞三首題王叔明士女

題張渥湘妃鼓瑟圖

題寶相海上人滄江一葉詩卷

次韻曠講師南仲牧閒園雜詠十首

題画二首

抱琴高士

停舟高士

次韻題柳燕

題楊士賢山水

風雨歸舟

雪林行旅

題馬遠竹溪吟奕圖

爲謝居士題冊

山中隱居

竹深避暑

南邨詩集

目錄
十九

題本原上人悟雪卷

題袁安臥雪圖

題綠竹蒼石圖爲萬竹山人壽

題回梅

紅梅

墨梅

題墨芙蓉

題和靖觀梅圖

題趙廷采溪亭讀書圖

題雲莊畊隱圖

題觀瀑圖

題雙松獨釣圖

題張叔清采菹圖

題夏士良修篁芙蓉

題回棹

題梅鶴高士圖

客窗聽雨四絕句次南山韻

題詩意圖

南邨詩集

目錄
二十

題倪雲林枯木竹石小景

題墨梅

開泖口號四首

題鷓鴣

題金華趙彥如所藏圖軸

題和靖擁爐覓句圖

題黃葵

題雪景山水

題葵花雉雞

汲古閣

題人物山水

爲許玄伯題画

黃菊

耕桃

題黃葵聚蜂圖

題清暑觀瀑圖

題倪元鎮雲岫溪亭圖

題林子山画大嶺

題荔枝

南郭詩集

目錄
二十一

題曹雲西雙松圖

汲古閣

題萬玉圖

題王若水戴勝

慈雲十詠

靈峰古刹

慶雲禪關

晴師全身塔

竺師覺花堂

運師芥子室

蘆菊林

松關看雲

蓮池散月

層巒拱翠

雙溪環碧

庚午十二月十八日雪

辛未八月廿三日大風雨口號

辛未子月廿三日

癸酉五日六日陰七日雨

南郭詩集

目錄
二十二

穀日雨

九日雨

赤脚雪

十二月初一初六兩日聞雷

丙子五日甲子雨

三月率諸生赴禮部考試

十日給賞

十一日謝恩

八月六日白霽

汲古閣

廿三日

二月六日出二竿許松江府城爲黑氣蒙

蔽若重霧然人對面莫辨誰某一飯頃乃

散附城五七里間亦如是較之城中則稍

輕耳此時處處鄉邨風日妍麗

臘月五日早霜

月九日

廿八日雪

十一月朔大雪節早見雪

南邨詩集

目錄
二十三

汲古閣

臘月乙卯日巳卯時雷從西北方起

正月十七日

正月廿二日夜三更雷始鳴

南浦

一萼紅

賦紅梅次郭南湖韻

露華

賦碧桃用南湖韻

念奴嬌

九日有感次友人韻

木蘭花慢

次胡筆峰遷居韻

月下笛

賦落梅

南邨詩集

目錄
二十四

汲古閣

南邨詩集目錄終

南邨詩集卷之一

天台陶宗儀九成著

永思堂詩爲董仲資作

子之於親思無不至生育恩深與天地競一別千古終養莫遂永言孝思思曷有既爰陟我祀爰陟我岵瞻望莫及心焉如燬露雨降濡春秋收履懷愴怵惕感時撫已居處笑語志意樂書書冊栝圈手口澤氣食而美只居而墻只如將見之愛慈並致我身之存親爲不死豈敢一日忘適所自思繼南邨詩集

卷一

汲古閣

錢歌鼓吹曲二章

至正丙午夏秋之交彌月不雨民以苗告

錢塘張野賓者得法於靜樂君禱輒有應

時留松江郡父老請建壇城北門翼日乃

雨大夫士作爲文章歌咏以美之因製漢

錢歌鼓吹曲二首云

屢豐年上帝閑農也帝德好生易爾爲祥

焉

屢豐年群生熙熙我早宰怨咨星火烈螟螣滋苗而不秀歲且薦饑精誠格天聽允惟念之命幽靈擊妖魍魎捷疾先後馳金精流光淫虹糜四溟鏗鏘甘雨時積水彌九野稔而可期不殄禋祀上帝是祈

早旣甚張君闡化也君積功累行有禱而天應之

南邨詩集

卷一

汲古閣

早旣甚金石流苗恙稿民煩憂疇能祈天致天雨曰惟張君驗之屢雲壇長跪恭進詞黑札玄文啟雷祖開陽縱陰理則然叱電鞭霆一何武賜烏鬱光祝融奔淵龍起蜚商羊舞甘澤及我私田里長驪娛擊壤歌至正厥功匪君誰

擬古用陸國隱韻

古人重節義出處益弗苟而我何爲者南北事奔走惻惻懷故里去去成老醜富貴不可期聊以酌我酒

其二

浮雲蔽顏陽涼感謝繁綠氣化相尋緯百歲一何
速達人意有在豈復傷局促且持盃中物對此羅
下菊

其三

王風萎衰周人紀壞狂秦大撲變哇淫靡蟲蠹天
真迢迢百世下禮樂就沈淪尼父不復作聖道詎
能新

郊居次韻張善初

南邨詩集

卷一

汲古閣

南邨有遺逸曰首軫黎元平生厭趨競甘分老丘
園未知軒冕貴但識綱常尊匪敢異流俗亦云道
所存縱酒破愁壘煮茶些詩魂仰見衝霄鳥劍刻
脫塵樊俯憐縱經魚戢戢含愁竟懷哉鹿門龐以
安遺子孫苟可脫世慮何辭農事繁深衷誓無渝
持此與誰論

獨鶴次韻顧語銘

豪家闢池館千金買猿鶴青衣賦候糧雕籠塗粉
塵客有芝田生飛佩風前落清類春水鷗香若秋

天鷗偶觸虞羅機遂失雲松樂翻懷丁令威流睇
青山郭不乘衛公軒詎中唐帝繼滄海幾揚塵丘
陵武爲經主翁載馳驅高情漸衰薄依然憂患求
難以談笑卻玉帛奚足云繁華頓成昨宗族永參
商妻孥苦凌虐出獄攜敝裘徒邊無遠索而汝泥
黍藿編名從寄泊鍛翻并州刀驚夢周盧析長鳴
聊自悲俛咏亦云作雖愁思悵空莫厭羣群惡念
彼遠行征視此更離索淚落返哺鳥愁對青城崔
安能招汝游吹笙上家廟

南邨詩集

卷一

汲古閣

洪武癸丑八月二日與諸暨趙用賁黃漢章

趙自立江陰孫大雅大年丘宗岱程傳可

同遊鍾山分韻得落字

鍾山毓靈秀寶坊炫丹雘王氣接闔閭冷飈洒嚴
經泉咏石罅鏘松籟空中落吐詞極名理摘藻勝
奇作嘉會難重期斯游諒云樂矢言謝爵煩永志
在廖廓

游查山分韻得日子

雪後天象清維時月初吉三老山中居杖藜乘興

出總訝神仙流衣冠兼散逸叩我東家門造我讀
書室主人重留連開尊叙真率傾寫間別懷氣義
等膠漆送別河梁上悵然若有失快行莫遲遲猛
虎嘯落日

戊寅正月四日紀實

臘月廿八日風起東南方歲行在丁丑氣候異尋
常和煦過於春入夜風怒狂廿九日禺中蟬蟻聚
龍章或雨而或晴至晚天珠茫隱隱雷發聲爆爆
電流光狂風轉西北徹宵吐寒鋸除夕猶未息地
南邨詩集 卷一 汲古閣

凍萬木僵正旦與啟局雪積二寸強三冬未曾覩
對之神肅爽九朝方是春亦可紀嘉祥老農乃見
謂夏秋早相望二日三日來風力轉披猖四日值
壬子晴朗開孟陽嘗讀通政經冬雷未爲減十旬
要陰晦民庶有苗殃載憶變異錄尤覺熱中腸不
稼不稔熟喪亡起饑荒華亭連二稔旱澇苦莫當
口食不暇給奔走營餽饌上帝必閔念爾農勿憂
惶雨風順以調萬姓保安康

乙卯人日

元日至人日未有不陰時甫也昔所云屢驗信弗
疑今歲異常歲萬口稱稀奇一晴連七朝春氣即
盎而輕烟散微暄麗日流祥暉谿山逞德色草木
帶光輝羊猪狗雞利馬牛被郊畿民物鮮疵癘禾
稼其蕃滋天子居大寶念民日孜孜上帝昭聖心
報錫以雍熙水旱不爲虐雨風常適宜四方習禮
樂八表底清夷古道曾弗泯薄俗還可移賊貪強
黠徒廉正當自持慈愛撫幼小孝弟奉期頤斯理
乃必然耄爾蓋未知我生頭雪白何幸身見之但
南邨詩集 卷一 汲古閣

願飽喫飯百歲遠爲期

聽輔師彈南薰

深邨隔疎雨一塵飛不到輔師抱古琴叩門忽道
造解囊理水絛下指卽高妙涓涓流水心楚楚南
風操聲稀意自足味淡趣自與別去殊可人谿頭
送清嘯

紀行

弭櫂中和橋悅舍千步廊報名謁鴻臚會朝道鷄
行國安四方靜君明六卿良聖德湛汪濊慶祚衍

靈長退率二三子躋彼容臺堂應試式中考青矜
解趨踰寢處不暇逸倏爾十日強賞謝既已竟迴
遂戒起裝挈書別居停驗符來正陽門籍甚昭著
門吏更審詳左入而右出御道在中央張拱謹步
驟率敢相頡頏俄然豁塵眸紅杏映綠楊琳宮闕
神樂寶殿祠玉皇□□□□□駟馭有房周覽
日未曛放船漫翔洋有客畱且住燒燭羅酒漿語
笑忘夜分月白露氣涼晨興未果別叩關過上方
上方距方山駐望路渺茫沙河走其下水淺可盪
南邨詩集

卷一

汲古閣

鵬行行莫能前恨弗凌雲翔展轉烏鵲紅帶礙了
不妨逸遞廣通鎮長流浩湯湯緒風力健順舟子
意激昂西鵲噴巨浪輕帆挂危檣篋篋賜金照
耀發龍光橐囊貯齋糧往返迤吉康茲行非浪游
素願誠我償計程七百里便可還寓鄉兒女出門
迎童稚列兩傍膝下問起居歡樂諒非常

秋懷次戴景仁韻

商飈解曉暑南邨生早涼弄琴理書帙雅思一何
長衰蓬送餘菴叢桂吐幽芳泉清茶鼎潔澗細石

牀方人生能有幾孰可駐流光顏鬢漸衰改事業
終荒唐既無俗累繁所喜心飢康眠早起常晚肯
與世患忙春來喧曷雀秋至響蛩蟄萬化相尋繹
寒暑去堂堂非是總不啻有酒卽舉觴日夕歡一
醉身世兩都忘

雜詩

顛倒持太阿乃以柄授人人或有慈惡寧不傷吾
身嚼彼秦二世委政託姦臣指鹿以爲馬非是孰
敢云願言把劍者名器宜自珍

南邨詩集

卷一

汲古閣

酷暑謠

庚辰六月十日
至廿三日酷暑河長

火雲萃輝火龍劣火星焚煙火光泄田疇龜坼土
鱗皴海波鼎沸泉脈竭直疑天地作紅爐黃金可
銷石可裂年年三伏暑固隆未有今番如此熱兀
坐渾如墮甕中又類餘醒共羈縲支脡放肆倦舉
舒舌吐莫持頰言說露賜誰能玉井水消煩欲踏
蓬婆雪農夫農婦有死者道上行人多病渴邊庭
將士其奈何鎗甲銅盔汗流血願祈甘雨洗炎歊
昔爲民心調蘊結

折楊柳送夏西疇謫居大梁

折楊柳贈君別楊柳未折心已折丈夫落落志四方到此誰能不嗚咽江南九月天雨霜雁聲墮地秋風長出門行行幾千里寒烟落日增離傷令嚴獨許攜家室藤笈編花載書帙可憐身上千金裘阿婆手縫鍼線密吾聞中原百戰餘民物鮮少城邑虛君去結廬得幽勝便可小擬西疇居荆榛塞路猛虎伏鸛鵲如山冤鬼哭願言緩轡毋疾驅疾驅恐防傷馬足折楊柳歡苦詞呼酒酌君君莫辭

南邨詩集

卷一

汲古閣

黃河之水東南馳人生會合還有時

莫春諸奉和正齋承旨韻

風颺颺雨蕭蕭東皇促駕車載膏墮紅殘萼芳草深嬌香壓地膩不消繡屏寒逗熏沈腦愁重燕支倦梳掃玉關萬里人未歸風雨一番春又老

題趙魏公秋林晚行圖

疎林慘淡月欲墮嫋嫋哀猿啼一箇橋危霜重白於銀蹇驢行澀輕踰破魏公人品世莫儔平生快意居庸游戲將丹青寫八法西風黃葉江南秋

名到手辭未得玉帶金魚疲峻陟他季解印賦歸來濯纓亭下鷗波碧

風蘇湖嘉興松江昆陵諸處皆然後開湖廣江西亦同漸率尤甚

洪武丁卯閏月終暴風忽從鬼戶作故人不來君子藏巽二踴躍蜚廉惡或噓或嘯或怒號匪雄匪剛匪羊角倒掀渤潑鼓雷霆簸蕩堪輿撼山岳萬頃嘉禾盡偃如十圍古樹猶拔卻增輪震墮聲鏗鉤屋瓦亂飛勢揮霍鳥雀驚仆渾已僵虎豺戰慄如可縛萬民失色一翁云八十七年無此若小齋

南邨詩集

卷一

汲古閣

斗大容老夫斜雨敲窗打林脚徑侵衣被及琴書毒甚卷茅欺我弱何不廣莫掃兵塵何不仲夏驅炎熇尚憶當年歌漢皇普天率土皆安樂

題李州銘所藏毛澤民山水

竹雪子能画山醉來解衣盤礴羸筆力甚似荆與關版凭橋西憐懂樹灰堆峰前鴨嘴灘夕霏駭經氣掩霽春瀑出澗聲潺湲遠岫離離斷復連湘娥綰結風前鬟若非子真谷口宅定有太一玄都壇竹雪子玉筍班面帶河朔氣態度美且嫺鳥跡印

沙文錯落蝸涎行壁勢回環物物本然具画理妙處豈在鑄環間脫畧畦町掃邊幅八法默契烏絲闌寸楮片縑亦可愛令人只尺思躋攀此圖忽落李君手時復把看多歡顏老余撫景感真游清盤題詩卷送還

題江山萬里圖

滾滾長江出全蜀一派波濤瀉寒玉天設巨壑鴻濛先厥德靈長紀南服濫觴岷松畧巴梁分源峽味走豫章吐吞沅澧引沱瀘包括洞庭納鄱陽玉

南邨詩集

卷一

汲古閣

壘蛾眉兩旁礪石鏡武擔連劍閣合江西頭萬里橋漢使入吳曾駐泊丈人拔地高青城翠浪起伏勢東傾雪山去此知幾許一覽如隔芙蓉坪丞相祠前森老栢支機石在君平宅浣花溪碧草堂幽越王宮殿成狼籍中岩林泉嘉處多相傳嘗栖諾詎那慈姥老龍亦共止岩阿小寺埋薜蘿渡瀘亭對諸夷路尚疑果從何處渡魚復浦中八陣圖前後縱橫經緯布灩澦散髮怒莫嬰黑石瘁惡茶槽并巫峽之險復愈此擬真觀前加震驚十二峰巒

羅翥鳳船過神鴉管迎送吒灘直接嵎州灘自昔號爲人鮮覓黃牛廟睨黃鶴樓雲夢澤通鸚鵡洲赤壁臨皋纔尺咫琵琶亭下蘆花秋巨廬雄尊五老立大孤小孤遙旅揖彭郎磯前卽馬當九華采石青戢戟鍾阜龍蟠奠九州石頭虎踞當長流北固紆徐鍊甕堅金焦兩點浮漚猶春申墓陰鴉鼻嘴角力狂瀾障厓趾烟水瀾漫豁海門亘古朝宗從此始彼美画師儒林英天機所到雙眼明拂拭素繭掃玄濤閉戶不聞風雨聲老夫平生山水癖

南邨詩集

卷一

汲古閣

疇昔

送李孝廉至剛之京

邨州同知我鄉友氣誼不啻金蘭如異縣交游四十載汗血復見名家駒雄姿逸態乃若是濯濯春風一端綺六籍諸史蟠心胸自分身名已千里至尊在御日萬幾宵衣旰食憂群黎宣集耆農至闕下能者受任否者歸婦給尺簡錄諭語方正賢良聽推舉邑邨爭以名姓聞生丁昌運天玉女喉鶴

灘頭江木秋雞鳴起柁逐前僑
霄漢縱高從此上
林泉雖好莫能甯
朝廷禮士邁古昔
除提邪能限
資格涓埃報效盡
忠純慎勿貪欺
傾軋職廉能總
稱先府君聲華軌
范有持循補袞當
師仲山甫作霖期
嗣商岩人銀河斜
墮月欲入晨光熹
微候蟲急雙瓶酒
盡惜睽離衫袖編
蠅淚花淫

中秋不見月歌

青桐蕭索逗疏雨
河漢雲流繭袖結
岩桂古香吹不起
格緯亂啼蛩語曾
軒四敞谿原頭犀
押簾

南邨詩集

卷一
十三

汲古閣

箔齊上鈎織阿御
綢如走馬一年轉
瞬又中秋銅壺水滴
聲聲度嬋娟苦被
頑陰妒寶匳慵啟
水鑑韜玉宇瑋樓
隔寒素升沈圓缺
恒有時今夕何夕
乃若斯欲接清輝
徒悵悵相看動是
隔歲期曉能掃之
鸞尾帚白兔搗藥
銀蟾守老子婆娑
興木闌蠟光高張
照尊酒

聽琴行

樂經焚滅樂律亡
樂器不純樂師特
獨有義農所制琴
位置森嚴尚存古
體修三尺六寸奇
負陰抱

陽雨四時上圓下
方法天地前廣後
殺明尊卑沈檀岳
尾犀象足徵鑄黃
金軫雕玉繭絲素
絃抽鳳筋鬆漆斷
紋剝蛇腹有時漫
鼓一再行冷泉出
澗水曄曄清鬆脆
滑五調協和樂適
怨憂傷并岐山莪
莪我周所起帝春
拘幽商不祀兒寒
兒饑兒履霜殘形
占夢巫咸死狄水
弗涉行將歸時不
我違爾猗猗龜之
大兮魯之奄越裳
來庭德孔施南熏
化被民財旱杏壇
教流渾未朽春江
滾滾禹門遙巴蜀
雪消綠於酒凌虛
御風飛仙猶廣寒
宮闕三郎

南邨詩集

卷一
十四

汲古閣

游覽裳羽衣天上
諸陽春白雪還能
調明妃出塞辭漢
主獨抱琵琶淚如
雨文姬心事果紛
紜拍拍胡笳兒女
語白雉朝飛飛換
兩雌老烏夜啼傷
遠離嗟哉無傳廣
陵散別鵠未作妻
苦悲長清短清彈
一過長側短側要
安挫三弄梅花面
角哀鶴鳴九皋其
于和栩栩遽遽蝶
夢闌起讀離騷身
佩蘭大雅不作哇
淫滋隱德忘機鷗
共閒漁翁汎汎滄
浪艇瀟湘水雲千
萬頃何似山居吟
嘯日樵歌響咿咿
烟霞暝短帽輕衫
美丈夫觀光上國
騎氣都風雷

震盪比豪俠酒酣擊劍歌鳴鳴改絃別奏清商曲
秋鴻飛雲聲斷續悲風颯颯皎月流欸乃悠揚疑
擊筑修真理性反天真淳古淡泊孰可倫起伏抑
揚符至理情閒手敏妙入神焚香靜聽出塵表昔
焉搏拊今衰老江南巨擘似公無高山流水知音
少

曹氏園池行

浙右園池不多數曹氏經營最云古我昔避兵貞
谿頭杖屨尋常造園所炳也欸語階從容其先來

南邨詩集

卷一
十五

汲古閣

自溫許峰裕垂系胤二百載發于迺祖雲西翁翁
之交游皆吉士趙鄧虞黃陳杜李趙文敏鄧文肅
陳監玉杜待制
李文簡李昭文或銘或記或篆顏華構筆飛耀閭
里中堂曰厚德茂存真室且可栖琴尊事求雅志
尚貞白玉照彷彿南湖漬厚且求志玉
照堂名古齋先世
手所結祖德有光增古節口長清靜講玄虛淡然
自立止於潔古節常清靜玄虛
淡然自立止皆節名素軒瀟灑綠陰
腴揮塵劇談捫蝨如玄裳長鳴宵警夢玉靈藏六
晝尸居素軒捫蝨皆軒名
素軒捫蝨皆軒名紅杏作花錦千樹簾卷高

樓聽春雨曾臺楚近小蓬萊正是雪月最佳處春
雨樓名雪月
最佳處臺名曲折映帶總幽亭潔芳頃步連窪盈

总形纔念閉息影緝書寫經開迷生索笑石紅水

清淺灼灼疏梅封君蘚有時怡曠倚闌千九點晚

山清且遠潔芳臺盈息影迷生清淺
怡曠清遠亭名石紅樓名洞房塗壁雪

色新瑩可受采無纖塵溫火試香局四圍亂雲靄

雷中藏春受采雪洞名
雲中春閣名溝渠流月金鎖碎緩路修

梁曳環佩露影晶口夜色澄恍若霞川躡虹背流
霞川躡
虹橋名

長歌楚誦聲珊珊后皇嘉樹霜九丹煖風

南邨詩集

卷一
十六

汲古閣

細香懷晉逸一身春戀花竹間楚誦聲
花竹間皆亭名花

卉紛芳四時好竹本義般栽未了牡丹富貴芍藥

奇蘂菊婆娑木犀老蒼松百尺上衝天幽蘭倚倚

被深淵菡萏解語淨如拭芙蓉弄態嬌以妍孤峰

危立當月實厚重不遷仁者壽先知稼穡用能勤

別敞遺安閒耕耨月實仁壽橋
名遺安堂名賓朋滿坐冠裳冠

投壺散帙罄交歡桂酒椒漿麋鹿脯瑯觴琴釜琉

璃盤運去氏微邀爾雙闌望功勛等飛電地脈衰

疲草樹焦頽垣斷址低昂見甘年汨沒軍旅中王

事驅馳西復東賢郎告代喜賦歸問里羣隣夢寐
同日感傷心淚橫臆復新基構難爲力行囊點檢
得舊題時時展讀聊自適老余艱懼訪曾經狐兔
窟宅鶴鵲鳴獨立斜陽三嘆息泚筆吟就園池行

過太湖

揚州巨浸曰震澤厥功底定存禹跡世傳三萬六
千頃周五百里渺無極誰散群峰亂碧流七十二
點青螺浮吐吞中吳者八九勢滌直與東溟侔魚
市微茫漁屋小酒旗搖曳楓林老岸花汀艸晚離
南邨詩集 卷一 十七 汲古閣

過臘脂河

臘脂山頭平劈破一道長谿此中過匠人十萬斧
鑿功疑是六丁天所課危橋挂空若生成石壁千
仞開錦屏兩邊羅列八九里吳艍蜀艍西東征四

方職貢紛聯絡楊子大江風浪惡九重宵旰勞聖
心特敕有司亟興作左通銀墅右沙河泊泊湛湛
皆恩波可憐伊昔六代時無有及斯竟若何老臣
挾書朝帝所拭目奇觀喜欲舞稽首作歌頌神武
磨厓鐫刻昭萬古

雲莊畔樂三十韻爲升遠賦

海寓封疆近朝廷事業昌千官行政教萬姓務耕
桑有美張文學端然世表章元宗恢雅量卜地構
新莊東面波通柳南頭澤滙祥九山魚米處一曲

南邨詩集

卷一 十八

汲古閣

水雲鄉氣霽翔鸞鶴峰岑舞鳳皇田疇平若按畝
澮沒如墮徑窄黏蒼蘚橋低蔭綠楊雞豚歸落照
鵝鴨戲方塘投老栖身穩終年引興長程期藉七
月候序驗農祥苗播加勤懇芸培敢怠遑飯休催
荷鍾鍾動課移秧撥種居常織汗邪戒勿荒螟蠶
遺種絕杭秫瑞葩香大吠姿雄猛牛馴力盛強蠶
眠絲吐白麥秀浪翻黃花霧琴尊潤林霏枕席涼
漫浮蓮渚權欄醉菊籬鴈夜雨防衝岸秋風趁築
塲哂春窮蚤莫欽穫富倉箱覆載恩深感征輸歲

謹將艱難天所鑒報稱理之常里社邀肯去時豐
喜欲狂綠衣娛阿母縹帙教諸郎別墅矜裴相平
泉郎贊皇百花唐人詠五柳晉流芳昭代能求逸
高懷孰可量吾將結隣並晚節共徜徉

題沈繼先東林小隱

綠楊深處路縈迂此是東林隱者居古屋數楹蒼
淡若清溪一曲桐川如風前竹噫能頻灑雨後蔬
畦或自鉏岫色浮空排闥近波光漾日上簾虛攜
琴訪友行觀稼展席呼兒坐釣魚逸興每邀明月
南邨詩集 卷一 十九 汲古閣

題晉上張元之溪居卷

清溪流白水雲關處士高標玉筍班虛館數楹愚
刻似好山十里西園間風前高柳株株弱沙上群
鷗箇箇閒煮茗汲清童子小引雞哺果鳥聲蠻所
魚自可開尊迺肅客何妨響佩環避世武陵同絕

境濯纓還許散襟顏

南邨詩集

卷一
二十

汲古閣

南邨詩集卷之一 終

南邨詩集卷之二

南邨雜賦十首

平生耽逸趣久矣謝浮榮計左真鳩拙形臞類鶴
清晚風谿艇釣春雨石田畊此日客衰老倘伴樂
太平

屋小長林束邨深四水通牕因閒處熟愁向醉時
空鵝鴨春波綠牛羊晚照紅歲輪公賦足此筆紀
田功

門對山殊遠谿回路覺賒入城因買藥租地爲栽

南邨詩集

卷二

汲古閣

花草草枯盤數悠悠與緒嘉今年官稅急月下營
繰車

編圖從入甲養子慮添丁闌筆焚三策攢鉏帶一
經語多隣叟醉妖勝里巫霧俗薄何須較柴門盡

日扁

徑微深草沒橋仄亂雲藏簷角聯漁屋羅根繫野
航雨餘晴滃碧天迴晚山蒼回首關河隔并州是
故鄉

家貧田亦瘦身情禮全疎囊錦新吟葉篋藤舊著

書小童能理櫬稚子學將車何幸無榮辱長年此
逸居

客分疎雨去人帶斷煙畊地曠乾坤大心閒景物
清藥材書券貫琴直典衣更歲歲西隣林深憑送
此生

池塘纔半畝浦漱走三江斷壘春煙憤疎籬夜雪
厖消搖浮晚艇寄傲倚南窗采藥鹿門遠誰能逐
漢龐

遙岑浮碧漢長泝護青林地僻人家少泥融虎跡
南邨詩集

卷二

汲古閣

深關河南北夢風雨短長吟覽鏡憐遲莫翦髻雪
一簪

徑竹霏香細籬花闌色多捲簾黃犢雨把釣白鷗
波清士攜琴訪諸生載酒過有時香一篆高枕到

南柯

南邨後雜賦十首

路直華亭谷林藏處士家葵菰浮雨甲杭秫吐晴
葩翳羽肥堪縛谿鱗巨易叉客來畱共酌濁酒不
須賒

甲第多荒址茅茨獨老翁杖藜山遠近舟楫渚西東
暮色蒹葭外秋聲絡繹中郊居端不惡此趣許誰同

檀樹成籬落松脂化茯苓閒開籠鶴欄時過狎鷗亭
汗簡修書史持杯開酒經塵纓終不縛何愧草堂靈

谷口蘭宜佩庭前草不蠲畚田栽薯蕷縛架引葡萄
杜甫十分瘦元龍一世豪賣書買農具作業豈辭勞

南邨詩集

卷二

汲古閣

道隱循墟曲橋低與岸平風前松子落雨後竹姑生
向此得閒趣自來無宦情烏巾方竹杖林下一田更

江海謀生拙園田引興長徑分黃菊本池種白魚
秋瘴筆營山竈橫琴布石牀俗氛飛不到一曲水雲鄉

草徑牛羊熟雲林鳥雀馴九峰三可攬一室四無隣
世治方爲樂身安豈厭貧涼風北窗下未讓葛天民

農事年年在家常頓頓謀拾樵驅赤脚春粟課蒼頭
屋破何曾補人生本自浮賦歸歸未得長夜夢台州

兩社來巢燕晴衙散蜜蜂蠶書魚繭實透墨廚香
濃幽夢回高枕新詩入短笥一經今白首自怪此生慵

僻壤居偏樂幽懷老自添鍊丹溫候火丸藥捲風簾
雨過魚蝦美春來筍蕨甜長年無一事治世等黃炎

南邨詩集

卷二

汲古閣

元日試筆次張泉民讀書壯雜興八首
素履安吾分深居去俗嫌襟懷高莫餒材力老逾添
翰古兼行楷經明法謹嚴鶴書還赴隴光耀起幽潛

自將夫覆屋遠勝樹爲巢徑曲沿花匝谿回浪影交
柳陰維釣艇竹裏構行庖我欲頻相訪談詞愧草茅

道在寧謀食時清不慮貧弟兄三俊彥天地一閒人
攬鏡菱花曉開尊竹葉春文成五色錦米采濯

芳津

松樹曾巢鶴溪流可浣花步鳴蒼玉佩閒鍊紫金
沙揮塵懷王衍橫琴仰軼巴有時因客到沽酒向
西家

生平甘淡泊質稟甚清通經史沉潛慕溪山笑傲
中夢游天祿閣詩寄藥珠宮自是神仙骨塵凡迥
不同

嬾騎金銕匣喜弄玉參差宇宙清寧日山林老耄
時處中知守節履正在觀願白髮磻溪釣飛騰未
南邨詩集

卷二

汲古閣

可期

鄉里陳雷遠才名二十餘文章宗太史詩法媲黃
初避地倚淞水誅茅結草廬功名諸弟貴問候列
華裾

構室延虛白臨書擣硬黃但祈年大有安問世炎
涼首宿堪羞解芙蓉可集裳壽齡過八十無夢到
鴈行

次姚憲僉原禮韻簡明上人古鏡六首

雲樓常自寂孃屈豈求伸翠竹真如理青山妙色

身滌除三毒火清淨六根塵出定寒宵永明燈挂
碧旻

接流晴灌菊陟嶽畫捫蘿地僻經行少心閒興趣
多瘦筇縣樹底環衲曬岩阿清盥無餘事因箋證
道歌

九山多勝槩此地一叢林石路循清澗茅堂枕碧
岑野狐來聽法游衲問安心虎樹高千尺師寧不
嗣音

林日遲遲靜溪雲淅淅輕雜花間自落幽草細無
南邨詩集

卷二

汲古閣

名慨我朱顏老傷情白髮明何錄滿垢累問道立
前榮

清寂山中景消搖物外身好茶畱客煮香蔴課童
初欲識空爲了還知熾是真釋門真老宿佛法在
彌綸

乾坤容隱逸寒暑互遷推獻果猿殊熟銜花鹿不
疑食餘隨洗鉢梵放輟談詩送客長松下東頭月
上時

曹雪林夜宿草堂有詩因次韻

杖屨來相訪柴門倒屣迎好春專蠲綠清夜燭花
明每苦連旬別相喻半日程如今宜盡醉足以慰
平生

對雨

立春將一月積雨已兼旬潦水邛邛白愁雲旦旦
新世方期樂歲天豈厭斯民便好驅陰沴陽和被
廣輪

元宵

總說春來好春來尚寂寥江山絨媚景風雨過元
南邨詩集

卷二

汲古閣

宵室白燈光煤爐紅火力饒杯盤兒女進嬾赴北
隣招

游登山

山上有查仙鍊丹井
東眺黃耳冢西秦山

四面黃茅合南頭粉堞高丹泉生石甃山趾帶平
橋犬寄華亭信蛇吞戰國豪登臨增感慨落日在
林阜

役役

弟妹分離久家鄉信息遲賣書人網直獲稻雨愆
期髮向愁中白顏從病後衰終年常役役何日是

歸時

次郁純之韻

多病誰分藥竈愁只著書青郊春雨稼綠樹野人
居天地身將老朋游日漸疎寄來詩句好功業復
何如

夢游華頂峰題詩于壁

松徑曉停驂朋游只兩三烏啼烟作障僧坐石爲
龕訪古人何在探幽我尚堪杏花風日美春色滿
江南

南邨詩集

卷二

汲古閣

詠佳人效香奩

衣皺霞千疊輕彎玉兩弓色酣眉黛綠香膩口脂
紅密約心還怯多情意未通黃昏頭嬾卸繡被象
牀空

著權執徐之歲三月望後一日率僮僕抵鍾

賈山采薪供饗至四月朔歸每日常雨

繫船溪水頭山中成久留半月總值雨一身都是
愁哺雛敗簷雀逐婦深樹鳩薪禾輟夫役摘蔬薦
晨羞

寄夏原舟時從軍濟陽

分離忽兩春役役幾艱辛
兵籍何時落鄉書此日
眞乾坤同是客風雨正愁人
望斷渾河遠蕭蕭白髮新

寄題性源上人清影軒

勝地曾行雲扉夜不扃
長林籠碧瓦明月照朱
櫺世北龍門寺經緯貝葉青
開秋數石榻遲我一揚舲

丙子元日

南邨詩集

卷二

汲古閣

朔紀庚申始風從甲辰來
陰霾低不散天意邈難
猜香縷紫銀燭椒花浸玉
醅賓朋交致賀獨我老衰顏

中秋不見月

延桂敞南樓更傳第幾籌
玉城衝南立銀漢拔雲
流曲度霜娥怨談停老子
愁相看須隔歲虛過此中秋

十六夜觀月次韻

中秋風雨隔二八正圓時
天上清虛府人間太液

池飛鴈蟾皎潔甌賞客權奇
偏照南村老蕭蕭兩鬢絲

中秋夜陰

自小看明月看來已白頭
年年栖逆旅艸艸過中秋
銀漢金波斂冰匱玉鑑收
淒然向今夕嘯咏想南樓

十六夜獨酌

今夕非凡夕瑯樓影尚彌
纔經一日隔未覺半分
虧再索新鶯酒還展昨賦
詩舉杯邀對酌眞足暢

南邨詩集

卷二

汲古閣

幽期

十七夜傷感

四十二年前今宵最可憐
明蟾徒自好愛子竟長
捐父母情懷苦乾坤造化
偏老來頭雪白不斷夢縈牽

過蕭塘市

不到蕭塘市流光十五堪
岸傾街整裂寺廢梵幢
欹第宅甕荒趾垣墉易敗
籬相知無一在遺跡動傷悲

閱畔

上國會辭聘南邨且閱畔心安閒自適肌瘦老逾
清趣向琴中得詩從枕上成平生隨造物多幸見
升平

龍鍾

吳楚躬親歷關河事熟諸客居淞水上鄉夢越山
南豹變知無及龍鍾愧不堪有時扶短策去就老
農談

濯足

南邨詩集

卷二
十一

汲古閣

濯足咏滄浪南邨住草堂風簷縣穢穢艇帶苓
笻總羨畊漁好渾忘歲月長建文開泰運 聖德
燒軒黃

苓笻元結自釋音
郎當蓋竹籠也

歸途徐邨阻風

徐家邨囑靜柳下泊舟航故國南游遠東風晚更
狂歸心如箭急流水似人忙明日宜興縣長橋醉
一鷗

簡顧秀才

地偏春自勝市遠客尤稀艸閣開清晝谿航載落

暉雜花晴款款輕燕晚飛飛問訊東隣老還客覓
釣磯

西湖紀興

浩浩春波闊冥冥夜雨驟笙歌傳別館燈火隔疎
煙作客頻遷次傷時更可憐明朝晴未卜還是醉
湖船

五里塘

破屋三家市扁舟五里塘亂波浮落照飢雀聚枯
桑氛稷乾坤戚兵戈道路長漂流無倚者何日定

南邨詩集

卷二
十二

汲古閣

歸鄉

南邨對雨

雨氣連邨白溪流觸岸渾餘寒欺易雀清潤溼琴
尊修竹明如洗長楊翠作屯艸堂初睡起曳履掩
柴門

和鄭南榮韻

煮茶燒落葉掃徑動閒雲水凋溪痕見林疎岫色
分齋居長自掩麋鹿動成群短屐相過數惟應鄭
廣文

癸亥元日

通夕零寒雨開晨吼朔風人惟憂樂異節自古今
同故國丹丘外浮生白髮中力田憂水旱端策問
凶豐

元夕

珂里傳柑日金吾放仗時樓臺燈火淡風雨管絃
悲術眩明皇幸儀尊太乙祠千年成古蹟兀坐漫
齋咨

過顧城湖

南邨詩集

卷二
十三

汲古閣

昨行三塔嶼今過顧城河帆正風猶順程遙日漸
晡礙船防斷渚收港認浮圖同往皆良友羈情喜
不孤

巳卯中秋

移榻近前榮良時引興清雨從晡後散月向夜深
明靈兔曾無恙嬭娥若有情舉杯邀對酌隔歲好
尋盟

中秋

今夕知何夕南軒景趣幽露溥蟾影耀風靜桂氣

浮移榻催鋪席寒簾快上鈞年年催老去又見一
中秋

辛巳中秋

海寓樂昇平中秋景象清抵緣人意好轉覺月華
明今歲僉愚慙比隣異死生聽來惟是哭孰更不
傷情

兵部遣使至府府命兩縣僉熟身長力壯民丁應克謂之曰愚慙不下五千餘人

九月朔日庭前白菊開花

尋常重九日難得菊花開今歲因添閨孤芳亦借
魁翠裘雲掩冉鶴羽雪稔稔三嗅秋香立吟哦待
南邨詩集

卷二
十四

汲古閣

酒來

丙寅中秋

雲開天宇潔玉露滴琪林靜對中秋月偏傷故國
心半生常作客此夕一霑襟弟妹書難得窮愁老
轉深

十二月望後一日輸粟金山衛

渤海金山小坡陀艸路危城池連斥鹵部伍雜華
夷比屋屠牛肆高竿賣酒旗一句愁裏過雨雪滯
歸期

十月十一日夜夢中賦詩一首既覺忘前四句枕上足成之

柳風輕娜娜竹雨淨娟娟有只書千帙無多屋數椽邨深居自好心遠老相便戴酒簪翁羨桃源小洞天

十月廿六日喜雪分韻得同字

今年方見雪惟喜萬人同觥巨醕浮綠窗明燭耀紅煎茶移石鼎理權命谿童黃竹何須賦休祥兆歲豐

南邨詩集

卷二
十五

汲古閣

庚辰元日

授曆紀庚辰開元值丙寅五更微見雪兩日便迎春頭戴銀旂巧門題彩帖新屠蘇循故事暇飲老年人

九月四日遣愁

塵銷斷絃琴悠悠歲月深遺言仍在耳惡日倍傷心路隔重泉官墳封宰木陰臨風耿無語老淚一

霑襟

忘去聲
忌日也

哭王黃鶴
乙丑九月初十日
日辛于秋官寓

人物三珠樹才華五鳳樓世稱唐北苑我謂漢南州大夢麒麟化驚魂徃行愁平生衰老淚端爲故人流

乙丑十月廿八日得鄉人林序班公輔寄聲

報舍弟夢臣沒於道未知月日地所二首
白下相逢日于今十二年江湖俱老矣風雨獨凄然哀計從人得殘軀爲國捐生兒多不育身後竟誰傳

弟兄惟我在骨肉永睽離王事勤勞日關河夢斷南邨詩集

卷二
十六

汲古閣

時水深風浪惡夜靜鼓笳悲號慟嗟何及傷心老益衰

哭馬平主簿夏原威

丁卯臘月十三日死

詩書承善慶簪組沐恩榮賦命分終短詳刑服重輕平生師友義終古別離情盡掬寒淞水難瀉淚眼清

挽陸北岩教諭

辛巳十月廿九日卒

北岩今已矣命也復何仇形影長相弔文章不自謀夢殘蕭寺夕魂返故山秋多少傷心事哀猿哭

未休

挽趙雲居先生二首

辛巳九月十八日卒

故國王孫後先生德望隆相將年九十出處浙西東學本趨庭教醫存濟世功俄然棄榮養哀慟起秋風

吳淞今芙蓉台葵遠相連去國二千里論心四十年故人將盡矣老淚重潸然修得遺賢傳儲輸太史編

送何伯溫還鳳陽

南邨詩集

卷二

汲古閣

索居濠水曲歲月共悠悠會面忽今日憐君已白頭關山來去路風雨別離愁谿上船催殘寒潮沒遠洲

開鑪日有感是日始見霜

陽月日云初新霜萬瓦鋪具羞供墓祀熾炭煖寒爐望望鄉關遠栖栖旅旅思孤形骸看漸老節序不停徂

挽張雲莊宗禮三首

客邸病縈紆驚憂鬱未舒紫紗函蛻骨白下返靈

與故里千年別浮生一夢如莫雲莊上些山雨竹樓虛

嫁殃遭太守簿錄降將軍短景銓餘燄繁華水上雲賢愚誰復辨玉石竟俱焚次第修言行他時表墓文

嗚呼吾友沒相望去程遙遺恨孤慈侍清魂入大招諸兒銅鼓衛一穴鳳山椒淚灑西風裏交情永寂寥

洪武癸酉正旦雨明日雨中夜雷電又明日

南邨詩集

卷二

汲古閣

雨四日陰晴嚴寒西北風大作口號
迎春半月先寂歷過新年鷄狗羊猪忌風雷電雨全玄冥雖代謝陽德未昭宜有待陰霾散乾坤始泰然

九日雨

三年元日雨今雨欲經旬洋海開塗者金山餽粟人體寒衣綻裂腹餒食艱辛上帝垂慈憫晴暄振困貧

二月六日雪

春半三番雪田更誦里謠一年防暴水九月定育
颺色妒梅枝瑩花黏蝶翅消替時成凜冽玉燭自

能調田家五行云二百五日主有風潮

庚午七月三日大風雨視丁卯歲爲尤甚獨

松江若此他郡無有也

雨從朝起驟風到夜深狂仆屋搖坤軸漫江編海
鄉喜無秋早曠未卜歲豐荒較彼前三載而今勢

益強

六月廿九日喜雨

南都詩集

卷二十九

汲古閣

六月三旬旱炎威酷吏猶廿年無此熱一雨近初
秋田畝塵隨伏禾苗病向瘳豐登還可望生計尚

堪謀

二月朔夜中雷始發聲三日寒載嚴雪大作

前夜起雷聲寒威刃發硎積陰春黯慘密雪晝飄
零香褪梅腮白愁臧柳眼青擁爐煖火不似肉

爲屏

七月三十日雨

半月值秋晴涼生枕簟清嘉禾方孕秀甘雨又滋

榮造物功難報斯民樂有生輸租庚責丁倉庾定
克盈

洪武丁卯臘月癸亥雪

六花凝瑞白已見臘前三寒色清逾烈羈懷老不
堪窮陰連漠朔豐稔在江南驢子谿橋客煎茶恐

未諳

臘月初二夜雪

吼樹朔風雄寒欺繡被重地浮銀渤潏山吐玉芙
蓉瑞象標初臘歡懷慰老農歲登瑞可卜百穀徧

南都詩集

卷二十

汲古閣

提封

十二月十三夜雪

膝六夜停驂乾坤玉氣涵樹膚寒擁腫松髮白鬢
髮驢背吟何苦爐頭飲正酣隔牆農父語喜見臘

前三

正月十二日雪

立春繞二日撩亂雪花飛陰晦雲同色凝凝曉肆
威擁爐煖火對酒趣添衣德澤終富布斯民莫

歎歎

至日聽雨

至日聽寒雨今宵憶向曾漏催銅史箭花炮木奴
銚愁壘堅難破發壇峻可登苦吟無好語白髮已
鬢髻

甲子又晴

田家春甲子分外要清明水旱因從卜休凶亦可
旌明年期大稔今日喜長晴爲報西嶠老知時好
力耕

元宵雨

南邨詩集

卷二

汲古閣

三五元宵節連年氣候同漫天來暮雨吼地起南
風燈火樓臺寂笙歌巷陌空金吾徒弛禁清坐極
深衷

連日積雪饕寒曉起見雪臘月十一日也

四野話豐年三番見臘前意從多日厚色瑩六葩
妍谿艇因思汎鑄茶赴埭煎老翁無此典擁火醉
陶然

九月廿七日

九月三旬裏渾無幾日晴軒墀簷雀浴農室竈蛙

鳴點滴疑天漏汪洋覺地平烟簑熬水稻此去若
爲生

和董良史憲食西邨祠堂雜興八首

杏花春雨映谿堂不異當年碎錦坊重碧破除千
萬事硬黃臨寫十三行粉榆夾道陰連疾魚鳥親
人水滿塘覓句有時成久立艸茵藉坐樓籬傍
西邨關地構名堂絕勝南邨小柳莊得意四時從
肅咏讀書萬卷係行藏雕胡米滑甘於栗蒿苳苗
肥綠似秧野飯菜羹皆適口一真滋味靜中長

南邨詩集

卷二

汲古閣

清谿脈脈抱虛堂新竹娟娟過短牆問柳尋花春
事晚投壺散帙午陰涼時將芳櫬兒魚餌歲會香
杭備鶴糧如此閒情真自適可無幽夢入鷓行
老來歲月去堂堂夙佩君恩不敢忘炎漢辭官
容廣受聖朝立極過軒唐林田春雨兩牛種茗
盃涼風對鶴嘗清興有時吟不了天邊羅立九山
蒼

日長雙燕語深堂樹木參天枕簟涼龍德光明今
宇宙犬牙相制古封疆人鹿俗厚宜栖止歲奉時

康匪禴禴我亦有家歸未得浙江東去路微茫
吟成池草坐西堂胸次悠然臨八荒靜悟游魚投
餌急間看飛燕葺巢忙采山釣水唐人愿長子生
孫漢吏倉高尚循良同一致要令身世保平康
蕭蕭落木護秋堂白版爲扉掩夕陽塵垢不沾頻
灑掃稻粱已熟漸收藏攝生未用芝和朮具饌能
無芥與薑一榻清風渺千古看他奔走爲人忙
執經弟子早升堂客至何妨臥下牀家世澤流遺
牒在御爐煙染賜衣香錦囊標幟新增集玉軸牙
前邨詩集 卷二 二十三 汲古閣

籤舊補亡鄰舍相邀長是醉此身終老白雲鄉
次韻寧熙中上人如蘇紀游十首

華山阻雨

東南風急布帆輕長泝西來第一程此日忽逢春
莫雨何人不望客中晴烟巒朵朵疑凝碧石瀟瀟
瀟玉奏聲且向華山谿口泊推篷潄研寫幽情

喜晴

澹霧冥濛日晏升攬衣遙見闔閭城十分天氣依
然好一色波光遠近明紫燕將雛花上語錦鳩呼

婦樹頭鳴道傍農父交相慶菜麥青青喜快晴

山行偶興

鬼護神呵兩怪松晚晴長阪綠陰濃泉聲噴谿谿
東走嵐氣涵空日下春毫楮出奩題好句杖藜到
處發奇蹤近來蠟得登山屐擬約重游意未慵

遊天池

雨餘弭懼釣磯頭一錫翩翩縱遠眸翠壁石罅形
似虎龍淵雲墮氣如牛人間幻出三千界天上移
來十二樓更陟曾顛窺睇盼只疑咫尺是瀛洲

南邨詩集

卷二 二十四

汲古閣

遊靈岩

靈岩拔起拱諸峰林經深幽與昔同誰念夫差罷
敵後莫逃范蠡計謀中彈琴石老苔花紫響屨廊
空夕照紅里叟不諳公國恨至今猶說館娃宮

遊天平

樹木沈沈翠作堆瘦筇緩步首頻回天平山水真
佳矣文正祠堂亦壯哉碧落高寒超下界白雲清
暖隔浮埃長懷往事成悵斷爲讀殘碑剔辭苔

遊南峰寺

替遊曾記與諸賢
緒州高談雪滿顙
白鶴青聽關
士遊丹崖碧岫
野花然虎丘東
去無多地龍脈
西通第二泉長欲
攜書此中住自
隨春雨種山田

沈一菴山居

懶性生憎世累繁
功名從此不相
能堂成自可同
蘭若客至何方
話葛藤儀宇如
如瑤圖月心懷
炯炯玉壺水扁
舟早晚相尋去
湖上群峰取大
登

宿觀音寺

錫杖尋幽四月交
山中地位總清
高一庭蘿月縣
南邨詩集

卷二
二十五

汲古閣

金鑑萬經松風聲
翠濤雲臥已知
隨處好浪游無
愧此生豪上方
夢覺清如洗况
是鷄鳴從九臯

尋僧不遇

肩輿伊軋度嶽岑
義重宗乘放遠
尋澗雨收時花
作陣岩扉掩處
筍成林蒲龕香
歇閒清晝石鼎
煙銷鎖綠陰那
得相逢話舊咍
哉時序百年心

張建寧賦詩見寄次韻四首

移家住近府城東
簾捲垂楊燕子
風幽夢時驚
幕局外好懷日
付酒杯中喜於
靜室觀虛白倦
向通

途踏軟紅老我無能甘寂寞
谿山還欲與君同

十年仕宦厭馳驅
隨例歸休始定居
門巷每來君子

履杖藜閒過野人廬
錦心繡口三都賦
玉軸牙

籤萬卷書別有豪情
真自適或時孤櫬
或巾車

文采風流果謫仙
乾坤汗漫與飄然
銀章朱綬承

殊渥檣柁蘭舟濟
巨川兄弟喜看三
鐸在古今誰

似二疏賢朋游散
落曾無幾童稚情
親到暮年

赤霄丹鳳選難儔
鷗鷺爲朋只浪游
田里清淳依

谷水關河迢遞隔
台州西風采采黃
花晚落日離

南邨詩集

卷二
二十六

汲古閣

離君樹秋白髮催
人傷老大少年聲
價落青樓

次韻答張林泉五首

憶昔交游各少年
君年八十愈昂然
幅巾短杖林

和靖斗酒長篇李
謫仙修竹簷前香
細細落花風

外影蹉蹉有時飯
罷無餘事展席科
頭自在眠

繪像者英古有堂
先生鬢髮已蒼浪
寫書簡竹牀

鮮碧臨帖牋藤檮
硬黃潮汐去來谿
一曲垣墉周

匝樹千章執經第
子皆循循道貌真
傳邇紫陽

倦草淮南大小山
此身長與白雲開
南隣北舍相

歡洽西陌東阡自往還筆勢縱橫驚雨驟文詞奇
古發天慳幾時芳剪西窗燭尊酒高談一破顏
百年孤抱歲寒心不覺頭顱雪滿簪梧陌鼎煙時
淪茗石牀衣露夜橫琴水雲深處成真賞風月良
辰動苦吟欲訪郊居曾有約挑花浪暖一篙深
枕流漱石豁煩襟日月容光實照臨御筆曾題田
氏宅王門莫聽戴逵琴明經教子傳家學買宅租
田罄橐金壽格期頤能有幾垂坐白髮送光陰

次韻荅陳祠部景祺三首

南邨詩集

卷二十七

汲古閣

傳家謹護一瓊青膝下兒孫歲歲增松頂雲開晴
放鶴谿頭潮落晚移晷堂臨綠野從行樂路直青
霄定立登幾欲拏舟尋舊約望窮樹樹碧瀾層
碧海雙金遠送青對之詩思晚逾增庭前洗竹間
畱鐫池上叉魚不用督錦里角巾唐杜甫蘇門長
嘯晉孫登羨渠伯仲幽栖處又隔風塵幾百督海中有大金小金山
錦樹離離海氣青歲年大稔粟加增僕夫緯篠修
魚箔童子紉絲結蟹簪北舍南隣相往復東臯西

噉自臨登香浮缸面新醅熟膾切鱸肥玉作脣
新春風雨次陸北岩韻三首

博山沉水裊輕煙歲旦常儀總粲然笠屐賓朋來
兩外盤腸兒女列堂前梅驚朔次朝猶落柳怯春
寒晝未眠盪手正襟端策問今年還可種圭田
江南風雨見何曾十日都無一日晴曉起暫看新
歲曆老來偏動故鄉情良辰美景須花柳妙舞清
歌待燕鶯喜有山林客我輩共將詩酒樂文明
易車載鬼過遙天白雨淋漓雜翠煙喜咏久無工

南邨詩集

卷二十八

汲古閣

部老禱祈未用玉堂仙世情簡淡非今日春色凄
迷似去年風景不殊鄉邑遠夢歸夜夜浙江船
次韻荅山泉上人曠

綠谿野徑僻通邨百尺梧桐翠長孫海色曙疑生
白室香雲晴護牧閒園額麗郡乘招提古名重鄉
評行業尊近掣藏函翻般若何當聯席與精論海軒春雲室牧閒園皆上人扁名

次陸北岩韻二首

廬外圭田二畝強鄉隣情力爲移秧百年岡壟衣

冠閣一徑楸梧雨露涼天地無情身老大山林有
分髮蒼浪急流勇退人爭羨喜見春風日再暘
獻畝高低絡翠徑樹林茂密列雲屏水邨沙路迢
迢白茅屋炊烟處處青谷口樵歌西日曠岩頭虎
嘯晚風腥先生歸也山居靜童子篝燈月半扃

嚴寒次栗隱德上人韻二首

雪留十日未都消
畫閣娛情造寂寥
茶敵睡魔浮
玉乳酒烘吟臉暈
紅潮雕盤異饌明
收棒寶鼎沉
香烈火燒應有窮
途飢凍者一般風景不同條

南邨詩集

卷二十九

汲古閣

佳林燕坐坎離交
水綴霜髭口欲膠
煖老正宜絲
作穩逸居那敢樹
爲巢飢禽戰羽時
僵仆猛虎摩
牙夜嗽嗟造物
屈端伸有數醉歌自把唾壺敲

登千山次林泉徵士韻二首

水作巴蛇走澱湖
山蟠天馬戴浮圖
重重桑柘平
原近閃閃烏鴉落
照瞞林廟幡鐙祠
岱岳江城雉
堞帶東吳婦心自
是愁如織只怕游人
唱鷓鴣

一名天馬山下有平原邨

欲學當年乞鑑湖
鵬程九萬阻南圖
望窮海上天

無際倚徧闌干日未曛
一代衣冠成二老百年
蓼杖奇三吳南邨亦有
林泉趣春雨聲聽鷓鴣

周萬竹知紹興府日其
家梅花盛開西賓張

林泉作詩寄之及簡越
上諸友因次韻二

首

南枝向暖競先開何處
人間有玉臺水艷雪塵
潭好在月香水影人詩
來連翁湖上清魂返仙
子羅浮小仗回寄遠慎
毋多折却使君調鼎待
鹽梅摩經家學係青瓊
文采風流秣且賢池艸
西堂生

南邨詩集

卷三十

汲古閣

夢裏官梅東閣到吟邊
會稽望去無多路朋舊
別來今幾年見說蘭亭
只如昔勝游須在暮春
天

次胡安州韻

宦成歸老有餘暉
吟苦從教帶減圍
卜構北山欣地僻
閑畔南畝慮年飢
雲霄孤鶴盤旋過
野水閒鷗自在飛
炎暑困人多病喝
寄言莫怪性來稀
萬山遺叟以所作
中秋重九二詩見示
諸公

和之已多勉強效顰二首

高張長空玉一輪
娟娟零露洗浮塵
良宵又值中

秋節老我堪憐百歲身對酒漫忘誰是主賦詩那
有語驚人據牀談咏還多興沈浸清光景思新
重陽佳節無風雨倦客他鄉憶水丘采采黃花人
送酒迢迢碧漢鴈橫秋喜無敗興催租者自有循
谿蕩采舟底用登高方是樂嘉賓三刀醉還休

五月菊

老圃乘涼起歎嗟孤標底事便開花石櫺明處朝
同米紅藕香中酒漫賒画舫沉湘懷屈子薰風庭
館屬陶家也知不爲趨炎出莫忘清秋興緒嘉

南邨詩集

卷二
三十一

汲古閣

次夏西疇韻

亂餘及見太平年聖主龍飛地幅員父子戍邊
端未得公侯下士禮彌虔中天孤月應同照尺素
雙魚孰爲傳昨夜紅花頻送喜好風吹墮白雲篇

通德如海上人聽松軒

定起忽聞風雨生危枝只恐鶴巢傾蒼虬鼓鬣噓
天籟翠浪掀空送海聲一派笙簧秋浙瀝千官環
珮玉琮琤我家亦有開庭院不及山窗分外清

寄題陳孟文叢碧軒

一室蕭閒竹裏安綠波洗出萬琅玕雲深競舞青
鸞瘦簷曲長霏翠雨寒三徑清風人楚楚五車汗
簡墨珊珊何當直造談玄處展席涼陰揭月團

小游仙詞雪後一日甲子作

瑤池謫降小真仙只在人間二八年長日沈沈緘
祕緒浮生草草厭塵緣一函遺蛻寒瑤隕五夜清
魂顯氣縣鸞鶴啟途幢節擁碧霄如洗月嬋娟

借韻荅清谿邵先生

西泖移家住北邨謝庭蘭玉見玄孫門前料理柔

南邨詩集

卷二
三十二

汲古閣

麻圃雨後栽培杞菊圖象齒象食書列茂松花釀
蜜酒盈尊平生不飲惟留客輸墨詞章熟考論

借韻荅宗高王架閣

蕭然一室數家邨籍甚三槐幾葉孫詩句驚人師
杜甫妍詞落簡客渠渠承恩出牧年方妙謝事歸
休道益尊不覺數年成闊別老懷耿耿與誰論
借韻荅牧菴上人謙覽無心野人

南邨差似浣花邨慚愧山中宰相孫獨抱遺經咄
嗟或病辭束帶老丘園此生空忝諸公後舉世何

如見佛尊翠竹黃花真妙理清風明月不須論

七夕次萬山韻

瓜果中庭漏點深露花零亂滿琪林曝書偶忘今
朝是乞巧欣逢此夕臨雲取瑤池靈劍剗星梁銀
漢影沈沈人間天上同欣樂只有悲蛩語不禁

登超果寺一覽樓次林泉民韻

層樓明敞莫松關萬里蒼茫指顧間地絡沅苕羅
梵塔天低溟渤獻神仙寶陀像設金千鎰瑞井光
涵玉一環倚徧闌干吟未了伽陵風細韻聯蠻

南邨詩集

卷二

汲古閣

三十三
平初錢武肅王所奉觀世音像至洪江禮塔匯光
屬于超果寺之金殿并縣是迎像至焉并今名曰
光閣

次韻答邵青谿先生

藜杖烏紗過百年童顏鶴髮氣冷然高尊安樂元
通譜壺隱虛閒別有天課稼春行黃犢外尋盟時
到白鷗前青谿一曲春如許二頃何須負郭田

雪次陸靜菴韻

剪剪寒風勢轉嚴六花撲撲綴高檐
微醉獸炭金爐妾憤添大地一方調玉燭遙山九

點詫形鹽明朝擬向西園賞四敞崇恩榮
胡萬山卿氣陸北岩遺詩問訊因次其韻

見說新秋仍病痺南州土溼暑熏蒸耳邊愁聽三
江雨胸次清涵萬絳水臥起東山今秋傳嘯聞牛
嶺咎孫登北岩老子題詩奇愧我才疎闕刻藤

感懷次韻

數椽茅屋稱幽居環堵蕭然日若書隣曲往還忘
主客林泉映帶樂禽魚一經闡教草丞相三策成
名董仲舒白愧無能空白首子孫便好問耕鋤

南邨詩集

卷二

汲古閣

中秋詠月次胡萬山韻

東頭湧出爛銀盤簾卷南榮仔細看秋氣平分宵
寂寂涼輝十倍露溥溥阿嬌藥臼敲清杵素女霓
裳跨白鸞欲折丹葩向高處瑤樓玉宇不勝寒

次張林泉韻

潛化芝蘭四十春多君文采玉爲人青燈風雨思
還莫白髮江湖老更親東漢獨高嚴瀨客西嶠自
擬爲天民滄江今日同耕釣竊景前賢託此身

次韻答胡別駕

避地僑居渚水濱相看白髮與時新好山登眺無
多處榮宦歸來有幾人鷄黍會多談笑數芝蘭氣
合性情真算年我輩須行樂莫遣蹉跎過一春

正月二十有六日余與邵青谿張林泉會胡

萬山夏雪叢俞山月高彥武張賓賜于余

北踰嶺而南訪陳孟剛席上分韻得船字

桃源只在人間世三老相逢莫問年清晝喜陪多

士集紫霄只恐德星躋香蒸雲液行瑤華花簇珍

羞飮綺筵一櫂歸來潮正落谿頭好似米家船

南邨詩集

卷二
三十五

汲古閣

題張惟德清逸軒詩卷

結廬自愛南邨好盡日蕭閒遣興長一榻松風茶

在鼎半簷谿雨酒盈觴遙岑爽氣朝來致小徑黃

花晚節香聞道曾軒清且逸我將過汝共徜徉

過沈汝舟故居次范宏遠韻

不見幽人左太沖鶴歸遼海蕙惟空眈垣躑躅春

酣日老樹鷓鴣夜嘯風怪事書空千載一長干作

客幾人同可憐滿眼淒涼淚都付詩篇感慨中

次萬山韻

風雨江湖雪滿頭斗南名士總交游山林已自無
多在我輩真成第一流折簡招邀春醖熟策筇來
往野情幽年年無事長相見底用尋盟到白鷗

南邨詩集

卷二
三十六

汲古閣

南邨詩集卷第二終

陶南邨詩卷之三

曉起

豆苗引蔓上疏籬
桐樹吹花落釣磯
老我田園閒處好
故人書疏近來稀
挂巾蘿薜看雲起
沐髮滄浪待日晞
只怪平生詩癖在
形骸消瘦不勝衣

題王筠菴水邨山居二首

垂楊舊種成籬落
小徑初開近石缸
夜雨漁舟添箇箇
晴沙鷗鳥下雙雙
夢魂不到鳴珂里
卜築何須濯錦江
沽酒鱸魚從野老
高僧招隱壓新腔

南邨詩集

卷三

汲古閣

松杉東屋青天小
猿鶴當階白晝閒
木客揖人騎虎下
谿童采藥貿琴還
玉笙聲斷雲連席
丹竈光沉月滿關
我欲排楹與隣並
掬泉洗耳聽潺湲

錄宋宮人語

雲護春陰凝薄凍
煙銷鐘篆帶餘馨
殘花滿院鶯聲濕
細雨吹簾艸色青
丹鳳不來天浩浩
玉簫吹徹淚冥冥
腰肢瘦損真無幾
寧使清心泥濁溼

對月

客子每看湖上月
秋聲漸近竹邊窗
流螢綴衣夜

數箇白鶴聽琴時
一雙甘旨未能娛
綵服旅愁長是對
寒缸飯牛屠狗誠
無愧附鳳攀龍志
未降

熟食日有懷

去年今日天台路
布襪青鞋捫薜蘿
山鳥亂飛疎雨至
人家閉戶落花多
孤燈客裏愁中改
千里鄉關夢裏過
江漢悠悠爲客淚
先塗回首倍滂沱

西湖晚步題湖山堂

短策輕衫徐步穩
平堤落日暮光遲
郎君馬上敲金鐙
官妓船頭唱竹枝
老鶴不啼和靖墓
長林還

南邨詩集

卷三

汲古閣

護鄂王祠吁嗟人事
朝朝異山色湖光似昔時

長安市

長安市上多青樓
樓下美人嬌以羞
千金買笑復何惜
萬里作客還自愁
勲業未成慙寶鑑
英雄何限看吳鉤
百年世事如雲雨
老大徒傷易白頭

九日

江城曉慘傷秋暮
人事艱難感恨長
正苦兵戈依遠道
不堪風雨過重陽
鬢毛垂領蕭蕭短
菊蕊盈枝細細香
妖氣天光兩冥漠
將軍何日定荆襄

獨坐簡趙彥徵

豺狼猛噬據荆徐烽火連雲照玉除世上小兒皆
習戰江南何地可安居諸侯控制兵機冗濫吏誅
求國政疎獨坐小窗情思惡秋風嫋嫋正愁予

曉發松江

客裏東風促去程沙棠舟小布帆輕衝人鷗鳥雙
雙起近水桃花樹樹明故喜吳淞堪寄食不愁江
漢尚屯兵經綸事業成虛擲一寸葵心向日傾

次邵冠軍客中見寄韻

南都詩集

卷三

汲古閣

重關列戟遲行舟小雨吹煙凝不流時迂微書傳
帥命數呼官酒破詩愁江城已舉扶搖上海宇還
期汗漫游春樹重重雲算合懷人多在驛西樓

皆夢軒爲陳汝嘉賦

北窗高臥義皇上不比南柯太守衙塵世蕉陰方
覆鹿山童竹裏自敲茶黃渠旅邸空仙枕春艸池
塘卽謝家萬事轉頭同一幻怪來筠管忽生花

偶成簡錢曲江

字惟善

坐看涼月上谿樓桐葉晶瑩露氣浮戀闕近瞻天

北極懷親遙隔海東頭寓形宇內一身老濯足滄
浪萬里流安得神臆駕輕輶白雲直下卽丹丘

寄贈葉子澂

名以清京口人避兵華亭遂家焉貧而尚節義

平生不受官長屬結屋乃在深郊居田無二頃每
種秫日有一錢惟買書養親上堂具甘旨留客煮
飯挑嘉蔬憐君行義有如此名譽豈肯終閭閻

次謝士英韻

郊原十里非凡境屋宇無多似瀟西新竹長來吟
徑小綠楊缺處回橋低茶浮石鼎兒新煮詩滿雲

南都詩集

卷三

汲古閣

箋手自題乘興看山出林麓短筇一箇影清谿

春雨初晴沈野亭見訪

九十日春渾有幾相將一半雨兼風艸堂晴旭生
虛白花徑兒童掃落紅漫喜故人來泗北更期後
夜宿山中青鞋布襪須吾輩百遍相過意未窮

次夏士良戶侯韻

竹裏茅茨白板扉興來隨意臥牛衣天籠平野前
山遠水拍危橋過客稀釣罷得魚沽酒去雨餘種
豆蒨鉏婦故人卻在城南住日日清鷗四坐飛

秋懷次夏停雲韻

妖氛湏洞逼京華將畧時無李左車休唱貞元供
奉曲似聞商女後庭花職方未復江南貢使者空
乘海上查自古和邊真拙計卻令紅粉泣琵琶

送陳平仲

我居巷南子巷北同是望家來避兵故園荆榛已
能理遠道虎豺那可行老懷作惡輒數日寒谿送
別傷離情未知後會更誰好斫鱸且醉雙銀罍

讀史次謝元素韻

南都詩集

卷三

汲古閣

長時讀史白雲西往事評來手自題亮也已亡誰
相漢軍云多智國存齊百川行地終歸海五緯經
天未聚奎堪嘆洛陽宮外路銅駝荆棘夜烏啼

樂靜艸堂爲衛叔靜賦

星繞芙蓉九疊屏日長客去掩閒庭岩花煖傍疎
簾落階艸晴分汗簡青溫火試香剛舊譜汲泉煮
茗續道經江南定有徵賢詔太史方占處士星

次韻荅楊廉夫先生

移家正在小斜川新買黃牛學種田秦賦不騎沙

夜坐

苑馬懷歸長夢浙江船窗浮爽氣青山近書染涼
陰綠樹間樂歲未教耕有粟全資芋栗應賓筵
披衣散髮坐南榮漏點遲遲欲二更風約沼萍雲
影淡月栖徑白露華明石牀涼意浮珍簟寶鼎沈
烟噴玉笙世慮不關心似洗此身只覺在蓬瀛

梅花陽

谿北谿南十萬枝洞門深鎖幾人知月香水影無
多語姑射羅浮自一奇千里喜傳春信早孤筇偏
南都詩集

卷六

汲古閣

愛夕陽遲殷勤更入坡仙詠共補辛夷別墅詩

守歲次謝高潔韻

明日五更纔是春坐深不覺漏聲頻風塵湏洞向
今夕燈火團樂能幾人老去清霜吹鬢髮愁來雙
淚落衣巾乾坤擾擾皆兵甲何處谿山着此身

機山懷古次趙廷采韻

昭侯功業在人間二俊文章若可攀西洛竟從王
穎辟秋風不遂季鷹還平原却迴家山靜華表雲
深鶴夢閒有客艤舟來弔古空林落葉雨潄潄

長至日林泉偕雪林踰鳳岡訪友聯句次其韻

鳳皇飛舞結青山九曲雲林第一關輕攏每從谿口去短簑長自嶺頭還初陽消息升沈裏二老襟懷嘯咏間此地正堪頤景采芝底用躡商顏

催梅爲雪林作

的皪孤標隔水湄我家庭館見何遲喜迎春信無多日莫負東風第一枝湖曲老逋魂定返羅浮仙子夢曾期短筇立待黃昏月嗅得寒香便賦詩

南邨詩集

卷三

汲古閣

代梅答

向緩南枝趁早開讓渠獨占百花魁與時無競絨春在感子相思索笑來吹笛且休明月底煮茶宜傍白雲隈老子不比桃和杏直要襲羶羯鼓催

次景訥菴韻送廷采

傳家兩得舊青氈旅食西州五十年老去祗知懷故國曉來生怕送歸船九山影落三江口丹杏花開二月天最是東風雙語燕畱人飛過酒尊前

先照樓爲玉無瑕上人題

若木枝頭耀燭龍寅賓先與最高峰光明徧照三千界樓閣宏開第一重舉目心徵香水海至誠膜禮紫金容五時說法如親聽向上圓機不露鋒

經云如日初出先照高山

聽雪爲孫以貞賦

瑤池阿母教飛璫細搗水花擁佩旌郭索行沙林竹幄吳蠶食葉紙窗明短編清夜誰家讀桑柘寒谿遠處明閉戶先生俄側耳松聲沸起煮茶鐺

八月十五夜玩月次韻

南邨詩集

卷三

汲古閣

高捲湘簾看明月一年今夜十分嘉露華清灑玉豪兔林影還浮金背幕太液池臺當更好廣寒城府望非餘據林老子姿姿在嘯咏歡娛孰有涯

次胡別駕韻寄李儀曹至剛

皇帝徵除贊禮曹御爐烟染越羅袍太微垂象郎星近仙步趨朝地位高夙夜寅清宗祏祀儀文開朗列英髦老余白髮懷思日孤鶴長鳴在九皋

小園卽事次胡廣文若思韻

日長童僕理蔬畦官舍如同隱者栖新水方塘魚

排次韻同前

凝脂近水騁芳姿劉阮從來見事遲血寫妖腥衣
燦爛用紅衣人事燄融烈火錦昌披用石曼卿事壽同西母

燦爛
人月

事紀

燄融烈火錦昌披

卿事不

壽同西母

還丹日笑倚東風
醉酒時絕勝渡江
顏色淺英名

萬竹林爲鶴砂于廷立賦

渭川壤地栽千畝海上雲林長萬竿晉室一時人

南邨詩集

九卷
三

汲古閣

曠達爾家三徑日平安琅玕響激秋聲早翡翠陰
圓雨氣寒裏茗敲門容借看清風吟嘯對檀栾

九日次韻

今年九日還爲客朋舊壺觴興趣同雁影江頭清
淺處龍山天際有無中黃花細吐香堪采白髮高
歌氣不充醉把茱萸懷弟妹異鄉飄泊已成翁

張林泉九日寄詩次韻荅之

畊田鑿井水南郊
嬾性從來謝拔茅
艸檄未能行
虎落濡毫敢望立
螭坳菊萸並進重
陽節萍水相

新寒寫懷次韻

世故漫漫混渭涇
九山高枕雲屏攤
書拂雙眸瑩攬
霜欺兩鬢青
崢嶸燕淒涼
誰復顧吟蛩
哀怨不堪聽
秋風落木茅茨破
坐石高懸陋室銘

壬申十二月廿九日林泉抱拙伯仲萬山別

駕同宿三味軒得何字

歲晏高朋忽我過諸生尊俎罄歡歌
老來短髮因愁改醉後衰顏爲酒酡
鐙影未隨雲影淡漏聲不

南邨詩集

十卷
三

汲古園

似雨聲多明朝約共尋梅去屐齒泥深可奈何

立春次韻

曆降靈臺一歲新氣調玉燭萬方春候灰浮動輕
於雪臘酒傾來白似銀花勝亂簪人闌巧菜盤新
簇齒生津尋芳早晚如相約便整肩輿繼後塵

雨窗會飲分韻得雜字

南畝躬畊水一犁夜來風雨正淒迷華筵盛集書
相拉白絹斜封手自題賓客不分牀上下盃盤盡
出玉東西太平深野宜歡樂還憶都門曉聽雞

和琴清萬山五日雨窓酌酒賦詩韻

睡餘閒把離騷讀白髮惺然一老身
五采誰纏長命縷赤符不上小烏巾
蘭湯滑凝芳華剡丹日香融
藥艸新釐卷琴清軒外雨蒲觴酌客更情親
夏原舟寄詩求誤其先子墓銘次韻答之
男兒不必嘆流離治世麒麟可繫羈
好句自堪橫槊賦壯懷莫爲聽琴悲
迢迢遠道江南夢念念雙親
壘上碑此日勒銘當不愧行藏顛末我曾知

贈良介菴上人

南邨詩集

卷二

汲古閣

開士傳來竺國鈴
蔚然悟道在聞聲
鯨音寶梵岩花落
爐篆蒲團海月生
靜掃六塵無染著
要觀一性本圓明
何時借我袈裟地
試把宗乘與細評

化城寺偈本心上人有軒修竹中今寺與軒

幻爲劫灰瓶錫游方自號竹軒志不忘也
此君勁節保平安
塚納幽居奇癩殘一榻清風數
具坐四窗涼雨卷
簾看梵餘瑟瑟簫
峇定起沈沈
沈翳翠寒長作化城安
隱想眼前隨處碧琅玕

送潘貢士魯璵

東風拂曙泮林春
行李觀光上國賓
歲貢成材雖有格
且評雅望妙無倫
帆浮翠縠江波灩
馬控青絲柳色新
此去辟雍天只尺
早持釣軸見經綸

送人才殷惟中

春水綠波春艸碧
春風一櫂發江城
到京便入人才選
薦剡連排父老名
朋舊稱揚多義舉
衣冠惜別重交情
此行喜遂平生志
簪紱榮身感聖明

甲戌元日次韻

守歲爐邊燭尚明
家家蕭鼓雜鐘聲
紫霽散彩晨光發
元日開祥淑氣生
萬丈赤城懷復眺
千絲白髮喜還驚
老來但博身強健
詩酒朋游慰客情

南邨詩集

卷三

汲古閣

送呂仲徵知縣之官武平

明經擢第下金鑾
題賜官羅墨未乾
早歲喜調尊主學
長才先試牧民官
銀章朱紱三千
里白舫青簾五百灘
在江一縣花開
琴調古竹聽趣召入朝端

題顏近仁清風卷

近仁先朝進士能寫竹

高棟曾軒頰澗阿此君挺挺翠駢羅
寫真縑素襟

期合相與水霜節操多鸞牡遶婦周甫誦蓬萊何處玉川歌門前應用開三徑自有故人時一過

題朱文儀松軒清賞卷

五鬣離離翠作行四簷奕奕住中央籤裁象齒尋經史帖護芸暉寶晉唐點易研朱朝滴露題詩握管晝焚香開庭亦有風來處不及君家意味長

贈樂安居士張彥載

治世優游賦考槃葛衣藜杖筍皮冠清谿一曲居常樂紅日三竿睡正安花外雨窗驚蠅醞竹深風

南邨詩集

卷三

汲古閣

鼎淪龍圖到頭渾是清閒福笑引兒孫種合歡

題王孟京先生采芝生卷

高風千古仰商顏自喜幽栖近九山短鐺每從層巘陟頃筐長帶亂雲還晴霞煖護金莖紫曉露香融玉朵殷辟穀延年端藉此飄然行邁列仙班

賞牡丹次蕭古齋韻

萬卉千葩推第一天然國色謝鉛華沈香亭對殊堪匹金帶圍成未足誇宿露煖風滋絳蠟曲闌輕幄障晴霞尊疊燕賞加題品格調清新是作家

次韻送張處善歸楓谿

慨世浮名散若烟喜君浩氣直如弦兵戈避地三江曲湖海論交廿載前夜雨慢懷揚子宅早潮催發米家船楓林渺渺晴雲外此去潞子別緒牽

代賦借鶴

香鶯瑞壘恭藏事帝真幢節控神廳朱陵紫府傳丹檢白鶴青鸞下碧霄翅影亂隨旛影颺吭音渾與玉音調衆眸瞻暗同稱讚孰與仙禽不可招

中秋對月有感

南邨詩集

卷三

汲古閣

我室貼煩月照幃今年此夕認清輝芳時一去無繇返皓首同婦與願違譙漏聲傳人寂歷胡牀影蟲露霏微碧霄如水連銀漢好洗浮生萬事非

又次水雪翁韻

碧空湛湛露華清萬籟沈沈一鑑明節序俄驚今夕是光陰只使老懷驚梧榼小酌雙瓶盡賓主高談四坐傾童子煮茶來報說蓮花漏刻已三更

送萬用謙歸豫章

阿兄司臬蒞松城令弟辭家賦遠行吳楚相望紫

別恨損凭送奏謁親情山頭曉月長亭小江上秋風一舸輕楊柳條疎不堪折頻頻勸酒待潮生

題翟景泉空室

名義

都門此日寄高蹤
敝屋通衢豈諱窮
四壁蕭然無長物
八窗豁處有清風
居安養拙遂廬若
絕念忘形幻泡同
方寸虛靈元不昧
漫從釋部話空宗

雪中偶成次書莊雙韻

瑤池阿母試剪刀
剪碎瑪夷白戰袍
琪樹千林清可攬
玉厓萬丈勢彌高
越箋題句披蟬翼
建盞行

南郭詩集

卷三

汲古閣

茶沃兔豪却笑堆成獅子樣
街頭便可怖兒曹

和山翁寒夜竹所宴集韻

西湖雪裏喚相宜
欲約重游未可期
歲月恩多契潤枯盤艸艸足
委蛇金荷燒燭光逾繁
石鼎聯詩句益奇
老子婆娑嗟莫預
買花載酒不爲遲

宜相

名船

立春次韻

迎春餞臘此辰兼
暢飲何愁酒價添
春菜青青數甲折
枯荻短短綻包尖
銀燭關巧應須賜
玉燭調

和不用占晴日
煖風春信早
千紅萬紫競穠纖

除夜次韻

歲律幾圓已貳程
滿家守饒歷深更
驅離隊列枳盆艷
爆竹殷揚玉漏清
根棧車船窮鬼事
枵盤燈火異鄉情
徘徊不覺東方白
簫鼓喧闐到處鳴

丙子元日大韻

帝車揭柄夜司寅
鳳曆頒奉氣象新
元日舒長開正始
東風扇煖逗陽春
剡桃作版神如在
列炬爲城迹已陳
笑把屠蘇隨後飲
南郭我是老天民

南郭詩集

卷三

汲古閣

算春分韻得青字

輕寒輕煖夜來晴
鵲鳩催語不停清
沼滿浮春水碧綠
陰濃帶遠山青無雙
美醞玻璃盞第一名
花翡翠屏欲駐芳輪
無上策恩惠離思短
長亭

水田畔隱爲林彥祥賦

西嶺臨瀛水
泠泠小結茅
茨水自清白
盡簡編風外讀
易健囊笠雨中
畔休官彭澤
陶令行義安豐
有董生九月築
場禾稼熟獻羔
祭非樂昇平

大韻自述

飄零江海半生多，年少疎狂老益磨。
柳拂簷牙兒手種，落黏屐齒客來過。
南窗吟苦賡詩債，茗盞香清遣睡魔。
亦欲躬耕南畝上，飯牛閒暇織農蓑。

九日次韻

重陽佳節古今同，老我淒涼思不窮。
兩浙東西淹歲月，一身南北類萍蓬。
登龍人在銷沈外，戲馬臺荒感慨中。
醉把茱萸懷弟妹，不知烏帽落西風。

平湖爲山陰鏡上人賦

萬頃平湖枕越城，短篷如在畫中行。
波浮霜鑑金南郭詩集

卷三
十七

汲古閣

輝瑩山擁水壺玉，氣清霜翠蘭苕酣。
淨綠天光雲影照，空明知章一曲應。
分得用作沙門宇，與名

次曹雪林見寄韻

告老歸來贊已秋，山中蘆葦境深幽。
田園已遂陶彭澤，鄉里爭稱馬少游。
戲彩庭前思遠道，解纓風外濯清流。
新詩題寄渾難和，筆力高於五鳳樓。

千山訪曹雪林劉深雲周雲陽看菊花雲莊

有詩次其韻

千山盤曲帶諸峰，與客尋幽向此中。
谿色秋同天

色淨離花曉裏露，花濃雲林泉石清。
深處人物衣冠太古風，酌酒賦詩忘路遠。
放船歸晚意無窮。

並頭鶴頂紅菊次雲樵韻

翩跹籬下合歡叢，研首昂昂沁淺紅。
湘浦淚沾仙羽若，喬家醉嗅晚香同。
秋宵併作繁華夢，春色勻光隱逸風。
自昔栽培無此本，丹鉛圖寫待良工。

黃白二色菊

一本花敷二樣芳，試稽別譜異尋常。
東籬夜結金銀氣，彭澤神游坤兌方。
正色半隨霜露改，晚香潭

卷三
十八

汲古閣

似蝶峰忙蠟葩，月采爭輝潔漁隱。
詩篇久播揚清漢，詞蝶粉蜂黃苒苒。
漢隱有黃白菊詩

次林泉韻簡雲莊

慈親堂上笑開顏，面觴歸來落照間。
一刻分疏投栢府，諸郎迎候出林關。
風塵涉世情當適，鳴鳥忘機息自閒。
開歲元宵無幾日，入城好約看燈山。

丁丑元日分韻得生字

土牛饒臘三元正，玉燭調和四海清。
老眼細看新歲曆，白頭偏動故鄉情。
人家競寫宜春帖，宰相寧

無列火城圖軸高縣鍾進士怪精也復可憐生

謁貞烈廟

元封英義武惠正應王

義興縣裏長橋外祠宇巍然枕碧虛華哀端居英義像穹碑深刻右軍書斬蛟射虎傳今昔盡孝全忠耀里閭一權經過來致謁石香爐畔整冠裾

過石臼湖

四圍漲塞中流淺一日風帆百里程勢敵洞庭天所設形侔石臼古來名鳥隄黑豕千群亂碧艸黃沙萬頃平幾處空林皆可画扣舷吟咏豁高情

南邨詩集

卷三十九

汲古閣

三月朔日入都門

欣欣灌木衛圓丘滾滾長江控上游虎踞龍蟠真聖主天開地設古神州五雲宮殿參差起萬國梯航遠近柔何幸布衣膺寵命擬隨仙仗覲前旒

二日早朝

雞人三唱送殘更禁鼓聲繁日未升白玉構橋聯五仗黃金題榜權觚稜班傳臚句朝儀肅樂奏蕭韶旦氣澄瀟坐正中天只尺叩頭丹陛益凌兢

到家

頭白衰年一病身輕裝來往倏三旬五城街市經行遍數畝田園入望頻芳艸落花吳苑夕短帆輕繫潞湖春到家菊茂秧田綠老作皇明治世民

過鳳山錦溪橋

錦谿橋下水平谿楊柳條長拂岸齊參政張璠寶坊徐義幻劫右丞先塋可悲淒漁船檜楫雙雙短酒店茅簷處處低市井荒涼風景異老鴉啼過亂雲西

白醉樓爲范文鉉賦

南邨詩集

卷三十九

汲古閣

目鉉金鑪

唐高舉進通館冬月初出錦云隨指日折膠夢想曝背金鑪騰空映蒼白醉

出初簷闌凜冽氣全蘇心情酣樂非因酌體骨融和似欲扶西閣吟成唐杜老詩集有西開舉背篇寒時作息宋田夫負喧事見列子幕天席地從吾意元元陶陶一念無

送王思廣還常德衛

名弘

王立長身意氣多相逢忽在鳳山阿晉朝人物王文度漢代將軍馬伏波銖甲枕戈曾報效錦衣傳徽謾婆娑東風二月桃源路騎翩翩奈爾何

蓮月軒在華亭東林寺爲矩菴方上人賦

鑿沼栽蓮半畝強開軒數席坐端相從來水月真

靈境化出巨廬古道場免影淡籠銀囊淨水輪清

碾玉簪香要知影色皆爲妄本性圓明意味長

寺
殿奉觀
音大士

寒碧軒爲玉岩連上人賦

花惟簷菊樹旒檀地位清高眼界寬雲彩半分水

鑑碧天光倒浸露帶寒靜凭曲檻蒲凡趣宴坐曾

軒習止觀本性空明猶湛水未教風外起波瀾

南邨詩集

卷二十一

汲古閣

洪武三十一年閏五月初十日亥時 大行

皇帝崩十六日 皇太孫卽位十八日大

赦天下改明年爲建文感而恭賦

先帝消搖游碧落 神孫瑞拱坐明堂 九重統

握乾坤大萬國恩沾雨露香動植穰潛滋德色都

俞吁唏慶明良老臣舞抃南邨底笑對兒孫兩鬢

蒼

閱畊 陳處士
號也

小築瑤谿水北莊閱畊杖屨日徜徉父舊子播知

無逸妻饁夫耘散有常好雨三時禾毓秀涼風七
月稻吹香相逢田畯談農事西陌東阡幾夕陽

中秋夜對月

八月平分秋正中飄香桂子落長空十分圓魄年
年好一道寒光處處同清淚忽來蓬島鶴亂吟不
斷露莎蟲南邨未讓南樓在治世琴尊屬老翁

乙卯元日

鳳曆新頒紀建文初元正旦上晴敷 一人聖德
敷皇極萬物光輝沐湛恩家世傳來書滿案賓朋
南邨詩集

卷三十二

汲古閣

致賀酒盈尊太平如此誠難值只願年年子又孫

題唐涿州橫雲艸堂

三泖移居屋幾楹青山一帶與雲橫翠芬落几琴
聲潤玉氣浮階鶴夢清胡竹專城施政教縣車故
里養尊榮杖藜莫厭相過數好付兒郎管送迎

城市山林爲孫子華賦

我家住近古城陰隨分生涯豈用心佳菊移栽秋
架架修篁羅植畫森森潯池環匝泉源活門巷幽
閒徑術深祇爲長年耽野趣旁人都道是山林

送上海知縣司公守道赴召

妙揀憲臣來作宰文星天上照雲間薦賢名奏麒
麟殿戀關心馳虎豹關駐轂邑門雷續去借船浦
口載書還東南賦稅民罷病答問應知動聖顏
送人才何公遠

朝端奉旨舉賢才使者馳書海上來琴冊緘封榮
組紱衣冠飲餞列尊罍五城樓閣雲烟繞萬國山
河錦繡開聖主臨軒求治切奏陳利病莫遲回
題靖州衛陳指揮凌雲堂

南邨詩集

卷三

汲古閣

指麾訓練渠陽奕奕名堂結構全五彩翬飛昭
武烈八宵洞啟樹機權拋書草檄風生席握槊談
兵月滿天他日論功須第一凌雲發轡上凌烟

次胡萬山韻答陳祠部

坐樹疏梅試一吟紛紛霽雪落長林料泉石鼎烹
山茗溫火金鳧熱水沈幽意漫隨寒日淡故人遙
住白雲深試看題寄新詩句珠玉篇篇有賞音

題沈宗文竹梧軒

竹梧竝植近軒墀一榻清風日自怡玉立娟娟水

雪操翠融挺挺鳳皇枝昌黎輪勒王孫誌工部吟
題省署詩琴瑟斷成笙管截明廷九奏致雍熙

送俞知縣嘉言之魯山

皇朝進士聲華重藩邸清曹正劄班有旨召
除分宰出叩頭請告送親還疏章切嫺長沙傳組
紱行之古魯山百里塗謠稱善治傳家定達五雲
間

送友之官

握手河梁酒一危若爲會合在何時前旌刻刻催

南邨詩集

卷三

汲古閣

行邁疏柳蕭蕭館別離明月圓虧千里共尺書往
復半年期願言清慎修吾職早晚高遷侍玉墀
送李給事中行恕服闋之京師名敬

給事

先皇內六曹緝熙九法獨稱勞音由音苦聖

室終賴制旌旆蘭舟試錦袍玉筍聯班黃道直宮
花簇仗紫垣高清朝事業光千古黼黻鋪張屬俊
髦

五日次萬山韻

奪標競渡快輕狂憶昔游觀力尚強艾顆雖離佳

巧製樞花朵殿群芳辟兵人佩靈符小弔古江
沈角黍香晚起画梁雙語燕似知節序說興亡

景辰張先生較文福建歸林公崇高画閣溪

放權圖賦詩其上以饒因次韻就題

一權閣溪下瀨船千巖萬徑路勾連榕陰處處浮
嵐外杜宇聲聲落照邊考試來臨多士上官游向
在十年前故人分手難爲別寫得雲山上蜀牋

松齋爲玉峰秀上人賦

上人遠自海東來爲愛青松到處栽花落石牀間

南邨詩集

卷三
二十五

汲古閣

不歸聲和天籟定初回折將席上爲談柄

大明法師事

畱向山中具法材幾欲裏茶林下煮高齋賦咏六

幽哉

鍊篇爲張以道散人賦

冶師百鍊昆吾刀范出錚錚七竅篇把弄豈伴龍

躍琯奏成好列鳳儀韶清風赤壁三千頃明月揚

州廿四橋海上散人攜作伴較渠思致我猶饒

題許彥清松鶴軒

奕奕高軒結構成種松養鶴遂間情翠濤翻處鳴

逾遠金粉飛時步覺輕衣溼長防清露滴枝蟠不
怕舊巢傾歲幾五粒真堪啖相與長年已訂盟

臘月廿七日雪

立春三日雪花稠作陣隨風卒未休屋宇高低銀
蓋覆郊原遠近玉雕鏤將軍好問平吳策高士誰
乘訪戴舟九萬車夫多凍餒定應未到濟寧州
月松江府起差民丁九萬名赴濟寧陸運糧米九萬石至德州軍前

送教諭沙允恭赴禮部試易經

袖行薦剡謁南宮白鶴長鳴蕙帳空花氣春濃薰

南邨詩集

卷三
二十六

汲古閣

錦旆柳絲風軟拂青鸞世承雨露詩書澤筆補陰

陽造化功應試歸來須一月離筵勸酒莫恩恩

送夏西疇還寧夏

歸來已是十年過行李蕭蕭兩鬢皤紫塞冰霜還
部曲清秋風雨去關河潮浮短棹征途遠酒盡離
觴別恨多從此音書應更少斷腸分手淚滂沱

送道士葉道心游武當

均陽雄鎮武當山金闕宏開縹緲間龍虎風雲環
紫極龜蛇水火闕玄關杖藜逢道秋行役憶節層

壇曉綴班此地消搖酬夙願丹成九轉未知還

送陳子章赴王家漢館所

多士雷連醉別觴琴書一棹水花涼郊原不異東西讓主客何分上下牀白髮垂垂勞授業青衿濟濟快升堂弦歌聲輟閒情好定有新詩爲我將

送戴叔溫赴京

堂堂廷尉重詳刑幕下賢郎案牘清計宅憂喪有制釋衰還吉禮無傾船從三泖湖頭發路向丹陽郭裏行此去功名渾好在秋風買酒叙離情

南邨詩集

卷三
二十七

汲古閣

送廷采還黃鶴山中三首

廷采宋宗室諸孫世家越之姚江從外舅氏黃鶴翁讀書武林山中其爲人趣操高尚進止雍閒博涉書傳外喜吟咏尤善山水竹石擅一時之美大抵胸中所養不凡見諸筆下者自然超絕今年春復游淞江得相與往復兩月許忽懷故山猿鶴翩然賦歸日抵葺來告別燈下書此以餞兩眼昏花殊愧草率

木葉蕭蕭小雨零西風鼓櫂耀晚潮生江山形勝歸圖寫今古詩篇付品評乘興漫窮登眺樂懷人不盡別離情惠惟黃鶴應無恙此日歸來思益清

黃鶴山中夙著聲丹青文學有師承前身直是王摩詰佳句還宗杜少陵溪上曉來烟似暝江南春盡雨如泥扁舟催發輕離別作惡情懷老不勝

霜落松江水氣清風前一舸白鷗輕十年已是三番別兩地都來幾日程長髮蕭蕭憐我老枯盤故故惜親情開春有約重攜手不在吳山定越城

南邨詩集

卷三
二十八

汲古閣

送邵升遠應聘之京

朝廷歲歲徵遺逸奉詔蒐羅在有司深巷窮經端可樂諸侯勸駕不容辭天威只尺黃金闕虎拜三千白玉墀清問從容及民瘼東南黎庶治雍熙

送張有秩御史制閩如京師

五采冲霄見羽儀龍蛇研影快清時報親讀禮三年畢事主揚名四海知擢薦班中曾抗疏鳳皇臺上好題詩滄江画鷁潮催發不盡離愁酒一卮

送錢敬叔歲貢赴禮部

名讓

龍頭不待鶴書招勒駕賓筵禮數饒片泮泳游才
孔雋鵬程奮翥氣彌高九山菁色浮江渚十日春
風拂柳條一曲驪駒頻喚酒離愁楚楚政難消

送薛應翔人才之京

沿牒喜從鄉老薦西船捷發江城馬空冀北標
雄逸鳳起河東仰 聖明萬國朝天黃道直五雲
擁日泰階平旌旗研影三千字朱紱銀章被寵榮

送徐思勉應聘書 詰敕

寒谿鼓櫂赴弓招雪點輕裝錦作袍日侍殿庭沾

南邨詩集

卷三
二十九

汲古閣

聖渥職書

綸綍遙清曹鸞回鳳舞金花軸鏡畫
銀鈎玉兔毫九萬鵬程從此始登瀛視艸步彌高

送曹士望應聘書 詰敕

丹詔徵賢上玉京艸堂動采樂文明一經風繼春
秋學三事難忘仕宦情信曲聲牙周詰古森嚴開
朗晉書精入鑒臨辛酉清日奏對鋪張屬俊英

送貢士蔣時俊之京

名 庚英

聖世崇文治敎隆歲徵多士赴南宮賢關上舍高
升日泮水西齋靜學功夜雨寄懷三徑竹春風得

意五花廳臨岐握手難爲別尊酒何時笑語同

送張宗武

宗武應聘入京余以師生之義偕親友四

五人送至姑蘇別洪武已巳正月四日晚

解纜明日大雪深二尺許又明日雪霽過

澱山湖賦此以簡同舟之能賦者

小舟衝雪向來曾如此湖山喜快晴萬頃濶雲

浩渺一峰危立玉崢嶸寒生毳褐清尊益色映鳥

紗白髮明只怕聞門明日到春風惱亂別離情

南邨詩集

卷三
三十

汲古閣

贈龜卜金谷祥

周官太卜寶神龜旦旦梁黃黃絹裹梁渚被之造

灼鑽研茶按式謀爲机陞用猜疑一人能了三

人識諸兆還從四兆推獨有谷陽金處士傳家術

業遠於斯

志喜

洪武庚午五月至六月彌月不雨松江命

方士陸雲瀾建法壇仙鶴觀禱焉余所居

長泖上去城北三十餘里地勢高亢河流

潤禾稼悻民惶惶無所措十四日未申之
交雷電以風急雨隨至十八日又雨潮汐
復大作酒者溢悻者榮因以志喜問城中
人雖涓滴無有也

翹首甘霖久不霑火雲赤日勢如倏枯樺聲斷川
流竭穠經苗枯暑氣炎迅電掣霆誅厲魘蒼龍飲
海扶飛廉四郊滿慰三農意從此豐年可預占

次天淵韻二首

辭親祝髮已真休孰肯將心憶故丘禰榻熏爐從

南邨詩集

卷三
三十一

汲古閣

昨夜雲筇雨笠幾春秋朝廷制下催歸籍羅剎江

橫去買舟公案參餘千七百明年試罷復來游

風采飄飄若貫休相逢猶憶在丹丘多師妙闡三

乘法老我愈添兩鬢秋落荷清芬浮雅製鳳皇空

翠落歸舟到郵應是無多月又向金陵賦遠游

寄草松之耶慶寺寺有繪經堂曰
燕肅休鳳皇山在寺之東北隅

邵弘遠用陳祠部韻賦詩見寄和以荅之

故鄉遙隔一谿青眼底湖山興趣增菊本賸栽多
按譜魚秧新種未容曾舊藏書富縣蠶皮重慶堂

高衣采登未卜何時能往訪懷人長望御雲層
青出於藍分外青承傳世學喜加增濟川舟具帆
檣舵漁海人資網罟管一斑懸淺見天門八
翼會高登老余待盡南邨裏屋上添茅歲歲層
送鄉貢進士錢宗善餘慶吳時緯仲文溪克
潛綱赴京會試

一從鼓篋見奇才高步蟾宮折桂來聖世設科羅
俊彥春闈較藝奪高魁柳陰繫馬深松勸江上揚
帆急鼓催此去定知逢慶會奎光昨日燭三台

南邨詩集

卷三
三十二

汲古閣

新水生時一櫂輕吳淞江上雨初晴會知富貴能

相逼決取科名在此行龍虎榜高濃淡墨鳳皇臺

近古今情瑯林宴後還登覽萬國山河共帝京

東風攬轡過長干楊柳青絲拂綉鞍塲屋競誇攀

桂手文章深種主司官泥金寫帖紙書寄燒尾開

筵共客歡玉陛臚傳當第一班催鵲鷺立朝端

和張賓陽西疇汎舟韻二首

平疇積水欲成湖未有良工寫作圖晴日瞻聽收
宿靄暖風和暢拂春無綠楊紅杏韶華麗白舫青

簾主客娛老子放懷成痛飲醉循歸路日西瞢
淅水茫茫接澱湖人家如在輞川圖日明練色涵
青嶂風細鱗紋漾綠蕪打鼓踏車農事冗放船攜
酒客情樂飲闌同叩鄰姬戶嘖茗聽謳直至嘯

故社士姚文實輓詩

啟祠抱主鄰炎熄封股煎糜父病痊一代衣冠今
社士百年詩酒古神仙高風雅入名人傳孝行宜
登太史編欲訪清游已陳迹空山短日思淒然
賜壽社士年七十三卒
國子學錄錢肅作傳

南邨詩集

卷三
三十三

汲古閣

哭趙廷采儼

餘姚江上故王孫黃鶴山中請世昏水玉聲華過
衛樂丹青事業在乾坤半途忍棄妻兒面一念應
懷父母恩泚筆爲修潛德傳無多老淚只銷魂

悼周通玄鍊師

史君延致禱雩壇電掣霆流起劍端秘訣曾傳香
玉檢長生未服紫金丹月升海嶠須啼切露溼松
巢鶴夢寒雲屋秋扇風落木似聞環珮尚珊珊
雨勞神得疾遽運而亡
洪武丁卯八月十六日

臘月癸亥立春喜晴三首

一冬淫雨動彌旬今日初晴值立春八表蕩陰陰
冷盡萬民瞻睹太陽新土牛綵仗寒猶沍蔬甲雕
盤綠未勻林下老翁增壽紀宮花不上小烏巾
開歲三元尚一句東城蕭鼓已迎春辛盤切出絲
絲細花勝簪來朵朵新柳眼蹙金猶淺嫩梅腮傳
粉已輕勻臘醅缸面浮香螳不負吾家漉酒巾
霖潦相仍幾浹旬和風麗日逗香春龍精戒旦陽
交泰天子崇文曆換新檻外柳高金縷弱庭前

南邨詩集

卷三
三十四

汲古閣

已巳七夕立秋次胡萬山韻

艸短羣茸句老夫還怕餘寒在暖耳難除白氎巾
頭童齒豁鬚毛衰老人徒添宋玉悲天上雙星應
有約人間一葉似知時綵樓香滿涼生早銀漢橋
橫火度遲此日報秋端罕遇呼兒捉筆和新詩

白露日桂花開次張一高韻

池上曾軒日夜開天垂銀漢洗浮埃岩花初見丹
英吐節候新交白露來細細古香吹小榻濃濃清
氣落深盃蟾宮此夕知何夕老子神游不用猜

洪武庚午正月七日雪

東皇在御未班春
滕六呈祥景物新一夜
花明夜果列九山
玉潔曉精神清浮刻曲
懷思權淨洗邊疆
戰伐塵百殺有秋端
可望艸堂紀詠屬詩人

十日喜晴

九日春霖曉忽晴
鵲鳴婦鳥和鳴麥畦水漫入
疏濬梅驛泥融客問程
景象從今還好
在江山依舊可憐生
待看三五燒燈夜
蕭鼓聲中樂太平

七月廿四日喜雨口號

南邨詩集

卷三
三十五

汲古閣

鏤石流金暑肆威
樟聲響荅稻將疲
天濡霈澤三時久
水漫枯疇二寸奇
雨玉雨珠那可濟
維縻維芑實堪期
黃童白叟爭稱道
太守虔誠爲我祈

八月初二日喜雨次林秉夔韻

水涸田枯若漏瓢
桔槔聲動徹肩膏
滂沱雨澤驅炎熯
決渰潢汙混海潮
今歲定期秋稔熟
前邨已收稻枯焦
農人鼓腹齊歡躍
管有糧儲奉聖朝

十一月廿七日雪賦禁體詩一首明日小寒

九宸裁剪密還稀
驢背旌亭索酒時
剡水懷人乘

逸興梁園授簡騁妍詞
小寒紀節欣相遇
瑞兆占季定期莫型獅
兒供一笑塲來煮茗快幽思

七月十四日書事

雲霧冥迷風暴烈
雷霆擊薄雨滂沱
十圍大樹相隨壓
百丈神龍競逐過
潢潦驟增疑漫海
溪流直立似縣河
天威未霽誠當懼
冠服兢兢念靡它

南邨詩集

卷三
三十六

汲古閣

南邨詩集卷之三

終

南邨詩集卷之四

題墨竹

把燭倩官奴娟娟入畫圖秋聲風雨外照見碧珊瑚

珊瑚

蒼梧帝子游蕭瑟倚清秋一握水繞裏長縣翡翠

鈎

題統扇折枝竹

翦來青鸞尾挂向珊瑚鈎明月照清影一握湘江

秋

南邨詩集

卷四

汲古閣

題西菜

曉起畦丁送長齋思益清平生耽此味厭說五侯

鯖

題飛鳴宿食百雁圖

碧漢斜書草草清宵衆語離離莫向蘆花深處江

南稻熟秋風

題林亭高士圖

岩縫衣冠逸士松篁琴酒閒亭坐看雲生遠岫一

江春水冷吟

題落花游魚

蒲抽翡翠茸茸花落蘸脂片片曉來戲咬游魚雨

霽綠波如練

題王黃鶴竹石便面

貌得貧富墨未乾蕭蕭離立萬琅玕此君心事堅

如石一握清風拂而寒

趙海寧長松高士圖

春雷喚起蒼龍蟄鱗甲蜿蜒雲氣溼道人長鑣刷

茯苓半天風雨山精泣

南邨詩集

卷四

汲古閣

苒春雜興次顧君舉韻

漁父鯉魚長尺半提攜不受人家喚當壚解縛換

酒歸爛醉滄江杏花畔

趙待制山水

山外溪平不肯流山前喬木易知秋水水晶宮裏清

幽地不信無人著釣舟

侯仲治風雨歸莊圖

黑雨橫江天漠漠饑蛟怒吼驚濤作扁舟冒險且

歸來正恐明朝風更惡

清曉過南屏

漏盡銅虬夜未闌
曙星炯炯碧雲端
馬頭籠燭衝寒去
直過南山第二關

宮詞三首題王叔明士女

關門傳詔宴龍池
宮漏穿花月上遲
半擬承恩供奉處
縷金團扇乞新詩

大家妝著闌時宜
等候君王看月嬋
三十六宮清夜永
幽情不許外人知

水晶別殿十分涼
金碧平橋近建章
直罷歸來成

南邨詩集

卷四

汲古閣

小立花深驚起宿鴛鴦

題張渥湘妃鼓瑟圖

朱絃促柱鼓湘靈
霧鬢風鬟下紫冥
萬頃碧波明月裏
曲終惟見數峰青

題賈相海上人滄江一粟詩卷

剗刻輕於脫瓣蓮
飄飄一葉寄栖禪
風休月白波濤靜
覺海重乘大願船

次韻曠講師南仲牧閒園雜詠十首

樹林鬱茂卽祇園
種藥栽蔬要剪繁
甘菊醫方能

療目頻分野老淪
昏

蒿藜非類便須鉏
菜甲青青小雨初
更待明年春筍出
就林燒熟味如酥

曲徑傍邊蒼蘂頭
朵朵綴瓊簪
經餘未把袈裟解
靜嗅清香坐樹陰

日涉名園引興長
綠陰多處石牀涼
花時那似今番好
翠篠娟娟過粉牆

幽艸疎花靜裏看
桐陰穿籐坐蒲團
頓除妄念機緣息
方寸無縈眼界寬

南邨詩集

卷四

汲古閣

萋萋青青早芥紅
引流分灌露華叢
園丁采掇供香積
日日攜筐向此中

小築垣墉綠四陲
前頭卽是梵王祠
沼花新吐芬陀利
石鉢溪泉獻一枝

新添野園四無隣
埽徑時時款逸民
展席松陰談妙覺
我來借榻或經旬

芳艸池塘蛙亂啼
青松未長鶴巢低
坡陀誰種閒桃李
玉立修篁箇箇齊

牧閒不與世爭能
雲護柴關玉作層
客到莫嫌無

供養鑿池栽藕種菱菱

題圖二首

抱琴高士

重重綠樹護清溪
欲覓知音路轉迷
布襪青鞋吟未了
又隨野色過橋西

停舟高士

落落長林水一灣
綠陰多處白鷗閒
畏途塵滿無心踏
獨坐船頭看晚山

次韻題柳燕

南邨詩集

卷四

汲古閣

溶溶綠綠漾芳堤
一握柔絲剪未齊
簾卷東風疎雨歇
落花香染定巢泥

題楊士賢山水

風雨歸舟

山雨溪風晚未休
蕭蕭落葉滿汀洲
漁船罷釣歸何處
眼底狂瀾正可愁

雪林行旅

積雪寒凝畫不消
瑣林琪樹聳孤標
寄言逆旅休辭倦
西崦人家路尚遙

題馬遠竹溪吟奕圖

好詩應向過橋成
逸興還從對局爭
此日山林無一事
竹香細細晚風清

爲謝居士題畫冊

山中隱居

小小茅茨住碧山
柴門無客畫長關
移家更入雲深處
城市終年不往還

竹深避暑

萬竹林中草縛菴
溪聲隱隱隔雲嵐
日長客去收

南邨詩集

卷四

汲古閣

經卷一枕清風睡正酣

題本原上人悟雪卷

雪滿千山初定起
瑣林玉樹總如如
湛然常寂心無染
清靜圓明等太虛

題袁安臥雪圖

玉琢芙蓉朵朵開
乾坤清氣費詩裁
先生一榻高千古
不管門前縣令來

題綠竹蒼石圖爲萬竹山人壽

粉香翠影碧琅玕
丹鳳林中第一竿
雨露恩濃磐

石固清風日日報平安

題畫梅

梨雲落莫錦雲低
誰些水魂上赫蹏
玉骨從來無此色
想應新浴武陵溪

右紅梅

明月孤山處士家
湖光寒浸玉橫斜
似將篆籀縱橫筆
鍊線圍成箇箇花

右墨梅

題墨芙蓉

南邨詩集

卷四

汲古閣

西風采采媚秋光
絳節朱顏翡翠裳
只恐夜深青女妒
洗妝研照墨痕香

題和靖觀梅圖

小朵遙岑隔翠漪
背籠衣袖立多時
暗香浮處催詩句
落月昏黃分外奇

題趙廷采溪亭讀書圖

溪山高處構茅亭
四面芙蓉朵朵青
新水夜來添一尺
湘簾高捲畫橫經

題雲莊耕隱圖

亂雲深處水回環
南畝無多屋數間
曉起一犁春雨足
夕陽牛角挂書還

題觀瀑圖

千峰紫翠插芙蓉
上界招提有路通
更向石橋觀瀑布
玉虹萬丈挂晴空

題雙松獨釣圖

雙松偃蹇水投籃
幾疊遙山送碧嵐
一葉釣舟輕似葦
短蓑烟雨老江南

題張叔清采菡圖

南邨詩集

卷四

汲古閣

秋風江上紫菡肥
童子攜筐采撥時
獨有東曹能命駕
至今此味少人知

題夏士良修篁芙蓉

故人一別兩平過
寫寄相思恨轉多
欲采芙蓉隔秋水
只聞江上竹枝歌

題畫菜

蘆菰生兒菜有孫
露芽雨甲媚盤飧
自知肉食非吾相
抱瓮何辭日灌園

繞屋蔬畦稱食貧
雨餘齊茁畝苗新
山庖頓頓珠

風致天上酥酡未足珍

題梅鶴高士圖

月明孤鶴唳前汀一樹寒梅護石屏香篆已消重
子倦道人猶對葢珠經

客窗聽雨四絕句次南山韻

十年歸夢刻溪船眼底江山若箇邊春事寂寥人
意懶一天風雨共愁眠

蕭然一室小於船那得心情到酒邊只怕今年無
菜麥悶來拋卷曲肱眠

南都詩集

卷四

汲古閣

處世真猶上瀨船紆紆人事浩無邊就中亦有清
閒者醉卽高歌倦卽眠
新種垂楊可繫船尋盟日日到鷗邊當年曾向巴
江泊政似如今聽雨眠

題詩意圖

杖藜訪友趁蕭閒采藥山中待未還流水石橋松
影合溪童指點亂雲間

題倪雲林枯木竹石小景

蒼玉庚庚翠袖扶墨池洗出碧珊瑚倪顛老去風

流盡只有雲林小圖圖

題墨梅

花光三昧幻冰魂滿紙春風帶墨痕好似孤山亭
子上一枝斜映月黃昏

開泖口號四首

縣民應役開長泖兩岸高低菜麥空程限不嚴功
力怠監官酣酒舞裙紅
四十里長橫泖路會工都用六千人開挑兩月無
成績主典汗傭欠拊循

南都詩集

卷四

汲古閣

溝渠堰塞爲開河河未開通雨轉多水浸麥根渾
爛卻今年生理竟如何
萬農憂額額蒼旻莫把春霖困下民種得稻禾供
餽餉全資二麥濟飢貧

題鵲鵲

湘江岸口黃陵廟苦竹叢低雨氣昏相喚相呼泥
滑消長途多少客銷魂

題金華趙彥如所藏畫軸

婺女光芒地岬靈天潢倒影湛清冷眼前不盡登

臨意都在溪山一草亭

題和靖擁爐覓句圖

一童一鶴住西湖千古高風識
圓闌水影月香成絕唱苦吟猶自擁寒爐

題黃葵

西蜀孤芳分外清嫩黃
新染越羅輕自從承卻金
並露向日檀心一寸傾

題雪景山水

碎剪銀河片片零
芙蓉開徧玉峻嶒
八窗洞啟虛

南邨詩集

卷四
十一

汲古閣

生白好似蓬婆最上層

題葵花雉雞

向日葵心嬌不移
援琴閒操雉朝飛
仙人掌上金
並露滴著娟娟五彩衣

題人物山水

古賦裁成學遂初
山童研墨且徐徐
石頭几上溪
藤滑旋拂松花對客書

爲許玄伯題圖

黃菊

道人小葺柳邊莊
三徑西風逗晚香
按譜秋葩班
異品堂堂正色御袍黃

緋桃

學會徐熙筆法奇
濃磨翠屑襯胭脂
武陵溪上神
游熟寫得春風小折枝

題黃葵聚蜂圖

亭亭花萼娟秋光
露滿金栝蝶翅涼
二月好春渾
忘卻亂飛爭戀御羅黃

題清暑觀瀑圖

南邨詩集

卷四
十二

汲古閣

隔岸林泉照眼清
玉虹千丈挂空青
松風謾謾涼
如洗一段匡廬九疊屏

題倪元鎮雲岫溪亭圖

扁舟昔日惠山前
暑茗來烹第二泉
清閑老仙呼
鶴處岡頭亭子尚依然

題林子山圖大韻

子山乃松雪外孫
家有其圖休承

一箇青松覆小亭
香浮菡萏遠逾清
日長無事拋
書坐靜聽紋楸落子聲

題荔枝

大唐置驛貢遐方火齊虬珠累蔗漿博得玉環繡
一笑敎坊曲奏荔枝香

題曹雲西雙松圖

御雲西畔一詩翁
畫法營丘理趣融
四十年前經此地
雙松無恙草堂空

題萬玉圖

踏雪尋梅訪老逋
西泠橋外小山孤
疎疎密密花爭發
好似傳來萬玉圖

題王若水戴勝

南邨詩集

卷四
十三

汲古閣

桑樹柔條葉已空
晚來獨立語東風
纖絃自是閨房事
喜得須催早獻功
片片疎翎列頂旗
娟娟文羽攬春輝
邊庭大將能知汝
獻捷封侯戴勝歸

慈雲十詠

靈峰古剎

衆山羅立小爲尊
一朵靈峰啟法門
氣聚風藏龍脈遠
元符寶殿尚孤存

慶雲禪關

慶雲五色照清溪
郁郁紛紛望遠迷
第一禪關從此入
西頭卽是古招提

嗜師全身塔

一定千年與世忘
當時起塔謹安藏
如今試敎雲龕鑰
爪髮還應幾許長

竺師覺花堂

繽紛天雨寶優曇
聽法升堂總戒嚴
頓悟此心成一笑
阿師不待覺尊拈

運師芥子室

南邨詩集

卷四
十四

汲古閣

維摩方丈未爲奇
我室呼如芥顆宜
三萬二千師子坐
蒼來尚可踢須彌

蒼菊林

蒼菊花開玉朵橫
清香滿室似旃檀
五千餘卷都披卻
四十二章寧浪看

松閣看雲

長松落落遠塵寰
重閣陰陰莫碧山
盡日跼蹐自怡悅
禪心已共白雲閒

蓮池詠月

沼中淨植芬陀利天上高懸白玉盤香遠光清宵
更寂梵餘徒倚石闌干

層巒拱翠

雲屏九疊自天開龍象森嚴震法雷莫怪山靈無
供養六時朝禮送青來

雙溪環碧

流水縈紆遠接天一支分入寺門前且教聽講蒼
龍盤菩薩來乘大願船

庚午十二月十八日雪

南邨詩集

卷四
十五

汲古閣

滿載寒花玉氣浮野航一箇小於甌曉來試上城

頭望碧海金山兩白鷗

辛未八月廿三日大風雨口號

大風怒吼雨如麻入得更深勢轉加曉起忽聞墻

外語今年只損木棉花

辛未子月廿三日

朔風顛號樹木枯層冰積雪凍糝糊三冬酷冷無

今日獸炭頻燒醉玉壺

癸酉五日六日陰七日雨

兩日寒陰人日雨不堪吼地北方凝馬牛耕戰人
供億百穀豐凶未可知

穀日雨

寒風翦翦雨冥冥水白雲黃菜麥青聽得老農墻
外語今年不得看麥倉含星

九日雨

終日淋淫不肯晴晚來片片雪花零竹爐熾火驅
寒氣缸面分醅入夜餅

赤脚雪

南邨詩集

卷四
十六

汲古閣

雪停五日未全消雲淨天清氣汰寥故老相傳名

赤脚來年山岳要枯焦

十二月初一初六兩日聞雷

今年臘月兩聞雷號號聲從何處來陽不閉藏先

出地下民修省可禳苗

丙子五日甲子雨

正月上旬逢甲子試稽農曆定豐年奈何終日風

兼雨又恐乘船入市塵

三月率諸生赴禮部考試

應試南宮聽考研諸生背讀寫鳴泉清曹儀制額
分領次第編名奏奉天

十日給賞

講明三誥闡王言億萬師生沐湛恩曉起內廷催
給賞謹持寶格出端門

十一日謝恩

四更來遙紫宸班恭謝 皇恩仰聖顏五拜禮嚴
三叩首春風兩袖趣東還

八月六日白露

南都詩集

卷四
十七

汲古閣

今朝白露亥時交小雨霏微向日捎野老爲言無
過慮歲豐天意已先教

廿三日

打窗風霰五更頭寒沍重陰晝不收積水森漫天
一色望窮只益老農憂

二月六日出二竿許松江府城爲黑氣象

蔽若重霧然人對面莫辨誰某一飯頃乃
散附城五七里間亦如是較之城中原稍

輕耳此時處處鄉邨風日妍麗

黑氣冥濛壓府城路人交臂只聞聲須臾消散清
如掃未卜將來作麼生

臘月五日早霜

驚鷺萬瓦玉參差青女橫陳肆臘威曉起推窗疑
是雪稜稜還向太陽晞

月九日

穀日宜晴翻作雨明朝西北大風狂 聖人在御
民安樂未必天心降不祥

廿八日雪

南都詩集

卷四
十八

汲古閣

杏蕊嬌紅柳眼青東風陣陣雪花明春光已是三
之一底是嚴寒砭骨清

十一月朔大雪節早見雪

狂風昨夜吼稜稜寒壓重衾若覆氷節氣今朝逢
大雪清晨瓦上雪微凝

臘月乙卯日巳卯時雷從西北方起

連朝氣候若春溫曉日曛曛忽慘昏一道金光飛
閃電雷聲就震天門

正月十七日

上元次夕月華明雪霰繽紛欲二更曉起作花飛
向日苦寒砭骨勢崢嶸

正月廿二日夜三更雷始鳴

風狂雨急夜三更隱隱春雷已作聲
節候數來先十日多應群蟄未全驚

南浦

會波邨在松江城北三十里其西九山離
立若幽人冠帶拱揖狀一水兼九山南過
邨外以入于海而溝塍畎澮隱翳竹樹間

南邨詩集

卷四
十九

汲古閣

春時桃花盛開雞犬之聲相聞殊有武陵
風槩隱者停雲子居焉一舟曰水光山色
時放乎中流或投竿或彈琴或呼酒獨酌
或哦咏陶謝章柳詩殆將與功名相忘嘗
坐余舟中作茗供襟抱清曠不覺度成此
曲主人卽譜入中呂調命洞簫吹之與童
子擢歌相答極鷗波縹緲之思云

如此好溪山美雲屏九疊波影涵素暖翠隔紅塵
空明裏著我扁舟容與高歌鼓柁鷗邊長是尋盟

去頭白江南看不了何況幾番風雨
一畫圖依約天開蕩清暉別有越中真趣
孤嘴拓篷窗幽情遠都在酒瓢茶具水瀟
瀟搖晚月明一笛潮生浦欲問漁郎無恙
否回首武陵何許

一夢紅

賦紅梅次郭南湖韻

水雲鄉又南枝逗暖綽約漢宮妝春艷穠分朱鉛
淺試翠袖獨倚修篁想應道東風料峭剪霞彩零
亂補綃裳勾漏尋真丹丘授訣傲睨冰霜
畢竟南邨詩集
卷四
二十
孤標還在縱天桃繁杏難侶寒香瑪瑙坡頭珊瑚
樹底江南別是風光且莫倚高樓玉管怕輕盈飛
處誤劉郎依舊小窗疎影淡月昏黃

露華

賦碧桃用南湖韻

武陵夜寂記露影璇空一笑曾識素臉暈鉛巧把
黛螺輕羅幕莫是歌渡烟江浣卻舊家顏色還又訝
深宮紺袖唾花猶溼問他阿母消息甚落莫梨
雲青鳥難覓不比錦紅輕薄容易狼籍嫩綠護出

溪頭誰顧采香仙客春晚也頻溫玉笙是得

念奴嬌

九日有感次友人韻

黃花白髮又思思佳節感今懷昔雨覆雲翻無限
態故國寒烟榛棘杜老漂零沈郎瘦損此意天應
識割然長嘯不知身是孤客呼酒漫裊清愁玉
奴頻勸兩臉添春色眼底平生空四海倦拂紅塵
風帽戲馬臺荒登龍人老往事休追惜山林無恙
也須容我高屐

南邨詩集

卷四
二十一

汲古閣

木蘭花慢

大胡筆峰遷居韻

占中山一隅雲掩靄水縈紆便小理蔬畦深鉏菊
團細蕘花衝平生幾番卜隱到而今方稱列仙臚
問字溪翁載酒執經弟子將車猗歟心迹混樵
漁安用絕交書向石上圍棋松陰搗藥樂意偏殊
當年輞川圖画有林泉如此更何如旋買良田種
秫只知吾愛吾廬

月下笛

賦落梅

東閣詩慳西湖夢淺好音難託香消玉削早孤標
頓非昨阿誰底事頻橫笛不道是江南搖落向空
階閒吻天寒日暮病鶴輕啄情薄東風惡試快
覓飛璫共翔寥廓冰魂漠漠謾憐金谷離索有時
巧綴雙蛾綠天做就宮妝綽約待一點脆圓成須
信和美同卻

北第遺兵三吳召募二十餘年播遷羈旅必以寒

帳自隨逆事宵旰即採筆書之投被覆埋於不

南邨詩集

卷四
二十二

汲古閣

入乃為六帖至筆不能及地先年結屋山中深觀為
種瓜每有雨會即所自為詩仰天大笑人莫能望立
堂遂空其伯生編八代詩謂楊仲和加百載後先范德
排心廢悲唇所揭憂顧必美也語自自為洋洋延
老史何獨不曰開元成化疎林早秋第一海雲無寄
茂

南邨詩集卷之四

終

句曲外史集序

陶弘景在齊梁時掛冠居句曲山自號華陽隱居性雅淡愛山水每經澗谷必吟詠盤桓尤喜著書賦詩旁通陰陽醫藥之術朝廷屢徵不起世以高尚稱之後七百餘年當元盛時貞居以儒者抽簪入道自錢塘來句曲負逸才英氣以詩著名格調清麗句語新奇可謂詩家之傑出者當是時以詩文鳴世者若趙松雪虞道園范德機楊仲弘諸君子以英偉之才凌跨一代諧鳴於館閣之上而流句曲外史集

一序

汲古閣

風餘韻播諸丘壑之間貞居以豪邁之氣超然自得獨鳴於丘壑之間而清聲雅調聞諸館閣之上諸君子亦嘗與其唱酬往還雖出處不同而同爲詞章之宗匠辟如軒輊詎知其孰先而孰後耶矧貞居博學多聞襟懷灑落故大夫士多景慕而樂道之也夫隱居負時世先後好尚問學似未可以同日語然隱居之清風高節貞居之雅度逸才亦可謂前春而後應豈非句曲山清爽之氣鍾秀於二子歟以吾夫子中庸之道修己治人金聲玉振

之文昭著於天地間使於學道而望沫泗之科猶未易量也至若奔競功名躁唼聲利醉生夢死不自覺者則二子之罪人也抑其風度其將追嚴子陵陸修靜之武歟易曰不事王侯高尚其事二子其庶幾乎貞居張姓兩名伯兩字貞居其自號句曲外史世人稱之吳郡徐達良夫序

句曲外史集

二序

汲古閣

句曲外史集目錄

卷之上

五言絕句

東漢高士詠十四首

鍾翊

封君達

梁鴻

嚴光

左慈

句曲外史集

目錄

汲古閣

向長

費長房

范丹

龐德公

蒯子訓

王喬

韓康

矯慎

法真

奚官洗馬圖

明皇按樂圖

古意

夜思

玄洲倡和十首

菌山

羅姑洞

霞架海

鶴臺

句曲外史集

目錄

汲古閣

桐華源

玄洲精舍

紫軒

火浣壇

隱居松

玉像龕

六言絕句

烟梅睡雀墨戲

粧鏡

子昂風篁圖爲葉景修作

七言絕句

元統元年冬十一月句曲外史菌山巢居

成製十小詩以自見錄呈華陽隱居資

一捧腹

龍虎山鄭良楚來從宗師入京

松下淵明爲鄭明德作

次韻答陸天錫見寄

寄題陳生華山圖二首

句曲外史集

目錄

汲古閣

海粟松雪酸齋雜書一卷戲題于左

湖上算歸客吳養浩修撰

凌波仙

吳興墨蘭

李遵道溪山春曉圖

爛柯圖

詠梨花

偶成

御史入山

讀臨川集

春水

春酒

春燒

寄馮海粟待制附天目僧過廣陵三首

玄洲獨坐偶成

墨海棠

東坡書蔡君謨夢中絕句二放營妓絕句

三虞伯生題四絕于後真迹藏義興王

句曲外史集

目錄

汲古閣

子明家要于大韻凡九首

山中

顧定之竹石

李仲賓雪竹

吳興道中

李鍊師雲間卷

溫日觀蒲萄

桂枝詞

書道童總管贈蔡霞外詩後

新居快雨戲筆

子昂墨寫萱草

林泉高士圖

潯陽琵琶圖

馬遠小景二首

葛嶺新居

臺榭薩天錫求識予面而之燕南八月十

四夜風雨宿南閣絕句七首明日追寄

之

句曲外史集

目錄

汲古閣

緝熙殿御製墨梅詩帖

王子明求題高侍郎雨竹

樓居春曉望玄圃

四賢帖

月夕愛南窗竹影

李士行枯木

仙山樓觀圖爲馬仲禮作

張公甫錢山隱居圖

隱居圖

趙魏公寫生梨花折枝

張仲敏釣勒風林

鶴山書院

覺林院

歸自雨中寫況寄景修博士

葛嶺東樂開高士并寄公文道弟

次韻沙刺班郎中題襄陽官舍

葛嶺雜書

仲敬回華陽草堂圖

句曲外史集

目錄

汲古閣

遵道竹枝

避暑圖

徑山寺僧山水

白無咎黃鸝葵

修竹士女圖

墨杏花折枝

五言律詩

晉彥博士以詩索和甚婉率然觀者勿笑

其窘步

輔成觀張上卿墓廬

風雪中得金陵諸公書二首

天谷菴

碧玉菴

湖寺擁碧軒

萬致柔還省親舍僕聞而往候道中得此

寄洞庭王子正

奉和揭學士聽松軒

孤山晚步寄和靖掌祠懷中庸子

句曲外史集

目錄

汲古閣

十二月三日雪

煮石窩

良常草堂圖

齋居偶興

午日東楊廉夫

雨中

除夜

礪北梅口三月始華

萼綠梅

山水便面爲柳道傳作

馬伯庸御史石田山房

寄樊子中打碑者

呈揭曼碩學士

曲密亭

流杯欄

蘭閣

積雨

早秋

句曲外史集

目錄

汲古閣

次韻元鎮玄文館有懷

開元貞人見遺劉商觀奕圖石刻毫髮布

縷皆盡精妙蓋李龍眠臨唐圖本茅君

彥模勒爲玉局仙翁所藏云

乙亥元日試筆

無錫華子英谿山勝槩亭

蛛網落花

五言古風

題墨蘭贈別于一山之京師

雪齋

龍洞

張師夔畫謝家池塘

春山晴靄圖

蘭雪齋爲金壇王敬賦

再賦天池

濱洲雲巢圖

寄題劉彥基丹室

十月十八夜震澤風大作明日大雪異常

句曲外史集

目錄

汲古閣

又明日甲子日出大寒

次韻晉卿翰林贈陳秉彝

五言長律

書懷二十韻奉呈虞集賢

元日雪霽早朝大明宮和辛良史省郎廿

二韻

并序

茅山四十四代宗師牧齋真人昇仙謠

古詩長短句

姑惡

墨龍

卷之中

七言律詩

范以善雲林清遠館

盧疎齋集

書東坡先生画像

寄謝張子壽御史京口留飲

宗師雲江還山虞侍講惠詩有詞請大祠

錄

句曲外史集

目錄

汲古閣

次韻柯敬仲學士見寄

經君浪湖奉懷吳興公

贈商學士德符

泰定丁卯沙溪元日

寄李季和

舟次瀾湖用柳博士夢薛玄卿詩韻寄倪

元鎮兼懷道傳明德

曲林真人遺以乳石杯盤賦詩以謝

讀元次山集感而有作

次韻劉伯溫御史春遊

寄吳興趙承旨

方廣寺石橋

魏國趙夫人管君輓詩

寄京師吳養浩修撰薛玄卿法師兼懷張

仲舉右謁因寄三首

題范德機編修東坊幕後

御史中丞馬公伯庸有贈薩天錫還金陵

長句因次韻寄上

句曲外史集

目錄

汲古閣

次韻楊廉夫送僧仲猷歸澄江禮敬寺

危太樸入都爲題雲林畫幅

懷薛玄卿

二月病懷

上清外史薛玄卿寄題南閣且約以游武

夷次韻以答

玄覽真人示以李遵道舊詩一章俾次韻

悼之將寄其子克孝

贈漁樵侶

次韻楊廉夫見投

吾愛吾廉

江山勝槩樓爲龍虎黃希石作

乙亥二月還錢塘書懷寄鏞師魯

答楊廉夫二首

李寧之煮茶亭

獨阿坐雨寄以敬

十二月五日雪晴

張參謀席上奉饒高昌別駕朝宗通守如

句曲外史集

目錄

汲古閣

京師併簡兼善尚書

讀戴帥初集

贈鏞伯溫太監

送鄭明德適越

虞先生送張元朴回龍虎有云塵尾每懷

張外史發琴今屬薛玄卿元朴索次韻

秋日晚興

道館雅集聽琴次楊彦常韻

贈危太樸

南洞居三首

送日本僧

錢塘西卽事

龍峰宜晚亭

鐵笛道人新居曰書圃船亭作詩以寄

奇楊廉夫鄭明德

馬伯庸中丞桐鄉阡遷祔有旨賜碑名筆

文開善有詩次韻

寄題陳涓叟紫雲編用張仲舉韻

句曲外史集

目錄
十三

汲古閣

新栗寄雲林

西爽軒次韻韓致用

答董子羽見寄

秋詞

寄渭清遠記室

吳興舟中

次韻倪元鎮贈小山張揅史還寄元鎮

元統甲戌夏五月既望余客義興王氏懷

慶堂十又八日偕士友張德常謁張公

洞得七言詩一首寄住山陳長卿周仁

仲

吳石居使君壽八十

吳養浩江浙提學任滿侍親歸番陽

題彭大年禱雨詩卷和仲舉韻延祐己未

開玄道院作

悼鶴

和沙剌班郎中上巳湖上道宮韻

代溪月翁和吳宗師所寄賜酒感興詩韻

句曲外史集

目錄
十四

汲古閣

柳道傳送別還茅山次韻復謝

次韻題呂氏園館

和坡仙寒食詩

并序

再次韻沙剌班郎中春遊二首

歐陽巡尉遇仙卷

伏蛟臺胡道玄請題伯生有記

浴鵲灣題壁

送姚煥章還京口兼簡張率性

和丹丘生悼吾子行書遺墨後

八月十五夜待月

次韻韓伯清見寄

月山石詩

春將過半病懷索莫惜無可與言詩者得

句自遣山澤癯者云

士弘賢良狼贈佳什空山真有似人之喜

卽與奉和所望爲晚菊一來山也丙戌

夏作

方泳道令尹水竹亭

句曲外史集

目錄
十五

汲古閣

善權山洞

大松瀑黃尊師寓壽峰韻

快雨喜晴而開陽室適成賦詩自慰

女仙江靜真碧遊仙詞

越靈峰寺之松風閣

筆塚

次桑善止韻是日廉夫楊尹見訪

次韻王文友送遊張公洞

再次倪元鎮韻

黃一峰圖貞居圖

代玄覽真人次虞伯生見寄韻

又次韻

贈姜彥翁秀才并序

和黃晉卿提舉憶舊詩

天師素華閣

碧筒飲

上京賜宴王眉叟有詩次韻

卷之下

句曲外史集

目錄
十六

汲古閣

詞

東風第一枝

蝶戀花

銘

方隅洞銘

玉磬池銘并序

石室銘并序

記

真樂軒記

贊

外史自贊圖像

傳

中獄外史傳

附錄

句曲外史張伯雨墓誌銘

句曲外史小傳

句曲外史集

目錄
十七

汲古閣

句曲外史集目錄

終

句曲外史集卷之上

錢塘張雨伯雨

五言絕句

東漢高士詠

八月十三夜風雨凄其慨念東漢諸逸民

取大蘇公中秋冷坐無因醉半月長齋未

肯辭爲韻

子相足周旋

一作

破此家產豐陰功誰爲書得來

華陽中

句曲外史集

卷之上

汲古閣

右鐫翊

子相黃誥作子翔得
道任華陽右理中監

入山服黃連還鄉騎青牛借得

一作

五嶽圖一去

三千秋

右封君達

矣光與德耀布衣心耿耿長夜五噫歌誰念空山

冷

右梁鴻

難與助爲理聊復共偃臥文叔迫我甚客星

一作
華云

祀帝座

右嚴光

老瞞實雄猜乃忌仙者徒鱸魚既可歸蜀豈不可無

右左慈

貴誠不如賤富誠不如貧自無子平易孰悟損益因

右向長

贈行青竹杖壺中有餘地如何一升酒盡日登樓醉

句曲外史集

卷之上

汲古閣

右費長房

破甕久生塵短衣不掩胷還渠一斛麥所拾已難半一作六解

右范丹

臥龍拜牀下劉表安能屈照見採藥踪猶遺鹿門月

右龐德公

欲追薊先生白雲迷其方驢鞭不可執一作壽與銅狄長

右薊子訓

吹笙古仙人政要玉棺埋借問雙飛鳧何時離縣齋

右王喬

公是伯休那賣藥價不二却問奪牛翁微君當遇未

右韓康

養壽慕松喬潔已配箕穎穴居七十年一作七十事見且娶妻終不宥

句曲外史集

卷之上

汲古閣

右矯慎

逃名名我隨避名名我追去去南北山與世從此辭

右法真

奚官洗馬圖
曾侍赤墀東天池看浴龍晚涼湖上夢猶立柳陰中

明皇按樂圖

髯伶識樂句我信曲有誤月白商聲多塵起漁陽

戎

古意

吳綾光纈纈織成鯨掉尾美人不敢裁恐觸波浪起

夜思

空山嘈夜雨幽人坐惆悵今夕楚礪泉明日秦淮浪

玄洲倡和

茅山玄洲精舍左右真仙古蹟曰菡山羅

句曲外史集

卷之上

汲古閣

姑洞霞架海鶴臺桐華源玄洲精舍紫軒

火浣壇隱居松玉像龕至治二年壬戌歲

道吳興溪上與松雪學士倡和十絕以記

其處仍書刻石山中

靈丘狀三秀紫雲覆其顛易我朝生質聞彼大椿年

右菡山

九疑得道女受事易遷家詩贈金條脫人逢粵綠華

右羅姑洞

日芒界金色虹梁飲鳳阿直把天孫袂烏鵲詎填

河

右霞架海

靜夜颯靈風神君語帳中至今雙白鶴時下五雲

峰

右鶴臺

華林清散景丹水碧凝脂落葉秋無數玄都爛寄

詩

句曲外史集

卷之上

汲古閣

右桐華源

李基遺故鼎趙嘯絕風雲悠悠千載下更復屬夫

君

右玄洲精舍

玄窗太霞氣赤書洞古文借問軒中主莫是紫陽君

右紫軒

真火本無候真人自出現問埽却灰餘幾見紅蓮變

右火浣壇

露壇杳妙蔭仙籙降靈芬何時三易帔重拂兩梢雲

右隱居松

瑞儀溫比玉一作德寶帔曲流光稽首大司命料理

住金鄉

右玉像龕

六言絕句

烟梅睡雀墨戲

句曲外史集

卷之上

汲古閣

珍偶偏憐瓊樹寒香漠漠紛紛誰見羅浮月黑一枝同夢梨雲

粧鏡

壁月朝朝瓊樹明星處處阿房不似千秋鏡裏與人能鑒興亡

子昂風篁圖爲葉景修作

不同主人看竹稍似隱居聽松一代親承墨妙葉公信有真龍

七言絕句

元統元年冬十一月句曲外史箇山巢居成

製十小詩以自見錄呈華陽隱居資一捧

腹

崇元館主在齊梁迺有元之吳郡張相望八百四

十載我居一作版鶴臺如故鄉事見九錫碑

望見飛檐松杪花下盤陰洞石聲牙老樵迷路疑

一作驚相問若個江東道士家

風水所言唯理氣眼明此術未全疎景純解道遊

仙句信是青囊有異書

句曲外史集

卷之上

汲古閣

縹緲洞庭連白雲綠橘黃柑能見分昨日扁舟尋好事明年處士比封君

谷中僅一作僅有一菴住壇上累紫白一作唯餘數石陳

杖隨流水過隣舍席與長松分主賓

但倚茅君爲座主從稱外史作官街道家六經發

願寫深向石頭藏一函

屋壁一作頭置書碑版多雄白一作虹光怪鳳凰阿

名一作地看到空山一作深山十日雪竈突無烟奈爾何

肯借山中步障錦與作天下庇寒裘三尺窗櫺萬

株木不怕霜寒到上頭

只有天公終可倚我作巢居名倚天未必高虛無
事業負日讀書兼打眠

龍虎山中薛玄子瑯林築臺詩亦工應接蘭山聊
爾耳非關千里事同風

龍虎山鄭良楚來從宗師入京

目送三峰鸞鶴群更憑谷口喚夫君莫嫌病臥書
東叟畱得長饒管白雲

松下淵明爲鄭明德作

句曲外史集

卷之上

汲古閣

歸來不爲督郵輕自爲松根長茯苓傳浪金椎拈
不起倚鉏却讀相牛經

次韻荅薩天錫見寄

推敲指點據吟較苦爲搜詩夢不閒誰會鳳凰臺
上意手授黃菊看鍾山

寄題陳生華山圖二首

西祀曾尋箭筈天雲臺石室故依然雪驢喚地鞭
不起一笑太平三百年

華嶽秋高不受寒虎頭粉墨意蕭閒赤城別有思

仙夢長在明星玉女間

海果松雪酸齋雜書一卷戲題于左

長沙老筆混狂瀾

一作戲

刮耳鵬波點素純

一作松雪

憑誰染

翰墨風流作三笑最憐白紵一生酸

一作寒

湖上算歸荅吳養浩修撰

吳時止酒

樓外鴉啼算雨微歸鞭忙趁落花飛若教禿髯翁
能飲肯羨山人倒載歸

凌波仙

春雲如水碧粼粼誰見凌波襪上塵洛浦湘皋都
句曲外史集

卷之上

汲古閣

是夢手中花是卷中人

吳興墨蘭

墨君石友是同參幾葉光風染碧嵐悵望王孫香
何許年年芳草滿江南

嬰讀葉靜齋草木子中一條云趙仲穆者子

昂學士之子朱秀王之後也能作蘭木竹

石有道士張伯雨題其墨蘭詩曰滋蘭九

畹空多種何似墨池三兩花近日國香零

落盡王孫芳草遍天涯仲穆見而媿之遂

不復作所記與此詩意正合而集中無之

因附見于此噫缺崖之悲不其然哉石樓

野生漫識

李遵道溪山春晚圖

誰寫江南雨後冬清寒空濶撲雲林何當載我圖
書去共試野航春水深

爛柯圖

一局棋殘爛斧柯山中日月竟如何歸來記得神
仙着不比人間局面多

句曲外史集

卷之上

汲古閣

詠梨花

折得瑤花第一枝清明時節寄他誰絕憐天上無
真色號國夫人淡掃眉

偶成

黃篾樓中枕書臥雙鶴交鳴驚夢破青天墮下白
雲來卷簾一陣楊花過

御史入山

喜聞宰相入山來急喚山童埽碧苔雲銷洞天三
十六樓臺一一爲君開

讀臨川集

班馬文章老琢磨符夢心跡半彫訛執鞭願作鍾
山吏一袂字書隨白驪

春水

雪消岩溜注灣阪便有微瀾作渺瀰時見幽人來
照影蕭梁臺畔立多時

春酒

雪度青天落酒杯花枝半拂角巾推陶公醉石蒼
苔滿不見猖狂李白來

句曲外史集

卷之上

汲古閣

春燒

日落山前野燒生白茅黃葦地初晴明朝卻賦雉
帶箭呼酒岡頭看火城

寄馮海粟待制附天目僧過廣陵

天目峰頭一鶴回白雲持贈當寒梅瓊花觀裏開
包處寄得玄砂白紙來

三都一序爭傳賦借重西州皇士安慚愧山圖經
品藻苦心畱得後人看

昨日淮南召八公揚州擬看醉圖紅賺人鷄犬雲

中去策轉江頭控鶴童

玄洲獨坐偶成

簷外青葱玉樹排小山叢桂近當階出雲好看颺
輪頂雲出颺輪忽被埋

墨海棠

漢宮愁絕冷煙枝一作煙枝一蘸鐺郎兩髻絲甲帳夜

寒銀燭冷六銖雲帔獨來時

東坡書蔡君謨夢中絕句二放管妓絕句三

虞伯生題四絕于後真迹藏義興王子明

句曲外史集

卷之上
十二

汲古閣

家要子次韻凡九首

日將公事湖中了醉入重城列炬明自古大藩財

賦地古人偏得賦閒情

謝女嬌吟雪比鹽北臺馬耳見雙尖衲衣政索歌

姪笑不道春寒繡被添

寫韻軒中塵不驚與誰同躡鳳凰翎絲鸞可惜情

緣重只合清齋寫道經

釵頭新綠荔枝紅那與江桃色味同聞道端明新

進譜一時殿閣起薰風

香辟春寒玉辟塵流蘇斗帳醉和春一雙明月都
無價寂寞人間第二人

江南在處烟波好浪迹先生不上船近就闔閭城
下宿可憐霜月夜娟娟

青城樵者一衰翁寫罷烏絲滿袖風消得玉堂金

研匣至今傳入畫圖中

聽礪龍圖怯醉魂分茶故事與誰論纖纖玉腕親

曾見祇有春衫舊酒痕

白公種竹蘇公柳談笑功名後世誇依舊葑雲三

句曲外史集

卷之上
十三

汲古閣

萬丈斷橋誰與築堤沙

山中

一枝石瘦如麀角六出花開似麝臍隨意莓苔一

杯酒也勝騎馬聽朝鷄

顧定之竹石

龍孫乍脫襦兒錦石面都皺彈子窩圓妙通神欲

飛去虎頭癡絕奈渠何

李仲賓雪竹

斷練黯淡何人墨四十年前老薊丘向使戴家多

種竹雪中那肯便回舟

吳興道中

書淫画聖王孫老雪靚沙明湖水清黃庭不用鶴
群換也許山陰道士迎

李鍊師雲間卷

朝隨飛鶴出簷端倦鳥紛紛算與還若似山居無
用者此身政不美雲閒

溫日觀蒲萄

日觀一飲西涼酒解寫蒲萄絕代無請師截斷葛
句曲外史集

卷之上
十四

汲古閣

藤路還我黑月摩尼珠

桂枝詞

桂樹叢生枝婀娜糝栗黃雲欲成朵薰醒秋衣懶
下牀金蟾嚙斷燒香鎖

書道童總管贈蔡霞外詩後

多病潛夫嬾入城旋營草閣看陰晴竹宮桂館花
繁處乞與霞僊爛熳行

新居快雨戲筆

旋埽林扉一榻橫綠陰幽底水紋平閒眠愛殺荷

溝雨玉磬池邊無此聲

玄洲精舍玉磬池皆石骨也

子昂墨寫萱草

碧浪湖頭翰墨香山蜂遊趁午陰涼戲拈小筆塗
幽草正自無憂得可忘

林泉高士圖

我本玄真老孫子意托綸釣相娛嬉浮玉山前一
瓢酒頗恨時無顏太師

潯陽琵琶圖

一幅面屏秋月圓荻花楓葉染江天江州自是無
句曲外史集

卷之上
十五

汲古閣

司馬多少琵琶上別船

馬遠小景二首

柳未藏鴉雪未消春衫遊子馬蹄驕去年沽酒樓
前路錯認桃花第一橋

玉砂卷海白模糊千樹梅花埽地無彷彿水仙祠
下路金枝翠帶不勝扶

葛嶺新居

葛洪川上有餘地善和里中無故書爲惜人間秋
水觀鷄鳴犬吠又移居

臺榭薩天錫求識予面而之燕南八月十四

夜風雨宿蘭閣絕句七首明日追寄之

李公求識少陵面未聞草堂三日畱看君用意古

人上却愧無言與獻酬

鶴臺道民掩柴局鴈門才子宿寒廳恰有金華一

樽酒且置茅家雙玉瓶

巡官畏虎盛前呵驚動燕山薩照磨剪燭對牀詩

未穩從渠醉尉問誰何

物華年髯兩髮駸駸別何堪動此心喬木萬株天

句曲外史集

卷之上
十六

汲古閣

一握菌巢獨自看秋陰

高情常愛白雲多雲爲漫山雨注河野人寧知御

史雨祇見石田蘇晚禾

走送蒲衣菴外路端時望見赤山湖林子求看換

鵝帖胡郎傳送捕魚圖

內臺最近燕南幕博士臺郎有此除山澤何當大

人賦寄聲多謝馬相如

緝熙殿御製墨梅詩帖

宣和妙賞緇衣句傳在夷門作勝談行殿春風四

十載玉妃終老向江南

王子明求題高侍郎雨竹

雨立修篁似戟枝墨君留影故傲傲房山祇憶巴

山夜及見官奴把燭時

樓居春曉望玄圃

時寓杭州
開元宮

子晉新宮倚太霞統湖烟火萬人家觀臺一面無

人處日出烟消都是花

四賢帖

四賢者伯長袁侍講伯庸馬中丞伯生虞

句曲外史集

卷之上
十七

汲古閣

侍書時中劉待制玄卿裝潢手書成軸命

予題識遂即虞公絕句韻書于後

四明狂客已乘雲海內文章有二君可惜戴華劉

伯壽只今零落鳳凰群

月夕愛南窗竹影

兩叢小竹南窗下露葉風枝共秋夕月明見影忽

自笑移得王淮鳳翔壁

李士行枯木

兩株蒼柏如蓬首皮毛剝落心不朽曾見春風春

雨來相看喚作忘年友

仙山樓觀圖爲馬仲禮作

憶共能書蔡少霞良常洞口看桃花人間詩酒耽迷了三百來年不到家

張公甫鍊山隱居圖

鍊山曾照鍊衣寒南渡功名有足觀不見元豐全盛日錢鏐孫子已黃冠

隱居圖

壺漿相餉過溪東編袂青裙笑語中何必桃源尋

句曲外史集

卷之上
十八

汲古閣

舊路太平間作祝雞翁

趙魏公寫生梨花折枝

玉面渾無癩隨痕春風洗綠上飛裙遙知姑射山頭雪化作楊君夢裏雲

張仲敏鈞勒風林

墨君神駿出洋州形似無如老鯿丘可惜風林半窗月試憑老眼爲雙鈞

鶴山書院

寂寂茅堂掩畫門藤陰花氣小池渾也知建鄴青

精飯不到臨印白髮孫

覺林院

石湖園中數株石堆向覺林僧子家眼前醒醉若無語領客繞庭唯看花

歸自雨中寫况寄景修博士

蛙處水連園屋草鳩時雨爛覆簷花移過書窗金鵲尾低言渾似野人家

葛嶺東樂間高士并寄公文道弟

葛洪井上訪貞居一飲甘泉足自如拂袖莫嫌狂

句曲外史集

卷之上
十九

汲古閣

散甚子非知我我知魚

次韻沙刺班郎中題襄陽官舍

峴山日落春風起竹塢湘桃零亂開倒著接離馱瘦馬無人知道使君來

葛嶺雜書

小娃小艇無蹤跡只有荷花雨濺裙淨洗一方天水碧不教歌板汚游雲

仲敬回華陽草堂圖

珠樹風來學鳳鳴玉泉雨過作琴聲識得良常洞

中路前生我本山玄卿

導道竹枝

貫箭谷口白雲生雲裏琅玕萬玉聲驚破幽人春
枕夢一窗斜月半梢橫

避暑園

雪藕氷盤斫鮓厨波光簾影帶風蒲蒼生病渴無
人問赤日黃埃盡畏途

徑山寺僧山水

澄心罨紙墨花香上有元暉古印章怪底徑山山

句曲外史集

卷之上
二十一

汲古閣

寺裏老僧衣袖著瀟湘

白無咎黃蜀葵

金銅仙人雨中立鉛淚恰如辭漢時傾心脉脉何
所待願見白日光陸離

修竹上女圖

空谷佳人玉珮瑤琅玕斜搭領襟長杜陵野老多
才思解道風吹細細香

墨杏花折枝

折得隣牆紅杏枝春風偷染墨臙脂恰如誤入仙

山路虎嘯林深月暗時

五言律詩

晉彦博士以詩索和甚婉率然觀者勿笑其

窘步

鑿磳盛春雨新流連舍前何當雷太白相與學思
玄碧洞無人掃丹梯有路緣催詩苦云迫莫笑疎
葛肩

輔成觀張上卿墓廬

青牛謝車御白鶴嘆人民閣有凌烟像橋無進履
句曲外史集

卷之上
二十一

汲古閣

身平生玉樹具此地石麒麟蕩蕩傳宗業中朝倚
外臣

風雪中得金陵諸公書二首

雪作寒禽驚窗幽亂霰鳴愕然身落莫矣歲岬
嶸松竹聊娛拙乾坤若忌名故人不相貸書札到
柴荆

落木從風摩支流越谷斜山空不須說歲去若爲
遞飢鶴擇窗紙寒魚噉雪花推書更一作清坐席

暖到昏鴉

天谷菴

宜和金壇郎郭高士之居也

十三科取士救世豈無方儻送孤鴻舉難追八駿
驤金壇猶著號碧落舊爲郎劍化丹爐在山集井
水香

碧玉菴

四明袁氏

廿四岩前客能忘賀監居乖龍噴草檄古象泣遺
書把袂風塵表近公冰雪如時來青瑣閣晚節要
蓬廬

湖寺擁碧軒

句曲外史集

卷之上二十二

汲古閣

喧寂一塵隔湖濱出寶坊荷陰分補衲水氣雜燒
香書勘鳥皮几茵敷白纈牀從來已公屋詩客許
徜徉

萬致柔還省親舍僕聞而往候道中得此

數里平岡路仙山迹漸分柴荆來鵲語村落去人
群粉陣松崩雪濤頭日濯雲不緣停僕御直以候
夫君

寄洞庭王子正

一本題云聞洞庭之勝

洞庭山似簇銀闕翠芙蓉安得滄浪子同尋縹緲

峯魚龍隨水落檣袖待霜濃未必桃源似雲帆蹶
去蹤

奉和揭學士聽松軒

何年種松子此地聽松聲濤響風還作山空夜自
明一瓢嫌物累九奏感時清得似蒼髯叟長依白
玉生

孤山晚步寄和靖掌祠懷中庸子

瑪瑙坡前立荒陂接葑田試從樵子徑往覓僕夫
泉聚草寒猶短群峰晚更妍誰歟結真隱其老太
句曲外史集

卷之上二十三

汲古閣

平年

十二月三日雪

快雪真無價豐年定有期臘前才一白至後已多
時玉展琳琅步花團蛺蝶枝春風在天上飄入萬
年池

煮石窩

仙人白石子服食受奇方王烈猶貪髓初平枉叱
羊砂牀收箭鏃玉屑備樵糧借爾彌明鼎行窩到
處將

良常草堂圖

隣近方隅洞良常別有天草堂朝看雨藥闌夜春
泉逸矣盧鴻乙奇哉魯仲連君看遺世者若箇是
神仙

齋居偶興

絕澗多靈石中開小洞房醉醒依竹素晴雨看梅
黃樹暗鶯聲澁岩虛水韻長未能超買馬自足上
羲皇

午日東楊廉夫

句曲外史集

卷之上
二十四

汲古閣

客有擁琴至吾寧折簡招足音垂谷口雨氣截山
腰酒情紅泉瀉花爲絳節朝不嫌泥滓極一舸段

家橋

雨中

推枕遽然覺高齋人跡稀卷簾芳草短看雨杏花
肥薄算寒仍在中林願稍遠一還隨谷易喬木是
耶非

除夜

忽忽歲云暮徒興白首嗟山雷待伴雪春禁隔年

花把卷因遮眼分腸且膠牙自緣身懶情真遣送
窮車

礪北梅口三月始華

陰礪殘梅杳臨流一向歎但存孤注在敢恨一生
遲凍雨如相煦春寒不受吹後時翻見獨牢物遂
成私

萼綠梅

山中古仙子無言春寂寥玉容澹朝雨翠氣溼微
霄臨風怯玩影弄雪妬攀條擬覓何郎句還憑翠
袖招

卷之上
二十五

汲古閣

山水便面爲柳道傳作

簾笥秋非遠塵埃暑實煩遂游千里目稍待一涼
思僧閣依旁橫漁果跨別村誰能從巢外試覓武
陵源

馬伯庸御史石田山房

監州遺愛地御史讀書堂絃誦猶懷魯田園獨在
光白茅編野屋翠竹被溪泉欲賦淮南隱知君意
不忘

寄樊子中打碑者

樊遲詎學圃可論金石交常賦舊文字如見古陶
匏漢篆龍回壁梁書室臥蛟墨卿吾與爾聊復隱
三茅

呈揭曼碩學士

柴荆馬糞間蛛網動相關閣老因移疾脈生煩訂
頑雨涼新竹健沙僻睡鳬閒如許清秋意扁舟猶
忍還

曲密亭

句曲外史集

卷之上
二十六

汲古閣

水盤山復屋亭此可宴娵蜎肉地雖少蜂房春自
多橘藏商皓樂風憶楚狂歌何必天津上遠尋安
樂窩屋當作厓

流杯澗

古木蟠幽磴層巒疊翠臺水端蒼玉峽風引綠荷
杯我自知魚樂人誰祓禊來惜無鼠鬚筆寫記刻
岩隈

菡閣

岩架蘭芝出榜題松雪扉雲來畫簷宿龍向壘池

啼對几琴三疊倚關山四圍仙靈能夜降應得受
玄機

積雨

飽聽三峰雨閒題七月詩水深荷意怯田冷稻心
遲龍尾陰爭盛蛟龍勢亦隨蒼茫不可問身外付
雲移

早秋

每嫌新酒少尚喜故交稠籬落三家墅梧桐十日
秋月生微顙兔星淡沒牽牛亦欲觀多稼江湖雨
句曲外史集

卷之上
二十七

汲古閣

未周

次韻元鎮玄文館有懷

林氣早知雨曉淡研苔滋素殿驚閒慢朱實委清
池將整還山旆復亂故園思拏舟倘未遠弭棹一
來茲

開元貞人見遺劉商觀奕圖石刻毫髮布縷
皆盡精妙蓋李龍眠臨唐西本茅君度模
勒爲玉局仙翁所藏云

新桂蘇蘭者能來立坐隅徒聞玉楮刻遂信石枰

圖妙蹟傳仙李高名重大蘇向來林下意不敢易
樵夫

乙亥元日試筆

四日
得春

自古三朝節于今一笑看問年書亥字獻歲出辛
盤點突多蒸米紅水騰浴丹行行追勝事步步堪
春寒

無錫華子英谿山勝槩亭

共愛谿山住輪君勝槩多疑蔣草堂圖展向鏡湖
波鷗雀深松栢鳬鷺足菱荷更修仁知術鄉社樂
句曲外史集

卷之上
二十八

汲古閣

婆娑

蛛網落花

飛花墮錦茵蛛網解開春露垂沾更重風破舞還
頻不逐燕嘴泥寧隨馬足塵遊絲復染惹流浪何
足噴

五言古風

題墨蘭贈別于一山之京師

三月愁送客春寒雨如霰冥冥返塞鴻悄悄栖寒
燕揚帆五十日蓬萊望中見欲持荷蘭操一奏南

薰殿

雪齋

騎驢吟雪詩煮茶煎雪水何如掃一室置身虛白
裏君家有故事高臥珠未已

龍洞

山中春水泛蛇骨長於樹竿舟探穴口甚深不敢
渡窮冬桃始華爛然珠光處

張師夔畫謝家池塘

春風颯然至幽人午夢醒遙見池塘綠不知春草
句曲外史集

卷之上
二十九

汲古閣

生如何騎馬客亦向夢中行

春山晴靄圖

危亭面懸瀑深塢若茅堂群木相掩薄風披如有
香避世真樂土欲往川無梁隱淪倘見招歲暮徒
徜徉

蘭雪齋爲金壇王敬賦

謫仙有妙語清風洒蘭雪高懷千載下子獨慕芳
紫春水斷端花晨露滋交葉端居味道腴光景庶
不減

再賦天池

龍從古墩丘泓潭浸其股金碧爭蕩磨穿穴稍旁
午斬松羅石榻玄芝錯神許遙應玉女盆潤及黃
精圖

濱洲雲集圖

張彦輔

蒼山不受寒暑以白兎羅借雲以爲暖我意不在
多小管丹鶴巢高栖翠雲柯飛仙度鸞笙老人臥
雞窠誰能江海去風雨一漁蓑

寄題劉彥基丹室

句曲外史集

卷之上
三十

汲古閣

昔聞冲虛宮遠在錦江頭往來多異人東望不可
求借問鴻寶書枕中今在不尚餘一丸藥光景夜
不收食之生羽翼飛去十二樓下視何蒼蒼至情
難久留我將拾瑤草遲子於玄洲

十月十八夜震澤風大作明日大雪異常又

明日甲子日出大寒

弱齡逃世網一勇以求志折旋四十載竟日坐有
累大拙使爲巧小樸使爲器用是役於人夫豈足
言智飄風鼓具區如我長噫氣追惟年運往通夕

遂忘寐聖人罕言命天道殊難致委順待未來餘
日敢終棄

大韻晉卿翰林贈陳秉彝

金華黃太史出爲儒臺冠詩文齊六經奇古誰敢
傳如掇明月珠妙在九曲穿而子筆札狗監非
所薦筆之登龍門果獲尾時彥孜孜勤執經屹屹
勞染翰敏手不暇給精華且屢換憐才吾輩事子
乃羞自獻由茲數來往無事輒相見湖嶺錯紫紆
烟霞爭變幻一夕快雨餘春物已消半言歸天台
句曲外史集

卷之上
三十一

汲古閣

與俄頃語離散此手不易執明日柁樓飯迢迢望
白雲瀑布聲許悍赤城跨滄海朝霞以爲岸倘遇
仙者徒勿易樵牧賤子衰志求道子載猶算旦老
經三百家一一理殘卷霜毫犯冠簪墨汁泮衣汗
何功使願果盡力輪老腕子書能瘦硬淚眼秋隼
健唯餘篋中字照我目光爛送子望崖返回目窮
海甸春夕豈不短反側移漏箭纔夢金庭游還逐
潯江亂游知家庭樂旭日陰始泮身扶老人杖衣
憶慈母線還期當及時遲子秋水觀栖寒倚侶

孤坐至日晏追步太史作用以申縫紉

五言長律

書懷二十韻奉呈虞集賢

昭代千齡運斯文一柱功初當延祐日晚識廣陵
公朝士因推轂先生猥挈蒙駉乖遺廿載寤寐接
孤風太史山川彥仙儒館閣崇置身清切上用志
杳冥中句法黃初過才名冀北空朔南馳使節江
漢借崑蓬酒問餘杭姚泉尋六一翁境非秋水觀
寺卽紫微宮侍坐要王遠移家近葛洪於焉承咳
句曲外史集

卷之上
三十二

汲古閣

唾足以振罷癯卓爾身爲貴胡然老見攻戰肥終
道勝德重豈途窮玉趾閒迂步麻木病鞠躬茶烟
窗冉冉墨沼樹玲瓏飢甚無瑤草招來有桂叢輸
心何落落把袂輒匆匆易進乘軒鶴難追戲海鴻
明朝去吳會長笑爲誰雄

元日雪霽早朝大明宮和辛良史省郎廿二

韻并序

延祐改元三月民瞻石宰相遇京師承需
鄙作且辱先施之惠林下朽生不能造館

閣綺語幸於言句外求之愧悚而已

纓設中庭燎俄看密霰飄歲開環甲紀星動指寅
杓鳳集天門榜珂鳴月殿橋卿雲同四表和氣集
三朝陞級肪初截雲層玉旋雕句陳分彩隊步輦
簾青腰積屑承盤重吹花到笏消遙遙光斧座凌
亂綴珠翹樂共爐烟合班隨翠袖招聞風游廣漢
玉局道追遙北戲魚龍舞中巖虎豹調旌旗攢鳳
貝冠劍掠招搖穆酒曾觴母洪崖及見堯萬年臨
紫極一白慶璇霄朝會儀如此齋膳意頗饒身唯
句曲外史集

卷之上
三十三

汲古閣

參寂冥世豈絀紛囂姑射消疵癘蓬萊倚沆寥瑤
華攬戴勝珠樹引回鑪有術探鴻寶何人識燹焦
竟須窮海岱直擬並松喬書就神牀寫香從別室
燒儔君守華省琢句廢春宵

茅山四十四代宗師牧齋真人昇仙謠

昔愛西城記華易許翫窈窕持龍節舞寒借鹿裘
披氍毹山中樂寧期世外悲及傳南嶽劬難駐赤
城師畢道能無待玄科本有期紫宮新坐席金籙
古威儀箇石哀泉咽松花泣露垂他年嶠白鶴尚

慰里民思

古詩長短句

姑惡

村南村北麥花老姑惡聲聲啼不了有姑不養反
怨姑至今爲汝傷風教噫君雖不仁臣當忠父雖
不慈子當孝

墨龍

高昌世子寫墨龍此龍乃出開元東井中東井水
與天河通龍下取水遺其踪道人識墨帝子逃入
句曲外史集

卷之上
三十四

汲古閣

世子之筆鋒井頭夜半飛霹靂元氣淋漓雪色碧
一鎖銀林五百年纔點目睛生羽翼

上清正一弟子節齋陳應符集

紫微學仙童子石樓孔聞講類

句曲外史集卷之上

句曲外史集卷之中

七言律詩

范以善雲林清遠館

華陽

一作

范監居幽眇不到玄窗未易達山氣半

爲湖外雨松聲遙倉嶺頭鐘管聞神女騎龍過亦

有仙人控鶴從安用槩流三萬里小天元在積金

峰

盧疎齋集

盧疎齋集宣成按官本讀之一過生氣集

句曲外史集

卷之中

汲古閣

然有懷哲人援筆而賦

人物西清第一流曾看繡斧下瀛洲難求冀北千
金骨空載江南數斛愁小謝夢無青草句大蘇詩
有景疎樓數亭依舊峨眉月付與騎鯨一作汗漫

游

書東坡先生画像

峨眉秀色香難攀玉局仙人不受閒南斗日躔一作

韓吏部西湖風氣白香山一作寧一作教刺舌奸邪

黨可惜低頭侍從班一作試一作問東坡鐵拄杖于今

海上未曾還

寄謝張子壽御史京口雷飲

時將赴湖南憲金席間揚以吾

鼓琴替
雙欠笛

賣藥南徐兩日雷繡衣相對似清秋借抄衡岳元

君傳挽住湘潭使者舟安道推琴元有在

一作琴何待

桓伊弄笛一作三弄若為酬啼來獨醉投山閣

一作獨臥

醉林間夢寄新詩與率牛

宗師雲江還山虞侍講惠詩有詞請大洞籙

丹鳳樓前返羽車清詩滿袖出京華雕蟲徒刻三

句曲外史集

卷之中

汲古閣

年楮補衰應食五色霞太白晚傳青綺帔元种早

授玉門砂要知不隔金閨步常是相從太極家

次韻柯敬仲學士見寄

悼時

故人往往天祿閣我嘗夢見燃青藜重簾月落秋

燕往九衢塵動朝鷄啼能傳米芾書畫學稍憶盧

鴻林鶴栖繇來避世向金馬諷諫得君寧滑稽

經碧浪湖奉懷吳興公

湖水秋空玉色勻蒹葭纖雨上綸巾重來羊峴誰

沾泪却顧龍門不見人獨放酒船尋鱸具誰客狂

客吐車茵西風白羽元非用只爲人間苦障塵

作或上一作
酒苦一作善

贈商學士德符

鞭風管鸞一作管鸞下紫烟筆牀塵尾意翛然一貪

自信如陶侃三絕誰能似鄭虔金碧瀛洲扶御展

玉華仙露灑經筵壽巖獨立風塵表却笑靈椿是

小年

泰定丁卯沙溪元日

按誌是年外史
蓋五十一矣

山世行藏本不羈江東節序片帆隨三朝猶是嘉

句曲外史集

卷之中

汲古閣

平臘一集一作七字又題丁卯詩赤石青林合古色白

沙翠竹照一作弄清漪春風浩蕩鷗波興終要南山

霧豹姿

寄李季和

孰與言詩李髯叟一日不見已爲疎因觀故京來

白下載聞新作過黃初小峰待月許攜被中林放

鶴要迴車杜陵醉歌不易得豈惜華陽真逸書

真逸
就華陽

舟次漏湖用柳博士夢薛玄卿詩韻寄倪元

鎮兼懷道傳明德

思遠重逢茅小君香消酒盡路三分五湖歸思浮
天水一霎秋陰過雨雲柳子篇章渾可法花奴絃
索共誰聞唯應自洗唐溪石填得金泥小篆文

曲林真人遺以乳石杯盤賦詩以謝

上黨攬天入醉魂元功有意琢雲根小於藥玉荷
心瑤大稱霜皮木癭樽藉草飲時畱洞更隔花棹
處倩山猿殷勤更借彌明鼎寒夜聯詩酒屢溫

讀元次山集感而有作

句曲外史集

卷之中

汲古閣

漫叟古之賢達歟憤世直言七不如著書首補雲
門樂取醉政賴石湖魚湘中韶濩遺欸乃天下漫
浪知倚吁餓死杜陵拾遺老唯有春陵能起予

次韻劉伯溫御史春遊

草木幽馨磬道微白雲拄杖去如飛獨尋玉女洗
頭處相伴仙人采藥歸幾疊翠微深杳杳一簾紅
素亂霏霏可堪酒債兼詩債老却江南白苧衣

寄吳興趙承旨

亭下一作門外鷗波好放船蒼蒼葭菼水如天投綸漁

父小垂手化蝶秋蠱大學仙麻紙丹書應滿笈鰻
魚紫蟹不論錢清真遠少誰同傳獨許華陽許叔
玄

方廣寺石橋

綠玉飛梁碧蘚封羽人來倚瀑簾風偶飄貝葉經
臺上與散曇華茗碗中有象到頭終幻滅無生彈
指卽虛空一作解說春寒大展三衣坐百衲雲山

一線通

魏國趙夫人管君輓詩子廉書

句曲外史集

卷之中

汲古閣

曾謁西池閨殿春賜加一作大國寵疏頻擇壻當
年鄒太傅能書今日衛夫人玉鏡離臺空掩月寶
衣堆桁暗凝塵千秋卿中名不沒墓有通兒書老
銀歐陽率更子通書母夫人墓銘夫人諱老銀

寄京師吳養浩修撰薛玄卿法師兼懷張仲

奉右謁因寄

百壺美酒那消憂數卷遺書天與游既雨秋城苦
泥淖未寒病骨思衣裘看我目光牛背上憶君颯
聲鳳池頭情知契濶寧復語白鵲斯舉不可留

風起春城散客憂
玉京臺殿憶同游
雲開萬象森
丹闕金織雙龍盤
翠裘此日聽鷄趨
禁籞何年騎
鶴過山頭從君試
覓王喬術學化仙
臈任去雷
十年京國總忘憂
詩酒風流共貴游
溪月夜遊場
鵲觀凝雲曉濕鷗
鷗裘書來慰我臨
池上秋去思
君到水頭更憶何
何當作可人張仲舉于今江海爲誰

題范德機編修東坊藁後

一編上有東坊字
慚愧詩中見大巫
直想瘦生如

句曲外史集

卷之中

汲古閣

飯顆竟從痒處得
麻姑咸池水淺孤
黃鶴空谷天
寒病白駒擬共風
流一作西風接尊酒
紙愁塵土沒雙

見

御史中丞馬公伯庸有贈薩天錫還金陵長

句因次韻寄上

射策甲科今廿載
尺書難信石城潮
徑登烏府持
天憲猶倚青溪望
使軺四月鶯啼夾
城仗千官花
擁大明朝會因桂
樹思真隱獨一作是淮南作賦

招

次韻楊廉夫送僧仲猷歸澄江禮敬寺

千歲巖頭坐兩夏
秋來忽夢刀頭環
笑別白狼辭
鷺嶺飛葉赤鯉下
仙山桂子紛紛向
人落楊柳依依遲
子還子雲奇字不
易得只許澄江窺
一斑
危太僕入都爲題
雲林畫幅

故人渺在雲林端
手種梓漆陰團團
不憤讀書從
鬼谷何嫌賣藥近
長安白日定趨天
祿關青春宜
著鷄鵲冠相思酒
盡金壺墨三十六
峰生暮寒

懷薛玄卿

句曲外史集

卷之中

汲古閣

丹樓百尺倚雲霄
有客懷仙興獨高
腰下蒼精纏寶氣
眉間脉理卷金毛
擬招薛子青田鶴
與釣任公碧海簷
幸自蒼頑同木石
思君一夕夢勞勞

二月病懷

煮藥香中聽雨眠
都緣未熟養生篇
雪消春水深三尺
日上花陰過幾磚
世事悠悠高枕外
衡門寂寂暮霞邊
自慚病鶴摧頽甚
却顧雲霄意悄然

上清外史薛玄卿寄題菌閣且約以游武夷

次韻以荅

餘杭山水著飛樓樓外長林地轉幽十畝樹陰間
濯足一簾荷氣晚梳頭山濤舉代嵇康頰張說論
文薛稷憂蕭散人間兩外史平生猶一作俱欠慢亭
遊

玄覽真人示以李遵道舊詩一章俾大韻悼
之將寄其子克孝

仙李如何竟小年滿堂圖障慘風烟青山捫蝨誰
同話赤脚騎驄自上天名世豈唯書畫學起家猶
望孝廉船無因得寄松花酒一洒清明筆塚前
句曲外史集

贈漁樵侶

卷之中

汲古閣

郁木坑前負薪者道士磯頭垂釣翁我輩與結平
生友夫君還有古人風水羞涼味蒲芽白野飯晝
香松菌紅見說行藏多歲月不離三泖九山中

次韻楊廉夫見投

白髮黃冠婦故里某丘某水昔曾經石泉新處鑽
槐火山雨多時拾菌釘溪叟扶犁天際去隣娃吹
笛夜深聽杜陵醉眼元空濶解道乾坤水上萍

吾愛吾廬

吾愛吾廬聊復爾眼前白石與蒼苔水從林木陰
中過風自房簾一作簾橈曲處來薄有餘情歸竹素竟
一作都無長物受塵埃先生閉戶成真一作真癖詩債
敲門不厭催

江山勝槩樓爲龍虎黃希石作

仙人元自好樓居快展江山極目初天上孫登一
絃曲雲中梁鵠八分書金明海岫晨暾發玉秦風
濤夜籟虛跪席焚香疑有待麻姑行按小方諸
乙亥二月還錢塘書懷寄錫師魯

句曲外史集

卷之中

汲古閣

黑頭時與王孫別春草又青天一涯貧甚馮驩猶
有缺歸來丁令已無家葑田湖窄殘舟一作船少墓
道山荒刺一作故屋斜還憶菌巢書數卷雪麋應護
手栽花雪麋玄洲白大名也

荅楊廉夫二首

弄水摘花春可憐雨倦尋茅步船我家南塢有
靈石龍井西頭無杜鵑野雀亂雛畏人過弱柳委
地趁蠶眠子雲胡爲甘寂寞後世何人知太玄
黃蔑樓中惟飲酒樓下長溝鳬鴈多灣頭橋斷浮

青草湖面風來生白波饒奴竟煮一作脫粥一作老
魚戲啖如錢荷詔書寬大到海角河北飢氓一作民
爭倒戈

李寧之煮茶亭

桐君山下一區宅木茂土肥泉水香槎頭釣魚秋
雨足亭子煮茶春日長兩山徒爲盤谷隱一水尚
係平泉莊莫厭身名俱隱約會見輶軒來晦岡

礪阿坐雨寄以敬

載雨過湖山兩重放水出山湖水渾窓風亂解叢
句曲外史集卷之中汲古閣

篳籥渠瀟直穿雙樹根白須道士烟霞癖錦里先
生芋栗圖想見南降丘架閣也嫌泥滓不過門

十二月五日雪晴丁亥

日光玉潔千峰立快雪晴時一氣凝當晝爐亭催
掃巷犯寒漁榜借收冰松皮石裂號飢鼠窓隙塵
消觸凍蠅青茁菜芽渾可愛倩誰春餞捲紅綾

張參謀席上奉餞高昌別駕朝宗通守如京

師併簡兼善尚書

梁溪宅裏岡烟霞使者淹留日未斜天上藥龍圖

治道舟中李郭望京華十三絃送黃柑酒第二泉
前紫筍茶寄謝南宮達夫子會同鷄犬憶仙家

讀戴帥初集

剡源詩卷落吾手便似移家太白峰學道昔慚山
世遠知人今媿郭林宗空山樂書有遺譜白日天
馬無畱踪太息斯人不可見厭將兩耳聞寒蛩

贈錫伯溫大監

臺閣如公最有稱輶車聽馬數能乘校書在昔專
劉向祕監于今復魏徵汗簡削成金作厝泰階平

句曲外史集卷之中

處玉爲繩信有仙人唯寂寞側身長倚白雲層

送鄭明德適越

四十日春廿日雨問花尋柳意茫然竹根臥瓶高
筆塚竈下生薪連米烟茅家名餘鐵鑪步龍井氣
脇金沙泉稽山酒船速回棹遲子歸來烹蕨奉

虞先生送張元朴回龍虎有云塵尾每懷張

外史鵝群今屬薛玄卿元朴索次韻

想見先生戴笠行黃茅岡上看陰晴承聞祖道同
疏傳鄙說還鄉似長卿海內好詩元自少江西行

李不嫌輕謫仙愛與元丹語烟子而今亦有名

秋日晚興

暝色入林烟火微
暮雨欲來如有期
野雀喧爭棟
樹子幽人行把菊
花枝山空始見水
泉涸寒至乃
索衣裘遲莫惜
題詩將寄遠不多
故舊在京師

道館雅集聽琴次楊彥常韻

幽蒿細竹滿牆間
雨後危牆似斷山
一室了忘塵
世監諸君能賞病
夫閒池巡野鶴
魚苗綠土蝕秋
蟲菜甲斑我不
鼓琴偏識趣絕
憐失勢重躋攀

句曲外史集

卷之中
十二

汲古閣

贈危太樸

真怪道人居處僻
柴門今始爲君開
曾從小有探
華蓋不向昆明數
劫灰秋水渚涯浮
地肺茅君局
任守天台倦游早
欲依香火付與盧
敖戲九垓

南洞居 首

絕磴垂蘿一徑分
碧岩不與衆峰群
祇疑洞口谿
訝石渾是山頭片
段雲病試术方疎
藥檢書移水
研近爐薰幽人許
掇相問訊轉憶山
陰王右軍
山中棟宇自齊梁
唯數南巖古道場
虎洞窺來光

刻刻鵝池臨罷綠
泱泱天寒最覺松
神王丹化懸
知鶴壽長珍重
平生金鵲尾大
茅峰下獨焚香

華陽南洞幽人居
幽人本是山澤
癯玉門砂無勾
漏今太平酒勝
步兵尉洞穴嵌
岩肺腑隔菖蒲
根節龍蛇枯願
從歲晚飽肥趣
不待著論稱潛
夫

一作歲寒

送日本僧

上人住處扶桑國
我家亦在蓬萊
丘洪濤拍屋作
山立白雲繞床
如水流住世不
知誰是客多時
忘

句曲外史集

卷之中
十三

汲古閣

却故園秋明朝
相別思無盡萬
里海天飛白鷗

錢塘西卽事

苦竹溝深迷遠近
置我洞庭青草
湖飄風驟雨且
高臥來牛去馬
非良圖中散幾
時應罷鍛舍人
何日共投壺爲
閒兵厨醅醇酒
待看池蓮水雪
膚

龍峰宜晚亭

龍峰亭子偏宜晚
約下烟光與細
看獨鶴歸來頻
寄語夕陽春外
一凭欄肯遊謝
眺空陳跡回首
敬亭生算寒萬
一桑榆客倦翻
西飛會訪毛公
壘

鐵笛道人新居曰書画船亭作詩以寄

蘇州去訪揚雄宅近水樓居似月波東府官曹知者少西山爽氣望中多臺招天上仙人鳳池養山陰道士鵝誰和淳風吹鐵笛莫愁艇子柳枝歌

寄楊廉夫鄭明德

快雪時晴春意動歸舟移纜向方塘走尋飲伴鷄豚社誤落詩名錦繡場子雲奇字誰能問鄭老襟期獨不忘閩閩城中可終老安得四萬買滄浪

馬伯庸中丞桐鄉阡遷祔有旨賜碑名筆文

句曲外史集

卷之中
十四

汲古閣

開善有詩次韻

公家阡表似龍岡總爲能文補舜裳龍耳當承天子問龜趺重表鄭公鄉異時將相寧無種此舉邦家亦有光想見丹書映叢桂淮南無地著秋香

寄題陳渭叟紫雲編用張仲舉韻

葛溪觀主陳渭叟高行絕人詩益工明月雙珠好奇服間居七言成變風大茅獨立雲在下小史久住江之東吳筠家夢五百載唯我與君相長雄

新栗寄雲林

榻來常熟管新栗黃玉環分紫殼開果園坊中無買處頂山寺裏爲求來囊盛稍共來食帖酒薦深宜藤甲盃首奉雲林三百顆也勝酸橘寄書回

西爽軒次韻韓致用

大名誰及河東老爲愛幽軒肯賦詩沆瀣一杯凌倒景闌干幾曲帶清漪徒聞東海投竿去不似西山拄笏宜兩岸菰蒲魚鳥樂繁船猶帶綠楊絲

荅董子羽見寄

清都聞已住多年鶴駕驚驂與後先聞闔五雲宮

句曲外史集

卷之中
十五

汲古閣

樹暖蓬萊初日羽衣鮮神仙翰墨唯皇象史館人材總孟堅天上春風如舊識殷勤吹送寄來篇

秋詞

香散天階靜玉珂水臺風殿夜如何星從河漢淡中落秋在梧桐疎處多鸞影不曾離寶鑑蛛絲先已墜金梭君王留館詢遺事却擬鑾車共載過

一作落

寄渭清遠記室

大石墜腰勤苦行此生深愧老盧能雨畱澗下三

板水苔臥窓間七尺藤清經鍾傳晨放梵雲門詩
到夜挑燈憑君試問龍河隱政在鍾山第幾層

吳興舟中

苕溪斫鱸腹偏腴取酒烏程清若无最憐楊柳破
二月絕勝蛾眉游五湖船頭灌足畏魚淦港口卸
帆驚鳥呼林蠻在處著舟機倘有剝田吾欲租

次韻倪元鎮贈小山張揅史還寄元鎮

爲愛髯張亦癡絕簿領塵埃多強顏何如膝上王
文度轉憶江南庾子山綠樹四隣懸榻在青溪千
句曲外史集

卷之中
十六

汲古閣

何荷鋤還風流耆舊凋零盡莫怪參軍語帶蠻

元統甲戌夏五月既望余客義興王氏懷慶

堂十又八日偕士友張德常謁張公洞得

七言詩一首寄住山陳長卿周仁仲

路入秋陰覺閭閻弭節洞靈俱啟關東皇未覆雲
霧海玉女盆盛人鳥山牽驟步步跡石髓投龍往
往祝金環茅家小史豈塵土此地一游聊解顏

吳石居使君壽八十

大宗師兄
養浩父也

右翁腰帶玉圍虹賡喜今年八十同食邑嘗爲曉

騎尉入城爭識鹿門公車回晚望蓬萊日帽卸京
梳齒笛風兒子去爲真學士未應國綺住山中

吳養浩江浙提學任滿侍親歸番陽

穩送歸帆向錦江西湖能負白鷗雙書中久已知
梁鶴床下時曾拜老龐封還國省文章印盛取玉
堂雲霧窓榮祿鄉中會耆舊開筵應釀酒盈缸

題彭大年禱雨詩卷和仲舉韻延祐己未開

玄道院作

羽衣秋薄剪湘荷茅屋山宮補綠蘿白石資方青
句曲外史集

卷之中
十七

汲古閣

帆飯洪厓借乘雪精驪松雲暖憶春游嶽水草寒
伶曉渡河使節南歸如見念峰頭笙鶴好相過

悼鶴

羽毛凍損雪襴斑碧落遊魂杳不還和靖船歸籠
尚閉浮丘經在壽能慳長身被裹玄黃內舊迹苔
封紫翠間欲撰瘞銘修故事寄書先報九華山

和沙剌班郎中上已湖上道宮韻

望湖樓觀似山陰水邊麗人同賞心槐火新泉還
有夢玉魚葬地已無金三潭雨壓蛟龍睡半嶺風

傳鸞鳳音擬續臨河修禊事塵埃重紙不堪臨

代溪月翁和吳宗師所寄賜酒感興詩韻

年年恩霑出皇家此度仍回八月槎望闕蒼龍分
瑞霽開樽白獸瀉流霞箋天久已知心事鑑水唯
應換髮華遙想新春供大禮班頭封御祝椒花

柳道傳送別還茅山次韻復謝

烏蜀先生相見稀鍾時初載橐書歸江南蕭艾作
人立卷裏盧龍看雪飛最怜玉斧有道氣重惜子
真猶布衣去去空山相憶夜朱絃三歎爲君揮

句曲外史集

卷之中
十八

汲古閣

次韻題呂氏園館

因向雲間求二陸西施浦口弄雲沙東風勒住螭
頭紡微雨催開罌粟花到處華房通曲密舊時醉
墨誤歌斜一聲歌板銀瓶側亦見玉童雙髻鴉

和坡仙寒食詩

并序

先生在鳳翔和子由此詩嘉祐八年也書

此詩則元祐二年在翰林時也啼鴉世本

作啼鴉當以其迹爲正周顏志先生論書

有雲端莊雜流麗剛健含嫵娜觀此帖益

信今年寒食適二月將晦輒次韻一律仍

用首句云帖得之於僧笑隱笑隱平生習

書所寶者此爾

寒食今年二月晦又分新火到厨烟碧桃花落開
誰掃白芊衣輕老更便發篋但餘金薤墨考年正
在玉堂編大書絕類顏光祿小字疑疑墓田

再次韻沙刺班郎中春游二首

楊柳三眠午未醒楊花飛雪散星星海中麝氣春
浮島月下胎仙夜降庭尺素書來雲錦織紫鱗躍

句曲外史集

卷之中
十九

汲古閣

處浪紋腥樓前政有三株樹剪斷西山一半青

隣近桃源雞犬家不緣迷路得看花衣裳總溼三
危露服食唯消五色霞鶴塚浪磨崖上字漁舟潮
闊渡頭沙石盤碁子都狼藉莫向人間問歲華

歐陽巡尉遇仙卷

寶圭風洞鼓鉦鳴獨擎仙壺一世驚勾漏丹砂還
道術瀧岡阡表足家聲芙蓉城小花周匝枸杞叢
深犬吠迎不上巖梯十二級白頭空愧學長生
伏蛟臺胡道玄請題伯生有記

豫章自昔旌陽宅借問仙都已劫灰西山應無剪
柏處東湖遂有伏蛟臺千年鍊札化爲石十日陰
風怒若雷妖孽不生寰海靜五陵佳氣待君來

浴鵲灣題壁

狀流亂石幽栖地子美詩中蕭史家白髮羽衣元
自稱風流異代不須嗟竹緣迂逕籬編笋叢礙低
垣雨臥花豈少烟霞閒艇子一枝聊贈老生涯

送姚煥章還京口兼簡張率性

江鄉人事凋詎盡人日題詩復送行十載歸來訪
句曲外史集

卷之中
二十

汲古閣

隣里他年科第屬門生春泉暗動金沙井晴雪微
撼鐵甕城推官廳有詩人住閒暇相求一寄聲

和丹丘生悼吾子行書遺墨後

故人亦復葬江魚空向人間憶子虛月下簫閒留
譜在竹邊房冷倩誰居蓬萊都水題金簡汲塚先
秦見漆書惟有研山磨不朽時時淚滴玉蟾蜍

八月十五夜待月

移牀露坐閒臨水浴鵲灣頭足菱荷秋已平分催
節序月還端正照山河老憐宋玉生悲思狂憶桓

伊作浩歌雲漢茫茫一卮酒白頭慚愧古人多

次韻韓伯清見寄

塵海幽居似地仙滿牀堆笏是家傳座中桃李春
風洒郭外桑麻杜曲田倚蓋一松扶偃蹇影娥片
月弄嬋娟池邊草色撩詩思未覺才情讓惠連

月山石詩

拾得金錢溪上石小峰如弁立雲根他山鳥道隔
千里新月蛾眉見一痕入林誤踏金暮背激水猶
思雪浪盆凝就漫郎呼酒觴石魚湖上共窪尊

句曲外史集

卷之中
二十一

汲古閣

春將過半病懷索莫惜無可與言詩者得句

自遣山澤癯者云

一一花栽繞屋廬半春多病意何如綠詩太瘦終
無補與酒全交漸要疎研席留香非長物瘠庖得
笋是佳蔬鶴群呼喚來同飲新綠濺潑已滿渠

士弘賢良猥贈佳什空山真有似人之喜即

與奉和所望爲晚菊一來山也丙戌夏作

南州高士祗徐君野鶴昂然自不群心似寒潭水
下水身如秋嶺雨餘雲鬱蘭何待熊青斧醺酒難

尋李白墳爲問別來能幾日城中消息了無聞

方泳道令尹水竹亭

水竹亭子在花山輪與幽人日倚欄蒼雪四簷迷
窈窕綠波三面浸琅玕扶行綠竹塢形杖濯足金
沙鴨嘴離幾樹甘棠同召伯更畱清節比方干

善權山洞

善權離墨爭盤紆浩劫礪何仙人廬莘莘石林壓
水府往往關道通樓居壁藏已出黃素卷穴處尤
多青綠魚愛此長連煮藥竈待我盥漱霑遺餘

句曲外史集

卷之中
二十二

汲古閣

次松瀑黃尊師寓籌峰韻

甲寅春

保大誰傳墨半規筆蹤驚見十年遲風流丘經真
吾事名教本冠異昔時書別左公尋解劍酒深東
老獨畱詩谷山長在通玄頂笙鶴相過自有期

快雨喜晴而開陽室適成賦詩自慰

春來耽酒仍耽困一枕雨聲如蜜甜老鍾栽松寧
有待飢腸食笋獨無餐峰連筆格空翠泉入茶
壚聞谷簾吾愛吾廬聊復爾少留佳日在茅簷

女仙江靜真碧遊仙詞

衣劍符圖有子傳生如孤鳳蛇如蟬方留繡葉聊

供母誰信桃枝已得仙飛桃枝漢司馬校尉朱書
李陵母也行陸德久開在

易遇得爲侍蕭索廉幃通素月玲瓏環珮曳空烟

麻姑壇上花姑老想共乘鸞欲著鞭

越靈峰寺之松風閣

谿谷風聲何瑟瑟肅歌長在兩長松金鷄翔舞不
多見青壁黃緣知幾重花時掃開黃塵滿泉處鑿
厓甘露濃待我與攜笙鶴去香爐對面禮闕峰

筆塚

句曲外史集

卷之中
二十三

汲古閣

還筆如陵那忍棄斂藏數龍座岩阿管裁犀象寧
同珣研歷水霜尚可磨免腐早空金坑地鵝峰深
潤墨池波毛穎有靈應感遇秦恩自少主恩多

次桑善止韻是日廉夫楊尹見訪

髮脫冠欹衰態多日長猶賴飲無何阿對泉頭布
衣老謝公墩上美人過青松豈代塵尾柄如意莫
擊珊瑚柯校書天祿餘事耳遲子考槃同礪阿

次韻王文友送遊張公洞

夷桑成道來孟峰再拜攝衣昇故宮馨香果核猶

可拾顛倒雲氣長相蒙有時月明鐘磬發絕頂清
聲舟楫通看從便道之五嶽腰揜騾鞭追老翁

再次倪元鎮韻

嗜石未數奇章公太湖洞庭無此峰便擬翻身入
青壁誰見抱膝哦長松孔泉從令飛鼠飲絕路武
與樵人逢玉女下房不可到只許雲氣隨飛龍

黃一峰西貞居圖

北苑南宮疑絕筆蟠胸磊砢若爲裁按圖寧在多
多許落墨真成滾滾來百折丹梯凌礪道一川饒

句曲外史集

卷之中
二十四

汲古閣

水動灣洞時清誰問商於路乞我西山錦繡堆

代玄覽真人次虞伯生見寄韻

屋倚松杉路擁莎金釐小隱且婆娑幾季有約遙
相望一棹何時肯見過老去山中空歲月秋來江
上政風波黃花滿眼香醪熟對此其如逸興何

又次韻

別後驚心歲已馳幾回草夢遶春池新詩遠寄迢
遙驛舊約重看絕妙碑簫簫風清班綴玉龜溪雪
冷長垂絲何時共執論文酒坐對西窓待月遲

贈姜彥翁秀才 并序

會稽姜彥翁傳家子早游杭學執事俎豆
間垂廿載李試輒居前列遂被省撤充郡
吏且待補之日長與樵牧僮堅爲師友其
居適臨山館求子言辭既不獲敢以忠告
之比凡故事彥翁之所習聞請論以近若
晉寧張仲舉氏與子同師仇仁近先生爲
童子師至金陵京師遷揚州終始授徒爲
業四十載不繇科第不涉貢吏一日姓名

句曲外史集

卷之中
二十五

汲古閣

上聞置之玉堂之署編修應奉如取券納
物其進未可量日來置吏局爲吏服者方
倪首虞筆管之不暇稽古之力儒者小試
之效已如此古今曷有異途在所存何如
耳予持此以發彥翁趨向之端復爲詩以
堅其雅志云

科舉恩霑鄉貢榜學校側貢諸生員多岐取士從
潤色百骸受盡爭青綠窮巷授徒缺養母昔天爲
吏橫索錢妙年立身在擇術老生常談無棄捐

和黃晉卿提舉憶舊詩

支許何能接王謝山陰圖畧相同能留繭紙真
奇事愛養鵝群少道風苔樹斷水春未破花萼削
雪酒如空深慙故舊相料理肯使牢愁坐五窮

天師素華閣

仙家樓閣風塵表更築凌空月樹高虛白豈知存
夜氣太清還許隔秋毫溪光澹澹水填絳松響離
離雪舞濤此去銀橋通咫尺神仙直下有靈轡

碧筒飲

句曲外史集

卷之中
二十六

汲古閣

採綠誰時作羽觴使君亭上晚尊涼玉莖沁露心
微苦翠蓋擎雲手亦香飲水龜藏蓮葉小吸川鯨
恨藕絲長傾壺悞展琳琅袖笑絕耶溪窈窕娘

上京賜宴王眉叟有詩次韻

從事何緣過草堂行都遣賜玉壺方遠勞使者紅
塵騎爛煮仙家白石羊中聖敢辭千日醉承恩獨
許四明狂金莖賸有三清露潤及葵心向太陽

句曲外史集卷之中

終

句曲外史集卷之下

詞

東風第一枝

清淚如鉛綠房迎曉寶階低擁雲葉蜻蜓飛上搔
頭依前艷香未歇西窓暗雨怪簾低參差京月正
一叢深倚琅玕石上只愁磨折問瑤草應憐短
髮曾醉墮無聲膩滑羞他金雀鈿蟬高似水仙羅
襪芳心漸絕誰與贈湘皋瓊玖試折花擲作銀橋
看舞素鷺回雪

句曲外史集

卷之下

汲古閣

蝶戀花

大陳翁
冬王蘭

空谷天寒珠慰藉半幅瑤華喚得春回也金馬玉
堂猶傳舍嵩雲潁水風流夜馳騁莊騷凌鮑謝
昔日忘年解后鴻濛野愁絕朱絃誰爲寫高情那
復如疎者

銘

方隅洞銘

洞玄洞虛方山之隅開廓非有杳冥非無玄窓仰
窺玉几俯捫願降霞人接我高奔

玉磬池銘 并序

外史菌巢東南之偏鑿池清泉與崖室相

周旋象形以磬名焉因勒銘于其垠

玉斯潔磬斯折德象著地寶泄琬琤十六銘池淺
玉或有力者終負去未若藏斯磬于空谷吾見其
不舍晝夜而奏雲門大韶之曲也

石室銘 并序

外史承畱侯之裔修隱居之業年六十遷

南峰靈石礪所著老氏經集傳茅山志幽

句曲外史集

卷之下

汲古閣

文玄史與其詩若干卷藏龍井之石室解

所服劍代其形合藏焉以示道之不可傳

者既闔戶勒銘其上曰

藏書何爲道無累荷遜劍何爲神無體倚玄室之

闕閱千歲而未始倚 大元癸未歲吳郡張雨造

記

真樂軒記

茅山建炎之洞雲菴主元間被璽書是爲紫陽觀
殿廬之陰壁斗澗淙景氣幽歎嗣主是者湯君玄

窓比歲壬申益方丈東偏尋丈之室而舟其制榜

曰真樂蓋取画舫齋語云夫六一公還思險歷江

漢豈真樂於舟居及美夫江湖散傲若有所未暇

則又曰舟行豈不樂哉玄窓徒慕公之語單丘瓢

經固無波濤蛟鼉之危而亦未嘗識延緣叢葦間

拍浮酒船之爲逍遙之游也擬舫齋而曰真樂是

徒慕其語非耶雖然被褐嚴栖之士顧未能濯足

扶桑東觀蓬萊又豈公卿大臣涉世風波之迹所

比倫哉居是軒也半席焚香燕坐移頃元氣爲舟

句曲外史集

卷之下

汲古閣

微風爲掩其翔翔谷冶之樂仲長統尚能言之玄

窓知之則真樂在此而不在彼矣吾所以知真樂

之然者以此至順四年癸酉三月十八日句曲外

史吳郡張天雨書

贊

外史自贊圖像

志逸心疲身清命濁逃同類而親猿狙毒厚味而
棄藜藿學取益而不勝其損事知危而姑與之安
一龍一蛇不厭已之深渺惡衣惡食先憂人之飢

寒忽然爲人而反常若此何以祛有身之患

傳

中嶽外史傳

米芾字元章襄陽人博洽記聞於群經務通大旨論議斷以已意其辭發揚踔厲世儒所不能屈爲文務崖絕魁壘要必已出爲工悟竹簡以竹事行漆故篆籀法先秦正書魏晉而下無取愛潤州江山因定居北固作寶晉齋前有碧梧甘井甘露降其上蓄王謝真蹟石軍紫金石硯善畫古聖賢像句曲外史集

卷之下

汲古閣

及寫山水幅長不過三尺制白玉圖書印六文曰辛卯米芾米芾之印米芾氏米芾印米芾氏印米芾元章印性至潔置水其傍數盥而不悅未嘗與人同服器客請問法書對設兩案手爲舒卷懼客手袖觸之則一裝洗之也嘗願死作蠹書魚游於金題玉璫間而無害妙解音律作五音正韻用以制律本五聲之音出於五行自然之理管仲深明其要著其形以爲太平作樂之具沈隱侯得四聲而不得宮聲乃分平聲爲二以欺學者陸德明遂

以吳音傳會至是始自五方立五行求五音乃得一聲於孟仲季位因金寄土五音皆具有聲無形互相假借千載之下神姦鬼祕無所逃形云又著天說備究天地日月旁側盈虛之形撰晝夜六十圖與潮汐大小准援據六經盡點古今百家之妄其書藏之名山平生與游率天下士蜀郡劉涇長安薛紹彭好奇尚古是其一流人也風神散朗服唐人冠衣眉宇軒然進趨禮如音吐鴻暢雖不識者皆知爲元章也晚爲臨川王公眉山蘇公所深句曲外史集

卷之下

汲古閣

知臨川絕愛其詩摘句書於便面蘇公有云元章奔逸絕塵之氣超妙入神之字清新絕俗之文相知二十年恨知公不盡答曰更有知不盡處修楊許之業爲帝宸碧落之游異時相見乃知也初宣仁高后在藩與其母丹陽君有舊元章長於邸中以恩補校書郎授含光尉尉遷入淮南幕改宣德郎知雍丘縣乞監中嶽廟因號中嶽外史崇寧間置書畫學公時在太常爲博士因進上所藏書若畫皆不下一品優禮答之詔用黃庭小楷書千文

出知常州不赴改管勾洞霄宮就除知無爲軍元章性好石無爲公廨有奇石元章驚喜曰吾當兄事之遂具袍笏再拜未幾召爲書畫學博士尋擢禮部員外郎以言者罷知淮陽軍彌年瘍生于首卽上書謝事不允卒於郡齋年五十有七大觀三年葬於丹陽長山下有自寫海岳蒼淨名齋圖着山林集十卷並傳于代丹陽蔡肇嘗銘其墓子怪其叙事多脫落故爲搜剔舊聞補葺爲中岳外史傳昔賀知章號祕書外監而元章號中岳外史張句曲外史集

卷之下

汲古閣

長史旭稱賀八清鑑風流千載一人也子用爲米元章傳贊當世不能損益云

附錄

句曲外史張伯雨墓誌銘

劉基伯溫撰

外史錢塘人姓張氏字伯雨六世祖九成以狀元擢第于宋傳四世至逢源仕宋爲奉議郎通判漳州逢源生有孫有孫生雨雨性狷介常眇視流俗悒悒思古道知弗能與人俯仰遂挺身戴黃冠爲道士登茅山受大洞經籙豁有所悟遂覓出群道士表道士見雨神益完貌益固雖其師亦莫能測句曲外史集

卷之下

汲古閣

也雨獨與學士吳興趙文敏公善每以陶弘景期之雨自號句曲外史明年開元宮王真人入觀京師外史自副時范德機以能詩名外史造范范適出有詩集在几上外史取筆書其後爲詩四韻守者見則大怒趨白范而范驚曰吾聞若人不得見今來天界我友也卽自詣外史結交而去繇是外史名震京中一時賢士大夫若浦城楊仲弘四明袁伯長蜀郡虞伯生爭與爲友願留之京師外史雖爲道士恒以親老爲憂延祐初謝觀居開元宮

明年杭災宮殿外史適華陽至元丙子以上塚告
婦遂不復去年已六十矣先葬冠劍于南山而辭
宮事但飲酒賦詩或焚香終日坐密室不以世事
接耳目後卒于宮之齋居篋無遺物也外史素不
與俗人交人有不善輒面折而有善亦未嘗不力
揚之故遠近之有學者無不願踵其門雖不見許
可還亦不敢憾非其識見精敏操履端正何能使
人畏服若是哉至正乙酉基以提舉儒學備員江
浙始獲與外史一見卽如平生歡明年七月而外
史卒嗚呼世之拔流俗而行者鮮矣得斯人焉而
弗獲久與游寧不深可惜哉外史既卒于是宮之
掌事及其弟奉其棺葬於冠劍之所而基適追棘
闢事弗能預執紼及出爲訪外史遺蹟而爲之銘
而外史之徒若子弟無能承外史之志者外史已
矣有友而弗銘咎將誰歸於是乎銘銘曰孰與之
軀以爲吾拘式還其虛杳兮冥兮吁嗟乎幽墟

嘗歎外史之交盡當時海內名士而爲之銘者
則晚交之誠意公也蓋公之才器非外史莫能

句曲外史集

卷之下

汲古閣

句曲外史集

卷之下

汲古閣

識而外史之玄德懿行非公亦莫之能銘是不
可以武然論也觀公之誌恒以不獲久交外史
爲惜以愚臆之在外史之靈亦不能不以得公
之銘爲慰也第其生卒年月誌不顯具於後此
姚氏之傳抵牾特甚似不可以無辨按誌稱外
史以延祐初居闕元明年適華陽至元丙子以
上塚東歸遂不復去年已六十矣逮至正乙酉
公始以提學友外史明年七月而外史卒據此
則外史之生當在宋端宗景炎丁丑其卒之歲
則至正之丙戌也姚謂以丁丑歲出茅嶺庚辰
歸陽德館丁卯造水軒于浴鵠灣明年刻詩于
藥井上時年七十有六亦不錄其生卒此皆可
疑者也夫以劉公親交外史而姚則得之傳聞
宜若舍傳而信誌然集中有丁亥十二月五日
雪晴及六日喜晉卿至二詩皆用綾字韻末復
有再用丁亥歲雪韻懷中舉一首而後此別無
戊子已丑之編則知此數詩去絕筆蓋無幾矣
苟謂此爲前至元之丁亥則尤不可信也況送

錢思復之永嘉詩題下注八年九日四字而元之編年自元貞以來無所謂八年者獨庚申帝有之實至正戊子也其諸外史以是年刻詩藥井不久而黃篋告終歟若然則作軒之年當爲丁亥而七十有六之六則二字之誤也誌所謂明年七月又當爲八年某月無疑矣蓋明又刪之似也校閱之餘漫爲拈出以俟博雅君子之補正若夫傳世之大者固知不在此也嘉靖癸巳玄豕月吉石樓野生謹識

句曲外史集

卷之下

汲古閣

句曲外史小傳

外史杭之錢塘人姓張名雨又名天雨字伯雨號貞居子朱崇國文忠公九成之裔年二十棄家徧游天台括蒼諸名山吳人周大靜爲許宗師弟子得楊許遺書外史師事之悉受其說入開元宮從真人王壽衍爲道士名嗣真風裁凝峻見者異之見趙松雪承旨趙見其作字勁健贈以雲麾將軍碑墨令師法之書果超越儒學提舉楊廉夫許在陶貞白上飲酣伸紙作大草尤妙小楷變率更家

數世稱二絕詩宗杜惟肖古選類大曆間諸子文學韓而冷語類漢獨於畫未工或引敗筆點綴木石人物亦自賞適益論意不論象也壽衍嘗偕入京時燕地未有梅惟吳間開宗師自江南移植護以穹廬扁漱芳亭外史造其所恍與西湖故人遇徘徊既久不覺熟寢其中壽衍竟日不見憂其迷路外史覺而已哺開間笑曰伯雨素有詩名宜有作遂賦長詩有風沙不憚五千里翻身跳入仙人壺之句間開大喜送之翰林集賢袁伯長虞伯生

句曲外史集

卷之下

汲古閣

揭曼碩諸公和之緣是名大起一時浦城楊仲弘清江范德機金華黃晉卿吳興趙仲穆交甚善它日謁虞虞問能作符篆否答曰未能虞連書七十二家示之卽下拜曰真吾師也自後凡與虞手札必執弟子禮其服善類此壽衍復偕入朝被璽書賜驛傳欲官之非其志也卽自誓不更出因三茅有招赴之奉任君而下五君爲文告之願畢力茲宇所著山世集三卷碧巖玄會錄二卷尋山誌十五卷考索精博又善玄史自序曰老子玄足者也

是集獨不與者尊之至也嘗悅劉大林所修茅山志因號句曲外史丁丑歲出茅嶺庚辰歸陽德館作黃篋樓儲古圖史甚富往來靈石山之精舍丁卯按丁卯當丁亥造水軒丁浴鶴灣明年刻詩藥井上時年七十有六按七十有六當七十有一其所居又有開元靜舍南真館老學齋與會稽王山農上清薛玄卿章心遠龍翔毛伯圭輩相友善多文字酬酢廉夫避地於蘇之錦繡坊外史以其知已數造焉廉夫推爲前輩每題其製作曰貞居先生其有手鈔一句曲外史集

卷之下

汲古閣

帙遺胡季城題云紅巾寇杭先生墨跡在黃篋樓者不與焦炬同化則與桐載同逝矣此鈔豈非晉武康之遺劔也耶有吊其亾曰黃篋樓頭仙一去明年黃篋歸狼烽不知天上修玄史只訝山中伴赤松石室秘書愁攝電星池遺劔已成龍思君不見夜開戶月在金鐘玉几峰又爲安陽韓致用題其手削卷尾曰雖疏俗出語亦別殆欲過晉人筆舌矧其辯論道德文章事乎廉夫一代人望獨於外史重其不輕許可較然矣手營墓于靈石西潮

之陰南屏之右前阻洞瀾累屐作果名玉鈎欄南數十武作藏書石室自勒銘而吳磨鍊古綾五七年前從甘泉劉邦彥得八帖往往言造涵必善飲又見其手錄詩文各一冊予以古書画一卷易得詩冊計二十六紙五七言詩八十一首中有附錄遂昌鄭明德東海倪元鎮龍河僧大訢詩十餘首其不遺故人之善如此又於邦彥得二紙其紙標丁亥二字其詩文必多故編年書之旁二行云緣作積歲月成帙初不事深僻覽者或昧其所從來句曲外史集

卷之下

汲古閣

易玄久許一箋請如古法簡要疏於語下尚藉是以傳焉予不考易玄何人成化丁酉杭有攜其像入金陵者人得卽攜涉楊子亟遣人物色之以歸爲文酬之是冬又得其台仙閣記一軸詞翰益蒼古戊戌予偕羽士史玄隱拜其墓爲詩吊之桐村牧周伯器亦有詩在別楮意其或埃壙之表爽爽不昧尚化鶴來予丹丘曠世而神交否乎著小傳爲書其遺墨後仍勒之石庶觀者有足以論其世也論曰

嗚呼兩間所斬者名道德之外有事功有文墨皆分定不可兼得一之已足尚矣有其二而道或汙焉亦奚尚乎外史所有種種超越名孰與斬故曰諒無金石固榮名以爲寶山澤之臞劉仙之儒其斯人歟

成化十五年九月朔日嘉禾姚綬書

外史先生蘊勾吳清淑之氣飫天台括蒼吐納之腴悅駕茲山充養益粹故其詩辭自得情逸調諧揮灑所至神間勢應一時名家宗匠談笑何曲外史集

卷之下
十四

汲古閣

而頡頏之因其所也今觀其適意之作則猶太虛冲融風日流麗幽蘭在谷一笑自媚及其感時慨事撫懷亢論則雖秋月高寒白露慘下深林如畫孤鶴長唳未能盡喻也黃篋手鈔編年列類所積富矣惜乎兵火薦罹歲盡月蝕逸而存者無幾其間得之者或寶有而斬於傳或欲傳而沮於力斯文之晦識者興嗟應符藉父師之仁覆襲靈真之勝壤塊食無裨良用耿耿私淑之餘於凡先生舊所經歷之地靡不窮搜博

購積纍既久什或得其二三亦欲俟其全而後壽諸梓并貞白山世諸編並傳顧惟歲月遄邁人事靡常故以警校類次之任付之名者情題曰遺集而綴焉雖於真風玄訓莫能蔽紹其萬一然假是錙銖之勛以爲素餐之贖固慙愧自負之誠也既訖工因題數語於卷末以識歲月云嘉靖十有三年歲在甲午春正月哉生魄節齋陳應符敬書

何曲外史集

卷之下
十五

汲古閣

史有傳而元章初纂三王晚入錦字系伯兩姓字雲騰猶言允通鮑而更元章一見字爲公形亦在巾欲先言之伯南入籍地見振于吳閶之家山遇西湖故人徘徊竟日不忍去元章多藏玉璫筆帳筆增祕府而黃泥拂心情不啻空言爲元章受注於江山園爲卜居而金陵地肺丘壑更有佳錄多子元章早先一月也於纂平生書畫預置積德多矣中曰衆多園素來各看園裡去夢拂金堂而整伯兩預新刻刻于南山厓外予飲酒

昨訪林多先生及期相化蓮峰傳物如清云米
頗如仙館筆法要領一惜其清文罕傳傳焉
焉所輯遺集雖傳不載而補諸卷末海客
毛晉後

句曲外史集

卷之下
十六

汲古閣

句曲外史集卷之下 終

句曲外史集補遺目錄

卷上

五言古詩

古詩十首

獨酌

天池石壁爲鐵雅賦

遊虎丘次東坡先生韻

次倪元鎮遊虎丘

答寄荀疏

句曲外史集

補遺目

冬夜震澤風雪異常

上方教寺

贈倪元鎮

夕佳樓

過太湖

毛公壇

黃公泉

華山寺三泉

七言古詩

汲古閣

奔月卮歌答鐵雅所作

古詩長短句

悼薛玄卿

玉笙謠爲鐵門笙伶周奇賦

七言律詩

奉贈魯學士

鳳皇山懷古

題西湖何氏隱真館

次孫大方仙輿詩韵

句由外史集

補遺目

汲古閣

送人之茅山

題桐栢觀

鶴冢

雨懷郭子昭御史

寄倪元鎮

次韻元鎮

懷茅山

題元章硯山圖

梅雪齋雅集分題得酒香

折蓮花寄韓伯清

水竹居爲湖州沈自誠賦

次韻答吳興黃伯成

過吳興謁趙承旨

松花餅

贈別休休養了堂上人

宿瑤璫寺

寄訴笑隱

大滌山

句由外史集

補遺目

汲古閣

丹泉

天池樓

牧之水榭

同張德常遊張公洞

題趙松雪怡樂堂圖

馬塍新居

西湖放燈

雲巢樓

五言絕句

箇山

羅姑洞

霞架海

鶴臺

桐華源

玄洲精舍

紫軒

火浣壇

隱居松

句曲外史集

補遺目
四

汲古閣

玉像龕

七言絕句

題拜石圖

來鶴亭

來鶴亭卽席賦

題鶴亭所藏馬圖

荇溪草堂

吳興道中四首

湖州竹枝詞

題授經郎獻書圖

次韻劉師魯吳山清暉亭三首

初陽臺

西湖竹枝詞

贈筆生沈君實

揭學士過武康山中十日辟外史江東未

至孤坐予因戲筆破悶二首

宿天申宮二首

句曲外史集

補遺目
五

汲古閣

卷下

記

後僕夫泉記

約

春日遊南山約

像贊

戲題黃大癡小像

題畫

題顧善夫集十大家圖

附

五言古詩

七月六日承貞居先生遠寄周鍾銳間有
文象鳧之形則考工記所謂鳧氏爲鍾者
也擊之與夷則合而是日又適立秋古物
之來豈偶然哉輒成小詩拜祝之辱

趙孟頫

七言律詩

題張外史馬塋新居

張翥

句曲外史集

附目

中秋對月時張外史有約以醉不赴

汲古閣

張翥

和張外史山居雪霽

張翥

宿張外史馬塋新居

薩都刺

夢張天雨

薩都刺

寄句曲外史張伯雨

虞集

寄貞居張先生

虞集

送錢塘張天雨入茅山二首

虞集

和答張伯雨

范梈

過伯雨會無外式公劉君衍卿

黃潛

次韻伯雨臘月八日雪中同登來鶴亭

黃潛

送張外史歸華陽

楊載

追和張外史山居雪霽

俞友仁

伯雨書老杜花逕不曾緣客掃之句使童

子持以示略不運思成詩

野僧

句曲外史集

附目

寄贈華陽洞陽隱者

袁桷

暮春計籌山寄句曲山人

黃石翁

悼句曲外史

楊維禎

玄文館送張伯雨鍊師歸三茅

柳道傳

用韻重送

柳道傳

題張光弼遜伯雨詩

高德賜

題張伯雨初陽臺唱和卷

釋守仁

拜句曲外史墓二首

姚綬

與張伯雨湖堤昇歸

吳養浩

題張伯雨來鶴亭

虞集

文

崇壽觀碑

虞集

師友集序

黃潛

張外史馬勝蘭閣記

陳旅

句曲外史集錄序

姚綬

外史張公墓碑銘

姚綬

句曲外史集

附目

汲古閣

句曲外史集

附

句曲外史集補遺卷上

錢塘張雨伯雨

古詩十首

不愛崑岡玉不愛江漢珠愛已有蒼壁有之利有餘吾生爲我有其利當何如論爵不足貴論富不能踰達生命之情順生以自娛

又

荆人有遺弓索之將奚爲且荆人遺之乃荆人得之孔子聞之曰去其荆可耳老聃聞則曰去其入

句曲外史集

補遺卷上

汲古閣

可矣天下有至公孔明得其理天地且弗有莫知其所始

又

墨子歎染絲所歎一何長染於蒼則蒼染於黃則黃奚獨染絲然染國在所當有染如伊臯禹湯稱聖王殷紂染惡來既染國亦亡染士如孔明死久道彌光

又

魯君聘顏闔踰垣避使者我非惡富貴君胡獨不

捨全生以爲上迫生以爲下當知得道人治國其
土苴

又

虞人百里奚所鬻五羊皮有得其說者乃是公孫
枝獻諸秦穆公四境不足治賢者倘不過後世誰
當知

又

昔者齊桓公往見小臣稷一日凡三至欲見且弗
得驚爵固輕主驚霸亦輕士大夫縱驚爵驚霸吾
句曲外史集

補遺卷上

汲古閣

敢爾所以終見之不爲從者止誰云內行缺論霸
亦可矣

又

恒公遇甯戚飯牛中夜起賜之以衣冠一說境內
理再說爲天下恒公以師事衛與齊不遠安用疑
客子不患有小惡所患亡大美且人固難全用長
當若此

又

業煩則無功禮煩則不莊令苛則不聽禁多則不

行國人逐狡兔因之殺子陽嚴刑無所赦適見石
亂亡

又

齊有善相狗假買取鼠者數年不取鼠畜之不如
拾相曰實良狗志在塵塵鹿欲觀取鼠能請怪其
後足桎足乃取鼠淹爾驥獎氣安得忘言徒喻此
鴻鵠志

又

燕雀爭善處處在大屋下灼灼甚相樂子母得相
句曲外史集

補遺卷上

汲古閣

哺一朝竈突決火炎屋棟燬燕雀色不變不知禍
及已人臣私聚斂逃國壞綱紀孰謂斯人智不如
燕雀耳

獨酌

靜極忽不慙掩書曝前軒榮木樊四維時禽托孤
園羣物方趨功吾衷恒晏然本乏超世才偶脫區
中緣妙理寄濁醪嘉名愛靈仙從吾所好耳富貴
須何年

天池石壁爲鐵雅賦

嘗讀枕中記華山關中吳神泉發其顛青巒綠其隅春風四山來羣綠互紛扶羽觴曲折行浮花與之俱採珠華薜荔洗玉弄美藥聳曳頗好名石窪作魚湖鴻乙志草堂挑烟遂成圖而此滌煩磯閱世如撈蒲發興雲林子盥手與我孳居然縮地法筆入壺公壺

遊虎丘次東坡先生韻

日出東海頭虎氣踞茲嶺渴心望氣往解后轆轤井寧若軍中拜奔泉酌老耿莽丘專鬼物陰壑難

句曲外史集

補遺卷上

汲古閣

蛇龍魚腸卧池底百鍊豈重礦以問神物化後日屬吳猛怪蟒既血刃大道孰爭騁我行須入扶鳩杖慚祝哽小吳不滿眼坐納三萬頃化國方日長霸業久灰冷淞水輪歸吳遇溪柳遷永吾非斯人儔短句借流景茶烟寄禪榻弄我髻絲影散人初無號奚必煩上請

次倪元鎮遊虎丘

振屐稍踐危援藤遂支滑尚餘金玉氣山川相應發沼吳不滿眼軒中樹如髮花覆閭闔城石繞生

公榻適與幽人携及茲暮春月坐久得忘言移膝蔭清樾

答寄筍蔬

遠寄玉山篇來自故人廬竹萌且柔弱荻筍亦豐腴晝醺助芳辛濁醪爲前驅猪肝恐累人我亦仲叔徒念此風雨中江外致嘉蔬東詩答幽意老饕良可吁

冬夜震澤風雪異常

晴煥不可恃一夕冬令變屢忘和煦恩惟曰祈寒

句曲外史集

補遺卷上

汲古閣

怨老屋雪沒隙廣澤風肆便反覆鼓洪濤揚簸寒荒塹隱然洞庭樂勇盛閭閻戰萬物芻狗如埋沒加蹂踐凌晨枉嚴汜野日復葱蒨仁哉天地心觀復斯可見

上方教寺

橘林千黃金林靜路逾僻忽臨消夏灣雲海浩如積綺季不可追空餘驥驥跡

贈倪元鎮

龐公有名言魚鳥托棲止而其遺子孫亦在安而

已子有丘壑趣文弱與時背強梁方蛇吞食驥亦虎噬何以犯多難適爲田業累深泥沒老象自拔須勇志連環將誰解旦暮迭與廢所以明哲徒置身與廢外賢哉遽伯玉知非復何悔

夕佳樓

西山朝氣爽南山夕氣佳朝爽人共忻夕佳吾所懷山僧閱世久結廬深避乖憑樓將對峙菌閣亦雙排維南列崇早不受烟嵐我亦遲算人心迹倦鳥偕茲焉記高躅庶與靜者諧

句由外史集

補遺卷上

汲古閣

過太湖

滌滌魚龍戲僻側鳬鴈宿併吞三萬頃寧不爲小曲唯應鴈夷子曾泊西山麓

毛公壇

方壇蔭奇竹儼彼毛骨秀想見黃眉公時來濯水瀦一往不可得尚問何日又

黃公泉

黃公鍊藥處遺井茲丘上何年一泓碧寰博照容狀不意樵者歌猶聞紫芝唱

華山寺三泉

寺以華山名一一靈泉瀉會昌舊文字毀跡存牖下往劫蓮花開曷以信來者

奔月卮歌答鐵雅所作

覽社明珠奔入月脫殼政似風蟬潔漁網出之不敢視滌盡合沙光不滅文昌四星吞在腹一金晶大如菽屢物還來作飲器日夜雄雌繞林屋一扇挑核寬有餘半葉焦心卷未舒飲非其人躍如水怪兩盲風生坐隅置之天上白玉盤斗柄挹酒句由外史集

補遺卷上

汲古閣

長闌干李白跳下鯨魚背持勸我飲相交歡幽宮馮夷爲子泣酌盡海水百怪出還我平生老蚌胎許君醉卧蛟人室

悼薛玄卿

玄卿難再得本是餐霞人高懷獨超物洞鑒亦絕倫君自江東我吳下早歲聯翩侍金馬御榻賜書凡一束仙苑偷桃動盈把紫虛元君之玉訣青城先生教我者感君多道氣探懷爲君寫學士承旨平原公許我與君揚同一時標名兩外史羽衣

白茅立下風我還句曲廿餘載君乘輅軒歷烟海
歸錦橋西結草樓樓中祇被長相待風烟山水共
追尋福臨洞口話離心年深書字化為碧白首蒼
茫成古今聖井山崩數千尺君從羣龍去無迹困
頓鹽車條嶺頭此日思君復何益

玉笙謠爲鐵門笙伶周奇賦

我有紫霞想愛聞白玉笙縣貌比竹無靈氣昆丘
採此十二莖鳳唳銜明珠鳳翼排素翎金華周郎
妙宮徵子晉僊人初教成月下吹參差羣鶴亦和
句曲外史集

補遺卷上

汲古閣

鳴嶽氏山頭白雲起七月七日來相迎長謝時人
一揮手漂下滿空鸞鶴聲

奉贈魯學士

閣道如珠環太極天風浩蕩曳天裾雲行龍尾隨
金仗日照螭頭侍玉除四海聲華周典禮一時人
物魯瑤瑤願臻咸際無爲化寧讀人間非聖書

鳳皇山懷古

江右夷吾浪得名豫州英槩亦沉冥夕陽枯木山
如赭秋雨荒臺草自青漢苑玉魚誰復葬昭陵石

馬亦無靈可憐白髮商人婦猶向燈前話後庭

題西湖何氏隱真館

雞犬雲中豹一斑路隣仙冢昔躋攀說經僧去黃
龍卧負藥童歸白鶴閑酒仰桃田陶令宅井分丹
水葛洪山不因草結昭臺約此地從知幾往還

次孫大方仙輿詩韻

仙仗來時瑞霧屯真人玉女侍靈軒亭亭珠德香
烟直爛爛梅桑玉色溫華雨掃塵鷺帶溼島雲承
襪屨樓昏至今星斗天壇夜望拜青都虎豹門
句曲外史集

補遺卷上

汲古閣

送人之茅山

桃竹齊眉草屨柔江雲溼重木綿裘茅山一去五
百里楚月相望十二樓林下甌香黃獨月松根鉏
冷茯苓秋藥瓢料得歸來滿多病微軀我亦求

題桐栢觀

百折丹梯杪萬松鳳笙臺殿赤城鍾親從海上求
司馬寧復山中起卧龍瓊闌排雲窺坐席銀橋乘
月認仙蹤真人及此東行日笑說盧敖向九峰

鶴冢

鶴壽千年定有無羽衣蟬蛻雪模糊樵人與叟玄
黃較少保親傳粉墨圖坯土未乾青草短三山何
在白雲孤夜寒蕙帳應岑寂初向華嵩覓鳳雛

雨懷郭子昭御史

洞天霞雲晝不開大茅南面水縈迴深山此日蛟
龍喜舊雨故人馳馬來硎道浮槎高寄樹石幢陰
篆溼生苔銷愁底用金陵酒廉引窪尊枕瀑雷

寄倪元鎮

雨天初寒雪復作春風相欺何太顛誰依井甃皆

句由外史集

補遺卷上

汲古閣

獸迹獨擁書冊猶爲肩枸杞埋根乍難斷櫻桃放
花殊可憐賀監宅前舊遊處快放柳條維酒船

次韻元鎮

永桁常容蛛網懸石床渾讓女蘿牽道術何煩孔
鄆祀屋廬政用郡超錢泉崩澗底歸樵路雨壓厨
頭蒸木烟誰見西鄰折書後一枝風竹鶉鳩眠

懷茅山

我有草堂南洞門常時行坐虎同羣丹光出林掩
明月玉氣上天爲白雲遙憶田泉洗蒼木更思陶

潤采香片歸來閉戶償高卧莫遣人書白練裙
題元章研山圖

南宮米老書無敵同盟亦有許河東研山自昔懷
清賞石友令人拜下風華蓋天壇承露潔月巖空
洞與天通絕恰古學龜城叟一一題詩取次工

梅雪齋雅集分題得酒香

醺郁芬香味更嚴甕間飄滿讀書簾絕勝金鴨薰
花氣錯認山蜂釀蜜甜三嗅初令消渴止一中定
掃宿醒淹醉翁鼻觀還親切不待狂僧寫布帘

句由外史集

補遺卷上

汲古閣

折蓮花寄韓伯清

丈八河溝錦作堆一花初照夜明苔濯纓歌向滄
浪去執蓋即從碧落來天水染雲如淨練露盤食
玉似空杯韓家公子多才思乞與香奩相對開

水竹居爲湖州沈自誠賦

我愛若溪溪上居琅玕千箇繞吾廬早知竹葉仙
舟夢合誤櫓皮醉墨書屋底煖雲蒸汗簡月中清
露滴方諸鄰家已訂浮家約乞我長竿學釣魚

次韻答吳興黃伯成

行盡松陰黃葉林三义路口問茆廬青山對語惟
捫蝨落日催歸獨跨驢土木形骸橫叔夜波瀾文
字木玄虛殘年記得相存問莫道天寒無鯉魚

過吳興謁趙承旨

兩岸人家洲渚生滿城山色與溪聲船過鷗邊掠
浮玉雲移木末見飛英書淫画聖王孫老雪霽沙
晴湖水清洞經不用驚羣換也許山陰道士迎

松花餅

怪來粧妝作驚黃渾是蒼髯九粒香甜味中邊唯
句曲外史集

補遺卷上

汲古閣

食蜜苦心早晚待休糧仙人騏驎雷看取道士嵩
陽遠寄將笑比紅綾春餽巧齒牙根底嚼糖霜

贈別休休菴了堂上人

老僧十年不出戶袈裟搭架風披披祖衣留在阿
蘭若佛法傳過高白麗客床雪鍊一甌茗經藏吾
昏三尺碑不向舊房看煙蓋卷中原有古松枝

宿瑪瑙寺

一宿葛洪丹井上化爲蝴蝶夢魂清湖田涼峪四
散吹烟寺曉鍾相透鳴孤嶼橫陳爲玉几初陽煥

爛似霞城擎舟又入水雲去還我風簟雪簟聲

寄訢笑隱

緡經臺畔惜分携華蓋峰前幾夢思一席地分眠
鹿草三更月在掛猿枝我書安能半袁豹君才端
倍十曹丕上番畫逢虞祕監不嫌頻覓仰山碑

大滌山

此峰屹立浩無前信是人間別有天銅柱何煩天
北際蓬山寧在海東邊采樵巨臂多無骨搗藥靈
禽或是僊老我不能爲役偷峰頭看月幾回圓

句曲外史集

補遺卷上

汲古閣

丹泉

涵淳萬象一泓中欲探靈源未易窮丹窖久埋泉
眼赤珊瑚長浸石頭紅評來水味羞楊子收取沙
床贈葛洪一醉流霞三萬日年年分給羽人宮

天池樓

天池一樓小如架擎出半天天雨華山圍丈石獅
子座寺屬三朝母后家時呼白猿聽奇句亦許飛
仙食紫霞我來把斷朋風口只留床角置袈裟

牧之水榭

有序

杜樊川水榭在義興東郭宋紹興間卽其地創招提今廣福精舍是矣僧古田築屋三間仍以水榭名牧之寄詩待御詩有云塵意迷今古雲情識卷舒他年雪中棹陽羨訪吾廬刻石爲山中故事古田諸孫易道上人從子游求爲賦詩往題其處好事來續未文也

愛此招提絕世氛何因水榭得名聞幽篁嘉木知誰共塵意雲情若箇分陽羨溪頭黃葉路晚晴賦句曲外史集

補遺卷上

汲古閣

裏白鷗羣詩僧文采居然別解道曾留杜使君

同張德常遊張公洞

騎入秋雲覺畫間日出洞靈猶啓關東皇永覆雲霧海玉女盆盛人鳥山牽驟步步踏石髓投龍往往祝金環茅家小吏向塵土弭節相逕明當還

題趙松雪怡樂堂圖

幽人結屋傍江干怡樂名堂只數間黃鳥隔簾詩夢醒紫鱗供饌釣舟還簷前景色春常在柳外柴門畫不關誰識箇中真樂處陶然天地一身閑

馬勝新居

浮家泛宅意何如玉室金堂計未疎歸錦橋邊停舫子散花灘上作樓居澹然到處自鑿井玄晏閉關方著書但得草堂貨便足人間何地不樵漁

西湖放燈

共泛蘭舟燈火鬧不知風露溼青冥如今池底休鋪錦此夕槎頭直掛星欄若金蓮分夜炬空於雲母隔秋屏却憐牛渚清狂甚苦欲燃犀走百靈

雲巢樓

句曲外史集

補遺卷上

汲古閣

初陽臺上白雲多雲裏層層玉樹歌棲息一枝綠未穩飛翾千仞奈危何雨中幕燕雷驚起峰頂笙鷺目送過好在丹梯無百尺屋頭看盡白鷗波

菡山

結茅依菡山焚香候芝蓋真靈幸憫我冠佩時來

會

羅姑洞

事見眞誥

蒼梧眇天末聞有綠毛仙却過華陽路人間九百年

霞架海

衆木會一窟天近發霞光晨興新沐竟晞髮向朝陽

鶴臺

上有白鶴翔下有幽人居幽人道當成白鶴來不虛

桐華源

伊誰植斯桐萋萋滿幽谷鳴鳳久不聞何當一來宿

句曲外史集

補遺卷上

汲古閣

玄洲精舍

梁周處士弘讓題
恒真人壁不別換

子有鸞鶴想甘同麋鹿遊懸榻應待我分我半玄洲

紫軒

林君已仙去紫軒名尚存丹光時或現鼎藥夜常

溫

大浣壇

林真人火解事
見采真游篇

真陽以解形四大何足靳指窮以爲薪火傳不知盡

隱居松

真人在山日所至樹以松當知千載下遺子以清風

玉像龕

我有紫虛像白玉雕琢成貢之華陽天萬年斬降靈

題拜石圖

一代清狂海嶽老世間簪紱更須論却怜种放樵夫拜不到奇章宰相門

句曲外史集

補遺卷上

汲古閣

來鶴亭

華表歸來舊令威曉風將夢上天飛縱山借與浮丘伯一曲瑤笙月下歸

來鶴亭卽席賦

草堂孤鶴駐樊籠忽有鸞笙下碧空待喚羽衣相向舞呂家園裏看春風

題鶴亭所藏馬圖

九霄天馬俱龍種四十萬蹄雲錦班一自漁陽鼓後不知幾箇到驪山

鼓後不知幾箇到驪山

荅溪草堂

傳語幽人范叔豹霧隱何時窺一斑天下草堂隨處取無此玉湖浮玉山

吳興道中四首

晴港陰厓乳犢眠涼風綠鬢颯颯烟埋名慚愧蘆中老生閱江湖逆順船

又

風捲灣碕半折蒲意行弄水不嫌迂筆床正掠鷺羣過疑殺山陰染翰圖

句曲外史集

補遺卷上十八

汲古閣

又

眠溪大樹不見日牧鷺小兒兼釣魚南風相送玉湖口舟子飯時吾讀書

又

扁舟偶趁采樵風題扇書裙莫惱公何處人間無六月碧瀾堂上雨聲中

湖州竹枝詞

臨湖門外是儂家郎若同時來喫茶黃土築牆茅蓋屋門前一樹紫荆花

鯉魚

桃花鯉魚世常有尊萊鱸魚浪得名試喫江南鯉魚尾侯家無此一杯羹

題授經郎獻書圖

侍書愛題博士圖日日退朝書滿床奎章閣上觀政要無人知有授經郎

次韻劉師魯吳山清暉亭三首

鳳去簫韶空隱隱鶴棲臺殿舊層層浮屠立盡千秋雪誰倩風鈴說廢興

句曲外史集

補遺卷上十九

汲古閣

又

萬瓦連雲入世空一雞啼日海波紅欲窺倒影清溟外故著危亭紫翠中

又

故山茅屋破仍欹惆悵西風日夜吹今日偶來高處望嚴家亭上立多時

初陽臺

初陽臺上新亭好一曲笙簧石壁開驚起玄真狂道士步虛飛下玉清臺

西湖竹枝詞

光堯內禪罷言兵幾番御舟湖上行東京鄰舍宋
大嫂就船猶得進魚羹

贈筆生沈君實

玉堂弄翰青錢選聞道吳興屢出奇何事君家苦
辭壁醉仙畱句只槁皮

揭學士過武康山中十日辭外史江東未至

孤坐千因戲筆破悶二首

南鎮行香揭夫子歇馬走入計壽山杜尊師去白

句曲外史集

補遺卷上

汲古閣

石在翻動琳瑯翰墨間

又

一杯愛渠蕪蕨香一槃勸我苦荬涼飽食翻疑得
詩瘦不如頓頓地椒羊

宿天申宮二首

借渠靈壚一枝竹穿雲度險不須扶爲尋石榻蘊

永字執火照徧青珊瑚

又

藥苗松菌紅斑斑綴風烟俎豆間籃輿三日半

醒醉春雲只戀銅官山

句曲外史集

補遺卷上

汲古閣

句曲外史集補遺卷上 紫

句曲外史集補遺卷中

上卷諸詩吳興閔康庚辛巳秋寄余續刻者偶讀架上元人筆又得聯句一篇

學詩齋聯句

至正甲申蜡月望前二日句曲張外史天

雨自義吳還錢塘其老友某僑居因宿外

史于客樓時吳與鄭韶九成亦在焉于舊

嘗喜與外史聯句是夜將爲之而未得韶

作而言曰生以學詩名齋亦有志於溫柔

敦厚之教也儻二先生卽是爲題生幸多

句曲外史集

補遺卷中

汲古閣

矣用一笑從其言詩將終而予怯寒先就

寢明旦外史亟歸且屬以足成之爲之補

就吳人陸友善隸韶乞寫二紙一張於齋

一寄外史云鄭元祐識

明良慶歌基猗邪奏鼓始清廟殊離離赤鳥固

凡几豈惟緇衣賢雨政以朱襮美原鴛兄弟急弟

河魴父母邇便施谷中葛節亦采體下菲詠素表

沃若雨歌萊賦樂只節鮑譜蘇公絕節厲懷凡伯

恥思鳴卷阿鳳雨顓繪衰衣雖節蔽以思無邪毋

曰鼠有體雨言超授簡貢祐道在過庭鯉雨遂去

文辭害亦屏訓詁昧諫諍主風刺祐昌言發興比

雅亡繼麟筆節和寡續巴里錦罷魚在藻屈倡鳬

汎水雨絙絃誰與奏補宜自難擬哀河梁別祐

堂堂沛風起雨祠雒悔心萌祐決虞壯圖已蹇蹶

恨弟憐祐援挂慄藿靡便啼城上烏雨猶恨水中

汴祐隆中抱膝想許下橫梨偉體要必中度祐葩

正悉循理雨響當貫珠串祐輟始轉車軌祐清圓

斷水苦雨穎脫扣鍾喜祐無題白乃聖有作甫良

句曲外史集

補遺卷中

汲古閣

史雨險如橫空盤突若破陣禡祐雕鏤百神困策

役萬象靡雨爨桐聲玉明廟樂厭石窗揮毫既凌

厲賦物斯須委祐鄭公學方篤吳歆好誠鄙雨蕭

齋扁佳名華構落新址詩律妙獨造更塵淨一洗

瑰辭出語奔遺經貯腹祐道在用服形神悟爲

洗髓雨不矜素王造信全幽人履賢冒苦拍擢物

累困成毀直登陶韋奧方摩鮑謝壘皎凌天策燉

古偕靈光歸請驗百世傳致慎一置圯兩老皆苦

心六義始盈耳挂一眞萬漏祐聊以示吾子雨

華亭康與可從長安邸舍見蕉池積雪詩
卷錄以寄余余藏簡中十年矣偶從敝衙
中見故人遺蹟因錄之

舊有漢銅洗一作碧玉色受水一斗後有贈

白石上樹小芭蕉吾因置洗中名曰蕉池積

雪彷彿王摩詰畫意賦詩一首羣公時多次

韻僅存師魯二篇

洗玉之池割圓橋上有玉苗甘露零雪山凝寒臘

太白海氣正綠灑帝青是身非堅須長物絕境無

夢遺真形寧令嚴霜凋翠草詎勝失木哀銅瓶

句曲外史集

補遺卷中

汲古閣

劉汶次韻

銅駝陷上得銅洗曾見漢朝風露零寒光未變劫

灰黑古色猶帶宮苔青金人墮淚漫懷古玉女洗

頭真寓形與君作池媚蕉雪何以報之雙玉瓶

又

仙掌金盤別風露人間琛寶多飄零忽有銅洗土

花碧側想玉女雲鬟青千年偶在聊寄意萬物終

毀無逃形吾徒汲古寧玩物願予及泉資經瓶

倪瓚

昔張外史有古銅洗種小蕉白石上置

洗中名之曰蕉池積雪軒西園老人追

和張劉二君詩書挂軒中予亦爲之次

韻

雪中芭蕉見圖畫蕉池積雪終凋零風翻窗裏浪

花白雨壓床頭雲葉青詩人超軼有遠思造物變

幻難逃形爾亦林居喜幽事晚泥石溜攜銅瓶

書張伯雨蕉池詩後

右海昌張伯雨蕉池積雪詩一篇其稱羣公次韻

句曲外史集

補遺卷中

汲古閣

僅存者劉師魯二篇伯雨之爲蕉池積雪去今十

餘年吳江村叟周君爲蕉池積雪視伯雨所爲無

少異周君喜其暗合也求書其實併詩以表之始

周君豐于貲財好蓄古玩器無何兵起其貲與故

物一昔蕩然俱盡惟守小屋數椽日以此爲娛悅

人以是多之伯雨已矣在承平時稍爲清峭殊特

者而周君當事變之際不隨眾境而逝而乃創意

于此又其奇也雖然氣化盛衰之數恒相迭而無

窮也以金石之堅者不能外此而待人獨于一草

之微而致意焉者其亦有所寓矣夫何寓哉妍媸巨細不可得而擇也消息盈虛不可得而加也彭殤生死不可得而齊一也自達生而言之無不曰我于物無滯也而又何校乎然則蕉池積雪之趣固不可以形器求之也求其趣者舍詩無以也余既書伯雨之詩而又書其始末如此至正庚子七月十日筆蓋洞著書者饒介謙

余從湖上購元人耕漁軒卷前有楊孟載說後有姚少師跋其間題贈詩篇倪元鎮而下皆一時如雷如霆之偉人蓋爲太
句曲外史集
五 補遺卷中
汲古閣

畊漁軒

幽人薄世榮畊漁風所喜朝耘西華田暮釣洞庭水浮湛千戈際無譽亦無毀釀林雲翻甕餉魚雪飛凡客來具盃酌客去味經史緬懷清渭濱何如鹿門裏往者不復見斯人亦云已努力勤所業庶免素餐恥

陳眉公嘗謂余曰余山中藏伯雨惜書詩七首後云上雲林清閣閣下希是正之益句曲張天雨起首惜未曾見又云趙魏公宋秀王之後其子仲穆喜回墨蘭張伯雨戲題一絕于上仲穆見而愧之蘭遂絕筆

題墨蘭

滋蘭九畹空多種何似墨池三兩花近日國香零落盡王孫芳草遍天涯

壬午孟夏山中採茶僧至康侯復寄逸詩若干首余去其重者而補焉

題趙仲穆竹西園爲楊元誠

問訊揚雄宅深居在竹西風林宜月影春日聽鶯啼東老應同樂南隣憶舊題東風又花草相與及幽棲

酬虞道園

句曲外史集
六 補遺卷中
汲古閣

一函真錄是遺書想爲焚香謝紫虛海上安期分食棗人間長史合縣車泥九月月存思否華蓋烟嵐筆札餘絕嘆清詩不埋沒解隨霜葉墮山居

中庭古栢

庭中異栢前朝物銅柯石幹元青蒼雲壑終憶老蛟卧珠樹獨留威鳳翔月上團陰移覆砌雨餘古香飄近床支離疏者深根在閱盡世人還久長

馴鷺

子然馴鷺雪霜明下瀨求魚自在行碧玉盤漿雙

足瘦白麻不袂一身輕海鷗見事應何晚凡鳥題門也不情輸我駕行舊儔侶舉頭寥廓總雲程

題雪景三香圖二首

春雪無聲入畫堂東風渾似北風涼祇緣何遜題詩少信是徐熙落墨強青鳥下迎羅襪步蒼苔來近玉臺裝巨廬也入幽閣夢睡裏山花各自香

又

雪羽飛來雪意濃國香狼籍暝煙叢倩誰與剪吳淞水愛爾能吟柳絮風翠袖佳人玉跳脫平頭奴句曲外史集

補遺卷中

汲古閣

子錦熏籠劔南書手看前輩着粉施朱或未工

輓貢正甫經歷

親聞晚歲斑衣樂蓮幙秋風綠水香范氏清名滿吳會朱公遺愛在桐鄉淮山招隱推詩逸彭澤疏封盡顯揚却憶去年稱壽日劉梅盛事播詩章

湖州閑康侯外史逸詩多篇復動余索隱之興每展一元人集必有附入同社馬退山下鈔祕本甚多因乞篋中所藏又得外史奇无言禪師詩五首但奉雷揭學士曼頌一篇余向年已刻入上卷小有不同仍存之

奉雷揭學士

柴荆馬糞間蛛網動相關老因移疾輒生懶訂頑雨涼修竹健沙僻睡鳬閒如許秋來意溪航忍獨還

龍翔大師秋後惠新簾

遮眼羣峰雨驚秋一葉風僧歸建鄴寺詩到豫章公鮭菜真堪戀桃笙不待攻澡身方得計餅外有餘空

次韻寄答雲門斷江禪師

長看如雪眼渾渾遽施食岩前坐暝鴉壞衲半堆黃句曲外史集

補遺卷中

汲古閣

木葉好峰千朵碧蓮花湖山近日重來鶴池館於今足吹蛙早晚越中尋賀老千秋觀在爾東家

送太祝陳柏還京師

公子翩翩出太常南來使節擁輝光製器上供清廟薦聚書內還東壁藏天祿子雲終識字歲星方朔暫爲郎海涯零落洞庭野回首簫韶引鳳凰

龍虎山張一元一宿而去

神翁觀主來相訪既去猶如夢見之閉戶著書吾黨事對床聽雨昔人詩萬羊何與分憂責一物終

能係盛衰回首孤雲自天末竹陰涼坐看蛛絲
无言禪師出紙俾書繆作錄近詩凡五首求方外
正之葛塢張天雨皇恐頓首時至元五年秋七月
廿又一日也

句曲外史集
予自蚤歲好鈔先賢秘本戊寅夏借荻溪
王凱度所藏朱性甫先生手鈔珊瑚木難
第三帙閱畢摘錄元時諸名家詩內有張
伯雨五首附錄章極壽詩後遺汲古閣主
人毛氏九氏廣搜伯雨遺詩補刻因出舊
本同閱命錄出此則退山馬宏道識昔黃
長至前五日庚侯又寄貞居二詩德普黃
州洪半石先生字昆麓時欲改惠泉為第
一泉首唱近體詩六百餘次韻讀貞居
遊惠山寺一篇書三百年前早有同心
補遺卷中

遊惠山寺

水品古來差第一天下不易第二泉石池漫流語
最勝江流湍急非自然定知有錫藏山腹泉重而
甘滑如玉調符千里辨滷澠龍貢百年離龍辱虛
名累物果可逃我來為泉作解嘲速喚點茶三昧
手酬我松風吹免棄

贈龍門恩公

恩公昔住天平日林下相迎壤色袍行到龍門無
脚力右肩偏袒嘆櫻桃

句曲外史集補遺卷下

後僕夫泉記

有宋高僧中庸子居孤山礪磻坡之院僕夫藝竹
得泉因以名之且復為之記循本而言信無葉人
矣紹興初敕遷院于寶雲山中庸真身之塔隨遷
所不遷者泉耳院去葛洪丹井數十舉武而近日
唯井泉是汲龍挈云勞匪一朝夕適至正癸未之
春塗墜殿廡壘土堦下舉鋪而靈脉潤導竅而清
泉涌既浚既滌寒冽不渝於是極以密石覆之以
句曲外史集 補遺卷下

汲古閣

亭重以僕夫標之示不忘其初嗜亦異哉主僧芳
洲潔雅之士行道修辭至於食飲種植之微動循
孤山法則猶以散泉不食為未足今獲一勺之多
不啻充滿其願來者相與嘆曰距祥符之世踰三
百載道源有續口澤如新芳洲其今之中庸子乎
予謂是泉之發初不擇地而密依倪座交蔭桂枝
上人不易名僕夫不與知其功利與茲山毋竭書
以為後僕夫泉記是歲夏四月

春日遊南山約

看長安花已是丈人之行間鐵鑪步聊從太史之
觀甫及春晴可無宿諾且驚峰暖洞衆人何莫由
斯顧靈石龍泓賢者而後樂此緇塵拂汗碧嶺長
幽仰探玄豹之深下笑飛蚊之聚風篁蕭爽觀德
威二老之亭蟬冕輝煌拜元祐諸賢之像徐行後
長逸興適倫撫中嶽外史之書碑長虹貫日寬房
山侍郎之題壁白雲啓扉放浪形骸憶寫懷抱豈
沙門不得稱高士而濁醪亦足名賢人迫腸詠之
風流成談笑之故事盤餐爲具酌必真率會中車
句曲外史集

補遺卷下

汲古閣

戲題黃大癡小像

全真家數禪和口鼓貧子骨頭吏員臍臍

題顧善夫集十大家画

玉峰顧善夫所藏名人書画余得見者亦屢矣不
若此册尤佳如名園中春花盛開雖紅紫黃白不
齊而各具一種天然生意鬬麗爭妍善夫日夕危
坐于怡樂堂中焚香展對其領受當爲不淺矣是

日同觀者開開道人吳全節至正丁未秋社日句
曲外史張雨書

句曲外史集

補遺卷下

汲古閣

句曲外史集補遺卷下終

句曲外史集 附

七月六日承貞居先生遠寄周鍾銑間有文

象鳧之形則考工記所謂鳧氏爲鍾者也擊

之與夷則合而是日又適立秋古物之來豈

偶然哉輒成小詩拜貺之辱 趙孟頫

故人賞我趣遺我鳧氏鍾制與周禮合試叩聲春

容是日新秋節夷則還爲宮懸之西楯下浮磬儼

在東金石互相應聞以絲與桐入音雖未備古樂

將無同鼎尊鐸鐸自羅列見古風揖讓於其間令

句曲外史集

一 附

汲古閣

我懷周公作詩報佳貺庶以開羣聾

題張外史馬勝新居

張翥

窈窕丹房古澗阿長松修竹繞層坡桃圉隱者時

相遇茆洞仙人夜或過沆瀣杯寒供曉食青冥笙

響答空歌白雲浮出地痕滿知是龍泓宿雨多

中秋對月時張外史有約以醉不赴

張翥

明月中天烟霧消酒醒涼思正飄飄星河不動秋

空闕鐘鼓無聲夜寂寥露下遠山皆落木風來淪

海欲生潮僊家玩事無緣到虛負瓊樓聽玉簫

和張外史山居雪霽

張翥

窈窕磻阿人跡斷隱居學道自神凝巖頭鶴下松

無雪石底龍蟠水不冰釀酒春瓶濃勝乳抄書雲

笈細如蠅多君肯念還京客爲織春袍柿蒂綾

宿張外史馬勝新居

薩都刺

竹樹忽聞乾鵲噪明朝歸去候新晴小樓無處著

秋意暗雨空山如海聲葉落窗虛聞鶴步峰回路

轉斷人行誰知昨夜玄洲客剪燭談詩到二更

句曲外史集

二 附

汲古閣

夢張天雨

薩都刺

政恐梅花卽是君一床蝴蝶兩床分邀子悟讀玄

真子羨爾偕升太素雲開篋取書銀字減捲簾呼

酒玉笙聞覺來不省誰同夢雪影翻窗似水紋

寄句曲外史張伯雨

虞集

獨抱長鑱管白雲琴心誰錄內篇文清齋三日秋

仍瘦徧禮羣真夜每分石記恐妨塵外事山經聊

許世人聞已從司馬求真錄更爲通章九老君

寄貞居張先生

虞集

司馬先生苦著書久食金液日清虛星辰欲動含
精劍雲霧長隨畢道車重憶仙翁千仞表爲修真
錄百篇餘白頭供奉黃金盡靈爇伺因到隱居

送錢塘張天雨入茅山二首 虞集

獨棹扁舟入白蘋隱居舊宅去棲真囊懸肘後惟
丹訣書到人間稱逸民未覺白雲畱住晚也應蒼
木寄來蘋手栽松上騎飛鶴知是華陽第幾人

又

隱居問道無人跡麋鹿來依積雪深每占雲氣得
句曲外史集

三附

汲古閣

芝朮莫怪月光穿樹林茅君自騎一虎下木客或
與羣猿吟知爾此時最相憶蓮子飛屨度千岑

和答張伯雨

范梈

靈均逝矣不堪呼幾欲南遊訊楚巫城郭烟濤垂
白帝星河風露浥黃姑幽人昔恨九關豹佳士今
猶千里駒久客貧君相慰藉可能無意謝飛鳬

過伯雨會無外式公劉君衍卿

黃潛

廬山舊事誰能繼三十年前此會同偶爾共來今

日雨蕭然猶有古人風坐深遙對花如霧興盡徐
歸月在空仰止前修那可作聊追餘響托無窮
次韻伯雨臘月八日雪中同登來鶴亭

黃潛

興來欲泛山陰雪不奈舟膠野水凝朝士白頭愁
獨步仙人赤脚傲層冰招來盡是雞羣鶴趨附空
慚驥尾蠅夜久松龕同擁毳絕勝傑值有青綾

送張外史歸華陽

楊載

送君高舉入華陽古洞深蟠石逕荒蔽日旌幢朝
句曲外史集

四附

汲古閣

泥泥飛空環珮夜琅琅冷霞已試登仙訣祀竈還
修却老方見說陶公雖隱遁猶將道德佐齊梁

追和張外史山居雪齋

俞友仁

湖上千峰盡失青湖光十里未消凝吟詩細嚼梅
花藥煮茗潛敲澗壑冰東郭忍寒行似鶴南屏凝
醉坐如蠅相過內相知乘興盛服猶披舊賜綾

伯雨書老杜花逕不曾緣客掃之句使童子

持以示略不運思足成詩 野僧

久聞方外有神仙只住華陽古洞天花徑不曾緣

客掃石牀今許借僧眠穿雲去汲澆丹井帶雨來
耕種玉田一自茅君成道後幾人騎鶴下蒼煙

寄贈華陽洞隱者

袁楠

尸坐朝日雙臉醺寢屏曉入香爐雲苔石縱橫紫
絲障蓀花清淺青霓帶北山猿鶴似有約南崖鍾
磬宜相聞更欲深居入絕壑築壇夜禮三茅君

暮春計籌山寄句曲山人

黃石翁

松花落粉啼子規山人燕坐春書遲石泉豈非大
韶樂日色猶是鴻荒時筠簾竹杖烟中語青紙丹
句曲外史集

五附

汲古閣

書林下詩應謝錢唐舊知識白雲獨往無還期

悼句曲外史

楊維禎

黃篋樓頭僊一去明年黃篋掃狼峰不知天上修
玄史只訝山中伴赤松石室祕書愁攝星池遺
劍已成龍思君不見夜開戶月在金鍾玉几峰

玄文館送張伯雨鍊師歸三茅

柳道傳

華林菌閣草菲菲千樹啼鵲喚客歸石上踞龜談
未了山中騎虎去如飛白雲冉冉浮芝蓋青雨疎

疎灑葛衣世外故多人物論一枝丹筆待君揮

用韻重送

柳道傳

海上盧敖汗漫期雨青雲白送將歸步隨玉女明
星出夢載神山左股飛迤徑常時多著屐深林五
月未更衣冷颼忽動三君下七尺水絃信手揮

題張光弼選伯雨詩

高德賜

外史詩爲人贈炙玄珠光照浙西東振衣玉宇瓊
樓上滌筆冰甌雪碗中龍去葛陵乘茸雨鶴歸華
表語秋風一瓢喜落廬陵手箇箇青錢鑄作工

句曲外史集

六附

汲古閣

題張伯雨初陽臺唱和卷

釋守仁

笙管聲沉彩鳳飛朝陽出海散晴暉一時文物推
延祐五夜丹光起太微歲月無情詩卷在江山如
故昔人非祇應湖上梅花月照見荒臺獨鶴歸

拜句曲外史墓二首

姚綬

百年尚友重文章登拜孤墳一瓣香赤壁舟中驚
鶴夢玉鈎橋下真椒漿匣藏神劍猶生氣雲閣秋
山自老蒼雙眼摩挲舊碑刻還疑清夜吐虹光

又

僊去端依絳節朝僊壇環珮竟寥寥字收渤海千
軍陣詩逼成都萬里橋黃樓空焦炬入清風堂
廢白雲銷惟餘靈石山頭月千古風華不待招

與張伯雨湖堤暮歸

吳養浩

柳絲淡蕩雨霏微隔水遙看羽蓋飛馬上僊人強
支酒踏花何處晚來歸

題張伯雨來鶴亭

虞集

羣真終夜降華陽曾聽仙音近玉床語罷是誰留
別鶴待君寥廓共馳翔

句曲外史集

附七

汲古閣

又

亭前春雨長蒼苔海鶴長鳴一日來從此琴心三
疊裏月明時見影徘徊

與張大雨楊廉夫陳子平諸公遊虎丘

鄭元祐

昔吳有縣精茲丘據其領前瞻埋金竈尚餘淬劍
井簡昔畏懷異星日發光耿干將不剗咒杜鞞豈
禁龜至今點頭石斷非躍冶礪上機不由智大將
寧論猛公剖儒釋緒便從康莊騁詞鐫琬琰嚴聲

抽轡轡哽掉鞅清淨海不墮生死頃憶昔此來遊
六月佩旌冷山靈寶其躅歲月塵劫永我生若後
時惜此媚風景坐嘯嗟所見起舞顧其影箕尾橫
青天有懷無從請

鶴巢次張貞居韻

胎禽巢居迥每在林表松棟梁架青冥戶牖瞰碧
峰欲睹仙者馭每懷塵外蹤玉童坐吹笙娟娟好
顏色時歸理其室護以虎與龍茅簷瑤草香欲往
路莫從星宮集羣真霞光覆千重解后十洲上仙
句曲外史集

附八

汲古閣

聖應相逢

題張伯雨雷別卷

句曲外史儒仙師開口論事劍差差詩律精嚴奪
天巧字畫峭重含春姿一朝飄然上京邑赤墀不
拜惟長揖名稱籍籍諸公間落紙雲烟粲星日璽
書令任西湖濱忽思騎虎朝玉宸大茅峰頭對北
斗劍佩色映江南春山經幽文與道帙歸藏靈淵
之石室小劫猶割紫琳腴大書應接皇人筆鬼物
守護今幾年闔戶勒銘師亦仙酒星在天炤酒泉

福鄉者因昭明道館名也出諸榛莽著文刻石覆之以亭而巖洞泉石之脉近在百步內者皆按圖表之可以觀覽秦定元年上清四十五代宗師劉君大彬朝京師授子始未俾爲之次第焉張君吳郡人名天雨內名嗣真字伯雨別號貞居年二十棄家入道徧遊天台括蒼諸名山吳人周大靜先爲許宗師弟子得楊許遺書張君從而以爲師悉受其說嘗從開元王君壽衍入朝被璽書賜驛傳顯受教門擢任非其志也卽自誓不希榮進因從

句曲外史集

附

汲古閣

大茅南垂元氣積陰關闢扉陽洞闢曲穴流泉保靈宅任君來餌黃赤石天一召錫太元冊曲阿受養良有擇構宮方嚴自王伯清蹕臨止靈輦格虛林森爽化赫奕福卿帝子發甘液不食何年喪遺覽白雲映空玉清客開元全盛煩有役持節匆匆致纁轡爾來蕭條世代隔石磴刻文土漫畫誰其啓之規古昔句曲外史美冠焉研書千卷視貞白天真景隨玄系釋玉室金堂萬無教

師友集序

黃潛

句曲外史集

附

汲古閣

三茅之招追奉任君而下五君爲文而告之願畢力茲字所著外史世集三卷碧岩玄會錄三卷又尋山志十五卷考索極精博云嗚呼自任君始居此餘數百年才五人傳焉其自致于久遠者果何托也豈若後世各誘門人系以私屬如家人父子者哉故寧希濶而有待今張君無前代賜予之助徒草衣木食以營此而曠然思與四方之士共爲千載之期豈非豁落丈夫也哉予故與君爲方外友奇其能先予遠舉也故系之以詩曰

非一日年運而往諸老相繼淪謝伯雨乃以壯盛時去爲黃冠師間出而觀國之光屬當文明之代一時鴻生碩望文學侍從之臣方相與鎔金鑄辭著爲訓典播爲頌歌以鋪張太平雍熙之盛伯雨周旋其間又皆與之相接以粲然之文如塤鳴而饒應也逮伯雨勒遊而歸入山益深入林益密竝遊之英俊多已零落而伯雨亦老矣後生晚出如春華夕秀奇采邁發欲一經伯雨之品題者無不挾所長以爲贊而伯雨皆莫之拒雖細弗遺宜其句曲外史集

十一

汲古閣

所積之富如此嗟夫伯雨負其超邁卓絕之材不徒有聞於家庭而脫落綺紈之習遂能遺世獨立周覽六合必欲盡大觀而無憾其高風雅志固可槩見也雖然四十年間氣運有升降人物有盛衰而文章之變化與之相爲無窮述作之家尚有考焉詩文總若干篇其次第不係乎齒爵位望而一以歲月爲先後方外一二士旣編輯而校讐之復俾潛爲之序而刻實伯雨所居靈石山之登善菴潛之鄙陋言不足以盡意序續集者寧不爲之畢

其說乎

張外史馬陸園閣記

陳旅

錢唐邑屋叢轅數十里至爲重樓以居委巷若閨市人氣滂鬱爲溽霧城西山水清曠而笙歌粉黛上下無空日夫杭東南與區芬華之所族而幽靜者之所處也城北有村曰馬陸居民多業藝花土沃俗質聚近而遠至元間句曲外史來棲焉爲閣四楹桂卉叢植菊有長松數十章落落如高人湖上之山騰伏閣外蓋得沖覽之會者外史舊有句曲外史集

附十二

汲古閣

蘭閣在金蘭山吳興趙文敏公篆榜極古茲復以真蹟署新閣意扁舟往來所志在蘭山也

句曲外史集錄序

姚綬

錢唐張伯雨先生天季碩儒逃名于方外其制作與古人相伯仲予嘗私淑其真行書購求真迹或卷或軸長篇短章又有其手書詩文稿各一帙總若干篇保若拱壁藏之雲東仙人館成化丁未六月火盡焚其所積圖史而先生之跡俱逝者十之八九先生平生詩文甚多梓行者鈔余所得一編

僅百餘首乃徐良夫作序者又余幼時先君子命抄錄五七言八十餘首今皆不存余茲暇日爰就相知士大夫家搜訪其所作若詩若文雜著并余家煨燼之餘所僅存者番書千冊名曰句曲外史集錄侯既富而類析之壽梓以行嗟夫人之生世古今未有超然獨存者所賴壽之於不死其文章平故凡文章根柢于道自信可以傳後雖流散海內後必有人收錄必不使之敗壞漸盡若韓昌黎之文歐陽子永叔得之於散漫之餘行於校讎之句曲外史集

附十三

汲古閣

後遂爲四大家之冠輝煌轆轤垂之無窮人第患不能爲可傳者無患乎千載之下不得流播也吾道在天地間不絕如綫世豈無其人哉斯可驗諸

外史張公墓碑銘

姚綬

嗚呼此句曲外史貞居先生張公墓也南屏之右西湖之陽梁題五鉤澗度靈石路披篠樹隔帶烟霞石室藏書碑文紀事其形雖逝其神則存翰墨在人文章垂世儼然生氣之張皇警欬無聲周旋滅影穆若太虛而不寂開元精舍入無繼續之賢

句曲貞居全乏訪求之彥遂使墓門荒翳北趾崩奔松栢摧爲薪莫設時樵之禁身世是何物曾罹夜客之侵痛茲劒躍雷津慨爾研離玉匣既往何咎將來可圖曠世而默契余心尚友而景行前哲爰令佳士聿來嗣人即冢土以增崇求體魄之綏靜其灌其樹于以植夫美材有紀有堂于以開夫幽隧不有伐石將安載詳是欲喚起令威再返遼東之白鶴招還曼倩同瞻雲外之青鸞第恐紫極高樓罔由下邁自謂黃中密邇端冀勿臨先作傳

附十四

汲古閣

以述夫始終率我託復齋銘以紀夫歲月形管肅書銘曰

於厥張公天雨伯雨是名是字早曰貞居晚曰外史厥號不一幻僊亦爾文章闢古鑿鑿商書法俊逸不邈以止樂道忘我人莫之嘗相靈石澗爰墓于茲有峰而沒有水而駛喬喬者林盈盈者芷迴絕風塵攸驅虎兕以巖爲扃以雲爲時朝烟夕霏紆青委紫時遠世異毋怪顏祀聿修增之屬後來士於厥張公克具衆美周聃之學洞究玄旨獨

立羽化匪忽焉死光華曷居天漢之漢謫子銘者
式味妙理矧嗣教人其不興起薦溪之毛挹齊之
體公恒賁斯以防降只

外史績學工辭章名動公卿獨於我湖趙魏

公父子良厚故往來數而題詠雜予已采入

我湖藝文矣惜侍御一生購求半墮煨燼非

琴川子晉毛君棠荆何以知羽流中有此異

人也然而較之予所采仍有遺者于是取架

上書遍搜果得詩九十首文四首又抄本詞

句曲外史

十五

汲古閣

一奏則傳之亡友張雅通者也子晉雖未及

面曾尺一相聞而双林存疑上人與子晉交

不啻外史之與松雪遂屬郵致之如竹枝卧

瓶高筆塚非長雨肥舍土膏風沙不憚五千

里翻身跳入仙人童家歲逸少龍鵝字門繫

龜蒙放鴨船逸句及侍御所稱胎仙閣記頭

大有所稱倪元鎮像贊均無從覓補敢謂資

兒目圓能盡乎是在子晉矣其交遊授贈除

志道天錫元鎮厠行外悉曠未簡豈以侈異

抑惟外史當日刺置登善庵之意云尔西吳
閻元衡書

句曲外史

十六

汲古閣

句曲外史集

跋一

外史績學工辭章名動公卿獨於我湖遊魏公父子契厚故往來數而題詠錄余已采入我湖藝文矣惜姚侍御一生購求半付煨燼非琴川子晉毛君彙梓何以知羽法中有此异人也然而較余所采仍有遺者於是取架上書遍搜果得詩九十七首文五首又抄本詞一棗則傳之亡友張雅通者也子晉雖未及面曾尺一相聞而双林存疑上人与子晉交不啻外史之与松雪遂屬上人郵致之如

洞壑藏書盡隱文不知竹枝卧餅高筆塚同上偶

閱一枝紅石竹題宋仲溫試韭長兩肥含土膏

風沙不憚五千里翻身跳入仙人壺題家

歲逸少籠鵝字門繫龜蒙放鴨船題家百年身

付黃花酒萬壑松如赤脚水九日楊太史逸詩由來

老筆荆關筆傳粉施朱笑後生題子逸句如

玄史自序胎仙閣記游天平山記及八絕句

趙松雪千文跋書伊尹古像後倪元鎮像贊

均無從覓補李君實先生手抄澗阿詩稿一

句曲外史集

跋二

孝亦無錄寫目敢謂貧兒撫拾盡乎是在子晉矣其交遊投贈除志道天錫元鎮三集外悉綴焉所以推外史當日刺置登善庵之意也小傳止載虞文靖書七十二家符篆以服外史乃近奉聞略謂外史嘗矜其術伏壇良久虞見溝中出一蚓食汙濁以竹編阻之外史起自言適往天府賜以瓊漿玉液值千楮滿前而寤虞指灼示之云漿液即汙水千楮即竹矣君所學妄矣外史悔悟再拜求教又

六研齋筆記謂外史墓在南高峰左麓正德

間山民鋤地深數尺遂犯其墳見一人盤都

坐爪髮俱長腦傷張進久之復合驚慙急掩

之中有書二冊攜一售鄭栗庵再往取其一

中途忽風雷大作失書所在此則侍御碑後

事也若謝承書稱壽張女子張兩養孫不嫁

視夫學道不娶者豈相遠哉使余僧果先生

輯同姓名時客以斯進定當絕倒崇禎辛巳

冬日歐餘山人閻元衡書於咫園之一艸堂

貞居于黃篋樓手編生平詩文甚富惜乎紅
巾寇杭之餘不知所在余十年前所刻句曲
外史集三卷蓋陳羽士訪諸貞居經歷之地
寸椽尺練櫛比而成者也猶恨未獲楊鍊屋
所鈔重覽石室之祕耳幸湖州康侯閔君窮
搜博采手錄遺亡若干幅數月之內鱗羽相
接而寄於余余亦隨開緘之先後付諸梓人
略無詮次又得三奉鍊屋所云晉武庫之遺
劍不在斯乎鍊屋為一代人望不輕可人獨
句曲外史集

跋三

醉心于貞居康侯真今日之鍊屋也所著江
東外紀吳興藝文諸書不亞於史鑑及史義
拾遺亦醉心于貞居疊：摺撫無勸色貞居
何幸而遇此兩知己也余媿未能學姚公綬
以古畫相易或不至為胡季城受友人之托
不能共之海內歟虞山毛晉識

張伯雨集外詩

海虞 毛晉子晉
訂 馮武寶伯

四言古詩

書摘阮圖

長松結陰芳草如萊丘中微吟有天際想彼阮者
咸發我撫掌一鳥不鳴衆山俱響

伯雨集外詩

汲古閣

五言古詩

道言

造物於我厚一切使我薄瓶中有儲粟持此卧雲
經弊衣取荷完得味在藜藿花鳥予友于尊酒不
獨酌床頭堆古書敗履置床脚未嘗身沒溺何與
世濁惡正如散馬牛不識穿與絡異時老髑骸會
有南面樂

潤阿對雨

山雲油然作山雨來不緩旣霑靈石鳩遂洒寒栖
伯雨集外詩

館落木遽如許衆草行復爛有酒不堪酌無酒堪
把玩與聞季長笛寧從中散鍛代謝夫何如徒爲
白首歎

九日風雨清齋

中林授衣節寒氣早已集牖戶泊裘褐凡百缺治
葺窮居昧時序頗訝光景急叢篁助幽翳濃瀨發
空寂禽禽穿屋過巖樹排簷入陶尊旣塵清墨爽
亦雨立還思把菊詠端處掬溜室空言非藥餌殆
不廢九日

服用雜詠四首

十年著一冠一冠已三載緇塵無留跡色爲玄雲
靄長纓安所施輕導猶足挽每彈出新沐泥丸映
朝彩短髮不容被初服詎可改 右玄冠

衣褐賤者徒爲仁則由已粗疏實寬博彼賤孰敢
擬寒溫屢開闔補紉亦云幾信有不變玉貞哉居
白裏使與狐貉立翻爲弊袍恥 右素褐

客從麻姑來遺我楮素衾肪膚皓難滓鉛骨滑易
伸如此木匡床共保一色純鷄鳴風雨夕屬度霜
伯雨集外詩

三

雪晨楮君方春春因之乃凝神 右楮衾

粵昔大知舜有作陶河濱先民尚其實後世挹其
醇我亦舜之徒對之稱素臣木槩仰承足秋水酌
及辱守此三代寶就得吾廬貧 右陶尊

七言古詩

延陵公承慶堂詩

大江蒼方兀龍虎輔元之家百神頌望拜受釐若
稽古上清真人閱衆甫新宮潔齋導天語紛雲郁
霞錯承宇虛皇穆然陽衛武左臚右欵降軫羽縣
鐘鐘鐘迅擊鼓赤金祭服赭朱戶雙珠月明帶寶
璐扶以流黃玉櫪具既竣大禮私事舉吉日宗族
奉爵俎青紫系地簪綬組魏張代劒新捧土饒國
開觀治宿莽報君親師物咸覩撫已一念或未薄
伯雨集外詩

四

西壁考書玄範府寒氷層陰發春煦日幽若明沐
仁雨道德大非方仙伍月佩六印非適取持旌召
趣迹旁午下王洋墟寧久處天閤會規足蹈矩願
天願地多黍稷畢志萬年奉明主小史作書孰敢
侮吁嗟厚德番之祖

許曰不歸黃庭句意森滿

聽雨樓

至正八年二月十一日

雨中市井迷烟霧樓底雨聲無著處不知雨到耳
邊來還是耳根隨雨去好將此語問風幡聞見何
時得暫聞鍾動鷄鳴雨還作依然布被擁春寒

鵲華秋色圖

吳興公自序云公謹父齊人也余通守齊州

罷官來歸爲公謹說齊之山川獨華不注

最知名見於左氏而其狀又峻峭特立有

足奇者乃爲作此圖其東則鵲山也命之

曰鵲華秋色云張雨賦詩于左

弁陽老人公謹父周之孫子猶懷土南來寄食弁

山陽夢作齊東野人語濟南別駕平原君爲貌家

山入囊指鵲華秋色翠可食耕稼陶漁在其下吳

伯雨集外詩

五

儂白頭不歸去不如掩卷聽春雨

五言律詩

強行之常州教授

聞道詩書種南方有此強才名文學棲步武紫微
耶家與臬比近盤餘首宿長諸生時列坐亦足奉
華觴

澗阿對雨

步歸靈澗幽泥染居士屨不知嵐雨深稍性布衣
薄拂床次羣帙掃逕堆脫簪清坐亦偶然吾非慕
仙爵

伯雨集外詩

冬日

六

雨雪衡門晏陰景薄山阿飛鳥各謀食媿此養微
病餘生轉晦昧芳歲亦蹉跎勿云幽疾久去疾將
如何

雪作

夕寂微生聽寒頑稍使猜明珠交撒帳銀甲整街
枚厲鬼鋒全挂東皇駕即回眼中紛物色白戰若
爲裁

桂花下約黃秘監飲

翡翠黃金屑檀欒秋桂枝涼風何日到庭樹已先
知一杯持問月更待賈淳來

次韻韓伯清見寄之什

乘居廿寂寞豺虎動成群地僻傷春草江空憶暮
雲友朋難得會書札近相聞世事今如此愁來懶
學文

久客黃岡地新年白髮侵笑歌思執手憂患苦閑
心市井皆吳語山林獨楚吟美君漁浦上高隱貴
要金

伯雨集外詩

七

七言律詩

送瞿慧夫上青龍鎮學官

青龍江上古儒官子去橫經作士風當戶九峰春
樹隔去家百里海潮通華亭好事籠威鶴楚國名
碑篆剥蟲信是青衫如拾芥辟書已在薦賢中

奉題彥清壽母之春草軒

風月無邊家慶裏滿庭芳草綠芊眠謝家得句元
非夢孟母還鄰果爾賢沉橘井中香不斷樹萱堂
北翠相連笑看書帶傳書種箇簡萊衣舞壽筵
伯雨集外詩

彭南陽真人雲窩煉丹之所

石枰碁子皆生路洞室藏書盡隱文誰與解醒千
日酒我來分住一窩雲虎龍金碧親承訣鸞鵲青
冥動作群真向鄒忻參火候定知此事屬彭君

吳大宗師岳宮行香次韻

元日朝元回羽隊東華門外踏春陽還趨岱岳祠
宮闕遙識仙官劍佩香國有著龜金作鑑年登蒼
艾髮如霜老人星在微垣內可是人間化日長

棹歌

暇日拏舟出郭門觀風聊采野人言借車踏水半
陂麥打鼓賣魚何處村光陰轉比中年促生聚惟
餘西澗繁正使枋榆安尺鷁又從倭鳥返丘園

次韻段推官觀潮

雪濤卷入白螺杯雲夢玉將灑瀕堆陳馬直從天
漢落風風先自海門來青山一向開銀壁黃纒中
央立露臺好在畫圖留壯觀江頭白首不堪回

贈紐怜大監

論卷聚書三十萬錦江上數連艘追還教授文
伯雨集外詩

九

翁學重數徵求使者勞石室談經修俎豆草堂迎
詔樹旂旄也知後世揚雄在獻賦爲郎婉爾曹

請以蜀文翁之石室揚雄之墨池杜甫之草堂

皆列學官又爲甫得謚曰文貞以私財作三書

院徧行東南收書三十萬卷及鑄禮器以歸虞

奎章記其事邀予賦詩如上

趙伯常運使留題澗阿卽席次韻

莫箋均堂水膠杯泉頭落木動成堆天寒正使蛟
龍卧日短何煩駟馬來杖策東坡靈石塢留題外

史讀書舉鰲賓佐風流甚老子遊山第一廻

危君太朴以史事南來搜書風雨宿南澗明

日追寄此詩

布衣走下雲林顛檢閱經書天子筵去家昔踰半
萬里別我今將十九年輶軒使者采圖籍龍門太
史行山川澗阿一宿慰風雨起視留墨心茫然

老學齋書懷寄京師故人

手種群松數尺圍草深南澗客來稀一經斷送禹
禡老萬事安排念念非晨待樊蘇才磔食涼驚絡
伯雨集外詩

十
緯尚緯衣蓬萊坊裏清宵月也到山家白板扉

中庭古栢

庭中異栢前朝物銅柯石幹兀青蒼雲怪終憐老
蛟卧珠樹獨留威鳳翔月上團陰移覆砌雨餘古
香飄近床支離疏者深根在閱盡世人還久長

李邊道駕湖石

好石曾聞牛相國焉竹今惟李使君能消龍尾一
螺臺與染峨眉半朶雲瑤草種來秋著露昆刀藏
去玉成文堂上朝來有佳氣淮南獻青獨殷勤

趙彥輔雪圖

清才絕似王摩詰愛向高堂寫雪山華蓋洞中如
坐裏赤闌干外是人間瓊樓祇許飛仙住珠樹應
留織女扳莫信寒泉傷玉趾寂宜清暑聽潺湲

晨興

聊與梅枝說歲窮真成古木共衰翁百年勲業何
煩爾一世雲山不負公寒夢漸消窓影上春客已
在雨聲中晨興陟覺詩神王未放韶華角長雄

白蓮峯宴坐齋

伯雨集外詩

十一

早從衡岳端居室晚愛蓮峯宴坐齋香象時來雲
入戶鉢龍戲水浮壻重重草座閒收足歷歷松
風妙寫懷亦欲遠遊參半句無人爲我繫麻鞋

萬竹亭

高懷思得去人羣馬臥沙頭竹似雲亭子當江偏
窈窕主人遠道故殷勤日中見斗青霄立月下吹
簫碧洞聞渭川自足封君擬未數零陵萬石君

次韻虞公和尚種松

松下微吟愜病悵支離潦倒似支公頂因巢鶴翻

成結心爲侯禪畢竟空陸子壇前春古淡葛洪并
上雨青葱萑苻乞與楊員外誰復緘詩過浙東

遊華藏寺

湖上亂峯如髻鬟湖邊才子駐金鞍霜餘鸚鵡沙
汀淺日落麒麟墓道寒古壁風篁無盡意清尊雲
海有餘歡遠遊未羨騶夷子直向飛仙乞羽翰

次韻韓伯清見寄之什三首

運雲溪水出具區連雲莊叟得自娛高齋松月足
吟嘯濁世詩酒忘榮枯我無丹砂鍊金液君有田

伯雨集外詩

十二

土成膏腴儻能種秫遠相致與尔日醉壺公壺
卜居海上僅三年春日繁華思遠天練水澄清宜
釀酒溪魚鮮美不須錢欲將野艇尋幽賞多謝雲
山作勝緣寄語風流老韓子定須稷日過莊前
閒尋芝朮保餘年信足神仙別一天蓬地有書能
教子窮居無術學飛錢桑麻繞舍田園計竹素堆
床翰墨緣慚愧長沙每招隱時臨車馬到階前

次韻陸秀才春日幽坐

新塘雨餘流水新隔窓看花如美人晴絲冉冉墮

復起幽鳥嚶嚶啼更頻自憐華髮在海嶠誰肯野
服隨山珉放園荒穢人弗治且復飲酒從吾真

伯雲集外詩

十三

五言排律

省郎中檢校陪集賢揭學士宴集約賦十韻

得清字

中湖禮鶴祠南嶺謁龍泓傳命舟車集探奇水陸
并即官恩出沐閑老念辭榮遂接丘園士益騰風
雅聲席隨堤草展鴈對淅遲傾游塵庵外避仙蹤
鷗首生雲物屬虛曠天容殊穆清非閑遺草莽繁
此局榮偶進數刻歡尚著千載情幽疾甘自廢
時哉修令名

伯雨集外詩

十四

五言絕句

水仙

芳草有時歇無此金玉相一枝和月露持奉水仙

王

伯雨集外詩

十五

七言絕句

金蓬頭先生畫像贊

聖井山高日上遲采雲甘露碧淋漓下山拾得一
莖草不見菴中金老師

明德游仙詞十首用天柱山傳來依韵繼作

雲林道氣者觀之亦足自援於埃壚矣丙戌

四月廿日

白玉之盤滄海東蒼蒼下視遠如空請看端正山
河影不滿均堂杯水巾

伯雨集外詩

十六

鴻寶枕函雲積疊芝臺爐火暖氣氤子能試喫青
精飯我亦聊書白練裙

夜久扶桑海色分珠官望拜赤龍君洞庭未省君

山在元是昆侖一朵雲

藤蘿石上尋長迹金粟圖中見小身抖擻幾重衣

祇看情知不染散花人

厭見霓裳舞廣庭罷看三十九章經道人腰著金

鴛常自向松根洗茯苓

左股清池足漚麻池中肥水是松花早知魏帝一

丸藥肯信東門五色瓜

恥作深山服食仙伐毛洗髓固依然木蘭墜露研

朱謁只駕南華秋水篇

脚底琴生三尺鯉袖中阿母一雙桃別時勞動凌

波襪爛月如銀照夜濤

眼中自小薄蓬瀛日月雙飛下如青

明憲度

彷彿定知草創大丹成

玉格金科自有期赤城何待遠尋師壁梭也解爲

龍去樊芥如何只看棋

伯雨集外詩

十七

題黃氏林屋山圖

毛公壇東消夏灣佳城鬱鬱萬松間寫成圖畫傳

家慶白鶴千年去未還

題郭天錫畫卷三首

曾是書經三昧手省郎何許獨多才不知公子香

奩裏那得米家烟雨來

林間風雨避籃輿城頭鼓聲知有無只消深淺屏

風壘題作蘇郎詩意圖

鄜川王孫厭世去大滌仙人天台還醉戀瑤華張

學究未應夢到小雲山

題雲林春山嵐靄贈仲章沈君至正九年三

月一日

秀出雲林畫未乾一峯天柱倚蒼寒玉人只隔輕
煙靄三尺圖中正面看

張叔厚寫淵明小像

歸來三徑一年秋自是羞看爾督郵王弘斗酒何
爲者不見南山不舉頭

商德符李遵道共畫竹樹

伯雨集外詩

十八

青巖樹石黃巖竹善畫如今最得名更得二君同
一幅千金酬價尚嫌輕

顧宏中畫韓熙載夜宴圖

絳燭金杯滿席春紅粧歌舞樂逾新堪憐此際歡
無極豈顧堂前有職人

趙吳興秋江待渡圖

郁木坑頭蕭侍郎負薪歸去趁溪航解包席地彼
誰子日暮途窮話尚長

聽琴圖

巖烟石壁對孤桐與和長松瑟瑟風不爲野夫清
兩耳爲君留目送飛鴻

史局先生示以李境京師贈行卷輒題一絕

卷錦丁亥二月

校書苦借青藜杖下馬笑拈金屈卮好是淮南師
弟子錢塘相見落花時

雪圖絕句

貌得王維三尺圖姑山無此雪肌膚瓊臺玉樹參
差是只欠芭蕉一兩株

伯雨集外詩

十九

玄覽堂絕句二首

簾櫳低亞小梅枝快雪晴晴綠滿池鈴索不捏鸛
鷗聒客來假亦多時

殷勤老去惜年華白書張燈綠幙遮吹偏玉笙天
上曲空將列炬照林雅

汪復心遣姪彥維自歙求詩復心年八十餘

矣

汪倫自愛桃花水張翰祗思蓴菜湖九十山翁莫
相惱題詩元沒得工夫

三香圖

凌波仙子塵生襪空谷佳人玉鍊客不奈天寒風
露早日高猶傍錦囊籠

南真錦池上橘花

花橫嘉樹雪崩髻遮斷青山小朶青報各風光先
醉去穠香吹過却全醒

仲稷蕙花

空谷幽芳絕代姝紛紛披翠袖不勝扶金餅芍藥三
千朶合讓光風轉蕙園

伯雨集外詩

歸自天柱山招樸菴僧

仙人住近餘杭姥得酒夢餅上野航踏雪能來傾
盞風流不減在餘杭

白雲半間

陶隱居別號外兵

白雲佳處不曾扇割取西偏著外兵伸脚三條椽
下卧任君裘蓋洛陽城

野桃華

野桃無語最含愁若箇林間得放牛比似落英歸
糞草不如流水出香溝

殘梅

皎皎當窗萼綠華滿懷幽恨付而家春風春雨匆
匆去一點殘香啄莫雅

謝僧送柑

肚能繫束三條篾手亦親栽萬顆梨珍重黃柑三
百顆好山多在洞庭西

晚句

白足過橋三峽雪蒼頭吹笛滿林風狂花也有凌
霄意飛上松顛爛熳紅

伯雨集外詩

課山奴竹林采筍鞭羹食

疑有鮮卑奴過此玉鞭拋擲向泥中長鏡爲我入
竹去晚飯簞簋也不空

觀友人所藏古墨

雪堂手劑不可得色如點漆黯無光安得一凡歸
我室臨池剝屨十三行

樂府

柳梢青題楊補之墨梅詞

面目冰霜逃禪正派只讓花光怪底徐卿爲渠描
貌繁損柔腸有誰步屨長廊更折竹聲中吹細香
酒半醒時雪晴寒夜月上西窗

伯雨集外詩

二十二

贊

外史自贊畫像

志逸心疲身清命濁逃同類而親猿狙毒厚味而
夫藜藿學取益而勝其損事知危而姑與之安一
龍一蛇不厭已之深眦惡衣惡食先愛人之飢寒
忽然爲人而反常若此若何以祛有身之患

余于句曲外史詩文可謂無奇不探無隱不索
夫初刻陳節齋手編三卷繼刻閔康侯搜詩九
十七晉文五首又合王凱度康與可輩所寄如

伯雨集外詩

二十三

千首爲補遺三卷以勝國名公酬贈諸作附焉
將謂登峯造極矣今秋病餘偕馮甥詮次雲林
集外詩復鼓餘興入金陵地肺再探華陽遂壺
之閼異又得如千首豈即風雷大作鄭栗庵再
達而未得者耶抑玉鈞橋南石室所藏時隨花
片流出人間耶曾有人過浴鵝潭藥井顯詩云
石室秘書愁攝電星池遺鈞已成龍思君不見
夜開戶月在金鐘玉几峯令我捲卷懷然隱湖
毛晉識

序

錢塘有隱君子曰馬虛中其資也粹其學也正其言也文其居家篤於孝弟清勤恬雅動以古人自飭暨出家著道士服隱約西湖之濱士大夫慕與之交不過習清虛談淡泊無一言及勢力聲利而世之能寒熱人者爾爾我我進退語嘿之間一言不少屈蓋重內而簡外信已而不求人知而人之知者誠心說服焉噫君子哉予與虛中游有年平昔已敬其人一日虛中攜詩卷相示大抵以平夷

霞外詩集

仇序

汲古閣

恬澹爲體清新圓美爲用陶衷千空合道于趣渾然天成不止於烟雲花草魚鳥而已鄉有雪巖褚先生者博學卓行之士也執古刀尺裁量晚後虛中從之學盡得其微妙况汗漫萬里遠覽崧岱之雄拔江河濟淮之奔放近挹兩峰三潭六橋之佳麗秀整交廣視濶胸次宏豁宜其筆力不凡如此管人謂不行千里不可讀杜詩而夔州以後殊更老成予於虛中之歸不但放一頭且畏之矣西湖物物是詩料秋來日日是詩思尚當與子吟嘯于

乾坤萬象之表大德六年九日里人仇遠序

霞外詩集

仇序

汲古閣

霞外詩集序

大德辛丑嗣天師張真人如燕主行內醮玄教名
流並翼然景從王子繇馬志道在焉明年來歸志
道出往來吟卷及手回桑乾龍門二圖僕幸得一
見隨喜居頃之遂以所作霞外諸詩俾爲之序僕
既嘆美有加因之又念雪巖翁極父師之教至此
而玉其成且行卷所存多禮樂光華之典據後之
君子錄名山故事尚於茲有攷二者皆當表著而
復計忖自車書混一南北通轅千名逐利者去來
霞外詩集

一 龔序

汲古閣

幾何人嘗試使之迹周漢之遺跡大川喬岳之勢
狀與城郭人民之今若古或者漫不知肯必待詩
人采摭婦之筆下如好音婢色動人觀聽一何異
哉然後知先王之澤先民情性不逐有形而弊而
事事物物見之聲文氣韻萬古可一息辨也合是
爲序要非窳言抑孝友德履詩之根本也志道寧
親於家庭甘旨如意領弟於精廬意愛無數交往
朋從久敬弗替而於僕也又以翰墨遊戲相予無
間其何說之詞爲詩若干首古今體製具在而馴

雅如其人覽者自見淮陰龔開聖子甫序于西湖
客舍時年八十一

霞外詩集

龔序

汲古閣

序

余於虛中不獨愛其詩而止虛中早從碩師自寄
方外志趣端正待詔金馬浩然賦歸杜門擇交遠
跡聲利小軒幽寂與湖山鷗鷺精神往來詩未盡
興溢爲丹青點綴精妍詩意故在矧其出入衆體
妙句可傳每歎嵇叔夜郭景純雲孤鶴逸高致欲
仙不能脫屣人間千載詩人猶有遺恨而許遠游
名山杖屨之興陶貞白金籠水草之喻此之爲高
士逸人耳後來作詩專門大家何限及見林通魏
霞外詩集

黃序

汲古閣

霞外詩集目錄

卷第一

春霽書懷

五雲山寫望

山中早梅

道典二首

竹窗

題墨竹

雪夜仇仁近居存博數先輩過山房分韻

霞外詩集

目錄

汲古閣

得朝字

偶成

詩愁

春日幽居

春雨

寄題終南山甘河鎮遇仙宮

湖中春遊曲

白鷺

爲葛元白賦開境

危坐

越中言懷

遊雷峰寺

初春卽事

二禽篇

貴公子

雪

送仲澤那講師回汴梁

奉酬容齋徐廉使

霞外詩集

目錄

汲古閣

吳江夜泊

宮怨

釋宮怨

張野泉偕虛谷方使君趙春洲數先輩見

訪卽席賦詩各以酒字爲韻

簡野泉兼呈同席諸公

月下聞鶴

奉簡似山郭高士

送郭似山回張公洞

題龍舟卷

無事

瑞鶴詩上大宗師真人

龔聖子畫瘦馬行

夜坐

贈雲屋瑞上人

摘園橘寄戴祖禹

項王

弔崔雲山

霞外詩集

目錄

汲古閣

述懷

送郝景文口口之京

送孫大方講師回汴梁朝元宮

山人

送姬講師回京

聞杜宇

步虛詞

看春

春日寫望

山中寒食

春霽陪葛元白遊南山

喜晴

田家

姑蘇逢鄧覺非

熱

寄越上友人

和陳無逸見寄詩韻

身世

震外詩集

目錄

中秋見月

秋日山家

爲張仲美書夢元遺山雪夜論詩圖

存此山寄清遊菜

秋日卽事

秋懷

題日觀蒲萄卷

排悶

涼夜

汲古閣

峽蝶

卷第二

前結交行

後結交行

釋愁

山平水連圖

聞早雁

送陳子振歸姑蘇

有序

冬夜客至

震外詩集

目錄

歲夜自遣

德清夜泊

四聖觀寫望

挽月湖陸尊師

書黃西有游塵裏後

擾擾

春日言情兼懷同好

墨梅

寄越上張仲美

汲古閣

鄧牧心絕粒味道賦長句以贈

送鄒混無回邵武

黑白雲

春日閒居二首

湖邊春思

子規

遊虎丘寺

爲方仲客作子晉吹笙扇兼賦詩寄意

海棠

霞外詩集

目錄

汲古閣

詩

烏夜啼

送陳鍊師遊方

清明書懷

春遊

送梁中砥歸句曲山

懷古

送楊古性之淮海山長

賣藥翁

題元暉小景

遊仙詞

楊花

毗陵客思

沙丘懷古

放懷

蝶

倬似山郭高士

嘆落花

霞外詩集

目錄

汲古閣

紛紛

讀五代史

信筆賦雜言招葛元白

初夏

山行書所見

睡起

宿石公房和韻

王昭君圖

寄友人

題高麗寺因上人房清淨觀

首夏

挽鄒混無

贈隱者

山禽

寄題碧淨軒

秋夜

聞雁

卜居

霞外詩集

目錄

汲古閣

涼意

溪橋夜泊

送龔聖與之姑蘇別業謁戎使君

卧疾

梅邊會飲寄葛禪巢

野宿

寶鏡

橫山道中

傷存此山

侯門

野梅

日昇

冬日寫望

寒夜有感

除夜

卷第三

題湘靈鼓瑟

雨久江邊餞別

霞外詩集

目錄

汲古閣

春雨

丹井

見柳詠懷

寓意二首

奉簡盛元仁教授三首

新晴

卽事

花信

春陰

題灌畦圖

把酒

移蘭

西湖小隱

蒿里行

贈歌者二首

晴窗

高樓春望

陪葛元白仇仁近訪南竺詩僧分韻得影

震外詩集

目錄
十

汲古閣

宇

夜歸

憶春三首

自詠

吳中太伯廟

栽孤松爲九華山鍾道士作

覓句

清傳董高士寄百花詩集

月蝕三首

閒居重九

積雪

驚雛

除夕

和王琴川見寄韻

喜陳子振至二首

挽葛秀才二首

吟雪二首

野步

震外詩集

目錄
十一

汲古閣

春感舊事

辨真司

客思

渡楊子江

舟次維揚

瓜洲渡書懷二首

邳州言懷

徐州寫望
并序

新州道中

魯中

東平道中

望岳

汶上卽事

過沙河

御河阻風

大德辛丑五月十六日濼都樓殿朝見謹

賦絕句三首

開平寓舍

霞外詩集

目錄
十二

汲古閣

濼都寓典

寄舍弟

黑山

爲楊簡齋題空蒙圖

開平卽事

得家信

濼都旅夜二首

爲疇齋張府卿作樵雲圖

龍門道中

李陵臺懷古

經懷來縣

寓金臺

得舍弟書

寓金臺畫西湖空蒙圖

金臺文廟石鼓

中秋

井序

客中長至日偶成

卷第四

霞外詩集

目錄
十三

汲古閣

大德辛丑冬內醮禮成天師真人親奉上

旨祈雪繼沐感通謹賦七言律詩稱賀

二首

白雪歌贈友人別

久客

寄家書

易水懷古

客夜不寐偶成短句十首用渭北春天樹

江東日暮雲爲韻

渡灤河

昔聞

旅興

早春聞鴈

都下初春

書龔彥釗畫舜二妃圖後

回南二首

舟次楊村

江陵卽事

霞外詩集

目錄
十四

汲古閣

高唐晚泊

渡御河用少陵日轉東方白風來北斗昏

爲韻十首

舟人婦

汶上

清河舟中二首

歌風臺懷古

圯橋

呂梁洪

泗上

維揚寫望

途中寒食

瓜洲渡驛舍

楊子江寫望

過京口

客懷

吳中

贈顛上人

霞外詩集

目錄
十五

汲古閣

自適

奉簡張仲美

題瓜鼠圖

詩思

西湖晚思

送詩僧俊傑菴遊越

拜墓

安居

野外

和曹梅南見寄詩韻二首

送仇仁近之深陽妓校

哭巖翁龔處士二首

葛嶺言懷

和閒居韻

寄昇元陳渭叟

墨竹

傷曹梅南

暮春

霞外詩集

目錄

汲古閣

寄茗溪沈玉湖

題姚安仁南陌尋春圖

忽憶

題鄧蓀壁所藏龔處士畫馬卷

雪夜

葛元白年登七袞寄詩寓意就韻以和

挽安人丘氏

護成

永嘉包氏子孝感詩

挽葛元白二首

春老言情

偶成

和友人春雨詩韻

山行有感

經山寺有懷故友

漁父歌

傷廢塚

浙江晚眺

霞外詩集

目錄

汲古閣

閒思二首

西軒夕望

解嘲

涼夜獨吟

天師真人畫小景卷

短景

卷第五

述懷五十韻

贈王可受

奉酬奉軒蔣明府惠詩集

遊淇綠園

題栖碧園

因話金陀遺編奉呈復齋岳仙尉就敘別

懷四首

雙鶴吟寄友人

春日幽居和韻二首

鷺

飲饒交友

霞外詩集

目錄
十八

送鄧蓀壁回師壇

和張伯雨見寄懷友詩韻

送蔣月屋歸富春二首

至節卽事十首

并序

追別詩友

贈梓山桑醫士三首

冬日閒居

題節婦崔氏傳後

鷺

村中書事四首

宜興張公洞

送陳渭叟回山居新隱

春歸曲

閒意

感懷

送王可受之京

并序

訪山家不值

至大邑酉春天師教主大真人俾予佑聖

霞外詩集

目錄
十九

觀虛白齋高士謹藏七言律詩一首辭

謝

雜詠六言五首

地幽

聞蟬

涼夜

晴湖

爲松瀑黃尊師作溪山疊翠圖

九日

水軒秋眺

飛霜歌

旅夜

寄澈川楊如山

送徐芝石之饒陽稅使

春日獨坐言懷

寄題皆山樓

桃花

閒中書事

霞外詩集

目錄

送張仲美之黃陵縣令

春日寄友人

行春

無營

送桐廬徐教諭

題彈琴畫卷

世情

雙鳳普福觀瑞芝

寫意

汲古閣

山中重九二首

秋日閒咏二首

蟹二首

贈鶴泉丁處士

就前韻寄翁子善

奉簡黃瀑翁求示病懷賦藁

自適

送恩斷江任平江天平寺

春雨寄興

霞外詩集

目錄

暇日偕林芝巖數詩友清游分韻得山字

小軒晚望感懷

卷第六

嗣師總攝吳真人奉旨乘驛遠詣龍虎三

山等處崇建金錄大齋庚戌仲夏十有

四日抵杭四聖延祥觀慶成典禮復被

綸音回鄱陽進二親國公夫人之秩千

載盛事道俗交歡敬賦七言唐律二首

言賀

汲古閣

送張仲實赴姑蘇教授

送陳涓叟歸山中

閒居自遣

舟中卽事

湖西分韻得西字

秋霽

歲算偶成

送楊仲弘之京

泊然暢學士將之太平守出示竹齋安大

震外詩集

目錄
二十二

汲古閣

參見寄詩屬余和韻

祖瑩春祀賦雜言

籠鶴

松鶴吟寄儒魯山

寄葛川高子長

送黃瀑翁回龍虎福地三教名流飲饌分

韻得醉字又得大字二首

臨岐敘別

挽徐澹軒

屠存博偕詩友見過分韻得涼字

新涼遣興

冬夜長

和仇仁近歲暮見寄韻

挽清軒屠武翼

春意二首

春日客思

挽淵德周真人

送張子微赴鄱陽學正

震外詩集

目錄
二十三

汲古閣

越上感懷二首

錢清劉太守廟

蕭齋

春日陪數詩友醉磐隱墓分韻得走字

憶孤山

黃瀑翁連寄佳篇就韻奉和四首

送草池謝法師之京

送善之鄧學士被旨之越書誤大禹南鎮

二廟碑記

雨窗懷感

夜吟

寄太平使君暢學士

送新城賈宰

漢景帝紀

寄黃尊師

倚樓

挽詠沂翁縣尉

春遊

霞外詩集

目錄
二十四

汲古閣

呈達卿焦使君二首

送善之鄧學士之國子司業

春日幽思二首

陪吟友山行分韻得山字

和仲實張教授除夕詩韻

挽黃松潭二首

題淨慈叢五軒

詠田橫二首

送希真鄭尊師回新州洪丘山舊隱

挽俞古梅三首

贈心山

送姚江村回高安

送達卿焦使君

冬至卽事二首

高樓晚望

溪月王真人被旨入覲謹賦五言六韻詩

奉饒分韻得在字

爲北村湯同知題畫卷二首

霞外詩集

目錄
二十五

汲古閣

不眠

歲夜

題畫醉

擬常建題破山寺

讀漢明帝紀

題鶴泉圖

和仇仁近教授見寄詩韻

卷第七

讀盛明卿藏書目

蕉池舊業

畫青山白雲圖

冬菊

喜蝶

京口逢友人

題畫卷四首

和袁德平見寄韻

爲翁子善作晴江圖

水軒夏日

霞外詩集

目錄
二十六

汲古閣

題吳彩鸞詩韻圖

寄壽峰林芝巖十首

秋日書情

弔石田林隱君墓

浮雲

送屠存博之徽州路教官

信筆成雜言奉簡淨慈如一溪暢文溪架

雲谷三上人

施牧山良會見招不克赴分韻得何字

題秋山圖

送友人之東浙

冬日水軒寫望

雜詠四首

題聯句詩卷後

有序

山居寫興

送大名高北山之京

遊葛嶺有懷

賦雪冷

霞外詩集

目錄
二十七

汲古閣

冬夜懷古

和雲谷衆公見寄詩韻

湖山春遊算歸偶作

題宿雲圖

題畫龍門山桑乾嶺圖

卽事

偶成

秋日有懷黃澤翁二首

福真觀主張貞居落成傑閣喜而賦詩

嗣師吳真人同李相黑谷觀水遠寄詩篇

就韻奉和

再用前韻述懷

喜徐芝石得子

秋日竹院

九日

送浙東帥幕韓聰甫請老歸汴梁白陽舊

業因題畫卷

經石田林隱君墓

霞外詩集

目錄
二十八

汲古閣

暇日偕劉悅心仇山村白湛淵諸詩老訪

西湖北山淨空主人玉公清話算歸分

韻得來字

題淵明和靖畫像二首

述懷和東淇五高士詩韻二首

爲一溪如上人賦所收鑒爐

題許道寧畫軸

和嗣師真人詩韻

題畫海南入貢天馬圖

送仇伯壽之淳安教諭

憶昔

和孫康侯見寄韻二首

寒食日

話舊偶成

和友人春日詩韻

題畫山水

冬日閒思

三教名流小集爲嶺招賢梵宇奉饒雙徑

霞外詩集

目錄
二十九

汲古閣

丈席晦機翁回江右舊業

請秦紀

偶集招賢梵宇奉簡明碧主人併呈演福

湛堂講主

南真宜休齋清會竟日偶呈瀑翁主人

送友人之□□稅使

卷第八

春晚偶成

集句題山村圖

嗟餘春

舊宮姥

送范起之赴海鹽州判分韻得一字

幽居遺興

夏日閑鶯

題溪山訪友圖

贈句曲山李方外高士

有序

和王東淇病中見寄詩韻

集句題張玉田畫水仙

霞外詩集

目錄
三十

汲古閣

挽雪房孫高士二首

爲石室瑛上人題松陵圖

讀史偶作

冬意

挽瀑翁黃尊師

挽會稽喻千巖

暝色

開元宮鶴雛

贈山友

讀天台洪耕道詩集二首

和仇村翁九日招飲詩韻

贈節婦

和潔都秋日詩韻

廣微天師墨竹

延祐丁巳夏偶成七言二韻詩十首奉寄

雲門斯江長老聊述近況就敘別懷

廣微天師大真人仙遊詩

湖樓夜坐

霞外詩集

目錄
三十一

汲古閣

除夜

挽瑞石許山長

山寺

村中社日卽事

集句和陳渭叟見寄詩韻五首

浙江晚眺

平月汀屠教授

送友人之東浙

田父詞

挽南谷杜真人

春日山行卽事二首

春日偶成六言五首

題畫山水

賦得春潮送錢塘汪復心主簿

春日閒居雜興十首

古碌碌詞

春江言別口占

孟夏

霞外詩集

目錄

三十二

汲古閣

偶成小軸山水寄仰山長老熙晦翁

嚴陵釣臺

賦得廬山洗墨池送陳成善記室還山

題陳所翁畫墨色卧龍二首

自營

送淨慈瑛照二上人往吳興讀藏經

夢黃澤翁

贈筆生二首

題李安忠畫雪岸寒鴉圖

述懷

冬日村中卽事

山中雲

題畫雜詩十九首

題青松白鶴圖二首

送江西熊履善茂才之金陵五首

卷第九

西湖春日壯遊卽事三十首

有序

短髮

霞外詩集

目錄

三十二

汲古閣

秋深村意

歲暮懷友二首

幽居

安分二首

贈漁者

院落

暇日偶寫熙晦翁仇山村俚子陋貌髣髴

三老坐松石間傳于短絛長不盈尺就

成七言古詩一首奉寄仰山丈席

悲哉行

蕭翼蘭亭卷

爲玉岑口侍者賦定巖

送僧入定巖回青鎮密印舊業二首

寄題淳安方山長觀雲齋

寄題雁叟徐學正小蓬廬

酬知己

挽悅心劉州判二首

贈皇甫秀士

霞外詩集

目錄
三十四

汲古閣

問仰山丈席照晦機討音

簡王仲通明府

題常牧溪山水卷

除夜二首

雪霽

題錢舜舉畫竹萌茄蔬圖

淨慈西隱祭晦機和尚

讀唐僧詩

題唐十八學士圖

爲僧口上人賦鶴山二首

謾成四十二首

村中卽事

挽周草庭少氏

碧山書堂

中秋夜偶成

粹陰

題虎溪三笑圖

經故人舊居

霞外詩集

目錄
三十五

汲古閣

爲吉上人賦半雲

挽松江姚守二首

爲會上人賦百川

午節

弭梅

和友人韻

和湛淵白州判見寄弔鶴詩二首

河橋別友

賦章梅巖隱居圖

和落紅詩韻

題周法師月溪圖

和春晚詩韻

卷第十

題玄覽真人溪月圖

送自誠真上人回秋溪普門舊業二首

和王仲道明府隱居詩韻二首

次筠軒詩韻

再題白湛淵買宅圖後

霞外詩集

目錄
三十六

寄平江開元文席思斷江

敬讀純陽真人畫像

畫意二十二首

祖塋冬祀

偶成

爲齋齋呂高士寄題大瀛海道院

挽饒國吳公二首

和趙僧吉半雲見寄詩韻

題草蟲畫卷

題赤壁夜遊圖

挽月泉吳提點二首

深靜亭

和秋日山行詩韻

春日口占

玄教大宗師張真人挽詩

贈別友人

讀石田詩有感三首

爲義齋方山長賦青山白雲圖

霞外詩集

目錄
三十七

送僧山雲上人

和山村見寄詩韻七首

夜坐

爲僧賦月巖二首

追和南谷杜真人山居四時詩寄昇元王

席桂菴姚提點四首

再和四首

和陳仲庸春晴詩韻

寄題桐江鳳山寺雪軒

汲古閣

和蜀僧明上人詠雪詩韻二首

集句遣懷三首

送蕭存遠主簿之京

和山行詩韻二首

寄湖山張太監

村行遣興

題山陰回棹赤壁夜遊圖二首

觀周景遠御史題讚雲叔羅敷授喜客三

首

霞外詩集

目錄
三十八

汲古閣

送本初朱提點之玉隆王席五首

送姑蘇權中上人回江陰禪香寺

和黃瀑翁寄弔龔巖翁畫馬詩

續補入
有序

送陳渭叟之涇縣崇玄觀王席

山行口占

和張仲舉書齋詩韻

偶成

歲晚喜友人至

歲暮雪霽書懷

山居卽事

龍虎山彭法師禱雨感應六首

挽趙天錫都事

挽鄉友徐和甫教諭

湖上春日遣興六言

霞外詩集

目錄
三十九

汲古閣

霞外詩集目錄

終

霞外詩集卷第一

虛中馬臻志道

春書書懷

紛雨洗游塵潤物亦已足淑氣浮芳鮮山澤一時綠
回鴈遠零亂流雲高斷續伊余愜所向偶景相
穆穆好鳥如含情不語立嘉木靜知春事佳老覺
世味熟遂展平生情誰復辨焦鹿

五雲山寫望

少乏超絕姿瘦鶴存野格乾坤心自放頗覺塵土

霞外詩集

卷之一

汲古閣

窄安得千金囊使我窮地脉征途多荆棘此志寧
復得今晨躋山顛納納瞰廣陌正東臨大江琴歸
海外國孤帆揚長風靜入秋氣白層巒引列嶂下
有雲霧隔不知誰家樓突兀立遠色禹穴指顧外
歷歷未黍黑簸蕩千古愁人世一過客高歌據蒼
石坐見日車仄目極窮冥搜一鴈長空沒

山中早梅

孤根徹后土破冷爭春回惜哉冰雪姿落此荆棘
隈若生白玉堂不負黃金鬘一見一惆悵再歌再

徘徊未央宮中花直待羯鼓催

遺典二首

長日閉門坐軒車誰與親鶯花欺白首鮭菜足青
春今古斯文在江湖舊業貧丹心不可道風雨夜
來頻

老木蒼蒼合幽禽瑣瑣喧坐長樓轉影靜極客忘
言雲物何時定亭臺幾處存虛懷推至理隨意且
芳樽

竹窗

霞外詩集

卷之二

汲古閣

竹窗西日晚來明桂子香中鶴夢清侍立小童閒
不動蕭蕭石鼎煮茶聲

題墨竹

拂雲標格歲寒心墨色分陰重又輕不似渭川千
畝綠只和風雨作秋聲

雪夜仇仁近詹存博數先輩過山房分韻得

朝字

溼雲結空寒氣驕雲根古觀埋山腰山人宴坐觀
物化竹風松雪聲飄蕭二三才子相招邀聯軒過

我歡清宵小閣開暖蠟光搖案頭置酒羅柱椒劇
談若與元氣合銅匱火冷青煙消城樓殘更敲短
夢軒眠縱客嘲邊韶我無詩才學李杜又無仙術
追松喬人生此會能有幾今朝未必知來朝請君
得意歌且飲江上春風吹柳條

偶成

昔嫌上界多官府不道人間足是非四十年來悲
喜夢倚闌閒看柳花飛

詩愁

霞外詩集

卷之一

汲古閣

城中親舊渾零落湖上園林幾變更只有詩愁消
不盡旋隨芳草眼前生

春日幽居

淺淺春風尚帶寒日斜香篆半燒殘杏花一樹開
如錦怕觸啼鶯不倚闌

春雨

良會時不偶徒爲物所嬰驚雷啟群動有鳥選喬
鳴徙倚流遠日瀾瀾川去平風色誤花信春光消
雨聲念此睽心賞取楮聊自傾幾微存倚伏茲理

何冥冥孰能繼高唱欲罷難忘情

寄題終南山甘河鎮遇仙宮

七真遺呂
公傳道處

秋空劍別洞庭波道本忘言又若何人事百年迷
苦海仙源一脈會甘河金蓮既秀真無待玄理雖
深語不多惆悵終南笙鶴遠五雲宮闕自嵯峨

湖中春遊曲

堂堂復堂堂畫鶴誰家郎綉旌驚頸冷磨府鸞刀
光傾椒注桂邀流芳楚腰絡索閒懸璫整篋急響
如相惱岸頭折盡忘憂草黃金慣積自嫌身隨肩
滿席惟嗔老牙籤萬軸齒不枯孟客何賔跡如掃
柳綿撲撲乘風吹花翎小鳥啼訴誰玉郎沉醉晚
未醒春光去矣猶不知

霞外詩集

卷之一

汲古閣

白鷺

吟肩高聳受風吹西塞山邊細雨時不染丹青愁
鶴妬自矜清白見鷗欺某丘有樹猶堪宿何處無
魚可療飢振振飛來應得意也曾物色到周詩

爲葛元白賦閒境

大觀均喧寂結廬在人境所以葛天民妙處心自

領靜者非有期物役耽馳騁有時絃歌聲清絕百
慮屏坐久白日動歷亂竹木影翻笑麗德公深向
鹿門隱山林野客如龜藏造次數上君子堂先生
高臥北窗下曲肱一覺回義皇門前參錯自車馬
黃塵烏帽春茫茫春茫茫日欲老中有青天白雲
落花芳草夢回不記邯鄲道

危坐

危坐不覺久月照一庭綠三更白露下夜氣溼野
服恬淡失悲喜視聽非耳目間將黃庭經更趁月
霞外詩集

卷之一

汲古閣

下讀

越中言懷

分甘茅屋老蒼苔不是明時棄不才避社燕啼楊
柳合趁虛人散驚鷺來半江落日明漁浦兩岸回
潮涼釣臺吳越爭雄俱一夢年年杜若滿汀開

游雷峰寺

雷峰壯南屏坪堵林外出老僧舊識面邀我一登
陟高回星漢流靜壓山水碧畫有白雲飛夜有明
月入諸佛似安禪脉脉度朝夕野人怯高險欲上

股先慄不如履平地彼此無得失

初春卽事

東風又到武林城靜裏看春各有情怕說利名多
晝睡愛尋山水每閒行傍人冷笑營巢燕求友翻
憐出谷鶯世事不窮時易失翠微深處夕陽明

二禽篇

杜鵑杜鵑聞爾曾爲蜀天子一自城荒爾身死當
年御極日萬幾何苦今朝自如此恭聞太上垂玄
言治大國今京小鮮流情縱逸不追悔無端却恨
霞外詩集

卷之一

汲古閣

春山煙毛衣繼續滿身黑萬里岷峨啼不得六合
茫茫啼一聲春風爲爾無顏色

鵲鵲鵲不知春色何負汝每到春來聲更苦百
年不得此身安尚憶當時在行旅爾不學大鵬一
舉培風兩翼如雲垂又不學籬邊斤鵲翱翔飛躍
蓬蒿枝黃陵廟前幾春草空遺怨恨傳新詩江南
二月煙花亂子子孫孫自呼喚說盡人間行路難
淒風苦雨心腸斷

貴公子

麝沉灰暖瑞煙輕十二闌干轉四屏翠袖閒調鸚鵡語牙牌分勝牡丹名半番簾幙因春冷未放笙歌爲宿醒颼颼流蘇風不定隔牆時送賣花聲

雪

冷逼街頭酒價高晚來風急更蕭蕭青樓醉舞不歸去江上一簑憐汝曹

送仲澤邢講師回汴梁

寒日照吳山北風吹汴水山一望間客路二千里是時玄冬月飛光促短晷之子忽言邁孤舟送霞外詩集

卷之一

汲古閣

行李仰睇極空煙嘶鴻入幽耳人生難滿百會合良有幾四海非無交利害射如矢驚風慕竹實雞虫競糠粃悲哉道不同反爲世所恥所以送君行感慨莫能已中條萬古青且暮白雲起何時來卜鄰結茅白雲裏

奉酬容齋徐廉使

魯國真儒惟一人魯國多士徒紛紛紫微列宿光熒熒竭來蘇彼南州民夫子之才難比數復使清時見伊呂一夜霜風動別城黯黯縮臍如雞鼠

陰欲轉公事餘高堂晝永娛琴書千村萬落雞犬靜山民野婦安樵漁昨朝來過幽人屋簷聲玄談唾珠玉他日重期掃石床爲暖山茶薦秋菊

吳江夜泊

不見天隨子令人逸興孤村砧聲自荅岸鳥自相呼河漢回西極星辰入太湖古情吟不盡明月照姑蘇

宮怨

多愁多怨怕春天花外時聞警蹕傳金縷綉衣渾霞外詩集

卷之一

汲古閣

不稱餘香猶帶御爐煙

釋宮怨

萬頃恩波一寸心玉堦青草漸車聲文章近日無人愛休把黃金乞長卿

張野泉偕虛谷方使君趙春洲數先輩見訪

卽席賦詩各以酒字爲韻

幽居局青春水軒僅如斗敲門問誰來過我得良友浮雲無停陰霽色破古柳人生不自適歲月欺老醜欲挽湖水春添我盃中酒酒盡意不盡落日

照魚笥掀髯出門去悲歡一何有

簡野泉兼同席諸公

黃河一清一千年天下何代無才賢蘭亭會散日
已遠茂林修竹閒風煙西湖山水古奇絕佳句已
屬峨岷仙我住湖邊六七載此跡雖滯心玄玄靜
觀群動趨變化敢與物態分嫌妍不知門外春已
晚游絲暖絮晴相牽每思古人去不返肝膽偏仄
愁如懸誰言我輩異古昔賴有故人張野泉攜詩
載酒忽扣戶須臾品饌羅其前座中群彥皆詩伯
霞外詩集

卷之一

汲古閣

月下聞鶴

山封澄湖樓對山愛山終日倚樓看洞天何處鶴
啼晚月下一聲風露寒

奉簡似山郭高士

仙翁仙島住應運下人寰讀易天心合論詩春思
閒鐘聲太一殿草色武林山應有推敲者月明來
扣關

送郭似山回張公洞

春風吹沙春草長雜花媚煙飛野香幽華裊裊法
雨色人間光景勞中腸赤城老仙呼鶴起迢迢直
度太湖水玉洞碧桃凝古芳玄局窈窕羅疏綺吟
詩贈別情相關霧節風懷幾日還歸來無語生幽
寂啼鳩一聲春晝閒

霞外詩集

卷之一

汲古閣

題龍舟卷

樓船耀日青天轉容與中流棹歌遠漢武仙遊竟
不還汾陰幾度秋風晚至今流水愁無聲空令画
筆勞經營人間萬事等一笑雲淡天長千古情

無事

無事每日不出戶滿院松竹森交加晝眠歌聽啄
木鳥早涼喜見牽牛花一真自可了生死萬事不
必論等差誰能屑屑管迎送客來且試山中茶

瑞鶴詩上大宗師真人

皇皇古道導三五雲從龍今風從虎至導垂拱四海寧詔令昭事玄元祖維時羽服昕趨朝環珮參差肅儀矩大哉聖德合天心霓旌畫下胎仙舞初疑瑞雪飄晴空漸似雲衣來玉宇瑤壇春靜立多時碧落風清更延竚奇祥所致森有神聞闔門開又高舉是日天顏喜色動蕩蕩防閑儼千羽乃知無爲無不爲真化風行邁前古真人有道通杳冥力扶至教垂常名野人獻詩欣再拜山林自此陶休明上延景祚康黎民萬歲千秋歌太平

霞外詩集

卷之一

汲古閣

龔聖予回瘦馬行

在昔開元曹將軍健筆突元老入神能貌明皇玉驄馬博得聲價輕千鈞後來韓幹只畫肉少陵不許肥失真寥寥此道幾懸絕至理不付尋常人淮陰龔公老儒者落筆文辭馳二雅有時快意掃骨馬妙處不在曹公下畫時想極虛無垠思入萬里沙場昏凝精洞視色不變杳冥之中百體存相經合備渥洼種仰首鳴天鼻欲動氣豪似與神龍爭疾雷迅電驚塵夢憶昨嫖姚騎戰時旋雲轉霧飛

四蹄翻然踏碎關山雪歸來汗血光淋漓霜枯萬骨功誰利太平總爲將軍致如今衰瘦筋癢乾生駒却受黃金轡此馬此畫絕世無先生慷慨傳此圖可憐章諷日已遠獨撫此畫深嗟吁北風動地天色慘展開猛士寒搖膽詠罷新詩無限情卷向空齋白日晚

夜坐

空山高寒雲不凝綿綿夜坐神宇清泥丸朝退月露滴但聽下方雞犬聲

霞外詩集

卷之一

汲古閣

贈雲屋瑞上人

曾舉鳴鞘羽衛前毳袍錫杖且隨緣田園賣盡思行脚師友參多學坐禪閒說升平猶淚下因傷老大自心憐回頭好趁歸時路不見人牛月正圓

摘園摘寄戴祖禹

幽園逼湖水僻地種嘉橘時雨旣霑濡培養藉春力憶昨開小花清陰正繁密疎簾白日靜香氣散書帙邇來八九月喜見纍纍實因思造化功具此霜露質張華吟未工慧老画不出大者發至精錯

落金相射小者疑元氣低垂綴寒碧山鬼亦見避
老鳥不敢啖昨朝喚山童提筐事採拾落刃綠霧
飛入手流脂溼我恐殄天物精爽飄如失遙憐洞
庭山萬樹風雨夕焉能飽一看路遠不可卽須臾
逡行廊吟詠意方裨童僕不好事笑我太迂僻爲
君薦樽罍聊復慰相憶

項王

叱咤猶傳數里驚陰陵失道已沾巾江東父老羞
相見忍可捐軀遺故人

震外詩集

弔崔雲山

卷之一
十三

汲古閣

埃風蕩天荒孤山臥秋草君家孤山下不厭孤山
好昔我山中房識君師侍傍白髮映蕉水妙語回
義皇聞君又絕粒默然宴華室道畢合神風回車
朝帝一制魔誠所難有身良可嘆層陰翳太景平
陸翻狂瀾憶君出門去相看淚如雨始欣天道還
逸駕倏飄舉有詩君莫吟有酒君莫斟神交動恍
惚尚想聞空音我歌山日落松聲起寥廓魂分其
有知爲我來冥漠幽室苦夜長思君念春陽春陽

難復見短歌不成章

述懷

家無負郭田何以懷歸耕豈不有他好復恐勞其
生窮居四十年富貴浮雲輕乳鳥喧高枝壯心忽
然驚所憂聞道晚德業將無成言此向知已欲語
已忘情

送郝景文之京

江上草已碧送君傷別心聽雞臨曉色策馬度春
陰驛路燕山遠風花漢水深道人無外事林下問
霞外詩集

除音

送孫大方講師回汴梁朝元宮

遊過江南山水地仙翁歸興動旌旄旆青溪人去鶴
聲怨碧落風清劍氣高驛路野花心獨遠江鄉夜
月夢應勞到家想得春風晚開盡玄都觀裏桃

山人

山人行止在山林生怕侯門說姓名蟲臂鼠肝分
得失奴顏婢膝事逢迎一聲啼鳥湖煙暝滿地落
花春雨晴自煮新茶試新火坐看斜日轉窗明

送姬講師回京

冷雨逼古春春華淫蒼翠生意老不化節物爲懃
悴悠悠山川長念子之何地臨岐各慘淡草草叙
別意達人不思貧貞女不事媚至道貴冲漠澹然
有深致後會殊未期願君勉斯志

聞杜宇

飄泊身同泛梗萍年年因爾更關情半啼半哭深
含恨飛去飛來不住聲日落遠憐行客過風微聞
見落花驚故家喬木彫零盡一夜月明芳草生

震外詩集

卷之一
十五

汲古閣

步虛詞

遶壘太景阿蕭蕭導玄鈞虛節合萬奏高會冥五
神陰陽鼓靈風一炁無不均淡然時至寂大道無
疎親適路非有待上仙齊飛輪哀哉貴終道塵波
淪肉人丘垤祕濁骨大夜難希晨靈明喪愆穢纒
絕來去因何不散爾想復此空中真虛舟縱風柁
放浪無涯津期劫倏忽周真空浩無垠卓然吾獨
存會當晒靈椿

看春

西湖二月春風豪蒲芽一日三寸高憑軒不語笑
桃李施朱點白眞徒勞

春日寫望

遠山重疊限空明淡拂生綃絕點塵半舸夕陽喧
酒客一樓寒色倚詩人早鶯懷舊隨時至芳草無
情著處新却憶城中有貧者杏花開盡不知春

山中寒食

青陽轉節候雜芳麗翠隄山中寒食近啼鳩亦已
遑新塚有人祭古墓無人泣傷心名利骨瑟瑟土
震外詩集

卷之一
十六

汲古閣

花溼石馬悲無聲空對東風立

春霽陪葛元白游南山

積雨淹幽事初晴得此晨問舟尋上客放步約同
人偶入招提境如酬宿昔因禪心本無住吾道豈
憂貧城郭千年鶴林丘一聚塵歡娛時不偶激越
意空陳路改疑前夢雲孤憶老親彈琴僧舍晚覓
句酒家春問水文輕殺平蕪展細茵目驚流節駛
心醉古風淳久識窮非鬼難言筆有神感深將下
涕喜極欲忘身踏踏繁花老陰沉亂葉新野夫元

懶放杜宇足酸辛更欲東蒙隱難期北郭隣有懷聊自適愧爾葛天民

喜晴

久雨山水暗荒雞鳴膠膠貧居匪琴書何以勝寂寥今晨戶牖白天宇回光昭日華引生意衆卉綠寒條浮陰滅餘迹遠帶六橋峰聲遶樹轉水影和春搖豈不展好懷潤我顏色潤床頭渴醪熟清士亦可招俯仰已陳迹疇能計明朝

田家

霞外詩集

卷之一
十七

汲古閣

地偏生事僻轉覺入城遙大吠三叉路人行獨木橋炊煙時滅沒村酒自招邀昨日蠶新浴桑絲滿條

姑蘇逢鄧覺非

春夏忽已交放舟別吾廬計日念行邁薄言寓姑蘇出門無所從桑麻藹丘墟與君敦風好邂逅臨長衢指我屋頭柳高陰正扶蘇一室無長物清心有琴書洗觴酌醇酎呼童摘畦蔬乃知天壤間靜者樂有餘名者實之實此語真不虛

熱

盛夏勢莫當昊天日亭午亢陽流赤光崇岡裂焦土夸父不知疲竭死自催苦何不挽滄溟大需天下雨

寄越上友人

分袂沙邊兩歲餘生涯別後竟何如雲迷禹穴無來信秋隔吳山有故居思斷碧天江漠漠吟低白日雨疎疎郊墟昨夜新涼入珍重佳兒好讀書

和陳無逸見寄詩韻

霞外詩集

卷之一
十八

汲古閣

感君高誼曾傾蓋豈意今朝辱贈詩徒筆驚人秋浩蕩流年傷我老差池論文每恨識不早題橋徒能寄所思便欲相期賦招隱許疎難辦買山資

身世

身世寄悠悠開門寂似秋時清孤劒化齒落萬緣休欹枕日下樹捲簾雲入樓近來添薛荔生滿屋山頭

中秋見月

去年中秋月團圓上林叢文士兩三人竟夕坐相

守精光浮白空誰見蝦蟇醜觴酌雜歌吟待得下
高柳今年中秋月輝輝入窗牖照我如有期怪我
樽無酒月是去年月不復去年友人人生如風花聚
散良不偶賢愚與貴賤肉骨同一朽我今見明月
再拜復稽首側聞古老言此言豈虛有正秋三五
滿萬里絕纖垢玉兔搗神藥服之壽長久我無周
生術安得月在手天梯邈難攀中局欲成疾萬方
浩漫漫月輪又西走

秋日山家

霞外詩集

卷之一
十九

汲古閣

落葉不肖住堦前知幾重飢禽窺綻葉危石俯喬
松日午客初到路迷雲更封何時了塵事卜藥肯
相容

爲張仲美西夢元遺山雪夜論詩圖

虐焰焦玄根古道日淪墜安知大化中元氣塞天
地遺山與仲美先後本一揆上士以神契冥冥感
靈會長淮夜風雪清夢短藥對玄趣非名言豈索
形骸外煌煌三百篇光焰高百世日子託人境塵
土觸肝肺苦吟愧蠅鳴况復事紛繪諸公足題品

靡靡發真祕持此寄遠心江漢已秋意中有號風
蟬哀哀響寒翠

存此山寄清游藁

秋風杖錫別多年細讀新詩盡極玄却憶姑蘇雲
外寺月明誰伴夜深禪

秋日卽事

芙蓉涼淺未全紅稚子攔街闌草虫節物變遷風
景在故園心事不言中

秋懷

霞外詩集

卷之一
二十一

汲古閣

大火徂秋節炎炎幾何時今日昧明日敢作百歲
期涼風昨夜來西山白雲起舟人吹鷓鴣愁蕩一
湖水嗟余寡所見就失玄髮歡獨坐待明月恨入
青雲端自古賢達人誰獨免其死靜言求此理如
此復如此呼童買美酒趁月傾樽疊雖然不解飲
聊復暢此懷

題日觀蒲萄卷

老衲搏空無混沌爲之開故得天地根不假雨露
力寒藤挂鬼眼累累冷光碧驪龍亦驚猜夜半風

寔急

排悶

諸盡時情薄似煙更憑誰覓買山錢催涼雨久添
秋恨待客茶頻廢夜眠身退每蒙先達許詩成多
得外人傳榮枯已悟須臾事一住湖邊又十年

涼夜

遺編掩罷人重披老去悠悠記性遲正是月沉燈
半滅一闌涼雨草虫悲

蛺蝶

賈外詩集

卷之一
二十一

汲古閣

栩栩復翩翩迎風勢不前草根時點染花處自翦
連怕冷多尋日爭高欲上天誰家驂兒女相逐過
橋邊

賈外詩集卷第一 終

賈外詩集卷第二

前結交行

古文山上松青青色不改縱有霜雪侵節操固常
在今交陌上花容貌相矜誇一朝風雨至飄泊隨
泥沙陳雷管鮑世不有一貧一富難長久對面相
看仰泰山下視群峰皆培塿嗟來乎嗟來乎床頭
黃金不可無君看金盡失顏色壯士灰心不丈夫

後結交行

古交皆結心其意能斷金今交皆結金倏忽能變

賈外詩集

卷之二

汲古閣

心取舍既殊軌反掌生陸沉正平一朝忤黃祖有
若將身投猛虎子桑莫逆忘其生乃能相與無相
與古人今人皆足悲百年憂樂須臾期男兒節義
死不變誰肯心懷未濟時嗚呼誰肯心懷未濟時

釋愁

去者不可追未來難強名二氣運昏曉萬物遂生
成泰山若爲重鴻毛若爲輕苟不任天命百慮徒
營營杞人一何愚無事憂天傾

山平水遠圖

乾坤浩浩目力短山水怙怙空光連人家半在溪
影裏萬里春風來客船

聞早鴈

初鴻有餘音老眼無遠光登樓望不極但見天青
蒼朝飛秋日短算宿秋水長不知從此去早晚到
衡陽衡陽有故人書札不可將木末遑贈繳雲邊
足鷹揚中途多苦辛羽翮能無傷望爾三春歸依
舊到吳鄉

送陳子振歸姑蘇

有序

霞外詩集

卷之二

汲古閣

予與子振識面屢閱歲矣一聚一散不復
情親偶辱見寄壯游諸詩觀其辭追躡風
雅遠邁前人不覺快然會心夫何屬蕩片
雲恨論文之不早繇是酬酢唱和無日而
虛未幾又復言還嗟流景之易遷况良遇
之不偶臨岐把袂故作詩以饒之

平生每多湖海交論心屈指不可數男兒勲業無
所成忽忽身年四十五日日欠詩如欠債冥搜豈
憚物役苦晚歲始得鮑叔親一語當機合前古怡

然示我壯遊篇長歌短歌遍杜甫凝神注意一展
誦山鬼水怪亦起舞舞風風索索湖水驚蟄龍街珠
不敢吐美君傑立懷長才富貴終當拾芥取胡爲
掉頭不肯住束書又向何方去君往姑蘇我在杭
後會焉能定相許季秋鴻鴈盡南征江漢茫茫足
風雨君若他時過環堵爲君門前掃落花呼重厨
中具雞黍君今別去相憶不

冬夜客至

故人終歲別寒夜此留連雪暗天窗月風回地靈
霞外詩集

卷之二

汲古閣

煙鴈羣侵夜發漏點隔城傳話舊成愁絕相看復
算年

歲夜自遣

坐見年殘竹爆中更將盃酒祝東風道人心事如
灰久辜負燈花一穗紅

德清夜泊

遠色變昏晦卸帆依淺沙浪搜盤岸木風逆赴巢
鴉細草官塘直長煙野日斜寒機聞夜織燈火是
誰家

四聖觀寫望

西林橋畔画船開一片蕭韶水上來多少綠楊遮不住天風吹過小蓬萊

挽月湖陸尊師

浮雲無定迹倏忽變其常四序相馳逐安得入久長先生負盛才早歲道瀾昌我翁亦年壯瓢笠行相將煙霞結幽志屹屹窮老莊先生彈素琴一詠復一觴山川半杖屨逸氣橫天章醉袖拂萬象談笑輕侯王息肩城邑改兩髯各已蒼我翁微不起霞外詩集

卷之二

汲古閣

抱獨如龜藏先生善兼人持危振玄綱復來主玄都香火皈遐方功成身自退出處誠所當去歲冬風來木落千林霜我翁在白石鵬化思騰翔慟哭挽靈輓崑瘞湖山陽先生來會葬洒淚陟崇岡言別幾何時載見秋草黃遺書忽墮前顧盼憂且惶死生猶夜旦此理不足傷所悲失父執流風散靈芒哀多情不盡歷歷寫我腸我來弔詩魂再拜陳酒漿落日大江昇孤舟度微茫思遠向我啼驚浪爲我揚恩君望八極想像仙人房鶴唳九臯清一

笑人間忙

書黃西有游塵彙後

茫茫大塊噫清氣調刁刁刀聲各異詩老得之肝膽雄吐出毫芒照天地書齋畫對百慮空忽如沆瀣澆心胸簷頭凝燕並兩足細語不敢驚春風嗚呼浩翁去世久一脉流芳到西有石床待月讀到明空山無人魑魅走

擾擾

擾擾行塵應接勞絲來斤鶚樂蓬蒿胸中丘壑開霞外詩集

卷之二

汲古閣

圖畫霞外光陰託酒醪未必漢廷疎四皓至今吳地事三高功成便合謀身退緱嶺春風正碧桃春日言情兼懷同好

漢陰抱甕久忘機一事無成只布衣萬水千山人獨去三春二月燕雙歸衰顏暗改青銅鏡舊業依前白板扉莫對落花思往事故交消息近來稀

墨梅

疎葩結冷光素質凝古色濡毫誰氏子巧奪真宰力展卷如有訴老兔向天泣髣髴月沈時影落參

旗直夜久書燈青鴻飛楚天黑寒香忽破鼻幽意
不可得悠悠感物理對此成太息我欲將贈遺真
幻兩莫識長嘯臨春風春風浩無極

寄越上張仲美

十載萍蓬悵別離偶然一見又差池薄書官事何
時了杖屨春風幾日隨俸薄不堪供鶴料才高長
是贈人詩鏡湖波暖多回鴈好寄書來亦未遲

鄧牧心絕粒味道賦長句以贈

殺者命之本此語足深致四體不服勤何以望辛

霞外詩集

卷之二

汲古閣

歲昏昏塵土喧疲役身口累食也苟失時飢火熱
五內鄧君儒者仙久牧方寸地一朝遇至人玄言
發幽祕若非種杏翁定是赤松輩教以絕火粒咀
嚼太和氣外美邪魔腥人珍豈足貴虛無空中素
俗物盡疵贅過我索詩章已覺神彩異丹髓碧華
滋道大淡無味富家食方丈日計萬錢費庖丁技
雖窮鷲刀厭墳碎安知遺世士回幹太古意萬象
一秋毫忘形日月外翻嗟鄧子真谷口躬耜未會
當謝塵氛飄舉質軒帝

送鄒混無回邵武

萬里晴空一劍飛浙山尋勝阻幽期歸舟醉叱神
龍護行篋笑看仙鶴隨柳子酒濃欺瘴霧木綿花
發待春詩隣家故老遙相接應問西湖話別時

黑白雲

落落到岫雲黑白分嬖妍黑雲或成雨白雲空蔽
天俗眼不見察俗意誰相憐美君傾人心中有千
丈泉

春日閒居二首

霞外詩集

卷之二

汲古閣

滿院春陰半掩扉杏花猶怕晚寒欺薛痕帶露侵
碁石山影分雲落硯池貧久家僮生去意社遲梁
燕阻歸期詩成一餉無人說芳草連天寄與誰
數峰青處敞蕭齋自斫楊枝傍水栽問字無人攜
酒去消閒有客抱琴來遙汀風急鷺雙起古岸日
斜花亂開袞袞光陰堪一笑城頭画角爲誰哀

湖邊春思

西林花雨霽春氣欲飛浮船過吹簫客旗標賣酒
樓暖煙鷺自在遲日蝶風流正是桑麻處支節認

舊游

子規

月冷聲聲在翠微，千華萬草失光輝。休言催得韶華去，浩萬東川春也歸。

游虎丘寺

野岸維行舟，步此金沙地。孤嶺出雲杪，衆木攢古意。蹲虎今何之？裂石浮劍氣。俯仰成古今，人生樂爲貴。所以高歌飲，聊復慰身世。

爲方仲客作子晉吹笙扇兼賦詩寄意

霞外詩集

卷之二

汲古閣

昔君別桑梓，彼此姿年芳。音書兩莫致，路遠徒相望。暖風吹帆，三百里闔閭。城裏花如綺，停車來扣故人家。恍然一見心，驚喜問余別後今何之。摩挲髭鬚已如此，論文把酒還相親。幽尋幾處隨芳塵，荒林雜卉畱餘春。愁姿野氣空惱人，劍池舊事惟明月。大笑高歌醉中別，歸來一臥吳山雲。忽地西風下，庭葉思君如江水。迢迢不可忘，我有尺素書。魚鴈不得將，却憶仙人王子晉。月下吹笙向綬嶺，仙人去世遠。鶴亦竟不來爲君寫入白團扇。玉冠

絳裳仙。風道骨洒落，何奇哉！恍惚聽希聲於至寂，一曲人間殊可哀。獨坐長松下，上有凌霄開此心。隨此画遠寄姑蘇臺。

海棠

殷紅含露臥朝寒，疑是春工畫未乾。底事詩人吟不穩，直須燒燭夜深看。

詩

六義關風教，吟須字字安。苦心雕琢易出口，運成難道合天心。動篇終鬼膽寒，極玄言不得。休作等

霞外詩集

卷之二

汲古閣

間看

烏夜啼

烏夜啼，朝啼東方白。夜啼林影黑，關河萬里天。兩霜月冷夜長眠，不得烏夜啼。憐爾集中黃口時，哺腥吞腐羽毛長。母子日日長追隨，一旦離羣自成偶。相呼相喚期相守，故雄零落不復知。畱得孤雌住，衰柳柳條蕭颯難棲身。夢驚三月楊花春，載飛載止情莫伸。欲去不去愁殺人，不知挾彈誰家子。暴物傷生苦如此，哀音散入江湖間。老屋破窗燈

欲死烏夜啼君豈知

送陳鍊師遊方

文章金玉有定價未測碧海珊瑚浣花老翁久
冥漠種桃道士誰招呼高風健鶻固有待舊水窮
魚非自圖千里之行始足下道也不可離須臾

清明書懷

疎懶無堪見物情自裁詩句了清明閒庭芳草年
年綠不爲東風管送迎

春遊

霞外詩集

卷之二

汲古閣

園草浮青入杖藜莫教羣負好花時人生屈指頭
如雪消得春風幾首詩

送梁中砥歸句曲

家住華陽第幾峰又將琴劍去匆匆地浮雲氣連
山白露浴丹光入夜紅千里音塵隨斷鴈百年聚
散類飛蓬吳頭楚尾關春恨盡在鶯聲柳色中

懷古

媯皇補天闕后土遂威寧化化者不化是爲元化
精先王官天下其政以結繩戰國事爭討四海森

甲兵仲尼旣去魯老聃西出秦後世滋華僞機巧
易其誠愚智互吞吐得失紛相仍邇來百千年一
一垂空名白骨填恨土大風吹不平我生宇宙間
短羽飛秋螢進寸而退尺聖人戒其盈披衣起中
夕念此傷心情素月行廣漢明星流太清但覺晝
夜轉不知人世更默坐觀天運萬疑回秋聲

送楊古性之淮海山長

嘉陵山水佳人物亦超邁楊君早讀書功名等拾
芥仙山暮散桑海遷忽然邂逅西湖邊天網宏大
霞外詩集

卷之二

汲古閣

四海一聖君宵旰憂黎元君今又師儒之官向京
口京口足衣冠彬彬魯中叟輕裝三尺桐孤舟一
樽酒相送各無言蟬聲在高柳知君此去佳政多
羣才詩禮相研磨西風昨夜發廣野北固江頭吹
白波吹白波爲君吟別奈秋何

賣藥翁

山人本在山中住偶向城中賣藥去不道石潭龍
出雲失却朝來下山處

題元暉小景

幾點啼鴉入暮煙
漁叢和雨釣江天
誰憐一片淋漓墨
曾在米家書畫船

游仙詞

上清真人玉華仙
夜策鸞輅凌珠煙
罡風廣漠露華冷
搖蕩金鈴聞半天
路逢仙姥騎白鹿
侍女雙雙散香玉
遙看三島點神波
恨入秋眉鏡中綠
我自無爲神自疑
萬數不動心冥冥
靈君期我謁太帝
下視濁海魚龍腥
玉虛燁燁明玄景
羽葆搖搖入空影
一曲雲和奏未終
月輪已到崑崙頂

霞外詩集

卷之二
十二

汲古閣

楊花

品題曾入百花名
長恨濛濛画不成
灞岸雨餘粘穗溼
章臺風暖撲人輕
緩隨流水知無力
閒度高樓似有情
想得山齋清影裏
亂和蛛網惹柴荆

毘陵客思

吾道已如此
夜長眠不成
歌傷白苧
儒術誤青萍
遠漏斷復續
殘燈滅又明
身前身後事
都上十年情

沙丘懷古

憑高懷古重依依
秦駐山頭正落暉
遼鶴信沉徐福去
鮑魚風起祖龍歸
固知倚伏存天道
肯信強梁即禍機
雲海微茫波浪惡
一雙沙鳥傍船飛

放懷
出入韻

早悟身爲累
終期靜結廬
一閒天不與
半老地猶無
籬菊陶彭澤
畦蔬阮隱居
誰能事拘束
曳尾自泥途

蝶

曾隨秦女踏青陽
幾被鶯梢出建章
芳草夢寒迷

霞外詩集

卷之二
十三

汲古閣

碧色杏花雨
細宿紅香粉
凝薄翅春無力
恨入修眉晚
斷腸寄語莫尋歌
舞處五侯門第有高牆

悼似山郭高士

高士之師王顯山乙亥歲浩歌終隱莫知所之故築亭曰

鶴待

執手東風酒一卮
武林曾有贈行詩
迢迢夢想江湖闊
杳杳音塵歲月遲
待鶴不來空感恨
乘風歸去自堪悲
綸巾羽扇松陰下
猶記研朱點易時

嘆落花

芳花麗白日脉脉如凝愁
朝承清露滋
暮逐長河

流含和憶兒時轉眼成白頭欲見西王母披心訴
其絲鶴從九天來聲落江湖秋濁骨如朽鐵安得
從之遊

紛紛

紛紛龍犀暗消磨汶上曾聞嘆逝波利欲根心公
論少是非私已嫉言多神傷潤轍魚相照眼見權
門雀可羅擬住南山餐白石不須扣角向人歌

讀五代史

五十年間通吐吞龍爭虎鬪一消魂不如野老深
霞外詩集

卷之二
十四

汲古閣

山塚爾得蒸嘗七世孫

信筆賦雜言招葛元白

湖邊春事空城裏渾未覺幽人嗒然臥強半不離
藥有時自吟哦無事亦斟酌猶異爭馳名利場百
年勝負墓一著寒食清明去已遠可憐局促聞兩
脚君不見成都杜陵老草堂破壤形枯槁典衣沽
酒曲江頭蹇驢雙蹕尋花草青天白日眼不開俗
子紛紛猶絕倒君早來君早來須判幾緡青芒鞋
好詩好酒消幾許忍使事負繁花開振衣抖擻康

衛埃莫教鷗鷺相驚猜與君靜看舟中醉客齊撫
掌疾呼大叫舞三臺來不來幾字回

初夏

日下簾櫳午晝時黃庭讀罷篆煙遲虛齋靜極心
無事臥看堦前樹影移

山行書所見

風吹桃李已成塵澗底幽花自晚春野廟蕭條門
半掩樵夫折得獻山神

睡起

霞外詩集

卷之二
十五

汲古閣

紅葵遠砌竹風涼睡起呼童上午香一帶粉牆平
似紙閒研水墨畫瀟湘

宿石公房和韻

久憶南山寺春深始一行石靈將瀑冷僧好似詩
清古壁蒲萄画空林杜宇聲喚回湖海夢身世白
鷗輕

王昭君圖

窈窕佳人絕代無一辭漢殿畫嗟吁丹青若恨毛
延壽勾踐何功得破吳

寄友人

識君憐不早，況復枉佳篇。別去纔逾月，思多似隔年。亂田姑熟近，平楚洞庭連。想得門前柳，清陰初有蟬。

題高麗寺因上人房清淨觀

竹屋翠微裏，開軒獨望時。法身山色見，佛眼世音知。琴寫僧傳譜，牌懸客寄詩。空塵侵不得，心與白雲期。

首夏

霞外詩集

卷之二
十六

汲古閣

江南四月雨黃梅，日日陰晴變百回。又是一年農事急，村村布穀正相催。

挽邵混無

將化之夕夢旌幃引別故里

問道師門髯未彫，偶因游學去家遙。病深鶴骨無靈藥，夢逐霓旌入古譙。寒鴈隔雲書斷絕，孤兒扶輓路蕭條。心腸鐵石還悽愴，泣把椒漿祖舜潮。

贈隱者

蕭蕭隱者屋，岸蓼入籬門。木落涼煙薄，魚行秋水渾。居人忘爾汝，沙鳥自兒孫。却憶前時到，梅花開。

正繁

山禽

我家衡門向山開，山禽住久不相猜。如今移家水邊住，依舊山禽時復來。

寄題碧淨軒

萬玉搖空軒亭亭，護蒼翠勁色不受染。脫畧花柳氣，有時清風生一掃。塵土翳客來，淡無語盡日坐相對。此是詩中禪，莫作心境會。

秋夜

霞外詩集

卷之二
十七

汲古閣

眼空夜色秋滿城，城樓漏鼓聞四更。杓垂月轉萬山白，坐看天河西北傾。

聞鴈

知汝幾時到，先令獨客聞。雨昏低度屋，風急亂穿雲。衡岳路猶遠，吳江夜正分。如何傳素札，爲我弔湘君。

卜居

人間無處不風波，卜得幽居向薜蘿。世事卽今知夢少，詩情從古自哀多。高風老木山雄壯，小雨枯

荷水蕩摩隨分盤礫了朝暮陸機休賦百年歌

涼意

昨日涼氣吹衣裳牽牛已花青蔓塙百年生事秋
淡薄一湖古意雲飛揚齊齊急榜投煙渡箇箇歸
鴉顧夕陽各盡天公流轉意莫教懷抱謾悲傷

溪橋夜泊

風雨連天鴈過初暫停歸舸傍村墟忽然喚起少
年思竹裏人家夜讀書

送龔聖與之姑蘇別業謁戎使君

霞外詩集

卷之二
十八

汲古閣

每因送別憶前時淮海名流漸漸稀獨樹草堂工
部老蒼苔茅屋廣文歸三峰有約期終隱五馬推
賢莫謾違若遇天隨憑寄語布袍今擬換荷衣

臥疾

雙肩漸聳髯毛垂不擬秋來病不離道友相過惟
論藥醫人教勸莫吟詩每違勝事因多懶偶憶兒
時益自悲歷歷百年多少事臥看風裊菊花枝

梅邊會飲寄葛禧舉

凝雲模糊欲釀雪湖上今朝北風正園林忽覺生

意斷獨有孤根發清迥三花五蕤春已多況乃落
漠被幽徑憶昔何遜在揚州月觀風臺動詩興後
有孤山和靖翁畱得高名寄香影禪巢愛梅復可
憐每見花開輒吟詠心胸磊落不受俗一笑樽空
晚色靜巡簷動是隔歲期人事推移苦不定同心
之言吳如蘭迹我鬚眉白未盡但願明年老身健
更待梅花報春信

野宿

野宿投村舍奉衣度石砠隣雞喧算欄寒蟹上燈

霞外詩集

卷之二
十九

汲古閣

宵戍鼓凌雲擊城鐘入夜撞蕭蕭楓葉下鴈已過
吳江

寶鏡

寶鏡存朗照夜室難爲光幽蘭抱貞心不能傲嚴
霜荆玉未出璞豈畏雕琢傷和氏不解事刖足徒
罹殃昭昭天上日萬古鑒中腸

橫山道中

村舍喜畱客相逢如故知槿籬垂橘柚溪艇賣鳧
鷖斷港車魚早寒田獲稻遲時清民俗古野老亦

言詩

傷存此山

號性常子

天台上何年別一住姑蘇僅十春緇衲典錢收
古帖好詩憑客寄閒人悟來靈徹心多懶老去維
摩病漸頹真性常存元不昧隴頭石塔鮮痕新

疾門

疾門心不到幽事每相仍身向中年懶詩多遠客
稱曉煙昏院落寒日上歎棧得句渾忘冷窗前曝

硯水

霞外詩集

卷之二
二十

汲古閣

野梅

彫盡羣芳一樹奇傍山傍水最相宜如何慣守堅
貞操不怕風霜怕笛吹

日暮

日暮登危峰下視江與湖霏霏暝色動風聲鼓天
衢山川氣象大雲物自卷舒邈彼六合中海月如
玄珠列宿轉天運陰陽旋六虛芸芸萬生根復端
混元初靈府一何靜廓落無所居妙極忽自哂欲
言如有拘下士昧斯理白首空嗟吁

冬日寫望

久旱湖水落坐看山日西梅清如客對鷗冷似見
啼怕酒常先醉慵吟少著題游心與天遠無處覓
端倪

寒夜有感

連宵風雨苦催寒吟對青燈夜向闌生事恰如蝸
負殼入頭容易轉身難

除夜

竹爆聲殘燈燼垂坐聽更漏隔年期喜神宜向迎
霞外詩集

卷之二
二十一

汲古閣

須早窮鬼難驅去任遲席上已無消夜果門前惟
寫立春詩老夫記得承平事閒對兒曹說舊時

霞外詩集卷第二終

霞外詩集卷第三

題湘靈鼓瑟

沅湘水闊風蕭蕭水風敲珮天光搖爲彈寶瑟傳
幽懷一點柔紅瀉香露蒼梧恨銷雲欲流湘花背
日烘春愁人間有夢到不得仙山翠滑江浪黑

雨久江邊餞別

別意千重酒暫停放歌一曲向君聽家貧禮數多
相失雨久支干盡不靈古巷聚人祠櫟社算潮催
客散樟亭孤帆又傍誰家宿遙見沙田燐火青

霞外詩集

卷之三

汲古閣

春雨

厭聽林鳩喚婦聲楚鄉梅柳一番春南鄰酒伴無
多子細雨斜風故惱人

丹井

巾子峰頭嶺勢分西湖西畔近西村丹丸化去人
通聖山運移來井自存香沁冷光消世味潤滋靈
脉破雲根空亭近日無題扁慚愧仙翁幾代孫

見柳詠懷

畫船曾繫柳邊橋歌舞升平樂意饒事去却憐橋

畔柳春來猶學舞兒腰

寓意二首

原憲古達士被體衣如鶉抱道不苟得舉世誰其
珍義士貴結客散金若沙塵富家重稻水不肯延
閒人此理古不齊此風難復淳有氣千長虹縮頸
不得伸蛙黷誠無知聒聒喧青春

列子居鄭圃隱迹四十年自非將適衛詎識斯人
賢含淳養天和遂發壺丘言長安豪俠兒寶馬黃
金鞭身貴不讀書驕矜耀春妍志士若徇節簞瓢

霞外詩集

卷之三

汲古閣

樂其全誰知化囿中夔蛟謾相憐魚目笑隋珠三
復道遙篇

奉簡盛元仁教授 三首

表表師儒德業尊青衿弟子盡侯門何當經麗心
無事作得新詩細與論

湖光山色助幽情琳宇無塵夕照明昨日鄰家聽
更好步虛聲帶讀書聲

數株楊柳隔苔磯卜得蕭齋景更禋正是先生讀
書處白鷗時復傍簷飛

新晴

新晴初試夾衣裳梅豆垂青小木管春色蕩搖蕩
鴉恨煙光遮護牡丹香養生不去窗前草得句多
題竹外墻心地太平風日好可憐岐路自羊腸

卽事

地瘦仍慳雨桃羞未著花物華欺賤子草色戀貧
家吳越山長對乾坤日易斜樓高不可望春事已
聞蛙

花信

霞外詩集

卷之三

汲古閣

花信頻催景漸和靜看新綠上庭柯夜來幾陣風
兼雨添得春流一寸多

春陰

一歲春光一半空鶯聲強在雨聲中老來言語渾
多忘病起篇章漸不工廣岸霧生沈獨樹平湖日
落起寒風無詩無酒花開盡狼籍西園滿地紅

題灌畦圖

悠悠世道久離淳樸機雖多慮轉深野老灌畦耳
抱甕可憐端木未知心

把酒

把酒問春春不知西林遠日生煙霏杜鵑哀怨聲
欲死古水流蕩光相依南山北山自朝暮今人昔
人誰是非千金一笑復何有此心久與鷗忘機

移蘭

幽蘭雜桃李開花無清香本具廉輕姿態得韜欺
光誤入芳園中乃覺氣不揚少年不我顧志士徒
見傷偶值朝雨餘日吉復時良呼童斷春泥移根
上高岡爲爾去蕭艾曉露滋濃漢永託松竹陰爾

霞外詩集

卷之三

汲古閣

生豈不昌細葉舒冷翠貞葩結青陽緩緩趨土脉
慎勿近路傍路傍多轍迹曲曲如羊腸恐爾遭采
掇委質兒女將哀哉楚靈均細佩荷爲裳斯人不
可見誰能復其常遂令靡蕪草各自爭芬芳回看
桃李花零落空啼秋

西湖小隱

湖外風輕釀薄寒柳陰當戶晝常關鷗羣不動水
紋淡花氣欲流春意閒投老尚餘詩強項遺愁翻
被酒屏顏笙歌日夜喧人耳擬卜亂雲生處山

蒿里行

春風花開春日靜看花少年色相映一朝花謝顏
色衰怕見白髮不照鏡苦口勸君君莫哀請看陌
上飛塵埃青松白楊過丹旄挽者齊歌蒿里來人
生在世無愚智不惜黃金爭意氣黃金用盡意氣
消大力不開玄室閉君知生死徒離憂我知生死
真浮休春風自來還自去野花香空笑山頭路

贈歌者二首

憶曾供奉獨超羣怕問當年樂府名唱到新詞如
霞外詩集

卷之三

汲古閣

有感亂敲檀板却吞聲

一聲河滿過行雲恨逐飛花委路塵莫道樽前無
淚下聽歌不是舊時人

晴窗

晴窗睡起片巾紗石鼎湯喧小試茶好客不來吟
息懶一年辜負海棠花

高樓春望

樓高詩景聚雨霽日華新芳草不知夢杜鵑空怨
春寒喧隨節雙魚易自情親真忝林間客蹉跎老

何人

陪葛元白仇仁近訪南竺詩僧分韻得影字
花開空山春窮幽到絕頂入寺逢遠公頓覺塵慮
屏遂作蓮社遊把酒醉龍井萬生各有態得意還
自領此樂殊未極落日倒林影明朝下山去笑別
風篁嶺

夜歸

歸杖下山遲喚舟尋渡口霧黑迷迷遠近篙子不停
手湖空蕨蒲響脉脉水光走吾廬傍漁燈髣髴認
霞外詩集

卷之三

汲古閣

高柳到家及初更呼童買鄰酒酒酣詩興發明月
入窗牖出門看月明中天垂北斗

憶春三首

斷畦零落薺花明雨過平湖水漸生坐久忽思春
去遠綠陰濃淡隱啼鶯
晴林紫笋出泥肥又見青梅似彈垂慚愧開門無
一事光陰換得幾聯詩
岸柳分陰合小橋枝葉徐步認鳴蜩山雞來往渾
馴熟啄盡闌邊半夏苗

自詠

四友亡來懶結交，芥舟只合置堂坳。青溪點易知誰識，白首探玄尚解嘲。小景畫成時展玩，新詩吟得自推敲。閉門不道春將晚，驚見殘紅褪杏梢。

吳中太伯廟

茫茫天地裏，元氣是貞魂。至德推三讓，無稱見獨尊。古今時自變，尸祝禮常存。再拜爐煙晚，長歌出廟門。

栽孤松爲九華山鍾道士作

霞外詩集

卷之三

汲古閣

九華何崔嵬，融結本真宰。神畀之所鍾，雲物足瀟灑。挺挺秦大夫，獨立而不改。旣出衆木羣，豈爲黠陽待。初疑凍蛟掉，禿尾忽若山。靈張偃蓋，又如玄鶴歸。來視城郭，悵別人間動。千載楚南靈，椿浪得名茫。茫天壤，知何在。流精貫浹骨，欲飛風雨。武致雷公怪，林林紅紫索。價高幄錦園，春闢光彩憐。君令色不隨時，空負才名成感慨。畱向青山閱古今，爲問桑田幾滄海。

覓句

覓句不覺晚，自吟還自酬。因耽五字苦，輕惹一生愁。水落洲渚出，天虛日月浮。空持百年意，不語對馴鷗。

靖傳董高士寄百花詩集

雕按元氣幸，芳叢未覺唐。人詠物工，木客聽吟驚。夜月花神無語泣，春風雪雲影斷遊。心處綵筆香生，得句中見說草玄門。巷靜育年事業，有誰同。

月蝕三首

夜半蝦蟆蝕，月光衆星各自吐。茫茫可憐兒女情，

霞外詩集

卷之二

汲古閣

知畏擊瓦敲磚，閣下方口誦黃庭。內外篇，堦前再拜焚爐煙。丹心既切天應鑒，不見還光不敢眠。喜見還光漸漸盈，紫微遙想泰階平。凝眸小伎何堪慮，不減乾坤萬古明。

閒居重九

零露綴白曉，草根光離離。扶筇步前庭，自覺與世遺。我本事耘耔，肯爲好爵廢。秋風淒以厲，九日忽及茲。手把東籬菊，口誦淵明詩。南山祇南山，彼此

俱一時俛仰成古今況隔千載期悠悠大方中精氣暫聚之君達我徒思我思君豈知終然在天運君言不吾欺

積雪

凍雲晴已散濛密聚皴稜寒日照不化晚風吹更凝空光映書幌勁氣逼吟燈最愛南山寺浮屠白五層

鷺雛

頂絲未長雪毳毵第一橋邊買得來已覺今朝籠

雷外詩集

卷之三

汲古閣

不住見人側腦却相猜

除夕

白日無停光歲蛇行赴經出門眺夕景慨念今非昨舊俗照庭燎餘輝散城郭貧家閉門坐富家自張樂貧富不相侔造物竟何託貧家無忌諱但被愁苦縛富家氣焰高舉止動成錯山人無一事塊坐甘寂寞青山遠屋頭梅花滿籬落豈無樽中酒可以自斟酌醉卧北窗下此意甚不惡明朝望春來尋詩上江閣

和王琴川見寄韻

結茅我住西湖濱聞君海內詩有神遂懷昔日謫仙人大笑愚下如沙塵筆驅物色驟回薄隱約松聲轉萬壑壯心忽覺秋氣索抱琴莫負林泉約猶勝警書天祿閣令威本是遼城鶴

喜陳子振至

兩三年不見詩仙白日追思夜廢眠及至相逢無一事桂花狼籍石池邊

憶昔接歡詩酒裏恨君容易上歸船別來若問吟

雷外詩集

卷之三

汲古閣

多少潦倒情懷不似前

挽葛秀才二首

半生門不出居市似居山自負詩書力肯低塵土顏夢回蝴蝶化原冷鵲鳴聞曉雨飛丹旆思君不可攀

桑梓彫零盡耆儒獨數君天邊不獻賦地下忽修文恨接笑言晚還悲生死分與芻空有淚歸酒巖頭雲

吟雪二首

桑戶絃歌冷似冰子與今日更無人莫嫌林下多
半落簷外欲斜一樹春

四山削玉水無波冷坐孤吟意趣多未必朱門知
此味紅爐畫閣正笙歌

野步

野色豈難染杖藜春水邊新煙榆木火遲日杏花
天村酒傾壺濁溪魚入膾鮮人生行處樂莫負杖
頭錢

春感書事

震外詩集

卷之三

汲古閣

升平日日事繁華惟恨人生自有涯破曉簾櫳喧
燕子新晴巷陌賣桃花酒中賢聖客常滿樂按官
商字不差只有東風舊時柳依前飛絮滿鄰家

辨真句

葉公駭真龍表畏畏真虎舉世不識真大偽滋同
互天地假我形起滅爲誰故羣習蔽一真奈何不
知顧我心真獨存動觸羣習怒急流多躁聲層巖
無坦步疇能逆常期巧琢喪純素取實去其華吾
當事斯語

客思

行止皆難定江山信有涯平生不識路垂老始離
家人別數聲鶯春隨兩岸花中原多古意吟詠答
年華

渡揚子江

鯨波撼地紀金焦時中流神奇裂太古挺挺雙利
浮我行值利涉一葉如開鷗空光明我心毛骨寒
颼颼長揖郭景純明朝渡揚州

舟次維揚

震外詩集

卷之三

汲古閣

數幅蒲帆派急流南風吹送到揚州封侯拜將人
何在日照荒城舊驛樓

瓜洲渡書懷二首

離家時節正條桑船到瓜洲麥已黃見說神州好
風景自慚無賦獻明光
一夜長淮浪拍船惡風疾雨不成眠家書寫得無
人寄家在錢塘湖水邊

邳州言懷

戰骨銷沈水氣清沙邊砲石尚縱橫不知天定安

危記虛使生靈死亂兵

昔日旌旗古戌秋將軍曾此覓封侯如今戰地成
耕地得見升平任白頭

徐州寫望

舟人云州有三百六十山四時無草木樊
曾莫凡七處莫知孰是

三百六十徐州山骨立天風不受寒樊侯古塚七
杯土飛沙野蔓斜陽殘舟人指點向余說側望淹
留寸心切欲醉清樽平古祠衰衰長河流不歇

霞外詩集

卷之三

汲古閣

新州道中

風沙渺渺客聯鑣時拂吟鞭慰寂寥車道綠緣殘
棗樹野田青蔓苦瓜苗杜陵老去家何在阮藉愁
來氣不驕白笑閒人閒未得得閒終合隱漁樵

魯中

遶山忽已近近山忽已遠一山復一山使我情隨
絕平野莽無人飛沙垢顏臉如何大暑月旅食備
艱險古人亦有言富貴非所願休影不忍陰望道
木之見曷月予還歸飽食故山寬

東平道中

征途擾擾風沙黃征人下馬坐路傍此邦之人重
違客出門問我來何方笑言酬答未及已急呼兒
女傾壺葉青山堂堂日車轉老樹盤陰杜鵑晚引
程驛吏莫漫催我有新詩自排遣感君義氣真可
憐回首孤城暮煙遠

望岳

驅車魯東門遙遙望泰山遠勢儼崇大真宰司其
間稽首致心語我行良已艱親舍白雲下往轍何
霞外詩集

卷之三

汲古閣

時還願言克相之造化終無端

汶上卽事

北闕言別柳飛綿記得離家月又圓華髮流年身
半百黃塵走馬路三千戍兵自裹餼粮送津吏遠
迎傳驛眠一夜南風吹汶水古榆深巷已聞蟬

過沙河

上闕何時到鄉心日夜憑塞驢車轍路羸馬夕陽
天傳驛飢仍遠篙師老不前微茫燈火近沙外有
人煙

御河阻風

篙師飯日午繫舟嬰兒灣大風揚巨浪兼蕩天地
間怒聲若擊雷猛勢驚移山得失稟定數真宰炳
如丹水宿不及村誰能慘心顏

大德辛丑五月十六日灤都樓殿朝見謹賦

絕句三首

黃道無塵帳殿深集賢引見羽衣人步虛奏徹天

顏喜萬歲聲浮玉座春

殿中錫宴列諸王羽福分班近御床特旨向前觀

霞外詩集

卷之三
十五

汲古閣

妓樂滿身雨露溼天香

清曉傳宣入殿門蕭韶九奏進金樽教坊齊扮華

仙會知是天師朝至尊

開平寓舍

雨陰六月催驕陽開平客舍白日長官街淤泥沒
馬股出門忽似河無梁上風不解重魚鳥東鄰西
舍惟烹羊山人肺腑蔬笋氣對此頗覺神不揚昨
日樓頭望遠色海霧不動晨光涼青山四面拱城
闕龍盤虎踞爭翱翔乃見宸勢宏大囊括造化

吞洪荒惟耳槁木卧林經豈意野服朝明光太平
天子崇道德繪麗琳宇開清揚列仙縹緲環瑯下
五里十里聞天香惟皇上帝降百祥煌煌大業垂
無疆山人歌詩忽起舞山川草木騰文章山川悠
悠望不極白雲飛去之何方故鄉親舍白雲下悵
望山川空斷腸何當振翮附黃鵠萬里天風吹渺
茫

灤都寓興

昨夜分明夢到家庭前開遍石榴花龍門不放東

霞外詩集

卷之三
十六

汲古閣

風過五月平灤雪滿沙

寄舍弟

雁起秋雲白羈棲只恨仍心知平易雙口信違離
惡憶弟愁荀鶴思尊老季鷹凌遲一盃酒不語對
青燈

黑山

算造黑山頭下馬馬力疲大野無行客僕夫愁渴
飢草根積霜露月照光離離王孫喜我至邀我入
也幃琵琶左右動勸我金屈厄此中風俗淳頗似

上古時顧慚丘疑姿心迹與世遺際此聖明代歷覽山水奇不學古行役空傷木蘭詩

爲楊簡齋題空蒙圖

西湖天下奇回薄太古色春風散花柳元氣蕩空碧淡然存天真豈爲歌舞惑我家本住湖水邊筆床茶竈依漁船振衣一別五千里爲君展卷心茫然欲問吾廬在何處但見老木浮寒烟吾廬不可尋山川不可越人生行止會有時長嘯增前望明月

震外詩集

卷之三
十七

汲古閣

開平卽事

土風渾似古民物自熙熙釀酒收馳乳裁裘聚鼠皮夏寒綿挾舊路滑馬行廷家在千山外息歸未有期

得家信

舊業今安不天涯我索居關山萬里使鴻雁幾行書蟻夢秋光薄蟬吟暑氣餘三高祠下水空憶釣鱸魚

溧都旅夜二首

不語登高樓徘徊回日將夕涼風吹秋來萬葉謝深碧悠悠念遠道坐見山月出下聽城郭中歌笑雜啼泣物理不可窮令人長太息

黃鵠垂兩翼徒懷四海心遊子中夜起攬衣步前庭蕭條行天雲慘淡西風砧客愁結肺腑氣咽不能吟不吟亦不寐歷歷寒更深

爲疇齋張府卿作煮雲圖

喧寂本與軌乃知靜者心清晨整芒屨斧斤入山林檐挑煙霞氣出沒窮幽深終南太華長入眼蕭蕭不斷松濤響靜觀天地生化機抱膝無言坐成晚昔日會稽朱買臣汲汲行吟背負薪輕將富貴博幽意野風吹老青山春碧桃花底煙光鼻應見仙人著碁處時清不用歌紫芝獨自穿雲下山去

震外詩集

卷之三
十八

汲古閣

龍門道中

八月龍門路冰霜水不波草枯行地風風冷過天鷺棧道行車少人家閉戶多殷勤策羸馬夜宿赴鵲窩

李陵臺懷古

在昔李將軍提師奮威武步卒五千人縱橫盡貔
虎謀猷始欲成管取推一語漢恩既未報肝膽日
益苦豈知萬里外骨肉膏草莽昭帝因任賢義斷
難復取登臺望漢地山川渺如許北風吹不泐恨
入臺下土我行青山下矯首一懷古復笑秦家城
鬱鬱列遺堵惟有山上雲淒迷送秋雨

經懷來縣

策馬懷來縣明朝始秋節遙看東五臺三峰兩峰
雪大野人煙稀宮闕白明滅寒風恐牛馬狐兔號

卷之三
十九

汲古閣

霞外詩集——
古穴故山丹桂開念此惜玄髮

寓金臺

黃姑巷裏曉鐘聲金水河邊落日情幾許客愁禁
不得數莖白髮漸分明

得舍弟書

木葉蕭蕭下玉關音來爲問幾時還前丹桂知
無恙湖上白鷗應自閒向氏不勞愁聽笛麗公終
是憶居山南中故老如相問莫道如今鬢欲斑

寓金臺書西湖空蒙閣

吳雲飛燕山舒卷在所得西湖不在眼客子氣蕭
瑟幾夕憑夢歸月暗失阡陌豈若隨天遊疇能縮
地脉今朝好晴景木落窗影白潑墨水雲翻羽出
空蒙色頓失羈旅愁萬里如不隔何當歸江南展
卷盡江北

金臺文廟石鼓

獵碣鐫功事惘然摩娑壞石卧寒煙昌黎已道文
殘缺又較昌黎五百年

中秋
并序

霞外詩集——

卷之三
二十

汲古閣

大德辛丑秋令正中客居金臺崇真道館
追思良夜能亡慨然于時遠山宁秋長煙
薄晚月行天而流景風散野以傳聲偶賦
雜言奉呈松軒太監

憶得去年八月十五正黃昏東方擁出黃金盆湖
光凝露滴空翠柳陰疎處羅清樽恬然數子文字
飲六橋濱淙淙林影一聲何處雄雞鳴月輪已到
栖霞嶺共言人世似川流有詩有酒須相酬朋吟
醉卧忘爾汝氣吞十里菰蒲秋今年中秋去年月

却向燕山照城闕素華摩蕩長唐精萬里清光原
不別翻憶西湖看月時飛蓬聚散真難期欲將心
事寄歸夢岐路迢迢雲間之歸夢杳日斷
神馳山高月小興來一夜不成眠還聽雞聲催白
曉

客中長至日偶成

記得去年長至日故園梅蕊正含煙鄰家聚飲分
冬酒稚子來需拜節錢已覺鄉愁添繡線還從雲
氣卜豐年思歸不爲荒三徑九陌黃塵懶着鞭

霞外詩集

卷之三
二十一

汲古閣

霞外詩集卷第四

大德辛丑冬內醮禮成天師真人親奉土旨

祈雪繼沐感通謹賦七言律詩稱賀

金殿深沉曉仗寒鼓鐘三奏列仙班祥開寶璽玄
風冷道在清朝白日開七御瑞光浮帝座兩宮和
氣藹天顏殷勤三獻封人祝五色雲生萬歲山

又

醮罷龍樓異渥新煌煌印劔嗣金真綸音錫命期
三日奏牘傳誠走百神雲葉尚籠中夜月雪花已

霞外詩集

卷之四
一

汲古閣

散萬方春太平有象乾坤大一片丹心拱北辰

白雲歌贈友人別

白雲何處來晶晶揚長空卷舒合變化倏忽周西
東出岫旣無心敢望成霖功遂令淪落姿飄泊隨
天風我身如雲亦無據五千里外君相遇殷勤不
盡別時情又把離盃送君去送君去君早歸我亦
思家心力逮只恐著破慈母手中衣歌白雲雲自
飛

霞外詩集卷第三

終

久客

白露變榆柳滿城砧杵催故園經歲別游子幾時
回且盡山公酒難將驛使梅秋聲不可聽永夜獨
徘徊

寄家書

輕別西湖十里山別時慈母勸加餐可憐寄得家
書去不道艱難只道安

易水懷古

嚴霜薄廣野天寒易水潯遊情念古昔指物傷流
陰荆卿感至德捐已重君臨餞夕風蕭蕭慷慨成
霞外詩集

卷之四

汲古閣

悲吟依依別故里道路多嶮嶇神勇正色屬客氣
難顏侵武陽斗筭器敵疎喙如瘡強奉福尚綏誰
使傳鳴琴良壽竟不進七首將何任扶光朗中懷
天道幽難謀哀哉九原下空負田樊心

客夜不寐偶成短句十首用渭北春天樹江

東日昇雲爲韻

丈夫慎出處功成身乃退古人夫如何八十釣清
渭

四時循化機萬物隨動息衆星紛熒熒天運齊拱

北
稿素製野服誤染京華塵舊業在何處梅花江上
春

男兒不得志壯心惜徂年長空起鵬鷃目送入家

天

布衾生淒寒夜夜夢啼去心恐秋風深摧殘紫荆

樹

吟苦不成寐寒窗凝夜釭千古誰知心遙遙買長

江

霞外詩集

卷之四

汲古閣

此身如斷蓬飄蕭隨北風錢塘一望地家住西湖

東

客慮千萬端長吁愁不出誰能事低眉揮盃送白

日

幾欲背吾車老眼不識路弟妹今何之蕭蕭齒髮

昇

昨日家書至慰我久離羣游子眼欲斷日日望白

雲

渡灤河

疎疎遠雨簪草色凌天光融雲馳疾影倦客摧中腸牛車瀝黑水回折如探湯四顧何蕭條落日心傍徨豈無親與朋晤歎天一方物色可憐人悠揚動微芳題詩道遠意此意何能忘

昔聞

昔聞行役苦今日客殊方窗影燈岑寂雞聲夢渺茫僕奴忘禮數親友轉參商欲寄平安字天寒煙水長

旅興

霞外詩集

卷之四

汲古閣

客中白日送清樽燈下裁書眼漸昏南浦一年雲隔夢西風萬里月當門酥凝瘦斂茶膏熟火慢筠籠楮被溫未覺情懷殊冷落終身衣食是皇恩

早春聞笛

萬里南州客離家又一年春回首霜地笛怨鷓鴣天趁日裁烏帽尋人賣馬驢歸心憂賦役員郭幸無田

都下初春

茶樓酒館照晨光京邑舟車會萬方驛路草生春

報信御河水散客遙裝青山有夢慈親老白髮無私世事忙想得故園殘雪後梅花開遍讀書堂

書龔彥釗圖舜二妃圖後

伊大舜之繆下今玉蘊積而藏諸堯側陋以異位今師錫帝而曰俞試諸難而孝恭今惟懋嘉績降二女于瀉汭今適嬪于虞繇治家以及區宇今始克觀于婦道咨百辟而設居方今胡陟南而云徂恐風夜之弗逮今服盛德而靡失何昊天之不弔今洒泣涕而連如委重華而莫余申今寧逐湘流霞外詩集

卷之四

汲古閣

之浩森貼天命而隕厥躬今疇能撫事而踟躕悲湘筠以淒風雨今膠淚漬而莫除蕩恨骨而誰爲依今空馳靈於故都昔四岳以明頑爾昏傲今猶烝烝而善治君今雖死而無憾今生厥父而厥夫懷哉若人而不復見今終混輿而罔極孰謂九京而不可作今美彥釗之爲圖爾有斯謀斯猷今亦孔昭於永世我歌旣成曷從而弔之今望雲氣於蒼梧

回南

家在錢塘江上春京華投老獨漂零玉泉山外雪
猶白金水河邊柳又青帽底流塵春冉冉花間行
李髮星星分明記得經游處一路吟詩寫驛亭

又

回望京城在九霄西山晴暖雪纔消人行短草春
容與馬拂香塵柳動搖老鶴心情終憶海浮雲富
貴謾題橋尚憐婦夫身強健歷歷松風寄一瓢

舟次楊村

前望同舟遠不分打頭風急御河渾寒驢無力牽
霞外詩集 卷之四 汲古閣

船纜行到楊村已日昏

江陵卽事

孤舟分破綠漣漪風滿蒲帆力半欹萬里客情空
感慨一年春事又差池鷺鷥引子窺魚網楊柳飛
花入酒卮南阮歸來渾似舊錦囊添得幾篇詩

高唐晚泊

夾馬營邊晚繫舟遙看水接汴河流淡紅消盡斜
陽影高樹乳鴉生古愁

渡御河用少陵日轉東方白風來北斗昏爲

韻

御河出天津浩浩流水急驚濤鼓兒船一站過三
日
轉
心空如馳布帆風力軟曲肱倚篷窗草岸遶船
東
維舟縱晚眺草色浮春空廣野無阡陌欲往忘西
行行計故里未覺道路長緬懷燕耆舊却在天一
方

霞外詩集

卷之四

汲古閣

舟車載名利動越萬里隔詎識玄中言若辱乃大
白

聖君執大象萬方文軌同請看金臺高英賢盡趨
風

沙柳如舊識沙島休見猜昔從東風去今逐東風
來

驚雷過急雨夜色如潑墨夢經西津渡覺在大江
北

古驛燈影薄風定沙不走數問夜何其天空月在

斗

大塊佚我老故園松菊存湖山無變質吟詠足晨昏

舟人婦

眉黛攢愁髻欲睡繫舟瓢水飯驢驛綺羅只解裝歌女看得悲歡不較多

汶上

芳草已碧色駐帆聊解顏柳花經汶水雲氣入梁山短褐行人老長途古木閒故園饒笋蕨喜得及霞外詩集

卷之四

汲古閣

春還

清河舟中二首

長淮渺渺接風沙桑柘岡頭四五家自古利名爭不盡潮生潮落自年華
歲早沙田久廢鉏蕭條民屋盡桑樞生來不識繁華事菰米黃蘗亦自娛

歌風臺懷古

西郊蛇斷此登臺千古風雲入壯懷海濶波濤吞楚越秋高鷹隼掠江淮倚天劒化人何在曷日碑

殘土半埋空恨英雄雷不得威原煙草正枯芳
地橋

昔人已伴赤松遊橋下惟存漢水流一卷素書何處在數峰煙雨是邳州

呂梁洪

萬里長風送短蓬亂流初下呂梁洪篙師點過鋒鉞石一片歡聲落日中

泗上

泗水東流逆棹遲遙看春色眼先迷岸花影直日霞外詩集

卷之四

汲古閣

亭午難在茶商船上啼

雜揚寫望

東風吹盡馬頭塵空對今人憶古人不見劉安雲裏過雨昏二十四橋春

途中寒食

行裝迢遞轉孤城一路聞吟幾客程潑火雨晴楊柳冷落花風暖筍輿輕感時已悟莊生夢遺俗空懷介子情只有啼鵲解人意平蕪漠漠雨三聲
瓜洲渡驛舍

晚日依依照驛亭
梅將年髮逐飛塵
暮連不是思浮海
桀溺從來惡問津
楚漢江聲千里接
荆吳山色四時新
詩人到處便懷古
腸斷瓜洲楊柳春

楊子江寫望

古渡風初急
孤舟似浴鳬
山形開混沌
江勢拍虛無
落日金焦寺
長煙楚漢區
乾坤盡詩景
何事泣楊朱

過京口

自慚爲客久
理棹及春還
醉別西津渡
吟經北固霞
外詩集

卷之四

汲古閣

山業思青笠
底詩在綠陰
閒不及滄江上
沙鷗盡日間

客懷

楊柳窺煙色
漸深亂花經
眼又成塵
半醒半醉看浮世
無子無孫任此身
春盡歸鴻成序少
日斜行客轉頭頻
中年未遂躬耕計
憔悴山陽笛裏人

吳中

故鄉別久語音訛
喜聽吳音入棹歌
萬里歸來心未穩
夜闌猶夢過關河

贈顧上人

越僧號顧叟
遠自鑑湖來
攜詩扣我門
一見心顏開
自說蚤行脚
見佛向五臺
個儂了不羈
談笑無塵埃
乃知顛非顛
俗眼徒見哈
達士心地空
明明本無猜
詩成作回向
此道何悠哉
春風亦浩蕩
飛花下蒼苔

自適

人心如跳丸
怒風號萬竅
狙公易朝暮
取捨本同調
我心用苦拙
綿綿抱獨照
結廬逼湖水
可以足霞外詩集

卷之四

汲古閣

吟嘯龍辱不復知
風來水禽叫

奉簡張仲美

山川散淑氣
灑灑揚芳塵
春言沂詠樂
薄游及茲晨
晨出算還歸
乃聞來故人
新詩發麗藻
叙此平生親
憶昔別故人
轉燭餘十春
萍蓬各異勢
良覲遂無因
借問今行役
幾日航江津
鑑湖波不改
賀監誰爲隣
歲月何奄忽
事往情難陳
相逢且慰意
庶復全其真

題瓜鼠圖

女臂狸頭不自奇，桑榆弱棘化偷兒。飽他鼠腹能多少，幸是癡猫未得知。

詩思

本與名言絕，乾坤鍾氣清。靜中收拾得，閒裏琢磨成。美刺明時化，幽微索至精。不曾親悟入，似隔萬重城。

西湖晚思

日落湖水黑，衆山生遠塵。船回載酒客，樓倚獨吟人。老態多思舊，時情只貴新。籬邊古梅樹，開謝幾霞外詩集

卷之四
十二

汲古閣

送詩僧俊傑菴游越

魯共山中聽杜鵑，巾瓶還問剡溪船。三生石上三更月，早晚重來話極玄。

拜墓

一別松楸又一年，歸來拜掃一茫然。老烏下竹窺盤釘，稚子攀松挂紙錢。心斷野花春色裏，愁生杜宇夕陽邊。東風不管流年事，只向西湖送管絃。

安居

午睡覺來晚，倚闌看水流。柳花終日過，荷葉向人浮。掃地山當戶，焚香書滿樓。此心無愧作，吾道轉悠悠。

野外

野外蕭條景更佳，牧童將犢臥晴沙。白鷗長遶分魚市，紅杏深藏賣酒家。倦向客程添懊惱，老看春事厭紛譁。田翁也學青門隱，料理荒畦自種瓜。

和曹梅南見寄詩韻

每憶仙人蔡少霞，幾番同會稚川家。春光正好無霞外詩集

卷之四
十三

汲古閣

閒日又負西園一度花

閒戶誰能草太玄，老來慵懶尚依然。麻衣道者如相問，休道錢郎骨未仙。

送仇仁近之溧陽教授

我昔萬里遊，轉覺山水好。歸來桑梓間，疑情向故老。自從識君三十春，交淡如水情相親。愛君長才凌鮑謝，和光接物同常人。人生會晤真難據，君又之官溧陽去。溧陽地勝名士多，道在絃歌閒適處。春江漠漠春帆開，柳花風起如塵埃。只恐文星西

不住玉堂金馬待君來待君來請看天上黃金臺

哭嚴翁龔處士 二首

平生師友最相知拄杖過蒼白髮垂老大玄英心
尚隱淒涼伯道死無兒碑彌絕筆堪成恨翰墨堆
床付與誰挂席歸來還慟哭可憐不得挽靈輻
耆儒行輩盡凋零每對先生憶古人疊疊笑談驚
座席昂昂標格動星辰九原何憾遺編富孤女無
依舊業貧今日隴頭誰誌石野花芳草一年春

葛嶺言懷

霞外詩集

卷之四
十四

汲古閣

湖上繁華已隔塵樓臺遺址野田春蘇堤飛絮無
多柳洛社工詩有幾人白石取殘山翠聚黃金銷
盡水鄉鄰葛公丹井依然在換却西邊舊日隣
和問居韻

萬物隨生化單瓢任屢空短長莊說劍得失楚公
弓機盡心如醉言忘耳似聲已知身是幻休負百
年中

寄昇元陳渭叟

白苧衣裳烏角巾昇元觀裏寄閒身自離別業行

經歲每得新詩說向人一室圖書朝會客滿山星
月夜朝真可憐種杏仙翁去辜負涌金池上春

墨竹

墨光浮潤拂新梢向憶清風遠銳毫安得滿林生
練寶鳳巢丹穴正嗷嗷

傷曹梅南

忍君淒斷鼓盆歌便欲相從隱薜蘿仕路久忘貧
自樂好山未買事多魔院房求寄問家具風雨驚
飛舊壁梭一曲陽春人不見隴頭消息竟如何

霞外詩集

卷之四
十五

汲古閣

暮春

風雨第寒入暮春倚闌還動去年情淺流科斗已
生脚喬木鴝鵒初有聲南畝歸耕無業在北窗高
臥喜心清樽蒲一局從兒戲已悟人間寵辱驚

寄荅溪沈玉湖

寶溪春晚柳花飛記得停桡送別時短髮霜侵難
信藥壯心灰盡未忘詩吳山佳麗全非舊洛社風
流尚有誰何日相過一樽酒西窗夜雨話襟期

題姚安仁南陌尋春圖

杖藜徐步趁晴光岸草無名亦自芳桃李不知何處問青蔬拾得已盈筐

忽憶

忽憶行年五十五擾擾得失枯人腸金魚綠酒我須換蒼狗白衣誰可量瘦梅喜浸古疊益老態怕著新衣裳親朋相別萬里外一字不到三年強

題鄧蓀壁所藏龔處士回馬卷

金釘繩短駐霜蹄曾見先生手畫時精凝蘭香回緊爽氣隨神變發權奇華軒欲試丹青動絕筆無霞外詩集

卷之四

汲古閣

傳造化私今日有誰偏愛惜鄧公馬癖幾人知

雪夜

風急雲彤結晝陰水邊樓迥懶登臨老夫覓句愁人別稚子開門喜雪深漁火依稀明遠渡寒鴉撩亂集空林江山一片模糊白誰識孤鴻萬里心

葛元白年登七表寄詩寓意就韻以和

士得佳名盡不虛曾提健筆賦閑居經行國裏當扶杖豈向槎頭謾釣魚昔日家聲疑夢寐壯年交友盡稀疎讀書兩眼猶如月白首長懷重仲舒

挽安人丘氏

慣承甘旨足優游八十慈親雪滿頭混沌鑿開真不覺摩耶化去佛難留梁空落月萱堂曉香轉孤燈總帳秋惟有隣家心緒切倚門人老正關愁

謾成

暖催花雨溼行塵脉脉憑軒欲損神閒憶少年如昨日只疑樂事是前身黃鸝紫燕春仍好刺水殘山物自新可憎白鷗波浩蕩扁舟老却釣魚人

永嘉包氏子孝感詩

霞外詩集

卷之四

汲古閣

簪別風塵際驅馳三十春存公違故里涕淚泣高旻棄置青雲志間關白髮親及泉悲厚地錫類有斯人就織從無婦揮金竟贖身生還休防祀孝感實通神轉覺乾坤大難酬造化仁楠川耆舊在爲爾一酸辛

挽葛元白

二首

年登七十髯絲垂纔別經旬病忽危死隔異途悲范式奏終流水失鍾期已無湖上重來日猶有床頭未和詩妻逸子賢人事盡難教竹杖化龍遲

老來多感病屏顏不擬先生去不還
酒約詩人時共飲門嫌俗客晝常關
傷心池畔新移菊瘞骨湖西舊買山
牢落西風吹別淚楓林赤葉正欄斑

春老言情

野薔薇花開欲盡官蝦蟆叫春無多
人生萬事聊復爾有句不禁芳草何

偶成

穀雨聲連四月初閉門瓶石久無儲
貧憐杜甫常除酒老愛邊韶懶讀書
鄉里小兒相爾汝簷櫺乳

霞外詩集

卷之四

汲古閣

雀自親疎生生化化皆春意誰美軍
瓢樂有餘

和友人春雨詩韻

物換山仍在春歸異亦華詩來慚馬
異金畫誤劉又林色花如綺簷聲雨
似麻世情忘已久投分老煙霞

山行有感

此聲欲發又還吞壯志消磨入瘦藤
山北山南松色裏一年強半送親朋

經山寺有懷故友

浮雲春色眼前生萬事傷心布穀聲
薊子休慚玄尚白屈平常愧濁難清
鶯花世界經飄泊湖海襟期失老成
山寺無人晚歸去詩脾忍見舊題名

漁父歌

老翁家住西湖邊自從學釣四十年
瓦甌酒醒炊未熟白日過午常高眠
昨朝老婦丁寧泣鉅釣須利不須直
得魚賣錢及早歸鄉吏打門征斂急
嗚呼吳松笠澤秋水多筆床茶竈今
如何

傷廢塚

霞外詩集

卷之四

汲古閣

春風習習吹花木千山萬山一齊綠
日午諸村社鼓喧田家小兒健如犢
閒來徒步上前岡累累古塚相攢簇
荷鋤老叟向我言元是前朝貴人族
貴人在時勢絕倫後擁前遮來綉轎
并吞降土孰敢噴回山轉水開林麓
相連崗幹成一丘斷斷雲根埋寶玉
大書功德紀豐碑直向山前起華屋
子孫擬作千年計盡是老夫親拭目
星移物換水東流泉下知誰伴幽獨
翁仲雙雙賣與人畱得三竿兩竿竹
寒食不見紙錢飛只有啼鵲替人哭
又說東

家來卜地役夫日夜喧山谷天理蒼茫不可知後車須看前車覆

浙江晚眺

咎年吳越事并吞畱得青山只斷魂落日正明漁浦渡歸鴉遙點范家村雲分雨脚回沙渚帆趁潮頭出海門欲問淒涼千古意嗚夷何處有兒孫

閒思二首

累石誅茅一徑開自移花木向陽栽春來可是多陰雨清得棋枰上綠苔

霞外詩集

卷之四

汲古閣

困來收拾讀殘書閒坐蕭齋一事無學圃慣知花本性莫教蘭蕙雜蘼蕪

西軒夕望

鄭公粉繪久寂寞山水佳氣誰爲傳閒雲無心底不定凍鴈失序空相憐獨畱雙塔樹倒景尚憶高堂祠昔賢寒煙蔓草亦自好未須歌鼓汗天然

解嘲

與奪紛譁事事虛此身天地一蓬廬避名祗畏人心險存道元非世法疎甌裏塵生徒好客床頭金

盡說耽書秋聲又入窗前竹除却高眠總不如

涼夜獨吟

竹風吹獨夜危坐破愁生歲月此身老路歧何日平行雲攬月過成鼓雜鐘鳴多少心中事苦吟吟不成

天師真人圖小景卷

溪煙蒙青林秋色酒天地歸舟斯何人傑閣吐茫昧洩雲展白練絕巘立蒼翠真人心虛無發顚扶元氣淋漓一尺楮回薄萬里意嘗聞郭忠恕刻畫

霞外詩集

卷之四

汲古閣

破精粹豈若法自然淡乎似無味六丁慎呵護恐有風雷至

短景

短景移林影田家得暫依病牛尋日睡枯葉帶霜飛坦蕩天公意淒涼客子衣窮通應有定未必計全非

霞外詩集卷第四

終

霞外詩集卷第五

述懷五十韻

昔際承平久生涯足可憐過庭猶昨日騎竹想當年
書劒辛勤歷輕肥少壯便浪遊春富貴醉舞月嬋娟
候轉芳華歇時移斗柄偏狂歌傷德風再拜聽啼鵲
敢議乾綱墜難支國步顛安危誰可料否奉理相連
義士含孤憤謀臣誤大權少微潛在野太史泣占天
不起嚴陵釣空懷范蠡船乘軒猶寵鶴治國昧烹鮮
朽木終摧折微軀忍棄捐天兵威震外詩集

卷之五

汲古閣

武奮皇澤至仁宣豈意波濤怙還客骨肉全萬方
蘇雨露四海戢戈鋌倦鳥思喬木窮魚守故淵
饑塵貪似范晷睡懶如邊逸翮淹高翥羸驂恥後鞭
夢疑墮鹿在機息海鷗眠喪亂頭顱改蕭條節序
還行將蚤測海坐待地流泉獻璞悲和泣辭金德
震賢世途從汨汨王道本平平東魯衣冠盛中原
禮樂專遠塵山出沒大野輒盤旋砧磬千門急
蟾蜍光幾度圓窺斑嗟隱豹顧影笑飢鷄古水縈長帶
晴雲孽亂綿弓亡元在楚臺迥亦赴燕羽服陪瑋

殿天厨錫綺筵域中知道大物外愧身先歸意驚
張詠離居老鄭虔風行猶有待歲晚薄言還城郭
人依舊湖山景自妍艤舟臨斷港散策陟層巔
苑廢移山鬼祠荒謁水仙壤梁殘白蟻舊物失青瑣
落景連村雨薰風一樹蟬野茶伸雀舌林蕨豎兒拳
挂劒尋新塚懷人歎近川計疎生坎壈道直受
逋遁穴冷拖腸鼠桂依縮項編愁鳴休嚇食饒犬
誤垂涎業在詩三百沽從斗十千舉觴欺太白隱
几味重玄淚盡山陽遂耕無杜曲田苦吟期自放
霞外詩集

卷之五

汲古閣

落誰復繼殘編

贈王可受

天上白日苦易傾湖外青山色長好卧沙禿柳回
古春劒脊萑蒲瘦如草大船十丈騰五章絲管嘈
嘈故相惱誰於此理得其全人間久欠眉山老准
陰才子心好奇忽地入門喜絕倒溼雲吹雨紙上
飛急觴一舉開懷抱看君學業須立成筋力漸余
向枯槁靜吟不作西子妍粉白黛黑盡一掃更待

秋風入杖藜與爾西山事幽討

奉酬秦軒蔣明府惠詩集

六義陳國風篇章著三百齊梁變浮靡雅道日崩
迫大層拯頽波雄鳴破昏惑有如赤水珠妙在心
自得秦軒儒門老赤手探月窟折得芳桂枝月姊
不敢惜吞香入肺腑出語固超特夜久虛室靜淡
淡月光白一讀回古心再讀動精魄乃知天地間
元氣運不息高松挺節操衆卉失顏色小子愧學
詩應當取其則

霞外詩集

卷之五

汲古閣

遊淇綠園

久雨今日晴芳意亦可悅前川有名園杖策信步
屨主人雅好事高興乃激越長原邇淇水規矩隨
曲折開軒遠色至平挹山數疊酌我以金壘食我
以玉屑森爽空光流左右萬竹列凜若隱君子錯
磨歲寒節所以賢達人篤靜以修業沂詠且及時
春風未馳鳩興來輒自至興盡卽言別相送過河
椅青天有明月

題栖碧園

青山多逸士住處絕囂塵不是人間世桃花流水
春晴嵐疑戶隔空翠撲松筠却憶騎鯨客忘言意
更真

因話金陀遺編奉呈復齋岳仙尉就敘別懷
宋家王氣久凋零奸檜元來黨彗星陷得忠良冤
潰骨路人空唾牧牛亭

一簣功成觸禍根忠名還與此山存寺田磨盡誰
能復武穆王家六代孫

王孫德業是真儒楚楚衣冠六十餘漸覺令人不
霞外詩集 卷之五 汲古閣

好武傳家惟只用詩書

相逢傾蓋卽相知醺罷星壇祇說詩今日河橋還
愴別柳花飛雪未多時

雙鶴吟寄友人

依依兩白鶴歲久住青田一鶴垂兩翅飲啄沙汀
煙一鶴展長翮冥冥自冲天思之不可見獨立秋
風前有時月夜羣動息孤唳一聲山水碧凝眸側
頭復裴回影落空林風露溼故人獨抱經濟才淵
珠炯炯光難埋江南地暖梅花開折花待君君不

來梅花歲歲開又落空向梅邊詠雙鷺

春日幽居和韻二首

吟多頭已白望極興偏長人靜坐臨水蝶高飛過
牆疎簾通草色急雨減花香幾畝山田在歸耕憶
汶陽

開門芳草遍長日付文楸琴潤迎梅雨衣單近麥
秋一春添藥債兩眼只詩愁更欲拈書賣湖邊買
釣舟

鷺

霞外詩集

卷之五

汲古閣

水風吹冷逼菰蒲藕葉欹斜一半枯玉立鸞鷺渾
不動滿身煙雨看西湖

飲饒交友

何處坐愁思西風吹客塵酒餘離岸櫓秋老倚樓
人言道無知己苦吟空役神還歌三疊意慘淡別
交親

送鄧蓀壁回師壇

紫府仙人玉練容偶隨笙鶴下天風一千餘里梅
花外二十四巖江水東贈別篇章今日賦論文博

酒幾時同不知三疊琴心裏早晚誰先上道功

和張伯雨見寄懷友詩韻

古道向淪沒世遠懷義軒衰梧鳳難止惡木陰易
繁况茲雨露濡何以杜本根衆易欣所託日茸爭
奪喧喧卑令人瘦曠達寄琴樽士有張伯雨壯歲
高誼敦豈無青雲交秋風過開門好古既不泥汲
汲資討論幸有茅簷下冬日可負暄所以陶元亮
欲辯已忘言

送蔣月屋歸富春并序

霞外詩集

卷之五

汲古閣

富春才士蔣月屋於大德癸卯冬始予識
面一語合道如平生親予愛其學瞻而不
矜處和而節禮故日與青衿之徒誨而不
倦凡寄予數詩皆深入唐人之室讀之使
人擊節欣歎今詩家行輩中不可多得江
空歲晚掉頭言歸則世故可知矣輒成律
詩二首以聲別懷回雁春吳寄書可待
相見卽傾蓋生涯同苦吟時情不好古雅道少知
音木落年華晚帆懸雪意深男兒無別淚此日亦

沾襟

論交不易得此別轉難忘模楷存前古篇章遍席
唐早梅歌嶺白寒日照江黃家近嚴陵瀨垂釣莫
謾忙

至節卽事 并序

癸酉歲長至節倣王建體偶成絕句十首
千年始二十卽一時之事寓一時之意故
淪落不復收今於故篋中得其舊葉青燈
三復如對故人樂天云欲畱年少待富貴

霞外詩集

卷之五

汲古閣

富貴不來年少去乃知年少承平之樂誠
不易達三十餘年恍一夢寐吁予老矣滿
簪華髮投迹空林情之所來不覺涕下故
錄于卷末以重感慨云

觀臺雲物已書黃預卜年豐喜倍常萬姓只知行
樂處更無餘事可思量

天街曉色瑞煙濃名紙相傳盡賀冬綉幕家家渾
不捲呼盧笑語自從容

閒看來往坐多時雨灑香塵土溼微珠翠壓頭行

不穩嬌羞兒女把人衣

照席銀山處處同綺羅人坐畫堂中笙簫未動初

筵秩先命歌兒勸目風

昨夜梅花已報春地瓶移插更精神酒酣纖手爭

來折鸚鵡回頭不敢喚

已有紗籠照舞兒喧喧鼓篋自相隨誰家院落來

呼喚門外天明也不知

簾旌疊疊繡絞綃遮護香風不放消却恐酒闌先

睡去預教小玉問明朝

霞外詩集

卷之五

汲古閣

新詞聽徹思徘徊侍女擎羹下箸遲紅燭有花心

暗喜流蘇雙挂玉梅枝

店舍喧譁徹夜開焚燈燈火映樓臺歡遊未曉不

歸去早有元宵氣象來

乾天行健復初陽官線還添化日長報答升平將

一念家家人靜爇爐香

追別詩友

送客歸來益自驚飄零又覺歲華新瑤琴絃絕知
音在紙帳燈昏得夢頻江上有家皆舊業門前無

路不通津詩人漸漸東西去誰爲梅花報春

贈梓山桑醫士三首

上下膏肓二豎欺煙霞痼疾我難醫曾聞適口非
良藥劉氏從教未得知

扁鵲秦和久不聞桑君百世有神孫囊中羞澀胃
中富藥券如山總不論

臨瀛古有淳于意菖水今傳桑梓山已見高名藏
不得長留詩卷在人間

冬日閒居

霞外詩集

卷之五

汲古閣

世事於人喜漸稀交游惟寄隱居詩旋嘗暖閣延
閒客自斫寒蘆葺破籬心懶尚餘詩骨健年高常
被鬢毛欺悠悠此意誰知得萬里天風雁過時

題節婦崔氏傳後

貞婦抱節操彼蒼何降割志士懷孤忠豈謂靈均
奪良人一已逝大力難回幹依依撫耄稚終作守
義活姑死復厚送兒成固超達萬古如明月光彩
不可擬詩罷神亦驚落日湘江闊

鷺鷥

羽毛疑積雪久立小溪傍只見身不動豈知心更
忙眼迷寒藻色夢結白蘋香應恨魚難得遙天又
夕陽

村中書事四首

桑條漸綠雨晴初二月風光似畫園茅店酒香欣
過客腰邊懸出草葫蘆

餉畱兒女自喧呼指點春禽又引雛村婦相逢還
笑問把蠶今歲是三姑

軋軋綠車草屋低新篁帶篠出簷齊鶯雛未肖逢
霞外詩集

卷之五

汲古閣

人避直向路傍花上啼
神旗社鼓簇林煙野老村童滿路喧但得秋成官
役少免教兒女賣田園

宜興張公洞

嵌巖奇怪復噴噴雲遙香臺奪目寒洞口無人達
果老石頭何代化靈官泥存丹竈千年迹花落清
樽此日歡飲罷沈吟未歸去松陰露滴楮皮冠
送陳渭叟回山居新隱

問君何事遊春城黃塵不礙雙眼明碧桃開盡且

歸去新宮正待山玄卿

春歸曲

平林靜綠生幽芳
桃脂杏粉攢蜂房
西樓浪客唱別恨
屈厄洞暖珊瑚光
百勞畱春春不許
愁背喃喃如寐語
翠鴉遊女捲香歸
一夜花神老風雨

閒意

落花時節雨冥冥
門掩春風遠市聲
生怕閒人談俗事
自開芳逕寄幽情
團煙野竹侵霄立
巢樹鸛鳩傍客鳴
却笑西湖鷗與鷺
亂眠沙背見船驚

霞外詩集

卷之五

汲古閣

感懷

山南山北菜花黃
又做春風夢一場
多少亭臺渾不見
欲憑煙島問斜陽

送王可受之京

并序

淮陰王可受奇才高義志在四方一旦束書來杭故流俗罕交筆瓢自若也且夫大塊賦形所稟則異而分投膠漆者古亦鮮聞僕與可受會面稀而襟誼合遠爾云邁能亡愴然吁聚散有常徒感文通之賦出

處努力當懷子美之詩輒成短章少伸別緒車旣膏矣夫復何言

浩浩康衢塵迢迢長安陌疊疊經天雲遙遙遠行客之子當盛年詩書滿臂臆培風搏九萬會見生羽翼翻思夙昔情對面成脉脉不是歸行不贈言自是愁多言不得言不得天長水闊無奈何高拍闌干衆山黑

訪山家不值

雲裏掩雙扉何山採薇薇苔痕彌坐石竹色犯行霞外詩集

卷之五

汲古閣

衣露蝶一團宿風花四散飛靜中觀物理各自盡天機

至大巴西春天師教主大真人俾于佑聖觀

虛白齋高士謹裁七言律詩一首辭謝

盤空獨鶴下仙壇紙上春風墨未乾
驚馬斷無千里志鷄鵲惟羨一枝安
青天蕩蕩玄恩大白髮悠悠世路難容得閒身
老林窸窣湖西山色倚樓看

雜詠六言五首

堤晚遊人爭渡花密流鶯亂鳴近水亭臺柳色轉

山樓觀鐘聲

半村半郭幽隱不羈不束閒身無利無名到念有
詩有酒酬春

煙外幽人獨立落日正照平臺野鷺聯翩飛去山
雲斷續歸來

楚尾吳頭舊夢水邊山際閒情一夜杏園風急等
閒吹老鶯聲

野渡綠波芳草落日青山杜鵑多少臨岐別恨送
君歸去閒眠

霞外詩集

卷之五
十三

汲古閣

地幽

地幽無客過閒居種藥荒園手自鋤湖海故人何
處在十年僅得兩回書

聞蟬

短翼含風薄似秋一聲聲帶夕陽愁年年古柳官
塘路催得行人白盡頭

涼夜

漸喜親燈火更深獨坐時一庭涼雨歇百種草蟲
悲吾道思浮海人心似奕棋昭文琴不鼓何處覓

成虧

晴湖

晴湖闌檻外坐憶十年遊吟靜得新意人閒生古
愁高煙羣木淡遠水亂山浮幾欲乘流去鄰家有
釣舟

爲松瀑黃尊師作溪山疊翠圖

平生固多愚懶墮足羣捐賴有詩畫事與物相磨
研恨無勢溪絹幽意鬱不宜秋晚形神清落筆且
周旋尺素混太古象具剖開先溪山忽重疊浩思
浮雲煙樓觀金碧開衆態數幽妍秋色挾以至高
風生樹巔羣有備一勾孰謂理不然老耳厭喧卑
但覺靜所便幸遇古君子締此翰墨緣見山有真
意淵明得其全

九日

把酒且酬重九節龍山會散幾斜曛嘲詩謾憶孫
廷尉落帽今無孟府君冉冉黃花從古有家寥清
事更誰羣高歌大笑人間世我亦天涯一片雲

水軒秋眺

幽軒駕平湖納納縱秋望目極心自遠頗覺脫塵
埃融雲積白黑詭怪出萬狀山坳日色破川光亂
流浪庭桂復憐人稍稍金粟放豈無數日好爲我
發清曠花落有時榮我老無日壯幼逐心境移了
識死生妄委順夫如何忍使靈物喪回首送扁舟
孤燈照漁唱

飛霜歌

飛霜悴百草芳蘭亦委柯縱欲努舊力奈此寒風
何在昔結花初豈不受春多恥隨桃李場託迹空
霞外詩集
卷之五
十五
汲古閣
山阿四時有代謝陽豔忽已過薰蕕苦不辨一體
同消磨不如牡丹根密握相遮羅傷心復傷心傷
此飛霜歌

旅夜

自慚身世拙客裏更關情月樹回涼影秋聲疊夜
砧道能忘畏壘酒不破愁城睡薄吟魂冷西風亦
驚驚

寄澈川楊如山

吾聞沙丘之馬黃驪化壯世莫知九方卑去不復

有天風吹我滄海邊忽地相逢釣鼈手論文託契
輪心胃傾倒金樽斟綠酒登高望遠古意多百年
之樂能幾何男兒屑屑志不展秋霜滿鬢空蹉跎
酒酣眼極情未畢笑指青山歌落日却憐徐福向
蓬丘蒼蒼煙浪無消息明朝挂席席我歸來西湖十
月梅花開梅花開動詩思思君不待春雁回因之
一寄平安字

送徐芝石之饒陽稅使

別袂分吳地之官及楚鄉還聞稅使薄會見姓名
霞外詩集
卷之五
十六
汲古閣
香山晚雲侵樹江春燕語橋公餘詩思好風月屬
鄱陽

春日獨坐言懷

昔日歡娛憶此身名園歌舞接芳辰雷夜送催
花雨香遲春迷闌草人合杳樓臺形勢壯風流鶯
燕語言新眼前舊物渾狼籍休怪提壺勸客頻

寄題皆山樓

仙人好樓居縹緲半空立吐納萬里秋回合數州
碧倚檻足吟嘯四面嵐氣入下視塵土中日夜風

雨急處士種茶處髮白雲溼何時一登臨吸茗
坐終日會待飛蓬山清風生兩腋

桃花

淺碧繁紅又滿枝化工消息本無機
滋曉露鶯搖落香漬春泥燕掠歸金谷
園中芳草在玄都觀裏昔人非
自從雲隔天台路到阮如今夢亦稀

閒中書事

不甘老眼坐相欺抄盡宵前近作詩
因理舊書傷故友偶經閒事憶前時
綺羅香散春風老鼓角聲來夕照遲
咫尺青山歸未得可憐辜負白雲期

霞外詩集

卷之五
十七

汲古閣

送張仲美之黃陂縣令

夫子先流輩之官冰蘖清吟高存雅
道歲晏識交情天路飛鳬下津亭候
吏迎黃陂嘉政在汎愛入琴聲

春日寄友人

聞道西山春事稠一年能得幾回遊
莫教桃李虛開盡準擬百錢懸杖頭

行春

行春無侶自遲留汀草汀花暖更稠
馬援近來成豐饒謝安應合減風流
乍驚語燕穿人屋無賴遊絲絆客舟
老我光陰忽如此不判樽酒復何求

無營

宇宙春風起無營只閉關魚龍趁化
日猿鶴戀空山去浪溶溶外飛花擾
擾間人生謾多事不及領雲閒

送桐廬徐敘論

詩禮名家積慶餘桐江文掾著鞭初
不惟鄉里能霞外詩集

卷之五
十八

汲古閣

稱善轉使兒曹愛讀書芹水春香心
自得萱堂日暖喜何如却憐垂白嚴
陵老萬頃煙波學釣魚

題彈琴畫卷

伯牙彈古調沖淡心天倪六馬猶仰
秣其朕乃得窺至音存至寂未必鍾
期知昭氏存不鼓然後無成虧

世情

世情人事兩蹉跎一夜西風掠燕窠
不見襄陽千節度青山空羨白雲多

雙鳳普福觀瑞芝

雲朵綵金疊幾層似開雙鳳遺瓊根潤浮玄圃煙
霞氣色疑天墮雨霽恩綺皓欲尋還有約縈驄雖
巧未須論由來福地多祥瑞萬歲千秋祝至尊

寫意

諸機忘已盡魚鳥日相親移竹喜逢雨訪人愁問
津杖藜徒步弱行李索居貧未遂平生志長懷鄭
子真

山中重九二首

霞外詩集

卷之五
十九

汲古閣

忽忽九日至幽致饒山家石根去年菊復作今歲
花弱枝不自立肥耗相交加恐爾霜風來寒英委
泥沙流日不相貸袞袞天之涯登高豈無人所欠
惟孟嘉且就菊花飲寧復空咨嗟

東籬菊花開每憶陶彭澤今人非昔人此土難再
得隱几盼庭柯不語心惻惻遙憐柴桑里千古南
山色

秋日閒咏

西湖晴雨畫圖間坐倚闌干自解頰無酒可供千

日醉有錢難買一生閒草衰春色來時路鶴宿秋
聲起處山橫笛吹殘天又晚釣舟燈火入蘆灣
湖西日落湖東陰湖邊樓觀環蓬瀛孤山雲氣出
亂樹六井水流通古城土風猶祠李相國菊泉誰
薦蘇端明我有新詩弔算景景昏目短難爲情

蟹

最憐生沮洳畫手亦曾摹郭索趁船火爬沙出岸
蘆旁行知性踈實腹任腸無張翰思歸興當年誤
憶鱸

霞外詩集

卷之五
二十

汲古閣

慣穿籬落罅邊來名負橫行誤被猜水國霜微初
上斷沙田稻熟已朝魁因傷嘹唳依筠籠忍見持
螯薦菊梧籍籍禮經曾載入臨風吟詠獨徘徊

贈鶴泉丁處士

海鶴傳書謁洞天少微星已照林泉步兵未合判
長醉執戟終懷草太玄清唳一聲孤嶼外飛流千
仞亂雲邊小山叢桂能招隱細把推敲問浪仙

就前韻寄翁子善

已斷平生不問天流年混混似原泉短檠事業拋

儒素老境光陰味道玄池草又生春夢裏野梅開
落算愁邊羣書讀盡成無用自課青童小學仙

奉簡黃瀑翁求示病懷賦藁

志士抱幽獨病懷吟楚聲聲悲多激越天地慘不
明中有孤直氣叩之金石清金石熱變質形器非
常名是身原不有擺落大患嬰所以南郭翁存此
隱几情清商切暑勢陰陽遞相傾攢攢得失根寵
辱盡若驚保守堅貞節糾結歲算盟願君枉來章
讀之平不平

霞外詩集

卷之五
二十一

汲古閣

自適

螢雪無功志已違此身堪笑復堪悲爐中化藥爐
求術夢裏逢人也說詩固節設教貧女媚背時翻
學小兒癡百年傳舍終塵土多事楊朱泣路岐

送恩斷江住平江天平寺

雲門和尚舊家風開道宗通說也通佛法悟來曾
徹底江流截斷合朝東指頭龍象叢林喜句裏乾
坤大藏空想得禪餘詩興好鐘聲半夜月明中

春雨寄興

尋芳每恨出郊遲白髮看春亦自嗤待得雨晴無
暇日年年說過落花時

暇日偕林芝巖數詩友清遊分韻得山字

地僻幽樓絕往還門聽佳客喜開關舳舣轉影日
過午趨鳩不鳴春滿山萬古乾坤詩卷在百年身
世釣舟閒玄都道士休愁思爲報劉郎鬢已班

小軒晚望感懷

依依城郭在青舊盡凋殘亦水求珠易青天繫日
難壯遊多人夢落景獨憑闌歲月無情極相思煙

霞外詩集

卷之五
二十二

汲古閣

水寒

霞外詩集卷第五

霞外詩集卷第六

嗣師總攝吳真人奉旨乘驛遠詣龍虎三山

等處崇建金籙大齋庚戌仲夏十有四日

抵杭四聖延祥觀慶成典禮復被綸音回

鄱陽進二親國公夫人之秩千載盛事道

俗交歡敬賦七言唐律二首言賀

翩翩羽節午風微夾路人看畫錦歸丹詔紫泥傳

象闕寶冠金帔勝萊衣九天飛奏通齋典三日開

晴應德機要與東吳雷盛事悠悠吾道發光輝

霞外詩集

卷之六

汲古閣

桀際三朝昔未聞暫將飛鶴下天門詞源久仰文

章伯化固今瞻道德尊雨露松椿推極品金湯冠

褐戴深恩晚香堂上薰風細萬萬歡聲入壽樽

送張仲實赴姑蘇教授

夫子才難數斯文道益尊調官之魯煩理棹赴吳

門詩價璫與重宝聲禮節存聖朝敦養士薦美荅

君恩

送陳渭叟歸山中

人生少至百一別動經載不信歲月馳請看客髮

改先生本是超絕人長竿學釣清渭濱釣頭不解

挂芳餌岸草汀花空復春大魚小魚求不得芒鞋

忽厭人間窄手攜詩卷出萬山來覓湖邊開闢客

終朝相對百不爲口中咄咄唯言詩飛花濁酒日

色靜天地悠悠知者誰興盡翩然卽歸去鶴巢雛

在門前樹他時我亦訪君家但問青山白雲處

閒居自遣

喜無軒蓋欵柴荆靜裏天機見物情德愧王良千

里馬食無婁護五侯鯖海翁豈爲鷗防慮稚子休

霞外詩集

卷之六

汲古閣

烹鴈不鳴一笑行藏頭已白新涼又到讀書檠

舟中卽事

家住西湖楊柳煙歸心一片逐帆懸推篷試聽舟

人語正在飛鴻阿那邊

湖西分韻得西字

詩成曾在酒家題記得西湖更向西洛社交游雲

斷絕梨園歌舞草凄迷年華老去心猶壯世故紛

來物不齊行盡長堤理歸棹槿花籬落夕陽低

秋霽

雨久喜新霽曠懷歌薄遊鴈經孤驛暝雲入亂山
秋落葉無時下啼鳥有底愁年光與心事盡逐水
東流

歲暮偶成

古人不可見養拙謝時髦隱傍淵明柳飢懷曼倩
桃鑿坏誰敢望抱甕豈應逃義見馮公偉仁依范
叔豪乾坤心浩浩江漢日滔滔老境誠難料繁刑
未易薊親朋隨宿草歲月掩秋濤夜短難籌促天
寒象緯高燕情傷局促松節感持操姜被流離析
霰外詩集 卷之六 汲古閣

卻裾揖讓勞亂雲迷鶴路短髮問漁舸念與追攀
絕心辭寵辱熬世情甘木石戎革豈蓬蒿萬事差
池裏長歌對濁醪

送楊仲弘之京

逖通官塘官樹陰征鞍催發短長亭荆吳雨漲河
流白齊魯春歸岱嶽青玉宇風雲開北極金臺日
月聚文星近聞下詔求賢急劉向終須論五經

泊然暢學士將之太平守出示竹齋安大參

見寄詩屬余和韻

山樊歲晚締梅兄恬澹相看足古情湖上舊遊經
幾載吟邊心事記三生清標野鶴昂昂立高論長
河疊疊傾正是太平風景好雙旌五馬試春行

祖坐春祀賦雜言

平湖納衆經茲山亭紫冥吾祖飛鳥去遺蛻局佳
城思之感節序泫然傷我情莫教綠巖愁中變百
年人事山鶯囀天邊明月來古今無復延陵懸寶
劍青春不作松下人年年空掃松間塵松風蕭瑟
不忍聽且將美酒澆青春親朋談笑分餘肝蝴蝶
霰外詩集 卷之六 汲古閣

不來芳草茸路傍遊子矜少年拍手揚眉唱歌去
唱歌去入誰家請看昔日朱門今野花風光盡屬
官蝦蟆

龍鶴

魯隨阿母宴瑤池野格昂藏不受羈側頭鸞鳳那
有待能言鸚鵡莫相嗤九皋月冷歸何日三島雲
深夢自期誰惜天風舊毛羽瘦梅花下立多時

松鶴吟寄儒魯山

寒松屈鐵骨氣聚丘壑陰老怪不適用底脫斤斧

侵東風飾草木衆色自成林似聞孤飛鶴斂翮遙
相尋鶴性負高潔松色融古今臭味既不殊未見
情先深素琴三五絃中有太古音太行本不險行
人自歎歛願持寒松操寄此孤鶴心復恐不見信
遂作松鶴吟

寄葛川高子長

春風巷陌喜逢君歸計無端阻重尋恨別不禁啼
鵲晚到家應是落花深出門送客山當路隱几讀
書松滿林自笑白頭城郭裏釣竿空負五湖心

霞外詩集

卷之六

汲古閣

送黃瀑翁回龍虎福地三教名流飲饒分韻
得醉字又得大字

春來幾何時草色泛空翠如何百年中聚散若交
臂衆賓羅高堂把酒叙別意別意不在酒已爲六
經醉後會定何時更待秋風至
幽獨一寸心閉戶學懶墮自非簷雀孔詎識青春
過每懷彌明師文墨日韋課一朝動崑興我亦北
窗臥遠意不可將花落風雨大

臨歧叙別

吳山蕭瑟吳雲陰臨歧送別還沈吟不愁聚散易
反掌但恨輕薄難論心流年鼎鼎素髮短歸意拍
拍青春深江中釣得一尺鯉莫惜書信來相尋

挽徐澹軒

壁水衣冠舊有聲芹宮三仕已忘情承家德業存
誠敬落筆文章法老成泥愛能全饑饉活流芳還
見子孫榮生芻一束人何在道悅堂前月自明
屠存博偕詩友見過分韻得涼字

院靜朋簪盍吟清夏日長道同忘爾汝俗薄任炎

霞外詩集

卷之六

汲古閣

涼林木鶯雛闌湖風藕葉香鹽車多服驥不必待
王良

新涼遣興

山水光中屋數椽治生無術晝常眠詩成好句敲
門說藥遇奇方信筆傳漸老一身休問卜未來萬
事只憑天西窗昨夜西風起秋在埽鴉落照邊

冬夜長

寒房夜久燈如珠新霜薄薄鋪塔除擁衾敗纈不
釀暖萬感鬱沒同鰥魚隣雞努力催殘漏飢鼠咽

啾壁間關可憐心事誰得知愁殺梅花月中瘦

和仇仁近歲暮見寄韻

瑤琴三疊此心閒目送飛鴻信手彈千里故人行
自遠一聲白雪和應難賀公歲晚稱狂客鄰老才
高只冷官且向吟邊了身世西山岸雨捲簾看

挽清軒屠武翼

槐陰舊夢不須論餘慶終歸積善門負郭無田耕
化地傳家有子受皇恩并將白社肩隨盡記述清
軒手澤存德業既修芳緒遠一經還擬牧諸孫

震外詩集

卷之六

汲古閣

春意二首

空堦重疊長莓苔春盡閒門晝未開江上故人終
歲別柳花飛盡不歸來

春來藥裏不曾疎手內枯藤尚未除病起無端添

懊惱壁魚蠹盡一床書

春日客思

天地羈情薄江山幽事稠人煙成小市風雨住行
舟野色城邊斷春華不上浮湄鴻綠底意衰哀過

西州

挽德淵周真入

簪別西池下九霄雲龍風虎際逍遙已瞻教母推
慈訓載育師真顯聖朝始射謾傳年穀熟易遷難
擬些詞招金支翠節知何處望斷秋煙凝不消

送張子微赴鄱陽學正

士有張子微早歲已識面蘇杭一輩問白首復相
見恩恩相見又何如云今欲度鄱陽湖鄱陽多士
森琪琚先之德行隨詩書子率以正孰不正斯文
千古師嘉謨白蘋昨夜秋風起八幅蒲帆泝煙水

震外詩集

卷之六

汲古閣

鄉間得士早歸來高名已動青雲裏

越上感懷二首

曾負琴書到越中別來三十五秋風江山有待客
回鴈歲月無情類轉蓬禹穴荒煙寒水老鑑湖舊
水野田空騎鯨人去知何在擬向沙邊問釣翁
人事浮雲易變更越江如帶遠寒城千年舊夢青
山在一曲高歌白髮生馬首交情分曉渡鳩邊村
意傍春耕東風歲歲吹芳草金粟堆前綠又萌

錢清劉太守廟

雄旆千年去不還一錢誰信重丘山使君有廟絲
清政俗客過門合報顏鄉社雞豚風物好歲時簫
鼓水雲間殘碑讀盡無人問日算隣翁爲掩關

蕭齋

怕侵塵土氣種竹護蕭齋吾道以無味人生嗟有
涯日光穿壞壁鴈影落閒堦衰衰百年內勞生非
我懷

春日陪數詩友醉磐隱墓分韻得走字

杖策隨躋攀欣此方外友琴英防崇岡雨滑徑未

霞外詩集

卷之六

汲古閣

取撫事骨屢驚瘡眉醉親舊蕭瑟山門風委曲瓦
盆酒僕夫致笋蕨行厨竹間走人生縱驕屑金石
亦銷朽具論夜旦理萬古破孽腹初聞子規叫于
今未絕口扁舟同歸途放歌出林藪竊窺松聲長
憂來錯回首

憶孤山

自從梅樹變荒煙湖上風光不值錢見說年來春
好在擬攜樽酒報啼鵲

黃瀑翁遠寄佳篇就韻奉和四首

去帆張別恨極浦引餘情千里故人遠尺書雙眼
明乾坤隨闔闢雲物偶逢迎幾欲傳回信黃梅雨
未晴

飲餞鶯花日懷歸雞黍情園高憐仲蔚石鼎憶彌
明鄉老吟詩別篙師倚棹迎秋風正相待不必問
陰晴

風江塵漠漠野日草離離雲隔吳山外春歸楚水
湄龐公惟避俗墨子漫悲絲人事多翻覆長懷招
隱詩

霞外詩集

卷之六

汲古閣

初月照遠意向人光陸離夜華沉木杪河影薄天
湄習靜存丹火謀生理釣絲息君望不極翻讀贈
行詩

送草池謝法師之京

求賢遙擇檄浮海遠寧親豈意金門客來盟白社
人聽鶯懷桂館轉鶴觀楓宸林經生生意還歌帝
力均

送善之鄧學士被旨之越書譔大禹南鎮二

廟碑記

遺廟稽山歲月多，負舟龍去事如何？北宮視草重修記，南鎮因方復共科。片石文章光日月，九功風化決山河。絕勝逸少誇才思，只寫黃庭換白鵝。

雨窗懷感

江湖積陰雨，四月如涼秋。我室空四壁，風聲爲颼颼。短褐久已弊，敗績幸不收。况茲蒲柳質，賦性多謬悠。不義取富貴，未語顏先羞。稱善在法則，古有馬少游。平生急難人，青舂臥林丘。此道付寂寞，有淚如泉流。世議限迫阨，中和喪雕鐫。鷺鶴互相笑，霞外詩集

卷之六

汲古閣

夜吟

靜吟松影裏，抱膝久淹留。衣透一身露，心寬萬里秋。聞鐘如有省，見月未能休。此意應難極，尋閒不自繇。

寄太平使君暢學士

天下英才不易得，中原復見文章伯。扶搖九萬始一搏，大鵬不是籠中物。君侯昔善宮錦袍，集賢如

堵，看落筆花磚日過草。萬言暫勞牧守，皆餘力去。年傾蓋西湖邊，義薄層雲如古賢。摩挲風景陶大白，醉看俗物都茫然。孤山處士呼不起，梅花樹老咸平煙。自從別去，生幽恨，心上流塵欲盈寸。山重水複，夢難通。每辱書郵，數相問采石江頭月色新。一樽還許謫仙人，太平無象今有象。政化已及民風淳，平生得意真天眞。但懷後會殊無因，霖雨八荒應爾待。鳳凰池上柳條春。

送新城賈宰

霞外詩集

卷之六

汲古閣

門堦閒寂，晝垂簾。重疊青山，遶縣前。政及鳴琴，方百里。化均馴雉，已三年。姓名不待公卿薦，世業皆持將相權。他日人來問民俗，去思碑在浙江邊。

漢景帝紀

道存恭儉，接前王。民自熙熙，物自康。已見寶嬰申漢約，長星不用出光芒。

寄董尊師

岸花開盡木芙蓉，雨意分涼到水荳。比似高眠消永日，試來湖上看秋風。

倚樓

徙倚西樓倦眼開古今人世一傷懷雲將晚雨飛
平楚鴈帶秋風過兩淮可但學詩無孔鯉空問志
怪有齊諧固窮自是尋常事蔬食聊從祭祀齋

挽詠沂翁縣尉

故家喬木已淒迷白髮衣冠只舊時貧樂單瓢忘
世味老將書籍課隣兒藥衰病久無方効薤露情
深得句遲遺藁有傳真不愧殷勤說與九原知

春遊

賁外詩集

卷之六

汲古閣

呼童提攜老瓦盆杖藜遠遠敲柴門野芳幽草煙
斷續流鶯乳燕春潮翻山深自有古意在日靜不
知人事繁花開花謝一如此身外得失誰能論

呈達卿焦使君二首

維摩隱几非干病病爲民心病未平五馬揚揚風
化首且將仁惠及蒼生

道人慵懶久忘機畫戟門深每到稀昨夜床頭盡
菜老飽眠閒看白鷗飛

送善之鄧學士之國子司業

階州紫水進新泥喜聽除音下玉墀只合文星依
帝座還於錦里得儒師揮毫作賦春雲動委珮趨
朝曉漏遲想得誨人應不倦諸生館下立多時

春日幽思二首

閒看兒童鬪草婦三三五五自相隨老翁也趁堦
前坐笑指飛蓬滿巖垂

溶溶池水夜來添一雨生寒似去年飛盡柳花無
好句却移詩思在荷錢

陪吟友山行分韻得山字

賁外詩集

卷之六

汲古閣

春郊有幽致不在桃李閒解后得三士緩步隨
攀玉泉古招提題詩憶香山信此流電身區區亦
何顏一閒乃自棄造化未必慳且復理歸棹日入
相與還

和仲質張牧投除夕詩韻

春入屠蘇酒味輕燈前笑語待天明詩應神助筆
初試擬任人嫌夢却清紅豆粥香分餽餉金花勝
巧耐逢迎年來歲去關心事怕聽隣家爆竹聲

稅黃松瀑二首

紛紛世事厭炎涼白首書林夢一場月今夜常驚
弔影江空歲晚鴈分行臨終覓得驚人句畱別親
傳教子方惆悵九原春草綠勒銘誰爲發幽光
悲涼舊事已難論唱和詩章滿篋存風雨市廛多
白眼妻兒燈火幾青樽玉樓有召能成賦蓬海無
香爲返魂處士不歸玄鶴去孤山梅老月明村

題淨慈叢五軒

招提雄壓南屏山李侯筆底叢竹蟠嵐香細度白
簷菊秋影森立青琅玕瀾翻醉墨光凝鐵不受玄
霞外詩集

卷之六

汲古閣

冬雪摧折室中老子心亦空白髮相看眼如月

詠田橫二首

漢家天子詔遺臣恰是恩多慮轉深忠義自能輕
一死可憐門客盡同心

海日荒荒海氣涼一思前事一心傷絲來匪石終
難轉不是將軍畏鄭商

送希真鄭尊師回新州洪丘山舊隱

志士涵正氣不露荆虹輝一逢龜臺人慷慨脫綉
衣去冬來江南還尋舊游處枻聚談玄慨我平

生遇天地不老子江山生古情春風動歸興散入
流鶯聲洪丘山上雲錢塘江中水滄江日夜奔急
流只有青山是知已歸去來歸去來白雲滿山花
亂開

挽俞古梅三首

力盡穿楊事可悲棲遲城郭自儒衣青燈夢寐功
名遠白髮光陰志願違死悟清癯皆幻化學窮大
易到玄微案頭書卷塵狼籍珍重東床爲發揮

西湖遺老盡銷磨屈指如君數不多聞說篇章長
霞外詩集

卷之六

汲古閣

見許每逢休暇即相過膏肓病證無良藥生死交
情入感歌爲問梅花全古節歲寒心事欲如何
古言七十人希有惟恨朋簪失典刑註易麻衣才
脫藥簪書光祿罷傳經

宋化前三日夢中
詩記此二句

高門已

繼中郎女後夜虛瞻處士星岑寂南山山下路絲
陰黃鳥不堪聽

贈心山

真宰凝空無靈靈運百體顏子契坐忘淵明得真
止妙感潛至寂詎作死灰擬風雨撼不動晴能計

終始

送姚江村回高安

聖賢法大道二氣調闔闔所以稷契心妙與古先
合載聞盛明世總總任英達夫子璠璣器聲價久
合沓迎師不障遠遂下陳蕃榻聖經光日月接要
延問答始知經濟材剛利若新發斯文藉彌縫善
建固不拔錢湖舊游地卽事傷素髮本落洞庭波
商氣候蕭颯緬懷千里尊已覺才心渴余衰髮鏤
久送遠之孳楫清江浩蕩蒞扁舟待明發

震外詩集

卷之六

汲古閣

送達卿焦使君

疇昔相逢事壯遊蓋簪人物盡名流蚤登霄漢辭
朝列老向錢塘作郡侯并邑民歌千里月河橋客
散數帆秋西風滿耳蟬聲急明日息君過別州

冬至卽事二首

今日陽初復比隣相賀喧門深車馬盛筵秩管絃
翻華屋皆新主寒梅只故園羈鷹仍得意飽肉但
飛翥

結屋傍湖水對門三四峰心灰無復煖髯雪近來

濃孤鴈雨中過短書燈下封平生故人意衰老不
相從

高樓晚望

徙倚高樓今古情暉暉晚日故畱人真傷令節經
冬至細數行年又甲寅楞櫟此身從物棄江湖舊
友得書頻濁醪未必消愁絕爲見寒梅發興新

溪月王真人被旨入覲謹賦五言六韻詩奉
機分韻得在字

天地鼓橐籥道備域中大彌綸宇宙間妙寓無不
震外詩集

卷之六

汲古閣

在真人體道用羽教際明代飛書下寥廓指鶴促
行過遊雲澹微霄涼颼引虛籟二月江花開回車
定相待

爲北村湯同知題画卷二首

山人慣識山中趣來訪山家陟山路轉頭萬事總
不知只有秋聲在高樹

黃塵浩浩眯人眼怪石急流生野妄溪橋不放車
馬過山頭樓觀秋參差

不眠

不眠今夜月爲我照書堂古木移長影飛星引細
光歲華行漫與人事日蒼茫自愧忘機客蕭蕭兩
鬢霜

歲夜

喧聲爆竹九街傳瑣瑣悲歡又一年
魁已驅儻有道屠蘇先飲我無緣
傍人燈火真相向婦食兒童強不眠
休說開元舊時事長歌短髮易淒然

題畫醉

魯入咸平處士詩溫存還向兩圖披
須知小草難

霞外詩集

卷之六
十九

汲古閣

真醉仇鼠跳梁莫謾欺

擬常建題破山寺

古寺破山色入門松竹陰
雨花傳祖意坐石染禪

心潭靜白雲上月高清梵沈幾時辭一尉尋社入

東林

讀漢明帝紀

穆穆中興禮樂風雲臺諸將已論功如何海宇塵

氛靜至死無人說祭彤

題鶴泉圖

我聞匡廬之山青入天上有瀑布千仞懸嵌空金
碧根高源噴薄直自太古前未知鑿開混沌竅神
物茫昧誰之然翾然皓鶴來何許心融恍聽泠泠
語云是遼城丁令威玄圃崑丘曾一舉爲嫌天上
多官府偶向人間值風雨稻粱與魚蝦瑣細不足
數空餘舊標格燕雀莫敢侮令威令威我欲從之
遊天風萬里冥冥秋力小羽翮短合安能周乃
知搏鵬鸞鳩各有分不如榆枋飛羅棲林丘

和仇仁近教授見寄詩韻

霞外詩集

卷之六
二十

汲古閣

君詩如錦我難如爲報交朋遠寄書爆竹又經椒
頌獻浣花終卜草堂居百年過眼春排遣萬事傷
心酒破除白髮滿頭還自笑一笻風雪出無驢

霞外詩集卷第六

終

霞外詩集卷第七

讀盛明卿藏書目

嘗聞張華博羣書祕府因之得精選李邕豈爲芸閣謀苦恨無書讀未徧古來志士守蓬蒿閉戶不識春風面一生汲汲竟不伸思爾今人臉常覩先王大道周孔業百氏森森則墳典吳中盛氏表明卿結構雄樓藏萬卷義方之教誠惟精研玄咀騷天爲成須知種德在根抵鄉里稱善非虛名想當探討潛沉冥隱隱入窗金石聲排雲毛質匪難取

霞外詩集

卷之七

汲古閣

翻笑白頭窮一經衰年覽勝錯驚喜不意短髮秋飄零他時經濟看公等此語當爲知者聽

蕉池舊業

仙子神遊浩劫家閒門深掩夕陽斜向思來鶴盤清漢不復飛章出太霞挂劒枝空懷季札草玄人去老侯巴誰憐池上井蕉樹曾向春風幾度花

畫青山白雲圖

每見青山卽解顏生平不道住山難和雲數畝無錢買投老傳來畫裏看

冬菊

三逕荒蕪冷未分尚畱秋色在籬根盈枝香老爭霜力遶砌叢低上凍痕芳芷不禁并委質早梅如見斷消魂又輸彭澤饒詩興雪滿南山酒一樽

喜蝶

謾拋心力爲人忙百計難消兩鬢霜羨殺西風白胡蝶遽遶栩栩學蒙莊

京口逢友人

居庸關外何年別楊子江頭此日逢語罷憑君一

霞外詩集

卷之七

汲古閣

回首雲山知隔幾多重

題畫卷四首

翠壘洪濛色雲凝淡沲春高寒不可到應有採芝人

曉

風雨撼不動亭亭萬物表憶得定回時霜鐘數聲

拳石蹲蒼煙疎簷倚寒碧仙人筆有神山鬼爲辟易
古色仍凝素幽人似造玄水窮雲起處不語看青

天

和袁德平見寄韻

肯來相顧散幽襟疎懶還容此重尋有道合歸高
士傳論交今見古人心江湖短景催寒事風雨孤
燈入夜吟自念吾廬山水裏幾看春色上來禽

爲翁子善作晴江圖

故人遺我清江縣裏一疋紙白光晶熒心所好幾
欲寫作晴江圖塵土昏人意不到竹風入戶忽然
鏗曼琅玕聲爲我臂中掃煩躁濡毫掃素遊其神

霞外詩集

卷之七

汲古閣

乃悟周穆王時西極之化人但見重巒列嶂盤春
轉碧應接來不斷滄浪之水倒影翻青春風檣沙
鳥紛入眼物色明麗不可陳因思神禹功疏鑿本
天意愧我一寸筆浩浩通茫昧又疑此水通星河
八月秋風揚素波君若乘槎訪牛渚爲言博望成
蹉跎嗚呼雲邊縱得支機石成都卜肆今日無人
識

水軒夏日

碧窗晝寂幽意長竹陰滿地琴樽涼輕雷送雨遠

不到雪白水花生晚香

題吳彩鸞詩韻圖

仙人固多門積行如累級高卑位既陳所入蓋不
一絲鸞遇文蕭風運契冥適居然西山下嚮字給
朝夕混俗隱玄秀偶被山靈識蕭爽致福地期延
沖化術萬試既已除天網疎不失豈擬翫塵徒紛
亂喪明質正如楊安君舉手凌白日上道誠不邪
匪曰保黃赤所以跨猛虎示此出世跡歸來乎山
中棲神返空碧

霞外詩集

卷之七

汲古閣

寄壽峰林芝巖十首

白盡頭顧老伴疎采芝人去意何如鳳溪春水依
前緣底事年餘始得青
摘得壽峰較雨茶封題遙寄野人家石泉試火由
真味水到中濡覺浪誇
長記荷花香滿衣二三朋友共吟詩百年聚散渾
如夢舊迹重尋又幾時
甕頭濁酒且醺酣送謝迎繁事事難幾樹碧桃開
似雪一生又得一春看

淡煙疎雨滿江城。怕聽村村九。鷓鴣傳語林花休落盡。一春好句未曾成。

小院回廊日正長。綠陰幽草自生香。春風老矣猶多事。時送飛花出短牆。

花落花開一夜風。朝三暮四任狙公。人生未必無閒處。錯恨桃源路不通。

市聲不到野人居。滿院花陰晝睡餘。偶憶新城羅給事。枉將心力著讒書。

青鞋布襪厭趨趨。肯向何門學曳裾。錯爲黃金換霞外詩集

詞賦一生惆悵馬相如

過雨殘紅轉碧。滿夕陽偏戀水邊樓。白頭慣見春

來去。縱聽啼鵲不解愁。

秋日書情

水軒雨歇天影空。我有斗酒誰來同。秋風不知幾時到。草木盡在蟬聲中。

弔石田林隱君墓

百年愁不盡樽酒。一登臨吟事哀猿。斯伊人宿草深少微淪夜。聲孤子哭秋陰。歸路西風裏。誰能知。

此心

浮雲

浮雲世事付悠悠。局促誰能笑沐猴。終見是非身後定。合將名利死前休。化龍梭去驚陶侃。挂樹瓢喧厭許由。萬里夕陽天又晚。一聲新雁五湖秋。

送屠存博之徽州路教官

小時學讀書。食寢失朝暝。辛勤藉螢雪。自謂古人並。總角已識君。蘊秀發天性。後來肯落成。覺我力不振。夫子經濟才。一邑著忠信。于今六十載。交友

霞外詩集

卷之七

汲古閣

久彌敬詞源。浩宏逢氣岸。激便佞靈椿。森蒼標丹桂。獨輝映經書。選博士芹泮。足沂詠新安。山水佳。况乃古名郡。老別鄉黨情。惻愴髮垂簪。晨征候鳴雞。啾啾亦可聽。潮平大江豁。挂席風已正。明年春草長。書來幾時定。

信筆成雜言。奉簡淨慈。如一溪暢文溪。繁雲

谷三上人

時與岳川陳渭叟偕爲湖山之行

康衢車馬喧塵埃。開門承日偏蒿萊。八月殘暑掃不。退萬里。悵望秋風來。青山盤盤入杖屨。爲我散

盡平生懷積蘇與礪塊但覺隘九垓頽然兩詩翁
班荆坐蒼苔一盃復一盃看雲興悠哉松風洒落
如飛雨棹臂掀髯下山去古堤屈曲如壞城往事
茫茫不知處魄驚耳熱未足論但見愁煙與飛鷺
憂來仰白首南屏高插天相逢惠休輩記得三生
緣詩篇及茗椀好語相周旋一笑出門情不已握
手論文樹陰裏浩歌不用懷古今蟲臂鼠肝聊復
爾歸來一路夕陽明千山萬山白雲起

施牧山良會見招不克赴分韻得何字

霞外詩集

卷之七

汲古閣

聞道君家幽隱處名園綠水接官河桃花滿地雨
初歇燕子欲離春幾何千古文章輝麗藻百年人
物聚青莢我自慚有句酬清事恨不相從爲一過

題秋山圖

江山萬里舊曾遊閒裏收將水墨秋記得雙帆投
別浦老來忘却是何州

送友人之東浙

淡交如水古應難松栢蒼標在歲寒老去謾傷浮
世薄病來多憶故園安終求伏道三年艾喜見桐

廬七里灘心事悠悠轉無語數聲柔櫓別江干

冬日水軒寫望

湖上冬暄鴈不來山山落日生浮埃半青半赤烏
桡樹參差遮斷初陽臺

雜詠四首

幽芳泣露質好鳥欣春聲盡向東風裏悲歡各有
情

榮貴如風花安得長美好馮唐不解事却恨髮白
早

霞外詩集

卷之七

汲古閣

老翁似童稚豐歉總不知曝日聚簷下閒說小年
時

涼露老荷葉蓮房亦已空可憐紅蓼花搖搖受西
風

題聯句詩卷後

有序

至元甲午龔聖子鮮于伯機盛元仁訪予
於王子由紫霞小隱不值聯句而去二十
年間相繼長往惟予與原仁在焉因感存
歿書于卷尾

嗚呼古人不復起我亦支離頭白裏憶昔三士相
經過揚激風騷猶在耳鮮于詞翰中原英盛子蚤
歲蜚文聲聲翼詩畫復振古柱杖落落長唐星雄
才盛事不易會似與百世標儀刑我家兄弟何爲
者氣與高秋闊瀟酒南北東西二十年淪落惟存
盛兼馬銜哀不敢話者舊掩卷看天淚如寫君不
見此道誰復同一曲陽春和應寡

山居寫興

人事喧喧任弈碁青山數畝是歸期分將藥草鋤

霞外詩集

卷之七
九

汲古閣

雲種買得松杉趁雨移老去故人多人夢愁來閒
事總成詩芒鞋布襪身猶健十里莎堤信杖藜

送大名高北山之京

江南山水久淹留又束琴書事遠遊忍負壯心銷
歲月曾將學業動公侯訴春幽鳥侵煙語迎棹飛
花逐水流莫歎平生少知己故人多在鳳池頭

遊葛嶺有懷

有詩不敢吟吟詩恐未工有酒不敢飲飲酒多昏
蒙無詩無酒情味俗眼前何以慰幽獨幽尋怡得

兩三人雙橈破碎湖光綠鴨回古樹雲不開興闌
更間初陽臺只恐西山賈太傅嘆怪我輩乘船來
却憶少陵詩轉好古人白骨生青苔如何不飲令
心哀賈太傅安在哉西風落日飛黃埃

賦雪吟

屐齒痕深逕路迷閉門高卧未朝炊句來天外渾
忘冷竹折巖前竟不知蕭寺日斜羸馬去灞橋風
急寒驢遲謝家兒女空才思錯認三春柳絮時

冬夜懷古

霞外詩集

卷之七
十

汲古閣

金華牧羊兒海上釣鼈客伊人骨已飛曠世不可
得求之匪憚遠道路有通塞况乃玄冬交蒼莽山
水黑歸來守蓬車茲事且置側我生復如何浩歌
山月白

和雲谷衆公見寄詩韻二首

疎簾閒白晝幽事每相親柳合孤山雨蛙喧兩岸
春舊遊頻入夢落景獨傷神自愛吾廬好門無車
馬塵

志與榮名絕機將鷗鳥親滄江終負約白髮不多

春吟靜鷺山鬼心空守谷神徑荒猶笋蕨未覺甌生塵

湖山春遊昇歸偶作

西月光景微斜簷尚如練攬衣昧旦起林巒淡方見景風積露斂矚牖新禽囀塵動九衢喧爛爛流目眩遊衍惜歡餘行行信郊甸遺情席細草賞靜引華傾山水信恬和動息各思怨雲斷舊時人梁回去年燕姿客一已晚浩蕩羣芳變豈不懷爾思徇往何由羨

霞外詩集

卷之七
十一

汲古閣

題宿雲圖

白雲起生夕陰重重疊疊寒山深山人住處依林麓清曉開門雲滿屋老夫已製女蘿衣他日相期伴雲宿

題畫龍門山桑乾嶺圖

昔我經龍門晨發桑乾嶺回盤鬱青冥驅車盡絕頂驛騎倦行役苦覺道路永引領望吳楚日入衆山暝歸來愜樓遲山水融心境寸毫寫萬里歷歷事可省理也存自然疇能搜溟滓

卽事

白日生成晚閉門喧寂分招提緣嶺見杜宇隔湖聞樹合疑無岸山空欲起雲鄰家晒漁網相見語殷勤

偶成

黼黻青黃入眼迷升沉人事理還齊曾看知北書論議不是巴西錯放麈百種時情雲擾擾一場春夢草萋萋此心肯與南風競已向蒙莊悟木雞

秋日有懷黃澤翁二首

霞外詩集

卷之七
十二

汲古閣

江關人何遠言忘道屢空和詩多日懶左耳近來聾老栢繁秋易殘雲薄霽虹緬懷遲暮作飄泊又成翁

江左文章士風流悵寂寥別離書不至歲月意難消夜氣勞燈火秋陰拂斗杓白頭仍世故吾道日蕭蕭

福真觀主張貞居落成係關喜而賦詩

樓觀澄湖濱稍稍薄林藪羽人何踴躍所述蓋不偶貞居洞元化道勝邪邪走一旦從天來經營入

無有飛閣迎招仙虛牖寒垂斗旭日山獻酬駢駢
煙侵柳緬懷咸平士載憶元祐守常恐金門步未
遂泉石久羣情慕飲德伊余就白首卽事不能忘
結念千載後

嗣師吳真人同李相黑谷觀水遠寄詩篇就
韻奉和

遙瞻紫氣五雲邊立雪曾容馬自然道合迴風聯
斗極心冥秋水入詩篇思尊每動東歸興報國常
期大有年安得仙人食玉法爲師鋤月向藍田
霞外詩集

卷之七

汲古閣

再用前韻述懷

春風疋馬御河邊舊迹重懷一惘然入觀每趁黃
道路思親曾賦白雲篇差池燕雁三千里奄忽星
霜十五年不信等閒身便老子眞谷口未來田

喜徐芝石得子

出處慎所懷山林饒暇日多君宦游意彌年阻良
覲風昔揚清芬皎皎萊妻逸徐卿得佳兒豈負懸
矢射合和玉不如勝貯金百鎰須知濟世才本自
書種出于公門高大茲事由善積積善既有報孝

感聽懷緬思陶元亮有子但梨栗口喜成詩章
誰能事聲律

秋日竹院

竹院茶煙曉風簾燕壘虛移樽攀野逸打果信鄰
居散木參差落寒花取次疎肯言貧未已爛熳食
秋蔬

九日

今日重陽酒西風野老家山雲膠白晝離菊散黃
花醉倚過眉杖歸隨接翅鴉賦詩酬令節幽思極
霞外詩集

卷之七

汲古閣

無涯

送浙東帥幕韓聰甫請老歸汴梁白陽舊業
因題畫卷二首

笑拋公府簿書忙坐石看春兩鬢霜不但昔人還
手板祁奚應喜得賢郎

東風汴水布帆飛舊業歸來計未遲只有白陽山
色好青青渾似別家時

經石田林隱君墓

物色滋華風微和襲春服朋簪盡諧好客與南山

麓嗟彼卧松人營魄抱其獨既秉漢陰志詎起終
南祿形影一淪化疇云繼前躅沈沈正音逝徂輝
難久燭攀芳託所意竟日不盈掬雨餘山更青文
脉爛膏沐停雲散馳颺戢羽念深木返軫靡遑寧
展轉達明旭

暇日偕劉悅心仇山村白湛淵諸詩老訪西
湖北山淨空主人玉公清話算歸分韻得
來字

松柏山門畫不開秋陰散策此徘徊每懷白傳題
霞外詩集

卷之七
十五

汲古閣

詩去更憶揚雄問字來盡日酒杯隨晚菊十年人
事疊蒼苔池中金鯽疑龍在歸路殘雲帶雨回

題淵明和靖畫像二首

千祿本爲酒身退名益著那因五斗米便作折腰
具東籬菊花開掉頭不肯住如何千載下却被丹
青汗

處士微不起孤山重顏色寸祿既不沾童鶴亦自
得野風吹青春梅花萬古白惟有雲間月可以照
心魄

述懷和東淇五高士詩韻二首

一徑蒼苔盡掩扉繡塵難染薜蘿衣欠詩了債人
多笑無酒治聲燕又歸細草幽花春醞藉遠山平
野樹因依東風不化頭顱雪半落江湖萬事違
竹床支穩盡眠醒卧讀離騷懶正巾笠記西山栽
樹日蝶隨深巷賣花人太平簫鼓青春好零落交
朋白社貧老眼無端厭塵事又有桃李一番新
爲一溪如上人賦所收空爐

春城閒買得埏埴自官室雅與梅兄對清宜柏子
霞外詩集

卷之七
十六

汲古閣

燒心空疑祕色質古足高標若擬博山並博山應
意消

題許道寧畫軸

畫師天與力落筆貴宏壯神巧刻虛無衆色爲彫
喪嘗聞許道寧氣逼章偃行君家見茲圖激我泉
石况午光翻素壁錯愕引遐望冥冥霧靄寒水木
散清曠遠近層岡來造設不可狀初如擁陣馬忽
覺轉疊浪秋高岸容瘦迴風進歸榜山陽最奇秀
安得數椽傍終然記華顛蕭蕭擺塵埃因思造化

理詩成一惆悵

和嗣師真人詩韻

物和疵癘已能消，郡邑封侯合是蕭。
塵著錦衣榮壽櫟，尚懷樽酒慰全椒。
秋風江漢歌遺老，教雨林泉沐浴散焦莫。
向明時便息隱，小山叢桂恐難招。

題畫海南人貢天馬圖

傳驛每
喚梁肉

余吾天馬生水中，毛如潑墨耳挿筒。
雄姿挺挺浴海氣，一刷萬里追遺風。
九夷入貢賓來服，畫出猶能駭人目。
韓子休教喚地黃，太僕能令飽粟肉。
誰

實外詩集

卷之七
下七七

汲古閣

憐東郊瘦馬，碑兀如堵，墻汗血力盡，德不揚，尚望明年春草長。

送仇伯壽之淳安教諭

蚤年名字動鄉閭，細數鄉閭總不如。
已肅師模先孝悌，更承家學贍詩書。
桐江水遠輕帆疾，芹泮春香仕路初。
好展長材規後學，佇看他日際公車。

憶昔

憶昔癡小時，學語青未似鴉鴉。
與栗栗啼笑本無自，長大教讀書早覺意不肆。
只今踰六十，僅識數

行字肝膽古今難，好惡出芒刺，况乃衣食驅，頗受塵埃漬。
居然無所成，往再日月駛，不如癡小時，孩孩無一事，人生非金石，河清復誰俟。

和孫康侯見寄韻二首

不羨青山可結茅，閒居城市似江郊。
百年草草人空老，三逕荒荒菊自苞。
露下天高驚瘦鶴，燈昏窗冷笑癡猫。
胃中萬事消磨盡，只有詩情未易拋。
閒栽藥本旋誅茅，自分詩飢學孟郊。
荷葉晚風吹老氣，桂花涼雨拆輕苞。
癡兒已活能鳴雁，黠鼠休

實外詩集

卷之七
十八

汲古閣

欺不捕猶却笑詞人多，漫興一生心力為誰拋。

寒食日

密竹疎籬春晝閒，疾風甚雨滿江南。
又逢寒食一百五，不覺行年六十三。
楚女腰肢從妙舞，晉人標格祗清談。
不勞燕子終朝語，冷煖時情我自諳。

話舊偶成

夢裏繁華憶壯時，綺羅歌舞競春遲。
如今耆舊猶能說，更數千年誰得知。

和友人春日詩韻

徐徐杖策到西林，柳合湖煙滿路陰。
流水不回雙鬢改，故人何在一鶯吟。
弄晴雲影時明晦，過雨山光自淺深。
多少春風舊遊事，轉頭陳迹竟難尋。

題畫山水

連山轉迴谿衆木參差列，上有不動雲練練積蒼雪。
寫此清曠心浩蕩，入家次所以冥栖士終身慕高潔。

冬日閒思

山水蒼寒雪已晴，擁爐兀兀坐忘形。
西窗日轉梅霞外詩集

卷之七
十九

汲古閣

花影趁暖開書相鶴經

三教名流小集，葛嶺招賢梵宇奉饒雙徑丈，席晦機翁回江右舊業。

人生一世間，疾若交行船。相語未及聞，去迹不可還。
感茲聚散理，道在心所便。我昔隨我翁，締此翰墨緣。
巖巖意日峰，杖屨時牽聯。愴惻念舊口，轉首四十年。
荆榛塞古道，隱几甘沈綿。穢穢被青黃，伊誰使之然。
吹萬本一窳，久矣齊夔蜺。茲晨集羣彥，饒達清觴傳。
北風吹絮染別意，懷華顛林山根。

樹淡淡，川上煙扶藁。慘不樂，目斷東南天尚想。
向匡廬爲我容三椽，萬事擲天外。飽聽松風眠。

讀秦紀

六國爭雄事已空，南遊勒石紀成功。
早知三月咸陽火，不買魚燈照夜宮。

偶集招賢梵宇奉簡明碧主人併呈演福湛

堂講主

西湖之西北，山麓林泉勝處多。
佛屋招賢一刹丹，井西樓殿崢嶸峙。
坤軸達山坡陀，儼趨向近山窠。

霞外詩集

卷之七
二十

汲古閣

轉紛相屬大開象教走檀施，天意施張無不足。
羣公一會豈易取，使我平生散煩促。忽憶廬山達法師，白社當年締陶陸。
明碧主人好事者，風流千載今能續。我行山下成白頭，岐路崎嶇幾翻覆。
童童孤山正相對，獨鶴不歸煙草綠。只今畫舫日遊行，酒肉笙歌自成俗。
百年萬事焉敢料，吁嗟此輩空碌碌。杖藜徒步且歸休，他日吟詩寫修竹。

南真宜休齋清會竟日偶呈瀑翁主人

萬族何芸芸，細大趨所託。動靜不一理，山林異城。

郭高齋表宜休幽素減丹牖主人有餘靜孤坐守
沖漠幸與君子俱清樽稍酬酢發語各深詣頗覺
被禪縛既得寰中趣矜此方外樂出門松杉暗掉
臂寒景落何如杜陵翁有志但盧霍

送友人之□□稅使

眼冷江山長歲晏風雪集嚴凝不可當如何違行
役借問此何之之官非所適一市必立平繩繩謹
三尺嘗聞昔人言厚薄見損益載歌魚麗詩商賈
豐貿易堂上坐慈親閨中處良匹歸來信多娛兒
嬌未離膝鬱鬱凌雲松本手中植此道詎幽遠
君子有終吉

霞外詩集

卷之七
二十一

汲古閣

霞外詩集卷第七

終

霞外詩集卷第八

春晚偶成

名利塵邊隱几翁繁華慣識此心空湖光山色元
無恙世事人情底不同隔岸蛙喧梅子雨映堦簾
捲槐花風背騰睡起吟詩懶讀得南華一卷終

集句題山村圖二首

先生高興似樵漁更有何人在此居茅屋數間窗
窈窕睡時山雨溼陶書

萬疊青山但一川一村桑柘一村煙隔林髻髩聞

霞外詩集

卷之八
一

汲古閣

機杆僧記騎驢掠社錢

嗟餘春

春雨足春水滿岸花匝匝光風暖人間杜宇最知
機啼得血流春不管迷芳著物苦忘歸直待楊花
似雪飛多少好懷成別恨餘香沁入野薔薇

舊宮娃

自別長門五十春白頭往事尚分明開邊偶說開
爐宴數得供來泛索名

送范起之赴海鹽州判分韻得一字

喬木雷高陰多君富儒術分符佐海郡不減江左
逸蹤茲鄉黨彥饒祖實筵秩此邦足魚鹽利自氓
庶出願言問凋瘵惠化均所恤萬物適生意茲理
在得一維時青春深易語桑間日懷君鬱素抱返
軫守蓬華儻寄雲中書飛鴻及秋律

幽居遣興

逕穿花竹杖藜輕疊石分流趣漸成卜築每嫌山
有姓避時長羨草無名去官彭澤懷元亮揭鼓漁
陽愧正平不是不才明主棄野心元自懶逢迎

霞外詩集

卷之八

汲古閣

夏日閒鶯

參天夏木午陰清爲引新雛斷續鳴不似翠芳園
裏聽惹愁和恨一聲聲

題溪山訪友圖

溪風吹長松石路秋影薄下有尋幽人支筇注林
簪良朋眇何許雜樹森草閣畫師發深機筆底氣
參錯我昔事扁舟頗識山水樂于今日月駛此景
亦蕭索愧乏買山資老負宿昔諾展卷令人嗟高
歌激寥廓

贈句曲山李方外高士

有序

雪嶽先師嚮與茅阜玉海宗師蔣君以斯
道相與締泉石之盟厥後代代繼承而雲
蘿之書往來無間先師嘗手題緘書云俟
玉海蔣宗師直下高人至授之余亦爲之
珍襲然莫測其微意仙山雲深此道絕響
幾四十年矣延祐丙辰仲冬既望貞居張
高士以句曲高人李方外道義根心懷人
千里扁舟東下因造吾廬風雪打窗清話

霞外詩集

卷之八

汲古閣

終日偶及宗壇歷代列仙書問方外取而
莊誦惟加敬羨余因矍然而起曰我翁昔
日手緘之書有所待乎遂敬授之方外炷
香啓祕乃數詩藥因見昔人扣擊義意一
念萬古列仙有知當點首于洪濛之表就
賦律詩一首餞行

遶海千年鶴華陽萬古春書題誠有待歲晚得斯
人五世金蘭契羣公翰墨新舊山松石在爲我話
前因

和王東淇病中見寄詩韻

裴馬遺高志山林喜若人
誼深元有道吟苦不無
神躑躅猶芳意鵬鷖只
算春近聞親藥屨踈任
吾真

集句題張玉田畫水仙

賞月吟風不要論
曳裾何處覓王門
誰人得似張公子
粉蝶如知合斷魂

挽雪房孫高士二首

飛書昔日下彤庭
自帶孤琴赴鶴翎
萬里冰霜頭雪白
一生湖海眼誰青
纔尋舊業盟松菊
豈料斯文失典刑
弔罷出門還慟哭
看雲不見少微星

卷之八

汲古閣

帙月簪星七十翁
結交真似古人風
曳裾每憶升平舊
對酒常疑夢寐同
字好謾堪傳法帖
病危猶得寄詩筒
承家令子收文藁
終古乾坤有至公

爲石室瑛上人題松陵圖

左右江湖送客船
分明往事十年前
三高祠下秋風起
貌得詩愁畫裏傳

讀史偶作

閒讀遺編入夜深
是非人事一傷心
五絃已矣廣陵散
三士嗟來梁父吟
酒味豈應移厚書
郵還得信浮沈平生
羨殺青山色不逐
浮雲變古今

冬意

赤葉楓林冬意深
葛公嶺下晚沈沈
沈沈冰霜不改蒼
松操日月長懸古
木心桑落酒醒添
感慨初陽臺近憶
登臨疎慵無補升
平世自點寒燈續
夜吟

挽瀑翁黃宗師

窮陰逼算景始候
新陽舒開歲候人
日復值寒雨餘駕
言接親朋步履還
踟躕晨興驚扣門
乃云哲人徂伊余
駕雅好心邇跡自
疎匪構舊塵談所
詣皆詩書時哉重
三歎擊枹方圓殊
一朝忽長逝吾道
將焉如緬懷宜休
齋鵬咏存怡愉揆
景一今古豈不念
厥初酸風切人腸
有淚如楊朱廬山
舊時雲魂歸今有
無悠悠江中水青
青水中蒲此別與
生死何言不歎歎
蒼天乎蒼天後來
誰起予

卷之八

汲古閣

挽會稽喻千巖

安道亡來隔幾塵
羨君終作隱淪身
故園松菊燈

前夢白髮衣冠席上珍兩地月明寒浪積千巖木
落耳愁新誰憐雙鑠西湖更歲晚江空弔遠人

愼色

愼色下千里倚闌勞此心歸鴉數不盡殘日看來
沈岸靜依漁火村寒急夜砧年光與流水汨汨向
人深

開元宮鶴籬

玄圃春深瑞氣凝松風養得羽毛成開籠已覺逢
人避趁食還能向母鳴待舉霜翎天路直偶遺瓊
霞外詩集

卷之八

汲古閣

藥露華清爲言他日隨泥詔緱嶺飛仙在王京

贈山友

諸峰生草色燈火靜相依老屋藤蘿滿詩家眷屬
稀風香傳葉窸窣露冷茸荷衣明日城中去思君詠
式微

讀天台洪耕道詩集二首

君詩如古人格律迥孤清極力不易到艱難中混
成秋聲閒過水月色靜臨城夢想天台路何因慰
此情

詩名知已久老大不相逢雅道無人識至公終見
容江深涵萬象雲盡出孤峰吟斷秋燈暗寒城聞
曙鐘

和仇村翁九日招飲詩韻

每愛淵明詩珠璣尤可摘君家枉新語粲粲壓元
白有若探滄海驪龍此窟宅今歲菊花開不受風
雨追念茲展良會觴詠忘主客百年幾何時況復
難滿百緬想龍山人西風墮巾幘

贈節婦

霞外詩集

卷之八

汲古閣

一從慟哭失良人便撫孤兒誓此身不爲困窮移
素節自勤機杼給青春柏舟義大詩仍古竹帛名
香史又新今日賢郎何以報好將忠孝答君親

和澤都秋日詩韻

古道經年雪高秋萬里風遊鯢隨巨海斥鴳樂飛
蓬天地皇居壯華夷聖化同吾宗貴清靜教在不
言中

廣微天師墨竹

天人體道天機深書畫時傳道之迹葛陂龍去秋

荒荒留得煙梢凝寒碧

延祐丁巳夏偶成七言二韻詩十首奉寄雲

門斷江長老聊述近況就敘別懷

雲門寺裏斷江老向來遠寄十首詩我欲報之無
好句到今夢想成差池

憶昨讀詩五六章小集淨慈西隱樓鶯聲終日遠

喬木南屏正在屋山頭

晦機八十似古佛胃中益益浮陽春仰山極力負

之去今也湖上無其人

霞外詩集

卷之八

汲古閣

我家瀑翁廬山秀文行綽綽堪吾宗一住南真向

十載不意歲晚凋孤松

錢唐耆舊不可數譬彼長風吹斷雲賴有白頭仇

博士斯文一脉張吾軍

匪若司業鄉黨敬有似荆玉楊文章新除待制翰

林院此別動是三年強

開元宮中鄧蓀壁身居職守心虛無近來世事不

入意要鑿混沌求玄珠

玄洲高士張伯照妙年藻思長於詩孤清不受俗

物累掉臂看雲也太奇

幽居背郭人事少況乃竹戶濱湖開相望淨慈隔

一水蒙堂高僧時往來

斷江放下鈍斧柄視江湖雙眼空如今宴坐白

雲裏千巖萬壑生秋風

廣微天師大真人仙遊詩

憶侍飛轡謁紫宸教宏正一體慈仁真仙品極陶

冠褐印劒光寒懾鬼神心契重玄丹亦化手書遺

訓墨猶新又騎箕尾何方去龍虎山凝萬古春

霞外詩集

卷之八

汲古閣

湖樓夜坐

孤樓侵樹小老雁入雲迷月暗水光白夜深鄰語

低鐘聲傳下竺梅信失西溪偶憶曾遊寺塵昏壁

上題

除夜

憶昔元正少壯日斑衣鼓舞樂時和逢迎袞袞歲

月老今古悠悠興廢多舊俗猶存柏葉酒新詞還

聽竹枝歌強裁詩句供春帖勝裏金花奈爾何

挽瑞石許山長

幾回言別竟差池聞計令人信又疑老大猶爲吏
裾客孤高渾似出家兒爲章舊藁刪纔定鄉里同
年說更悲一樹棠荆花半落可堪吟斷鴒鴒詩

山寺

細泉分石路寺古占山坳暗壁蒙蟲網枯松集鸞
巢增高鈴語切峰遠燒痕交安得遺塵事雲邊小
結茅

村中社日卽事

春酒醺醺割肉歸數家茅屋任村西恢諧謾想東
霞外詩集

卷之八

汲古閣

方朔牧養誰同百里奚廟古神旗標麥隴風輕疊
鼓過桃蹊升平景物詩難寫又聽桑間戴勝啼

集句和陳渭叟見寄詩韻五首

幾處酒旗山影下爲君沽酒若爲情平生不解藏
人善一夜船中語到明
寒食離家麥熟還不應空老道途間會須伐竹開
荒逕剩着溪南幾尺山
池邊月影閒婆娑卧聽行雲一曲歌開憶昔年爲
客處囊中無物只詩多

湖水入籬山邊舍紅巢全謝鏡心香當年不得盡
一醉沉李浮瓜冰雪涼
撼起流鶯晚吹寒懶眠沙草愛風湍身閒我欲類
來此只有東溪把釣竿

浙江晚眺

西興渡口江風起處處青山間白雲一幅天然古
圖畫千金不羨李將軍

弔月汀屠教授

千山萬水新安郡頭白之官已足悲一夜謝池迷
霞外詩集

卷之八

汲古閣

草夢三年魯頌失瓜期讀書尚憶同窗日忍淚何
堪會葬時甯得乾坤清氣在遶墳梅樹夜吟詩

送友人之東浙

物換驚殊俗鶯啼憶故城春江常不定風絮故能
輕樽蟻延離席橋烏送別情所嗟俱素髮得得向
人明

田父詞二首

龍鍾田父住深村桑柘岡頭石路分猶領兒孫到
城市向人聽讀勸農文

處處叢祠鼓遂喧已占蠶麥十分添醉騎牛背歸
來晚亂把山花插帽簷

挽南谷杜真人

仙源奕葉草樓孫道俗人人仰達尊兩地祠真輪
奐美一生接物語言溫註經洞析玄元旨錫號榮
霑雨露恩多少鄉鄰懷舊德紫雲關外望天根

春日山行即事二首

弄晴小雨潤春泥野店青帘竹逕西記得去年同
客醉花邊停酒聽黃鸝

霞外詩集

卷之八

汲古閣

行春足爾倦躋攀坐石眠雲日算還又是一年寒
食節幾家兒女哭青山

春日偶成六言五首

半窗落月人老一夜東風燕來迢遞春歸幾度依
稀夢憶三台

絕憐姑惡啼曉不分桃花笑春萬事轉頭陳迹青

山於我相親

兩袖水風春冷一抹山煙晚晴小檻倒披花影歸
船遙送歌聲

燕拂花陰綉轂人指簫聲畫樓楊柳六橋舊夢夕
陽一段新愁

柳傍風前學舞鶯在山邊怨春桃李自矜好景是
非不屬閒人

題畫山水

卓犖老氣吹蒼寒太古屹立天地間恰似秋風萬
里至白雲飛動終南山

賦得春潮送錢塘汪復心主簿

滄江氣滄虛二月風濤作帶雨捲煙華連檣動林

霞外詩集

卷之八

汲古閣

薄既復舊痕高還向汀沙落錢塘東南盛茲邑半
山郭多君時濯纓書暇問民瘼寓茲消長理聚散
遺憂樂枝流無縱鱗所適惟大經欲寄悠悠思川
平已如昨

春日閒居雜興十首

宿雨兼風醺麥秋餘寒欲斷自遲留杜鵑啼得百
花盡却向綠陰深處愁

野草幽花似有期蜜蜂胡蝶滿疎籬自鑽新火過
寒食續得去年春算詩

亂蛙聲歇四更多山寺燈昏率堵波枕上句成還
睡熟再尋幽夢入雲蘿

芳園雨歇燕泥新草滿中庭不似貧書罷倚關心
緒懶敲門多是詠歌人

故人去後詩筒少春雨晴來花事空□□□時
不待謾教鶯燕語東風

茶香庭院一枰棋柳影侵堦日自移因見刺桐花
滿樹等閒憶得故園時

綠波如染帶花流陣陣魚苗貼岸遊日暮畫船歌
霞外詩集 卷之八 十四 汲古閣

舞歇春聲散入錦纏頭
花底飛觴酒浪翻纔迎春至又春殘日斜客散爐
煙盡自洗甕瓶插牡丹

門掩春風柳數株淡黃胡蝶邊蛙聲鄰家稚子渾
無事闌草歸來學釣魚

白頭無意作生涯旋典琴書了歲華有底閒愁消
不盡曉來微雨溼楊花

古碌碌詞

碌碌復碌碌我所思今在空谷空谷幽蘭獨自芳

欲往從之失南北濁涇清渭不用分試聽烏啼丈
人屋宇雲在著太玄經千載寥寥有誰讀何如北
窗一覺睡況乃百年如轉燭不然畱取三百青錢
換美酒爛醉春風歌碌碌

春江言別口占
送子清江卑江煙黯行路易啼山隱春潮長人爭
渡世上無別離何由髮垂素

孟夏
孟夏氣清曠杳然忻北林餘芳散縷縷佳木鶯沈

霞外詩集 卷之八 十五 汲古閣
沈臨流敵南扉采日喧新禽塵務豈云料茲焉酒
煩襟

偶成小軸山水寄仰山長老熙晦翁
南山每獨往問認西隱樓清陰藹喬木天風忽涼

秋歸舟沂平湖遙見仰山月月色如德人萬古光
不減素練不盈尺寫此千里心欲知相憶不明月

是知音

嚴陵釣臺
自整蒲輪出帝鄉客星名字也非常輕將好爵千

鍾貴博得鱸魚二尺強已評錦示榮故里更殊仙
仗謁南陽富春山下雙臺迥青史芳傳萬古香

賦得廬山洗墨池送陳成善記室還山

疏鑿念前修一泓隨矩折千載硯雲香幾度匡山
月慎勿濯素絲素絲光易滅送子惜離襟秋風動
華髮

題陳所翁畫墨色卧龍二首

集霧流雲意匠勞天風鱗甲動霜毫莫教流落人
間世怕有當年葉子高

霞外詩集

卷之八
十六

汲古閣

曾出秦山飲渭川怒風翻浪自高眠如今四海均
霖雨不用拏雲上九天

自營

自營荒園翦蒿萊乞得鄰家菊本栽籬落螳螂搖
露草增除蟋蟀闌秋苔靜拈古帖臨池寫閒把清
樽向竹開鑑物近來知止水莫因兀者笑王駘

送淨慈瑛照二上人往吳興讀藏經

萬法本歸一一從何處得浮漚幻大海起滅波浪
黑燦燦摩尼珠可以照羣惑上人俱妙年頓悟發

英特方外信天遊匪爲名言索悠悠管川水一葦
未書隔霜風切玄冬別我振飛策讀盡大藏教慎
勿留一畫魚兔既入手筌蹄皆長物心天空蕩蕩
觸處極樂國歸來面壁坐不讓過去佛相逢但一
笑笑指山月白

夢黃瀑翁

忽忽逢迎事總虛夢回城柝四更初宜休齋裏窗
前月曾照當年夜讀書

贈筆生二首

霞外詩集

卷之八
十七

汲古閣

井梧分影半遮牆細細風生曉色涼閒寫新詩試
新筆桂花時復送天香

中山老兔觸且蹄采得霜毫健復奇當日若逢回
處士題詩應不用橘皮

題李安忠畫雪岸寒鴉圖

北風萬里吹石裂古樹槎枒摧朽鐵羣鳥啞啞如
苦飢倦飛還向空林歇孤村荒寒得食遠日暮沙
邊啄殘雪同情訴意各有態羨殺畫師心更切我
嘗記得天隨詩至今讀之長激越婦女衣襟便依

舌始得金籠日提挈老鳥老鳥爾身毛羽黑離離
況復人間厭爾啼何不飛鳴丈人屋丈人屋頭春
柳綠

述懷

清風窗戶竹蕭疎几席無塵足自娛囊罄未應慚
北里金銷元不爲西湖大荒今古漚生水萬化枯
榮戶轉樞蠻觸到頭成底事輸他象罔得玄珠

冬日村中卽事

暖釀霜晴打稻聲興來開策短筇吟寒鴉流水岸
霞外詩集

卷之八
十八

汲古閣

容靜矮屋疎籬村意深歲稔雞豚喧野市寺昏鐘
磬出疎林路傍老叟逢人喜似得熙熙太古心

山中雲

山中至樂廬中稀洪濛之氣凝清輝如何白雲不
肯住盡日隨風天上飛須臾影滅風難追望斷孤
鶴歸無期無心有心吾不知負却一段山中奇

題畫雜詩十九首

輕紅淺碧爛斑溼複水重山共春色憑誰喚起鄭
廣文白髮相看話臂臑

山吐白雲雲吐山屋木淡靜天機閒洪荒古意畫
圖在安得著我茅三間

愛畫一生頭漫白人間誰復問營丘高風急雨捲
秋氣浩浩空光隨筆流

四山莽蒼迷行路曉寒壓壓折槎枒樹竹屋柴門晝
不開疑是袁安讀書處

岸水依痕釣艇閒炊煙幾處出蘆灣西窗正是斜
陽好一帶泥金抹遠山

雨餘山色天然好洗盡鉛華任春老羨爾營丘水
霞外詩集

卷之八
十九

汲古閣

墨仙政須不用閒花草

江上白雲連岸起路邊山杏出籬開片帆知傍誰
家宿春色還從萬里來

山水蒼寒起煙霧客船繫在沙邊樹恰如昔日壯
遊時揚子江頭卸帆處

飄風不動江天豁何處歸舟犯空闊大哉宇宙春
無私小草幽花岸邊活

眾色一掃羣峰寒春凝寶永石齒乾山腰殿閣不
可辨髣髴太古玄都壇

月華如小天如空蒼煙遠樹涵秋容筆頭墨盡意
不盡參錯雲山三四重

數點寒鴉水邊村幾家茅屋掩柴門白頭溪叟歸
來晚自把漁舟繫柳根

曉晴江浦生秋水林麓青黃差可喜詩情畫意欲
相高一抹沙堤三十里

輕雲漠漠天影空江村雨過生微風似嫌野外春
淡薄故點桃花深淺紅

北風眼冷搖林莽興盡歸來數聲鷓鴣無人領此一
霞外詩集

卷之八
二十

汲古閣

段奇却向青樓醉歌舞

白雲遙斷重重樹路轉峰回入雲去多應只是鹿
門山不見麗公任何處

春陰淡蕩歸帆急疊嶂層巒疑空碧知是夜來風
雨深村外野橋低二尺

平生每厭重塵喧羨爾扁舟獨垂釣森森眾木水
風涼應有新蟬慰斜照

採菱渡頭秋日晚孤樓隔岸知誰家參差遠樹雜
雲氣滅沒漁舟侵浪花

題青松白鶴圖二首

道人手中五色筆青山拂起秋雲飛秋雲飛去青
山在白鶴一雙來翠微

萬里天風下玉京瑤池宴罷碧桃春歸來城郭還
依舊只有青松是故人

送江西熊履善茂才之金陵五首

洪崖嶺上白雲飛底事君歸未有期慈母手中針
線迹征衫不似出門時

君向秦淮我在吳柴門白髮老西湖書來莫附洪
霞外詩集

卷之八
二十一

汲古閣

喬便只道經年十字無

寒煙蔓草正凄迷虎踞龍蟠舊入詩若問六朝當
日事石頭城下月明知

武林新酒綠於染不及熊郎別意濃正是江南佳
麗地到時春滿積金峰

寥寥古道轉堪憐懶讀殘書入晝眠眼底交朋星
散盡一秋幾作送行篇

霞外詩集卷第八

終

霞外詩集卷第九

西湖春日壯遊卽事 有序

延祐戊午春偶以釣槎之暇因念西湖春日壯遊尚歷歷然肩睫間光陰幾何余矍鑠矣遂成七言二韻詩三十首以寫幽懷後我之生或不我信儻遺老覽之則將同一興感焉

遠湖無處避芳塵
疊鼓紅旗彩鷁新
冉冉春雲來不斷
涌金門外踏青人

霞外詩集

卷之九

汲古閣

霍山廟食慶流虹
民物謳歌樂歲豐
七寶社回呈了馬
年年蹄路雨和風
南屏山色染春煙
路接高峰社鼓喧
第一橋邊春更好
御舟開在翠芳園

問誰偏解占風光
飛蓋金鞍白面郎
山北山南遊欲遍
回船教覓集賢堂

瑞煙祠宇隱垂楊
士女穿花語笑香
三十九賢生翠碣
虛舟亭上借傳觴

鑲玉雕瓊簇闌竿
珠花翠葉纓金監
東家年少貪

遊冶正值明朝三月三

流蘇兩兩挂船頭
繡纈珠簾不上鉤
金縷緩歌家宴靜
午前先入裏湖遊

紫榮春羅窄袖裁
伶人楚楚自談諧
部頭教奏金絃曲
盡向船棚一字排

笙歌蕭鼓沸春濤
耳目難禁應接勞
院落鞦韆誰氏女
綵繩擲起過牆高

綺陌遊人隘暖煙
去年時節賣楊天
隣家兒女婦來晚
買得塘魚折柳穿

霞外詩集

卷之九

汲古閣

萬柳搖金接画橋
一清堂外景偏饒
文章太守開華宴
預報龍舟奪錦標
歌妓娉婷画不成
去年初籍教坊名
新腔翻得梨園譜
喜入王孫喝采來

圖丁花木巧梧棧
萬紫千紅簇綺筵
折得青梅小如豆
獻來還索賞金錢

揅藍染水翠浮山
堤上亭臺錦繡間
花柳禁人攀折去
要畱春色大家看

進餘微露與流香
散落人間任品嘗
處處旗亭招

客醉大書不是趕春場

珍禽翠羽養雕籠列向船頭盡不同憐殺錦鸚鵡

解語喚人提竿避東風

潏灩春波鏡面平扁舟賣物往來輕翩翩鷗鷺翻

晴雪慣聽笙歌也不驚

豪家遊賞占頭船趁得風輕放紙鳶手拍絲輪爭

上下一時回首看青天

乍暖春衫薄似紗少年三五自譚譚醉眠芳草醒

來晚尚覓魚羹向酒家

霞外詩集

卷之九

汲古閣

嬌民技藝也天生關巧搜奇事事能稚子土宜偏

劇戲浪兒黃累十三層

一路亭臺間酒家漸看楊柳綠藏鴉太平官府無

民公補種沿堤四季花

画船過午入西林人擁孤山陌上塵曾被并陽樓

寫盡晚來閒却半湖春

要囑園丁取折枝紅桃白李紫薔薇石函橋畔人

煙晚挑得春光一擔歸

遙看暝色下漁汀金鴨香消酒半醒倒轉船頭元

有意檻邊人報放流星

天街夜市已喧闐半掩城門玉漏傳龍燭絳紗爭

道入湖心猶有未啼船

軟繩罷蹴絲繩低林館鶯聲白日遲處處茶蘼開

似雪不甘便作送春詩

桃杏移春點碧苔柳綿飛盡小池臺憑君莫信啼

鵲語更有花王最後開

送得春歸夏又初名園不放玳筵虛只知富足家

家事肯爲兒孫教讀書

霞外詩集

卷之九

汲古閣

誰家乳燕掠船過小小荷錢出水多梅雨乍晴人

病酒綠陰天氣正清和

慣見升平春復秋分明往事昔年遊西林橋外青

山色幾度夕陽人白頭

短髮

短髮今餘幾浮生一笑嗔置身名教在造物小兒

爲司馬猶三好梁鴻謾五噫黃金畱買賦不必鑄

鐘期

秋深村意

過雨山光入眼明，菊花店舍酒旗新。村墟近市魚蝦聚，禾黍登場鳥雀馴。水驛幾株紅葉樹，溪橋數點白衣人。太平風景真圖畫，長愧詩情寫不真。

歲暮懷友二首

積藳迷山意，殘冬逼髯華。岸梅行的皜，野竹任交加。興盡山陰棹，心冥海上查。故人歸未得，雨雪正天涯。

少壯時難再，沉憂酒被欺。江山客老大，歲月信差池。人事忙中盡，天機靜裏知。存存生意在，翻羨石腸兒。

卷之九

汲古閣

幽居

一徑荒涼長碧苔，竹門斜對遠山開。自操清白傳家譜，不受青黃致木災。穴鼠苦銜詩藁去，溪螯喜薦酒尊來。東籬滿地金錢菊，多謝西風爲剪裁。

安分二首

分明物理非殊不足，無心望有餘往事百年槐。國夢清風千古漆園書，画龍已愧迷真偽。抱甕還憐較疾徐，滿屋秋聲堪隱几。莫驚鐘鼓饗鷄鵠。

一身慵懶老來添，倦汲溪流灌小園。昭諫謾愁花解語，天隨曾聽鴨能言。看雲倚杖知閒極，背郭移家爲市喧。珍重鷄鵠心，自得休因腐鼠嚇雛鶩。

贈漁者

湖山青，湖水碧，白頭漁叟扁舟急。山青水碧竟不知，賣得魚蝦將米歸。沙邊矮屋兒啼飢。

院落

院落閑深靜道遙，情同鳥鳴煙淡花晚春。冥濛道理思慮外，養真山水中。唯當坐永日，領此竹窗風。

窗風

暇日偶寫熙晦翁仇山村偈予陋貌髮髯三老坐松石間傳于短繖長不盈尺就成七言古詩一首奉寄仰山丈席。

晦機老子八十餘，青瞳炯炯霜眉鬚。自動心自如胸中錯落盤經書，別時記得吟詩送。世事區區等春夢，漢無綺皓商山輕。越有鷄夷五湖重，神遊夜遶梅花洲。覺來衣袂清香留，賴有白頭仇博士與我聲氣同相求。招邀三老成圖回，從渠讚嘆

從渠罵不然只作虎溪看他日叢林作佳話

悲哉行

悲哉白壁埋黃壤富貴熏天一撫掌當年吐氣結
成雲如今臥聽松風響

蕭翼蘭亭卷

治國不求難得貨使民爲盜過繇誰松風已閉昭
陵土誰料人間出有時

爲玉岑口侍者賦定巖

疑結先天泥沌胚亭亭八表任風吹要知心外無
靈外詩集

卷之九

汲古閣

巖處不在蒲團宴坐時

送僧入定巖回青鎮密印舊業二首

玉岑聽徹講時鐘夏滿思歸別意濃想得經房秋
色裏薜蘿窗外一重重
海珠僧寶絕塵緣正印全提契密傳聞道昭明讀
書處水光山色似當年

寄題淳安方山長觀雲齋

晝長倚檻書眼開一片兩片山中來無心不肯作
霖雨轉覺清風生釣臺

寄題雁叟徐學正小蓬廬

嚴陵灘前山水綠萬古乾坤一茅屋床頭書滿僅
容膝晚來無處招雲宿主人養浩心自足繇義居
仁慎其獨誰言此室大於斗明月能量千萬斛却
喜門無車馬喧秋聲不離窗前竹

酬知己

自笑謀生拙算年翻百憂古心終不變詩癖死纔
休白髮時消息黃金身贅疣感恩非一飯毫髮未
能酬

靈外詩集

卷之九

汲古閣

挽悅心劉州判二首

故家喬木暝煙愁文物衣冠不易求授業教尊侯
泮日分符老寄浙江州每推詞賦多新語長對湖
山憶壯遊杜宇數聲春夢斷可憐心事負盟鷗
相看白髮重關情誰謂先生便隔生池草入吟驚
昨夢山花對酌誤春行圖書滿架人何在弓冶承
家道自亨五十年來交友意曉風和淚送銘旌

贈皇甫秀士

止水鑒及微圓月光始揭一方可中庭物象逼騷

屑桐江皇甫氏壯歲盛學業其胄唐詩流未下白
傳列源垂百世後疊疊襲芳烈貴賤取諸身索理
詣超越麻衣希夷輩聞見亦欣悅勇退難其人此
語愼輕說

問仰山丈席熙晦機計音

前年哭松瀑我家顏色薄今年哭晦機禪林慧日
落大道甚平夷夫子猶木鐸攢眉聞計音形聲想
如昨驚怪欲狂叫淚下還復閣萬古一滋生安用
鐵鑄錯縮頸慎勿出門外北風惡

霞外詩集

卷之九

汲古閣

簡王仲通明府

曾聞宰邑江陵府汎愛民間說到今馴雉自詣絃
誦樂飯牛不入利名心青春白日庭堦靜綠幙黃
簾雨露深未必伯牙山水意只逢鍾子是知音

題常牧溪山水卷

高林衆木秀延眺極秋闊川明宿霧斂巖迴飛淙
落弱齡見手画此士久冥漠萬里岷峨風空待遼
天鶴

除夜二首

此夕逢除夕春隨綵勝新盤飧寧媚寵斗酒更招
鄰柏葉香仍綠燈花笑不嗔定知能報喜未料白
頭人

竹爆催年換椒香入頌新梅花休笑客燈火故親
人詩憶周南化時驚甲子頻老夫無節序盡日懶
冠巾

雪霽

歲律春仍近寒威老不勝鵲巢拳積雪魚穴凝堅
冰餘酒鄰多厭尋詩檻獨凭通仙在何處感激涕
霞外詩集

卷之九

汲古閣

沾脣

題錢舜舉畫竹萌茄蔬圖

秋茄戀我遺不去飲水曲肱有真意達官日日飽
太官笑我出言蔬苟氣錢公寫生高吳興筆力超
詣森有神視此慎勿貴八珍重茵列鼎聞之嗔所
謂紫駝峰猩猩唇夢想不到林下人但願一飽安
餘齡區區口體之累何足云

淨慈西隱祭晦機和尚

四時有代謝陰陽隨舒萬物具一氣運此環中

樞晦機宗門老貌古山澤臞我了三生緣識自壯
歲初融理貫百氏經書何不効每挹瀟灑志冥心
失憂娛卓錫振叢林挺秀人天懷無有入無間百
體誰親疎區區過耳事臨風一長吁尚想畱別時
踏曉尋吾廬數語發肝肺悠悠戒前途徑仰本一
山片雲隔錢湖秋風兩三至庶得數寄書正爲梅
花洲足以寧君軀胡爲擺世故遺此載神車造化
未形我溘落無所居我形忽已化還與造化俱范
張未達道錯認生死殊但念平生意復惜流年徂

霞外詩集

卷之九

汲古閣

惟予困白首寒巖一枯株既無枝葉累不受春吹
噓感愴謁西隱南屏峙層虛合爪一瓣香隨分營
伊蒲冬交雨雪集魂兮歸來乎松菊固無恙入眼
皆真如詩成流中賜醜縷不暇拘莫罷出門去野
日低寒蕪悲風爲我起躊躇重躊躇

讀唐僧詩

高僧吟興苦吹萬各秋聲著物鬼難測爲客人盡
驚力同千古意氣通五言城輪與無心者輕輕道
得成

題唐十八學士圖

唐家天子尊黃屋大業隆興調玉燭當年十八登
瀛仙弘文日侍分三六兩京初定四海清君聖臣
賢古難續立本圖真亮爲讚遂令書府藏諸憤後
有龍眠傳此本禮樂衣冠激流俗自從淪落向人
間畫手紛紛互翻覆千年事去君莫問畱得青編
遺人讀蕭蕭馬耳射東風長安道上春山綠

爲僧口上人賦鶴山二首

緱嶺春風白日閒上人愛鶴自名山別來莫似遶
霞外詩集

卷之九

汲古閣

東客一去千年始一還

記得嵩陽松樹高採花不覺誤翻巢天風萬里飛
何處老向山中自結茅

謾成四十二首

林間把酒山雞舞竹外支筇野鶴隨醉臥落花春
不管醒來惟有白雲知

松風滿屋散輕濤老圃無心事桔槔曝背簷前趁
斜日怒爭梨栗笑兒曹

徑曲交加鎖竹陰不教寵辱到林扃心閒莫道渾

無事粉落松花汗鶴翎

參天楊柳手親栽一院西風戶牖開落日尚餘三四尺山平水遠看秋來

區區得失付酣歌誰信輩瓢得意多荒逕久無桃李樹不知春事已如何

遠籬綠橘間黃橙離外青山取次橫一陣晚風寒霧斂塔前待得月明生

九日籬根菊未黃無詩無酒惱秋光偶思巢燕歸飛盡自理枯蒲茸草堂

霞外詩集

卷之九
十三

汲古閣

溪蟹初肥濁酒香村南村北稻登場白頭羨殺田翁樂醉向茅簷臥夕陽

小春天氣未生寒綴樹朱欒正入看昨夜海棠開數朵一雙蝴蝶上闌干

新霜尚薄樹聲乾寒水無痕倒浸山知是釣船歸較晚鳩鵲嚶嚶起蘆灣

飽霜紫芋細凝酥旋撥寒灰出地爐慚愧隣家新酒熟客來沾得滿葫蘆

野花芳草三春夢楚水吳山兩地愁心緒晚來禁

不得半身斜日倚江樓

曾向山中靜結廬雲邊煮藥自樵蘇不知白鶴巢松樹占得門前第幾株

世態爭趨向背機眼看朱碧旋成非山桃野杏春猶淺早有青蟲化蝶飛

蕭蕭野老髮垂肩家住湖西杜若煙載得芟根入城賣西風落日滿歸船

草木淒涼露未晞秋蟲瑟瑟漸聲低竹窗夢覺湖光白月在鄰家釣艇西

霞外詩集

卷之九
十四

汲古閣

風琴流響韻虛堂湘簾軟眠水一方靜裏數聲棋剝啄乳鶯深向綠陰藏

眼底紛紛五色迷楚人元不重山雞老夫驚覺槐陰夢悟得南華物理齊

槐柳交陰日正長荷花荷葉滿回塘人間未必渾無暑心地清涼暑自忘

老圃秋光亦可佳淡煙涼月自生涯儘容詩酒酬清事丹桂纔開第二花

珠絡橙橙滿閣垂欣欣節物暖爐時膽瓶小巧偏

堪愛挿得檀梅一兩枝

長憶成人總角年學吟終夜不成眠精神消盡今

頭白祇得詩名不用錢

夜雨膏濃曉又晴熙熙景物象升平啼鶯只在花

開處誰識桑中布穀情

槐陰滿院喧巢鴉密房香老蜂赴衙鄰家艇子釣

魚去水光搖動金蓮花

移榻松陰避月明天河萬里度流星仙遊夢覺蒼

華冷猶聽鶴聲來杳冥

霞外詩集

卷之九

汲古閣

西風吹雨十分涼店舍新篳拍甕香淨洗瓦盆剛

菊本老夫作意做重陽

老我何堪樂自全不將造物強枯槁倦貪眠又過希

夷子一夢人間七十年

枯蒲風急駭棲禽紙帳燈昏坐擁衾門外霜華如

練白不知何處尚鳴砧

飯罷迴廊轉數遭不知積雪重林梢自憐迂僻人

多笑洗竹交加助鵲巢

勝景園西石路平瘦筇扶我過南屏希夷名在菴

何在應是先生睡不醒

北風小雨戒新寒隔水楓林葉已丹莫道閒門知

已少白鷗飛去又飛還

隱隱寒燈竹院深暗風吹雪打窗聲利名不入蒲

團夢一衲蒙頭坐到明

斜陽日日過山坳鐘磬相聞隔水敲生事一盂飯

粥外靜看林下鵲爭巢

燕山楚水曾爲客慣聽霜砧搗月明不似新愁怕

新鴈秋風吹落兩三聲

霞外詩集

卷之九

汲古閣

晴日穿花暖似烘風簷微動玉丁冬山童睡起心

無事所得筇枝補鶴籠

岸柳禁風葉漸疎乍涼還試夾衣初雨添秋水入

籬落閒看鷺鷥行捕魚

酒能醉客心難醉詩解窮人思不窮千古湖山百

年事倚闌分付落花風

芙蓉露溼天宇清星河淡淡蟾蜍明西村知有夜

船過撩亂一羣鷓鴣鳴

雲帶雨歇湖水平五色蟾蜍山邊明唱歌舟子採

菱去十里柳堤蟬亂鳴

煙水微茫沒釣磯物情人事兩依依楊花自逐東

風去空見漁舟日暮歸

送客河橋愴別懷露花煙草見船開傷心不及梁

間燕又逐春風冒雨來

西鄰張樂通宵飲野老耽吟盡日詩總在天機流

轉裏可憐樂處不相知

村中卽事

溪流滴決山回縈村歌牧笛亦可聽岸靜幾枝白

實外詩集

卷之九

汲古閣

苗苗雨餘無數紅蜻蜓遠林風入自成韻野廟人

來時乞靈詩家縛律寫不盡天與萬古開丹青

挽周草庭母氏

幾生種德壽期頤早適儒門備母儀追遠不求黃

面老送終吾見白頭兒堂萱杳杳承顏日風水蕭

蕭防此時莫挽靈輻重惆悵已傳書種到孫枝

碧山書堂

巉巖潤聚洪濛色屹立長空湖海窄翠積松杉重

不開昔日曾栖釣鼇客釣鼇客去凌蒼蒼今人此

地營書堂桃花流水杳然意爲君千載揚芬芳

中秋夜偶成

紫梨紅棗闌芳鮮節物關情亦可憐去住未成爲

客計陰晴不定看湖天百年林下人空老幾番天

邊月自圓夜倚高樓逐清景怕他鶴過有神仙

綠陰

樹色雨餘多芳菲一夢過參天障午日接葉覆官

河畫寂碧雲合風薰翠幃羅倦遊思避影况復正

清和

實外詩集

卷之九

汲古閣

題虎溪三笑圖

無生一曲無人和石池水滿蓮花大揚眉瞬目喜

津津不覺回頭虎溪過叻哉三士皆人豪醉醒不

理柴桑陶傍人若問笑何事向柴枿點廬山高

經故人舊居

物換人非夢一場世情消盡也思量春風門巷經

行處欲倩啼鶯說斷腸

爲吉上人賦半雲

山僧結屋青山麓只有巾瓶伴幽獨分取半間招

白雲日暮莫教嚴際宿

挽松江姚守二首

早蓋朱旛事宦游
歸來聲價滿杭州
民康物阜三年績
子貴孫榮幾世修
紫禁春濃期入覲
玉棺天降已難留
吳松父老懷遺德
掩面西風哭故侯
占得人間樂事全
一門餘慶盡才賢
陰依華冑朝廷重
寵錫金章父子聯
輪奐落成將佚老
瑟琴中斷竟空傳
佳城已卜佳山水
鬱鬱南屏入翠煙

爲會上人賦百川

震外詩集

卷之九
十九

汲古閣

百川日東流
衰衰趨大海
異派同一源
萬古波不改
冷風則帖安
飄風則滂湃
善下無不容
乃得成其大
上人強名號
此意亦有在
彼來既不息
此受非所待
安得本玄虛
作賦訴真宰

午節

晝永風薰午節臨
葵榴此日更精神
謀生已分同芻狗
厭勝無勞結艾人
包黍盃棹遺俗舊
浴蘭兒女彩衣新
老夫不解追時序
靜讀離騷弔楚臣

弭楫

弭楫望清川
寒暄淡將入
候暖葉未變
天回鴈仍急
荒村雞豚瘦
夕露煙火溼
萬物感徂年
軫念追前集
脉脉蘊言外
臨風勉離立

和友人韻

瘦筇便領鶴
欄食任無魚
老去詩多拙
貧來客自疎
巖巖陵終獨
釣枚乘只安
車委命存窮
達吾生亦晏如

和湛淵白州判見寄弔鶴詩二首

養爾山中伴
伯齡偶因飄
瓦便傷生
酒闌尚憶梅
震外詩集
卷之九
二十

汲古閣

邊舞月冷空
遺操裏聲已
斷莊生憂
射矢謾傳周
穆化巡兵
西風一片淒
涼意飽照
才高賦不成
頂丹不得駐
修齡誤却相
期共此生
處士今無隨
野步仙人難
復致蕭聲
曾聞弔墓辭
陶母偶爲乘
軒阻衛兵
幣果玄黃齋
送去華陽
真逸已銘成

河橋別友

短日新霜急
暮年傷心此
別見無緣
孤帆自入寒
煙去知向
何村泊夜船

賦青梅巖隱居圖

龐公不愛入州府自結衡茅住山塲蒸梨炊黍飽
妻兒幽事無人繼前譜梅巖愛山存古心卜築更
向青山深區區世事不挂齒晝夜讀書松竹林永
讓盧鴻傳十志圖此知君有真意山中之樂何其
多白髮心違我應愧

和落紅詩韻

開謝匆匆本化工曉霞吹散失芳叢可堪長吉心
判醉誰悟靈雲色是空趙鵲自傷三月暮詩人錯
恨五更風倚闌獨客愁如海夢入回文織錦中

霞外詩集

卷之九
二十一

汲古閣

題周法師月溪圖

冰霜萬里弊貂裘炊熟黃粱認舊游坐看清溪溪
上月虛舟不動水悠悠

和春晚詩韻

一天飛絮草堂低三月風光爛熳爲僕老種花迷
向背童癡沽酒任醇醪且將白眼聊從俗難覓黃
金可樂飢傳語東君好歸去今年懶作送春詩

霞外詩集卷第九 終

霞外詩集卷第十

題玄覽真人溪月圖

溪風灑露今弦月承雲儼真人之宴坐今存夜氣
之氤氳隘城郭之窅窅今結塵夢而方殷

送自誠真人回秋溪普門舊業二首

新詩吟得送詩僧寺憶秋溪到未能依舊入門風
景在心明不昧佛前燈

歷遍諸方合是歸津津喜色到家時殷勤問訊山
中月曾照青松長舊枝

霞外詩集

卷之十

汲古閣

和王仲道明府隱居詩韻二首

身世誰能定卜居小舟風急信遽條尊臚味美歸
張翰詩禮家傳見伯魚春靜西湖勞杖屨道開白
日且琴書利名蠶觸非吾事滿耳松濤晝睡餘
瘦竹勝巢笑拙鳩倚闌闌爲晚風愁士貧始見身
爲寶齒落纔知古尚柔靖節琴書三徑草玄真蓑
笠五湖秋相逢各自頭如雪指點江山說舊遊

次筠軒詩韻

幽軒列萬竹愜此冲澹襟乃知心跡遠不在山林

深客散動秋影鶴歸分夕陰至樂寓言外任鼓照
文琴

再題白湛淵買宅圖後

靜者貴行止卽事在厥初君家鄉黨敬稱善真不
虛昔我當青年爲君買宅圖清風羅竹樹曲沼陰
遊魚嘉賓杳然至日以清事娛稚川昔移家提挈
何區區少陵得草堂經營三載餘東野亦移家
具少於車君今向人境森爽茸其廬居安則資深
無乃種德歟復見屋下卽箕裘振文儒展卷三十
霞外詩集

卷之十

汲古閣

載撫迹肝膽舒願保歲寒節看教諸孫書

寄平江開元文席思齋江

闔閭城裏開元寺信手拈來敝法筵有道不勞方
外疏任山聊結世間緣化歸檀施僧能說詩出叢
林客任傳截斷衆流江自在思波湛湛碧連天

敬讚純陽真人畫像

自從樹老城南月不把玄機輕漏洩秋風千古洞
庭波是凡是聖從渠說

畫意二十二首

千樹萬樹桃花發三聲五聲鷓鴣鳴溪山春色媚
人眼但見物物生詩情

晴雲冉冉拂空翠草木陰陰生夏寒弭緝攜琴訪
溪叟世塵膠擾知音難

亭亭樓觀藏山坳上有疊嶂爭秋高支筇共語不
知遠轉覺身世輕鴻毛

寒空黯淡飛鳥沒某丘某壑同一色絕憐驢背苦
吟人風雪打頭烏帽側

紅塵梅裏懶低顏石路迢遙入亂山擬向雲邊種
霞外詩集

卷之十

汲古閣

黃獨幾時容我屋三間

山疑太古洪濛氣一道飛泉瀉蒼翠小樓屹立溪
影中應有伊人共幽意

支筇路入諸峰頂回首繁華謝朝槿古來天下多
名山不是終南終不隱

江花江草映江樓寫出江天一片秋隔岸小橋低
數尺淡煙消處見漁舟

石逕盤盤入翠微山腰樓觀白雲飛微茫野外人
煙晚一片風帆何處歸

城中車馬自喧譁江上清風未有涯欲遂平生滿
漉志數椽茅屋傍漁家

千章古木間青紅路接溪橋出算鐘衰老無人賦
招隱山雲更入兩三重

江村日暖春冥濛李花如雪桃花紅山長水遠望
不斷盡在乾坤生意中

吳儂生長浙江干慣見秋濤拍夜灘老去怕風兼
怕水不妨傳入畫圖看

有客騎驢入林麓山深疑是王官谷平生輪與釣
霞外詩集

卷之十

汲古閣

魚翁獨木橋邊結茅屋

江干秋染爛斑樹杖策幽人人雲去應是當年李
謫仙來卜匡山讀書處

數間草屋山煙靜夾岸桃花流水香愁殺武陵回
棹客不知人世幾斜陽

平生丘壑老樓遲敢信毫端爲發揮忽憶楚江江
上見雙帆帖帖帶雲飛

溪翁住處臨溪水一道飛泉翠微裏西山爽氣爭
秋高樓觀參差白雲起

幽人自樂山中趣閒訪山家入山去記得西峰阿
那邊亂雲遮斷無尋處

青青疊嶂摩蒼天下有五湖煙水連漁家小橋雨
新漲扁舟繫傍茅簷邊

江雲晶晶侵林影境會心融發深省可惜長鯨載
利名乾坤清氣無人領

緣溪路滑寒驢遲水色山光總入詩還勝襄陽孟
夫子滿身風雪滿橋時

祖塋冬祀

霞外詩集

卷之十

汲古閣

玄冬萬物瘦拱木自青慙感彼霜露降及茲成歲
功衣裾冒草逕杵釘羅山風慮斷寵辱外神交生
死中念真故洒洒結抱還忡忡音響一何寂道論
嗟無同

偶成

松風寄一衲蕭瑟我相語雲海鷗盟冷名場蟻戰
酣履須經實地道豈事虛談世態從欺老欣欣雪
滿簪

爲膏肓呂高士寄題大瀛海道院

茫茫大瀛海羅絡后土流象山襟臂溪一點波中
浮昔日安期賣藥處至今海月懸高樹丹丘羽人
結瓊居誰道人間隔風雨三山滅沒金銀臺聞有
仙人時往來仙人不可見白髮令人哀安得再拜
訴王母謫仙本是交雲才

挽饒國吳公二首

壽櫟仙翁八十餘泥封初拜大司徒九重恩寵光
瓊圖一段精神炯玉壺子領羣仙天上有身膺五
福世間無更聞蜚蜚傳詩禮輝映鄱陽月滿湖

震外詩集

卷之十

汲古閣

高門善積與恩殊三達稱尊古不如已向晚香娛
歲月更看榮祿表鄉閭耆英社冷虛元老碧落班
催觀帝居玄德真人應壽母長生有鶴下天書

和越僧吉牛雲見寄詩韻

豈有詩才過浪仙設教方外姓名傳句忘雕琢才
幾道理絕名言不與禪野鶴夢迷滄海事高僧吟
老翠微煙刺溪山水閣佳趣爲報扁舟待雪天

題草蟲畫卷

嚶嚶遶遶自知機展卷誰憐下筆時宋得國風千

古意分明一段召南詩

題赤壁夜遊圖

絕壁驚濤故壘西扁舟明月夜何其樂遊不記元
豐事只有臨臯道士知

挽月泉吳提點二首

桑梓同年數不多長懷令德養天和典刑已共推
前輩言語真能入四科心殆玄門傷舊業病侵白
髮動哀歌斯人已矣堪凄斷吾道悠悠竟若何
壯年曾約隱茅峰鵬鷄飛翔勢不同榮被宸恩數

震外詩集

卷之十

汲古閣

教雨晚安琳宇贊玄風漬難忽悟南華旨施藥難
收扁鵲功六十八年多少事泉聲依舊月明中

深靜亭

徑曲藏林表亭孤逼水湄頓忘三伏日潭似入溝
時市遠聲不到魚鰾樂自知可堪文字飲慚愧少
陵詩

和秋日山行詩韻

石路遍秋草朋簪信杖行嶺雲隨眼變野菊向人
明澗水流元氣山風掃世情誰家猶紡績機杼隔

林鳴

春日口占

豪士惜春不惜金老夫得句如得寶固知貧富本殊途各向東風展懷抱

玄教大宗師張真人挽詩

秀鍾河岳氣弧矢射生申龍虎聯真喬山林得偉人垂衣詢道德舉鶴上星辰慶際風雲會光依日月新簪裳沾教雨砥柱屹天津望重山中相經傳席上珍談玄無野褐論道列朝紳琳宇開張盛彤霞外詩集

卷之十

汲古閣

庭錫子頻累朝親眷顧一品出絲綸忽憶三天事俄遺大愚身玉棺下雲外草座失河濱骨俗蒙甄治才涼只隱淪窮猿并向老尺蠖竟難伸涕泗嗟何及名言不可陳天風舊時路回首鼻酸辛

贈別友人

湖海清秋日山林白髮翁未能從上下忍爲各西東老別驚霜草深情引斷鴻天寒物色薄搖落晚來風

讀石田詩有感三首

吟看三數過不覺燼寒燈意趣無非道交游半是僧課書貧自樂相寬夢何曾自後言詩輩苦心終未能

雕搜還不到姚賈是宗風勢立典刑上句存規矩中片雲孤嶼遠寒水夕陽紅此理言難會冥心感化工

悟門難槩入轉讀轉堪傷天地因經緯風騷張紀綱高秋明素髮老菊傲繁霜物化精神在中心何日忘

霞外詩集

卷之十

汲古閣

爲義齋方山長賦青山白雲圖

玄英先生釣鼇手結廬正對桐江口坡陀四面環青山山上白雲終日有青衫博士居臨安萬山遶屋心自閒松竹林中讀書處白雲往往來其間玄英隱處昔曾見出岫無心如有義爲與先生芳譜聯臭味相同故相戀老我嘗得屋數椽鏡塘湖上連秋煙青山白雲夙所愛爲君寫入圖中傳

送僧山雲上人

山僧業在山深處自縛衡茅共雲在何時杖錫下

山來錢塘煙草無心過針芥相投杜德機山雲無
侶又思歸三盃春酒贈行色江上梅花如雪飛

和山村見寄詩韻七首

一檉屹屹自窮年門巷無人問草玄安得雲龍隨
上下還憐鑿枘失方圓聞啼鴉春多恨半落鰓
魚夜不眠萬物去來天理見薰風未必競繁弦
一舉曾聞累十觴即今酒量復誰強聖賢趣在中
清濁鳬鵠天全任短長靜裏支頤觀物化閒來袖
手看春忙功成名遂身須退千載清風綠野堂

霞外詩集

卷之十

汲古閣

山人夢不離山林歸隱蹉跎愧孔賓平淡詩章心
自得空蒙煙雨畫難真室如懸磬那愁盜語不能
神懶向人莫道無金憂不足黃金入眼也成塵
閒愁常同竹平安竹外樓高眼界寬句不孤池
夢草休官猶得隴栽藥浮雲易散傷鄉遠至藥難
成失露盤莫負杖藜行處樂江花江草滿江干
得失悲催較幾何西鄰雖富不曾過昔賢已分安
漁釣貧玄無心在綺羅挺挺松栝禁雪老紛紛桃
李占春多憂來俛仰人間世背立斜陽讀九歌

休將野服染緇塵大患須知爲有身藥餌任從甞
過客是非終不到閒人山中相隱懷弘景谷口躬
耕羨子真午睡醒來春事晚枝頭梅豆已生仁
不成一事費先睡朋友德德喜琢磨千里音書歸
雁少滿城風雨落花多進塔新笋微過竹脫爾春
盤欲變蛾惆悵少陵身老大壯心激越醉時歌

夜坐

青燈照不寐食晏腹猶果開簾知夜分片月依林
墮積雲忽如漆老樹懸神火遊淡遣歡戚意足物
霞外詩集

卷之十

汲古閣

常驚窮達與死生自古非獨我胡爲露電中寸心
空瑣瑣

爲僧賦月巖二首

高巖挺雄姿本根掃地軸青天月飛來炯炯照幽
獨我嘗觀微妙識此真面目理愜心自知慎勿語
流俗

明月無古今寒巖了今古體用元不殊明晦從吞
吐既不昧本根噤能畏風雨持此問虛空虛空定
相許

追和南谷杜真人山居四時詩寄昇元王席

桂菴姚提點四首

滄海雲迷鶴信稀地偏無客款柴扉
碧桃開盡春恨藉日芽采芝人獨歸

石底幽蘭隔澗香新篁楚楚出林長
道人無語倚松坐羽扇不搖心自涼

風瓢歷歷挂松梢慙愧心難繼許巢
昨夜朝真衣露冷殿陰斜月轉蟾均

笑看功名蟻戰酣飢來自挹曉霞食
無端靜裏生霞外詩集

吟興一夜猿啼雪嶺寒

再和

山桃野杏風中稀青山對面開柴扉
家童破曉摘茶去日午穿雲猶未歸

石泉滴滴幽草香日景陡覺山中長
出門倚杖看雲起巖嵒陰風生晝涼

浮嵐半沒長松梢落日正照白鷺巢
他年客我結茅屋定知卜築青林均

蒼苔濁酒凝醺醺山曉人家炊午食
陰雲淡薄不

成雪散落下方風雨寒

和陳仲庸春晴詩韻

一榻寧無坐客趣典琴還辦酒家錢
幾番夜雨東風惡三月清明上已連
汀草乍濃纔見蝶山花正好未聞鶯
趁晴莫惜尋幽步春去春來動隔年

寄題桐江鳳山寺覽雪軒

西湖西畔茅家步鬱鬱喬松宿羣鷺
自從樹老浮雲空夢斷滄洲畱不住
今日桐江江上秋鳳山寺對青林幽
紛飛萬點下晴雪軒窗畫敞明雙眸
物

霞外詩集

色所寓真不偶千古煙波一回首可
憐不見羊裘翁空屹高臺大江口鷺
耶雪耶心巨量倚闌對境還相忘他
日滿林生竹實會看翔鳳鳴朝陽

和蜀僧明上人詠雪詩韻二首

不教禁體犯毫纖詩令還同酒今嚴
村巷漸深愁桂玉山家任密情春鹽
吟餘已怪冰生硯夢覺猶疑月在檐
獨有喬松丈夫氣凌寒特地傲山尖
薄雲猶見月纖纖陡覺寒威夜更嚴
謝女已能吟比絮坡仙休歎食無鹽
聚時曉徑雲生地消處晴

天雨滴檐記得當年天目頂吟鳥帽望西尖

集句遣懷三首

懶慢無堪不出村當年心事與誰論如今老去愁
無限雨打梨花深閉門
紅塵無處不喧譁江上無人轉憶家寒食清明都
過了夜來風雨送梨花
且盡芳樽戀物華猩猩血染半園花東君自是人
間客看到子孫能幾家

送蕭存遠王簿之京

震外詩集

卷之十
十四

汲古閣

交道無故新前哲有明微解后憩寒齋水木交秋
景方君步凌雲顧我髮垂領離情霜柳斷去迤川
途永金臺多故人天風候鳥影

和山行詩韻二首

秋風吹亂山山在白雲間老木忘今古幽人自往
還梓餐罷稱慣樽酒語言閒悵望冲霄鶴家寥不
可攀

今朝風日好有約會詩家路勢依山盡秋聲落雁
斜淒迷孤嶼草滅沒小春花人事堪誰比汀煙薄

似鈔

寄湖山張太監

楓葉蕭蕭霜滿林蒼煙寒結半湖陰三冬書卷千
草雪萬里綈袍一寸心驛路山光歸騎穩天門春
色景雲深終看衣錦行清晝乾鵲枝頭聽好音
村行遺興

物色憐人意逢迎似有期野鶯啼半日山客聽多
時崖蜜積花就村橋架竹爲閒心與閒景未必市
廛知

震外詩集

卷之十
十五

汲古閣

題山陰回棹赤壁夜遊圖二首

夜雪蕭蕭入剡溪高懷忽起故人思當時興盡不
回棹千載誰傳一段奇

穿空亂石驚濤拍月滿孤舟從二客覺夢悲懽總
不真一聲鶴唳東方白

觀周景遠御史題讀雲叔羅教授喜容三首

十年訣別萬山翁翰墨淒涼到眼中軒冕不移湖
海志卽今還有幾人同

仁義根心體數寬常言懶著惠文冠不知墓石誰

人誌潛德應傳後世觀

新城昭諫耳孫枝難泰情親更不疑貌得其成會
著語平生言行只君知

送本初朱提點之玉隆至席五首

風虎雲龍會有期文章道德際清時名山正要名
師任喜捧天書下玉墀

衡道金湯佐上玄袖香常近御爐邊仙人出應龍

沙合合王林泉五百年

自憐學道晚無成華髮蕭蕭不受春多謝東風湖

霞外詩集

卷之十

汲古閣

上柳每開青眼盼陳人

蕉池月冷憶論詩別去無端信息稀袞袞相逢又

相別一江春水看帆飛

笙鶴遙知出郭迎歡聲雷動豫章城碧桃開盡春

山晚驛騎還催上玉京

送姑蘇樵中上人回江陰禪香寺二首

深省楓橋半夜鐘禪香得業早心空無端踏遍錢

湖月又覓新詩送遠公

杖錫秋風去住輕諸方解結慣曾經依然舊業歸

來好庭樹森森柏子青

和黃深翁寄弔龔巖翁畫馬詩

大德丁未黃深翁寄弔龔巖翁畫馬詩因

路雲溪過西江訪李鶴田請同賦明年路

雲溪同杭澤翁首出此卷索和章余於巖

翁久敬不忘故拭淚次其韻以重存歿之

感焉

吾聞曹韓之馬筆力相承如有待能使畫師神色

收一落人間五百年珍襲如今復誰在髯巖貌得

霞外詩集

卷之十

汲古閣

霜雪蹄曹韓無詩不敢齊神龍變化巨易測似聞

展卷空中嘶喝來初放行天步萬里關河夜飛渡

下慚俗馬相驕矜金羈但識西湖路猛氣尚欲起

津沱春風首宿生意多匡廬老仙得此畫迸淚激

越成悲歌歌成惆悵翁仙去價直千金那忍顧殷

勤寫挂墳樹枝不知冥漠能知不

送陳渭叟之涇縣崇玄觀王席

葛翁川上一道土形龐貌古神仙似手持九節瘦

竹筇來覓籌峰計然子計然仙去白雲深又東琴

書尋舊林武林城中訪親故鶯啼燕語尋春算小
將詩酒送平生煙雨西湖掉頭去有才還接謝宣
城羣仙已草新宮銘紫府真官儼環珮金戛玉
相逢近昔年東海釣鼈客白眼看人九州窄涇谿
山水天下奇到今勝處多行迹金鼈峰白鷺洲請
君放意隨天遊山邊水邊見明月爲余問信敬亭
秋

山行口占

一簇人家島嶼煙紛紛兒女闌茶園西峰應有夜
霞外詩集

卷之十

汲古閣

來雨添得門前澗水喧

和張仲舉書齋詩韻

彬彬人物畫圖間一室絃歌白日閒授業儼如承
闕里讀書何必向丘山青雲有路君高步華髮無
成我祝顏看取姓名題雁堦柳條留待贈行攀

偶成

樓頭疊疊來青山開軒爲我一破顏城中合沓十
萬戶奔趨慶弔無時間老夫七十今踰一誰能對
此長戚戚但恨難逢阮步兵眼底看朱却成碧

歲晚喜友人至

之子來何地江山復算冬船明候岸火人靜隔城
鐘野俗傳臯古衰年筆硯慵北風吹正急此別欲
何從

歲暮雪霽書懷

雨雪交玄陰崢嶸送殘歲雪霽湖水潤寒風四山
至林莽就摧折凍雀聲瑣碎魚蝦不足數快意亮
騷華詩翁骨肉瘦坐久白髮脫老竹垂寒空小草
足生意大哉乾坤中萬物自榮悴物理固莫奪慨

卷之十

汲古閣

慷慨心志嘗聞是爲非復見非爲是不如飽煖羊
一覺和衣睡

山居卽事

茅齋低小山意深琴書老龍驚流陰食貧不愧乞
米帖才薄喜無諛墓金兩峰隱約煙冉冉古木擁
腫春沈沈吟梅處士難復見日暮啼傷傷客心

龍虎山彭法師禱雨感應六首

一夏經秋亢旱災稻苗田上盡枯亥生民莫護心
荼毒真士新從福地來

海嶽崇深騰不神宿達箕畢也難憑道傍喝死嗟
何及赤脚徒息可踏冰

真士能推濟物仁夜通封事格天臨扶搖九萬誰
云違響各惟存一寸心

載展玄旗結晝陰令牌三擊鬼神聽木郎不待商
羊舞雨脚浪浪似建瓴

雨勢翻空走迅霆萬人回首沸歡聲秋風會待登
場日比屋炊煙樂太平

教行正一關真風雷令初傳出異宮一滴天瓢蘇
霞外詩集

萬物可憐真宰不言功

挽趙天錫都事

白髮星郎學問精大江南北播芳聲治家道在持

心正佐肖人稱泣事明萊氏逸妻先易黃徐卿令
子已成名綠波春草靈輻去淒斷鄉中父老情

挽鄉友徐和甫教諭

同里同年值德鄰南州高士定前身病懷猶說科
名事友誼渾如手足親子姪團樂家有慶膏肓上
下藥難神虛堂他日重相過弔影驚心是古人

湖上春日遺興六言

夢覺笙歌聲裏人老湖山畫中花意欲同夜雨詩
情不讓春風

夢中彷彿聽吹笛
湖上春日遺興六言
夢覺笙歌聲裏人老湖山畫中花意欲同夜雨詩
情不讓春風

霞外詩集

卷之十

汲古閣

霞外詩集卷第十

